

acheté à Paris le 4 janvier 1750. L.
ma. Conté 10" 3/4. Crouff



De Gerillan

13185/B





55450

DE

URINIS ET PULSIBUS,

DE MISSIONE SANGUINIS,

DE FEBRIBUS,

DE MORBIS CAPITIS,

ET PECTORIS.

OPUS

LAURENTII BELLINI,

DICATUM

FRANCISCO REDL

CUM PRAEFATIONE

HERMANNI BOERHAAVE.

CUM INDICE LOCUPLETISSIMO.

EDITIO QUINTA PRIORIBUS CORRECTIOR.



Jak. Houbraeken sculp.

Corou

LUGDUNI BATAVORUM,

Apud JOANNEM KERCKHEM, 1730.

URINIS ET PULSIBUS



MAGNIFICO

CLARISSIMO ET EXCEL-
LENTISSIMO
VIRO

VARIA DOCTRINA ET EXI-
MIA ERUDITIONE

INSIGNI
PER ORBEM TERRARUM
CELEBERRIMO
ARTIS MEDICAE

PRINCIPI

D. HERMANNO BOERHAAVE,

A. L. M. PHIL. ET MED. DOCTORI

MEDICINAE ET COLLEGII

PRACTICI IN ACADEMIA

LEIDENSI PROFESSORI

COLLEGII CHIRURGICI

PRAESIDI

H. T. RECTORI MAGNIFICO

OPUS HOC
LAURENTII BELLINI
DE
URINIS ET PULSIBUS
DE MISSIONE SANGUINIS
DE FEBRIBUS
DE MORBIS CAPITIS
ET PECTORIS
QUAM POTUIT NITIDISSIME ET
ORNATISSIME
EJUS EXHORTATU PRAESIDIO
AB INTEGRO EDITUM
IN OBSERVANTIAE EJUSQUE NOMINIS
EXISTIMATIONIS TESSERAM
OMNI QUAE R EST
ANIMI R VERENTIA
HUMILLIME OFFERT ET DEVOVET

JOANNES VAN KERCKHEM.

LECTORI

HERMANNUS BOERHAAVE.

S.



AURENTII BELLINI, Viri in disciplinâ medicâ Clarissimi, Scripta de Urinis, Pulsibus, Febribus, & Morbis, iterum in usus evulgari publicos spectas. Neque verò mireris: præstantia operis eximii ipso rerum usu sapientibus ita se commendaverat, ut exempla, vel necessitati impensa medicae, vel in ornatum bibliothecarum rapta, ubique deficerent. Licet autem prior Hetrusca editio, atque geminata Germanica, tam locupletem suppeditasset eorum suppellectilem, tamen ne sic quidem comparari magis poterant. Interea loci Juventus Academica, quae Medicis navat operam, librum hunc quaerebat avidè. Rectè quidem! Aliis enim potius, quam hoc Auctore, careat. Fragitabat igitur necessitas, ut Illustris Viri, quotidie in privatis publicisque adeò commendati, monumenta à nuò typis excuderentur. Quum verò operis pulcherrimi dignitas simul postularet emaculatae nitorem chartae, typi elegantiam, atque procurationem emendatissimae scripturae, cura fuit omnibus hisce quam diligentissimè prospicere. Prioribus enim satis cautum fuit à Typographo; At-

* 3

que

P R A E F A T I O.

que ita fas erit deinceps majore cum voluptate animi egregium evolvere opus, commodisque adaptare cuique propriis.

An etiam necesse erit, utilitatem ejus praedicare verbis? Nequaquam. Satis semet prodit intuenti versus vel paucissimos. Imô verô satis orbi Medico dudum innotuit. Unum verê dixero: in totâ disciplinâ Medicâ reperiri neminem, quem jure huic praeferas, vix unum forte vel alterum haberi, quem comparare Illi liceat. Meruit sanê, vel aemulorum suffragio, laudis tam singularis encomium casta veritas, utilitasque summa, quae librum ipsum decorant. Enimverò; ut lex inviolabilis scientiarum, quae Physica edisserunt, requirit fidam rerum, omnimolimine investigatarum, enarrationem, atque dein severissimam quidem ex hisce solis disputationem rationis, ita nusquam magis illud necessarium habetur, quam in Medicinâ. Ecquis enim aliter sentiat? nemo sanê, cui animus est in rem ipsam intueri. Est scilicet Medica ars Physices immensae exigua particula, fateor, sed momenti profectô gravissimi habetur: pendet inde vita, sanitasque hominum. Quis igitur mortalium aequo ferat animo, alias Physices partes magno quidem cum emolumento binis istis adminiculis fultas promoveri, Medicinam solam carere iisdem, aut minus certis legibus coli? Vindicavit utique rem Medicam quam acerrimê hâc in parte Egregius Bellini: utpote princeps habendus inter Illos,

P R A E F A T I O.

los, qui severitate castissimâ praescriptas leges observaverunt, Auctores. Id verô ipsum ne gratis dici appareat, juvat spectare propius ea, in quibus prae caeteris eximius celebretur. Magnam sanê laudem Auctor bonus meruit, dum in corpore humano, cujus inquit & describit morbos, omninô nihil fingit subtilitate speculationis, nisi quod pulcherrimae Artium Anatomies demonstratione patet; rursum verô omittit nihil, neque negligit, quod industriâ & fide Anatomicorum verê perispectum cernitur. Haec certa, haec una, est via, quâ itur ad fidem. Hanc ideô ingressi sunt, perque eandem progressi, recentiores imitati Veterum praestantissimos Herophilum, Erasistratum, Galenum. Favet autem Belliniano in hisce genio oportunitas rarissima; in aulâ quippe Hetruscâ Illustres, Franciscus Redi, Marcellus Malpighius, Joannes Alphonfus Borellus, Nicolaus Steno, Claudius Uberius, Finchius, Faba, diurnâ operâ & nocturnâ incidendo humana cadavera, & brutorum, praecepto, & exemplo animabant satis Tironem tum Bellinum, ut pulchra paribus passibus vestigia figens viam sibi panderet ad aeternam gloriam. Neque verô sprexit Auctor, sed legendô, spectando, incidendo, speculando, eousque nobile ingenium excoluit, ut in Anatomicis Magnus appellari mereatur. Quis enim meritâ eum hâc laude fraudet, qui opuscula de Renibus, organo gustus, respiratione, atque ovo, acri cum cum judicio expenderit. Hincque in omni
par-

P R A E F A T I O.

parte operum, quae evulgavit, arcana quaeque Anatomes spectantur, nihilque unquam de usu partium naturali, de morbis earundem profertur nihil, nisi quod perfectè congruit verae partium, quâ à naturâ formatae deprehenduntur, fabricae. Neque obtinere potuisset id ipsum ex vulgatâ secandi methodo, nisi & experimentis de composito institutis ad propositum singulare usus fuisset, quam nobilem Artis partem subtilissimè etiam excoluisse ubique certè cernitur. Utinam igitur Summi Viri Scripta anatomica, quorum toties mentionem fecit, quorum tantum desiderium excitavit omnibus Bonis, juris fierent publici, cui se eadem destinasse in opere de Ovo tot diversis testatur locis! Alterum, in quo Belliniana opera excellent, in eo quidem spectatur, quod Chemiae peritia penitissima aptum reddiderit Virum, ut se penetrare posset in indolem humorum, qui corpore humano coerciti id movent, mutant, vivificant. Examina, quaeso, attentus illa, quae de fermentis conscripsit in libellis ad Pitcarnium, invenies sanè profundissimae Chemiae penetralia ita Huic detecta fuisse, ut verè modum tenuerit, quo apertissimè pulchra illius inventa Medicis applicari summo cum fructu queant. Sed quid opus pluribus? quam sincera est hujus Artis applicatio, quae opusculum de Urinâ examinandâ exornat & perficit! Verum, si bina haec, Anatomes atque Chemiae, auxilia excellere fecerunt Scriptorem nostrum, tertia hisce haud temerè cedit industria

egre-

P R A E F A T I O.

egregia, quâ ex Optimis, fidis, perspicacibus, diligentissimis, Auctoribus perspicacissimè, diligentissimè, & fere avarissimè collegit omnia, quae illi in causis, ingenio, effectis, mutationibusque, morborum & remediorum observaverant. Quae dein non tumultuario opere, at hercle acerrimâ attentione animi, ex lege naturae in verum digesta ordinem sic excussit, ut forte inter Scriptores Medicos difficulter ullum reperiās, qui tantum operis tam felici successu in placitis & inventis Veterum posuerit. Hinc enim rarum hoc merito suo encomium reportavit, quod in indagandâ morborum naturâ ab ipsa inceperit naturâ, nec fingendo, sed observando, non mutando, sed indagando, non amplificando, sed enarrando, apparitiones horum varias exposuerit, atque ex iis demum aggressus sit ingenium abditum detegere, eventa praevidere, atque invenire remedia. Interea tamen, licet optima haec laudes, aliis forte communia dixeris; id verò in quo egregiè prae omnibus se jactare, in quo seriò illi triumphare, licet, est quod actiones hominis sani, aut aegroti, experimentis deprehensas, juxta inviolabiles Mechanices leges explanaverit ex datâ corporis fabrica atque detectâ conditione humorum. Observavit certè tantam in his castitatem, ut rarissimè equidem admiscentem deprehendas quidquam, quod à rerum naturâ alienum, precariò asfertum, vel ex obscuritate dubium, appellare fas sit. Neque tralatitia in hisce successuum fortunâ fuit usus,

P R A E F A T I O.

fus, ita vero profecit, ut ardua tentans suffecerit,
 dumque ex difficillimis nihil remitteret intentatum,
 pulcherrime interim ubique reportaret victoriam.
 Non enim in eo reperias unius, alteriusve, actionis
 explicationem mechanicam, structurae corporis con-
 gruam, sed vel omnium fere, quae in sanitate aut
 morbis apparent, phaenomenon reddit rationem ve-
 ram, Legibus conformem Harvaejanis, vel ita tra-
 dit fundamenta, ut caetera inde sponte fluant, nul-
 loque toediosi laboris fastidio inveniantur. Com-
 pendio dixi, quae Auctoris excellentia sit. Quae
 verò Alii hâc in matetie detexerunt, horum sanâ ma-
 ximam & Illi gloriam deberi fatebitur, quisquis pe-
 ritia judicandi valet & candore. Solus quippe Hic
 ubique profert, quae Mechanices Legibus & circui-
 tus Harvaejani obnoxia; dum reliqui hinc inde pro-
 ferant quid, quod minus illis consonum. Vera in
 hisce me protulisse fatebitur, qui intento haec libra-
 vit animo. Vos igitur, Optimi Medicinae Tirones,
 hunc nocturnâvolvite atque diurnâ manu, discite
 Auctoris Boni sensa ut vera elementa artis, atque u-
 tamini disciplinâ Illius ut exemplo, ad quod compo-
 natis animos Vestros, ut laboris feratis pretium,
 quod habetur summum, salutem humanam industriâ
 vestrâ promotam fuisse! Valete! Lugd. Batav. 7. Ju-
 nii, 1717.


FRANCISCO REDI PATRITIO ARRETINO

Viro gravissimo, amicissimoque

Et in Medicina facienda

Praeceptori suo amantissimo

LAURENTIUS BELLINI Bene-Agere.

GO Tecum liberaliter, Praeceptor Optime, ut cum decere judico, qui & genium tuum noverit, & sit honestis moribus assuetus, & ex Clientibus tuis esse, atque haberi velit. Tibi quidem nuncupo medicum hunc laborem meum; non tamen nuncupationem mihi esse volo occasionis loco, qua mihi licere arbitrer tuarum laudationum seriem importune persequi, tuique nominis Auctoritatem adstruere amplitudine titulorum. Faciant haec quicumque nullo necessitudinis, & amicitiae, nullo officiorum vinculo Tecum conjuncti sine assentationis suspitione de Te magnifice loqui possunt: ego vero, quem vel ab ipsa prima adolescentia mea optimis quibuscumque artibus tibi demereri nunquam desisti, quam

91 * * 2

D E D I C A T I O.

quam facile audirem de re mea cogitans assentator, quasi de Te non ad veritatem loquerer, sed ad augendam, vel confirmandam benevolentiam erga me tuam, vel ad illam referendam gratiam, quam mille singularem beneficiorum reus, cum re non possim, ineptissime referre inanibus verbis, & fictum aliquid admirabile de Te sonantibus cogitarem. Quanquam tollit quidem omnem de Te falsae laudationis suspicionem communis ille consensus omnium gentium, quo ubique diceris in omni genere eruditionis, in omni splendore doctrinae, in omni gravitate sapientiae, prudentia, consilio, morum suavitate, integritate animi, constantiaque singularis, ut nihil memorem, unde exultat Hetruria tota, priscam majestatem cum simplicitate conjunctam, quam Arti Medicae conciliaverat Hippocrates, & succedentium temporum conditiones labefactaverant, & penitus everterant, tanto cum plausu Bonorum omnium, tanto fremitu imperitorum, cum tanta hominum utilitate tua opera restitutam. Sed cum per familiaritatem tuam noverim, quantum commovearis, & qua aegritudine animi sentias, frustra esse moderationem tuam contra illam gloriam, & praedicationem Nominis Tui undecunque personantem, facile intelligo gravissimum Tibi fore, si Tui studiosus, & familiaritate, atque officiis Tibi conjunctissimus in eas laudes irem, quibus assuescere, licet virorum omnium, & nihil Tecum communionis habentium, & publica autoritate confirmatis, sine quodam honesto dolore non possis. Quare cum hinc injuriam facerem moderationi animi tui, illi maxime fugiendam, qui Clientelam Tuam unice incolendam suscepit, illinc facile subire possem Assenta-

to-

D E D I C A T I O.

toris notam honesto viro prorsus indignam, si de Te, Tuisque facultatibus verba facerem, ut illas partes adimplerem, quas & Clientis, & liberaliter instituti, & genio tuo non adversantis esse debere, minime dubito. Te huc advocare constitui, non ut pompam Tuæ Amplitudinis adornarem, sed ut neminem latere possit, cum esse me, qui Tibi tantum debeam, *quantum hominem homini debere vix fas est:* tantam esse video multitudinem, atque præstantiam meritorum, quibus me cumulare voluisti, quoties per Te factum animadverto, ut de Sanitate cogitare, ejusque reparationem, & conservationem moliri, nec infeliciter assequi, Rem nempe Medicam facere potuerim, qua ad inveniendam apud homines gratiam, ad dignitatem augendam, ad fortunas amplificandas nihil est, quod accommodatius concipi unquam possit. Quis enim est, qui non clamet, Sanitatem quocunque pretio redimendam esse, aut quis non videt illius Praesides Medicos versari in ore, atque oculis omnium, coli ad instar Deorum, & haberi loco Numinis cuicunque ordini hominum, Plebeiis aequæ, atque Patriciis, Optimatibus, Principibusque, cum plane omnes intelligant nullam sine fanitate felicitatem esse, non in conviviis, non in conjugiiis, non in divitiis, non vigere in exercitiis robur, non securitatem in Populis, non in Regibus authoritatem, pacem, ac tranquillitatem, adeoque nihil homini ab homine tribui magnificentius posse, quam disciplinam fanitatis, ejusque reparandæ, conservandæque facultatem. Sed de his hæcenus. Extet hoc benevolentiae erga me Tuæ, observantiae erga Te meæ monumentum sempiternum, nisi immor-

Cicero.

Ex Paeanæ
Aripheonis
in Sanit.
apud Athen.

DEDICATIO.

Tacitus.

Plinius
Se.
nior.

Cicero.

talitatem audacius auguror rebus meis: atque omnes
intelligant, ad quorum cognitionem meae hae com-
mentationes pervenerint, non esse nos ex eorum ge-
nere, *quibus beneficia eousque laeta sunt, dum vi-*
dentur exsolvi posse, ubi multum antevenere, pro
gratia odium redditur, sed inter eos, a quibus be-
nignum existimatur, & plenum ingenui pudoris fateri
per quos profeceris, & cui multum debeas, eidem
plurimum velle debere. Vale diu, & me, quod fa-
cis, ama.

FINIS.



LAU-

LAURENTIUS BELLINI

AD LECTOREM.

AGitur in his commentariis, ut ex te ipso vides Lector, de iis, quae in Re Medica majoris momenti sunt. Singula ex sua necessitate deducere nitimur: & oh utinam tanti fuissent vires nostrae, ut quod conati sumus, re ipsa consequi valuissent! Tuum erit, quicumque es ingenio felicior, judicio acrior, illam palmam arripere, cui nos fortasse frustra inhiavimus, nec nobis interim parum videbitur monstrasse viam, cui in Re Medica neminem haecenus instituisse novimus. Si quid inveneris, quod aut non penitus abjiciendum, aut minus contemnendum judices, id ego totum debeo iis laboribus, quos equidem immensos sustinui, ut expirer, quousque progredi per me liceret in disquirendo, quid sit Animal, & quo pacto in eas operationes veniat, quae solum pendent a necessariis motibus instrumentorum. Quousque progredi in ejusmodi disquisitione per me licuerit, suo etiam tempore noveris: interim ne tibi negotium faciant, quae in hisce nostris ad Rem Medicam pertinentibus ex eadem illa disquisitione deduximus, habere summa aliquot capita earum rerum, quae a nobis in Animalium Operationibus exponuntur.

Ex iis quae ad motum Sanguinis.

1. *Datus vulgaris circuitus sanguinis.*
2. *Sanguis erumpens e sinistro sinu Cordis nititur quidem in utramque truncum arteriae toto momento velocitatis, quam a Corde concipit: non tamen eodem toto momento fluit per arterias, sed excessu ejus supra momentum resistentiarum intra easdem arterias occurrentium.*
3. *Velocitas sanguinis per arterias, quarum origo a partibus truncorum magis proximis Cordi major est velocitate per arterias, quarum origo a partibus truncorum magis a Corde remotis.*
4. *AEquales ejusdem liquidi quantitates aequalibus velocitatibus per aequalia temporis intervalla in canalem conicum a basi versus verticem influentes, continuum ejusdem liquidi fluxum intra canalem constituunt, & ejus velocitas in singulis sectionibus semper perseverat ad sensum eadem, alterni illi influxus quantumcunque repetantur, nisi spatium temporis inter utrumque influxum fuerit*

LAURENTIUS BELLINI

- rit longius tempore, quo impressus impetus ad sensum minuitur.*
5. *Iisdem positis, quanquam fluxus per canalem continuus est, effluxus tamen per emissarium non est continuus, nisi impetus liquidi ad emissarium sit major momento cohaesionis, quo partes effluxuri liquidi cum partibus intra canalem succedentibus mutuae divulsioni resistunt.*

Ex iis, quae ad motum liquidi per Nervos.

1. *Datur liquidum in nervis igne concreescens.*
2. *Ejusmodi liquido nervi semper in naturali statu sunt pleni, fluitque per ipsos continuo quidem, sed lentissimo fluxu a cerebro versus partes, & a glandulis cerebri derivatur. Per cerebrum autem etiam spinalem medullam intelligimus.*
3. *Vis praecipua, qua liquidum nervorum a cerebri glandulis exprimitur, & per ipsos in fluxum agitur, est pressio proveniens a dilatatione arteriarum piam Matrem intextentium, & etiam intime totum Cerebrum intercurrentium.*
4. *Sinus, sulci profunde excavati, ac flexuosi, & laminae tenuiores ad contactum positaе in Cerebro, demum tota compositio ejus in Animalibus, insigni quantitate cerebri praeditis, cum pia Matre tam artificiose circumducta, eo spectat prae caeteris, ut superius exposita pressio habeatur, absque eo quod cerebri corpus in discrimen dissolutionis veniat.*
5. *Et si liquidum nervorum continuo fluxu per ipsos fluit, in partes tamen corporis, in quas nervorum emissaria hiant, non excidit. continue, sed alterne, nec necessarium est, ut tempora inter utrumque effluxum sint in singulis partibus aequalia, sed possunt esse majora, minora, ac tam frequentia, ut effluxus continui videantur, & effectus ab iis provenientes re ipsa continui sint. Haec autem pluribus de nominibus contingant oportet, & naturaliter, & per assuetudinem.*
6. *Etiam in musculos omnes, tam scilicet contranitentes, quam contranitentibus destitutos excidit liquidum nervorum alterne, & in utrisque vim suam exerit, sed in musculis ex aequo contranitentibus irrita est, in reliquis non item.*
7. *Liquido cujuslibet ex confluentibus nervis refluxente versus originem, in quemlibet ex confluentibus derivetur necesse est quantitas sui liquidi naturali major.*
8. *In contractione musculi fit refluxus liquidi per nervos, qui per ejus-*

AD LECTOREM.

- ejusdem musculi villos & distribuuntur, & tanto quidem impetu, ut partes seriei refluentis superent ex se ipsis momentum, quo partes seriei succedentis naturaliter inter se cohaerent.*
9. *Pertingentibus speciebus sensilibus ad nervos sensuum externorum fit refluxus per eosdem nervos, & tanto quidem impetu &c. ut in praecedenti.*
 10. *Liquidum in nervis contentum refluit semper undatim, sive refluat pertingentibus speciebus sensilibus ad nervos sensuum externorum, sive contrahente se musculo: a refluxu ex se ipso quiescit, & antequam a refluxu quiescat, fluit per eundem nervum, refluatque saepius fluens, refluensque semper undatim.*
 11. *Liquidi, & nervorum continentium tremor diversus est, prout diverso momento contrahitur musculus, aut species sensiles ad ipsos pertingunt; & in momento quidem majori tremor componitur ex undis densioribus, & breviori tempore oscillantibus: in minori autem ex rarioribus, & temporis longioris.*
 12. *Tremente uno nervorum tremant confluentes omnes oportet.*
 13. *Undante liquido pars ejus liquidior, quae spiritus dici potest, a centris singularum undarum ad usque superficiem nervi per ambitum undecunque, & confertim extruditur, & est eadem cum illa, quae ex eodem liquido naturali perspiratione perspirat.*

Ex iis, quae ad motus Musculorum.

1. *Villus ad alterum sui terminum immobilis, ad alterum ossi circa centrum aliquod revolubili ita oblique fixus, ut acutum angulum ad partes ejus centri constituat, in contractione aut eundem obliquitatis angulum non servat, aut divellitur, aut os, cui affigitur, flectit, aut disrumpit inter centrum & punctum inhaesionis.*
2. *Ut os circa centrum aliquod revolubile moveatur per contractionem villi, oportet ut alter villi terminus ossi affixus moveatur eodem tempore, & per lineam rectam versus alterum sui terminum immobilem, & per circumferentiam circuli, cujus centrum idem immobilis terminus, seu ducatur per spiralem quandam.*
3. *Sive recta, sive ita oblique villus affigatur ossi, ut obtusum angulum ad partes centri constituat, ad utramlibet partem in contractione spiraler moveatur, circumvertere os, cui affigitur, non poterit: neque ipsum poterit circumvertere, si quanquam constituat acutum angulum ad partes centri, moveatur spiraler ad partes obtusi: poterit autem, si ad partes acuti convertatur.*

4. Fa-

LAURENTIUS BELLINI

4. *Facultas villum contrahens ejus esse debet conditionis, ut eodem tempore per eandem rectam lineam ad oppositas partes nitatur.*
5. *Villus eodem tempore in oppositos terminos niti, contrahi, & circumverti non potest per principium intrinsecum partibus suis.*
6. *Villus eodem tempore in oppositos terminos niti, contrahi, & simul circumverti ad acutum angulum per pressionem medii, in quo supponitur, non potest.*
7. *Ad eundem motum villi conducere nihil possunt effluvia extrinseca quaquaversum vagantia, ac penetrantia, nisi prius alia facultas in villum intime influens ab internis ipsius partibus versus superficiem nitatur; id autem cum contingit, tantum est momentum ejus facultatis ab internis partibus versus exteriora nitentis, ut quicquid vi effluviis quasi totidem cuneorum tribuitur, ab illa solum re ipsa habeatur, & proinde cunei illi exterius irrum-pentes omnino fictitii sunt.*
8. *Subitam, ac violentam villi contractionem, nisumque in oppositos terminos ad voluntatis, aut appetitus imperium, nec fieri posse per solum impetum, aut quantitatem sanguinis in villum fluentis, neque per solum impetum, aut quantitatem liquidi per nervos, neque per confluxum utrorumque simul.*
9. *Licet ad imperium voluntatis, aut appetitus cresceret impetus, & copia liquidi per nervos quantumlibet, non tamen id esse potest incrementum, quod satis sit subitae, ac vehementi contractioni villi &c.*
10. *Subita, ac violenta villi contractio, nususque in oppositos terminos fit per influxum liquidi subito rarefcentis, aut quaquaversum sese cum impetu in bullas innumeras effundentis. Oportet autem liquidum influens fit tantae molis, ut cum rarefcit, aut in bullas effunditur, ipsius partes per universam villi longitudinem, amplitudinemque se premant.*
11. *Motus villi, rarefcente intra ipsum, aut se in bullas effundente liquido, componitur ex contractione per longitudinem, & distractione per amplitudinem: cum villus in suam longitudinem restituitur, contrahitur per amplitudinem, & causa hujus contractionis breviter indicatur.*
12. *Dum villus contrahitur, imae ipsius partes haerentes ossi ab eodem osse divellentur, & in obtusum angulum trudentur, nisi facultas aliqua contranitur, eamque extrusionem impediat, & quae esse debeat ejus impedimenti positio.*

13. *Id ipsum exemplo confirmatur, & villus totus cum retinaculis alternis ad extrema, & aequidistantibus constituitur.*
14. *Villus dum per longitudinem contrahitur, terminos, quibus affigitur, non adducit invicem, sed abducit, eodemque tempore fit major.*
15. *Contractio villi duplex est, naturalis altera, quam necessariam etiam in posterum appellabimus, ex appetitu, & voluntate altera: quid utraeque differant, & quo pacto contingant, & liquidum nervorum, est, quod subito rarefcit, & in bullas effunditur: causa autem, cur rarefcit, aut effundatur in bullas, est effusio, aut permixtio ejus cum sanguine, vel particularum, quae ab utrisque iis liquidis, vel eorum alterutro intra villum separentur.*
16. *Villus contractilis naturali contractione alterne contrahitur, & per intervalla quidem aequalia: voluntaria autem, aut per appetitum continue, & per intervalla aequalia, inaequalia, minora, majora, prout opus est.*

Ex iis, quae in prima parte Respirationis.

1. *Sive alteruter, sive uterque superiorum intercostalium, non autem simul inferiores contrahantur, compages pectoris solvitur.*
2. *Ne per contractionem intercostalium superiorum compages pectoris solveretur, disponi iidem intercostales non nisi subcontrarie poterunt, & ad quem usque terminum.*
3. *Utroque ordine intercostalium, superioribus scilicet, & inferioribus eodem tempore se contrahentibus centrum gravitatis uniuscujusque costarum, quae inter primam, octavamque continentur, extrorsum oblique convertitur, nec compages pectoris solvitur.*
4. *Ne per contractionem utriusque ordinis intercostalium universa compages pectoris solveretur, unicuique costarum ad sternum non pertinentium ita debuit affigi musculus, ut per ejus contractionem extremae inferiores, interioresque uniuscujusque ipsarum partes oblique extrorsum converterentur, & septum transversum est ejusmodi musculus.*
5. *Ne compages pectoris solveretur, costae ad centra suspensionum iis instrui musculis debuerunt, per quorum contractionem adigerentur leviter introrsum ad partes abdominis eodem tempore, quo per contractionem utriusque ordinis intercostalium, & diaphragmatis eadem costae convertuntur extrorsum: & ad vertebrae quidem costae omnes ejusmodi musculis instrui debuerunt, ad sternum vero illae solum cartilagine, ad quas momentum intercostalis in-*

LAURENTIUS BELLINI

ferioris majus est momento superioris. Triangularis autem, & Sacrolumbus sunt ejusmodi muscoli.

6. *Ne compages pectoris solveretur, unaquaeque costarum ad sternum usque pertingentium constare non potuit ex solido osse a vertebis ad sternum usque continuo, neque ex pluribus ad se invicem non inclinatis, sed per eandem armillam dispositis, aut quamquam inclinatis ad invicem, in sternum tamen non nitentibus, sed constare solum potuit ex duabus portionibus etiam in sternum nitentibus, quarum aut utraeque quidem rigidae ex osse, sed ad aliquem terminum inter sternum, & vertebrae in mobilem articulum concurrentes obtuso ad partes capitis angulo; aut altera solum rigida flexili alteri ex cartilagine, aut tenui osse ad eundem terminum, angulumque cohaerens.*
7. *Ille terminus, ad quem concurrunt utraeque singularum costarum partes, debuit esse alter, & anterior eorum, qui in oppositarum suspensionum centra nituntur, hoc est, ad quem desint musculus intercostalis exterior: anguli, qui ad eos terminos constituuntur in unaquaque costarum sibi ad partes abdominis succedentium, debuerunt esse minores angulis in unaquaque praecedentium ad partes capitis; sed cartilagine, & costae eodem ordine longiores. Distantia autem connexionum cum sterno inter duas quasque cartilagine sibi ex ordine ad partes abdominis succedentes debuit esse minor distantia earundem connexionum inter duas quasque praecedentes ad partes capitis, nec omnes cartilagine ad sternum usque pertingere potuerunt. Iis autem, quae ad sternum usque pertinebant, simili longitudine, & inclinatione respondere debuerunt posteriores osseae costarum partes affixae vertebis, & hae iisdem vertebis affigi non potuerunt simplici, sed duplici suspensione.*
8. *Costae omnes utriusque lateris sive pertingentes, sive non pertingentes ad sternum, ne prima quidem ad partes capitis excepta, simul moveantur oportet, hoc est, eodem tempore contrabantur, quotquot hactenus exposuimus musculos: prima autem costa similiter, ac reliquae omnes extrorsum oblique convertitur, & in eum quidem motum venit partim per contractionem primi ordinis intercostalium, partim per motum sterni, quod costarum musculis se contrahentibus truditur ab iisdem costis oblique extrorsum.*
9. *Cartilago primae costae ad partes capitis debuit adnasci sterno, seu cum ipso cohaerere sine mobili articulo: reliquarum vero ad sternum usque pertingentium mobiliter, & ex adverso, atque*

ita

ita cum eodem articulari, ut centra suspensionum essent ad eandem Ellipsin, quae per eadem centra ducitur aequidistans basi pectoris. Superiores costae debuerunt articulari ad inferiorem transversorum processuum vertebrarum partem, inferiores ad superiorem, mediae ad mediam. In infimis autem ad abdomen unica ad vertebrae fuit opus articulatione. Extrema costarum ad sternum non pertinentium esse debuerunt ad ejusdem Ellipsis circumferentiam, ad quam sunt extrema pertinentium ad sternum. Neque multum interfuit, siue cartilagineae costarum ad sternum non pertinentium formarent unicum cartilagineum corpus, siue discretum: instructaene, an destitutae internis intercartilagineis musculis, sed satis fuit, quomocunque componerentur, ut ad cartilagineam usque sibi praecedentis costae, & ad sternum usque pertinentis aptum impetum per vim contractionis a diaphragmate conceptum traducerent.

10. *Sive pronum, siue rectum, siue recto pronum sit Animal, fieri non potuit, ut ipsorum pectora comprehenderentur aliis superficiebus, quam Coni Elliptici, & in rectis quidem major diameter basis conjungere debuit laterales, & maxime distantes terminos oppositarum costarum: in pronis, & recto pronis sternum, & vertebrae. Mulieris, quam viri sternum compressius, & illius superiores cartilagineae citius ossescunt inferioribus, & citius etiam ossescunt superiores sterni cartilagineae in muliere, quam in viro, si caetera in viro, & muliere sint paria. Claviculae in rectis, & recto pronis constitui debuerunt, in pronis non item.*
11. *Costarum musculis se contrahentibus omnes pectoris dimensiones crescunt, seu fit spatium ejus priore majus, & simile.*
12. *Conjunctum est costis avium instrumentum interioribus intercostalibus, septoque transverso vicarium, & cujusmodi ipsum, & ipsius motus se habeant.*
13. *Pectus dilatari nonnisi a recensitis musculis potest, nec ab aliis quidem constringi, quanquam numero plures, & loco diversi sunt, perinde tamen est, ac si essent unicus contrahente destitutus, & pectus dilatari alterne, & constringi debet: non tamen alterni motus pectoris aequitemporanei sunt alternis motibus cordis, nec esse possunt.*
14. *Motus pectoris naturalis potest esse tam minimus, ut sensum fugiat, imo ut costae ad sternum pertinentes, & praecipue breviores ne moveantur quidem: hoc motu tam minimo potest per vo-*

LAURENTIUS BELLINI

luntatem dari minor, & utroque major per voluntatem, aut stimulum. Praecipuum cujuscunque ex his motibus instrumentum septum transversum est, & quid in contractione, & restitutione musculorum contingat iisdem musculis, atque ossibus, quibus asfiguntur, & spatio, quod a compage comprehenditur.

15. Vertebrae dorsi iis instrui musculis debuerunt, per quorum motum fieret, ut in motu musculorum pectoris nec duae quaeque ipsarum ab invicem, nec omnes simul a colli, & lumborum vertebri, nec earum aliquot ab invicem divellerentur: primum autem munus obeunt vertebrales omnes, spinati scilicet, semispinati, & longissimi, sive recti medii, laterales, & oblique ascendentes. Ne autem totum dorsum a collo, & lumbis divellatur, faciunt posticus uterque serratus, superior scilicet, & inferior.
16. Cum pectus est in aëre constitutum, nec muscoli contrahi, nec ossa moveri possunt, nisi aëri extrinsecam ejusdem pectoris superficiem in quolibet animalis positu undecunque comprimenti aliqua alia facultas ab interna superficie per easdem quaquaversum lineas aequalibus viribus contrahatur.
17. Facultas, quae ab interna superficie pectoris debet aëri extrinsece comprimenti viribus aequalibus contrahenti, est similiter aër, qui in pulmones ducitur: nulla alia causa potest cum hoc aëre concurrere ad aequilibrium illud constituendum, & quomodo muscoli pectoris in primam contractionem veniant.
18. Contractis semel musculis pectoris per totum vitae spatium respiret Animal necesse est, iidem scilicet muscoli per universum illud tempus alterne restituantur, & contrahantur, & quo tempore contrahuntur, dilatetur pectus, & ducatur aër in pulmones, seu fiat inspiratio: cum restituantur, constringatur pectus, & reddatur aër, seu fiat expiratio. Hujus autem perpetui, & alterni motus primus terminus, seu principium est inspiratio, supremus, seu finis expiratio.
19. Quid in inspiratione, atque expiratione contingat pulmonibus quoad ipsorum partes, etiam sine sectione noscendas.
20. Folliculus aëre tumidus, atque in eo statu sphaericus cum detumescit, circumpressus per lineas ad suam longitudinem quomodolibet inclinatas, fit se ipso longior quasi sphaeroides, & rursus intumescens fit se ipso brevior, quousque rursus evadat in sphaeram.
21. Rami asperae arteriae, qui per pulmonem ducuntur, ita natu-

AD LECTOREM.

ra comparari debuerunt, ut in inspiratione longiores fierent, expiratione breviores, quod contingere non poterat, si ex solido osse, aut cartilagine constitissent, ex membrana, musculo, aut circulis cartilagineis ita sibi ex ordine superimpositis, ut inter utrumque ipsorum excurrerent muscoli adducentes, atque abducentes; sed oportuit, ut compingerentur ex parvis lamellis duriusculis, cujusmodi sunt cartilagines, quae ad exteriorem superficiem aliqua ex parte cohaererent cum membrana ramorum canales componente; inter se vero per musculos ita duarum quarumcunque lumbis affixos, ut iis in inspiratione tensis mutuo abscederent, in expiratione laxatis accederent, imo etiam superponerentur, ut in piscibus squamae.

22. Sanguis fluere per pulmones debuit, nec potuit iis non inflatis, potuit tamen per reliqua viscera.
23. Ducto in pulmonem aëre ejus momenti, quod ramis tracheae ad obtusum angulum convertendis, inflandisque folliculis sufficiat, non tamen tanti, quod per nimiam folliculorum extensionem iis advolutos canales sanguinis occludat, totus pulmo simul inflabitur, & sanguis per ipsum fluet.
24. Sanguis nihil patitur ab aëre, cujusunque momenti sit, dum in pulmonem ducitur, neque cum redditur, si minoris, aut majoris momenti fuerit: at vero cum expiratur aër momenti mediocris, tum sanguis ab ipso solvitur in minimas partes, & quidem sub ipsum expirationis initium, nihil deinde patiens per totam reliquam expirationem.
25. Aër aequo rarior, & aequo densior non est idoneus respirationi, & utervis respiretur inter varias, & plures affectiones, brevi Animal moritur.
26. Neque ad sensum patet, neque ex pulmonum motibus deducitur aut ipsum aërem, aut quid ab aëre separatum in vasa sanguinis pulmonaria ex iisdem pulmonibus per respirationem derivari.
27. Neque ut sanguis sit liquidus, neque ut muscoli moveantur, necessarium est aliquid ab aëre separatum in pulmonibus, & per respirationem admistum sanguini.
28. Neque ejusmodi separationem, ac derivationem a pulmonibus arguit supposita necessitas effervescendi ad generandum, vel incendendum sanguinem, ita scilicet, ut nitrum temperare fervorem, aut incendere sanguinem debeat.

LAUR. BELLINI AD LECTOREM.

29. Digressio necessaria de flammaram accensione, extinctione, & aliis ejusmodi proprietatibus.
30. Neque eandem separationem, ac derivationem a pulmonibus arguit supposita similitudo vitae cum flamma.
31. Ideo materia sanguinis intra pulmones in minimas particulas per respirationem solvitur, ut possit Animal alere, movere, generare, & in his, illisve partibus admistos inutiles humores absque fermento deponere, uno verbo, operationes animalis obire.
32. Qui humor ex chylo genitus alit animal, & sanguis dicitur, non in corde, sed in pulmonibus generatur.

Ex iis, quae ad Cor.

1. Cordi, & musculo eadem omnia conveniunt, sive in naturali, sive in non naturali statu spectentur: & in utrolibet statu spectentur, nihil perculiare convenit Cordi, quod musculo non conveniat, unde Cor musculus est.

Ex iis, quae ad Separationes.

1. Separatio, ac derivatio inaequaliter liquidorum per canales corporis mistim fluentium fit per compositionem duorum motuum, quorum alter moveat per longitudinem canalıs, alter eodem tempore quaquaversum per latera.
2. Inaequaliter autem liquidis alicubi in corpore mistim quiescentibus, & a communi aliqua facultate compressis prius exprimitur quod est liquidius.

Haec teneas oportet quicumque legis, neque dicendi obscuritatem cavaberis, si necessariis disciplinis instructus accefferis. Vale.

LAURENTIUS BELLINI

DE

URINIS

QUANTUM AD ARTEM MEDICAM PERTINENT.

PRIMA PARS CONTINENS

Quaedam de Urinis in genere, Et quae ad Urinas naturales pertinent.

URINAE nomine intelligimus liquidum illud excrementitium, quod, ut ex Anatomicis patet, a sanguine secernitur in renibus, ex quibus per ureteres in vesicam, hinc verò per urethram extra corpus mittitur; sanguinem accipiendo non proprie per humorem humidum, Urina quid.

& calidum, aëris temperamento respondentem, sed per omnium humorum massam, quae fluit per venas & arterias, quemadmodum passim sanguis sumitur a Medicis, & Galeno. Huiusmodi autem liquidum, quod urinam dicimus, ex eo ad Rem Medicam pertinet, quod per ejus inspectionem non levi conjectura judicamus, aegerne sit, an sanus is, cujus urinam inspiciamus, si quidem aeger, quo aegrotet morbi genere, quanto tempore aegrotaturus sit, & quo exitu desinere debeat morbus, Quid ad artem medicam conferat inspectio ejus.
num scilicet sanitatis, aut mortis, quae singula conjicimus ex iis, quae in urina observantur non convenienti cum ipsius naturali statu; comparantes enim naturalem habitudinem urinarum cum illa, quae nobis offertur, cum per occasionem urinam aliquam inspiciamus, & deprehendentes in quibus affectionibus

A

utrac-

Noscenda
prius urina
naturalis.

Judicium
ab urina so-
la desum-
tum fallax.

utraque differant, satis tuto arguere ratiocinando possumus, quid immutatum sit in corpore illius, cujus urina observatur, dummodo prius plane cognoverimus, quae sint illa, quorum compositione sit, ut urina dicatur habitudinis naturalis. Itaque ut ex urinarum inspectione aliquid minus dubie dijudicemus in ordine ad morbos, & Artem Medicam, quo pacto se habere debeat urina in naturali statu, & unde pendeat hic idem naturalis status ejus, intelligamus oportet; cum etenim quicquid ex urinis conjicimus ad Rem Medicam pertinens, proveniat a comparatione urinae naturaliter se habentis cum aliis cum illo naturali statu non convenientibus, manifestum est ejusmodi comparationem institui non posse, nisi notae sint utraque, quae comparantur, nempe urina naturalis, & a naturali statu dimota, adeoque ut ordinatim haec dissertatiuncula instituat, ante omnia exponendum erit cujusmodi se habere debeat urina naturalis, & quae sint illa, quibus concurrentibus in illa naturali habitudine constituitur. Prius tamen obiter admonebimus ex inspectione sola urinarum nihil certi deduci posse ad Rem Medicam pertinens, unde superius quicquid ex urinis deprehenditur, conjecturas appellavimus, argumenta satis tuta, & minus dubia, non autem certa, tutissima, & demonstrativa; cum etenim universum judicium, quod ab urinis desumitur, institui debeat per comparationem naturalis, & non naturalis urinae, primò nosse oporteret, quae sit naturalis habitudo urinae in illo corpore, cujus urina per occasionem exhibetur a naturali statu recedens. Neque enim urinae omnium hominum iisdem esse possunt affectionibus praeditae propter dissimilem temperaturam eorundem, quae urinas etiam naturales dissimiles inter se facient: Medicus autem uniuscujusque naturalem urinam nosse non potest, cum plerumque vocetur ab iis, quos ne vidit quidem unquam, nedum eorum urinam inspexerit, neque ab iis rescire sciscitando poterit propriae urinae naturalem statum, cum rari sint de ejusmodi excretionibus solliciti, neque noverint quid observandum sit, quod Medico referri debeat; plurimi verò, etiam si observaverint, rem ipsam explicare satis non possunt. Secundò, etiam si cognosci supponatur uniuscujusque naturalis urina, non tamen ex unoquoque desumi possunt argumenta certa morborum; fac enim aliquem crassum, & saturè rubrum naturaliter mingere (dantur enim ejusmodi, & cu-

jusli-

juslibet, caeteroquin morborum judicii urinae in quibusdam temperamentis perfectissimè naturales) hic vero mox aegrotet, & urina exhibeatur a sua illa naturali crassitie, & sature rubra tinctura aliena, morbi genus judicare non poteris, nisi prius perspexeris, quo pacto illius particularis urinae status vitari possit, ac debeat, ut hic, aut ille morbus productus intelligatur; cum enim tota urinarum mutatio pendeat a perturbatione partium, ex quibus componitur, per breve illud tempus, quo urina inspicienda est, nimis difficile erit animo concipere unumquodque mutationis genus, quod rarissima illa urinae species subire potest, ac demum determinare, quale sit ex innumeris, quae fingi possunt, & cum quo morbi genere conjunctum sit: ex quibus facile licet concludere, quam inanes sint jactatores ^{Uromantes inanes.} illi, qui ex sola urinarum inspectione nunquam visis iis, quorum urinae sunt, divinare se posse asserunt, num ille, cujus urina affertur, aeger an sanus sit, sit vir an mulier, senex an juvenis; unde Uromantes quasi divinatores ex urinis dicuntur, & ejus generis alia, cum ex iis, quae proposuimus, & mille aliis, quae addi possunt, incerta sint indicia, quae ex sola urina desumuntur. Quia vero plerique nostrum dum bene habemus ejusdem saltem ad sensum naturae urinam emittimus, hinc ad urinarum judicia supponitur quod plerumque contingit, nempe illa dicitur urina naturalis, quam maxima hominum bene valentium pars excernit, & cum hac reliquae comparantur ab hoc naturali statu recedentes, ex quo fit, ut etsi judicia, quae ab urinis desumuntur, non sint aliquid a certa scientia proveniens; (haec etenim est universalium, non autem eorum, quae ut plurimum solum contingunt) tamen sint quiddam admodum verisimile, seu, ut locuti sumus, non levis conjecturae, satis tutum, ac minus dubium, cujusmodi sunt, quae plerumque eveniunt; & vis conjecturae ex eo fit major, quod universa urinarum res per totam saeculorum seriem confirmata est, per quam semper in usu fuit Ars Medica, ac demum ex eo, quod non sicut Uromantes solent, judicium morbi statuitur ex solâ inspectione urinarum; sed hae sunt inter fontes signorum, ex quibus omnibus singillatim quidem observatis, sed collectis deinde simul comparatis inter se, & perceptis eorum causis, cum eodem tempore in eodem corpore deprehenduntur, devenimus in cognitionem causae, quae in illo corpore

Quo pacto urina sit judicium minus dubium.

omnia illa simul signa, hoc est omnes illas affectiones producit, & omnes illas affectiones simul, talem morbum appellamus; causam vero ejus, causam earum omnium affectionum simul. Patet igitur ex his, quo pacto urinarum inspectionibus uti debeamus, ut satistuto ex iis veniamus in cognitionem rerum ad morbos pertinentium, quibus praemissis de urina naturali dicendum.

Cujusmodi
esse debeat
urina natu-
ralis.

Urina exposito modo naturalis dignoscitur ex quantitate, qualitate, & substantia; substantiae nomine intelligendo firmitatem, spissitudinem, lentorem urinae, seu ut rem explicemus apertissime, determinatam quandam facilitatem ad fluxum.

Quae ejus
quantitas.

Urina ut sit quantitatis naturalis, esse debere dicitur mole aliquanto minor, quam id, quod per potum assumitur; asseritur enim vulgo urinae liquidum a solo potu provenire, & hujus materiam partim esse necessariam animali, ut sit vehiculi loco humoribus crassioribus, ut aliquas etiam partes nutriat; Reliquum vero, quod superest, inutile per urinam excerni, unde universa urinae quantitas debet esse universo potu tam minor, quanta est ejusdem potus portio, quae ad expositos usus insumitur.

Quae qua-
litas, nem-
pe Color.

Qualitas, quae in urina maxime observatur, est color, cui succedit odor, tertio loco sonus. Color urinae naturalis debet esse dilute flavus: quali sunt mala citrea cum ma-

Odor.

turuerunt; odor fere nullus, & ejus gravitatis, quae nemini ignota est; sonus denique dijudicatur a sono, quem excitat u-

Sonus.

rina in urinale defluens dum mingimus, & hic debet esse fere idem qui produceretur a communi aqua, si ex eadem alti-

Quae sub-
stantia.

tudine, a qua urina in urinam depluit, in communem aquam descenderet. Postremo naturalis urina debet esse tam fere ad fluxum facilis, quam naturalis aqua, seu communis, sed aliquanto lentior, ita tamen ut haec differentia facilitatis ad fluxum vix sensu distingui possit: & haec minor facilitas ad fluxum in urina naturali ex eo necessaria est, quod non solus, ac purus aqueus humor per urinam redditur, sed admixtus aliis partibus crassis, atque omnino duris, quae cum materia potus confusae component liquidum quoddam oportet magis compactum, atque cohaerens partibus suis, & superficiei vasis, in quo continetur, quam sit aqua communis, unde haec eodem illo liquido facilius fluet. Quae sunt affectiones praecipuae, quae in urina naturali communiter constituuntur, dummodo supponatur urina eo tempore observari, quo mingitur, vel paulo post
quam

quam excreta est; longiusculo enim temporis spatio post excretionem intra se ipsam generat quasdam collectiones particularum tenuissimarum, quas contenta naturalia urinarum nuncupant, quae diversimode appellantur, prout occupant imum, summum, aut medium earundem urinarum, & quae imum hypostases vel sedimenta, quae medium *ἐπαιωρήματα* sive suspensiones, quae summum *νεφέλαι* sive nubes, vel nubeculae. Quae contenta naturalia. Horum trium maxime hypostasis attenditur, quae debet esse Hypostasis qualis. subalbida, mediocris quantitatis, non foetens, figura pyramidi similis, sive turbini retuso, & incurvo vertice, tota tenuis, & ejusdem tenuitatis in singulis partibus, iisque minutissimis facile mobilibus, & a superficie unica non interrupta, aut flexuosa comprehensis, nullis hic illic extantibus portiunculis ejus, seu quod idem est levis, & aequalis. Haec frequentius generatur in urinis, quam nubeculae vel suspensiones, quae sunt simile quiddam sedimentis, sed rarius substantia ac levius, & levissimum quidem ac rarissimum nubes, aliquanto gravius, ac densius suspensiones utraeque quasi nebulae quiddam simile, cujus consistentiae sunt admodum proximae. Quia vero nullae ex his generationes semper contingunt in urinis naturalibus, vulgares Medici non sunt ita multum solliciti de iisdem, quatenus ad naturales urinas pertinent, sed in non naturalibus accurate perpendenda esse, & quidem merito asserunt, cum ex iis pendeant praecipue urinarum indicationes. Haec itaque urinas naturales constituunt, sive ad examen revocentur per aliquod temporis spatium postquam excretae sunt, sive in ipso tempore excretionis, vel paulo post; cave tamen existimes ita se habituras quaslibet naturales urinas nempe cujuscunque aetatis hominis, sexus, temperiei, quocunque anni tempore, diei hora, & similibus; differet enim juxta haec singula, sic temperamento calidioribus urina coloris magis saturi, fluidior, pauci, vel nullius sedimenti, sed alicujus nubeculae, vel enaeorematis; frigidioribus contra, quibus respondent juvenes, & senes, ii quidem ob calorem aetatis, isti vero ob frigus, unde juvenibus urina tenuis, colorata, paucis contentis; senibus alba, ac tenuis sine contentis. Similiter eadem de causa cum viri mulieribus sint calidiores, urinae mulierum minus coloratae crassiores, copiosioris sedimenti. Eadem de causa habitatoribus calidiorum regionum urinae tenuiores, & coloratiores

Nubeculae, & suspensa.

Urinae naturales quibus denominibus diversae sint.

cum contentis paucis, frigidiorum contra, similiterque aestate tenuiores, & coloratiores quam hyeme, immo eadem die si diversis horis invaluerit calor, aut frigus, sudaverit quis, aut alferit, quieverit, aut laboraverit, ac denique quomodocunque se habuerit ad calorem, vel frigus concipiendum, in primo casu coloratius, & tenuius minget, in frigore contra dilutius, & crassius, & copiosiora erunt contenta: sic iracundi tenuius & coloratius mingent, quam tristes, & meticulosi: qui vescuntur assis, salitis, aromatibus, & hujusmodi, quam qui oleribus, elixis insipidis, & aliis hujus generis, quae ex his patent. Pueris urina crassior, & albidior, & copiosum sedimentum. Omnibus brevi post partum tempore urina plane excolor, tenuis, nullius sedimenti, pellucida, demum purae communis aquae instar. Sudantibus, irascentibus, & quomodolibet calorem intensiorem concipientibus urinae quantitas minor, sicut etiam diutius jejnantibus, quibus etiam color intenditur. Gulosis crudae, nempe minime coloratae, & crassae: diutius vigilantibus magis rubent: dormientibus crassiores fiunt, & magis colore saturae; cum aliis minoris notae, quae differentiis urinarum etiam naturalium apud Medicos circumferuntur. Hujusmodi autem liquidum talibus notis distinctum excrementum est, ut communiter conveniunt, sed non satis haecenus conveniunt Medicorum vulgus, sitne excrementum primae, an secundae, an tertiae coctionis, an aliquarum ex his, an omnium, an denique excrementum alimenti, quo renes aluntur. Disputant etiam cum Galeno vulgares Medici, & cum his Chymici inter se, unde proveniat citreus urinae color, nempe dilute flavus. Galenus a flava bile deducit, alii Medici ab ulteriori coctione solum; Chymicorum alii a salibus, alii a sulphure, alii ab utrisque simul, unde neque cum vulgaribus Medicis, neque inter se conveniunt. Quae de urinis circumferuntur & sciantur oportet. Ut autem pateat quid veri quid falsi in his omnibus contineatur, urina est expendenda diligentius & veluti in partes suas resolvenda; inde enim constabit ex quibus illa componatur, & quid ex illa compositione necessario produci debeat, quod faciet non solum ad determinationem eorum, quae dubia sunt, verum ad intelligentiam eorum, quae ab inspectione urinarum non naturalium minori cum fallacia debebit Medicus dijudicare, atque in morbis praedicere. Id autem praestabimus per maxime parabile

rabile artificium dissolvendi urinas in suas partes, quod est per evaporationem.

Urina igitur naturalis, notae quantitatis, ad vulgarem ignem, Quid in urinae naturalis evaporatione contingat. & nullo chymico artificio comparatum, bulliat in vase vitreo aperto, quousque sensim evaporatio efficitur in urina haec observantur. Color a dilute flavo transit primo in intensiorem, & magis saturam flavedinem, sed adhuc urina pellucet, atque interim fit aliquanto difficilius fluxus: mox magis intenditur flavedo, & cum quadam subobscura rubedine conjungitur, vix pellucet, & multo difficilius fit fluxus; inde color croceus, & fusce rubens, opaca urina, & crassior; tum fit dilute ferruginea, magis opaca, & magis tenax; mox magis saturae ferruginis, majoris opacitatis, ac tenacitatis, postremo prorsus nigricans apparet, quo tempore superest in fundo vasis sedimentum plane viscidum, quod si totum simul aspiciatur, nigrum judicatur; si vero per superficiem vasis ducatur, colorem aureae flavedinis, sed aliquanto magis saturae, ad eandem relinquit, eademque flavedine tingit, quae ipsi immittuntur, ut pagellae, filamenta, & hujusmodi. In eadem hac evaporatione sapor fit salior, quo major evaporatio fit, ita ut sedimentum illud sapiat sal salissimum, & quod lingua vix ferre potest nulla unquam contracta amaritudine. Quod si ad singulas illas colorum mutationes urinam ad libram expenderis, atque inde intellexeris, quantum liquidi evaporet, ut eadem mutationes contingant, ac absoluta evaporatione, tantum communis aquae sedimento successive affundas, quantum ad singulas mutationes admiscendum eidem esse sedimento per ponderationem didicisti, videbis (dictu mirabile) videbis inquam urinam ex nigerrima, & plane viscida per eosdem diversorum colorum, & fluxilitatis gradus transire versus citream flavedinem, & fluxilitatem aqueam, ad quam postremo apta communis aquae superaffusione redigetur rursus, nempe videbitur urina plane naturalis & ab animali emissâ non per communem aquam comparata: simile etiam gustu deprehendes in sapore contingere, qui ex acerrimo sensim fit mitior, quousque fit qualis naturalis urinae. Insuper haec ipsa urina per aquam communem restituta putrescit ut urina naturalis eoque tempore fit graveolens, & turbatur non secus ac urinae naturales faciunt, & antequam turbetur & corruptionem subeat, mittit ad fundum vasis tenuissimum quasi pollinem sub-

palli-

Partes com-
ponentes u-
rinam na-
turalem
sunt praeci-
puae Sal,
Terra, &
Aqua com-
munis.

pallidum nullius saporis, qui nihil aliud esse videtur, quam pura, & simplex terra, sive tartarum. Denique si excipiatu-
periculo quolibet liquidum, quod ab urina ebulliente evaporat,
omnis saporis expers occurrit, fluit ut aqua communis, atque
ejusdem instar pellucet: Ex hac autem paratu facillima obser-
vatione, & paucis aliquot aliis, quae vel notissima sunt, vel
patent ex rebus physicis, aut anatomicis, patere asserimus, qua
necessitate contingat non solum quicquid in urinis naturalibus
occurrit, verum etiam quicquid in non naturalibus. Et primo
urinam naturalem constare debere asserimus ex aqua communi,
sale & terra insipida, sive tartaro. Quoniam enim liquidum,
quod ex urina evaporat, nihil sapit, pellucet, ac fluit ut aqua
communis; ex his igitur affectionibus habebimus satis verifi-
mile argumentum, liquidum, quod in urina continetur, esse
naturae aquae: quia vero nullus ad sensum sapor, pelluciditas
ac fluxilitas pariter ad sensum eadem cum aqua communi,
certo arguere non possunt, eandem esse naturam commu-
nis aquae, & alterius liquidi, quod praeditum sit iisdem ad
sensum affectionibus, quae deinde ad examen rationis revo-
catae plurimum dissimiles reperiri possent. Hinc verisimile
illud argumentum confirmabis per alterum, quod per affusio-
nem aquae communis comparatur tantum non ad eviden-
tiam; quoniam enim affusa communi aqua supra sedimentum
ad eam quantitatem, quam evaporasse discimus per pondera-
tionem ad talem mutationem coloris in urina producitur quid
in omnibus affectionibus urinae conveniens, & hae affectio-
nes in eodem sedimento producantur a duobus liquidis, nem-
pe ab illo, quod evaporavit, & ab aqua communi, quae af-
funditur, igitur utraque haec liquida sunt ejusdem ratio-
nis, seu liquidum urinae est aqua communis; reparata autem
mittit ad fundum vasis terram insipidam, & urina tota sali-
ta est, igitur partes praecipuae urinae naturalis sunt aqua com-
munis, sal, & terra, sive tartarum, ut fuit &c. Ad-
dunt Chymici aliquid sulphuris, & distinguunt plura genera
salium quorum duo praecipua volatile, ac fixum, quae & nos
admittimus singula fere omnia, & in hac etiam evaporatione
sulphur ex eo se prodit, quod dum evaporat, teterrime foetet,
cujusmodi odorem a sulphure provenire etiam Chymici non
repugnabunt, quia tamen haec non eam in re medica fortasse
utili-

utilitatem ponunt, ut ejus gratia etiam ad illa singula respicere diligentius debeamus, ipsa praetermittimus scientes, eoque magis a sulphuris, & salium consideratione speciali abstinemus, quod vel Chymicorum doctissimis, experientissimisque dubitantibus, non ita certum est, quicquid per operationes Chymicas educitur e corporibus, extitisse in iisdem, quale educitur, cum per Chymicas ignis praeparationes multa gigni possint, quae in compositis, ex quibus educuntur, non existerant, dum naturaliter composita se haberent sub ea forma, sub qua per vim artificiosi ignis, vasorum, & menstruorum educuntur ab iisdem.

Secundo asserimus majorem aut minorem facilitatem fluxus, five majorem aut minorem crassitiem urinae provenire a diversa quantitate liquidi & duri, ex quibus urina componitur inter se mistis, ac tum esse facilioris fluxus, cum majori quantitati liquidi permiscetur quantitas apta salis, & terrae; difficilioris, cum eadem salis, & terrae moles. Quoniam enim evaporante liquido urina successive fit fluxus difficilioris, evaporans autem liquidum nihil aliud est quam aqua, subsidentibus in fundo partibus duris, nempe sale, & terra, ac rursus e converso superaffuso aquae communis tantundem componitur liquidum facile fluens ut urina naturalis, igitur in primo casu minori quantitati liquidi permiscebatur eadem duri corporis quantitas, quae permiscetur in secundo majori quantitati; in hoc autem fit faciliior fluxus, in illo difficilior, patet itaque propositum: ex quo liquet, quo major liquidi quantitas detrahatur, vel duri adjicitur, vel utrumque simul, eo viscidior, seu crassior futuram urinam, & e converso quo plus adjicitur liquidi, vel detrahatur duri, vel utrumque simul, eo facilioris fluxus, seu tenuiorem futuram. Nec difficile conceptu est, qua necessitate isthaec omnia debeant contingere; liquidorum enim partes sunt facile mobiles, durorum contra, unde illae ex se ipsis facillime movebuntur, & fluent; si vero admisceantur duris, nempe difficile mobilibus, pro majori durorum admistione, hoc est motui resistentium, retardentur oportebit, cum debeant repugnantia dura secum ducere, unde ad motum fient magis lenta. Patet itaque quod &c.

Tertio majorem, aut minorem falsedinem a simili majori, vel minori quantitate liquidi admisti majori, vel minori quantitate salis, ac tartari provenire, non autem a coctione. Prima

Fluxus facilis, aut difficilis a diversa mixtione partis liquidae cum duris.

Major, aut minor falsedo non a coctione, sed a simili mixtione partium provenit,

pars iisdem experimentis patet, quibus antecedens, necessitatisque ratio non est abfimilis; cum enim sal solitarium est, nudum, ac liberum ab omni corpore, potest exerere totum suum momentum, eoque in linguae papillas niti, adeo percipietur vividus maxime salis sensus; cum vero admistus est aliis corporibus ipsius momentum retundentibus, minuseasdem papillas premet, unde sensus salis hebetior. Id autem sufficere quidem posset ad evincendum, minorem, aut maiorem salis sensum nihil habere cum coctione commercii, quatenus coctio est, sed solum quatenus liquidum abripit; sed hoc ulterius confirmatur ab exposita superius observatione, quoniam enim urina fit quidem successive falsior, quo magis evaporat liquidum, seu ut asseri posset, quo magis coquitur, quia tamen deinde nulla facta mutatione in sale, & tartaro, quae supersunt, & simplici superaffusione communis aquae, producitur urinae sapor naturalis, & haec ipsa communis aqua est illud ipsum liquidum, a quo pars liquida naturalis urinae constituitur; igitur major, aut minor sapor salitus in urina non a coctione, sed a diversa quantitate partium urinam constituentium pendet, ut fuit &c.

Idem de
Coloribus
ostenditur.

Quarto, colorem dilute flavum, & omnem colorum seriem, quae a dilute flavo per caeteros expositos colores, ad nigrum usque perducitur, a simili permixtione diversae quantitatis liquidi cum duris, & e converso, non a coctione proficisci. Quae singula iisdem plane ratiociniis ab observatione desumptis evincuntur, quibus praecedentem propositiunculam demonstravimus. Cur ita autem fieri debeat, deducitur ex doctrina generali colorum, ex qua patet, pro diversitate motuum luminis, diversos colorum sensus in oculorum nervis excitari, diversimode moveri lumen pro diversa compositione corporum, quorum vel externae superficiei occurrit, vel per interna excurrit ad oppositam usque superficiem, quae pellucida, vel perspicua, illa autem opaca: perspicua autem, siquidem purissima fuerint, & ita ad lumen posita, ut ipsum suo naturali motu ad oculum usque trajici permittant, splendor solus videbitur nullo coloris nomine designatus: si vero purissima non fuerint, nempe admixta sint particulis opacis, aut minus perspicuis, tunc lumen, a naturali motu deflectere cogetur, & corpus, a quo advenit, dicitur ex colore coloratum, qui nobis repraesentatur per illum motum luminis, quo deflectit a naturali motu per occursum

par-

particularum perspicuo intime permistarum, & corpus illud habebit colorem cum aliqua perspicuitate conjunctum, si particulae motum luminis alterantes idem lumen fluere permittant per intima perspicui ad usque superficiem, quae oculum respicit; opacum, si non permittant. Itaque, cum urina componatur ex tribus praecipue partibus, aquea maxime perspicua, salibus, qui sunt pellucida corpora, & terra plane opaca manifestum est, per diversam harum partium admistionem fieri debere, ut urina reddi possit prorsus aqueae perspicuitatis, quod tum fiet, cum nihil salis, & praecipue tartari ipsi permistum est, vel cum tanta est quantitas portionis aqueae, ut portiones salis, & tartari sint respectu illius quantitatis minimae, & ad sensum nullae; cum vero hae sint maximae, vel quantitas aquae minima, tingetur urina iis coloribus, quos secum fert opacitas tartari conjuncta perspicuitati parvae molis aquae, & moli salis pariter perspicui: ac denique si dabitur urina tartaro destituta, supererit compositum ex inaequaliter perspicuis, nempe aqua maxime pellucida & minus pellucido sale; unde procreabitur urina non quidem omnis coloris experts, ut aqua, sed cujusdam veluti micantis, ac splendentis flavedinis, qualis flamma purior, qui splendor ab opaco tartaro effunditur, & producit color magis satur, & minus oculum feriens. Praeterea quoniam partes salis, licet perspicuae, coacervatae tamen, albedinem procreant, eoque facilius, si aquae particulae admiscuntur, sed paucae numero; vel humor aliquis tenacior, si magna copia tartari desit, adsit vero sal cum humoribus crassis, & lentis, fieri poterit urina alba adinstar lactis, quae aliquando fit in pueris, & semper, vel alba hujus generis, vel quam similiter albam appellant; sed nullo colore infecta est, & pellucet, & vere aquea dicenda: patet igitur ex his facile ratio differentiarum omnium, quae in urinis naturalibus superius recensentur, quoad colorum differentiam, sicut etiam ex superioribus propositiunculis deducitur quicquid ad alias affectiones pertinet. Quod autem non omittendum est, ut ulterius evincas per observationes, colorem urinae non esse quid reale, propone singulare illud, ac admirabile, quod in sedimento evaporationis occurrit, quod nempe, si totum simul inspiciatur, nigrum apparet; cum tamen illitum corporibus eadem aurea flavedine imbuat.

Quinto, sedimenta, suspensiones, & nubeculas nihil aliud Quid sint
esse nubes, se-

dimenta, &
suspensio-
nes, & eo-
rum affe-
ctiones
omnes.

esse, quam magis liberas, & duras urinae partes, quae cessante motu agitationis, qua perpetuo jactantur in sanguine, ad suum locum insito motu feruntur, & si quidem gravissimae sint, fundum vasis petunt, & sedimenta nuncupantur; si minus graves, medium; si adhuc leviores, summum urinae ascendunt. Quoniam ex demonstratis urina non est compositum perfectum, nempe cujus partes per veram unionem non dissolubilem, nisi a contrario cohaereant; sed potius est coacervatio, & confusa permixtio partium non cohaerentium, igitur harum singulae naturalibus momentis instructae erunt, quibus nitentur ad determinatas partes: in eas tamen non movebuntur, si perpetua quadam jactatione prohibeantur a suo naturali motu, quemadmodum arena permixta aquae, licet gravis, deorsum non movetur, quousque agitatur vas, in quo contineatur aqua, vel quousque flumen pleno alveo fluit. Quoniam itaque ex anatomicis urina separatur a sanguine, hic autem concitato semper fluxu fluit, patet igitur renum omnium, etsi ipsi sanguini, vel inter se non unitae, & licet nitentes in determinatas partes, neque recedere ab invicem, neque moveri quo nituntur poterunt, nisi perpetuo impetu, quem a motu sanguinis conceperunt, cessante; quo insuper absumpto, per medium aliquod ea velocitate movebuntur, quam ipsi permittet naturalis impetus, resistantia medii, & moles; & haec, si sit exigua, erit exiguus naturalis impetus; & si tenacius medium, resistantia major, quae eo major fiet, ob exiguitatem molis superficiem augmentis. Itaque tum erit perductio earum partium ad suum locum tarda, quemadmodum ramenta terrae, quae per solis lumen divagari cernuntur, vix sensibili motu descendunt, tardissime in solum veniunt, & per totum illud temporis spatium, nihil collectum intra illud medium dicitur, quod colligendae in unum partes moventur, antequam conveniant. Excreta igitur urina per aliquod temporis spatium quiescere permittatur, quousque extinctus sanguinis impetus supponi possit; si quae igitur erunt partes tam solutae, tanti impetus, ac tantae molis, ut superare possint resistantiam aquae, per quam moveri debent, quo nituntur, movebuntur illae quo motu poterunt, tardiori aut velociori, pro ratione solutionis, naturalis impetus, ac molis (quae omnia pendent a diversis hominum temperamentis, aetatibus, motibus, & hujusmodi) unde longiori, aut breviori temporis intervallo a quiete uri-

urinae, concurrent simul ad eundem locum, qui erit imum, medium, aut summum urinae, pro diversitate gravitatum, quibus instructae sunt illae particulae concurrentes, ut ex doctrina liquidorum patet. Hujus rei exemplum luculentum suppeditat sanguis, qui per venae sectionem mittitur; hic enim ex se ipso discernitur in suas partes per solam quietem in vase, quo excipitur, postquam extinctus est impetus per circuitum conceptus, & singulae partes in loca feruntur, quae suis gravitatibus conveniunt. Neque hic litem mihi quisquam moveat, quasi supponam in separationibus contentorum in urina contingere solum motum eorundem ad naturalia loca, quasi jam praestiterint singula, sine ulla cohaesione cum aliis urinam componentibus, ut in aquis turbidis arena aqueis partibus non cohaeret, sed permixta est solum, unde, cessante profluentis impetu, & jactatione, arena fundum petit; sed in urina singulae contentorum partes haerent cum reliquis, unde antequam ad sua loca moveantur, sejungantur oportet, seu tota urina quodammodo solvatur; postquam solutionem veniant singula in motum, & locum naturalem; illa autem solutio a jactatione circuitus sanguinis impediri non potest. Neque inquam, hic quispiam mihi litem moveat ratione exposita, arguendo; quomocunque enim se habeant in urinis earum contenta antequam in sua loca deducantur, certum est, eorum deductionem impediri, quousque conceptus a motu sanguinis in ipsis viget; & siquidem sint solum permixtae, id provenit, quia impetus sanguinis superat momentum, quo naturaliter in partem aliquam nituntur; si vero sunt etiam cohaerentes, impetus sanguinis facit, ut quicquid id sit, quod disjungit, seu solvit, non exerat suam vim in partes urinae motas, ut eam in ipsas exereret quiescentes: sic profluens aqua non putrescit, putrescit stagnans. Quia vero non semper necessarium est, ut, vel ejusmodi partes solutae sint, vel tanti impetus, ac tantae molis, ut superare possint resistantiam medii, hinc non semper in sanorum urinis sedimenta, suspensiones, aut nubes, apparent, & suspensiones quidem raro, rarissime nubes, frequentius sedimenta, cum enim nubes a materia subtilissima, ac levissima pendeat, hoc in sanis perspiratione excernitur, cui cum non ita multum dissimilis sit materia suspensionum, & haec per cutim exhalet, materia autem crassior, & gravior, & densior cum urina ducetur, unde subsidet;

& cum hujus generis sint humores crassi, viscidī, & sales fixi, & ab his colorem lacteum facile obtineri ostenderimus, hinc sedimenta sanorum, seu urinarum naturalium frequentiora, & subalbida: sedimenta autem alba esse re vera sal, ex eo patet ad sensum, quod haeret fundo & superficiei toti matulae, & gustatum, sal sese esse ostendit sapore salis. Idem deprehenditur gustu, si sedimentum idem siccari permittatur nullo igne, sed tractu temporis etiam in umbra; sapor enim salis occurrit. Insuper, quoniam ex doctrina liquidorum, corpora cedentia, quae per medium aliquod tota simul collecta, & suis cohaerentia partibus moveri debent, cum ejusdem sint in singulis suis partibus rationis, per solam pressionem a liquido, per quod nituntur, provenientem in curvam superficiem quasi pyramidis retusae, & undecunque aequabilem, atque levem aptari debent; igitur sedimentum illud naturalis urinae, quod ex partibus aequae contextis, seu ejusdem rationis constat, & quod intra urinam aliquantum sursum nititur (assurgit enim a fundo vasis, cui basis ejus insistit) debet esse laeve, & figura, quasi retusa pyramis, vel portio sphoeroidis, cujus basis in fundo vasis. Quod si sedimentum non ita se habeat, sed sit interruptum, hinc assurgens altius, hinc subsidens, tunc inaequalem coctionem indicabit a diversitate humorum coctionem plus minus admittentium. Sed de his in urinis non naturalibus diligentius.

Urinae
quantitas
per pondus
judicanda.

Sexto, veram urinae quantitatem non oculis aestimandam esse, sed pondere; neque necessarium esse, ut sit aliquanto minor liquido, quod per totum assumitur; & fieri posse, ut sit ipso major, minor, & aequalis; immo neque constare, an liquidum urinae sit potus ipse, quem assumpsimus ea die, qua urina excernitur, an hic idem potus mutetur in substantiam animalis, e qua ipsa substantia interim absumatur illud aqueum, quod liquidum urinae constituit: etsi tamen aqueum urinae a substantia corporis proveniret, suam cum potu proportionem servare deberet. Quoniam enim uniuscujusque compositi corporis quantitas, sive moles provenit a multitudine partium corporearum, ex quibus tota illa moles coalescit; si igitur eadem partes modo ita conjungantur, ut corpus ex iis compositum magnum spatium exigat, modo ita ut minus; ac minus compositum autem totum oculis discerni possit, non singulae quaeque partes componentes: nec ipsas inter cohaesionis modus;

judi-

judicabit oculus, majoris quantitatis esse corpus illud, cum majus spatium occupat, minoris, cum minus; cum tamen ex suppositione sit semper idem, constans nempe ex iisdem numero partibus, sed rarius ac densius compactis, unde fieri etiam poterit, ut corpus etiam mole minus, majus altero aliquo per oculum judicetur, si partes illius ad majus spatium extendantur; sic mercurii libra spatii tantillum occupat, multo majus aqua, utrisque oleum, his spiritus, omnibus aer ejusdem ponderis. Cum igitur ignoremus, quae sit permissionis ratio inter salem, terram, & aquam urinam constituentia, neque ratio cohaesionis inter partes singulorum; ex iis patet oculum tuto judicare non posse, cujus raritatis, aut densitatis sit urina, quam inspicit; adeoque neque certo per oculum statui, quantum partium corporearum, corporeae nempe molis, contineatur in eo spatio, quod ab urina proposita occupatur; adeoque ad pondus confugiendum, quo materiae quantitas judicatur non per comparisonem cum spatio, quod totum compositum occupare videtur, sed per comparisonem cum mole nota corporis noto momento aequiponderantis tantae moli corporeae; quare patet proposita prima pars. Quia vero urina constat non ex sola parte aquea, sed ex salibus, ac terra; aqueum autem, quod potatur, salibus, ac terra destituitur, & potus pars solum aliqua naturaliter assumitur ad humectandas partes, vehicula &c. juxta communem opinionem; si igitur, quantum universae quantitati potus per has consumptiones detrahitur, tantum adjiciatur per admissionem salis, ac terrae, confurget jam urinae moles quantitati potus aequalis, si vero minus terrae, ac salis addatur, vel insuper minus etiam aquei liquidi absumatur in corpore, fiet urinae quantitas quantitate potus major; quae tamen differentiae certo judicari non poterunt per inspectionem, cum possint urinae partes diversimode conjungi, & cum urina minor est potu, poterit occupare spatium majus, quam potus occupaverit, minus & aequale, & e contra, ut patet ex prima parte; unde ponderanda; quare patet secunda pars. Quoniam vero per vim motuum, & caloris, plurimum etiam aqueae naturae a corporis partibus divellatur, atque abripiatur oportet, & hoc cum sanguine permiscetur; a sanguine autem aquea portio secernitur in renibus, & in urinam abit; igitur dubitare merito poterimus, an aquea urinae pars sit

Urina tota
potest esse
major, mi-
nor, & ae-
qualis po-
tui.

An urina sit
pars potus
non mutati
in substan-
tiam ani-
malis, dubi-
tari potest.

Tamen ser-
vare debet
cum potu
suam ali-
quam pro-
portionem.

fit ille numero humor aqueus non mutatus in substantiam animalis, an sit portio illa aqueae naturae, quae jam in naturam animalis abierat, ac postea per vim motuum, & caloris soluta fuerat. Quia tamen illa ipsa aquea materies, quae per motus, & calorem absumitur, reparari debet per simile corpus, nempe aqueum, & hoc a potu praecipue, vel saltem aliqua ex parte desumitur; id, quod per urinam excernitur, debet aliqua proportionem respondere potui; parum enim interest, aqueane pars urinae a potu immediate procedat. Patet igitur universa propositio, ad cujus partes singulas confirmandas illud etiam animadvertes, humidum aqueum non solo potu contineri, sed etiam in cibis, licet in minori quantitate; ac demum ignorare nos, num aqueum, quod redditur, sit aqueum quiddam, quod in corpore generetur, an autem illud, quod per potum, & cibum ingeritur.

Urina est
excremen-
tum coctio-
nis cujus-
cunque, e-
tiam secun-
dariae.

Septimo, urinam esse debere excrementum cujusunque coctionis, in qua secernatur aliquid aqueum, salinum, aut terreum adeoque esse excrementum non solum primae, secundae, & tertiae coctionis, verum cujuslibet alius secundariae, & magis particularis, puta coctionum omnium, quae fiunt in singulis visceribus, glandulisque. Quoniam enim urina est coacervatio quaedam ex aqua, salibus, ac terra, quae a sanguine separantur in renibus; sanguis autem qui ad renes pertingit, per universum corpus, & singulas quasque ipsius partes fluere potuit, ac dum per singulas partes fluit, per venas reducit in cor, & arterias, aliquas semper particulas eorum liquidorum, quae in singulis partibus secernuntur; igitur sanguis derivare debet ad renes illud aquae, salis, ac terrae, quod a singulis visceribus, in quibus secretiones aliquae fiunt secum abripuit per venas in cor, & arterias; sed haec eadem aqua cum sale, ac terra humorem constituunt, qui secernitur in renibus, & urina nuncupatur; quare urina erit excrementum coctionum omnium etiam secundariorum, & magis particularium. Materia autem primae coctionis nempe chylus, in venas ducitur per ductum Thoracicum, unde, & ipse admiscetur sanguini: solutos autem in ipso esse sales, arguunt diversi saporis, quos concipit etiam per ductum Thoracicum fluens: in reliquis autem coctionibus, partim ex solo motu sanguinis, partim ex doctrina separationum, patet admistio particularum aliquot cum san-

sanguine ex humoribus, qui in visceribus singulis separantur; quare patet propositum.

Octavo, non modo urinae colorem naturalem, sed ne ullum quidem alium ex iis, qui per successivam liquidi detractionem in maiorem saturitatem successive veniunt, quousque in nigrum desinant provenire a permissione, aut solius bilis, aut ipsius praecipue. Quoniam enim superius ostensum est, ejusmodi colores provenire a certa permissione determinatae quantitatis aquae, salium, ac terrae, & in proxima ostensum, horum singula derivari in renes cum sanguine a singulis partibus, in quibus fit aliqua coctio; non igitur cum sanguine deducetur ad renes sola bilis, terra, aqua, vel sal ejus, sed humorum omnium; quare colores ejusmodi non a permissione solius bilis cum liquido aqueo provenient. Quia vero unicum est viscus Jecur, in quo bilis naturaliter gignitur, & ex doctrina separationum, hic humor in naturali statu est parvae quantitatis; si igitur solum Jecur cum omnibus aliis partibus humores separantibus & sola parva quantitas bilis cum majoribus aliis tot humorum quantitibus, qui in corpore generantur, compareretur, erit illa in urinae corpore, pro horum ratione, minima, & minima vis ipsius, unde & effectus minimi, adeoque ad productionem colorum non nisi minimum conferre, hoc est, illi non provenient per admisionem potissimum bilis. Postremo, quoniam bilis amara est, per admisionem autem insignis quantitatis humidi aquei insipidi, amaritudo ejus potest ita temperari, ut ne quidem sensum moveat: si igitur in urina color a bile provenit, quae, propter aquam admistam, amaritudinem suam non prodat, evaporata aqua, saporem amarum proferet, qui eo fiet intensior, quo major ac major fiet evaporatio, quemadmodum fiunt colores intensioris flavedinis; quod tamen falsum esse exposuimus superius, atque ita falsum, ut sedimentum ipsum ab omni fere aqua separatum, sit quidem falsissimum, sed ne cum ullo quidem vestigio amaritudinis conjunctum, nec per totam evaporationis seriem quicquam amaritudinis urina concipit. Patet igitur undecunque propositio.

Atque in his pauculis continentur fundamenta omnium, quae ad urinas naturales pertinent, ut facile cuicunque meditati patebit. Ut autem ex his ipsis deducantur, quae faciunt ad urinarum non naturalium intelligentiam, alia aliquot pauca de iis subjiciamus oportet.

Colores urinae non a bile.

DE URINIS

PARS ALTERA CONTINENS

Quae ad Urinas non naturales pertinent.

Quid urina
non natura-
lis.

Multiplex.

Tenuis, &
crassa.

Mediocris.
Oleaginosa.

CUM urina naturalis illa dicatur, quae est determinatae quantitatis, qualitatis, substantiae, & contentorum, illa erit necessario non naturalis, quae ab illa quantitate, qualitate, substantia, & contentis recedit; horum enim omnium complexio constituit habitudinem, & compositionem urinae naturalem. Itaque, siue urina a naturali diversa sit in quantitate solum, aut qualitate, aut singulis reliquis, siue in aliquot horum siue in omnibus, dicetur semper non naturalis, plus tamen minus, prout in omnibus, aliquot, aut una tantum affectione discrepat a naturali. Ex his autem fit, ut multiplex urina non naturalis distinguatur pro multiplici ratione, qua a naturali statu potest recedere, de quibus singulis breviter. Et primo, cum urina naturalis debeat esse substantia ad fluxum facilis, quasi aqua communis, quaecunque igitur urina fuerit facilioris aut difficilioris fluxus, quam aqua communis, erit non naturalis ratione substantiae & facilioris quidem fluxus appellatur Tenuis, difficilioris Crassa, quarum illa, ex praemissis, pendebit a minori quantitate salium, ac terrae, quam quae naturaliter permisceri debet liquido urinae; crassa e converso a quantitate majori, vel rursus tenuis posita quantitate naturali salium ac terrae, a majori copia liquidi aquei; crassa e converso, posita quantitate salium, ac terrae naturali, a copia liquidi aquei minori, ut ex prima parte patet. Cum vero urina minimum recedit a naturali substantia, dicetur Mediocris, quae unde proveniat, ex se manifestum est. Ad urinam crassam revocanda est Oleaginosa, de qua nihil est magis apud Medicos decantatum, & mirum, quantum clament, dum alii negant, ajunt alii, urinas dari posse, quae oleo sint omnino similes, non in difficultate fluxus solum, sed in colore, sapore, unctuositate, ac uno verbo, sint fere oleum, vel quid pingue fluens: affirmantibus aliis, oleaginosas urinas illas esse solum, quarum superficiebus innatant quasi guttae olei, non vero oleum esse urinam universam, immo nec esse posse, eo quod fieri non possit, ut aqua cum oleo ita misceatur, ut unum com-

positum constituat; urinae autem pars minima aqua est; ad hoc igitur, ut produceretur urina oleaginosa, oporteret conjungi aquam cum oleo, quod plane repugnat. Qua super re asserimus, quod nemini dubium, urinas, quarum superficiebus innatet quid oleosum saepe dari, & nos hujus naturae excernebamus, cum vertigine laborabamus; quod facile, ac necessario continget, quoties pingue aliquid in corpore solvitur. Finge igitur jam non pingue aliquid, sed plurimum oleosi e corpore solvi, & aquam vel inhaerere partibus, vel in pingue quid permutari; an non universa urina purum purum oleum videbitur ipsi in affectionibus omnibus respondens? Postremo, verum quidem est, aquam, & oleum conjungi non posse ex se solis, sed si adjiciantur sales, & praecipue aciores, tria illa in unicum corpus coalescent maxime oleosum: mille hujus conjunctionis exempla occurrunt ex Chymicis; sed nos unicum proponimus nemini non notum, modum nempe conficiendi saponis, quid nihil aliud est quam coagmentatio ex adipe, aqua, & salibus coalescentibus per mistionem mutuam in liquidum unctuosum.

Secundo, quoniam tum urina est naturalis ratione quantitatis, cum servat aptam proportionem cum liquidis, quae potamus; igitur tum erit non naturalis, cum eandem proportionem non servat ratione quantitatis, & cum haec proportio non servari possit, vel quia copia urinae sit minor vel quia major, in primo casu urina dicitur *Pauca*, in secundo *Copiosa*, & prima quidem ex eo proveniat oportet, quod vel liquidum, quod assumitur, stagnat alicubi in corpore, vel extra derivatur per sudorem, perspirationem, salivam, mucum narium; secunda vero ex eo, quod corporis aliquid colliquatur, vel liquidi prius alicubi coacervati sit solutio, derivatio in renes, & separatio.

Tertio, quoniam urina est naturalis ratione qualitatis, cum per totam sui profunditatem colorata cernitur, diluta flavedine odoris nemini non noti, ac soni qualis communis aquae in aquam depluentis, igitur quocunque modis cum hoc statu non conveniat, dicetur non naturalis secundum qualitatem; cum autem ii sint plures, exponendi per seriem perspicue. Quoniam color, qui etiam per profunditatem corporum cernitur, certo argumento est eo colore colorata corpora esse pariter pellucida; igitur urina naturalis debet esse coloris citrei, & pellucida; hinc primo fiet, ut servato eodem citri colore, sed non servata,

vel mutata perspicuitate, fiat urina opaca non naturalis, quae dicetur flava turbida, & oriatur a mutata compositione partium salinarum, terrae, & aquae urinam constituentium, quae lucem trajici per urinam non permittet, sed solum ab extrema superficie reflecti. Hinc autem, & ex prima parte patet, unde proveniat omnis urinarum opacitas cum coloribus diversis conjuncta, de qua proinde nihil ulterius addemus, sed solum colores aliquot commemorabimus. Quoniam itaque naturalis urinae color est dilute flavus ut mala citrea, omnis igitur urina erit secundum colorem non naturalis, quae vel est malo citreo dilutior, vel eodem saturatior. Omnis dilutior urina dicitur aquea, cujus duae species aquea pellucida, nempe transparens, & nullo colore tincta, quae vel tenuis est, vel crassa, si tenuis a sola aqua provenit majoris quantitatis, quam reliquae partes salis, ac tartari tingere ipsam possint; si crassa a liquido crassiori in simili proportionem quantitatis: & aquea alba, seu lactea, quae scilicet opaca est, & coloris lactei ab humoribus crassioribus cum sale permixtis proveniens, unde ejusmodi urina crassa semper. Ad aqueam pellucidam reducendae sunt, quas appellant pallidas, spiceas, & stramineas, quae singulae differunt per flavedinem plus minus saturam, cujus tamen maximus gradus non pertingit ad dilutam flavedinem urinae naturalis. Urina saturatior multiplex constituitur juxta diversos colores, quorum singuli sunt diluta citri flavedine magis saturi; cujusmodi primum locum tenet saturoflava, rubra, ferruginea, nigra, de quibus singulis eorumque causis, cum abunde in prima parte dixerimus, nihil hic superaddimus; patet enim omnem ejusmodi colorum diversitatem provenire, vela majori copia aquae, salibus, ac terrae permixtae, vele converso. Eodem in censu saturatiorum habetur viridis, quae species est flavedinis ad aeruginem tendentis, adeoque ab iisdem causis provenit. Postremo datur flammea splendens, nempe ut flamma purior, cujus causam similiter in prima parte tradidimus. Ad rubram reducuntur purpurea, vinea, rosea, & quaecunque hujusmodi rubicundum colorem participant, in quibus idem est remissior, aut intensior; sicut ad alia summa capita, urinae aliorum colorum, ut ad nigram livida, plumbea & cineritia, quae nihil sunt aliud, quam diversi gradus aeruginis, vel flavedinis cum multo tartaro, paucio humido apte inter se permixtis, & salibus, qui urinam constituunt. Quoniam

Flava turbida.

Opacitas, & perspicuitas.

Aquea.

Aquea pellucida.

Aquea alba, seu lactea.

Pallida, spicea, straminea.

Saturoflava, rubra, ferruginea, nigra.

Viridis.

Flammea purpurea, vinea, rosea.

Livida, plumbea, cineritia.

niam vero habet urina suum naturalem odorem, eumque satis gravem, urina igitur nihil olens, aut suave, aut gravius, vel diversum quid a naturali, dicitur non naturalis ratione odoris, & siquidem nihil oleat, vel in corpore non fecernetur, aut in renibus pars tenuis in vaporem olidum abiens; vel arctius colligatum erit cum reliquis urinae partibus, ita ut expirare non possit; si vero oleat non naturaliter, proveniet a partibus evaporabilibus eum odorem excitare aptis, quae praeter naturam in corpore generabuntur: neque enim hic loquimur de odoribus, qui urinis communicari possunt per cibos, potus, & medicamenta, sed de non naturali mutatione tantummodo ab his singulis non pendente. Postremo etiam si urina in urinam decidens sonet acutius quam aqua in aquam ab eadem altitudine, erit quid non naturale, provenietque vel ab impetu non naturaliter aucto, vel ab urinae materia magis sonante, nempe ad ficcum magis vergente: si vero sonet obtusius, seu gravius, praveniet vel ab impetu praeter naturam imminuto, vel ab urina magis ad humidum, & viscidum perducta.

Nihil, aut non naturale olens.

Acutius, aut gravius sonans.

Quarto, quoniam urina naturalis potest quidem etiam nubeculam, suspensionemque continere, sed illud praecipue saltem ut plurimum continet, quod sedimentum dicitur album, laeve & aequale, & ultra haec nihil aliud continere debet; illa igitur omnis urina dicitur ratione contentorum non naturalis, quae primo nubeculam, & suspensiones nunquam continet, secundo sedimentum, vel nunquam, vel non album, non laeve, non aequale sed cujuslibet alius coloris superficie interrupta, suisque partibus inaequaliter crassis, vel plane subsidens in fundo vasis: tertio, quae alia quaelibet contineat. Urina sine nubeculis, & suspensionibus, aut carebit iis partibus, quae cessantibus motibus cum sanguine conceptis simul coeunt, ubi ipsorum major, aut minor gravitas permittit, vel eadem ita cohaerebunt reliquis urinae partibus, ut se jungi per suos motus, nilusque non possint. Similiter se habebit necessitas urinarum, quae sedimentis carent. Quod si sedimenta demittant diversorum colorum a naturali, illi non aliunde proveniunt, quam ab iisdem causis, quibus urina tota coloratur, imo vero non raro contingit, ut sedimento deposito urina evadat decolor, & quasi aquea pellucida, eodem interim perseverante colore in sedimento, quo urina universa colorabatur. Inaequalitas superficiei, & asperitas proveniat

Urina sine nubeculis, & suspensionibus unde.

Unde sine sedimentato.

Sedimentorum colores varii.

Interrupta
superficies
& aspera.

Subsidentia
totalis.

Sedimenta
arenosa.

Foliacea,
furfuracea,
squamosa.

Membra-
nosa.

Pili.

Caruncu-
lac.

oportet a diversa gravitate, seu densitate partium totum sedimen-
tum constituentium; aequae densitatis etenim, sive aequae graves ad
eandem altitudinem quiescant intra liquida oportet, ut ex eorum
doctrina certum est: Subsiciens autem ex toto, & sese extendens
per superficiem imi vasis nihil assurgendo necessario pendet a
maxima gravitate & densitate, qua praeceps per liquida ad fun-
dum truditur. Quoniam vero terra, sal, & aqua urinam consti-
tuunt, si igitur praeter naturam ita se habeat, ut quiescentibus
motibus a sanguine conceptis sola terra secerni possit, fiet sedi-
mentum arenosum; si terra, & sal, ita ut possit subire colorem
nigrum &c. quemadmodum de urinis dictum est, colores omnes
suscipiet: si vero insuper admisti sint praeter naturam humores
viscidi, qui sal, ac terram comprehendere possint, & in quid-
dam simile squamulis, parvis foliis, ramentis furfuris, & hujus-
modi compingere, sedimenta erunt foliacea, furfuracea, squa-
mosa & his similia, quae contingere etiam poterunt, si scabiei
aliquid, vel quidlibet pustulosum cum laevi crusta in renibus,
uretheribus, aut vesica contineatur; abradet enim urina, &
secum auferet ramenta crustarum, quae cessante impetu imum
vasis petent. Ab eadem origine humorum, nempe viscidorum
pendent sedimenta membranosa; neque enim membranae sedi-
mentorum sunt aliud, quam majores squamulae. Sicut etiam a
non absimili causa produci possunt longa, & rotunda, exiliaque
pilorum instar corpora, immo cujuslibet alius figurae compo-
sita, quae per urinam excernantur, unde qui dicuntur pili redditi
per urinam ab Authoribus non veri pili, sed pilis quaedam similia
fuerunt. Adde renum corpus compactum esse ex minimis glan-
dulis per series tenuissimorum filamentorum capilli instar dispo-
sitis, unde, & illa abradi possunt, & per urinam pili forma
reddi. Caeterum quo pacto veri capilli reddi per urinam possint,
hoc nobis non ita facile admissu videtur. Carunculae in urina sunt
portiones majusculae glandularum renes constituentium, seu por-
tiunculae renum, ac denique in urina praeter naturam contineri
possunt, quaecunque fluunt cum sanguine, & in renibus cum
urina secerni, vel eidem separata admisceri possunt, aliunde ve-
nientia per exsudationem ex vasis, aut rupturam, aut extensio-
nem eorundem, unde sanguis, pituita, bilis utraque, semen,
pus, humores quilibet non naturales cujuscunque coloris, ver-
mes, calculi, frustra cujuscunque materiae in corpore praeter na-
tu-

turam genitae, deglutitae, vel impactae reddi poterunt, per urinam a renibus derivata, eademque omnia reddi poterunt si urinae admisceantur in uretheribus, vesica, aut urethra, ut patet. Atque hic animadvertes colores urinarum non naturalium, non solum produci posse per expositam mutationem partium urinae constituentium, sed per admissionem alius corporis liquidi, aut duri, quod colore alio urinam inficiat; quod etiam de sedimento ejus intelligendum est: id autem quando contingat prudentis Medici est cognoscere in particularibus morbis, ex quorum singulorum signis deducet, an talis urinae color ab admissione humoris, an mutatione partium in urina proveniat: sic sanguis rubro nigrum producet, pus viride viridem, magna bilis flavae portio aerugineum, minor rubrum aut flavum, atque ita deinceps. Postremo contentis urinarum annumerantur Coronae. Corona autem nihil aliud est, quam extremus limbus summae urinae, qui superficiem matulae contangit: circumferentia haec summae urinae pro diversitate urinarum, diversitate vitri, & crassitie, ex qua constat matula, positu luminis, & oculi dum inspicitur, diversimode colorata, & elegantissimis coloribus instar iridis apparet, unde sibi nomen Coronae meruit, & mirum est, quot eas super ridicule, & inepte fabulentur, & praedici posse asserunt Viri caeteroquin etiam doctissimi, cum re ipsa coronae illae nihil sint, nisi quiddam prorsus inane a varia luminis fractione per vitrum, & summum illud urinae velum proveniens, nihil significans, & nihil solidi in se continens. Jam vero illa postremo subjiciamus oportet, quorum gratia haec omnia praemissimus, quid nempe ex urinis deducatur.

Colores urinarum, & sedimentorum, etiam per admissionem corporum eo modo colorantium.

Coronae quid.

DE URINIS

PARS TERTIA CONTINENS

Quid illae habeant, quod ad Rem Medicam faciat.

Quoniam, ut separetur a sanguine in renibus, & per urethram reddatur determinata urinae quantitas; qualitas, & substantia, cujusmodi statuitur naturalis, oportet, ut instrumenta separantia, & reddentia naturaliter se habeant, atque insuper, ut eadem quantitas intra datum tempus separetur in

Mutatio urinae naturalis ratione instrumentorum, motus & crassitiei sanguinis.

in-

Ratione separationum vitianarum.

Contentorum carentia unde.

Tempus inspectionis post somnum.

In inspectione ad quae respiciendum.

Crudae & coctae urinae quae.

instrumentis naturaliter se habentibus, requiritur certa velocitas in sanguine, & certa crassities, sive partium cohaesio; quomodocunque igitur isthaec mutantur, mutabitur etiam habitudo naturalis urinae. Rursus, quoniam liquidum, & dura, quae naturalem urinam constituunt, solvuntur, & libere confunduntur cum sanguine in singulis partibus, in quibus humores aliqui secernuntur; nisi igitur omnes secretiones, vel earum apparatus liquae, vel aliquot naturali modo procedant, & perficiantur, urina naturalis reddi non poterit, & ab eo statu recedet, prout feret alteratarum separationum necessitas. Tercio, quoniam sedimenta, nubes, & suspensiones proveniunt a duris urinae particulis in sua loca confluentibus, postquam eadem urinae quieverunt, nisi igitur in iis separationibus, aut separentur eadem partes durae, vel, etsi separentur, implicentur partibus viscidis, quae urinam crassiolem constituent, contenta illa in urinis apparere non poterunt. Ex his autem patet tutissimum urinas observandi tempus esse post somnum, quoniam enim ad hoc, ut urinae constituentur, necesse est separentur liquida, & dura per urinam reddenda, & haec in singulis partibus admisceantur sanguini, in quibus aliqua fit separatio; ad hoc igitur ut habeatur determinata urinae quantitas, qualitas, & substantia, qualis est naturalis, illud oportebit expectare tempus, quo separationes omnes factae sunt, & sanguis totus per renes fluxit: una autem, & praecipua separationum est, quae contingit dum alimur, alimur autem in somno, & plurimum temporis intercedit inter tempus, quo cibum sumimus, & quo dormire desinimus (septem nempe, octo & plures horae, quarum spatio sanguis totus per renes fluere debet saepius) post somnum igitur praecipue debet urina reddi maxime naturalis. Hic tamen illud semper animadvertendum, num aetas, anni tempus, regio, temperies &c. quae superius in prima parte memoravimus, facere debeant, ut urinae etiam post somnum, quanquam iis, quorum sunt, sint maxime naturales, tales tamen non appareant, & inspectori minus prudenti, neque ad omnia respicienti falsa morbi specie imponant. His positis, inspicatur urina alicujus, quem male habere certo constet, & haec post quietem nullum contentorum offerat (cujusmodi urinae crudae nuncupantur, coctae e converso; sicut etiam crudae aqueae pellucidae, coctae colore suo coloratae, & ex utrisque com-

positae coctiores, crudiores sunt, ut aquea cum nullo contentorum, colorata cum eorum aliquo:) igitur per eum morbum fiet, ut vel humor urinae sit ita crassus, ut contenta dura se movere non possint per ipsum libere, & in sua loca confluere, quod certius asseremus, si eadem urina sit etiam crassa; vel ut eadem dura in partibus corporis non separentur, vel non admisceantur sanguini, vel in renibus ab ipso secerni conjunctim cum aqua non possint, quod certius indicabit, si eadem urina fuerit tenuis. In eo igitur morbo indicabitur per urinam ejusmodi, vel humorum omnium crassities, vel ea alteratio in partibus separantibus ratione motuum, vel instrumentorum, ut partes salis, ac terrae secerni a reliquis humoribus non possint, vel in iisdem partibus haereant obstruendo, lacerando, fermentando, ex quibus cum reliquis morbi signis comparatis ejus longitudo, aut brevitās, exitus in sanitatem aut mortem praedici satis tuto poterit. Quod etiam ut fieri possit tutius, expectanda secunda, tertia, quarta dies, atque ita deinceps & inspicienda urina postquam quievit, & siquidem nubecula appareat, cum haec ex partibus tenuibus, & levibus constet, certum indicium erit, aliquid in corpore solvi, siue, ut loquuntur, coqui, siue ut Hippocrates, *quod non fluebat fluere*, & hoc erit eo certius indicium reparandae sanitatis, si appareat ad dies criticorum indices, & succedentibus nubecula magis, ac magis descendat, quousque ad locum suspensionum veniat; tunc enim certum erit non solum partes subtiliores, leviores, & magis mobiles, siue coctu faciliores coctas esse, siue fluere, & excerni, sed crassiores etiam, graviores, & minus mobiles, siue coctu difficiliore: quae cum contingunt, siquidem vitium sit in humoribus omnibus, urina fiet cum suspensione tenuior; si vero a duris urinae partibus ad aliquam partem detentis, urina fiet cum suspensione crassior. Interim melius habebit aeger & suspensiones etiam magis descendunt quousque ad imum urinae subsideant, sedimentum efformantes, quale sanorum, album feret, laeve, & aequale, arguitque illud materiam etiam contumacissimam, nempe maxime crassam, gravem, & motui repugnantem, fluxilem factam, & aegrum a morbo statim liberandum. Si vero in morbis haec contentorum series non ita se habeat, sed prius sedimentum, mox nubecula, inde suspensiones, mox nubecula rursus, inde sedi-

Crudae, & coctae urinae quae.

Urinae sine contentis quid indicent.

Quid nubeculae mox apparentes.

Quid suspensa.

Quid sedimentum.

Quid contenta non ex naturae ordine sibi succedentia.

mentum, cui succedant suspensiones, vel quocunque alio versi ordinis genere sibi per dies succedere appareant contenta urinarum, tum rem semper versari in ancipiti judicandum; manifeste enim inde patet solvi, & moveri humores non illos prius, alios posterius ex ordine necessitatis, qui sunt magis ad fluxum faciles, inde qui minus, unde arguitur naturae vis, quae sensim roboratur, & magis viget expellendo magis resistentia, sed manifeste patet, ipsam modo superare, modo superari, unde incerta res. Similiter nubecula sub initium ap-

Nubeculae sub initium aliis contentis non succedentibus.

parens, inde evanescens nullis aliis contentorum succedentibus contumacem morbum, atque periculosum indicabit; sub ipsum enim initium secreta erit pars humoris peccantis fluidior, adeoque totum ipsius reliquum factum erit densius, atque tenacius, seu difficiliter coctile; & cum coqui ipsum, seu fluere non posse ostendat defectus suspensionis, aut sedimenti, certum erit ipsum in sua densitate, & cruditate persistere, &

Sedimenta eodem tempore.

morbum esse solutu difficilem. Pariter sedimenta sub initia morborum animo quidem fingi possunt salutaria, cum humores saltem fingi possint, qui statim, etsi densi, & graves, & motus difficillimi, fluxiles reddi possint, & in motum agi, quo in casu aeger statim se levare sentiet, ac morbum solvi: quia tamen illa est naturae necessitas, ut paulatim operetur, & motu faciliora prius moveat villis se contrahentibus, qui majus pressionis momentum exercentes, quo magis ac magis a resistentia liberantur, motis magis mobilibus, validius nituntur in minus mobilia, quousque demum pariter in motum agunt, & fluere cogunt cum sanguine; hinc fit ut sedimenta statim sub initium apparentia sine aegri levamine, & solutione morbi, maximi periculi censenda sint; indicabunt enim maximam villorum laxitatem, qua fit, ut ne retinere quidem gravia illa, & immobilia possit, vel stimulum eorundem, vel novum affluxum materiae coacervatim prementis, & villos magis laxantis.

Suspensiones eodem tempore.

Ex quibus patet, suspensiones sub initia morborum non succedente sedimento minus esse periculosas, immo posse etiam esse salutes, & morbum solvere; si nempe humor peccans ejus naturae sit, ut non ita difficile moveri possit, nec constet ex partibus omnino gravibus, atque densis, quae sedimentum constituunt, vel ex omnino levibus, atque raris, quae nubeculam. Ex quo rursus facile intelligimus fieri aliquando posse,

se,

se, ut etiam per nubeculam, vel sedimentum subito apparentia in initiis morborum, iidem morbi solvi debeant, si humores peccantes sint perfectissimae tenuitatis, unde non nisi nubecula creari possit, ac vis villorum statim sub initium morbi totum humorem expellat: vel perfectissimae crassitiei, quae nihil tenuitatis admistum, vel ita admistum, ut separari non possit, & villi tam validi, ut hoc ipsum compositum maxime resistens motui in fluxum agere valeant: quae etsi fingi potius animo, quam re ipsa dari posse nemo non videt, saltem hinc illud deducitur in morbis ab humore tenui, levique provenientibus magis nubeculas esse necessarias, quam sedimenta; haec magis quam nubeculae in provenientibus ab humore crasso, & gravi; suspensiones in inter utrumque mediis & nubeculas in illis etiam sub initia apparentes, contentis reliquis non succedentibus esse minus periculosas; in his vero sedimenta eodem modo. Quia vero, postquam vili per primam illam levissimam contractionem, in quam venire possunt, partem maxime liquidam, quae nubeculam efformat, expresserunt, ab ejus resistantia liberi multo validius nituntur; hinc fit ut successively non tenuissimum solum sejunctum a crasso exprimant & in fluxum agant, sed etiam crassum aliquid ipsi conjunctum, unde componitur ex utrisque quiddam nubeculâ gravius, & sedimento levius; quod proinde circa urinae medium colligitur, seu suspensio fiet: quae proinde si appareat diebus decretoriis, quibus nempe villi sese valide contrahunt, erit optima contentorum, & erit indicium solvendi mox morbi in sanitatem, cui deinde succedet sedimentum non tanquam excrementum morbi, sed ut contentum urinae naturalis cum aliquot etiam ejusdem fortasse morbi reliquiis crassioribus. Postremo, contenta quaelibet interrupta, distracta asperae superficiei arguunt, ut patet ex praemissis, humores inaequaliter graves, & inaequaliter solutos, vel in diversis partibus collectos, in quibus, vel humores sint ejusdem naturae, partes autem non sint ejusdem roboris, unde fit inaequalis solutio, & gravitas, & in urina locus, vel e converso sint humores diversae naturae in eadem parte collecti, unde eadem inaequalitas solutionis, vel diversae partes, & diversa humorum natura, ut patet. Quid autem isthaec arguere possint juxta diversa tempora, quibus apparent, nullo negotio deducitur ex antecedentibus. Multo

Contenta singula quorum morborum propria, & quando etiam per initia minus periculosa.

Suspensio apto tempore apparens contentorum optima.

Contenta distracta, vel interrupta quid indicent.

autem breviores erimus circa eorundem sedimentorum, & contentorum quorumlibet colores varios; ex iis enim, quae de sedimentis naturalium urinarum diximus, res tota facile patet; & eo demum redigitur, ut quo sedimenta ab albo colore versus nigrum per expositos gradus ascendunt, eo major adsit tartari copia cum sale mista, qui sit naturalis quantitatis, vel minoris; contra vero cum a nigro tendit in album; unde indicabitur pro diversitate morborum bonum, vel malum omen, prout e signis reliquis intelligetur bonum, vel malum esse, si e corpore educantur, vel retineantur fixae, & durae partes, cujusmodi sunt terra, & sal fixum praecipue. Illud etiam memineris, quemadmodum urinae color per admissionem alicujus humoris eodem colore tincti, qui ab urina repraesentatur, produci potest, ita urinarum contenta eodem modo, posse infici, idque dignoscendum ex signis aliis; quod cum fiet, ex ejus sedimenti, vel cujuslibet alius contenti inspectione, id de morbo judicandum, quod humor admixtus suadebit, ut si fuerit sanguis, semen, pus naturale, aut corruptum, & hujusmodi.

Quid indicet totum ipsum urinae corpus.

Ex his autem, quae data opera aliquanto fusius exposuimus de contentis urinarum, eorumque indicationibus, obvium est intelligere quid arguat ipsum urinae corpus ratione partium, & separationum, ex quibus urinam componentia deducuntur; quemadmodum enim materia contentorum arguit humores peccantes solutos esse, vel crudos fluere, vel haerere in partibus corporis, ita prout major erit, aut minor quantitas liquidi urinam componentis, vel partium durarum, si utraque cum quantitate naturali urinae, & inter se conferantur, indicium, vel solum liquidum, vel solum durum, vel utrumque haerere uni, aut pluribus, aut omnibus partibus corporis; si alterutrius, aut utriusque quantitas sit naturali minor; vel solvi naturalem partium omnium, aut alicujus humorem, vel durum, vel utrumque, si alterutrius, aut utriusque quantitas reddatur naturali major. Facile autem ex diversitate colorum intelligemus, quando major liquidi, quam duri quantitas, vel major duri, quam liquidi in urina contineatur ex iis, quae in prima parte demonstravimus, cum eo minor sit liquidi quantitas, quo color est magis satur, supposita etiam naturali quantitate duri, major, cum est magis dilutus color in naturali quantitate du-

duri: vel e converso duri quantitas naturali major in naturali quantitate liquidi tunc erit, cum color erit magis satur, minor cum dilutior in quantitate liquidi pariter naturali. Quemadmodum igitur urinarum contenta indicant quid in sanguine, aut partibus corporis non naturaliter contineatur, & quando solvatur ad sanitatem, aut mortem, id ipsum indicant mutationes urinarum, quae in partibus ipsam constituentibus observantur: cum etenim apta quantitas duri, aut liquidi non redditur, vel utrumque, oportet, vel non separetur in partibus, vel stagnet alicubi, vel affigatur sanguini fortius, ut solvi intra renes, vel secerni non possit, vel etiam liquidum praecipue absumatur, vel mutetur in aliud aliquid fixum, vel in evaporationem per totum corpus abeat per calores, & motus vehementes morborum. Haec igitur singula indicabuntur, & quae ab his provenire possunt morborum genera; unde si urinae reddantur ad dies criticos, vel criticorum indices, pronunciare poterimus quietem humorum tolli, separationes rite institui, solvi sanguinem, urinam non evaporare, non immutari, & si quae hujusmodi per alia signa innotuere intra illius aegri corpus contingere, quae singula iis temporibus, nempe per initia morborum, & caetera distinguenda, per quae indicationes a contentis urinarum distinximus: quare de ipsius urinae corpore nihil exponemus distinctius, nisi quod turbari urinas statim, vel paulo post excretionem, vel etiam turbatas reddi, sive excerni in quolibet morbi tempore, nullius est tutissimae indicationis, si hoc unum excipias, maximam inde argui agitationem in partibus humores componentibus: quia vero hujusmodi agitatio sine aliqua solutione esse non potest, haec autem solutio, vel salutaris est, si disponit humores, qui solvuntur ad subeundam novam compositionem, quae naturalis, vel plus minus periculosa, aut omnino lethalis, si disponat ad compositionem plus minus a naturali recedentem, vel naturae omnino contrariam, & possibile sit hujusmodi solutiones omnes quocunque morbi tempore contingere, patet tutum indiciumurbationis urinarum haberi non posse, nisi noverimus cujus generis solutio in illaurbatione contingat; quod scire nemo nostrum potest, cum innumeri sint solutionum modi, & contingant per minima, quae nobis ignota sunt. Poterit tamen prudens Medicus ex aliis signis in aegro apparentibus aliquid

Urina subito corrupta, vel quae corrupta excernitur quolibet morbi tempore incertae indicationis.

verosimile judicare ex turbatione urinarum. Quam autem turbationem hic dicimus, non accipiendam esse volumus quamlibet urinae mutationem in opacum praecipue, si opaca excernatur, sed eam solum, quam corruptam appellant; dantur enim ex prima parte urinae opacae, quae ejusmodi reddi possunt absque ulla agitatione, & solutione minimorum, sed per solum defectum aptae quantitatis liquidi, vel excessum duri, vel utriusque simul. Quae sunt duo summa capita, juxta quae de urinis differendum sub initium hujus partis ostendimus.

Supereffet quod primo loco proposuimus ad examen revocare, quid urinae indicent, cum sanguis aequo crassior est, vel velocius, aut tardius movetur, vel aequo tenuior; sed cum haec dari non possint sine totius corporis morbis, obstructionibus, separationibusque alteratis, ex superioribus isthaec patent, & doctrina separationum, unde nihil de his addimus.

Postremo, quae ab urinis indicantur ratione instrumentorum separantium, & excernentium, nempe alterationum, & mutationum non naturalium, in quas veniunt vasa omnia urinaria, partim ex Anatomicis ultro patent, partim pertinent ad morbos particulares earundem partium; de his proinde non est hic agendi locus, ubi in genere indicationes urinarum exponimus, non quid eadem indicent ratione uniuscujusque particularis partis, aut affectionis. Illud potius subjiciemus, partim memoriae gratia, partim ad universae hujus doctrinae confirmationem, nihil occurrere apud magis probatos rei Medicae institutores de indiciis ex urinis experientia confirmatum, & mandatum litteris tanquam ratum, cujus necessitas ex paucissimis, atque planissimis hisce nostris nullo negotio non deducatur; quod ut plane constet, ea ipsa probatissimorum Virorum pronunciata, & merito pro universae artis Medicae fundamentis habita subjicimus, & juxta ea, quae disseruimus, per necessitatem exponimus, quod agentes lucem etiam superioribus faciemus, quae forte nimis contracte, pressaeque notavimus, & unum instar omnium seligimus Hippocratem.

PARS QUARTA

DE URINIS CONTINENS

Commentaria in praecipua loca Hippocratis de iisdem.

Hippocrates 2. praedictionum p. 85. *Quare tum necesse est eos qui largiori potu utuntur difficilius spirare, & majorem urinae copiam reddere.* Quoniam etenim liquidum aqueum, ex quo pars maxima urinae constituitur, ab assumptis liquidis derivatur, largius igitur bibentes majorem etiam urinae quantitatem reddent.

Urina copiosior in large bibentibus.

Idem ibidem pag. 88.

Urinam autem potui respondentem reddere oportet, & semper aequalem, & totam simul quam maxime (non effusam ut Foesius, ἀπόσπον enim ait Hipp, quod significat totum simul, & confirmatur ex verbis mox succedentibus: si vero paulatim &c.) & ad paulo crassius inclinantem, quam quod potu sumptum est. Quod si diluta fuerit, & copia major quam quod potui sit assignatum, hominem dicto non audientem significat, sed abundantiori uti potu, aut non posse nutritionem accipere quamdiu talis urina redditur. Si vero paulatim cum stridore urina mittatur, aut medicamenti potione hominem indigere, aut vesicam quodammodo male affectam denunciat. At sanguinis mictus rarus quidem, & sine febre, ac dolore nihil mali indicat, verum lassitudinum solutio fit. Quod si saepius mictu reddatur, aut horum aliquid accesserit, periculum minatur: at praedicendum est sive cum dolore, sive cum febre mictu reddatur, pus insuper per urinam effluxurum, atque eo pacto dolores tolli. Urina vero crassa, in qua quod subsidet album est, articularum dolorem, aut tumorem denunciat. Quae autem sunt reliqua, sedimenta in urinis eorum, qui excernentur, ea omnia a morbis fiunt, qui circa vesicam affligunt, quod manifestum facient dolores, qui aderunt, & a quibus vix liberari queant.

Quoniam portio aquea urinae ab assumptis liquidis deducitur, igitur eorum quantitati illa respondeat oportet, & ne praeter naturam aliquid eorum detineatur, & semper in eadem quantitate sumi supponatur, debet etiam urinae quantitas reddi semper eadem, sive erunt urinae semper aequales. Quoniam

Urina potui respondeat.

Sit semper aequalis.

Excernatur
tota simul.

Paulo cras-
sior potu.

Urina lar-
gior, & di-
luta vel lar-
giorem po-
tum, vel ho-
minem non
ali indicat.

Urina quae
paulatim
redditur, vel
opus esse
medica-
mento fol-
vente indi-
cat.

vero, antequam urina reddatur per urethram in naturali statu debet intra vesicam tota colligi quantitas, quae per unicum mictum mingitur, & urethra naturaliter se habens continue excipere, ac derivare extra corpus urinam potest; vesicae autem musculi, & pressio abdominis continue exprimere naturaliter se habentes cavitatem vesicae possunt quousque urinae minimum excludatur; igitur urina in naturali earum partium statu tota simul quam maxime reddenda erit; secus enim si accadat, indicabit quod mox. Ubi vides non determinari quantitatem urinae, sed de ea solum agi, quae jam intra vesicam collecta est, sive magnae, sive parvae sit quantitatis. Quia vero in urina continetur etiam pars dura salina, ac terrea, igitur in naturali statu, ex superioribus, aqua urinae constitutionem complens fiet inde aliquanto se ipsa crassior, & urina tota ad paulo crassius verget, quam quod potu sumtum est. Quoniam itaque urina potui respondeat oportet, & ex admistione salis, ac terrae fit crassior, & colorata, si igitur diluta sit, & copiosior, vel largius bibere hominem indicabit, vel non ali; quod fieri quidem potest, vel ex eo quod pars potus apponenda partibus non apponatur, unde per urinam reddatur, quae dilutior appareat, eo quod pro ratione salis, ac terrae major datur copia liquidi; vel quia eadem partes durae solvantur, & in aquam urinae abeant, vel evaporent, unde succedet facile tabis genus aliquod, vel quia eadem partes a corpore non fecernantur, neque ab humoribus, ex hisce enim capitibus singulis, ut patet, prohibetur, ne alatur animal, & urinae reddi debebunt copiosiores, & magis dilutae, & homo tamdiu in illo non naturali statu persistet, quamdiu talis urina reddetur. Quia vero humores acriter vellicantes pungendo, vel lacerando eo graviores doloris sensum excitant, quo in sentientes partes nituntur validius, similisque sensus excitatur, si debili jam laceratae, ulcere exesae, & hujusmodi parti mitior etiam humor allabatur leniter; si igitur cum urina admisceantur praeter naturam humores maxime acres, quibus vesica, dum illa redditur, maxime prematur, hoc est, humores iidem validius nitantur in maximi sensus membranas, ad quas fluunt, dolebunt illae maxime, unde musculi a contractione, qua uti assuevimus, ut ejusmodi dolorem vitaremus, cessabunt, & cessabit etiam dolor; quia tamen aliunde vis naturalis urinae nos ad excretionem cogit, ne dolo-

re illo continue affligamur, contrahemus musculos lentius, & per intervalla, unde urina intra vesicam collecta non tota simul, sed paulatim reddetur: humores autem illi acriores praeter naturam geniti, extra corpus ducendi sunt, quod facile fieri potest per solvens medicamentum; urina igitur, quae paulatim redditur, medicamenti potionem indicat. Si vero urina supponatur naturalis qualitatis, paulatim tamen reddatur, id ex eo fiet, vel quia debilis est musculorum contractio, unde debilis pressio, & cito eorum defatigatio, unde quies per intervalla, & urina paulatim reddita; quare indicabit illa resolutio- nis principium, vel quicquid aliud prohibens musculorum motus. Si vero absit hoc prohibens; vesicae autem tunicae ulcere laborent, vel quolibet alio morbi genere nervos vel penitus denudante, vel membranas extenuante, tum consuetus solum naturalis etiam urinae allapsus acerrimum sensum doloris imprimet nimis expositis nervis. Quare patet tota pronunciati necessitas. Quoniam vero reddi per urinam sanguis non potest, nisi effluat e venis, atque arteriis, neque effluere, nisi saltem ipsarum pori, nempe villi laxentur, neque laxari, ita ut sanguinis copiam aliquam sensibus subjectam, & animadversione dignam effluere permittant, nisi lassitudinis sensum quendam excitent; in mictu igitur sanguinis hanc ipsam saltem lassitudinem sentiemus, quae proinde cessare debet cessante mictu sanguinis, cum tum villi restituantur, & suae contractioni, & vigori reddantur. Esto igitur mictus ille sanguinis, cum nullo alio sensu conjunctus, quam lassitudinis, indicabit igitur villorum solam laxitatem, non vero fractionem, divulsionem, & hujusmodi violentas apertiones, ex quibus insignis copia, immo sanguis universus effluit, unde non multum mali portendet; si vero sit rarus, omnino nihil mali; indicabit enim villos canalium sese restituere, & viribus pollere, multoque minus si febris desit. Si vero mictus ille contingat frequentius, jam suspicio periculi imminet; alterne enim, sed frequenter se restituentibus, & laxantibus villis, ipsorum vis sensum infringatur oportet, ac demum succedat divulsio: si insuper adfit dolor, magis suspicabimur de divulsione, quae vel jam contigerit, vel proxime contingere debeat a divulsione illa excitato doloris sensu; & siquidem divulsio sit tanta in vesica, aut ejus vasis, ut plurimum sanguinis effluere possit, qui collectus, & subsistens ad partes proximas solvatur in liquidum non naturale

Vel vesicae
 (adde etiam urethrae) morbum.

Cessante mictu sanguinis lassitudo cessare oportet.

Mictus ille rarus, sine dolore, ac febre nihil mali.

At frequens, vel cum dolore, aut febre periculofus.

Urina crassa
album de-
ponens, tu-
morem, aut
dolorem in
articulis in-
dicat.

febrem excitans, aderit etiam febris cum dolore conjuncta, quorum utrumque tolletur postquam liquidum illud coctum fuerit, & in pus conversum, quod per urinam reddetur. Itaque praedicendum, mictum ejusmodi tollendum per puris mictum, eoque & mictum sanguinis, & puris, & febrim, & dolores cessaturos. Cum autem apertio canalium sanguineorum periculosa semper sit propter solum effluxum sanguinis, multo majoris erit discriminis, si conjungatur cum dolore, & febre, quae ex se ipsis periculosa sunt. Quoniam insuper in urina crassa major copia duri continetur, quam liquidi, & sedimentum album a sale praecipue pendet cum humoribus crassis albidis, cujusmodi viscida; igitur & urinae corpus indicabit terram, ac sal, & viscidum abundare in eo, cujus est urina ejusmodi, & sedimentum indicabit sal praecipue solutum a tartaro, & cum humore viscido plus minus misto; humores autem viscidos, seu crassi, & durae partes, ad hoc ut fluant, plurimam pressionem exigunt, minima autem in articulis; eorum igitur miscella ad articulos perducta difficile per eos movebitur, atque alio derivabitur, unde in iisdem subsistet, & siquidem sal sit cum humore ita mistus, ut vellicare, ac pungere articulum non possit, humor autem sit tam crassus, ut discuti sensim nequeat, fiet tumor indolens, & solum quid lassitudinis procreans: si vero sal sit liberior, liquidumque fluidius, fiet sensus doloris acer sine tumore, utrumque si liquidum crassius, sed liber, vel copiosior sal: quare urina crassa album deponens, tumorem, aut dolorem in articulis indicat. Postremo ait Hipp. *Quae autem sunt reliqua sedimenta* (nempe foliacea, furfuracea, squamosa) sed haec sunt evidentia, & nihil indigent explicatione.

IDEM JUXTA ORDINEM DURETI DE URINIS p. 509.

Ex Coacis Praenotionibus.

1. **U**rina in febre albam, & laevem habens hypostasim, atque constantem, citam ejus dimissionem ostendit.

Sedimentum album, laeve, &

Quoniam enim ejusmodi sedimentum indicat materiam crassam, sive ex sale, sive ex humoribus crassis, ac viscidis, sive

ex

ex utrisque; si igitur ejusmodi sedimentum habuerit signa perfectae coctionis, cujusmodi est laeuitas, neque fuerit inflans, & varium juxta tempora, sed per totum morbum diebus singulis apparuerit eodem modo, indicabit materiam febris per urinam excerni, adeoque brevi evasurum hominem. Adde his indicari per ejusmodi sedimentum, villorum sive naturae vigens robor, cum materiam etiam motui magis repugnantem in ipsum agere, ac solvere possit, quod brevior faciet morbi durationem. Insuper cum ejusmodi sedimentum sit simile sedimento sanorum, nihil forte habebit cum febre communionis, sed erit id quod naturaliter excerneretur; quod si fiat, multo certius erit brevi reparandae sanitatis indicium, arguet enim per ejusmodi febrem operationes naturales minime impediri.

2. *Id ipsum ostendit urina, quae ex confusa quippiam pingue ostentans aquescit.*

Laborant hic interpretes; neque enim pinguedo in urina solutionem morborum, sed exitium portendat oportet, cum sit colliquationis indicium. Ipse vero censuerim illud *pingue* non intelligendum de vera pinguedine, aut materia unctuosâ, sed de materia crassa, ac lenta instar olei, quod non obscure indicare videtur additum illud *quippiam*, eritque materia tenax, & viscida, quae conjuncta cum antecedenti urina turbata, & mox aquescente, indicium optimum erit, cum enim urinae turbatio agitationem, & solutionem humorum indicet; si haec igitur abeat in tenuiorem, & qualitibus omnibus aquae magis similem, indicabit agitationem illam quiescere, & cessasse solutionem: adsunt autem materiae viscidae, igitur ex ea solutione orta est compositio humorum talis, ut materiae difficile mobiles, & febrem conservantes excernantur, quod erit ejusdem brevi cessaturae indicium.

Urina ex turbata aquescent cum materia quadam viscida cur in febre bona.

3. *Quae autem subrubra est, habetque subrubram hypostasim atque laevem, siquidem ante septimum diem fuit hujusmodi, septimanam febrem exsolvit; si autem serius longiorem, vel omnino longam.*

Quoniam sedimenti laeuitas indicium est bonae coctionis, totius nempe humoris aequaliter cocti, rubedo autem sive urinae, sive sedimenti materiae crassitiem aliquam, nempe parum humoris, aut plurimum tartari cum sale, si igitur hujusmodi

Urina rubra cum simili sedimento & laevi cur, & quando bona in febribus.

urina ante septimum, criticum nempe appareat, indicium erit naturam esse tam validam, ut crassitiem illam movere, ac solvere possit, adeoque ex toto movebitur, ac solvetur die naturali solutionum, nempe septimo critico. Si vero post diem criticum appareat, indicium erit crassitiem esse tantam, ut moveri, ac solvi non potuerit, unde longius tempus exigit ad solutionem, & erit diuturna febris.

4. *Quin etiam urina, si nubeculam quarto die subrubram assumpserit, septimanam exsolvit, si caetera convenienter sint constituta.*

Nubecula
rubra quarto die in febre bona.

Quoniam enim nubecula indicium est motus, & solutionis tenuiorum partium; rubor autem mitionis partium duriorum, nubecula igitur rubra indicabit humores peccantes moveri jam, ac solvi, & excerni per urinam non eorum solum partes tenuissimas, verum etiam crassiores aliquas, cujusmodi sunt durae; quare si validius fiat villorum robur per dies succedentes, & dies, quo apparet ejusmodi nubes, sit criticorum index, ominabitur brevem febrem: quartus autem est septimi critici index, & a quarto semper augetur villorum vis, igitur per succedentes dies crassiores etiam, & crassissimae partes solventur, & septima evadet aeger. Oportet autem ut cum hac urina reliqua etiam signa convenient. Quod in omnibus intelligendum est.

5. *Tenuis autem, & biliosa, ac ne vix quidem exiguam habens hypostasim, tum quae in melius, modo in pejus mutatur, longi est morbi. Si autem haec longius invicem consequantur, & circa crisin tardiora sint omnia, periculo certe non vacant.*

Tenuis, biliosa, sine sedimento, inconstans longimorbi: longioris quo diutius ita sese habet: periculosa si circa crisin tarda sunt omnia.

Quoniam enim urina tenuis, & subflava, sine sedimento arguit plurimum liquidi sine duris partibus, cum igitur dabitur urina ejusmodi, intelligemus has partes duras intra corpus detineri, & cum ex se ipsis etiam admistae liquidis difficile moveantur, ac solvantur, multo difficilior id fiet, si liquidum auferatur, quare longum tempus requiretur, ut moveri possint, ac solvi. Similiter quae in melius, mox in pejus mutatur, diuturnitatem morbi arguit; ostendit enim materiae multitudinem, quae modo villorum vi solvi potest, modo non potest; & eo diuturnior erit morbus, si haec singula per longum temporis spatium perseverent, ut patet. Si vero ad dies criticos tardiores motus, ac solutiones fiunt, tum equidem etiam de morte suspicandum erit; cum etenim ad dies illos natura debeat esse ma-

xime valida, & materies maxime mobilis, ac fluxilis; tardius autem moveatur, ac fluat, indicium erit, vel materiem esse maxime contumacem, aut naturam maxime infirmam, aut utrumque, quod periculo non vacat.

6. *Aquosa vero, & alba exactum ad morbum, in vetustis quidem, difficilis est, nec secundi iudicii.*

Vetustis intelligendum esse chronicis, nempe longioribus morbis patet ex Graeco textu; & *aquosam* urinam *albam* esse aqueam pellucidam patet, quod haec apponitur tenui, biliosae superioris textus: ut etiam appellatur Aph. 72. 4. Quoniam itaque aquea pellucida caret partibus crassioribus, si igitur haec reddatur ad extremum usque morbi, & hic morbus fuerit diuturnus, & vetustus, arguet in corpore detineri maximam contumacis materiae copiam, coacervatam nempe per totum longum tempus vetusti morbi, unde difficillime moveri, ac solvi poterit; eritque propterea difficilis, nec secundi iudicii.

7. *At vero nebulae in urinis albae quidem & fundum versus utiles; rubrae autem, nigrae, lividae item, difficiles.*

Patet enim ex superioribus, album contentorum colorem crassae materiae solutionem indicare, & crassioris, quo contenta magis ad imum accedunt: coloratae vero maiorem cohaesionem inter partes salis, ac terrae, vel eorum maiorem quantitatem, quod cum difficilis solutionis sit pro diverso colore magis ad saturum tendente, eo difficilioris solutionis erit materies.

8. *Periculosa inter urinas quae biliosa est, nec subrubra, tum similis amylo cum alba hypostasi, quin etiam ea, quae & colore, & hypostasi variegata est, idque potissimum, cum e capite sunt Rheumatismi.*

Alba hypostasi. Ex textu Graeco patet. Biliosa enim urina solum sine admista rubedine indicat partem maximam tartari detineri intra corpus, unde difficilis fluxus &c. Urina similis amylo cum alba insuper hytostasi crassitiem maximam humorum ostendit, non eam tamen, quae sit per solutionem ad salutem tendentem, sed liquationem partium solidarum, quibus putrefactis in aqua, similis est amyli crassities, nescio quid pinguitudinis habens. Quod si urina, & hypostasis sint diversimode coloratae, periculosum erit; arguet enim, vel eodem tempore in diversis partibus corporis diversorum corporum solutiones fieri, vel eorundem in iisdem diverso tempore, quod

Aquea pellucida per totum vetustum morbum sibi constans periculosa.

Nebula alba descendens utilis: rubra, nigra, livida, difficilis.

Biliosa non rubra, amylo similis cum albo sedimento, multicolor cum simili sedimento, & praecipue in fluxionibus a capite periculosa.

propter multitudinem materiae solvendae, & diversarum virium, quae requirentur ad eorum solutiones, periculosum erit. Et eo quidem magis, si fluat a capite pituita; illa etenim cerebrum, a quo virium fons, infringit, & cum separatur a sanguine, arguet per ipsius separationem sanguinem totum solvi miris modis, ignotis etiam, unde diversorum humorum productio, & urinae cum hypostasi multicolores.

9. *Periculosa etiam quae transit de nigra in tenuem biliosam, tum illa quae ex hypostasi sua divellitur.*

E nigra in
tenuem biliosam
transiens
periculosa
& a cujus
sedimento
velut enaeorema
divellitur.

Quoniam enim niger color parum humidi cum multo tartaro arguit, tenuis autem biliosa plurimum humidi cum paucis tartaro; ut igitur urina nigra in tenuem biliosam transeat, oportebit, ut plurimum terrae detineatur in corpore, plurimum humidi excernatur, unde illa motu, & solutu evadet difficilior, unde periculum. Si vero ex hypostasi divellatur aliquid, nempe ascendat, ut est enaeorema, indicabit non eam esse solutionem sedimenti, ut per eam fiat apta mistio cum partibus subtilioribus; abripiuntur enim libere, & ascendunt; unde etiam in corpore partes eadem subtiliores, & magis mobiles a crassioribus, & minus mobilibus secernentur, easque relinquunt magis motui ineptas, & viscidas, unde periculum.

10. *Quin etiam quae ex glomerata sublivida habet hypostasim, etiamne tum in dolore est hypochondrium? idque opinor dextrum; aut sunt praeterea biliosi? atque assurgunt parotides dolorificae? His brevi prorupta alvus, pestifera.*

Dubium qua ratione sit exponenda haec praenotio, & incerta etiam Hippocrati, ut ex loquendi modo patet per interrogationem cum dicto *idque opinor*. Ex glomerata sublivida asserunt intelligendum de enaeoremate coacto, sive simul collecto, vel conglobato, post quod appareat sublivida hypostasis.

Urina conglomeratae
sublividae
hypostasis
quid portendat.

An etiam exponi potest de hypostasi, quae prius glomerata fuerit, mox sublivida appareat, vel etiam de eadem hypostasi, quae & figurae glomeratae sit, & sublividi coloris, quasi dicat, urina, cujus hypostasis ex glomerata materia sublivida est &c. Hujusmodi expositio videtur aptior, cum rem totam clariorem faciat. Quoniam enim sedimentum simul coactum magnam tenacitatem, & gravitatem materiae significat; si huic igitur addatur color sublividus, majorem materiae crassitiem indicabit, cum illa ab excessu durarum partium proveniat, ac pro-

proinde ejusmodi materiam abundare in corpore, & siquidem aliunde innotescat colorem illum a bile provenire, mirum non erit, si hypochondrium dextrum doleat, quod occupat jecur, in quo colligetur materia bilis non naturalis crassior, quae ipsum extendet, & in dolorem coget. Necessarium insuper, ut biliosi sint, & fieri poterit, ut ejusmodi humor per corpus fluens cum sanguine excurrere per parotides non possit, adeoque eas in tumorem attollat propter tensionem, & vim bilis vellicantis dolorificam. *His prorumpat alvus brevi*, nempe brevi temporis spatio ab initio morbi; erit igitur tempus, quo proruptio illa non erit critica, adeoque vel excernatur purum humidum, & cum proruptio significet excretionem copiosam in magna quantitate, & relinquentur partes crassae magis difficiles fluxui, unde cita mors, vel cum humido etiam pars crassior, & indicabit maximam villorum infirmitatem, immo extremam propter dejectionem copiosam, quasi jam nihil ulterius retinere possint, unde cita mors.

II. *Quae ex improvise, immerito, & paulisper urinae coquuntur, pravae; atque omnino, quicquid immerito coctum est in acuto, malum.*

Paulisper apud Hipp. brevis durationis, & subito deficientis significat. Quoniam igitur coctio solutio est, cum quid solvitur praeter rei praesentis ordinem, malum erit, arguet autem non solutionem vi fibrarum factam, sed violenti motus, quo partes magis mobiles sese a crassioribus expediunt, unde nubeculam aliquam ostendent, signum coctionis; quae tamen brevi durabit, & evanescet propter tenuitatem partium, sicuti propter eandem tenuitatem subito, seu ex improvise eruperunt. Hinc autem fiet, ut partes crassiores solutu magis difficiles evadant, unde malum.

Subito, & immerito coacta mala, & brevis durationis.

12. *Prava autem & illa, quae ab his praerubra, virulenti quippiam efflorescentis continet.*

Quoniam enim color impense rubens maximam terrae quantitatem arguit cum pauca liquidi, viror autem similiter earundem durarum partium excessum, cum urina a subita illa coctione, nempe solutione, gradum non facit ad majorem facilitatem fluxus, indicat vel fixatum, vel absumptum humidum per ejusmodi solutionem, vel auctam durorum quantitatem, ex quibus singulis augetur solutionis difficultas, & fit urinae prae-
vitas.

Transitus ab hac in praerubram cum virore malus.

13. *Urina autem, quae alba funditur, atque pellucida mali est ominis, atque potissimum haec in phraeneticis.*

Alba lucida
semper ma-
la, sed in
phraeneti-
cis maxi-
me.

Relinquit enim in corpore crassa omnia, & cum haec in phraeneticis stagnet juxta cerebrum, fit inflammatio major, unde dolor major, pressio cerebri major, unde obstructio major, ac demum impedimentum maximum, vel absolutum spirituum, unde haec urina in eo morbo pessima ratione partis, in qua morbus viget.

14. *Prava est item, quae mox a potu effluit, maximeque pleuriticis, & peripneumoniacis.*

Prava quae
mox a po-
tu redditur
in pleuriti-
cis praeser-
tim, &
peripneu-
monicis.

Indicat enim eam occurrere resistantiam in canalibus, per quos naturaliter fluere antequam redderetur, ut ad eandem subsistat, & valide prematur potus, atque ex iis per pressionem exsudat, unde ab arteriis absorbeatur, & perducatur ad renes multo citius, quam si per canales suos fluxisset; quod si id contingat in pleuriticis, aut peripneumoniacis, arguet occlusionem validam vasorum pulmonariorum, adeoque difficilis curationis. Provenire etiam potest velox illa urinae a potu excretio a siccitate, & calore partium statim a ventriculo & intestinis liquidum absorbentium, atque ita in arterias subito derivantium: quod in positis morbis cum insigni inflammatione sit, oportet.

15. *Prava est illa etiam, quae ante rigorem oleosa mejendo emit-
titur.*

Et quae an-
te rigorem
oleosa red-
ditur.

Oleosa enim liquationis est signum: itaque vel rigor supervenit liquationis ratione, & tunc urina illa praecedens pessimam esse liquationis solutionem indicabit, quae vel calorem absumat, vel particulas irritantes, vel simul utrumque producat, ex quo rigor superveniens liquationem promovebit: vel rigor supervenit aliunde, puta ex gratia, quia laboret ille febre aliqua intermitte, ac tum similiter cum oleosa liquationem indicet vi rigoris, tum ratione materiae irritantis, a qua rigor producitur, tum ratione concussionis, qua rigemus, promovebitur liquatio.

16. *Malum est etiam in acutis, cum virescentes urinae sunt, nec superficiei tenus.*

Et quae vi-
rescunt nec
superficie
tenus in a-
cutis.

Quoniam enim viror ab excessu crassiorum supra liquidum provenit, in iis urinis excedent crassiora, & cum viror ad superficiem non pertingat, non erunt illa liquido bene permista, sed separari statim poterunt, adeoque erunt humores nimis soluti.

Erunt

Erunt igitur & uniendi rursus apte, & crassae materiae solvendae, & in fluxum agenda, quod brevitatis temporis, quo acuti morbi judicantur, non permittit, unde in acutis ejusmodi urinae malum.

17. *Pestifera autem est urina, quae & hypostasin habet nigram, & ipsa quoque est nigra. Sed pueris pestifera est magis aquosa.*

Niger enim color a partibus duris maxime excedentibus provenit, unde urina nigra cum simili sedimento salis & tartari maximam copiam arguet maxime soluta, & cum minima liquidi quantitate; quae proinde vel erit absumpta, vel haerebit alicubi in corpore; unde primo major sal, & tartarum solvendi difficultas: maxima autem eorum copia indicabit, vel humores omnes, vel partes etiam solidas ita corrumpi, ut ab ipsis etiam quicquid salis, & tartari inest, abripiatur, unde arguetur immedicabilis totius solutio. Pueris autem, quibus naturalis est alba, opaca, crassa, cum adhuc tantum non ex muco consistit, si aquosam reddant, argumento erit ipsorum partibus inhaerere crassius illud, & opacans, unde utrisque singulae pestiferae.

Et nigra cum nigro sedimento pessima, & pueris aquosa.

18. *Contra est de urinis tenuibus, quam de concretis. Sed & grandinosae, genitúrales, continenter effusae; laboriosum.*

Nempe malae sunt, & tenues, & crassae, sed oppositis de causis, ut patet. Grandinosae autem, & genitúrales, cum contineant intra se glomos quasi grandinis, vel genitúrae, arguunt coctum difficiles, ac tenaces humores: continenter autem effusae, vel debilitatem vasorum urinariorum, vel majorem, aut minorem liquationem partium.

Et tenues, & crassae, & grandinosae, & genitúrales, & continenter effusae,

19. *Quin etiam perniciofa est omnis urina, quae clam effunditur.* Arguit enim privationem sensus, aut sensus, & motus in partibus inferioribus; quod non fit sine laesione plurium nervorum, & praecipue spinalis medullae, unde perniciēs.

Et quae clam redditur.

20. *Peripneumonice perniciofa est urina, quae principio quidem cocta, post quaternarium tenuatur.*

Indicabit enim in pulmonibus inflammatis detineri crassiores partes, unde tumor contumacior fiet, & eo periculosior, quod urina tenuatur die critici indice, ac ostendit proinde non esse vim villorum tantam, ut possit dura cum liquidis simul excernere, quod praestitit primis diebus, sed liquidum solum, unde continue lassabitur, & forte septima succumbet, non

Et quae principio cocta in quarta tenuatur exitialis peripneumonice.

ratione solius inflammationis quatenus talis est, sed praecipue, quoniam ipsius augmentum ingens impedit fluxum sanguinis per pulmones, adeoque etiam per corpus; ejusdem enim morbi inflammatio mortem non afferret, si in aliqua alia parte orta esset.

21. *Pleuriticis urina prae rubra, caliginosa, cum varia hypostasi, nec discreta maximam partem mortifera est quatuordecim intra dies.*

Et prae rubra, caliginosa cum varia, nec discreta hypostasi exitialis pleuriticis intra 14 dies.

Color impense rubens, & ad nigrum accedens qualis caligo, durarum partium solutionem a liquido & cum parvo liquido mistionem arguit; hypostasis non discreta eadem est cum hypostasi non collecta simul, & quasi discreta a reliquo urinae corpore; varietas diversa, vel gravitas, vel color, vel utrumque, divulsio illa partium, & quasi innatio per particulas majusculas per imum urinae minimam arguit inter eas cohaesionem; adeoque ex his omnibus maxima humorum, & forte solidarum partium solutio arguitur cum humidi absorptione, sine quo vix fluere poterunt, & facile intra quatuordecim dies ad pulmones per pleuritim impeditos motu subsistet, unde mors.

22. *Sed illud confestim mortiferum est in pleuriticis, urinam reddi porraceam, cum nigra hypostasi, aut surfuracea.*

Et in iisdem subito exitialis porracea cum nigra hypostasi, aut surfuracea.

Sature enim virens porri color crassorum cum paucis liquidum admistionem, & niger hoc ipsum magis indicat, unde per vim inflammationis erit fere totum absumptum liquidum, & solutae durae partes, quae vix fluere poterunt, cum interim etiam e solidis corporis aliae durae abripiuntur, eoque magis si squamulae appareant quasi furfuris, easdem duras particulas cum duris, sed viscidis partibus aliis compingi ostendet, atque hinc inflammatio major a duris partibus affluentibus; difficilior fluxus tenaciorum humorum per corpus, ac demum ex toto sublata pressione pulmonis, unde confestim mors.

23. *Iis autem, quos occupat febris ardens, aut iis qui cum febre sunt catochi, urina est pessima multum alba.*

Et alba in febre ardente, & catochi.

Sive haec sit alba perspicua, sive lactea, non multum interest; in utroque enim casu argumento est, partes crassas detineri in corpore, & augere quicquid mali agitur in iis morbis.

24. *At vero, urina cruda jam diu sic reddita, si caetera sint salutaria, abscessum denunciat cum dolore, idque in partibus, quae infra sunt sub diaphragmate.*

Quo-

Quoniam urina cruda argumento est duriores partes intra corpus detineri, quae igitur cruda jam per longum tempus est reddita, indicabit plurimum durae materiae in corpore detineri; si igitur sint salutaria omnia, non detinebitur in partibus principibus, puta, pectore & capite, cum in iis collecta materies etiam mediocris quantitatis, nedum majoris, cujusmodi nostra haec esse debet, difficiles subito affectiones producat; detinebitur igitur infra septum, ubi collecta demum solvetur, sive coquetur, & abscessum producet; continet autem sales, ac tartarum, materias nempe irritantes, & est insignis molis, igitur tendet, ac stimulat, seu producet abscessum cum dolore.

25. Hic textus nihil ad urinas; habet enim *Dolorum per lumbos oberrantium, & cum febre, & sine febre, ad ischium transitus esse solet.*

26. *Urina liberaliter mejendo emissa, quae habet pinguem hypostasim, febrem abire denunciat.*

Patet ex dictis facile; pinguis enim hypostasis crassa est, unde crassae materiae fluxus cum apta quantitate liquidi, quod per liberalem urinam excretum supponitur.

Copiosa cum crassa hypostasi febrem solvit.

27. *Cruenta vero urina principio reddita, longi est morbi: at perturbata, quae non subsidit, recidivae: sicut & alba, qualis est jumentorum, cephalalgiae: pelliculosa autem convulsionis.*

Cruenta urina vel vere à sanguine, vel a colore rubicundo qualis sanguinis. Si a cruore vero longum morbum faciet, si quidem vas, ex quo effluxit, difficilis sit conglutinationis, & quantitas sanguinis non tanta, ut aegrum subito interimere possit. Si vero a colore, indicabit magnam quantitatem materiae crassae, quae, ut apte solvatur & fluat, longum tempus exigit. Si perturbata non subsidat, argumento erit humores omnes in tali esse agitatione positos, ut soluta sint omnia, nec in missione persistere possint vix cohaerentes, unde morbus rursus, seu recidiva; & si quidem crassiores partes, & irritantes ac tendentes ad membranas cerebri, vel exteriora cerebri subsistant, dolorem capitis, seu cephalalgiam excitabunt, quod continget in urinis, quales jumentorum; si vero vel obstruat, vel irriter nervos, vel spatia musculorum, convulsionem, quod faciet pelliculosa forte magis secretis salibus ab iis pelliculis solum ex materia viscida constantibus.

Cruenta longi morbi: turbata non subsidens recidivae: qualis jumentorum cephalalgiae pelliculosa convulsio. nis index.

28. *Urina autem, quae sputiformes habet hypostasēs, vel limosas, rigorem denunciat.*

Sputiformis, aut limosi sedimenti rigorem indicat.

In sputo subtilis materies continetur, unde in simili sedimento spiritus, materies nempe tenuis, & irritans, quae cum per corpus fluat ad membranas veniens, sensum sibi accommodatum doloris excitabit, unde rigor. Simili de causa a limoso sedimento arguetur humorum solutio talis, ut acris materies libera sit, & irritare proinde debeat, eaque ratione ad rigorem cogere.

29. *Illā vero quae habet quasi telam araneae, colliquamentum ostendit.*

Colliquamenti telam araneae habens.

Erit haec constitutio subtilissimum, & rarissimum quasi velum, quod tamen suis cohaerebit partibus, apparebitque postquam urina quievit. Eo igitur tempore convenerint oportet simul particulae, quae se invicem apprehendere possent, cujusmodi sunt pingues, unde colliquamenti indicium.

30. *Quae in erraticis febribus sunt nigrae nubeculae, quartanas denunciant.*

Urinae cum nigris nubeculis, & febribus erraticis quartanas portant.

Quoniam nubecula a subtilioribus partibus provenit, niger color a crassis; in iis igitur erraticis febribus apparebit per nigras nubeculas signum inchoatae coctionis in humore crasso; sed persistent adhuc febres erratae cum iisdem nubeculis; igitur humor idem nunquam bene solvitur; sed idem ille humor crassus, nisi bene solvatur, tandem quartanam producit: patet itaque effati veritas.

31. *Decolores autem cum nigris enaeorematis, vigiliis, & perturbata mente, phreneticae.*

Decolores cum nigris enaeorematibus, vigiliis, & perturbata mente phreneticis.

Quoniam nullus color est perspicui; perspicuitas autem in urina a defectu partium crassiorum: positae igitur urinae indicabunt in aliqua parte corporis crassa subsistere, & id ipsum confirmabunt enaeoremata nigra; quatenus etenim enaeoremata tenuius quiddam in urina contineri ostendent, quatenus autem nigra, partim paucitatem materiae crassae in urina, partim eorundem ab humoribus secretionem arguent, unde facile in aliqua parte corporis decumbunt; vigiliae autem, & perturbata mens indicant circa cerebrum non naturale quid reperiri; igitur materies illa subsistet circa cerebrum, adeoque cum sit cum sanguine permista, facile phrenitidem, seu inflammationem producet, & delirium.

32. *At vero lixiviae cum dyspnoea, sunt hydropificae.*

Effatum nimis obscurum; quam enim hydropem, aut cuius generis lixivium referens urina, aut a qua causa proveniens hydrops producitur ab iis urinis, vel cum iis conjunctis? An spiritus difficilis ita alterat solutionem sanguinis, ut urina illius saturi coloris, cuius est lixivium, reddita arguat copiam aquae? an sunt sales, & terra magis acres, & erodunt, aut fundunt, unde hydropis origo? sed plurima dici possunt, nulum eorum certum.

Lixiviae cum dyspnoea hydropificae.

33. *Urina aquosa, vel conturbata, tenera, & facile solubili asperitate liquidam fore alvum denunciat.*

Aquosa enim facilem fluxum, sicut etiam ita turbata, ut ea quibus turbatur, sint molliissimum quiddam, & facile tactui cedens, ac divulgibile, ut carnes, quae jam dudum mortuae sic tenerescunt, ut vi minima lacerentur, & aquae permisceantur, cum ipsa mucum fluxilem maxime efformantes. Aquosi igitur humores humectabunt partes omnes, adeoque alvum etiam, quae proinde & ratione humefactionis, & ratione humorum aquosorum liquecet, eosque excernet, similiterque, si fuerint urinae qualis ille mucus per carnes mortuas, humescent enim partes similiter, & mucus eo magis per alvum excernetur, quod etiam naturaliter in intestinorum glandulis mucus secernitur.

Aquosae, vel conturbatae molli asperitate alvum liquidam.

34. *Quae ex tenui crassa efficitur urina, an sudorem praenunciaverit? an praecessisse spumosa, in seque subsidens indicaverit?*

Quoniam, cum ex tenui fit crassa urina, minus liquidi contineat oportet, igitur liquidum illud aliquo abiit, asportata minori durorum portione; sed idem est liquidum urinae, ac sudoris, & sal in utrisque similiter, potest igitur urina, quae ex tenui fit crassa, praenunciare sudorem. Similiter si quis sudaverit, absumpserit ille portionem liquidi, & salis ad urinam pertinentis, unde quod urinae superest, erit crassius, & magis cohaerens partibus, quare bullas detinebit diutius, & copiosius, unde poterit urina spumosa sudorem praecessisse ostendere; ac demum cum urina ejus, qui jam sudavit, multum durarum partium contineat, poterunt hae subsidere, & urina spumosa, atque in se subsidens praecessisse sudorem demonstrabit.

Ex tenui crassa futura, spumosa, & in se subsidens facit sudorem.

35. *Cum in tertianis horriferis velut nubeculae nigrae sunt, incertum horrorem denunciant.*

Nubeculae
nigrae in
tertianis
horriferis
horrorem
vagam.

Nigra nubecula signum imperfectae coctionis in materia crassa, quae in tertianis horriferis erit etiam irritans, ut horror excitetur; cum igitur ab imperfecta coctione, & repugnantia crassi humoris determinari non possit tempus coctionis absolutae, sed vago quodam ordine possit plus minus fluere, & quoties fluit sit excitandus horror, hinc ejusmodi urinae incertum horrorem, nempe vagum, & nullo determinato tempore invadentem praefagiunt.

36. *Membranaceae urinae, & quae cum horrore supprimuntur, convulsionis praenunciae.*

Membranaceae urinae cum horrore suppressae convulsionem.

Suppressio enim illa cum horrore nihil aliud est, quam totius corporis, & muscoli circularis colli vesicae contractio, sive convulsio debilior: membranaceae autem urinae cum proveniant a viscidis in paucas laminulas coagmentatis, argumento sunt copiae eorundem humorum, qui partes subtiles magis liberas relinquentes, easdem acriores reddunt, unde & ipsae, & spiritus, & sanguis acriores redditi horrorem primo excitant, mox convulsionem, nempe contractionem musculorum vehementiorem.

37. *Urina quae utilem habet hypostasin, & mox non habet, laborem, & mutationem ostendit.*

Mutari in deterius malum.

Facile patet ex dictis; transit a fluxili ad non fluxile.

38. *Quae perturbata hypostasin habet, residens, rigorem circa crisin denunciat; fortasse etiam transitum in tertianam, aut quartanam.*

Perturbatae urinae, inde postquam quiescedum demittentes horrorem in crisi, tertianas aut quartanas.

Quoniam perturbatio solutionem, sedimentum autem post quietem urinae aptam separationem significat; his igitur urinis apparentibus spes erit crisis; solutae autem sunt haecenus nimis partes, igitur fieri poterit, ut in crisi subtiliores, & acriores vellicent magis, atque irritent, unde rigor ad crisin produciatur, & si in illa nova compositione humorum, quae solutionem consequatur oportet, producat materies apta tertianis, aut quartanis producendis, eadem generabuntur.

39. *In pleuriticis urina subrubra, quae hypostasin habet laevem, securam crisin denunciat.*

Subrubra cum laevi sedimento optima in pleuriticis.

Color enim leviter rubescens aptam indicat permissionem, & quantitatem durarum partium cum liquidis, & sedimentum laeve aptam separationem, & aequabilem unius materiae peccantis, unde indicium est bene valere naturam, ac proinde crisin posse ab ipsa institui qualis convenit, & morbum solvere.

40. *Subviridis autem, & florida, cui est alba hypostasis, ipsa quoque citam crisin ostendit.*

Subviridis urina & florida est diluti viroris, & ad flavedinem vergens, adeoque color est urinae naturali satis proximus, cui si accedit hypostasis alba, ab urina naturali vix differet; quare & humores, & naturae vires aptissime se habebunt ad citam crisin.

In iisdem viridis, & florida cum alba hypostasi etiam crisin.

41. *Sed admodum rubra & florida, quae viridem habet hypostasin, laevem, exactam, longi & valde turbulenti est morbi in alium transeuntis, non tamen funesti.*

Quoniam enim ruber color quantitatem durorum arguit, floridus autem cum paucis tartaro, nempe duro omnium minime fluxili: viride vero sedimentum plurimum similiter durorum cum paucis liquido, sed laeve, & exactam materiam ejusdem naturae, & aequaliter coctam, ratione igitur coctionis funestus non erit morbus, cum villorum vis possit etiam dura illa in fluxum agere: quia vero dura sunt in insigni quantitate, & partim conjunguntur in sedimento, partim cum urina haerent, hinc fit, ut eorundem apta permixtio non habeatur, unde nec aptus fluxus: quae ut consequantur, opus erit longitudine temporis, quo fient tot solutiones, & compositiones novae, quousque demum naturalis occurrat, & cum inter eas dari possint humorum generationes aliorum morborum causae, fieri poterit transitus in alium, sed tutum morbum.

Rubra florida cum viridi sedimento laevi, & exacto longum, & turbulentum morbum, vel transitum in alium, sed non lethalem.

42. *Aquosa vero, & alba, quae similem habet crassiori farinae, & rubram hypostasin, periculo & labori locum esse significat: viridis autem, quae rubram, & instar crassioris farinae habet hypostasin, longi & periculosi est morbi.*

Aquea urina crassae materiae defectum indicat, siquidem perspicua; si alba, excessum, & quidem viscidam; unde si hypostasis sit qualis farina crassior, adhuc major aderit crassae, & viscidae materiae copia, & cum hac conjunctus rubor indicabit etiam materias adesse duras, quae omnia, ut coquantur, longitudinem temporis exigunt, & laborem, & morbum minitantur periculosum, nisi per totum illud tempus aptae vires sufficiant. Quod si cum simili sedimento urina fuerit viridis, durarum partium copia major significabitur, unde longus & periculosus morbus.

Aquosa alba cum sedimento farinaceo, & rubro laboriosum, & periculosum morbum: viridis cum sedimento simili, morbum longum & periculosum indicat.

43. *Urinae iis, quibus tumores assurgunt sub auribus, cito &*

pau-

paulisper mitificatae, pravae: ibi tum perfrigerari, pestiferum. Id ipsum t. 7. vel 4. lib. 2. Coac. juxta Dureti ordinem.

In parotidibus mutata subito in melius, nec constans rinala, ac tum perfrigerari pessimum.

Cum etenim subito permutantur urinae in melius, & brevi persistant in eo statu, manifestum est meliorem illum subito genitum statum non esse fibrarum opus apte solventium, sed humorum violenter se solventium in non naturalem dispositionem, cui si succedat perfrigeratio, nempe, externarum omnium partium refrigeratio, pessimum erit, indicabitur enim omnium externorum canalium capillarium obstructio a novis pravis humoribus genitis, unde mors irreparabilis.

44. *Vesica intercepta quippiam habet convulsificum, idque cum alias, tum si accesserit cephalalgia. Quae ibi torpide exsolvuntur, morosa sunt, non tamen mortifera. An vero id ipsum est mentis emorae?*

Urina suppressa convolutionem musculi cervicis.

Per vesicae interceptionem intelligitur suppressio urinae a sola vesica proveniens, ubi sane nihil dubium id pendere a convulsione sphincteris cervicis effluxum prohibentis, praecipue si adsit cephalalgia nervos validius comprimens, & musculus illum in validiorem contractionem urgens. Quae tum exsolvuntur lento motu, difficilia sint oportet propter partis immobilitatem, non tamen lethalia, cum diu perdurare possint. In emota autem mente eadem convulsio continget, si vagi spiritus eo agantur.

Renum dolor subitus lapillos, aut crassam urinam.

45. *Renum repente dolor obortus cum urina suppressa, lapillos, aut crassam urinam mejendo reddendam ostendit.*

Patet hujus necessitas ex se ipsa abunde.

Id ipsum in senibus, cum vel sine febre.

46. *Tremores qui senioribus tum in febre, tum sicut insuper apparent, forte lapillos mejendo emittunt. Si scilicet febris accidentalis fuerit a dolore in renibus, & tremor similiter.*

Sed & hoc patet.

47. *Urina intercepta, & gravitas in aqualiculo stranguriam futuram denunciat: sin minus, alium morbum, quo laborare consuevit.*

Urina suppressa, & gravans aut stranguriam, aut consuetos morbos.

Urina intercepta convulsionem sphincteris arguet, vel quicquid aliud prohibens effluxum; gravitas in imo abdomine copiam ejus valide nitentem, unde saltem guttatim stillabit superato sensim obice, quod si ne exstillet quidem, partim per dolorem excitabit morbos excitatu faciliores, nempe consuetos, partim per exsudationem urinae in vesicam nitentis in vasa sanguinis.

48. *Cum ileosis est interceptio urinae, cita mors venit.*

Ad hoc enim ut interceptiatur urina ab Ileo, oportet illud intestinum tam extendatur, ut vesicae collum, & partes illi proximas ita premat, ut effluere urina non possit, quod maximi, & extremi, atque irreparabilis tumoris erit. Quin insuper, etiamsi minus tumeat, si tamen valide premat corpus vesicae, aut uretheres occludat, ac denique etiamsi vesicam non premat, sed uretheres, quorum uterque Ileo per longam sui partem statim subjacet, atque ita quidem, ut descensum urinae in vesicam prohibeat, tum cita mors veniet ratione Ilei, & urinae, quae a sanguine separari non poterit.

Urina suppressa ab Ileo citam mortem.

49. *Urina in febre, quae asperum quid habet divulsam, recidiva nuncia est, aut sudorum.*

Asperum enim illud, & divulsam indicat materias inaequalis, & imperfectae coctionis, quae non solventur nisi in recidivam cogant, neque hanc prohibebunt, nisi aliqua alia ratione excernantur, ut per sudores.

Asperum & divulsam quid habens in febre recidivam, aut sudorem.

50. *In longis febribus, exiguis, & erraticis urinae tenues mejesendo emissae lienosae.*

Ejusmodi enim febres longae quidem materiam coctu difficilem, seu crassam arguunt, exiguae parvam quantitatem, aut stimulum, erraticae incertum sed tardum motum in eadem semper materia indicant, unde materies haerebit in eo viscere, in quo naturaliter secernitur, nempe liene. Si igitur non expurgetur, sed tenues urinae reddantur, in lienosum abibit aeger.

Urinae tenues in febre longa, exigua, erraticalitem.

51. *In febre interdum varias reddi urinas, longi est morbi.*

Indicatur enim multitudo materiae, & diversae facilitatis ad fluxum.

Urinae variae in febre longum morbum.

52. *Quae immemoribus fluunt urinae, pestiferae. An vero sic redduntur, ut si hypostasim perturbaveris?*

Si immemores hic ii dicuntur, qui rerum praeteritarum non recordantur, non video, cur eorum urinae pestiferae, nisi aliquae solum, de quibus forte interrogat, num excernantur quales jumentorum, cujusmodi fiunt in quibus perturbatur sedimentum. Si vero per immemores intelligit non sentientes, ratio patet ex superioribus. Si vero de aliquibus urinis immemorum, id vero certum reor, & siquidem fuerint quales jumentorum, ubi singularis humorum solutio, & perturbatio in crassitiem contingere videtur.

Urinae immemorum pestiferae.

53. *Quibus urinae paucae, grumosae febre non carentibus, tenuium copia ex his emissa prodest. Tales autem (nempe primae) emittuntur ab initio, vel crassam habent hypostasin.*

Urina tenuis, & copiosa succedens crassae & paucae in febre essentiali bona.

In renum, & vesicae calculo laborantibus emittitur non raro urina pauca, & grumosa, & sub initiis & crassum habet sedimentum: copia tamen tenuium urinarum non prodest, sed impense nocet: ab iis tamen aut abest febris, aut est accidentalis propter dolores renum, aut vesicae. Pronuntiatur igitur est accipiendum de iis, qui febriunt, neque febriunt per dolores a calculis. In his itaque cum fiat transitus ab urina pauca, & grumosa, nempe crassa, quae ab initio morbi redditur, & crassae est hypostasis ad urinam copiosam, ac tenuem, manifeste indicatur crassitiem solvi, adeoque prodesse debet.

54. *Quibus urina cito hypostasin habet, celeriter illi judicantur.*

Fit enim cito apta solutio, & compositio.

Cito hypostasis bona.

55. *Epilepticis urinae praeter morem tenues & crudae, si repletio nulla adsit, de instante casu admonent, idque cum alias, tum si ad acromium, cervicem, aut dorsum dolor & tensio urget, vel corporis obrepit stupor, vel perturbata insomnia observantur.*

Urina praeter morem tenuis in epilepticis instantem insultum.

Quoniam enim urina tenuis, & cruda non continere indicat partes salinas, ac terreas; nisi igitur id fiat ex eo, quod ciborum repletio fecerit, ut iidem male cocti non potuerint sales, ac terram solvere, sed solum aquam expresserint; quae contineri debent in urina, alicubi haerebunt, & acriores reddent humores, ac extendent, ac irritabunt partes, quibus affiguntur. Si igitur id contingat in epileptico, facile instantem insultum arguet; partim enim irritabuntur partes, partim acriores reddentur spiritus, unde mox convulsio succedit; & id erit certissimum, si ad summum humerum, cervicem, aut dorsum dolor & tensio urget; distribuetur enim materia acris, ac tendens per arterias ad caput, & spinalem medullam tendentes, vel ad totum corpus, si totum sensum obtupefcent tensione sola, vel ad caput solum tendentes, & motum tonicum excitantes, unde torpor universalis, vel per easdem arterias ad caput, si insomnia sint perturbata; a partibus enim illis acribus, ac tendentibus variis, atque incertis motibus movebuntur species rerum.

56. *Exigua quaedam superapparere, velut sanguinis substillilla, urinas, sudores, vomitus, defectionesque, ejusmodi est quidem omnino malum, sed eo quo frequentius reverterint.*

Sermo intelligendus de necessitate abundantis excretionis per unumquodque recensitum excretionum genus, eaque non succedat nisi in quantitate minima: id malum esse nemo est qui non videat, atque illud fieri, vel propter villorum debilitatem, vel propter materiae pertinacem resistantiam, vel propter utramque simul. Id vero erit eo deterioris ominis, si frequentius contingat; eo enim majorem necessitatem excretionis arguet, detento namque humore gravata, & irritata natura tentat identidem expellere, sed non potest fracta viribus, vel pressa materiei duritie.

Urina exigua & substillans, & quo frequentior, deterior.

RURSUS EX COACIS JUXTA DURETI ORDINEM.

T. 5. Lib. 1.

EX frigore pessima urinae suppressio.

Vel enim per convulsionem contractus est, & in contractione persistit sphincter cervicis, & in hoc casu, nisi aditus spirituum, & sanguinis vitium, minus periculi imminere potest, nisi quando convulsio est tam contumax, ut diu persistat, & cogat urinam a sanguine non secerni; vel per frigus ita coaguletur sanguis, aut humor aqueus, ut fluere, adeoque secerni urina non possit, quod sane non nisi pessimum esse potest. Vide exposit. t. 26. lib. 1.

Pessima suppressio a frigore.

8. *ibid.*

Crebri ex lumbis horrores cum cita caloris vicissitudine calamitosi; nam acerbissima urinae suppressio denunciatur. Atque his exsudare pestiferum.

Suppressionem urinae, quae subsequitur crebros ex lumbis horrores alterne succedentes calori, indicatur manifeste fieri per impedimentum aliquod circa renes, calculis nempe, vel materia crassa, & mucosa, aut his simili, quae vel uretheres, vel exitum e renum glandulis impediatur, unde urina subsistens modo horrorem, modo calorem excitat, prout huc illuc dimota modo permittit sanguini fluxum ad partes, quas calefa-

Suppressa ex horrore lumborum alterne calidioribus succedente calamitosa, & si exsudet, pestifera.

cit, & sensum caloris excitat, modo occludit canales ejus valide premendo, & fit frigoris sensus, qui conjunctus cum urinae partibus stimulantibus acriorem sensum excitat, & fit horror. Sudare jam concipiatur ita affectus aliquis; pars igitur magis aquea cum aliqua portione purioris salis a tota massa urinae subsistentis elicietur, & reliquum evadet densius, & partes salinae, ac terrae minus mistae, unde dolores excitabuntur majores, & tota materies evadet difficilior ad motum, & fluxum; erit igitur his exsudare pestiferum.

26. *ibid.*

Quae cum rigore sistuntur urinae, sunt pravae, & convulsificae; idque cum alias, tum si cui jam soporato sistantur. Ac tum praeterea parotides fore, sperabile.

Suppressa a rigore praecipue in somno prava, & convulsifica; ac tum forte parotides.

Si enim sistuntur per convulsionem sphincteris, manifestum est, cum rigor sit affectio totius corporis, materiam rigorem excitantem esse validam, immo etiam crassam, & permistam humoribus, qui in sinus musculorum derivantur, ex quibus erumpere non possit, postquam sese effudit quaquaversum; ex quo periculum ingens. Quod si id in somno contingat, erit certius indicium hujus mitionis, tum enim alimentum distribuitur ad partes, cum quo ferri poterit materia haec crassior, cum vero non feratur solum, verum etiam vi illorum exprimantur fuligines, indicabitur tanta crassities, ut expelli non possit, adeoque haerebit intra villos, & validius contractos reddet. Cum vero intra villos non haeret, sed solum extrinsece sollicitat, fit perpetua contractio, ut in musculis nostris. Quando igitur ejusmodi materies est permista sanguini, cum supponatur crassa, separari poterit in iis glandulis, quae viscidum simile natura separant, adeoque poterit in parotidibus deponi. Ex his patet cur

30. *ibid.*

Rigore supprimitur.

Quibus rigor, urina subsistit.

Altera nempe de causa, vel utraque expositarum.

88. *ibid.*

Qui cum feroci perturbatione somno excussi, e potestate sui exeunt, gravissimum malum habent & convulsificum, idque cum alias, tum si prorumpant sudores. Convulsificae sunt etiam cervicis & dorsi perfrictiones, cujusmodi plane videntur corporis universi: ac tum urinae spumantes.

Patet hoc totum ex doctrina nostra de sensibus internis pendere a materia acri libera per spirituum ductus fluente, unde etiam in musculos, ut convellantur. Fiet illa acrior, si pars aquea per sudores detrahatur. Simile periculum convulsionis impendat oportet a perfrictione universali, & illa enim indicat vellicans quidam liberum ab humore retundente, quod confirmabitur, si urinae spumescant, neque enim spuma fit, nisi cum partibus subtilioribus motu suo viscidas partes sejungentibus in libertatem assertis totam vim cohaesionis exercent eadem partes, unde bullarum velum possunt constituere.

Spumans in perfrictionibus universalibus mala.

155. ibid.

Quibuscumque febrium initiis, oborta sternutatione, sanguinis stillicidia fiunt e naribus, siquidem urina quarto die hypostasin habeat albam, vacuationem morbi septima fore ostendit.

Quoniam sternutamenta a materia vellicante nervos nasium proveniunt, si igitur haec in initiis febrium succedant, febrilis materia erit in motu, & partes etiam extremas & subtiles pervadet, unde judicari poterit coctu non ita difficilis. Si igitur quarto die critici indice adsit sedimentum album, bonae coctionis erit indicium, & in septima solvetur morbus. Quia vero per solam vim sternutationis rumpuntur non raro canali culi sanguinis capillares, qui per nares internas ducuntur, hinc nec mirum est, si stillicidia fiant e naribus, nec certum quid indicare illa possunt, nisi quod, cum stillicidia quaelibet sint mali ominis, deduci potest ex hoc pronunciato, stillicidia sanguinis e naribus non esse mala, cum quarta die sit hypostasis alba, sed neque id constare potest, neque enim haec stillicidia sunt symptomata, sed a succussu sternutationis oriuntur.

Hypostasis alba ad diem quartam in febre cum sternutationis, & stillicidiis sanguinis principio bona.

13. cap. 14. lib. 2.

In convulsione diu obmutescere malum. At vero parumper, aut linguae apoplexiam, aut brachii, partiumque dextra sitarum denunciat. Exsolvitur autem urinis repente multis, & cumulate proruptis.

Patet hoc totum ex doctrina nostra, & superioribus facile. Urina autem subito & cumulate prorumpens secum rapit quicquid acris, & aquei convulsionem & apoplexiam perit.

Subita, & copiosa convulsio nem, & apoplexiam tollit.

8. cap. 16. lib. 2.

Atque haec sunt dolorifica mala. Pleuriticis autem prodest al-

cum mollescere, sputum colorari, strepitus in pectore nullos edi, urinam bene procedere. Eorum contraria difficilia sunt, & sputum dulcescere.

Bene procedens urina in pleuriticis bona.

Urinis enim bene procedentibus, nempe quasi naturaliter se habentibus, bona coctio sperari potest.

7. cap. 19. lib. 2.

Si cui aquoso cum febre urina pauca sit, atque turbida, perniciosum.

Parva, & turbida in Ascite perniciosa.

Urinae enim parva quantitas in Ascite significat maximam partem liquidi ad augendam Ascitin derivari, cum non expurgetur per urinam: turbata autem agitationem in humoribus non naturalem, & forte tabem, & putrefactionem partium solidarum.

7. cap. 22. lib. 2.

Urina clam fluens exsolutionem irreparabilem.

Quibus urina clam illabitur ad pudendum, exsolvuntur desperati. Patet ex doctrina nostra sensus, & motus, & Anatomicis; jam enim exsoluti sunt in illa parte, & successive plus minus exsolvuntur in caeteris.

8. cap. 22. lib. 2.

Stranguriae Ileus superveniens septimo die perimit, nisi oborta febre urina fluxerit cumulate.

Urina copiosa post ileum Stranguriae supervenientem salutaris.

Effatum hoc idem omnino est cum Aph. 44. Sectionis 6. habet enim, *Quibus a stranguria volvulus supervenerit, intra septem dies moriuntur, nisi febre superveniente copiosa urina fluxerit: & simile quid illud est quod superius exposuimus num. 48. de urinis, Cum Ileosis interceptio est urinae, cita mors venit, nisi quod in eo pronuntiato videtur supponere, ileum praecedere suppressioni urinae, vel simul cum ipsa fieri, hic autem ileum stranguriae supervenire. Huc igitur transferenda quae eo loci notavimus; Ileus enim stranguriae superveniens vesicam premere, & collum potest, & uretheres, adeoque ex toto urinam suppressere sed illud in re praesenti crediderim, ileum comprimere cervicem vesicae, ita ut possit urina in vesicam fluere, sed non extra ferri: hinc fiet, ut duo corpora se mutuo urgeant, vesica nempe turgida, & intestinum ileum pariter tumidum, unde utraque se mutuo impediunt ab actionibus suis. Superveniat jam febris, quae per calorem, & motum partes omnes in contractionem validam agat, ita ut musculus vesicae ipsam premat tam valide, ut compressionem ilei, &*

resistentiam propriam cervicis superare possit, & diu contrahatur, quousque nempe pars maxima urinae effluerit: Ileum igitur ab impedimento vesicae subtrahetur, & propter hanc libertatem, & majorem villorum nisum in febris poterit se exonerare a faecibus iliacam producentibus, vel solvetur per urinam inflammatio.

EX APHORISMIS.

Ex 12. Section. primae.

Patet ad ea verba: *Urinae quoque & excrementa, & sudores* Urinae indicant. *cum apparuerit, judicatu faciles, vel difficiles, & breves, vel longos fore morbos indicant.* Patet, inquam, Urinas per Hippocratem indicare.

69. (vel 68. juxta Foesium.) Sect. 4.

Quibus non sine febris urinae sunt crassae, grumosae, & paucae, si ab his tenues, & copiosae mejantur, prosunt; maxime vero tales redduntur, quibus statim ab initio, vel non ita multo post sedimentum inest.

Aphorismus hic idem est, ac textus 53 Dureti, sed multo melius, ac clarius latine redditus a Vorstio, & Foefio (quorum est hic exscripta versio) quam a Dureto; itaque vide textum illum 53.

70. *ibid.*

Quibus per febres urinae turbatae, quales jumentorum, iis dolor capitis vel adest, vel aderit.

Hujus pronunciati ratio generalis explanari non potest; turbatio enim urinarum agitationem quidem humorum, & solutionem indicat, sed nemo novisse potest, quid ea solutione componatur, aut quid, & quomodo solvatur, & quae sint inter illa, quae in capite potius ad producendum dolorem haerere possunt, quam in partibus reliquis; quicquid igitur veritatis habet hoc pronunciatum per experientiam, & observationes comparatum est, & per earum utramque confirmandum solum in aliquo casu particulari.

71. *ibid.*

Quibus die septima futura crisis est, iis urina rubram die quarto nubeculam habet, caeteraque pro ratione.

Quo-

Rubra nubecula die quarta iis, qui in septima judicantur, di sunt.

Quoniam enim quartus erit critici index; apparente igitur nubecula rubra, indicabit partes etiam duras, unde rubor mori veri, quae ea die admistae tenuibus, quae primo utpote magis mobiles moventur, ascendunt urinae liquido leviores; unde sensim auctis villorum motibus, septima habebitur expressio omnium, & excretio per urinam; dummodo, ut ait Hippocrates reliqua etiam secundum rationem se habeant.

72. *ibid.*

Quibus pellucidae & albae sunt urinae, malae: praecipue vero in phraenetis apparent.

Urinae albae pellucidae malae, & praecipue in phraenetis apparent.

Urinae enim albae pellucidae vix quicquam crassiorum partium continent, unde vel in toto corpore, vel in aliqua parte detinentur, obstruendo &c. quare malae. Itaque cum partes crassae detinentur, ubi viget minima vis motuum, nempe ubi minima datur pressio, tum maxime ejusmodi urinae reddentur, minima autem pressio intra cranium, ubi nulli muscoli, nulla vis a respiratione; ad eas igitur partes detenta materia, urinae maxime pellucidae albae reddentur: detinetur autem ibi materies in phraenitide propter inflammationem; igitur ejusmodi urinae in phraenetis praecipue apparebunt.

73. *ibid.*

Quibus sublata hypochondria murmurant, lumborum superveniente dolore, iis alvi humectantur, nisi inferne flatus erumpant, aut urinae multitudo prodeat. Atque haec in febribus.

Urinae multitudo post lumborum dolores murmur, & elationem hypochondriorum omnia solvit.

Elatio enim hypochondriorum extensionem a materia in intestinis murmur ab ejus motu, & fermentatione, dolor lumborum a tensione majori, & fermentatione majori partes acres dissolvente, qua facta humescat alvus oportet; nisi materies in flatus abeat, aut urinae reddatur copia, quae palam faciat ab ipsius quantitate elationem hypochondriorum &c. profectam; nisi illa ipsa materies in intestinis fermentata subiit venas lacteas &c. & per urinam ex naturalibus ductibus reddita est.

74. *ibid.*

Abscessum ad articulos tollit urina multa crassa, & alba.

Quibus spes est ad articulos abscessum futurum, abscessu liberat urina multa, crassa & alba reddita, qualis in febribus cum lassitudinis sensu quarto die quibusdam exire incipit: quod si ex naribus etiam sanguis profluxerit, brevi admodum solutio fit.

Partim haec in Coacis expositis, sed manifesta sunt omnia.

75. *ibid.*

Si quis sanguinem, aut pus mejat, renum, aut vesicae exulcerationem significat.

76. *ibid.*

Quibus cum urina crassa exiguae carunculae, aut veluti pili una exeunt, his a renibus excernuntur.

77. *ibid.*

Quibus cum urina crassa furfurea quaedam simul minguntur, his vesica scabie laborat.

78. *ibid.*

Qui sponte sanguinem mejung, iis a renibus venulam ruptam esse significat.

79. *ibid.*

Quibus in urina subsident sabulosa, iis vesica calculo laborat.

80. *ibid.*

Si quis sanguinem, aut grumos mejat, aut urinam guttatim emittat, & dolor ad imum ventrem, atque interfœmineum incidat, & quae circa vesicam sunt, laborant.

81. *ibid.*

Si quis sanguinem, aut pus, aut squamulas mejat, & gravis odor adsit, urinae exulceratio significatur.

82. *ibid.*

Quibus in meatu urinario nascitur tuberculum, suppurato eo & rupto, solutio.

83. *ibid.*

Mictus noctu plurimus parvam dejectionem significat.

Indicat enim, vel cibos maxime solubiles, ac molles parum crassissimarum partium continuisse, ex quibus alvi faeces formantur, unde maxima ipsius pars lacteas penetravit; vel lacteas penetrasse liquidum illud, quod faeces alvi naturales molliores efficit, unde illae sicciore redditae, minoris etiam molli, nempe densiores fiunt, & dejectio est parva.

44. *sect. 6.*

Quibus a stranguria volvulus supervenerit, intra septem dies moriuntur, nisi febre superveniente copiosa urina fluxerit.

Vide supra in Coacis. 8. c. 22. lib. 2.

31. *sect. 7.*

Quibus per febres in urinis sedimenta crassiore farinam referunt, longam invaletudinem fore significant.

H

De

Omnes hi ad morbos canalium urinario- rum pertinent, & statim eorum patet necessitas.

Mictus noctu plurimus parvam dejectionem indicat.

Sedimentum quale crassa farina morbum longum indicat.

De hoc etiam in Coacis, & patet; crassior enim ille pulvis nimiam contumaciam humorum arguit, & aliquam propter sedimentum, sed imperfectam coctionem, unde longitudo morbi.

54. *ibid.*

Quibus inter septum transversum, & ventriculum pituita concluditur, & dolorem affert, in alterutrum ventrem viam non habens, iis per venas in vesicam versa pituita, morbi fit solutio.

Urina potest esse pituita per exsudationem in vesicam per venas traducta.

Vides haec quam evidenter posuerit, & intellexerit Hipp. humorum per exsudationem effluxus ex aliqua cavitate, & in aliam per exsudationem derivationem.

EX LIBRIS PROGNOSTICORUM SIVE

Praenotionum p. 40. 25.

Urina solvit dolores, & tumores praecordiorum.

AT praecordiorum tumores, & dolores recentes quidem, & sine inflammatione murmur solvit circa praecordia exortum, idque potissimum, si cum stercore urina, & flatu prodierit; alioquin ubi ipsum per se transmissum fuerit, juvat, idque magis, si ad inferiores sedes descenderit.

Urina sedimenti semper albi, laevis, & aequalis optima, minus in qua non semper.

Urina optima est, in qua per omne tempus quoad morbum iudicatus fuerit, subsidet album, laeve, & aequale, securitatem enim, brevemque morbum fore significat; quod si intermittat, & interdum quidem pura mejatur, interdum etiam subsidet album & laeve, diuturnior & minus securus morbus evadit.

Rubra longi morbi, sed salutaris.

At urina rubra simileque quod subsidet & laeve, haec multo quidem diuturnior, quam prima fit, valde tamen salutaris.

Sedimenta, & nubeculae quae bonae, quae malae.

Sedimenta autem in urinis crassiores hordei tosti non exacte moliti partes referentia prava sunt, hisque pejora laminis similia. Alba vero & tenuia, valde prava, atque his etiam deteriora fursuracea. Nubeculae, quae per urinas feruntur, albae quidem bonae, nigrae vero malae.

Fulva, & tenuis crudum morbi: ita durans periculosa, deterior foetida, aquosa, nigra, crassa. Quae in pueris & mulieribus.

Quod autem urina fulva fuerit, & tenuis crudum esse morbum indicat: quod si diutius talis urina perseveret, periculum est, ne non possit aeger sufficere, quoad urina concoquatur: at exitiosiores sunt urinae foetidae, & aquosae, nigrae, & crassae.

Ad haec in viris, & mulieribus quidem urinae nigrae, in pueris aquosae deterrimae.

Quibus urinae tenues, & crudae multo tempore redduntur, si reliqua signa salutaria sint, in iis abscessus ad loca infra septum transversum expectari debet.

Quin

Quin etiam pinguedines supra innatantes araneorum telas referentes damnandae, colliquationem enim significant.

In urinis autem quae nubeculas habent, considerandum venit, an superne, an inferne ferantur, & quosnam habeant colores, & quae quidem deorsum feruntur cum dictis coloribus bonae censendae, & commendandae, at, quae sursum feruntur, malae, & vituperandae.

Neque vero tibi imponat vesica quoquomodo affecta, si huiusmodi urinas reddiderit, non enim totius corporis, sed ipsius per se indicium est.

Vides admirabili & Hippocratis propria brevitate comprehensum, quicquid de urinis sejunctim supra exposuimus, & quam apte cohaereant omnia cum fundamentis, quae jecimus. Cum itaque hujus textus singula, vel explanata sint in textibus antecedentibus, quorum plerique sunt cum hujus partibus iidem, vel positis nostris principiis ultro pateant, ulterius his non immoramur.

Ibid. p. 43. 43.

At vesicae tum durae, tum dolentes, grave prorsus & exitiale periculum minantur; maxime autem exitiales, quae cum febre assidua fiunt, nam & ipsarum vesicarum dolores ad mortem inferendam satis sunt, neque alvi hoc tempore excernunt nisi durum quiddam, & coactum. Solvit autem purulenta mixta urina album, & laeve habens sedimentum. Quod si neque cum urina quicquam dolor remiserit, neque mollior vesica reddatur, febrisque assidua fuerit, laborantem intra primos morbi circuitus moriturum sperandum est.

Vesicae du-
rae, & do-
lentes per
urinam pu-
rulentam
album &
laeve sedi-
mentum
habentem
solvuntur;
sin minus
mors acci-
dit.

Patet totius praecepti explanatio ex superioribus.

Ibid. p. 46. 32.

Qui vero superfuturos ex morbo, & morituros, eosque quibus pluribus diebus, & paucioribus perseverabit morbus, recte praenoscere volet, is intelligentia comprehensam omnium signorum doctrinam aestimare debet, & eorum vires inter se collatas ratione expendere, velut scriptum est, cum in aliis, tum in urinis, & sputis, ubi una & pus & bilis tussi rejecta fuerint.

Urinae
multum in-
dicare cre-
ditae Hip-
pocrati.

EX PRIMO PRORRHETICORUM, SEU

Praedictorum t. 4.

Decolor
cum nigro
suspensio
phraeniri-
dem por-
tendit.

IN iis qui praeter rationem perturbantur, & vigiliis torquentur, urinae decolores, nigris sublimamentis interspersae cum tenuibus sudoribus circa caput obortis phraenitidem praenunciant

Perturbationes, & vigiliae cum urina decolore indicant partes crassas ad caput colligi, nigra sublimamenta easdem partes esse maxime sejunctas a liquidis &c. ut patet ex antecedentibus.

29.

Si quibus urinae non recordantibus nec admonitis effluunt, perniciēs portenditur. Animadvertendum etiam est, num & ab iis tales redduntur, quales fiunt ubi subsidentiam conturbaveris.

Hic ipse textus in Coacis inter eos, quos superius exposuimus; illum proinde consule.

32.

Praerubra
non sub-
sident cum
enaeore-
mate &
surditate
mentis a-
motionem.

Surditas cum urinis praerubris non subsidentibus, & sublimamentis, mentis emotionem ominantur &c.

Praerubra enim urina, & non subsidens cum enaeorematis magnam indicat copiam durarum partium humoribus ita affixarum, ut non coquantur, sed solum tenuius aliquid fluat ad constituendum enaeorema: cum autem surditas indicet ejus materiae durae partem praecipuam ad caput subsistere, hinc amotio mentis per eas affectiones indicata.

37.

Femoris dolore evanescēte, si quid sublime per urinam innatet, mentis emotionem expectare oportet, taliaque qualia circa aurium sonitus contingunt.

Urina cum
enaeore-
mate post
sedatum
dolorem
femoris,
mentis
alienatio-
nem.

Quoniam femur est pars maximorum muscutorum, seu maximae pressionis; evanescēte igitur dolore, si per coctionem evanescat, erit illa propter pressionem absoluta, unde sedimentum in urina, non enaeorema. Si igitur hoc appareat, evanuerit dolor, vel debilitate partis, vel stimulo, vel affluxu cum impetu novae materiae, unde fluat cum sanguine materia peccans incocta, & ad partes praecipue subsistet, in quibus maxima pressionis vis, nempe ad cranium interius, unde mentis emotio.

39.

In gravibus malis tenues maxime circa caput sudores oboriri, & corporis incontinentia quadam jactari, malum indicat; tum vero praecipue pernicios intenditur, si ista cum urinis nigris contigerint, & spiritus magnus, & concitatus adfuerit.

Nigra in
magnis
malis ex-
tialis.

Motum hoc pulcherrimum patet partim ex dictis, partim ex Anatomicis nostris.

51.

Urinarum in praecipitibus malis ex perfrictione interceptiones, pessimae.

Et hoc in Coacis.

53.

In gravibus malis, & biliosis exacte candicantes, spumantes, & circumbiliofae egestionis malae sunt, quin & hujusmodi urinae damnantur. In his animadvertendum, num jecur affectum sit.

In ejusmodi enim urinis crassae partes relinquuntur in corpore, unde candicantes &c.

59.

Quin & laboriosae urinae damnantur, atque ab his detentaerubrae quaedam efflorescentiae, & aeruginosae, parvaeque veluti quaedam stillae apparentes.

Et haec ex Coacis etiam petes.

75.

Crebri ex dorso horrores subinde locum commutantes, graves & difficiles, laboriosam urinae suppressionem minantur.

Et hoc ex Coacis, & est vel per convulsionem, vel per crassum quid cum urina in renibus.

110.

In iis, quibus rigores imminet, urina restitat, & in convulsoriis affectionibus, velut huic mulieri contingit, quae ubi inhorruit, sudore correpta est.

Et hoc in Coacis expositis.

120.

Vesica intercepta praesertim cum capitis dolore convulsionem minatur &c.

Et hoc ex Coacis expositis.

153.

In his, quae ad aures abscedunt urinae, quae celeriter, & parvo tempore concoquuntur, damno sunt, quin & perfrigerari itidem malum est.

H 3.

Et

Et hoc in Coacis expositis.

155.

Urinae, quae cum rigore resistant, damno sunt, idque praesertim si altus sopor praecefferit. Animadvertendum est, num in his abscessus ad aures sperare oporteat.

Et hoc similiter in Coacis.

Alia aliquot ex primo hoc libro addi potuissent, sed, vel quia etiam ipsi Hippocrati dubia videntur, a nobis omissa sunt, vel quia nimis obvia, & nihil singulare contineant.

Ex 2. Praedictorum p. 103.

Plurimum
valent in
oculorum
affectibus.

Patet quantum urinis tribuerit Hippocrates etiam in affectibus oculorum, de lippitudinibus enim differens ait. *Imprimis vero in oculorum affectibus urinae status in considerationem adhibendus est, occasio namque praeceps est, & lubrica.*

DE

P U L S I B U S

QUANTUM AD ARTEM MEDICAM PERTINENT

P A R S U N I C A

Continens quicquid ad ipsos spectat in eadem arte.

Quemadmodum urinae non naturales judicantur ex comparatione cum naturali, & hunc, aut illum morbum indicant, prout hac, aut alia ratione a naturali statu recedunt; ita pulsus non naturalis cognosci non potest, nisi prius supponatur notus pulsus naturalis, ad quem ille referatur, atque inde illa desumantur argumenta morborum, quae conjuncta sunt cum certo illo pulsus genere certo quodam modo a naturali deflectentis. Itaque ut videamus, quid ad rem medicam conferre possit cognitio pulsuum, statuere prius oportebit, qui sit pulsus naturalis, quemadmodum de urina factum est: quia tamen res perceptu satis difficilis est pulsus, nisi a suis veris causis deducatur, & definitiones, quae circumferuntur, tam obscurae, ut rem obscuriorem reddant, non est satis tutum, pulsuum naturalem determinare ex vulgatis ejus defini-

finitionibus, quae re ipsa non solum obscurae sunt, verum in-
 super falsae. Ut igitur universa pulsuum doctrina planius pa-
 teat, & bene sibi constet, & facillime percipiatur, progre-
 diemur alia quadam ratione satis diversa ab ea, qua usi sumus
 in explicatione Urinarum, & a priori procedentes exponemus
 necessitatem, & modum, quo fit pulsus, unde statim patebit &
 definitio pulsus in genere, & qui sit pulsus naturalis specia-
 tim, adeoque qui non naturalis, & quid, & quo pacto indi-
 cet, seu quid ad artem medicam faciat. Prius autem id osten-
 damus oportet, sanguinem nempe ad extremas quasque arte-
 riolas pertingere non attractum, sed impulsum a corde. Quo-
 niam itaque ex circuitu sanguinis hic ad partes derivatur per
 arterias capillares, quae in easdem partes abeunt, sanguis igi-
 tur ad extremas quasque capillares arterias pertingit, adeoque
 vel attractus, vel impulsus. Secetur in animali vivo summa
 quaelibet capillaris arteria transverse; patet experientia, per il-
 lam sectam arteriam universum sanguinem effluere, ita, ut bre-
 vi temporis spatio animal moriatur. Quoniam igitur attractio
 fit ope villorum rectorum, hi autem in transversa arteriae sectio-
 ne secantur, igitur in transversa arteriae sectione tollitur in-
 strumentum proximum, ac necessarium attractionis; adeoque
 cessare debet etiam attractionis effectus, nempe deductio san-
 guinis versus eas partes, quae per sectos villos trahebant; sed
 ejusmodi deductio non modo non cessat, verum tanta est, ut brevi
 temporis spatio universus sanguis eo devolvatur; igitur ejusmodi
 deductio non fit per tractionem, adeoque per impulsum a cor-
 de. Insuper etiamsi supponatur, abscissis villis rectis persiste-
 re, & operari posse vim attractionis, erit profecto vis illa sin-
 gularis in unica solum parte corporis minor viribus omnibus
 simul sumptis, quarum singulae vigent, & operantur in sin-
 gulis non sectis partibus corporis, adeoque hae omnes simul
 validius trahent sanguinem versus se omnes, quam singularis
 illa in parte secta versus se solam, adeoque necessario prohibe-
 bunt, ne sanguis universus ad eam solum partem sectam tra-
 ducatur, quod cum sit falsum, perveniet sanguis ad externas
 quasque particulas non per attractionem earundem, sed per
 impetum a corde conceptum, quod erat &c. Hoc autem totum
 nobilius quidem ostenditur ex fabrica cordis, & resistentia per
 arterias, sed id cum exigat rem mechanicam, suo loco relin-
 quitur. His autem positis.

Sanguis ad
 summas
 quasque ar-
 teriolas per-
 tingit per
 impetum a
 corde.

Pul-

Intelligatur jam universa arteriarum series plena sanguine, qualis est in naturali statu. Quoniam amplitudo arteriae, qua cordi affigitur, minor est maxima amplitudine sinistri ventriculi; in ipsa igitur contineri non poterit universus sanguis, qui in maxima amplitudine sinistri ventriculi continetur: per subitam autem constrictionem cordis fit, ut non solum sanguis, qui in maxima illa amplitudine, sed universus, qui in toto sinistro ventriculo continetur, extra ipsum ventriculum trudatur in arterias; earum igitur amplitudo ad cor multo minus erit capax tantae quantitatis sanguinis: liquida autem pressa quaquaversum nituntur, & membranae, a quibus arteriae comprehenduntur, sunt distractiles, & quantumvis tensae, a qualibet tamen minima facultate distractiles: igitur per intrusionem sanguinis majoris molis, quam quae ab earum amplitudine contineri possit, distrahentur extrorsum, seu trudentur extrorsum, & locum facient venienti sanguini, & eo magis extrorsum trudentur, quod cum sint conicae, urgentur extrorsum etiam per lineas extrusionis concurrentes cum superficie interna arteriarum, unde fiet vis pressiois major. Interim tamen propter occursum ejusdem superficiei & naturam cedentem arteriae absolutus impetus, quo sanguis influxit, ad certum gradum minuetur. Insuper quoniam universa arteriarum series plena sanguine supponitur, trudi in arterias novus sanguis non poterit, quin sanguini in iis jam contento non occurrat; adeoque locum sibi facere non poterit, nisi sanguinem contentum loco moveat, adeoque ipsum urgeat versus extremas arterias: huic autem motui cum sanguis ille resistere possit tum mole sua, tum ratione occursum ad singulas amplitudines arteriarum, per quas fluit, etiam hoc de nomine impetus novi sanguinis minuetur. Et quia novus sanguis a corde trusus, & sanguis jam in arteriis contentus sunt quidem liquida, sed fere incompressilia, & se mutuo ad oppositas partes trudent; igitur quaquaversum nitentur in arteriam continentem, quae cum extrorsum cedere possit, diffluent quaquaversum per latera particulae utriusque sanguinis, & arteriam per totam ipsius circumferentiam magis movebunt ad exteriora, ac rursus ratione hujus diffusus per latera minuetur impetus sanguinis a corde trusi, unde sanguis in arteriis prius contentus una cum sanguine mox intruso move-

Sanguinis
impetus in
arteriis
continue
minor, quo
remotius a

bi-

bitur lentius versus extremas arterias. Quoniam vero moveri non potest universa moles sanguinis in universa serie arteriarum contenti per impetum impressum a sanguine mox intruso, nisi hic idem impetus singulis seriebus sanguinis in singulis arteriarum sectionibus sibi ex ordine succedentibus contenti communicetur, neque communicari, nisi ad singulas sectiones arteriarum singula contingant, quae prope cor necessario contingere exposuimus; si igitur impetus sanguinis mox a corde extrusus sit tantus, ut ad extremas usque arterias possit pertingere utut imminutus, ad singulas quidem arteriarum sectiones imminuetur, sed ad extremas etiam pertinget, sed esse ejusmodi superius ostensum est; plenis igitur sanguine arteriis per novum a corde intrusum sanguinem movebitur sanguis arteriarum omnium ad extremas usque momento semper magis ac magis imminuto, & cum ab ejusmodi momento pendeat extrusio arteriarum extrorsum, universa arteriarum series per influxum novi sanguinis extrorsum movebitur minus, ac minus in partibus sibi versus extremas ex ordine succedentibus. Insuper quoniam sanguis, etsi corpus liquidum, est tamen incompressibile, & cum plenis arteriis a novo sanguine urgetur, aliquae solum ipsius partes per latera dilabuntur in spatium a distractis arteriis efformatum, reliquis ad eundem contactum persistentibus; perinde igitur se habebit sanguis, ac si esset corpus omnino durum, adeoque impetus in ipsum imprimetur in puncto temporis per totam longitudinem arteriarum, non ad singulas sectiones ejusdem gradus, sed minoris, ac minoris, prout sectiones a corde magis distant, & cum pro ratione ejusdem impetus arteriae extrorsum moveantur, universa arteriarum series eodem puncto temporis movebitur extrorsum, velocius ad partes cordis, tardius, quo magis versus extrema protenditur. Quoniam igitur a singulis constrictionibus cordis eadem sanguinis quantitas naturaliter truditur in arterias sanguine plenas tanto cum impetu, ut ad extremas usque possit pertingere, eodem igitur puncto temporis, quo cor constringitur, universa series arteriarum extrorsum trudetur, validius ad cor, versus extrema debilius, per impetum contenti sanguinis, qui universus eodem illo puncto temporis impetus ad exteriora concipit inaequales, majores ad cor, minores versus extrema; unde si aliqua facultas sentiens applicari posset partibus arteriarum inaequaliter a corde

corde, & pariter arteriarum motus ad exteriora per universam sui longitudinem.

Impetus per omnes arterias imprimitur sanguini in puncto temporis.

Arteriae omnes moveri debent extrorsum eodem puncto temporis, quo cor constringitur, sed motu continue languidior.

Facultas
sentiens
non perci-
piet motum
arteriarum
alte sub
partibus ce-
dentibus la-
tentium;
percipiet
vero clarius
motum ea-
rum, quæ
per aliquod
latus sunt
ad conta-
ctum os-
sium, & ha-
rum impe-
tus est ma-
jor, quam
earundem
ossi non in-
nitentium.
Et quæ ab
his pen-
dent.

de distantium, eodem puncto temporis, quo cor constringitur, perciperetur motus earum arteriarum extrorsum validior in parte magis proxima cordi, debilior in magis remota, qui non aliunde proveniunt, quam a diversitate impetus eodem illo puncto temporis a sanguine in hac, aut illa arteriarum parte contento concepti, quo nititur, & trudit extrorsum arterias continententes. Quia vero arteriae extrorsum moveri non possunt, nisi ad majus spatium extendantur, neque ad majus spatium extendi, nisi ex ipso dimoveant corpora; a quibus occupatur; arteriae autem sunt ad contactum carniū, membranarum, aut ossium, igitur ut extendantur, oportebit, urgeant carnes, membranas, aut ossa, quae contingunt, eaque loco moveant: imprimetur igitur arteriae circumpositis partibus impetum, aut pressionem, qui sane ab iis partibus, quae cedentes sunt, imminui debebit, & si majoris fuerint altitudinis, prorsus extingui, adeoque si externae superficiei harum partium facultas sentiens applicetur, etiam si in profundo earum adsit arteria, quae sit etiam amplior, & proinde per majus spatium extrorsum moveatur, ejus motus non percipietur, extincto, & absumpto impetu, aut pressione per tantam partium cedentium altitudinem, membranarum nempe, aut carniū, quod ipsum etiam continget, si arteria per aliquot, aut unicum sui latus sit ad contactum alicujus ossis; per reliqua vero partibus cedentibus altissime obruta. Si vero per aliquot latera, vel unicum sit ad contactum osmium, per reliqua vero proxima cuti, tum fiet, ut facultas sentiens percipere debeat motum extrorsum arteriae validiorem, quam si arteria eadem nulla ex parte ossibus inniteretur; durities enim ossis facit, ut sanguis nitatur quidem in arteriam extrorsum etiam ad partes ossis, sed cum ad easdem moveri non possit propter ejus duri corporis resistentiam, fit ut totus impetus exerceatur ad partes oppositas, ut in reflexionibus accidit, vel explosione tormentorum, in quibus propter fistularum obicem incensus pulvis, qui quaquaversum nititur, vim omnem expansionis in unica emissarii directione colligit, & reflectit, & vim validissimam exerit; adeoque fit major, quam si obex ossis deesset, unde fieri poterit, ut in aliqua parte corporis arteria angustior per majus spatium extrorsum moveatur, quam in alia amplior arteria, si nempe in illa ossi innitatur arteria, in altera vero cedentibus solum partibus, atque insuper

ut aliae partes videantur carere arteriis extrorsum motis, quod fiet ex praemissis, si vel nimia cedentium partium mole obrutae sint, etiam si supponantur insignis amplitudinis; vel, ut de se patet, si fuerint arteriae tam exiles, & angustae, ut pressio sanguinis sit minima, & motus etiam extrorsum proinde minimus, & nullo sensu distinguendus. Ulterius, quoniam arteriae dum extrorsum trudentur, distrahuntur, & quaecunque distracta sunt, cessante distractione, ex se ipsis restituuntur, cessante igitur nisu sanguinis quaquaversum intra arterias, eadem ex se ipsis subito restituuntur, ut in distractis quibuslibet, & rigidis inflexis contingit: ex eo autem nititur sanguis quaquaversum, ut locum faciat sanguini recens a corde intruso; eoque igitur universa series arteriarum in motu extrorsum persistet, quousque recens intrusus sanguis intra easdem continebitur. Quia vero eo ipso puncto temporis, quo intruditur, imprimitur impetus aliquis universo sanguini arteriarum, & earum singulae naturaliter patent in venas nullo obice prohibente fluxum sanguinis ex summis arteriis in summas venas, igitur per eum impetum impressum derivari poterit aliqua portio sanguinis ex arteriis in venas eo ipso puncto temporis, quo novus sanguis a corde truditur in arterias; cum autem haec quantitas sanguinis non sit major, quam quae contineri potest in sinistro sinu cordis, nempe exiguae satis molis, capillares autem arteriae in venas patentes sint tantum non innumerabiles, eo ipso puncto temporis, quo novus sanguis a corde truditur in arterias, insignis quantitas sanguinis prius in arteriis contenti in venas derivabitur, & locum faciet sanguini recens intruso, unde cessabit nesus sanguinis quaquaversum intra arterias per universam earum longitudinem simul, adeoque universa earum series tota simul in eodem puncto temporis subito restituetur, seu subito quodam motu rapietur introrsum postquam in motu extrorsum persistit brevissimo illo temporis spatio, quod requiritur ad hoc, ut moles sanguinis aequalis sanguini recens intruso derivetur ex summis arteriis in summas venas; quod eo erit brevius, quoniam etiam arteriarum capillarium membranas exsudat humor lymphae, unde quantitas reliqui intra arterias sanguinis sit minor, & locus ceditur sanguini recens intruso multo breviori tempore. Si igitur ad arterias facultas sentiens detineretur, perciperet motum extrorsum brevissimi temporis,

Arteriae brevissimo tempore persistunt in motu extrorsum, postquam subito omnes simul introrsum rapiuntur.

Arteriae
moveri de-
bent extror-
sum alter-
ne, & ae-
qualiter per
totum vitae
spatium.

Iis motibus
solae arte-
riae moven-
tur.

quo absoluto corpus illud extrorsum motum, a se subito introrsum rapi sentiret. Quia vero cor alterne contrahitur, & singulis contractionibus eandem quantitatem sanguinis, & eodem cum impetu trudit in arterias, alterne etiam contingent motus extrorsum in arteriis ejusdem impetus cum reliquis superius expositis, & post singulos dabuntur earundem arteriarum motus introrsum per totum vitae spatium, quos proinde motus extrorsum, & introrsum per vices percipere debet applicata facultas sentiens cum omnibus iis in diversis partibus arteriarum differentiis, quas superius exposuimus. Postremo, quoniam liquida, quae continentur in venis, sanguinis, chyli, lymphae, & spiritus animalis non a truncis amplioribus in angustiores & capillares, sed ex capillaribus in ampliores fluunt, igitur in majori illa amplitudine locum sibi paratum invenient, absque eo quod vi sensibili in canales extrorsum nitantur, unde iidem saltem motu sensibili, neque extrorsum movebuntur, neque introrsum restituentur, eoque magis, quod singula haec liquida parvo seu debili cum impetu e vasis angustis in ampliora fluunt, & lymphae, chyli, & spiritus animalis ductus sunt etiam in truncis majoribus exilissimi, adeoque minimum sui liquidi continent, quod cum lento fluat motu, hoc est debili impetu instructum sit, vix quicquam, aut plane nihil extrorsum nitetur, & iidem canaliculi, neque extrorsum movebuntur, neque restituentur introrsum; cum autem in corpore hominis, & non absimilium animalium nulli canales alii noti sensibus, & liquida vehentes dentur praeter expositos, atque arterias, hae igitur solum extrorsum, atque introrsum agentur expositis legibus.

Intelligatur jam summi digiti applicari ad aliquam ex iis partibus mediocriter carnosis; & ossa continentibus, cui leviter appressi sentiant quiddam, quod in ipsos subito incurrat cum impetu, subito se subducatur; sit autem tempus incursum in digitos idem cum tempore, quo sub sinistra mammilla percipitur incursum similis in pectus; tempus autem, quo se subducit digitis, pariter idem cum tempore, quo alterum illud se subducit pectori. Manifestum est ex Anatomicis, incurrens illud in pectus esse cor, dum constringitur, idemque inde se subducere, cum dilatatur, adeoque incursum illi in digitos, & subductiones fient eodem tempore, seu erunt synochronicae

constrictionibus, ac dilatationibus cordis. Quoniam summi digiti apprimuntur expositis partibus ad extrinsecam superficiem; latet autem intra ipsas facultas quaedam, quae in eodem digitos extrinsece appressos incurrit cum impetu; igitur facultas illa loco movetur ab interioribus versus exteriora; digiti autem appressi constant ex partibus cedentibus, membranis nempe, & carne; igitur per incursum ejusmodi à contactu non recedent, sed comprimuntur, & in se ipsos cedere coguntur, & solum restituentur, cum facultas illa motu contrario movebitur, nempe introrsum; sed restituantur, cum se subducit id, quod subito incurrerat, igitur subductus ille est motus contrarius motui extrorsum, adeoque erit motu introrsum; hujusmodi autem contrarii motus alterne contingunt, isochroni sunt dilatationibus & constrictionibus cordis, & percipiuntur in partibus mediocriter carnosiss, & ossa continentibus; igitur ex superioribus erunt ejusmodi motus, motus arteriarum, & extrorsum quidem, dilatatio, seu incursum in digitos, motus vero introrsum, seu subductio a digitis, constriction. Quia Quid sit Pulsus. vero subitus ille incursum in digitos, & violenta eorum pressio nihil aliud est, quam percussio, ictus, vel pulsatio, aut pulsus quidem, & pressio digiti earum affectus, incursum igitur ille proprie appellari poterit Pulsus; quia vero usus obtinuit, ut nomine pulsus non solum motus vere percutiens, sed etiam alter subductionis simul intelligatur, manifestum est pulsus ita sumptum, ita nempe, ut utrumque motum incursum, & subductionis comprehendat, dupliciter definiri posse, nimirum, & respectu digitorum ipsum percipientium, & respectu solius arteriae, quae movetur; & respectu quidem arteriarum, pulsus nihil erit aliud, quam alterna ipsarum dilatatio, & constriction, quarum altera nempe dilatatio sit ipsis violenta per impetum sanguinis a corde trusi; constriction naturalis per restitutionem villorum, a quibus comprehenduntur; respectu autem digitorum ejusmodi motus percipientium, pulsus erit pressio, & restitutio eorundem; violenta altera, altera naturalis, ab iisdem arteriarum motibus proveniens. Patet igitur ex his, in pulsu In pulsu primas partes obtinet cor, sanguis secundas. primas obtinere partes cor, deinde vero sanguinem, quoniam enim pulsant arteriae propter impetum sanguinis, nec sanguis habet impetum, nisi impressum a corde, nisi igitur cor moveatur, pulsare arteriae non poterunt, etiamsi in arteriis san-

Differen-
tia pul-
suum ratio-
ne cordis
etiam in na-
turali statu.

Pulsus ex fe-
fallax, &
incertum
indiciū.

Eadem
differentiae
ratione san-
guinis.

Tertium lo-
cum arte-
riae, & dif-
ferentiae
pulsuum ea-
rum ratio-
ne.

guis contineatur, sed moveri potest cor absque eo, quod in ventriculis suis contineat sanguinem; cor igitur sine sanguine in ventriculis cum moveri possit, non tamen sanguis in arteriis sine motu cordis; primae partes in pulsu erunt cordis, secundae sanguinis. Est igitur aliquis, cujus ea sit naturalis constitutio, ut cor frequentissime contrahatur ac dilateretur, arteria similiter, cum sit in suis motibus cordis synchronica, pulsabit pariter frequentissime in naturali statu, similiter si cor parvo moveatur impetu, & sanguis debiliter nitetur extrorsum in arterias, unde hae extrorsum per breve spatium movebuntur, & debiliter urgebunt, ac prement appressos digitos, seu erit pulsus parvus, ac debilis; contra si cor in naturali statu raro contrahatur, erit & pulsus rarus, & si valide, & pulsus validus. Cum autem per aetates, temperamenta, motus animi & corporis, somnum atque vigiliam, anni tempora, regiones, tempora diversa a pastu, vel ante ipsum possint, ac debeant ex doctrina musculorum, atque Anatomicis reperiri diversi homines, in quibus hae omnes pulsuum differentiae reperiri possint, ac debeant etiam in naturali statu, manifestum est, pulsuum naturalem uniuscujusque hominis esse posse diversum a pulsu alterius, adeoque certo nihil a Medico ex pulsu solo deduci posse, ac dignosci, sit ne aliquando non naturalis in hoc, aut illo homine, nisi ejusdem naturalem pulsuum prius agnoverit; quod cum fieri non possit, ut de urinis exposuimus, eadem in pulsu erunt incommoda, quae in urinis reperiri notavimus. Quae autem differentiae pulsuum etiam in naturali statu esse possunt ratione motus cordis, dentur oportet ratione solius sanguinis; prout enim sanguis universus per aetates, temperamenta &c. fuerit majoris, aut minoris quantitatis, major etiam, aut minor ipsius copia derivabitur singulis contractionibus cordis in arterias, & cum major, aut minor quantitas majorem, aut minorem vim exerat quaquaversum, major aut minor, validior aut debilior pulsus in naturali statu oriatur. Tertio autem loco conferunt ad pulsuum aliquid etiam arteriae sua amplitudine, & duritie membranarum, quae durities; vel a majori tensione, vel crassitie proveniat oportet, ut patet; & major quidem angustia faciet, ut sanguis nitatur validius, & pulsus fiat major & validior; major autem amplitudo e converso: Durities autem faciet, ut membrana magis resistat motui extrorsum,

sum,

sum, adeoque minus moveatur, ex quo fieri poterit, ut digitus leviter appressus pulsus percipere non possit, eo quod levis illa pressio non tantum urgeat carnes inter digitum & arteriam positas, ut ad ipsum pertingere possit motus ejusdem per brevius spatium excurrentis; si vero premat validius, sentiet pulsus, qui pressioni ad interiora renititur, non tamen valide digitum prementem repellat. Si vero pulsus sit validus sine duritie nimia arteriae, neque opus erit tanta digiti pressione, ut percipiatur, neque, cum percipitur; repugnabit pressioni ad interiora sine repulso digiti, sed illi motui introrsum repugnabit quidem, sed digitum valide versus exteriora repellendo. Ex his omnibus patet, pulsus quemlibet esse posse alicui homini naturalem, adeoque, ut superius, nihil certi per ipsum in re medica determinari posse; quia vero ut plurimum in aetate media, mediae temperiei, regione, & anni tempore, temperatis & corpore non alterato cibus, vigiliis, motibus &c. fit, ut motus cordis sit pariter frequentiae, violentiaeque mediocris, mediocris pariter quantitas sanguinis, & mediocris arteriae durities, hinc fingitur quidam pulsus unicuique generi ex his mediocritatibus respondens, qui est ille naturalis pulsus, cum quo comparandi sunt à Medico pulsus non naturales, ut inde indicationes in morbis desumantur; quemadmodum de urinis dictum est. Cum igitur unaquaeque res dupliciter a naturali statu recedere possit, vel deficiendo, vel excedendo, omnis pulsus a mediocri deficiens, vel excedens appellabitur non naturalis, & siquidem excedat respectu spatii, quod percurrere debeat arteria, dum extrorsum movetur, appellabitur pulsus magnus, parvus si deficiat. Si excedat ratione impetus, quo moveri debet arteria, & urgeri appressus digitus, dicetur vehemens, vel validus; contra, si deficiat, debilis. Hinc autem apte diducitur discrimen aliud pulsuum non naturalium pendens a causa vehementis, & magni, & contrariorum; & hujusmodi pulsus sunt plenus, & vacuus; quoniam enim ex eo movetur extrorsum arteria, quia urgetur a contento sanguine; cum igitur parum sanguis continebit cum dato impetu fluentis, minus urgebitur extrorsum, quam cum continet plurimum sanguinis eodem impetu fluentis; cum autem minus urgetur, per minus etiam spatium movetur, & minus valide incurrit in digitum; igitur causa magni, & validi pulsus

Pulsus qui-
libet esse
potest natu-
ralis.

Qui pulsus
naturalis,
ad quem
Medicus re-
ferat oportet
non natu-
rales pul-
sus.

Magnus &
parvus.
Validus, seu
vehemens,
& debilis.

Magnus a
valido, &
parvus a de-
bili non
differunt,
nisi pro ra-
tione diver-
sorum, quae
in iis distin-
guuntur.
Eorum cau-
sae facia-
sunt san-
guis

guinis.
Plenus, &
vacuus ut
differant a
magno &
valido: cum
iis conjun-
gatur eo-
dem mo-
mento con-
tractionis in
corde: cum
debili, &
parvo in
momento
minori.

Celer, &
tardus.

Nondan-
tur, aut non
distinguan-
tur, nisi in
generalio-
structione
arteriarum,
& inaniti-
one.

Et in san-
guine visci-
diori, aut
fluidiori.

sus est major quantitas sanguis per arterias fluentis, & siqui-
dem pleniores sanguine, magnum, & validum producent,
dummodo cor apte constringatur; si vero minus plenae, par-
vum, & debilem, dummodo cor eodem momento constringatur: pulsus ab arteriis plenis proveniens, plenus dicitur; ab
manibus, aut minus plenis, vacuus, eodem semper supposito
momento constrictionis in corde, quo in casu plenus semper
erit cum valido, & magno conjunctus, & ab ipso differens,
ut causa ab effectu, vel prius a posteriori; si vero cor minori
momento constringatur, fieri poterit, ut sit arteria quidem
plena sanguine, sed cum debiliter urgeatur propter debilem
extrusionem a corde, debiliter se contrahente, erit pulsus ple-
nus ratione arteriae plenae, sed ratione impetus minoris, &
spatii, quod excurrit, pariter minoris, erit simul debilis, at-
que parvus. Et hae sunt differentiae pulsuum, quae a sangui-
ne, & impetu cordis desumuntur. Additur etiam alia, pulsus
nempe celer, & tardus, & celer ille dicitur, qui ad digiti
pressionem minimum temporis persistit, tardus vero, qui diu-
tius. Hujusmodi pulsus in statu a naturali parum recedente,
vel non dantur, vel tactu distingui non possunt; cum enim
naturalis motus extrorsum arteriae vix punctum temporis du-
ret, in statu, a naturali non ita multum recedente, vix ulla
fiet mutatio sanguinis, impetusque ejus, & cordis, & siqui-
dem fiat, assequi ipsam sensus non poterit: si vero detur ob-
structio universalis in arteriis minimis, & adhuc plurimum san-
guinis fluat, tum cum sanguis derivari in venas non possit,
diutius niti debebit in arterias, adeoque ad pressionem digiti
diu persistet, sed non percutiet, sed veluti gravando premet,
quo in statu brevi mori poterit animal: si vero arteriae sint
fere prorsus exhaustae, aliquid tamen supersit sanguinis, nite-
tur ille vix in arterias, unde eas statim attinget, statim se sub-
ducet citius, quam in naturali statu, & fiet pulsus celer, &
oppositus tardus. Insuper fieri poterit pulsus tardus, cum
sanguis fuerit maxime viscidus, ita ut ratione lentioris diffi-
lius fluere possit ad superficiem arteriarum cum dato impetu
cordis; concipiet enim tum impetum a corde, cum lentor
non impediatur, quo minus impetus concipiatur, sed propter
adhaesionem tenaciorem ad arterias lentius fluat, seu longiori
tempore arterias in distractione detinebit, seu pulsus ad digiti
pres-

pressionem diutius persistet. Conversa autem ratione fiet pulsus celer, si sanguis fluxilior factus fuerit, quam sit in naturali statu. Si vero inter utrumque ictum parum temporis comprehendatur, appellabitur pulsus frequens; si multum, rarus, Rarus, & frequens. provenietque, ut patet, a constrictionibus cordis, quae per majora aut minora temporis intervalla contingent. Postremo his addendus erit pulsus durus, & mollis: & durus quidem, Durus, & mollis. cum arteria durior, mollis, cum mollior. Et hae sunt omnes differentiae pulsuum, quae admitti possunt, sex proinde numero, in singulis binae, & oppositae; vehemens & debilis; magnus & parvus; plenus & vacuus; celer & tardus; frequens & rarus; durus & mollis: & hae appellantur differentiae pulsuum simplices, ex eo scilicet quod concipitur pulsus a naturali diversus, vel in vehementia solum, vel in magnitudine solum, & caeteris singillatim. Itaque dabuntur etiam differentiae pulsuum compositae, quas etiam appellant respectivas, eruntque omnes, quibus pulsus a naturali statu recedit, non per unicam ex differentiis expositis, sed per aliquot, vel per omnes, vel per nullas. Qui per nullas, appellatur pulsus simpliciter aequalis; qui per aliquot, secundum quid aequalis, aut inaequalis; qui per omnes, absolute, vel simpliciter inaequalis. Hae autem omnes differentiae ut plane percipiantur, ex superioribus, & motu cordis patet, debere in naturali statu pulsationes esse semper ejusdem gradus impetus, & semper idem spatium temporis, quod inter duas quasque pulsationes excurrit, ex quibus fit, ut illi pulsus vere dici debeant inaequales absolute, in quibus neque idem gradus impetus in singulis ictibus in eadem parte corporis percipitur, neque inter duos quosque ipsorum idem tempus excurrit, sed impetus modo major est, modo minor, & tempus inter utrumque nunc longius, nunc brevius. Hunc pulsum illum esse arbitror, quem appellant inaequaliter inaequalem, quanquam de tempore inter utrumque ictum nihil pronunciat, quod determinatum sit, sed exemplo inaequaliter aequalis illud evincitur. Inaequaliter igitur aequalis pulsus est in quo servatur idem tempus inter utrumque ictum, sed hi continue decrescunt pro ratione decrementi inter secundum ac primum, seu qui sunt inter aequalia tempora proportionaliter decrescentium ictuum, & hi, si demum ita minuantur, ut vel sensum eludant, vel vere deficient, dicuntur Deficientes, seu miuri. Recurrentes.

tur deficientes, vel miuri, quia ad instar caudae muris tenuantur, ac tandem deficiunt; si vero postquam per aliquod tempus ab ictibus destiterunt, recurrant rursus, dicuntur recurrentes. Cum igitur inaequaliter aequales inter aequalia tempora sint ictuum proportionaliter decrefcentium, inaequaliter inaequales, neque temporis, neque ictuum servabunt inaequalitatem, qui si per illud tempus, quo semel, vel pluries pulsare debuisset arteria, non pulsaverint, sed inde rursus pulsare incipiant, appellabuntur intermittentes, vel intercurrentes.

Intermittentes, & intercurrentes.

Differentiae pulsum collectivae, quae & rediguntur ad rarum, & frequentem: magnum, & parvum: validum, & debilem.

Differentiae singulares quae.

Undosus.

Et unde.

Vermicularis,

Et has differentias pulsum, in quibus attenduntur plures pulsationes, appellant differentias pulsum inaequalium collectivae. Patet autem, has revocandas esse ad pulsum rarum & frequentem, quatenus hic provenit ab ordine, quo alterne contrahitur cor, & ab hoc ordine recedit, & ad pulsum magnum & parvum, prout hi proveniunt a diversa quantitate sanguinis in arterias trusi; ac demum ad debilem & validum, seu impetum, quo cor constringitur, ut abunde manifestum est ex superioribus. Succedunt his aliae differentiae, in quibus ad unicum solum ictum respicitur, unde appellantur differentiae pulsum inaequalium singulares, in quibus pleraque ficta sunt, & digitorum pressione, quoties volueris, producenda, alia male sub inaequalibus pulsibus collocata; pars minima vera est. Distinguunt enim hanc inaequalitatem pulsum singularem in eam, quae unico, & quae pluribus digitis percipitur; quae pluribus digitis percipitur & non unico tota fictitia est, & a prementibus digitis repetenda; primo enim ajunt undosum esse, cujus ictus sub primo digito majoris est impetus, quam sub secundo, atque ita deinceps, unde arteria, nec tota simul attollitur, neque per aequalia spatia sub singulis digitis, sed per minora in remotioribus: quod sane totum digitorum est opus; primus etenim retundit impetum sanguinis (debilis eo tempore prope mortem, quo hi pulsus observantur, adeoque facile cedentis,) unde minori pertingit ad secundum, atque ita deinceps, unde undarum similitudo. Quod si non esset opus digitorum, sed diversi impetus ejusdem pulsationis, deberent pulsationes singulae ad primum digitum aliquam differentiam impetus producere. Vermicularis est pulsus reptatum vermium referens; reptatus autem nullam dicit inaequalitatem, unde

ma-

male ad inaequales reducitur : cum vero vermes (sine pedibus) cum repunt, altera parte corporis tumidiores fiant, extenuentur altera, quae antea propellitur, si quid simile in vermiculari pulsu deprehenditur, esse poterit digitorum opus hic validius, illic remissius prementium, unde motus sanguinis quasi vermium. Potest quidem fieri, ut pulsus repretui vermium similis contingat, ut mox de caprizante, sed ille unico digito distinguendus. Formicans dicitur pulsus tam frequens ac debilis, ut videatur frequentia esse similis brevitati temporis, quo formicae progredientes pedes suos agunt alterne. Hic nullam inaequalitatem video, cum formicae aequabili temporis intervallo, quantumcunque velociter moveantur, pedes agant; & quicquid id sit, non unica id contingere deberet in pulsatione, neque pluribus sub digitis, sed in pluribus pulsationibus sub unico digito, quod si sub pluribus solum id fiat, proveniat oportet a debilitate pulsus, & validiori appressu digitorum, si quam maxime fieri potest, proximorum, ut per minimam inter utrumque distantiam, & validiorem appressionem sanguinis a singulis digitis per brevissimum spatium quasi subsistere cogatur, & celerissimam illam, ac debilem motitationem, qualis in formicarum progredientium cruscis, repraesentet. Tremulus est formicante minor, atque frequentior: hic ab iisdem causis, sed ab unico digito per plures pulsationes distinguendus. Serratus pariter est digitorum; dicitur enim pulsus pluribus digitis distinguendus, ita ut in una parte validior sit, quam in alia; quod non aliunde provenit, quam ex validiori appressione in una, quam in altera parte, & ubi appressio major, ibi validior pulsus, ubi minor, ibi remissior. Qui autem unico digito distinguuntur, sunt praecipue Dicrotus, Impar citatus, & Caprizans. Omnibus his commune est, ut in unica pulsatione videantur bis in digitum incurrere medio quodam intervallo temporis inter utrumque incursum. Potest & his aliquid subesse fallaciae, quatenus in ipso incursum tempore potest leviter dimoveri, & abduci digitus per punctum temporis, ita ut incursum ulterius non sentiat, ac rursus statim apprimi, antequam incursum deficiat, unde duo videbuntur incursum, quamvis sit unicus. Sed re vera dari poterit, quoties obstructio detur arteriarum omnium capillarium, quae sanguini affluenti derivationem in

Unde.

Formicans.

Unde.

Tremulus unde.

Serratus unde.

Dicrotus, Impar citatus, & Caprizans, qui & quomodo per fallaciam, & re vera.

venas impediunt, & reliqui canales majores non sint ita infartati, ut dilatari ulterius non possint, tunc etenim, statim ac sanguis perveniet ad obstructionum obicem, refluet per reflexionem, & extrusionem ab alio succedente sanguine in canales ampliores, qui cum adhuc extendi magis possint, ipsum admittent, eique locum facient, unde quemadmodum in fluxu sanguinis a corde versus summas arterias fit pulsus, ita jam plenis arteriis, & nullo patente exitu sanguinis, ipse refluxus a summis venis pulsus excitabit: cum autem refluat tantum non in eodem puncto temporis, quo affluxit, propter plenitudinem arteriarum, pulsus refluxus statim continget post pulsus fluxus, & eadem pulsatio videbitur bis ferire. Res autem est toto similis fluctibus, quos attollit aqua profluens in fluminibus, cum in transversos obices incidit. Hinc patet, & pulsus vermicularem exposita superius ratione conceptum non absimili modo dari posse. Caprizans autem dicitur eo, quod, sicut caprae saltantes primo solum urgent, non tolluntur in altum, ac rursus solo incutiunt pedes in descensu, ita hic pulsus bis feriens quiddam simile his nisibus in arteria, & digitis excitat. Quae omnes sunt differentiae pulsuum, quarum singulae quo pacto dignoscantur, abunde ex descriptionibus ipsarum patet, & quod omnium est difficillimum, dignoscere durum a valido & magno, abunde docet quod superius indicavimus, nempe a valido pulsus digitum vix appressum repelli, & validum incursum ab ipso percipi, si magis apprimatur: in duro autem opprimi validius poterit, absque eo quod repulsum, aut incursum percipiat. Si vero pulsus durus sit simul, & vacuus, post validam appressionem, qua arteriae resistantiam superaverit, nihil affluere, aut diffuere per arteriam sentiet, nempe circa digitum fluitare; similiterque si plenus sit, & debilis, post levem appressionem fluitare circa digitum sentiet, & impulsus aliquem.

Quomodo
cognosci
possunt.

Vehemens,
& magnus
semper bonus,
si reliqua consentiant.

Oppositi
maii.

Ex his autem patet, pulsus vehementem, ac magnum semper, si reliqua consentiant, bonum esse; indicat enim quantitatem sanguinis libere fluentem per corpus, & impetus copiam spirituum in cor influentium, adeoque vasa etiam patientia, & disclusa; cum autem vasa omnia sanguinis patent, & spiritus generantur, semper spes in bonum cessurae aegritudinis; debilis autem & parvus contraria de causa malus; plenus

nus autem, & vacuus, cum conjungantur, & causae sint vehementis & debilis, sicut etiam magni & parvi, idem indicabunt, & plenus boni ominis, mali erit vacuus.

Plenus & vacuus similiter.

Celer, & tardus erunt semper mali ominis; alter enim indicabit, vel alicubi stagnare sanguinem, aut absumptum esse, nec rursus produci, unde virium lapsus, & vitae discrimen, vel nimis solutum, & fluxiliorem esse: tardus vero obstructio-

Celer, & tardus mali semper.

nem penè canalium omnium, aut lentorem sanguinis maximum, quae esse non potest sine periculo. Durus, cum duri-

Durus & mollis.

tiem arteriae significet, & haec provenire possit, vel a crassitie, vel a tensione, vel a siccitate, singula haec indicare poterit, & crassitiem quidem auctam per aliquid interius, vel exterius agglutinatum, pro cuius differenti natura erit durus pulsus minus timendus: tensio ab infartu sanguinis, vel cujuslibet alius corporis infarcientis, quod prout fixum vel mobile, durum aut liquidum fuerit, periculo obnoxium, vel vacantem pulsus durum faciet: siccitas, cum absorptionem humidi denotet, pulsus durus, ab arteriae siccitate proveniens indicabit humidi defectum, adeoque aestus, & inflammationes. Mol-

lis e contra extenuationem, laxitatem & nimiam cedentiam, quae erunt indicia solutarum virium. Superest rarus, & fre-

Rarus, & frequens quid.

quens. Quoniam muscoli moventur per confluxum liquidi nervorum, & sanguinis in villos suos; utraque autem haec liquida fluunt per canales suos, impetu ab extrinseco concepto, qui statim non extinguitur; absque eo igitur, quod ille impetus repetatur, poterit perseverare motus musculorum, prout conceptus aliqua vice impetus in iis liquidis non extinguitur: quare, cum cor sit musculus, poterit semel, vel pluries contrahi absque eo, quod singulis iis contractionibus quicquam tradat sanguinis in arterias, & eas contractiones sine intrusione sanguinis in arterias repetere poterit, quousque vigeat impressus impetus in sanguine, quo & cerebrum premet, ut fluant spiritus, & ipse sanguis eodem perseverante impetu in villos se ducet. Cum autem continget, ut cor contrahatur, nec sanguinem in arterias, naturaliter se habentes, tradat, id ex eo fiet, quod sanguis in eundem ventriculum non derivatur, & in hoc casu fiet pulsus rarus, cum inter duas quasque pulsationes debeat excurrere illud tempus, quo nihil sanguinis in cor derivatur, & cor ipsum interim sine

intrusione sanguinis in arterias contrahitur, & ejusmodi pulsus arguet magnam obstructionem in pulmonibus, vel toto corpore, vel utrisque prohibentem, ne sanguis in sinistrum sinum fluat; poterit tamen ab ipsa liberum esse cerebrum, si liquidum ab ipso continue fluat; erit tamen minoris periculi ejusmodi obstructio, cum solum raritas contingat: indicabit etiam quietem sanguinis absque obstructione proveniente a coagulatione, vel si quid est simile. Contra, cum cor moveri non possit absque fluxu sanguinis per coronarias, & liquidi per nervos suos, utrovis eorum liquidorum fluxu subsistente, etiamsi influat in sinistrum sinum sanguis, cor non contrahetur, unde rursus raritas pulsus, indicans defectum spirituum ab obstructione cerebri, pressione, impedimento sanguinis, ne ad corticem deferatur, impedimento coronariorum per obstructionem, pressionem externam a lapide, sero coagulato, osse, polypo, & his similibus mille, quae impedimenta, si longiori, aut breviori temporis spatio superentur, fient pulsus deficientes, recurrentes, intermittentes, intercurrentes, & cujuscunque ex his generis. Quoniam vero musculi moventur frequentius, cum in ipsos excidit liquidum nervorum frequentius, quod contingit, cum sanguine apta quantitate fluente ad cerebrum, validius hoc ipsum premitur; per frequentiore autem constrictionem cordis fit pulsus frequentior; hic igitur indicare poterit aptam sanguinis quantitatem ad cerebrum fluere, & hoc ipsum premi validius, quod fiet, vel si sanguis ad cerebrum subsistat, obstructis solum venis ejus, vel si sanguis earum in reliquis refluere non possit, stagnante sanguine in trunco, vel in pulmonibus; vel si sanguis effervescentiam conceperit, qua nitatur majori cum impetu quaquaversum, & cerebrum premat validius. Rursus moventur musculi frequentius, stimulo aliquo irritati; si igitur sanguis aequo acrior, calidior, aut hujusmodi fuerit, ita ut, in cordis sinus derivatus, molestus sit illis, cor frequentius contrahetur, eritque propterea pulsus ille frequens index sanguinis stimulantis; sicut etiam materiae cujuslibet alius, vel inhaerentis cordi, vel identidem recurrentis, in quo similiter casu fient pulsus recurrentes, intermittentes, deficientes &c. Quae sunt summa capita rationum, quibus fieri possunt pulsus frequentes, & rari, de qua tamen re fusius in nostris Morbis Pectoris. Cum autem

ex reliquorum pulsuum causis, nempe compositorum, quas superius attulimus, & ex his simplicium indicationibus abunde pateat, quid eorum singuli praenuncient, de indicationibus pulsuum haec satis, in quibus illud est certissimum, unumquemque pulsum esse salutarem, qui a non naturali ad naturalem accedit, periculosum e contra. Notabis autem, etiam Hippocratem pulsibus adhibuisse fidem, quicquid blaterent nonnulli asserentes, nec quicquam praecepisse de pulsibus, aut novisse, aut curasse Hippocratem; ecce siquidem in Prognosticis, seu Praenotionibus p. 38. 30. de signis ex praecordiis disferens haec habet: *Quod si etiam pulsus in praecordiis insit, perturbationem, aut delirium indicat.* Cujus pronunciati necessitas ex eo pendere potest, quod pulsus in praecordiis obstructionem arteriarum indicat ad eas partes, unde major copia sanguinis ad caput derivetur oportet, unde perturbatio, aut delirium. Et multo clarius secundo Prorrheticorum, seu Praedictorum p. 85. C. his verbis: *Deinde manibus tum ventrem, tum venas attrectantem minus falli convenit, quam qui non attrectavit.* Et in Coacis 128. p. 135. *Si venae temporum in febris pulsant, & facies bene habitata fuerit, absque praecordiorum mollitie, longum fore morbum sperare oportet; qui, nec sine liberali e naribus profusione, aut singultu, aut convulsione, aut coxendicum dolore desinet.* Praecordia sine mollitie obstructionem, aut tumorem ad eas partes indicabunt, unde derivatio copiosioris sanguinis ad caput, unde pulsus major arteriarum temporalium, & floridus faciei color, ejusque apparens bonus habitus. Cum igitur haec pendeant a duritie praecordiorum, circa quae esse solent contumaces, quae subsistunt, materiae, longus erit morbus; & siquidem per nares fiat liberalis profusio sanguinis, cessabit primo pulsus, tum villi omnium partium, minus gravati, contrahentur, & magis nitentur in materiam haerentem praecordiis, quam demum loco movebunt, & simul cum sanguine per nares expellent: Si autem sanguis non effluerit, interim tamen materia peccans solvatur, & admisceatur sanguini, pro diversis partibus, ad quas deducitur, diversas pariet affectiones; sic in ventriculum derivata, aut nervos, & musculum ejus, stimulo suo convellet eundem ventriculum, & singultum excitabit; si in alios nervos ac musculos, eos pariter convellet; si in ligamenta femoris cum coxendice, dolores eorundem.

Noti pulsus
& curae
fuerunt
Hippocrati,
& ejus de
ipsis pron-
unciata.

dem. Huic simile pronunciatum est similiter in Coacis p. 166. 296. sed ibi de pulsu temporum nihil, neque de longitudine morbi, nec de singultu; caetera eadem. Et rursus in Coacis 282. p. 165. *Praecordiorum pulsus cum turbatione mentem emovet, idque praecipue, si oculi frequenter moveantur. Primae partis veritas patet ex expositione textus in Prognosticis superius allata; mentis autem emotio eo magis contingere debet, si oculi frequenter moveantur; motus enim ille frequens vim sanguinis, & spirituum animalium copiam majorem propter majorem pressionem, neque juxta naturae ordinem, indicat, unde turbata specierum motio, seu mentis emotio. Et 2. Epid. p. 1046. C. *Qui venae in cubito conspicuum pulsum habet, is furibundus in acerbam iracundiam facile praeceps est.* Cum igitur ad cubitum sit arteria amplior, & satis sepulta, si pulsus ejus conspicuus fiat, vel maximam copiam sanguinis per totum corpus, vel obstructionem in partibus inferioribus, aut subsistentiam circa caput, aut effervescentiam indicabit, unde motus omnes vehementiores, tum musculorum, tum specierum, unde facilitas in iracundiam. Et ibid. p. 1815. *Lyciae, quae veratri potione sanata fuit, ad extremum splen magnus fuit cum dolore, & febre: dolores vero ad humerum pertingebant: vena, quae ad splenem est in cubito distendebatur, & plerumque quidem pulsare videbat.* Vides, quam diligens fuerit pulsus observator Hippocrates. Caeterum & ille pulsus a pressione lienis magni prohibente liberum fluxum sanguinis, per truncum arteriae descendentem, & ramos ejus per abdomen dispersos. Et 5. Epid. p. 1155. t. 59. *A Macedone quidam lapide in caput percussus, decidit: tertio die vox defecerat, & corporis incontinens jactatio erat: febris parva; tempora non admodum pulsabant &c.* Ab ictu enim lapidis, vel fracta cranio, & per fractionem intruso in cerebrum osse, & valide pressio cerebro, vel per succussum similiter pressio absque fractura, prohibitus liber influxus spiritibus in nervos, unde cor contractum debilius, unde minor impetus sanguinis, unde tempora non admodum pulsantia, nec magna febris: suppressa vox eodem de nomine se non contrahentibus musculis, vel propter impeditos a pressione cerebri motus assuetudinis; similiterque incontinens jactatio iis se moventibus, & eo se agentibus musculis, quos coeca necessitas, & violentia pressionis in ce-*

cerebro moveri cogebat. Rursus accuratum ejus studium in examine motus arteriarum in 6. Epid. sect. 2. 6. 11. *Temporum venae non consistentes, neque splendidus color &c. in articulos decubitum fore, denunciant &c.* Ubi patet per venas temporum non consistentes, nihil aliud intelligi posse, quam arterias pulsantes. Caeterum vel ipsius Galeni consensu noti pulsus Hippocrati, quamquam rem exponit non satis constanter: primo enim de differentiis pulsum cap. 2. ait. *Omnium itaque, quorum ad nos memoria pervenit, primas nomen pulsus Hippocrates literis prodidit, atque artis, quam complectimur, non videtur ignarus esse: non tamen hanc artis partem multum elaboravit, neque cuilibet arteriarum motui hoc tribuit nominis:* Cum tamen comment. primo in lib. Hipp. de Humoribus prope finem haec habeat. *Veteres autem non jam omnem motum arteriarum, sed eum solum, qui sensibilis esset, atque ipsi homini prorsus vehemens, pulsum vocabant. Hippocrates primus motum arteriarum omnium, qualiscunque is esset, pulsum appellavit.* Et comment. 2. ejusdem lib. *Sed hanc a pulsibus profectam notitiam, vel non habuit Hipp. vel certe non exercuit.* Rursus igitur ex ipso Hippocrate haec in lib. de Humoribus p. 47. 51. *Coloris mutatio, pulsus refrigeratio, palpitationes, cutis durities, nervorum, articulorum, vocis, mentis, figura voluntaria, pili, ungues, tolerandi levitas, aut secus, & qualia oportet, consideranda.* An vero praecepisset Hippocrates etiam ad pulsus respiciendum, si ad pulsum ipse quoque attendere non fuisset solitus, & quid ipsi indicarent, non intellexisset? Ex his igitur omnibus patet, neque secundum mentem Hippocratis rem medicam facienti contemnendam, aut omittendam esse pulsum contemplationem, cum & ipse ejusmodi doctrinam noverit, & plurimi fecerit, & pulsus observandos esse mandaverit, & quid eorum aliquot indicent, exposuerit. Neque nos moveant Celsi verba, quibus prima fronte videtur pulsus damnare, & nullam iis habendam fidem praescribere, qui cum pleraque ad mentem Hippocratis scripserit, censere possit aliquis etiam ad mentem Hippocratis ab ipso pronunciatum, minime fidendum pulsibus fallacissimae rei; verba enim ejus quisquis perpendit diligentius, statim intelligit, damnari ab ipso pulsus, quatenus sunt uniuscujusque generis etiam in naturali statu; non vero quatenus quidam fingitur in omni differentia mediocris; ad quem reliqui non natu-

Vel Galeni
consensu
noti pulsus
Hippocrati.

Classe 4. p.
47.

Classe 3. p.
241.

Ibid. p. 251.

Celsus.

rales, nempe a moderatione recedentes referuntur. Sic enim Celsus, Latinus Hippocrates, c. 6. lib. 3. paulo post initium. *Venis enim maxime credimus fallacissimae rei, quia saepe istae lentiores, celerioresve sunt, & aetate, & sexu, & corporum natura: & plerumque satis sano corpore, si stomachus infirmus est: nonnunquam etiam incipiente febre subeunt, & quiescunt, ut imbecillus is videri possit, cui facile laturo gravis instat accessio. Contra saepe eas concitat, & resolvit sol, balneum, & exercitatio, & metus, & ira, & quilibet alius animi affectus, adeo ut cum primum Medicus venit, sollicitudo aegri, dubitantis, quomodo illi se habere videatur, eas moveat. Ob quam causam periti Medici est non protinus, ut venit, apprehendere manu brachium, sed primum residere hilari vultu, percunctarique quemadmodum se habeat, & si quis ejus metus est, eum probabili sermone lenire, tum deinde ejus corpori manum admove. Quas venas autem conspectus Medici movet, quam facile mille res turbant. Haecenus ille. Ex quibus manifesto patet, nihil ex his pulsuum diversitatibus naturali pulsui, qui supponitur detrahi, sed prudentis Medici judicio ab iis omnibus cavendum, & intelligendum, quoties aliquis ex ejusmodi pulsibus occurrunt, quos Celsus memorat, id ne fiat aliqua ex iis occasionibus, quas idem numerat, an ex causa proveniat, plane ab iis dissimili, & prorsus non naturali.*

Quid Medicus agere debeat antequam pulsuum aegrotantis tangat.

Postremo, memoriae pariter gratia subjungamus oportet, quid in Galeni, & communi Medicorum opinione dicatur pulsus, qui motus, & quo ordine contingere credantur in arteriis, & corde, iisque comparatis cum singulis, quae superius demonstravimus, patebit subito, quid in eorum sententia veritati consonet, quid falsum sit, adeoque quid in re medica retineri, quid repudiari plane debeat.

Galeni fundamen-
ta de
pulsibus.

Pulsus itaque dicitur Galeno 4. de differentiis pulsuum cap. 2. *Actio praecipue cordis, deinde arteriarum, quae distractione, & contractione moventur a facultate vitali, quo nativi caloris mediocritas retineatur, atque in cerebro spiritus animalis generetur. Quamvis autem in definitione nihil aliud, quam duo motus arteriarum commemorantur, ponit in pulsu necessariam duplicem quietem, quarum altera contingat post distractionem, antequam arteria contrahatur, altera post contractionem, antequam distrahatur, & haec ipsa duplex quies etiam in corde eodem*

eodem ordine per ipsum contingat oportet; cum enim contractio, & distractio sint contrarii motus, non potest ab altero in alterum transitus fieri nisi per median quietem. Distractio dicitur diastole, tam in corde quam in arteriis, contractio systole; utraque quies perisystole. Distrahi eodem tempore asserit, seu dilatari, seu esse diastole cor, & arterias, eodemque pariter tempore contrahi, seu constringi, seu in systole. In diastole attrahi externum aërem per externas quasque capillares arterias, in poros cuticulæ desinentes, ab iisdem arteriis, & corde, ut per ejus influxum refrigeretur nativus calor, unde mediocritas in ipsius virtute conservetur, qui cum in sinistro sinu cordis positus saltem praecipue, & primario sit, hinc pulsus est actio praecipue cordis, deinde articularum, cum actiones illius sint potissimum, in cujus praecipue gratiam institutæ sunt. Systole vero est actio earundem partium, qua ex corde & arteriis fuligines innati caloris per extremas arterias in poros cuticulæ desinentes, excernuntur. Hinc factum, ut asseruerit, arterias impleri, quia dilatantur, ut contingit in foliis, qui, nisi diducantur, impleri aëre non possunt, dilatari autem a facultate vitali, ut in definitione; non autem dilatari, quia implentur, ut contingit in utriusque, qui ex eo solum extenduntur, quod in ipsos immittitur liquidum aliquod, cujus vi quaquaversum urgente corium utrisque quaquaversum extrorsum agitur, seu dilatatur. Insuper quoniam in sinistro sinu cordis vitales spiritus generantur in portione aëris ex pulmonibus, & arteriis eo pertingentis, atque ex his ipsis spiritibus producuntur spiritus animales in cerebro, nisi igitur apta quantitas aëris attraheretur a corde per arterias, spiritus animales generari non possint, adeoque actio hæc cordis, & articularum, quæ dicitur pulsus, non solum respicit nativi caloris temperiem, seu mediocritatem, verum etiam spirituum animalium generationem in cerebro. Quoniam vero etiam aër, qui ducitur, ac redditur per pulmones, eodem respicit, & ille motus dicitur respiratio, hinc asserit eandem esse necessitatem & usum respirationis, ac pulsus, immo respirationem esse veluti privatum quendam, ac particularem pulsus; pulsus vero veluti publicam, ac generalem totius corporis respirationem, quam etiam perspirationem appellavit. Hæc universæ Galenicæ de pulsibus doctrinæ summa,

in qua, cum nihil fere contineatur, quod non sit ex Anatomicis nostris, & circuitu sanguinis omnino & evidenter falsum, & facile falsitatem suam prodens, in ejus expositione ulterius non immorabimur; illud solum notamus, perspirationem Galeni esse quid satis simile respirationi Platonis, atque Hippocratis, quorum uterque rem exemplo Sagenae introrsum reflexae explicabat; sed illi nobilius quiddam imaginati, influxum, & effluxum animae aiebant contingere ad vitam conservandam, non aëris ad ventilandam. De his igitur satis interim; neque enim quicquam addere libet de tot illis fictis pulsum differentiis apud Galenum, quas ne ipsi quidem Galenicae doctrinae studiosissimi, & in ejus autoritate, ac nomine tuendo maximae religionis admittere, atque deprehendere in hominum arteriis per tactum possunt. Haec itaque de Pulsibus.

DE SANGUINIS MISSIONE.

DOCTRINA mittendi sanguinem pendet ex toto a naturali ejus fluxu, seu circuitu intra corpus, adeoque supponendum id omne, quod ostenditur de circuitu naturali sanguinis; sed quia duo praecipue sunt, ex quibus deducitur necessitas eorum, quae a missione sanguinis pendent, illa hic indicare operae pretium duximus. Sunt autem haec.

Primo, sanguis tam in systole, quam in diastole arteriarum fluit per ipsas aequae velociter, & impetus fluxus mensuratur a momento, quod concipit a facultatibus arterias circumprimentibus, & ab excessu velocitatis, quam concipit, a corde supra momentum resistentiarum, quibus occurrit: sunt autem illae sanguis praecedens, & ipsae arteriae.

Secundo, sanguis fluens per arterias nititur in sanguinem fluentem pervenas, & ejusmodi nisum prohibere non potest, quaecunque in venis supponatur facultas trahens.

Ex his autem, quae ad sanguinis missionem pertinent omnia.

PRO.

PROPOSITIO PRIMA.

A Quacunque vena mittatur sanguis, per totum spatium temporis, quo mittitur, quantitas ejus singulis contractionibus cordis, influens in truncum arteriae, cujus aliquis ramus continuus sit venae, a qua mittitur sanguis, majorem proportionem habet ad quantitatem eodem tempore influentem in truncum alterum, quam quantitates eodem tempore in eisdem truncos homologue influentes, quando nihil sanguinis mittitur, sed totus fluit per canales suos. Similiter quantitas sanguinis, singulis contractionibus cordis influens in arteriam illius partis, a cujus vena mittitur sanguis, ad quantitatem influentem eodem tempore in arteriam partis oppositae, & ab eadem origine venientem, majorem proportionem habet, quam quantitates eodem tempore in eisdem canales homologue influentes, quando nihil sanguinis mittitur, sed totus fluit per canales suos: quantitates autem sanguinis, ab altero trunco in suos ramos eodem tempore influentes, proportionales sunt quantitativis in eisdem ramos homologue influentibus, quando nihil sanguinis mittitur. At vero velocitas sanguinis per totum spatium temporis, quo mittitur, in omnibus venis, atque arteriis fit major, nisi quod fieri potest, ut sanguis contentus in toto tractu venarum, qui comprehenditur inter dextram auriculam cordis, & locum, ubi factum est emissarium sanguinis, & successive sanguis etiam, contentus in venis omnibus, in tractum illum confluentibus, atque deinceps sanguis, etiam contentus in arteriis, quae sunt iis venis continuae, fiat minoris velocitatis, quam cum nihil sanguinis mittitur. Caeterum velocitas aucta, quae exercetur per venam, a qua sanguis mittitur, omnesque in ipsas confluentes, sicut per arteriam, suosque ramos iis venis continuos, ad velocitatem, quae per eisdem canales exercetur, cum nihil sanguinis mittitur, majorem proportionem habet, quam velocitas aucta per quolibet homologos canales reliquos ad velocitatem per eisdem, cum nihil sanguinis mittitur, & auctae velocitates per ipsos proportionales sunt velocitatibus, quae per eisdem exercentur, cum nihil mittitur sanguinis. Brevi autem a suppressione sanguinis cessat haec inaequalitas velocitatum, & quantitatum ejus per

canales suos, solaque permanet aucta velocitas, quae per quoslibet homologos canales est quidem major velocitate, quae per ipsos exercetur, cum nihil sanguinis missum est; sed est eadem hac velocitate proportionaliter major. Oportet autem, ut quae sanguinis quantitas mittitur, non imminuat momenta contractionum in villis, cor, musculos reliquos, & membranas constituentibus, a quibus concipit sanguis momentum fluxilitatis suae, cum fluit totus per canales suos.

Quoniam sanguis, fluens per arterias, nititur in sanguinem fluentem per venas, & sanguis per venas praecedens impedimento est sanguini per easdem succedenti; amoto igitur impedimento succedenti per venas sanguini, idem sanguis continue per venas succedens fluit velocius, adeoque sanguis per arterias in ipsum nitens, quoties impedimentum illud remotum erit, minorem resistantiam a sanguine venarum patietur; sed facto emissario in qualibet vena, ita ut sanguis possit effluere, & re ipsa effluat, fit, ut sanguini per venas succedenti nihil obsistat sanguis per easdem praecedens, cum liber illi pateat effluxus in nihil repugnantem aëra; facto igitur in qualibet vena emissario, sanguis per arterias, iis venis continuas, fluens, & in earundem sanguinem nitens, minori resistantiae occurret: est autem sanguis per omnes arterias sibi ipsi continuus, & succedens per ipsas, nititur in praecedentem; igitur nisus sanguinis, fluentis per arterias omnes, continuus est in sanguinem, fluentem per venas quoslibet, adeoque facto emissario in vena qualibet, ita ut sanguis effluat, minuetur resistantia non solum sanguini per summas arterias, venae illi continuas, sed per earundem ramos majusculos, majores, ac demum truncum ad usque cor. Itaque veniat jam cor in contractionem suam, facto in qualibet vena emissario sanguinis. Quoniam sanguis a corde trusus, incidit in praecedentem sanguinem ad immissaria utriusque trunci arteriarum, non motus per alterutrum, aut utriusque ipsorum directionem, sed quaquaversum pressus, & a sanguine, ad immissaria occurrente, resistantiam patitur; influet igitur in utrumque truncum quantitas sanguinis, quae poterit pro ratione resistantiae ad immissaria vigentis; sed haec pendet a sanguine ibidem occurrente, & ejus resistantia pendet a resistantia sanguinis, praecedentis per totam longitudinem arteriarum, & quae iis continuas sunt, venarum; in eum igitur truncum major quantitas sanguinis

guinis pro ratione resistentiae devolvetur, a cujus continuis venis sanguis effluit, cum in hoc minor resistentia vigeat: & quantitas sanguinis, qui mittitur, ea supponitur, quae minuire nequeat momentum contractionis cordis, hoc est momentum, quo sanguis influit in arterias, canales sunt iidem, & resistentia, a sanguine pendens, minor, cum emissarium sanguini factum est, quam cum nihil sanguinis mittitur; quantitas igitur sanguinis, singulis contractionibus cordis influens in truncum arteriae, a cujus continuis venis mittitur sanguis, ad quantitatem, eodem tempore influentem, cum nihil sanguinis mittitur, erit reciproce, ut resistentia major, cum nihil sanguinis mittitur, ad resistentiam minorem, cum aliquod in continuis venis emissarium patet, & quod inde fit, quantitas sanguinis in truncum arteriae, continuum venis, e quarum aliqua mittitur sanguis, influens in illa contractione cordis, ad quantitatem, eodem tempore influentem in truncum alterum, majorem proportionem habet, quam quantitates sanguinis, eodem tempore in eosdem canales homologue influentes, cum nullum sanguini emissarium patet, sed totus ducitur per canales suos; quare patet prima pars.

Secunda pars eodem modo ostenditur; mitti enim sanguis supponatur a Saphæna dextri pedis ex. gr. haec igitur erit continua ramis dextrae arteriae iliaca: utraeque autem iliaca ab eadem origine veniunt, hoc est ab eadem a corde distantia; igitur velocitates sanguinis ad ipsarum immiffaria sunt eadem, adeoque quantitates, singulis contractionibus cordis influentes in utramque iliacam, sunt in ratione composita sectionum, & resistentiarum; sed per emissarium in saphaena dextra minuitur resistentia magis, quam in sinistra, patet igitur secunda pars.

Tertio, quoniam quicquid resistentiae patitur sanguis in iis arteriis, & continuis venis, a quarum nulla mittitur sanguis, provenit a resistentia, quam exercet sanguis, contentus in eo trunco venarum, a quarum nulla sanguis mittitur, & haec cujuscunque diversi gradus sit, semper proportionaliter se habet ad emissaria diversarum venarum, quae in ipsum influunt; resistentiae igitur in utrisque ex. gr. axillaribus, cum nihil sanguinis mittitur, proportionales sunt homologue resistentiis per easdem, cum aliquod emissarium patet in aliqua vena trunci

de-

descendentis: supponitur autem sanguinis impetus idem, & utraque axillares arteriae originem ducunt aequi distantem a corde; igitur etiam, cum sanguis mittitur, quantitates sanguinis, singulis contractionibus cordis in utramque axillarem influentes, habebunt rationem compositam ex rationibus sectionum, & resistentiarum, non secus ac habeant, cum nihil sanguinis mittitur; sed & ipsae resistentiae, cum sanguis mittitur, sunt homologue proportionales resistentiis, cum nullum emissarium patet: patet igitur propositum, &, cum quod de una contractione cordis dicitur, verum sit de singulis, & per totum tempus, quo mittitur sanguis, cor contrahatur, patet veritas trium assertorum.

Quarto, quoniam ab ipso primum tempore, quo sanguis mittitur, ac per totum deinde tempus missionis sanguis, contentus in cavitate venarum, quae ab emissario ad auriculam usque cordis continentur, levatur a pressione, quam passus fuisset ab effluente sanguine, igitur sanguis contentus in omnibus illis venis minus est stipatus, atque coactus, & minori momento quaquaversum nititur, hoc est, minus nititur in emissaria venarum, in totam illam cavitatem hiantium, adeoque sanguis in iis contentus arteriisque continuis minorem resistentiam patitur, unde sanguis, contentus in venis hiantibus in cavitatem, quae continetur inter emissarium & cor, arteriisque continuis, velocius movetur, quam cum nihil sanguinis mittitur. Rursus quoniam in eadem illa cavitate contineri naturaliter potuisset etiam sanguis, qui mittitur, igitur influenti ex reliquis venis spatium majus patebit absque repugnantia, unde eo facilius, eoque magis augebitur, atque exercebitur velocitas sanguinis per canales omnes, in eam cavitatem influentes, unde duplici de nomine velocitas per venas, in eam influentes, iisque continuas arterias per totum spatium temporis, quo mittitur sanguis, fiet major. Quia vero cum auriculae in contractione sunt, per villos constrictiores venarum fit, ut impediatur communio inter utrumque truncum, quae tamen non prohibetur, cum auriculae in distractione, seu restitutione constituuntur; in restitutione igitur constitutis auriculis, truncus alter, in alterum hians, nitetur, atque, si poterit, movebitur suo sanguine in alterutrum, sed truncus, a cujus aliqua vena sanguis mittitur, minorem pro ratione naturali quantitatem sanguinis

ad auriculam derivat, & minori momento velocitatis instruatam, quam truncus alter; igitur ex hoc defluere aliquid sanguinis in alterum poterit, adeoque aliquid sanguinis e trunco, a cujus nulla vena mittitur sanguis, devolutum in alterum, faciet, ut ille majus, & magis liberum spatium relinquat sanguini per confluentes venas, iisque continuas arterias in eundem illum truncum fluenti; quare hujus etiam velocitas augebitur, & cum eodem de nomine sanguis ejusdem trunci reliquus, minus sit coactus, atque stipatus, minus nitetur in emissaria confluentium venarum, unde velocitas augebitur utraque ratione superius exposita. Sit jam plenitudo vasorum tanta, ut in prima restitutione auricularum ab incepta missione sanguinis ea vi, ac momento velocitatis, eaque quantitate devolvatur sanguis e trunco, a cujus nulla vena ducitur in alterum, ut superet, tum in illa restitutione, cum in reliquis succedentibus, momentum, quo sanguis influit in cavitatem venae, inter emissarium, & cor contentae, e venis in ipsam confluentibus, atque continuis arteriis; tum igitur fiet, ut sanguis ad emissaria venarum confluentium subsistat, ac succedens ex ordine, per venas & continuas arterias; quare fiet, ut sanguis fluens per venas, quae confluent in tractum earum, contentum inter locum, ad quem fit emissarium, & dextram auriculam cordis, & deinceps etiam sanguis, fluens per continuas arterias, fiat minoris velocitatis, ut proposuimus.

Quoniam vero sanguis, qui per emissarium effluit, exilit toto illo velocitatis impetu, cujus solum parte aliqua per venas fluit, igitur in succedentem sanguinem vix nititur; in reliquis autem venis, a quibus sanguis non mittitur, sanguis praecedens est semper impedimento sanguini succedenti; igitur in vena, a qua sanguis mittitur, minima omnium resistentia occurrit sanguini; per eandem venam, & confluentes omnes, atque continuas arterias fluenti, adeoque hujus velocitas erit omnium maxima, quae proinde ad velocitatem, quae exercetur per eisdem homologue ductus, cum nihil sanguinis mittitur, majorem proportionem habebit, quam velocitas aucta per homologos canales omnes, cum sanguis mittitur, ad velocitatem, quae per eisdem exercetur, cum totus fluit per canales suos. At vero velocitates, auctae per homologos canales reliquos, cum sanguis mittitur, ad velocitatem per eisdem, cum totus

fluit per canales suos eandem habebunt proportionem; cum etenim velocitates pendeant a resistentia maxima, quae exercetur in truncis venarum, haec autem, cum mittitur sanguis, per totam earum longitudinem proportionaliter decreseat, etiam resistentiam diversarum venarum ad diversas longitudinis partes hiantium, proportionaliter minuentur, seu augebuntur velocitates eadem proportione reciproca: cum autem in eadem resistentiarum reciproca proportione sint velocitates homologorum canalium, cum nihil sanguinis mittitur, & haec, cum mittitur, proportionaliter decreseat, auctae velocitates, cum sanguis mittitur, erunt in canalibus homologis, ut velocitates per eosdem, cum totus fluit per canales suos. Neque solum ratione minoris resistentiae, quae exercetur a sanguine praecedente, augetur velocitas succedentis, sed etiam ratione duarum reliquarum facultatum, a quibus velocitatem concipit sanguis, nempe virtutibus arteriam circumprimentibus, & arteriarum restitutione, seu contractione. Quoniam enim, dum sanguis mittitur, quod superest, minus coactum, atque stipatum est, & vasa minus infarta, igitur facultates circumprimentes, minorem resistentiam patiuntur, & sanguinem in iis contentum majori momento, & facilius in motum cient, seu ille movetur velocius. Pariter quoniam arteriae vi propria contractionis plurimum contrahuntur, cum possunt; a missione autem sanguinis vis, qua ipse totus restitutionem arteriarum impedit, minuitur; igitur magis, & majori momento restituentur, & sanguinem validius trudent, seu crescet ejusdem velocitas. Rursus quoniam momentum contractionis in corde, cum sanguis mittitur, supponitur idem, ac cum nihil sanguinis missum est; arteriae autem minus infartae sunt minus distractae, & quo minus distractae, eo minus novae distractioni ab appulsu novi sanguinis resistentes; si igitur sanguis eodem momento niti possit in arterias, cum sanguis mittitur, quo nititur in easdem, cum totus fluit per canales suos, distrahentur facilius, & magis magisque propterea restituentur, & velocitatem sanguini conciliabunt majorem. Quia vero, cum nihil sanguinis mittitur, resistentia sanguinis praecedentis est major, unde sanguis a corde succedens, & majori resistentiae occurrens, dissilit majori momento quaquaversum per latera, & validius in arteriam nititur, & momenta dissilitionum sunt reciproce, ut resistentiae

a sanguine praecedente, & ut hae eadem resistantiae, sunt etiam facilitates distractionum in arteriis; quanto igitur minus erit momentum diffinitionis, cum sanguis mittitur, tanto minor erit resistantia distractionis ab appulsu sanguinis ad arterias pariter, cum sanguis mittitur; quare momentum distractionis conceptum ab impulsu sanguinis, cum aliquid ejus mittitur erit idem, ac momentum, quo distrahitur, cum nihil ejus mittitur: quare eodem momento restituetur, quo restituitur, cum nihil sanguinis mittitur, & occurrit minus resistenti sanguini; majori igitur momento ipsum urget, seu majori velocitate movet; quare patent quae proposuimus.

Postremo autem supprimatur sanguis, dico brevi a suppressione cessaturam hanc inaequalitatem velocitatum, & quantitatum sanguinis per canales suos cum caeteris, quae proposuimus. Quoniam enim per suppressionem sanguinis fit, ut qui sanguis per emissarium effluebat, effluere nequeat, & urgetur a facultatibus in motum agentibus, profluet igitur ulterius in continuas venas usque ad auriculam cordis, ad quam in ejus restitutione nitetur in truncum alterum, & in ipsum etiam devolvetur, quoties fuerit momenti majoris, & paulatim uterque truncus cum continuis venis implebitur, quantum residui sanguinis quantitas permittet, plenitudine, quae erit proportionalis plenitudini eorundem, cum nihil sanguinis missum est; cum autem ejus quantitas post missionem sit minor, erit pariter minor resistantia sanguinis praecedentis, & momentum cordis supponitur idem; ergo velocitas sanguinis etiam absoluta missione ejus erit major, & id sive in contractione, sive in distractione arteriarum rem consideres, ut ex superioribus patet, & propter proportionalem diminutionem resistantiarum in canalibus homologis erunt velocitates per eosdem etiam absoluta missione sanguinis proportionaliter majores velocitatibus, quae per eosdem exercentur, cum nihil sanguinis missum est; quare patet tota propositio.

Hic autem adnotatum volumus, conditionem, quam extremo loco posuimus de quantitate mittendi sanguinis, quae non minuatur momenta facultatum, esse semper supponendam in quolibet succedentium Propositionum; in quibus brevitatis gratia omittetur, & cum opus erit eandem vel explicare, vel in quemlibet finem repetere, repetetur.

PROPOSITIO SECUNDA.

Velocitas, qua fluit sanguis postquam missus est, est quidem major velocitate, qua fluit ante missionem, sed est minor illa, qua fluit, dum mittitur. Velocitas autem, qua fluit, dum mittitur, est major aut minor, prout in eadem cujuscunque venae parte sit emissarium amplius, aut angustius, & major per amplius, minor per angustius: per emissaria in diversae amplitudinis venis aequalia fiet velocitas eadem, quoties earum venarum compressiones fuerint reciprocae, ut earundem sectiones ad emissaria: major per emissarium angustioris, cum compressio ejusdem ad compressionem amplioris majorem illa reciproca sectionum proportionum habuerit: minor, cum minorem. Sed & fieri possunt angustissima emissaria ex minime compressis, & maxime exilibus, nempe angustissimis venulis, & tamen intra aequalia temporis spatia velocitas augeatur ad eundem gradum, ad quem perduceretur, si per unicum emissarium educeretur sanguis ex venis amplioribus, & magis compressis, quod tum fiet, cum tot secabuntur venulae capillares, ut multitudo emissariorum in ipsis ad unicum emissarium in ampliori vena sit reciproce, ut compressio per illam venam ad compressiones singularum capillarum: quod si multitudo emissariorum in capillaribus ad emissarium unicum in ampliori vena majorem illa reciproca compressionum proportionem habuerit, erit velocitas major, si minorem, minor. Caeterum cum e quacunque vena mittitur sanguis, ita ut certa quantitas ejus longioris temporis spatium exigat ad effluendum, quam quod exigeret, si aliunde, aut per aliud emissarium mitteretur, sub finem utriusque temporis essent quidem incrementa velocitatum in reliquo sanguine aequalia, sed gradus velocitatis, qui singillatim adderentur singulis partibus longioris temporis, quae sint aequales singulis partibus brevioris, essent minores, seu debiliores; qui vero adderent singulis partibus brevioris, essent majores seu validiores. Denique si quae partes magis mobiles, solutae, liquidae, tenues possunt per pressionem venarum a sanguine emissariis allabente exprimi, & per ipsorum amplitudinem trudi, major pro ratione effluentis sanguinis ipsarum copia extrudetur, quoties momen-

tum

tum compressionis ad momentum, quo expressioni resistunt, majorem proportionem habuerit, quam momentum, quo divulsioni partium sanguinis, ut effluere possit, resistit ambitus emissariorum, ad momentum cohaesionis inter partes ejusdem sanguinis: si vero non per pressionem venarum, sed per impetum infinitum solum, vel conjunctum cum ea ipsa pressione partes illae exprimi, & expirare possint, major earum copia pro ratione sanguinis simul effluentis expirabit, quoties ita mittitur sanguis, ut longiori tempore opus sit ad emittendam certam quantitatem ejus.

Ostenfum jam est in praecedente, velocitatem sanguinis post missionem esse majorem, quam cum nihil missum est, sed & asserimus, hanc velocitatem esse minorem illa, qua fluit, dum mittitur. Quoniam enim, dum mittitur sanguis, totus ille, qui e venis effluit, vix quicquam resistit fluxui sanguinis per venas, iisque continuas arterias succedentis, & fere totus ille sanguis, qui allabatur emissariis, effluit; igitur fere totus ille sanguis, qui allabatur emissariis, dum mittitur, nihil resistet fluxui reliqui per venas, & iis continuas arterias succedentis; sed obturato emissario sanguis ipsi allabens, non effluit, sed ulterius per venas ducitur; igitur obturato emissario, seu absoluta missione sanguinis ille, qui sanguini ad obturatum emissarium allabenti, per venas, iisque continuas arterias succedit, ab eodem allabente, nec effluente sanguine majorem resistantiam patietur, quam dum mittitur, seu velocitate minori fluere cogetur, quam cum mittitur: quia tamen quantitas universi sanguinis post missionem minor est, quam cum totus fluit per canales suos, erit illa resistantia major quidem, quam in ipsa missione, minor, quam cum nihil sanguinis missum est, seu velocitas post missionem erit major velocitate ante ipsam, sed minor ea, qua fluit, dum sanguis mittitur: quare patet, quod primo loco ponitur.

Quoniam vero ad eandem venae partem viget idem impetus sanguinis, atque pressio, sive per arterias traducta, sive a facultatibus circumprimentibus; in eadem igitur parte venae facto emissario diversae amplitudinis, ab amplioris circumferentia minorem resistantiam patietur effluxurus sanguis, ab angustioris majorem; & emissarii majoris sectio major est sectione emissarii minoris; igitur ab emissario ampliori facto in eadem

parte venae intra datum tempus major copia sanguinis effluet, quam ab emissario angustiori, seu intra illud datum temporis spatium magis minuetur resistantia velocitatis sanguinis per emissarium amplius, quam per angustius in eadem venae parte factum, seu cum mittitur sanguis, velocitas ejus magis augebitur, cum emissarium sit amplius, quam cum angustius in eadem parte venae. Quia vero per venas inaequaliter amplas neque momentum pressionis ex arteriis, neque circumpressio a membranis ipsas constituentibus, neque a facultatibus circumpositis sunt aequalia; in venis igitur inaequaliter amplis factis emissariis aequalibus non dabitur aequalitas virium sanguinem in effluxum agentium, adeoque fieri poterit, ut si detur vena maxime exilis, quae natura, arte, aut morbo majus momentum effluxus per pressionem conciliet contento sanguini, quam vena aliqua amplior, emissaria autem in utraque vena sint aequalia, seu aequaliter resistantia, quantitas sanguinis in dato tempore per exiliorem effluentis sit major quantitate effluentis eodem illo tempore per ampliorem; si minus, minor; si aequale, aequalis, seu ut velocitas residui sanguinis major sit, dum mittitur per exiliorem, quam cum mittitur per ampliorem, unde quoties in venis inaequaliter amplis, & aequalibus emissariis fuerint, ut earundem venarum sectiones, ad emissaria, ita reciproce pressionem, seu momenta velocitatum sanguinis per easdem, tum aequalibus temporibus aequales quantitates sanguinis effluent, seu velocitates residui aequaliter crescent; inaequaliter, prout illa pressionum proportio major, aut minor est, quam reciproca sectionum ad emissaria. Sint itaque plurimae, caeque exilissimae, & minime compressae venae; erit igitur per illas momentum velocitatis sanguinis minimum, perforentur singulae, seu fiat emissarium sanguini, sed sint emissaria singula angustissima; igitur ex iis angustis intra datum temporis spatium minima quantitas sanguinis effluet, tum ob angustias exitus minimam quantitatem admittentes, tum ob circumferentiam magis in minimis sectionibus resistantem, tum ob minimum momentum sanguinis, quod superare, & niti debet in hanc ipsam resistantiam, & sanguinem in effluxum agere. Etsi autem hisce omnibus de nominibus quantitas sanguinis in dato tempore per illa emissaria venarum capillarium effluentis, satis parva est, cum tamen sit quanta & in amplioribus venis,

& quantumvis compressis fieri possit unicum emissarium, quantaevis minimae amplitudinis; si igitur fiat, ut sectiones omnium emissariorum in venis capillaribus ad sectionem unius emissarii in amplioribus, ita reciproce vis pressionis in sectione ad emissarium venae amplioris ad pressionem sectionum ad emissaria singula in venis exilibus, erunt quantitates sanguinis eodem tempore effluentes per omnes sectas capillares, & unicam ampliolem aequales; inaequales vero cum emissariorum proportio major, aut minor fuerit illa reciproca proportione compressarum, unde etiam velocitas sanguinis aequaliter, vel inaequaliter augeri poterit, ita ut etiam magis augeatur, sectis capillaribus, quam amplioribus venis. Patet itaque secunda pars.

Tertio, supponatur mittenda sexquilibra sanguinis e quacunque vena per emissarium cujuslibet amplitudinis, & per datum emissarium effluere non possit sexquilibra sanguinis, nisi intra quadrantem horae, vel quodlibet aliud spatium temporis pariter datum. Supponatur autem vel in eadem parte venae emissarium angustius, vel in qualibet alia vena, vel qualibet alia parte ejusdem venae emissarium quodlibet ita factum, ut emissarium angustius ad amplius minorem proportionem habeat, quam pressio, dum sanguis mittitur per amplius, ad pressionem, cum mittitur per angustius (& eodem modo ratiocinare, cum emissaria fiant in diversis venis, vel diversis partibus ejusdem venae, ut ex secunda parte hujus patet) igitur sexquilibra sanguinis per emissarium angustius effluere non poterit intra quadrantem horae; sed opus erit longiori tempore. Sit illud sexquiquadrans: quoniam per utrumque emissarium mittenda supponitur eadem quantitas sanguinis, & ab ejus resistantia pendet augmentum velocitatis in sanguine reliquo; quantumcunque igitur temporis requiratur ad illius effluxum, hoc ipso effluxu peracto, levatus erit reliquus sanguis ea resistantia, quae a sexquilibra sanguinis provenit; quare & si per foramen angustius exigit illa sexquiquadrantem horae, per amplius quadrantem solum; tamen absolutis tam sexquiquadrante, quam quadrante horae, sanguis, qui in vasis superest, in eundem gradum velocitatis devenerit. Quoniam itaque gradus velocitatis acquisiti ad finem inaequalium temporum sunt aequales, adduntur autem per aequalia tempora proportionaliter velocitates; igitur auctae singulis partibus

tibus brevioris temporis majores sunt velocitatibus, quae acquiruntur singulis partibus longioris, quae sint aequales singulis brevioris, unde velocitates auctae per singulas partes aequales contentas in minori tempore validiores sunt velocitatibus, quae augentur singillatim singulis partibus longioris temporis, quarum singulae aequales sint singulis partibus temporis brevioris, ut erat tertio loco positum.

Quarto, quoniam effluere non potest sanguis per emissarium in quacunque vena factum, nisi qui continue effluit, sejungatur undecunque, seu divellatur per ambitum a sanguine, qui per angustias emissarii simul cum reliquo effluere non potest: oportet igitur, ut in effluxu superetur, & divellatur cohaesio partium sanguinis, cui plus resistunt angustiora, quam ampliora emissaria etiam propter diversam longitudinem semidiametrorum, per quam effluxum tentans sanguis nititur, ad hoc ut divellatur a reliquo, qui per angustias nequit effluere. Cum autem hae resistantiae superentur a compressione, qua urgetur sanguis per venas, pro diversa amplitudine emissariorum, & momento cohaesionis inter partes sanguinis, poterit compressionis vis sanguinem in effluxum agere, ejus quantitatem majorem, aut minorem in dato tempore extrudendo, prout vis compressionis major aut minor fuerit, major aut minor cohaesio inter partes sanguinis, & emissarii amplitudo pariter major, aut minor. Sint insuper in sanguine partes magis mobiles, solutae, liquidae, tenues, & per pressionem ad emissaria a reliquo sanguine expressiles, & per eadem emissaria exspirabiles: sit autem vis pressionis ad momentum, quo expressioni resistunt, ut momentum, quo resistunt emissaria divulsione partium sanguinis ad momentum cohaesionis inter easdem: manifestum est, eodem tempore, quo effluere incipit sanguis, incipere etiam expressionem earum partium, adeoque simul cum sanguine ipsas effluere, & cum cesset pressio statim ac exilit sanguinis, vix quicquam earum exprimi. At vero habeat vis pressionis ad vim, qua expressioni resistunt, majorem proportionem, quam momentum emissariorum ad cohaesionem partium sanguinis; igitur statim exprimentur adhuc obnitente emissario, & vix permittente divulsionem sanguini; quare sanguis emungetur magis non solum, qui effluxurus est, sed etiam qui allabens emissario ulterius per venas ducetur; expres-

so enim superiore sanguine, & ad superficiem emissarii fluente, facilius exprimitur etiam succedens ad usque eum, qui ducitur per superficiem venae oppositum emissario; unde plurimum sanguinis, qui superest, & relinquitur in vasis post missionem, partibus illis potest exhauriri; cum tamen servata illa pressio-num, & resistentiarum proportionem ne quidem sanguis effluens partibus solutis destituatur. Si vero eadem partes tenues, solutae, liquidae, mobiles non solum per pressionem exprimi possint, sed etiam, cum patet exitus, ex se ipsis avolent, eo quod per sanguinem semper, & quaquaversum nitantur; si igitur ita mittatur sanguis, ut ad educendam certam quantitatem ejus, sit opus longiori tempore (quod contingit, cum sit emissarium angustius, vel in vena exiliori) tum plurimae illarum partium etiam e sanguine remotiorum canalium devenire poterunt ad usque patens emissarium, & exspirare, & id succedet, sive ex se ipsis nitantur, & moveantur, sive compressione ad ipsum contingat, quare patet tota propositio.

PROPOSITIO TERTIA.

A Sola missione sanguinis, & eo ipso tempore, quod celebratur, potest universa quantitas, quae relinquitur in vasis, intime tota dimoveri, rarefcere, ferverescere, fermentescere miris modis, ita ut quicquid est morborum; & quicquid in iis est admirabile, atque inexpectatum, statim in corpore suboritur. Insuper eodem exposito tempore, quo sanguis mittitur, potest etiam sine illa intima ejus dimotione separatio alicujus humoris, aut derivatio in canales suos plane supprimi, aut diminui, alterius augeri, alicujus alius in qualitatibus vitari: pulsus antea suppressus, intermittens, aut quomodolibet inaequalis per solam missionem sanguinis, & ipso statim tempore, quo celebratur, excitari, aut ad naturalem ordinem redigi. Pulsus autem antea naturalis in arteriis omnibus etiam iis, quae abeunt in venas, mittentes sanguinem, per solam missionem ejus absque intima dimotione reliqui erit minor, atque celerior; sed fieri poterit, ut tactu non dignoscatur: si vero adsit etiam intima dimotio reliqui sanguinis, fieri poterit pro diversa ratione dimotionis major, aut minor, neque tactu percipi, ac demum tanto naturali major, aut mi-

nor, ut etiam a tactu dignoscatur. Nisi tamen similis intima dimotio contingat, non fiet pulsus necessario rarior, aut frequentior, & cum illa non contingit, tempus integrorum quorumcunque circuituum sanguinis, cum totus fluit per canales suos, ad tempus integrorum circuituum, cum aliquid ejus missum est, eandem habet proportionem, quam tota quantitas ad residuam ex missione. Si vero contingat intima dimotio sanguinis, pro diversitate ejus fieri potest pulsus rarior, & frequentior, ac tum fiet, ut integri quique circuitus residui sanguinis post missionem, absolvantur eodem, majori, aut minori tempore, quam integri quique circuitus ejus, cum totus fluit per canales suos. Absoluta autem missione sanguinis expositae pulsuum diversitates possunt persistere cum expositis reliquis.

Quoniam enim ex praecedente per missionem sanguinis fit, ut quicquid ejus relinquitur in vasis, sit minus coactum, atque stipatum, nempe fit, ut duae quaeque ipsius particulae in mutuum contactum minus nitantur, quoties igitur dabitur sanguis ejus compositionis, ut a majori illo nisu, quem duae quaeque ejus particulae mutuo exercent, cum nihil ipsius missum est, comprehendantur, atque a motu prohibeantur partes magis mobiles, & reliquis impellendis, atque in motum agendis aptae; illo igitur nisu per missionem sanguinis diminuto fieri debet, ut partes illae a motu prohibita minus valide fistantur, adeoque validius in motum nitantur, & si hic nisu major fuerit resistentia, quae provenit a partibus cohibentibus, in motum agentur, reliquasque partes, ut res feret, dimovebunt, quare dabitur dimotio intima universi sanguinis, qui relinquitur in vasis, & cum ejusmodi dimotionibus succedant necessario compositiones, quae possunt, atque agitationes diversae, & ut ex morbis nostris patet, ab iis subito nasci possint omnia morborum genera, & quicquid in iis est magis prodigiosum, atque inexpectatum, patet a sola missione sanguinis, & eo ipso tempore, quo celebratur, posse universam quantitatem, quae relinquitur in vasis, intime totam dimoveri, rarefcere, fervere, fermentescere miris modis, ita ut quicquid est morborum & quicquid in iis admirabile, atque inexpectatum, statim in corpore suboriatur, quod erat ostendendum.

Rursus quoniam separatio cujusvisque liquidi a sanguine exigit

igit certum quendam gradum, modumque pressionis, ex doctrina nostra separationum, hoc est certum quendam modum, quo duae quaeque particulae sanguinis in mutuum contactum ad certam mensuram nitantur, per missionem autem sanguinis, & gradus ille fit minor, & modus fit diversus; pro diversitate igitur mutationum fieri poterit, ut unius humoris separatio plane prohibeatur, alius augeatur, alterius vitietur in qualitatibus, & haec contingent, ut patet, siue detur intima sanguinis dimotio, siue secus. Quia vero ad derivationem humoris cujuscunque separati in canales suos, requiritur certus gradus velocitatis ex eadem doctrina nostra, & is pariter, cum sanguis mittitur, diversus fit a gradu velocitatis, cum nihil sanguinis missum est, pro diversitate igitur hujus mutationis in velocitate sanguinis derivatio plane prohiberi poterit in hoc humore, in alio minui, in alio quod qualitates vitari; sed & haec pariter contingere debere patet, si cum mutatione velocitatis conjuncta sit intima dimotio sanguinis; haec etenim prout diversa est, augere velocitatem potest, vel imminuere: quare patet secunda pars.

Tertio, quoniam nifus sanguinis per venas continuus est nifus sanguinis per arterias, & statim a missione sanguinis uterque minuitur; si igitur pulsus, aut plane suppressus, aut intermittens, aut quomodolibet inaequalis sit propter nimium nifum in alterutro canalium, vel utrisque, siue ille proveniat a nimio infartu, & plenitudine vasorum, siue ab aliqua facultate extrinsece nimis comprimente, statim ac sanguis e quacunque vena mittitur, tolletur nimius ille nifus, unde per solam missionem ejus poterit pulsus excitari, aut ad naturalem ordinem redigi. Sed ex nostra doctrina pulsuum, & iis, quae de intermissione eorundem, ac reliquis morbis scripsimus, patet, expositis hisce de causis facile supprimi pulsuum posse, intermittere, & quomodolibet inaequalem fieri; quoties igitur ab iisdem expositis causis pulsus supprimetur, intermittens, aut quomodolibet inaequalis fiet, poterit per solam missionem sanguinis, & ipso statim tempore, quo mittitur, excitari, aut ad naturalem ordinem redigi. Quare patet quod proposuimus.

Quarto, quoniam magnitudo, & parvitas pulsus non solum desumitur a majori & minori quantitate sanguinis fluentis

per arterias, qua fit, ut eadem arteriae plus minus impleantur, seu ad majus, aut minus spatium eo solo de nomine extendantur; verum insuper a nisu per latera arteriarum, quo fit, ut sanguis succedens in praecedentem incidens, pro majori, aut minori plenitudine, seu quantitate plus minus quaquaversum nitatur, & moveatur per latera, seu ad majus spatium extendat arteriam; per missionem autem sanguinis universa quantitas ejus fit minor, nisi igitur per eandem missionem intime dimoveatur, ita ut rare scat, & per rarefactionem extendatur ad spatium majus, quam cum totus fluit per canales suos, reliquum sanguinis minus spatium occupabit, seu fiet pulsus minor in quibuscunque arteriis, quae continuae non sunt venis, sanguinem mittentibus. In his autem quoniam etsi quantitas sanguinis, singulis contractionibus cordis in ipsas influens, majorem proportionem habet ad quantitatem sanguinis eodem tempore influentis in arteriam partis oppositae, & ab eadem origine venientem, quam quantitates eodem tempore in eosdem canales homologue influentes, cum nihil sanguinis missum est, quia tamen proportio illa majoris inaequalitatis in fluxu sanguinis per arteriam continuam venis ipsum mittentibus provenit ab effluxu, qui fere aequalis quantitatis fit per emissarium in continua vena factum; igitur arteriae continuae venis sanguinem mittentibus non erunt pleniores, & magis infartae arteriis reliquis; sed & per ipsas velocitas est major, quam cum nihil sanguinis missum est, igitur succedens sanguis minori momento quaquaversum dissilire praecedentem, & niti coget, unde utroque de nomine tam scilicet ratione infartus, quam ratione pressionis per latera pulsus etiam in arteriis, quae continuae sunt venis mittentibus sanguinem, erit minor, dummodo non contingat intima ejusdem sanguinis dimotio, ut superius. Quia vero sanguinis velocitas fit major, & in velocitate majori fit mora ejus brevior sub digitis arteriae appressis, & cum mora sanguinis sub digitis arteriae appressis est brevior, pulsus dicitur velocior, pulsus igitur antea naturalis in arteriis omnibus etiam iis, quae abeunt in venas mittentes sanguinem, per solam missionem ejus absque intima dimotione reliqui sanguinis erit minor, atque celerior. Quia vero missus sanguis supponitur ejus quantitatis, quae vires non minuat, & plerumque multo infra hanc mensuram nos conti-

ne-

nere solemus, hoc est quantitas, quae mittitur, pro ratione universi sanguinis non est ita insignis; igitur & diminutio spatii, ad quod extendentur arteriae, & augmentum velocitatis in sanguine esse poterunt tam parvi momenti, ut tactum movere non possit, neque illae mutationes in pulsu dignosci, quae tamen dignoscuntur, si major sanguinis quantitas educatur: quare patet &c.

Quinto, quoniam pro diversa intima dimotione sanguinis solvitur ille, atque componitur rursus diversimode, & inter diversos compositionis modos sunt etiam ii, qui redigunt ad rariorem, ii, qui ad densiorem statum, & hi singuli esse possunt diversi gradus; si igitur sanguis per intimam dimotionem ita leviter rarescat, aut leviter cogatur, ut ad majus, aut minus spatium occupandum intra arterias, hoc est majorem, aut minorem pulsum faciendum disponatur, hi iidem producuntur: nisi tamen illa rarefactio, aut densatio sit tanta, ut sensum movere possit; eae mutationes pulsum non dignoscuntur, quae tamen a tactu percipi poterunt, si ad majorem gradum perveniant, ut notum est; quare patet, quod quinto proponitur.

Sexto, quoniam raritas, & frequentia pulsus pendet vel a quantitate majori, aut minori liquidorum confluentium in villos cordis, vel qualitate plus minus vivida eorundem, vel utrisque simul, in missione autem sanguinis, cui nulla intima dimotio reliqui succedat, & tanta sit, quae vires non minuat, ut supponitur a nobis, nec quantitas liquidorum confluentium mutari potest; igitur in tali missione sanguinis non potest fieri pulsus rarior, aut frequentior iis de nominibus. Quia vero sanguis ad auriculas perductus easdem tum pressione sua urget, tum calore stimulat, & utrisque his de causis promoveri, & sollicitari potest, aut retardari influxus liquidorum in villos earum; nisi igitur per pressionem, aut calorem in missione sanguinis, quam supponimus, fiat rarior, aut frequentior pulsus, nullo modo fieri poterit; at calor sine intima dimotione non augetur, per detractionem aurem pauci sanguinis vix minuitur; igitur neque ratione stimuli a calore aucto, vel imminuto, pulsus fiet rarior, aut frequentior; sed neque per missionem sanguinis fiet reliquus magis coactus, hoc est auriculas magis premens, neque easdem minus premens in detra-

ctione parvae quantitatis, quae ad sensum minorem pressionem producere non possit; igitur per missionem sanguinis, quam supponimus, pulsus non fiet necessario frequentior, aut rarior: fieri tamen ac sensu dignosci poterit, quoties mittatur sanguis in tanta quantitate, quae ita minuatur calorem, atque pressionem, ut multo minor stimulus ad aurículas vigeat, ac tum pulsus fiet rarior, ut patet. Tum vero, quoniam tempora integrorum quorumcunque circuituum sanguinis habent rationem compositam ex rationibus quantitatem sanguinis singulis contractionibus cordis ex ipso fluentium, vel singulis restitutionibus in ipsum influentium, & ex rationibus temporum inter duas quasque contractiones (tempora enim, quae absumuntur in contractionibus, aequalia sunt, vel quolibet alio ordine proportionalia temporibus restitutionum) & cum per missionem sanguinis nulla sit residui intima dimotio, ut hic supponimus, tempora inter duas quasque contractiones aequalia sunt temporibus inter easdem, cum nihil sanguinis missum est; igitur in facta hypothese tempora integrorum quorumque circuituum, cum totus fluit per canales suos, ad tempora quorumlibet integrorum circuituum, cum aliquid sanguinis missum est, eandem habent proportionem, quam tota quantitas ad residuam, ut fuit propositum.

Septimo, quoniam pro diversa intima dimotione sanguinis ipse sanguis diversimode solvitur, atque componitur; igitur si per illam dimotionem fiat crassior, frigidior, lentior, densiorque, minus extendet arterias piae matris, cerebrumque proinde minus premet, spiritus minus facile ab illo viscidiori liquido exprimentur in nervos, ac fluent tardius, & id ipsum pariter continget in sanguine, qui confluxurus est cum ipsis in villos cordis ad ipsorum contractionem, unde pulsus rarior, qui promovebitur ab imminuto stimulo ad aurículas propter diminutionem caloris, & diminuta pressione propter lentorem, ac densitatem sanguinis auctam, quarum altera fiet, ut haereat vasis validius, seu nitatur in aurículas infirmius; densitate vero, ut minus exigat, occupetque spatii, hoc est a sanguine succedente minus prematur. Frequentior autem e converso continget, cum per intimam dimotionem sanguinis solvetur idem, ac disponetur ita, ut evadat tenuior, rarior, calidior, fluxilior, quod manifestum est. His autem positis perspicue

patet, motum sanguinis accelerari, ac retardari posse quacunque ratione possibili, adeoque absolvi posse integros quosque circuitus sanguinis per missionem ejus eodem majori, & minori quocunque tempore, quam integri quique circuitus, cum totus fluit per canales suos, & eodem quidem tempore, cum per mutationem sanguinis, spirituum, & pressionum fiet, ut quantitates sanguinis singulis contractionibus cordis ex ipso fluentes, cum nihil sanguinis missum est, ad quantitates, effluentes per missionem sint reciproce, ut tempora inter duas quaque contractiones cordis, cum aliquid sanguinis missum est, ad tempora inter duas quaque contractiones ejusdem, cum totus fluit per canales suos: majori autem, aut minori, cum proportio harum quantitatum, ac temporum fuerit hac ipsa proportionem reciproca major, aut minor, quae cum ex se ipsis perspicua sint, patet, quod proposuimus.

Octavo, cum singulae causae producentes ea omnia, quae hactenus exposuimus, in ipsa statim missione sanguinis, & per totum tempus, quo ipsa protrahitur, possint perseverare, etiam absoluta eadem missione sanguinis, patet, expositas cursum diversitates cum demonstratis reliquis posse persistere etiam post missionem sanguinis: patet itaque tota propositio.

PROPOSITIO QUARTA.

A Missionem sanguinis deliquium animi, etiam posita conditione trium praecedentium, nempe etiam si ea sit missio sanguinis, quae vires non imminuat, nedum frangat. Non raro contingit, dum a quacunque vena mittitur sanguis, ut is, cui mittitur, linquatur animo, quod cum vulgus arbitretur, id fieri, eo quod nimia copia sanguinis missa jam sit, adeoque tum subito missionem supprimendam, vel eo quod is, cui mittitur, sit imbecillioris, & minime constantis animi, de se dubitet, timeat Chirurgum atque hujusmodi; sit autem id plane admirabile, & inquisitione, ac scitu dignissimum, rem exponere visum est. Neque inficiamur, per metum linqui animo quenquam posse, immo vero patet ex Anatomicis nostris, & operationibus animalium, qua id necessaria ratione fieri debeat, quoties illae excitentur species, cum quibus motuum, &

& cordis speciatim suppressio conjuncta est, ex quibus statim deducitur, non solum dum sanguis mittitur, verum etiam ante missionem ipsam comparantur fasciae, vel pars, a qua mittendus sanguis, apprehenditur, aut fricatur, aut lanceola expeditur, aut vulnusculum infligitur, posse meticulosum quemlibet, & de Chirurgi peritia minus constanter sentientem animo linqui, suppressis per dubitationem, & metum speciebus illis, cum quibus motus cordis conjungitur. Atque inde patet necessaria ratio, cur tum sanguis effluere non debeat; cum etenim sanguis, per arterias nitatur in sanguinem per venas, suppresso igitur motu cordis, supprimitur etiam nifus sanguinis per arterias, adeoque per venas etiam, & cum sanguis ex arteriis per solum peristalticum ipsarum motum, & circumpressionem a partibus extrinsece urgentibus derivari non possit a ramis majoribus in minores, nihil sanguinis duci poterit ex arteriis in venas, quare supererit sola compressio a venis, & partibus ipsas circumprimentibus, quae moliatur expressionem sanguinis per factum emissarium. At quia nihil sanguinis influit, a quo ipsae extendantur, & impleantur magis, restituentur etiam momento maxime infirmo, & partes etiam musculosae circumprimentes minus nitentur, cum species motuum supponantur. Cum itaque facultates expressionem molientes sint maxime infirmae, vulnusculum sit quid satis angustum, & partes sanguinis inter se cohaereant, momentum earum facultatum poterit esse minus momento cohaesionis sanguinis, & angustiarum vulnusculi, unde effluere non poterit: Hunc igitur modum veniendi in deliquium animi, cum sanguis mittitur, aut mittendus est; immo vero etiam cum incidit sermo, aut recordatio ejusdem missionis per metum, a nobis omitti volumus, sicuti neque de altero multum solliciti sumus, quod vulgo etiam notissimum, cum nempe quis animo linquitur propter missionem nimiam sanguinis; est enim ejus necessitas planissima, nec quicquam singulare, aut admirabile continet. Fac enim nimium sanguinem detrahi; supererit igitur in arteriis quantitas minor, unde minus extendentur, minusque premetur cerebrum, & minori momento trudentur per nervos spiritus, unde quantitas minor, & rarius derivabitur in villos cordis, & paulatim motus ejus supprimitur. Cum autem minor quantitas spirituum faciat debiliorem contractionem

nem cordis, cor minus momentum pressionis, ac fluxus imprimet sanguini, unde successive minus, ac minus arteriae piae matris trudentur extrorsum, & compressio cerebri minuetur. Sed & materies spirituum erit minor, tum ob nimiam detractionem sanguinis, cum etiam ob debiliorem, & rariorem motum cordis, quo fit necessario, ut hujus ipsius residuae minoris quantitatis portio adhuc minor per piam matrem fluat quocunque assumpto tempore, quam quae per eandem flueret eodem tempore, si pulsus esset validior, atque frequentior. Aliis etiam de nominibus quantitas liquidi per nervos fieri potest minor, ut patebit ex iis, quae mox explicabimus, & cum, ut ex Anatomicis, non multum absimilia dicenda sint, & necessario contingant in liquido, quod ex arteriis derivatur ad producendum motum musculorum, patet facile necessitas, ac modus, quo quis linquitur animo, cum nimia sanguinis copia mittitur. Nos tamen haec non ita multum curamus, sed illud multo praestantius, ac tantum fidem non superans exponimus, quibus nempe modis fieri possit, ut quis per missionem sanguinis linquatur animo, etiam si nihil metuat, nihil de Chirurgo diffidat, & copia missi sanguinis nimia non sit, sed tanta, ut cum ipsa perfectum virium robur stare possit, earumque constantia.

Primo igitur supponatur mitti sanguis a quacunque vena trunci inferioris; quoniam a quacunque vena mittatur sanguis per totum tempus, quo mittitur, quantitas sanguinis influentis in truncum arteriae, cujus ramus aliquis continuus sit trunco venae, a cujus aliqua mittitur sanguis ad quantitatem eodem tempore influentem in truncum alterum, majorem proportionem habet, quam quantitates sanguinis per eosdem canales homologue, & eodem tempore fluentes, cum nihil sanguinis mittitur, & sanguis ex aliqua vena inferioris trunci mitti supponitur; sanguis igitur influens in truncum superiorem quocunque tempore missionis ad influentem eodem tempore in inferiorem minorem proportionem habebit, quam quantitas per ipsum fluens eodem tempore, cum nihil sanguinis missum est, ad quantitatem, quae tunc temporis pariter in inferiorem influit: influet igitur in superiorem truncum quantitas minor sanguinis, quam cum totus fluit per canales suos. Itaque sit in aliquo corpore hujus quantitatis per

O

trun-

truncum superiorem fluentis diminutio per sanguinis missionem tanta, ut etsi quantitas emissi sanguinis ex se ipsa vires subito tollere non possit; illa tamen diminutio tam inanitat arterias piae matris, ut illae magis subsidant, & gracilescant, quam possint apte comprimere cerebrum ad expressionem tot spirituum, qui sufficiant apta frequentia, & validitate villos cordis contrahere; fiet igitur, ut hi non contrahantur, adeoque animal ab omnibus motibus cessabit, seu linquetur animo, etiamsi copia missi sanguinis minor sit, quam quae vires infringere possit. Supponatur rursus sanguis missus ab aliqua vena superioris trunci, eodem modo ostendetur id ipsum secuturum; cum enim monstratum sit in prima hujus, eam diversitatem proportionum non solum reperiri in truncis arteriarum, sed & in ramis ab eodem trunco, & eodem termino ejus venientibus, patet, majorem quantitatem sanguinis fluxuram in arteriam continuam venis, ex quibus sanguis mittitur, quam in reliquas ab eodem termino venientes, quare eodem de nomine dari poterit similis diminutio compressionis in cerebro misso sanguine a quacunque vena trunci superioris. Quia vero arteriae dilatantur, & trudentur extrorsum non modo a quantitate sanguinis, qua talis est, sed etiam a difficiliore, seu tardiori ejus motu per arterias, cum per ipsum fiat, ut sanguis succedens, & minus mobili sanguini occurrens per latera diffiliat, & trumat magis arterias, cum per missionem sanguinis velocitas fiat major, etiam hoc de nomine arteriae minus trudentur extrorsum, & minus compriment cerebrum.

Secundo fieri potest deliquium animi per subitam, & nimiam contractionem arteriarum piam matrem constituentium, atque ita non solum pressionem cerebri tollentium, sed prohibito fluxu sanguinis per easdem etiam generationem spirituum; quoniam enim per missionem sanguinis diminuta quantitate ejus, quae ad cerebrum perduceretur, si nihil sanguinis missum esset, arteriae a resistentia distrahentis sanguinis liberae subito, atque vi valida restituuntur, seu undecunque contrahuntur introrsum; si igitur haec vis contractionis sit tanta, ut impedire possit fluxum sanguinis, vel penitus, vel ex parte, pressio cerebri, aut penitus, aut ex parte tolletur, & utrique succedere posse deliquium animi patet, & eo facilius continget, quod prohibito, vel diminuto illo fluxu sanguinis per

arterias aut nulla, aut minor ejus quantitas derivatur in glandulas cerebri ad productionem liquidi per nervos, quod proinde deficiet vel penitus, vel ex partè, & deliquium animi producet.

Tertio, si haec subita arteriarum contractio non sufficiat, ipse sanguis partim subsistens, partim succedens poterit ipsi momentum addere, ita ut occludantur penitus, quo enim tempore arteriae partes praecedentes in valida, ac subita contractione sunt, atque ita sanguinem subsistere cogunt, faciunt pariter, ut circumferentiae sectionum, ad quas subsistit, trudentur magis extrorsum, ut locum faciant subsistenti sanguini, cum interim eodem tempore partes arteriarum praecedentium ferantur introrsum per contractionis motum, ita ut quantum sanguis subsistens trudit extrorsum circumferentias sectionum, ad quas subsistit, tantum introrsum ducantur circumferentiae sectionum praecedentium, promovente eum motum contractionis introrsum hoc altero motu trusionis, qui arterias velut inflectit ad interiores partes, unde per hoc additamentum motus poterunt arteriae aut magis, aut prorsus occludi, & deliquium procreare.

Quarto, quoniam per missionem sanguinis, quod est reliquum ejus, in vasis fit minus stipatum, atque compressum, hoc est duae quaeque partes ipsius in mutuam contactum minus nituntur, & per ejusmodi minorem nsum separationes, & derivationes humorum in canales suos possunt tolli, imminui, aut in qualitatibus vitari; si igitur is detur in aliquo corpore sanguis, qui per solam missionem imminuto mutuo nsum partium suarum plane supprimat separationem, aut derivationem liquidi per nervos a sanguine, aut utrumque simul praestet, aut simul utramque sic imminuat, ut omnibus motibus exerendis quod separatur, ac derivatur non sufficiat, aut ita ipsum in qualitatibus vitiet, ut quaquaversum effundi intra villos musculorum non possit, succedet subito simplici missioni sanguinis etiam parcae, & quae vires frangere non possit, deliquium animi. Quod ipsum etiam subito invasurum patet, si quae exposuimus de suppressione separationis, aut derivationis liquidi per nervos, vel vitio ejus, contingant in separatione, derivatione, aut vitio ejus humoris, qui ex arteriis in villos musculorum debet confluere cum liquido per nervos, ut vires exer-

rat, atque moveat. Quae nobis interim in mentem veniunt necessariae rationes veniendi in deliquium animi sine penuria sanguinis per missionem ejus, quoties per eandem missionem nulla fit intima dimotio in eo, qui relinquitur in vasis suis.

Quinto igitur, potest contingere deliquium animi per missionem sanguinis, quoties quod est reliquum ejus in vasis intime dimoveretur, ita ut illa solutio, aut nova compositio, quae illi intimae dimotioni succedit, ita ad minus spatium redigat sanguinem, ut arteriae per sui distractionem a contento sanguine naturaliter compressurae cerebrum, minime comprimere ipsum possint, vel e converso tantum rarescat sanguis, adeoque spatium tanto majus intra arterias exigit, ut eadem amplissime distractae valide comprimant, & plane occludant canales glandularum, & spirituum fluxus impendant; vel ita componatur sanguis, ut nulli, aut diversae a naturali qualitatis spiritus generentur, aut non deriventur in nervos, aut ex iis statim expirent, aut per eos fluere propter lentorem nequeant, aut si quae his sunt similes diversitates. Pariterque deliquium producitur, si haec singula, quae de liquido nervorum dicimus aptentur liquido ex arteriis in villos musculorum confluxuro cum liquido per nervos. Adde his solam rarefactionem insigniorem sanguinis deliquio producendo sufficere, etiamsi aptissime se habere supponantur reliqua omnia, dummodo illa ita premat musculorum villos, ut intra ipsos excidere prohibeat liquida motibus, ac viribus exerendis unice comparata. Quae indicasse sufficit, cum ex Anatomini, & morbis nostris perspicua nimis sint.

PROPOSITIO QUINTA.

Missio sanguinis e quacunque vena minuit quantitatem ejus, & licet velocitatem augeat, refrigerat, atque humectat: si tamen ejus naturae fuerit sanguis, ut per diminutionem quantitas solvatur in calorem, missio sanguinis calefacere poterit, atque ficcare, & ejus naturae esse verosimilius poterit sanguis in aetatibus, temperamentis, morbis, regionibus, tempestatibus, victu &c. calidis. Missio autem sanguinis praecipue dimovet, atque abripit e summis canaliculis

lis capillaribus quicquid iis intime haeret, dummodo vis illius cohaesionis minor sit momento velocitatis sanguinis: quod si major fuerit, missio sanguinis solum refrigerabit, atque humectabit, ex quo demum fieri poterit, ut quicquid haeret summis vasis, dimoveatur, atque abripiatur. Facilius autem succedet illa dimotio, si missio sanguinis fiat largior ex ampliori vena, & per amplius in ipsa emissarium, si contra, difficilior. Quod si missio sanguinis fiat per venas capillares, ita ut multitudo emissariorum in ipsis, ad unicum emissarium in ampliori vena sit reciproce, ut hujus ad illarum compressionem, missio sanguinis per ipsas facilius dimovebit, atque abripiet quicquid haeret summis vasis illius partis, quam missio sanguinis per venam ampliorem. Quod abripitur, potest saltem aliqua sui parte cum eodem sanguine effluere, praecipue cum ducitur e venulis capillaribus, reliquum cum reliquo sanguine magis admisceri, & fluidius fieri. Si vero haereat aliquid summis vasis, & sanguis per missionem in calorem solvatur, pro diversa natura haerentis illius poterit a calore vel solvi, atque ita abripi, vel siccius reddi, & magis haerens, & in hoc secundo casu largior missio sanguinis vim caloris, ac siccitatis poterit temperare. Insuper si universus sanguis in fermentationem venerit, qua solvatur calor, auferet missio sanguinis portionem fermenti, aut fermentati sanguinis, & calorem minuet, seu refrigerabit, unde minus intensa erunt illa omnia, quae ab ejusmodi fermento, & calore proveniunt. Denique si summis vasis aliquid haereat, & per missionem sanguinis ita reliquum ejus mutetur, ut fiat densius, atque frigidius, & minus fluxile, haerens illud dimovere quidem nitetur natura, sed neque ipsum abripietur, & major semper, ac nova materies agglutinabitur.

Per missionem sanguinis minui quantitatem ejus, nemo est qui dubitet, aut dubitare possit; neque enim missio sanguinis est aliud, quam derivatio ejus extra corpus, quod fieri non potest absque eo, quod universa quantitas sanguinis fiat tanto minor, quanta est portio ejus, quae derivatur extra corpus. Patet itaque prima pars.

Quoniam calor sanguinis a motu ejus, & calor per motum productus pendet ab attritione partium calorem comprehendentium, quae per motum divulsae, & a contactu abstractae

calori libertatem permittunt; non igitur ubi motus est, fiet major attritio, & solutio, vel generatio caloris, sed ubi motus cum tanto, ac tali nisu in partes cohaerentes, ut easdem possit a mutua cohaesione divellere: sed ubi corpora atterentia, atque atterenda minus ad contactum premuntur, minus nituntur in divulsionem, & adhuc multo minus, si atterenda tantum recedant ab attrituris, quantum haec ad ipsa magis accedunt; ubi igitur minor illa pressio ad contactum inter attritura, & atterenda corpora, & horum fuga quantum illa instant, minor vis attritionis dabitur, & productio caloris minor, etiamsi velocitas eorum corporum sit utcumque maxima. Cum igitur calor sanguinis a motu pendeat, hoc est nisum, quem exercent mutuo duae quaeque particulae sanguinis ad contactum positae intra vasa; ubi igitur erit minor hujusmodi nisus, minor caloris quantitas producet: sed extracto sanguine, quod est reliquum ejus in vasis sit minus coactum, hoc est duae quaeque ipsius partes in mutuum contactum minus nituntur; igitur hoc de nomine e reliquo sanguine minus caloris educetur, quam ante missionem. Cum insuper per missionem augeatur velocitas, sanguis praecedens per vasa a succedente recedit majori velocitate, quam ante missionem, seu in ipsum nititur momento minori, unde rursus vis in contactum minor, & solutio caloris minor, rursusque tum ob velocitatem auctam, tum ob quantitatem diminutam minor quasi permansio, vel nisus sanguinis ad superficiem vasorum, quibus allabitur, unde rursus minor attritio. Quia vero tota quantitas sanguinis calida est, & per missionem ejus minuitur; igitur minuitur calor pro ratione sanguinis, qui mittitur, & quod relinquitur in vasis, per auctam velocitatem non potest magis incallescere, ita ut per ejusmodi augmentum velocitatis quantum caloris minuitur per detractionem sanguinis, tantum augeatur per augmentum velocitatis; missio igitur sanguinis a quacunque vena, licet per ipsam augeatur velocitas, refrigerat. Sed major caloris vis majorem copiam humiditatis tenuat, in perspirationem agit, atque absomit: ubi igitur minor calor, minor humiditatis absumptio, seu humectatio major, adeoque cum missio sanguinis calorem minuat, etiam absumptionem humiditatis temperabit, seu humectabit. Quod si ut pulvis bellicus nimis in tormentis pressus ignem non con-

ci-

cipit, ita detur non absimilis naturae sanguis, qui majori intra vasa constipatione coactus minus caloris solvat, & statim ac ab illa pressione per missionem levatur, sese ignis expediat, atque perspiret, magisque agitet totum sanguinem reliquum, tum si quantitas caloris post missionem a reliquo sanguine soluti major fuerit, quam quae per missionem detrahatur, vel magis vivida, etsi minoris quantitatis, missio sanguinis calefaciet, & cum a majori vi caloris proveniat major absumptio humiditatis etiam siccabit. Quia vero ratio, qua fit, ut sanguis magis stipatus caloris minus concipiat, pendet a modo cohaesionis inter partes ejus, & cohaerendi modi a textura, & compositione earundem, & hae sunt innumerabiles, nec concipi singillatim possunt, hinc determinare tutum non est, in quibus corporibus, morbis, &c. facilius sit sanguini per missionem incallescere; quia tamen calor est quiddam maxime mobile, & quod sublatis etiam ex parte impedimentis statim ex se ipso se explicat, expeditque a reliquis, hinc a ratione alienum non videtur pronunciare, illum sanguinem per missionem incallescere posse, qui sit natura, loco, victu, morbo, atque hujusmodi calidus; sublato enim impedimento nimiae stipationis per missionem ejus, poterit ignis se in libertatem, & motum asserere, inter duas quasque particulas reliqui sanguinis sese agere easque dimovere, quorum neutrum praestare valebat ante missionem, majori pressione calorem ipsum inter duas quasque particulas sanguinis sistente. Quare patet propositum.

Haereat autem aliquid superficiei internae vasis cujuscunque sanguiferi capillaris, quoniam per arterias ducitur sanguis ad usque haerens illud; vel igitur illud haerens obstruit ex toto cavitatem canalis, ita ut nihil ab arteria possit traduci in continuam venulam, vel ex parte solum: si ex toto, nihil quidem sanguinis per illam obstructam arteriolam in continuam venam derivabitur; non tamen inde fiet, ut venula continua illi arteriolae exhausta maneat, & sine sanguine, sed cum undecunque in eandem hient aliae venulae, hae ipsae derivabunt contentum sanguinem in obstructam venam, eamque ad obstructionem usque implebunt. Si vero obstruat solum ex parte, igitur aliquid sanguinis traducetur ex semi obstructa arteria in continuam venam, quae proinde continua vena partim per

per influxum sanguinis ex arteria, partim per sanguinem ex aliis venis influentem pariter implebitur. Quoniam itaque sanguis arteriae in sanguinem continuae venae, & hic in illum mutuo nituntur; illud igitur haerens summis canaliculis sive obstruat penitus, sive ex parte, duabus oppositis facultatibus ad oppositas partes urgetur, a sanguine nempe venae versus arteriam, & a sanguine arteriae versus venam, adeoque dimoveri non potest versus alteram harum partium, nisi ab excessu alterutrius facultatum supra momentum alterius, adeoque facilius dimovebitur, si altera facultatum tollatur: sed misso per venam sanguine tollitur nifus ejus per venam in continuam arteriam; igitur nifus sanguinis per arteriam in venas multo majorem partem sui momenti exercebit, in quicquid illud est haerens arteriis capillaribus, & siquidem momentum illud fuerit majus momento cohaesionis, ex se ipso, etiamsi non adsit augmentum velocitatis, poterit loco movere, atque abripere in venas lentorem obstruentem. Sed quia interim per de tractionem sanguinis universae ejus quantitati, quae relinquitur in vasis, major conciliatur velocitas; igitur momentum illud multo magis crescet, atque exercebitur non in unica solum arteriola, ac venula, per quam sanguis mittitur, sed per omnes utrisque iisdem de nominibus; per singulas enim venulas minor est nifus sanguinis versus arterias propter missionem, & per singula vasa crescit velocitas, unde si haerens illud supponatur in omnibus arteriis capillaribus, momentum autem auctae velocitatis, & diminutae resistentiae sit majus solo momento cohaesionis, dimovebitur haerens illud ab arteriis omnibus, & abripietur in venas. Sed a missione sanguinis adhuc alio de nomine facilius redditur dimotio, & trusio materiae haerentis ab arteriis in venas; quoniam enim a missione sanguinis villi membranas arteriarum intextentes in majorem contractionem veniunt, seu redigunt arterias in canales angustiores, hoc est in canales, quorum superficies interior minor sit superficie interiori eorundem ante missionem sanguinis, & huic ipsi superficiei interiori ante missionem sanguinis, hoc est majori haerere supponitur materies obstruens: igitur per missionem sanguinis haec ipsa materies aptari debebit superficiei minori, hoc est mutare contactus, seu separari quodammodo a superficie, cui haerebat: dum autem separatur, transverso agitur, vel urgetur per longitudinem canalıs a sanguine, cujus

resistentia per solam missionem diminuta est, & aucta velocitas, & occurrit materiae vix haerenti cum superficie canalis; igitur eandem multo facilius non dimovebit solum, sed abripiet subito in venas. Quod si per missionem sanguinis fiat talis intima dimotio particularum ejus, quae reddat integros circuitus reliqui sanguinis brevioris temporis, quam sint integri quique ejusdem, cum totus fluit per canales suos, nec tamen materiam obstruentem magis tenacem faciat, & prohibentem, ne arteriarum villi contrahi possint, tum rursus alio de nomine dimotio illa, & derivatio in venas succedet felicius propter frequentiore repetitionem ictuum, quibus haerens illa materies urgebitur a sanguine breviori tempore circumeunte corpus. Si autem momentum cohaesionis majus sit momento sanguinis, & durties materiae haerentis prohibeat contractionem arteriae, tum missio sanguinis refrigerando, atque humectando facere tandem poterit, repetita quantum oportet, ut durum illud haerens humescat, & vi sanguinis cedat, & contractionem arteriarum permittat, adeoque dimovebitur, atque abripietur, & hoc debet etiam contingere, cum sanguis per missionem in calorem solvitur; repetitis enim missionibus brevi defervesceat totus, & materies haerens cedere facultatibus dimoventibus, atque abripiantibus poterit. Quoniam vero ex superioribus per missionem sanguinis ex ampliori vena, ampliori in ipsa emissario, & amplioris quantitatis, nifus per venas in arterias minuitur, & major velocitas breviori tempore sanguini conciliatur; contra autem per missionem parciorem, angustiore venam, & angustius emissarium; igitur dimotio materiae obstruentis, & derivatio ejus in venas facilius succedet facta missione sanguinis largiore ex ampliore vena, & per amplius in ipsa emissarium, contra difficilior. Quoniam vero etiam e venulis capillaribus potest quantitas sanguinis eadem, & eodem tempore mitti, quo mitteretur per ampliore venam, & amplius in ipsa emissarium, quoties fit reciproca proportio superius exposita compressionum, atque emissariorum; hoc igitur de nomine perinde se habebit facilitas dimotionis, & derivationis in venas, sive sanguis mittatur per venam unicam, atque ampliore, sive per plures, & capillares, considerando solum, quid contingere debeat in toto corpore sine hujus, vel illius partis discrimine:

mine: at verò non ex omnibus partibus aequè facile dimovebitur, atque abripietur materies obstruens, sed supposita illa reciproca proportionè facilius abripietur ex aliqua parte, si ex venis capillaribus ejusdem partis ducatur sanguis, quam si ex trunco earundem; etsi enim supposita illa reciproca proportionè eodem tempore eadem quantitas sanguinis educitur; quia tamen factò emissario ad venam ampliorem major est copia sanguinis, quae continetur inter ipsum, & partem obstructam, quam cum emissaria fiunt in capillaribus venis, quae nempe sunt magis proximae obstructis partibus, minorem resistantiam patietur pars obstructa; & sanguis artèriarum a paucò sanguine contento inter emissaria capillarium, & partes obstructas, quam a multo, qui continetur inter emissarium venae amplioris, & easdem partes obstructas, unde materies haerens facilius dimoveri, atque abripi poterit ex aliqua determinata parte factis emissariis in capillaribus venis ejus, quam factò unico emissario in trunco earum cum illa reciproca proportionè multitudinum, & compressionum, quam saepe repetivimus; quare patet tertia pars.

Quod autem abripietur quaquaversum dissiliet, ac trudetur statim, ac traducitur intra ampliorem cavitatem venarum, & cum sit densius reliquo sanguine, versus latera trudetur, & iidem lateribus, ac superficiei venarum allabetur, quo motu poterit, ut exposuimus in Febribus. Si igitur fluat ejus materiae aliquid, dum sanguis mittitur, & pertingat ad usque emissarium, effluet ejus materiae pars cum ipso sanguine: id verò facilius contingere debebit, cum sanguis mittitur per capillares, cum illae proximae sint partibus, a quibus materies abripitur, adeoque in ipsa missione sanguinis poterit extrusa illa materies e partibus proximis ad usque emissaria perducì, & multo copiosius, cum adhuc distributa non sit per majores cavitates ampliorum canalium. Reliquum vero materiae dimotae, dum per venas sensim labitur, partim allabendo earum superficiei, partim ad contactum sanguinis cum eodem sanguine majorem subibit mixtionem, & huc illud distractum in partes varias, tenues, & sejunctas, admittet partes sanguinis magis fluxiles, & liquidius evadere poterit.

Si vero aliquid haereat summis vasis, & sanguis per missionem solvatur, manifestum est, posse solvi diversimode, ita
ut

ut id, quod per ejusmodi solutionem producitur in sanguine, induat naturam alicujus determinati fermenti, vel menstrui, quod hoc, aut illud corpus hujus vel illius determinatae naturae solvere, vel magis in duritiem compingere possit. Pro diversitate igitur mutationis in sanguine, quae per missionem contingat, & naturae, cujus supponatur haerens illud, poterit illud ipsum haerens per missionem sanguinis liquari, aut siccius, ac densius reddi, adeoque vel dimoveri, & abripi, vel haerere tenacius, figique validius. Sive autem reddatur tenacius, & validius haerens per calorem a missione sanguinis solutum, sive per quamlibet aliam facultatem menstruorum duritiem conciliantium, missio sanguinis largior, & repetita poterit ad fluxilitatem disponere, & vim fermenti, caloris, ac siccitatis temperare; auferet enim cum sanguine, qui educitur, partem fermenti, vel minuet caloris quantitatem, quo absumitur humidum, & fit intensior calor, & validior cohaesio, adeoque minus intensa erunt illa omnia, quae ab ejusmodi calore, siccitate, aut fermento proveniunt.

Postremo sanguis per missionem ita intime dimoveatur, ut fiat densior, frigidior, crassior, minus fluxilis; facilitas igitur ad motum, allapsusque ad superficiem canalium erit minor, seu ad hoc ut moveatur aequae velociter, ac ante intimam illam dimotionem, exiget impetum majorem a corde: sed hic primis vicibus supponitur idem, mox vero fiet etiam minor propter mutationem sanguinis tum in frigidius minus stimulans, cum in densius minus facile permittens separationem spirituum, eosque crassiores suppeditans; igitur vis sanguinis per arterias erit multo minor, quam cum totus fluit per canales suos, quare abripi non poterit haerens illud. Quia vero propter detractam quantitatem sanguinis arteriae aut contrahuntur, aut in contractionem nituntur, & ex hac contractione, aut nisu, oritur aut mutatio contactuum, aut dispositio ad eam mutationem, & quasi separationem materiae haerentis a superficie arteriarum, & interim per longitudinem fluit, quo lento fluxu potest, sanguis ille crassus ac frigidus; fiet igitur, ut hic idem sanguis nitatur quidem in semiharentem illam materiem, sed propter tarditatem sui motus, & debilitatem virtutis abriperere ipsam adhuc resistentem non poterit, unde & ipse subsistet (expressa solum aliqua sui tenuiore, &

magis fluxili parte, quae traducetur in venas) & cum id continue repetatur, nova semper, ac nova materies subsistet, quae priori, & vasis agglutinabitur. Quare patet. tota propositio.

PROPOSITIO SEXTA.

Vena in omni morbo secanda, in quo aut minuenda quantitas, aut augenda velocitas sanguinis, aut refrigerandum, aut humectandum, aut aliquid haerens vasis dimovendum, atque abripiendum, aut danda occasio particulis, ex quibus sanguis componitur, ut intime dimoveatur, & ipsum sanguinem mutant. Quod si morbus exigat quidem missionem sanguinis, sed non mutationem ejus; per missionem tamen mutetur, tum praevidendum, illane mutatio sanguinis officiat morbo, an secus; & siquidem non noceat, sinendum, & mittendum sanguinis quantum oportet: si vero noceat, occurrendum mutationi illi epotis statim a missione sanguinis iis liquidis, quae sistere, atque impedire possint ejusmodi mutationem, aut refrigerantibus, si in calorem solvatur; mollientibus, si dure scat, atque ita de caeteris. Si morbus distributus sit per omnia vasa sanguinis, perinde erit, e cujusunque partis vena ampliore, angustiore, aut capillaribus, dummodo servetur superius exposita proportio emissariorum & compressionum, educatur; si autem morbus venae sectionem exigens alicui solum parti corporis haereat, tutius erit sanguinem mittere ex venis venientibus quidem ab eodem trunco cum iis, quae ad affectam partem tendunt, seu abeuntibus in latus oppositum, quam ex venis partis affectae; tutissimum vero prius mittere sanguinem a quibuscunque venis ab altero trunco venientibus, & id praecipue, si pars affecta sit ad extrema corporis, ubi minima pressio, ac velocitas sanguinis; postea e venis ejus trunci, a quo rami deducuntur ad partem affectam, sed ad oppositum latus tendentibus; postremo ex venis partis affectae, quae si ita se habeat, ut aliquid spatii inter ipsam, & extrema corporis contineatur, tutius erit sanguinem mittere ex hoc ipso spatio, ita ut pars affecta constituatur inter cor, & quae fiunt emissaria sanguinis, sanguinem autem mittere, ita ut emissaria ejus sint inter cor, & partem affe-

affectam, minus tutum; tutissimum autem, si emissaria undecunque fiant per circuitum partis affectae. Revulsio, ac Derivatio non sunt nomina prorsus inania, sed qui effectus per ipsam contingunt, a sola diversa proportionem velocitatum, & quantitatum, qua sanguis dum mittitur, fluit per canales diversos, pendet, non a tractione, aut qualibet alia causa. Et si vero vasa pulmonum sanguiflua communionem non habent cum ductibus sanguifluis reliqui corporis, quoties tamen morbus iis haerens aliquo ex nominibus ad initium hujus expositis missionem sanguinis exigit, favendum: & siquidem pulmo sit liber, nec suam affectionem pleurae, pectorique communicet, nihil intererit ex hacne, aut illa vena sanguinem mitas: at si affectionem pleurae, pectorique communicet, aut trunco descendentem venae cavae, aut ramis ascendentibus, tutissimum erit sanguinem e vena ejusdem lateris, ac trunci subito mittere, quoties certus esse poteris majorem quantitatem sanguinis, quae ad partem affectam majori per missionem velocitate derivatur simul cum pressione a pulmone proveniente amovendo morbo sufficere; sin autem minus, erunt missiones sanguinis successive instituendae eo ordine, quem esse tenendum in quibuscunque particularibus morbis, superius exposuimus, & eodem modo se res habebit in dolore lateris, seu Pleuritide, & aliis affectionibus pectoris.

Cum etenim ostensum sit in superioribus, aut ex se pateat, per venae sectionem minus quantitatem sanguinis, augeri velocitatem ejus, refrigerari, humectari, dimoveri, atque abripi, si quid haeret summis vasis, & id ipsum eodem modo ostendatur de iis, quae haerent quibuscunque vasis sanguifluis, dari occasionem intimae dimotioni sanguinis, & mutationi ejusdem; quoties igitur dabitur morbus aliquis, qui indicet, aliquid ex his esse moliendum in sanguine, manifestum est, id per venae sectionem praestandum; quare patet prima pars.

Secundo, exigit morbus diminutionem quantitatis ex. gr. sanguinis, sed non mutationem ejus; sit tamen sanguis in dato laborante illius naturae, qui per missionem intime dimoveatur, & mutetur: vel igitur haec mutatio officit morbo, vel secus: nisi noceat, sinendum, ut patet, & detrahendum sanguinis quantum oportet; si autem noceat, erit prudentis Medici dispicere, illa mutatio sanguinis in quo genere contineat,

& prout haec aut illa fuerit, aptis occurret remediis statim a missione. Quia vero quo breviori temporis spatio derivari potest remedium intra venas, eo tutius; hinc non eliget medicamenta, quae longo tempore indigeant, vel ut solum fluant a ventriculo ad venas, propter lentorem, vel ut subigantur, & redigantur in liquidum a calore, & pressione partium; sed illa eliget, quae ex se facillime fluunt, & minima indigent opera partium, per quas trajicienda sunt, ad hoc ut in sanguinem deriventur, minimeque subsistant intra easdem: cum autem hujusmodi medicamenta sint liquida, patet, ad id operis aptissimas esse liquidorum potiones, & refrigerantes quidem, si sanguis in calorem solvatur, mollientes, si in quiddam densius, ac durius abeat; atque ita singillatim de caeteris mutationibus; patet itaque secunda pars.

Tertio, sit morbus per vasa omnia sanguinis; igitur siue diminutionem quantitatis, siue augmentum velocitatis, siue quicquid aliud exigit ille morbus in sanguine, non dabitur modus aliquis peculiaris, quo fiat, ut per hanc potius, quam per illam venam educendus sit sanguis, quare perinde se res habebit, undecunque mittatur, dummodo aequè augeatur velocitas, & eodem tempore mittatur eadem certa sanguinis quantitas, quod sit ex superioribus servata proportione illa inter emissaria, & compressiones canalium. At vero sit morbus in aliqua solum parte ex. gr. inflammatio; quoniam per missionem sanguinis variatur proportio naturalis quantitatum ejus fluentium per utrumque truncum, cum totus ducitur per canales suos, & variatur etiam proportio velocitatum, & utraque major est per truncum arteriae, a cujus aliqua ex continuis venis ducitur sanguis, quam per alterum, & similiter major per ramum arteriae, a cujus continua vena mittitur sanguis, quam per alterum tendentem ad partem oppositam, & ab eodem arteriae termino venientem; ducto igitur sanguine per venam illius lateris, quod sit oppositum lateri inflammato; ita tamen ut vena proveniat ab eodem trunco cum vena inflammati lateris, eodem tempore major quantitas sanguinis, & majori velocitate derivabitur in latus oppositum, quam in inflammatum, si ab opposito ducatur sanguis, & id fiet per totum tempus missionis sanguinis. Quia vero inflammatio impedimento est, ne sanguis etiam naturali quantitate, ac velo-

citate fluens trajici possit per inflammata[m] partem; fieri igitur poterit, ut major quantitas, quae breviori tempore influere posset, si per inflammata[m] partem duceretur sanguis, subsisteret ad eandem inflammationem, eamque proinde augeret: quin ipsa etiam aucta velocitas non solum potest non promovere remotionem inflammationis; verum ipsam magis augere, quod continget, si velocitas sit tanta, ac tanta angustia canalium (a quacunque causa haec angustia proveniat, sive obstructione, sive exsiccatione, aut si quid est hujusmodi) ut incidat tanto impetu in superficiem arteriarum absque eo, quod praeterfluere totus sanguis possit, ut ad locum occursum arteriam extrorsum trumat partibus ejusdem arteriae succedentibus introrsum inflexis, atque ita ejusdem arteriae cavitate ad majorem angustiam redacta, hoc est, praeterfluxu sanguinis magis impedito, ex quo continget, ut sanguis diutius subsistens, & in effluxum nitens prematur valide, unde exprimitur pars ejus liquidior, atque acrior, & subsistet crassior, & tumor augebitur, & propter refluxum illius acrioris in venas, sanguis reliquus solvetur magis, & succedere poterunt mille, atque omnis diversi generis pessimae mutationes in toto sanguine, & nihil non morbosum, atque inexpectatum, & singulare in ipsis. Haec autem omnia non solum evitabuntur ducto sanguine per venam lateris oppositi ab eodem trunco venientem; verum insuper remotio morbi facilior reddetur; fluet enim in partem laborantem copia sanguinis minor, & minori velocitate, quam per oppositam, ex qua ducitur sanguis, unde cum interim quantitas minuatur, dabitur locus contractioni arteriarum, & per illam contractionem mutabuntur contactus partium haerentium, & inflammationem constituentium, & eadem propterea minus nitentes in arterias facile abripi poterunt ab affluente sanguine, & idem sanguis affluens facile praeterfluere, cum & minus impedimentum offendat iis particulis haerentibus jam dimotis, & cum non sit tantae quantitatis, ut in dato tempore praeterfluere totus non possit, nec tantae velocitatis, ut per nimiam trusionem extrorsum in aliqua parte arteriae cogat succedentes introrsum flecti, & arteriam occludere. Patet itaque tutius esse sanguinem mittere ex vena oppositi lateris, & ab eodem trunco veniente, quam a parte laborante. Quia vero tota ratio majoris hu-

hujus securitatis est minor quantitas, atque velocitas sanguinis, qui in partem laborantem derivatur, quoties ab opposita ducitur; igitur ex iis venis tutissime ducetur, per quas fit, ut minima velocitas, & quantitas sanguinis derivetur in partem laborantem, sed maxima quantitate, & maxima velocitate evolvitur in truncum arteriae, e cujus aliqua ex continuis venis ducitur sanguis, minore in alterum; ducto igitur sanguine ex aliqua vena illius trunci, qui nullum ramum mittit ad partem affectam, fiet, ut in hanc ipsam affectam partem minor sanguinis quantitas, & minori velocitate deducatur, adeoque superius exposita pericula tutissime declinabuntur, & dimotio morbi facilius inchoari poterit. Quia igitur per hanc missionem sanguinis a trunco nullum ramum mittente ad partem affectam minuitur tota quantitas sanguinis, & dimovetur interim morbus; repetita igitur venae sectione minus imminebit periculum a nimio affluxu sanguinis jam diminuti, a resistentia morbi jam dimoti; quare venae sectio a vena oppositi lateris, & ab eodem trunco veniente tutius administrari jam poterit, quam si sanguis prius missus non fuisset a vena illius trunci, qui nullum ramum mittit ad partem laborantem: postremo vero cum jam per duas illas missiones & diminutio sanguinis abunde facta sit, & dimotus magis morbus, missio sanguinis tuto fieri poterit ab ipso loco inflammationis. Si igitur inflammatio fuerit in summis partibus corporis, ubi minima pressio, & minima velocitas sanguinis, tum maxime missio sanguinis ab opposito trunco facienda; minima enim pressio, & minima velocitas maximam resistentiam pariunt praeterfluxuro sanguini, adeoque maxime cavendum, ne major quantitas ad eam partem derivetur, quam quae trajici minimis illis momentis possit, ne inflammatio, & caetera mala augeantur, quod ex superioribus tutissime contingit, si ducatur sanguis primo a trunco opposito, inde a venis lateris oppositi, postremo a parte inflammata. Ulterius sit pars inflammatione laborans inter Poplitem, & summum pedem ex. gr. & debeat mitti sanguis a parte, manifestum est venas, quae a summo pede ad inflammationem usque continentur, dum ulterius progrediuntur, per locum inflammatum duci. Mittatur igitur sanguis ex his venis inter summum pedem, & locum inflammatum positus; qui igitur sanguis mittitur cum effluat extra venam,

ex qua mittitur; per inflammationem non fluit, per quam fluxisset, si vena non fuisset secta; unde toto tempore, quo missio sanguinis protrahitur, inflammatio levatur a nisu illius quantitatis sanguinis, quae per venas sectas extra corpus mittitur; quare vasa in inflammatione contenta validius contrahi poterunt, & materiam haerentem expellere, quae facilius etiam exprimeretur propter impetum, & pressionem arteriae per inflammationem ductae; haec enim arteria ob missionem sanguinis majorem quantitatem ejus, & majori velocitate trajicit, unde hic ipse sanguis materiam inflammationis jam dimotam, & nihil retardatam super affluxu sanguinis per venam sectam facile trudet, atque abripiet. Ducatur autem jam sanguinis ex venis inter cor, & inflammationem positus; igitur in inflammationem derivabitur sanguis, qui in ipsam influit, per venas inter ipsam, & summum pedem contentas, unde vasa inflammationis minus contrahi poterunt, & minus materiam ejus dimovere: velocitas etiam, & quantitas per arteriam inflammationis minus augebitur, cum per venas, ex quibus sanguis ducitur, exonerentur arteriae supra inflammationem positae, unde materia ejus minus dimota a tardiore sanguine minus urgebitur. Insuper per missionem sanguinis ab iis venis pars inflammationis cor respiciens, seu vasa, quae in ea parte inflammationis continentur, levata pressione sanguinis ab iisdem partibus validius contrahi poterunt, quam quae continentur ad partes summi pedis, unde periculum imminere poterit, ne magis contrahantur, quam opus est, ad hoc ut sanguis a summo pede fluens possit praeterfluere, & ad cor, seu ultra inflammationem derivari; quod si fieret, non solum non tolleretur, aut minueretur inflammatio, sed fieret multo gravior, & vehementior. Quando igitur ea in parte est inflammatio, ut inter ipsam, & summos artus aliquid spatii contineatur, in hoc facta emissaria sanguinis tutiora erunt, quam inter eandem inflammationem & cor. Quia vero tam sanguis contentus intra venas inter cor, & inflammationem comprehensas, quam sanguis contentus intra venas inter ipsam, & summum pedem nititur in eandem inflammationem, tutissimum erit ex hactenus expositis undecunque per circuitum inflammationis emissaria sanguini aperire; ita enim nulla erit pars inflammationis, quae non levetur nisu sanguinis, seu cujus vasa contrahi non

Q

pos-

possint commodius atque validius absque ullo periculo occlusionis in eorum aliquibus, & sanguis arteriae trudere magis, ac tuto poterit. Atque ex his patet.

Quarto, Revulsioni, ac Derivationis nomina non esse tam inania, quantum ab aliquibus supponuntur; patet etiam ex his propositionibus, per missionem sanguinis ex aliqua vena derivari ad partem aliquam majorem quantitatem ejus intra datum aliquod spatium temporis, quam si mitteretur ex alia: atque insuper cum pars aliqua affecta est, tutissimum esse sanguinem mittere ab illo trunco, cujus nulli rami ad partem affectam tendunt, deinde a venis oppositi lateris ab eodem trunco venientibus, postremo ab ipsa affecta parte, & hoc non alia de causa, quam quia si statim ab ipsa affecta parte mitteretur sanguis, periculum immineret, ne augetur morbus per solum affluxum copiosioris materiae ad partem affectam, cum ejusmodi affluxus copiosior contingat per solam missionem sanguinis; qui est ipse effectus malus, qui derivationi tribuitur nimis mature administratae; quia vero per missionem sanguinis ab altero trunco factam contingit, ut major copia sanguinis in ipsum devolvatur, quam in alterum, a cujus ramis irrigatur inflammata pars, seu fit, ut in inflammatam partem minor ejus copia deducatur, & hic est ipse effectus, qui revulsioni tribuitur, patet effectus derivationis, ac revulsioni dari, & per revulsionem quidem fieri, ut in partem affectam minor humorum copia derivetur, per derivationem vero nimis mature factam, ut major, & ut oneretur, ac prematur natura ab illa majori copia, atque augeatur morbus; per hanc ipsam vero derivationem apto tempore celebratam, nempe post unam, & alteram revulsionem exposito ordine institutam levare magis morbum, ac plane tolli. Sed quia haec singula non alia de necessitate contingunt, quam quia per missionem sanguinis mutatur, ut expositum est, ratio velocitatum, & quantitatum ejus per canales suos, manifestum est dari quidem effectus derivationis, ac revulsioni, & revulsionem prius, dein derivationem esse administrandam cum aliis, quae exposuimus, & quae minime discrepant ab iis, quae communiter de revulsione, & derivatione circumferuntur, sed effectus hujusmodi non provenire a tractione, metu vacui, instinctu, aut consilio naturae, avocatione morbi, & si quae sunt hujusmodi causae vere inanes.

Quinto, fit morbus aliquis intra pulmones, qui aut diminutionem quantitatis sanguinis, aut augmentum velocitatis intra ipsos, aut aliquid eorum, quae exposuimus, ad initium huius, exigat, dico, faciendam missionem sanguinis; licet nec vena, neque arteria pulmonaria habeant communionem cum vasis sanguifluis reliqui corporis, quod patet. Cum enim sanguis, qui ducitur in pulmones, sit ille, qui fluit per universum corpus; quo minor est quantitas universi sanguinis, eo etiam minor erit illa, quae per pulmones ducitur, adeoque etiam haec ipsa minuetur; sed diminuta quantitate minuitur pressio, & hac diminuta crescit velocitas (pressionem intelligo stipationem sanguinis in vasis provenientem a mutuo nisu utriusque sanguinis, qui scilicet continetur in vena, & qui continetur in arteria pulmonaria) & datur occasio particulis sanguinis, ut intime dimoveantur, & refrigeratur, & humectatur, & dimovetur, atque abripitur si quid haeret, & in pulmonibus haec dimotio, & extrusio eo facilius succedet propter motum respirationis agitantis, & succutientis, & abripi, si quid haeret, per impetum sanguinis a dextro sinu venientis; igitur etsi nulla datur communio vasorum pulmonarium cum vasis sanguifluis reliqui corporis quoties datur morbus aliquis in pulmonibus missionem sanguinis exigens, faciendum. At quia ex hac ipsa sejunctione vasorum pulmonarium a vasis sanguifluis reliqui corporis fit, ut pulmo, dummodo liber sit ab omnibus partibus circumpositis, nullique ipsarum affectionem suam communicet, in hanc aut illam venam, hanc aut illam arteriam nulla peculiari ratione nitatur, atque insuper fit, ut ita se habente pulmone missio sanguinis ex quacunque vena nullam majorem, aut minorem quantitatem ejus nulla majori, aut minori velocitate in pulmonem derivari cogat, & ab his solum velocitatibus, & quantitatibus pendet ratio mittendi sanguinem ab hac potius, quam ab illa vena; si igitur pulmo sit liber ab omnibus partibus pectoris, nullique suum morbum communicet, perinde se habebit res, a quacunque vena mittatur sanguis. At vero supponatur inflammatio in pulmone, quae insarciendo ipsum extenderit ejus corpus & coalescere cum pleura coegerit, eique & pleurae conciliaverit tumorem similem, vel creverit tumor pulmonis ad partes trunci venae cavae descendens, ita ut ab ipsa vena va-

lide prematur tumor, vel ad partes venarum ascendentium, & ab iis pariter prematur valide, easque vicissim etiam ita premat, ut ad ipsas subsistere cogatur sanguis, & producere aliam inflammationem, aut tumorem, & illum, qui in pulmone est, validius premendo, & fluxum sanguinis prohibendo conservet, vel augeat: manifestum est haberi jam morbum particularem ex iis, quos exposuimus, adeoque derivationem non esse primo loco moliendam, seu non educendum sanguinem e venis proximis, & ab eodem latere, & parte inflammationem abeuntibus, nisi quando certi simus, majorem quantitatem sanguinis, quae per missionem ejus majori velocitate derivatur in partem affectam simul cum pressione, quae habetur per motum respirationis a pectore, & pulmone, sufficere ad dimovendam atque abripiendam materiam morbi, & universum sanguinem superaffluentem trajiciendum per inflammatum locum. Quod si dedit haec certa cognitio, erunt instituendae missiones sanguinis eo ordine, ac modo, quem exposuimus tenendum in reliquis morbis partium missionem sanguinis exigentibus. Caeterum si sit haec certa cognitio, missio sanguinis ex affecto latere poterit esse prodigii instar, & subito hominem ad sanitatem redigere; subito enim abripietur materia morbi, & haec subita restitutio sanitatis facile, & frequenter poterit contingere propter motum respirationis prementis, & succutientis, hoc est dimotionem materiae morbificae adjuvantis. Patet autem, hanc ipsam eodem modo se habituram in dolore lateris, & aliis pectoris affectionibus: quare patet &c.

PROPOSITIO SEPTIMA.

E Quacunque arteria mittatur sanguis, major ipsius quantitas in dato tempore effluit, quam quae efflueret per continuam, & aequè amplam venam, & aequali emissario patentem ad eandem distantiam a corde eodem dato tempore. Et ex his patet, qua ratione fieri possit, ut quolibet dato tempore educatur quantitas sanguinis ex arteria minor, aut aequalis quantitati sanguinis, quae efflueret in eodem assumpto tempore per continuam venam, quae esset inaequalis amplitudinis cum continua arteria, vel inaequali emissario pateret, vel hoc factum esset ad majorem, aut minorem distantiam a corde, quam e-

miss-

missarium arteriae. Per totum tempus, quo sanguis mittitur, quantitas ejus singulis contractionibus cordis influens in truncum, a cujus ramo mittitur sanguis, majorem proportionem habet ad quantitatem eodem tempore influentem in truncum alterum, quam quantitates eodem tempore in eosdem truncos homologue influentes, quando nihil sanguinis mittitur; sed totus fluit per canales suos. Et similiter quantitas sanguinis singulis contractionibus cordis influens in arteriam, a qua mittitur sanguis, ad quantitatem eodem tempore influentem in arteriam partis oppositae, & ab eadem origine venientem majorem proportionem habet, quam quantitates eodem tempore in eosdem canales homologue influentes, quando nihil sanguinis mittitur; sed totus fluit per canales suos, & adhuc majorem, quam cum mittitur sanguis per venam. At quantitates sanguinis eodem tempore ab altero trunco in suos ramos homologue influentes proportionales sunt quantitatibus in eosdem ramos homologue influentibus, quando nihil sanguinis mittitur. Velocitas autem sanguinis, per totum spatium temporis, quo mittitur, in arteriis omnibus fit major, & major quidem, quam cum per venam mittitur, & velocitas aucta, quae exercetur per arteriam, a qua sanguis mittitur, ad velocitatem, quae per eandem exercetur, cum nihil sanguinis mittitur, majorem proportionem habet, quam velocitas aucta per quoslibet homologos canales reliquos ad velocitatem per eosdem, cum nihil sanguinis mittitur, & auctae velocitates per eosdem proportionales sunt velocitatibus, quae per ipsos exercentur, cum nihil sanguinis missum est. Brevi autem a suppressione sanguinis cessat haec inaequabilitas velocitatum, & quantitatum sanguinis per canales suos, solaque permanet aucta velocitas, quae per quoslibet homologos canales est quidem major velocitate, quae per ipsos exercetur, cum nihil sanguinis missum est, sed est eadem hac velocitate proportionaliter major. Oportet autem, ut, quae sanguinis quantitas mittitur, non imminuat momenta contractionum in villis cor, musculos reliquos, & membranas constituentibus, a quibus concipit sanguis momentum velocitatis suae, cum totus fluit per canales suos. Sed & quaecunque ostenduntur in Propositione secunda de sanguine per venam misso ex angustioribus, aut amplioribus emissariis, exilioribus aut majoribus venis, una

aut pluribus cum reliquis omnibus ibi expositis plane conveniunt missioni sanguinis per arterias cum iisdem conditionibus factae. Sed & omnia, quae in Tertia ostenduntur de mutatione sanguinis, & quae in Quarta ad causam deliquii sine nimiae quantitatis detractioe. Similiter missioni sanguinis per arterias conveniunt omnia, quae in Propositione quinta ostenduntur, nisi quod missio sanguinis per arterias citius, & magis refrigerat, atque humectat, quam missio sanguinis per venas, etsi sanguis ejus naturae fuerit, ut per missionem solvatur, aut quomodolibet fermentescat, per missionem ex arteria poterit haec ipsa natura temperari commodius, quam per missionem ex venis. Itaque etiam missio sanguinis per arterias dimovet, atque abripit, si quid haeret summis vasis, idque tutius praestat, atque commodius, quam missio per venas, & sectio ejus, compressio, constrictio, & quaelibet alia operatio, qua impediatur penitus, aut ex parte derivatio sanguinis per ipsam in partem aliquam, cujus vasis haereat materia morbum quemlibet produciens, esse poterit prodigiosi remedii instar morbum subito, atque in ipso opere abripiensis.

Quoniam enim velocitas sanguinis etiam naturalis est major per arterias, quam per venas, igitur missio sanguinis per venam, & arteriam, ita ut reliqua omnia aequaliter se habeant, supererit sola ratio majoris velocitatis per arterias, quae determinabit quantitatem ejus in dato aliquo tempore effluentem, adeoque posita eadem distantia a corde, eodem emissario, atque insuper etiam eadem, si velis, amplitudine arteriae cum continua vena, erit major velocitas per arteriam, quam per venam: quare eodem tempore major quantitas per arteriam, quam per venam effluet; Si igitur fiant reciprocae illae superius saepius expositae, & quae ex se ipsis patent, proportionales emissariorum, vel amplitudinum, vel multitudinum ad compressiones, seu velocitates in diversis arteriarum partibus, fieri poterit, ut per sectas arterias fluat eadem, major aut minor quantitas sanguinis, quam quae efflueret eodem dato tempore per venas, ut patet ex superioribus, & doctrina liquido-rum. Manifesta igitur est prima pars.

Quae autem proponuntur de missione sanguinis per arterias sunt eadem, ac illa, quae proposuimus de missione ejusdem per venas, & ultro patent ex ipsis, & ex demonstrationibus ea-

rum propositionum, a quibus desumuntur. Illa igitur omit-
timus, nisi quod illud brevibus exponendum, quod addimus,
quantitatem sanguinis, quae derivatur in truncum arteriae, a
cujus ramo mittitur sanguis per totum spatium temporis, quo
mittitur, majorem esse, quam cum mittitur per venas ramis
illius trunci continuas; similiterque velocitatem esse majorem,
cum mittitur sanguis per arteriam, quam cum per venam.
Quod tamen utrumque facile patet. Quoniam enim ex eo
major quantitas sanguinis devolvitur in truncum arteriae, a cu-
jus ramo mittitur, quod per missionem qui sanguis ad emissar-
ium utriusque trunci nititur quaquaversum, minorem resi-
stentiam offendit ad eum truncum, a cujus ramo mittitur, quam
ad alterum; ubi igitur per ramos ejus eodem tempore major
copia sanguinis effluit, minorem multo resistantiam offendit,
adeoque in majori quantitate eo devolvetur: sed major copia
sanguinis ex arteria eodem tempore effluit, quam e vena secta
iis conditionibus, quas recensuimus in prima parte hujus; in
truncum igitur arteriae, e cujus ramo mittitur sanguis, ma-
jor illius copia derivabitur, quam in eundem derivaretur, si
mitteretur ex aliqua venarum ejusdem illius trunci ramis con-
tinuarum. Quoniam vero, dum sanguis mittitur, ex eo cre-
scit velocitas ejus per canales omnes, quod minuitur quanti-
tas, seu resistantia, ac difficultas ad motum, seu fluxum, &
data quantitas sanguinis breviori tempore ex arteriis educitur
quam educeretur e venis; igitur velocitas sanguinis per totum
spatium temporis, quo mittitur ex arteriis, in omnibus arte-
riis fit major, quam cum mittitur per venas, ut propone-
batur. Vide autem demonstrationes reliquorum ad usque il-
la, quae ex Propositione quinta deducimus suis locis supe-
rius.

Missionem autem sanguinis per arterias magis refrigerare,
atque humectare, quam missionem ejus per venas ex eo patet,
quod sanguis arteriarum multo calidior est, quam sanguis ve-
narum, quare si mittatur ab ipsis arteriis, fiet, ut qui calidus
sanguis ad partes fluxisset, & refluxisset per venas ad usque
locum emissariorum ad easdem partes non derivetur, adeoque
ipsas non calefaciat, & quod inde etiam fit, non exsiccet,
quemadmodum contingat oportet, cum per venas ducitur.
Neque solum partes non calefaciet, atque siccabit, verum &
san-

sanguinem ipsum, reliquosque humores omnes, qui eo minus humido exsugentur, & calorem concipient, quo minorem vim a calore adurente, & absumente humidum patientur. Missio igitur sanguinis per arterias magis refrigerat, atque humectat, quam per venas, & cum id contingat propter missionem sanguinis calidioris, & ejus data quantitas breviori tempore educatur per arterias quam per venas, patet missionem sanguinis per arterias refrigerare, atque humectare non solum magis, quam missio sanguinis per venas, sed etiam citius. Quod si sanguis ejus naturae fuerit, ut per missionem intimae ejus particulae dimoveantur, fermentescant &c. missio sanguinis per arterias huic periculo occurret commodius, atque tutius; abripiet enim sanguinem ipsum nondum mutatum in fluxu per partes corporis, neque permittet, ut in tanta quantitate permisceatur sanguini venarum, qui nondum sit permutatus: quibus adde brevitatem temporis majorem, qua data quantitas ejus educitur per arterias, quam per venas, & majorem celeritatem, in quam venit universus sanguis secta arteria, quam vena, quae omnia commodiori sunt auxilio saltem per brevitatem temporis, quo operantur. Quoniam vero sanguis ab iis arteriis missus educit id, quod trajiciendum est per summa vasa; si igitur contineat aliquid facile iis agglutinabile, vel supponatur aliquid jam agglutinatum, cujus impedimento fiat, ut nimia copia sanguinis praeterfluere libere non possit, sed ad impedimentum subsistat, & prematur valide, ita ut ex ipso exprimatur liquidius, quod praeterfluere possit, lentius non possit, sed sistat ad locum impedimenti haerentis, tutius erit, atque commodius sanguinem per arterias, quam per venas mittere. Rursus quoniam sanguis, qui per arteriam mittitur, non pertingit ad summa vasa, eadem igitur facilius, atque validius contrahi poterunt, & mutare contactus cum partibus ac materiebus haerentibus; interim vero aliae arteriae confluentes inter emissarium, & summa vasa derivant in eadem aliquam quantitatem sanguinis majori velocitate propter missionem instructi, igitur abripiuntur facile quaecunque haerebant, & quidem facilius, quam misso sanguine per venas, ob majorem scilicet contractionis vim, atque velocitatem abripientem. Quod si haec velocitas desit propter minimum spatium, quod inter emissarium, & summa vasa contineatur, solus motus contractionis facile dimovebit,

DE SANGUINIS MISSIONE. 129

bit, & extrudet utrinque, scilicet & versus venas, & versus emissarium arteriæ; ad partes enim emissarii nihil obstat propter sanguinem effluentem, & figura arteriæ respicientis ampliore basi partes emissarii ad easdem partes urget, unde hærens illud effluere poterit cum sanguine, vel eidem permisce-ri, & fieri liquidius; reliquum vero intra venas eodem motu contractionis agi poterit. Si igitur pars aliqua corporis reperiatur, in qua a nimio affluxu sanguinis per arterias conservetur morbus aliquis, per solam missionem ejus ex arteria ejusdem partis, vel eadem arteria compressa, constricta, vel quomodolibet ita accepta ut per ipsam sanguis ad partem laborantem traduci non possit, poterit subito cessare morbus, & sub ipsa manu medentis, & siquidem ab aliqua materia hærente vasis illius partis morbus proveniat, patet ex expositis, quo necessario operandi modo morbus ille tolli possit, ac debeat; quare constat tota propositio.

PROPOSITIO OCTAVA.

IN omni morbo, in quo per venam mittendum esse sanguinem superius ostensum, utilius esset eundem per arteriam mittere; sed quia in majoribus arteriis imminet periculum difficilis, aut nullius coalitus, aut ficti, & in aneurisma desinentis, faciendum ex minoribus, & capillaribus, in quarum sectione nullum periculum offenditur. Itaque administrandum quicquid ad arterias capillares, aut educere sanguinem, aut ipsum loco movere poterit in iis præcipue morbis, in quibus summis vasis aliquid hæret, unde & fricabis, & fovebis, & balneum adhibebis, & intra calidam pedes detinebis, & intra eandem sedebis; & frigidam subito, & copiose affundes, & cucurbitulas siccas admovebis, & eas scarificabis, & scarificabis etiam sine cucurbitulis, & hirudines applicabis cuilibet parti corporis, & ligabis ligaturis fortibus, aut mediocribus: & siquidem morbus per omnia vasa distributus sit, frictiones, fots, balnea, cucurbitulæ siccæ, aut scarificatæ per maximam partem corporis, aut ipsum totum maximi præsidii esse poterunt, sicut & hirudines pluribus applicatæ partibus. Si vero morbus sit in aliqua solum parte, tum, si fieri posset, arteriam illius partis apprehendere & ligare,

R aut

aut urere, aut plane comprimere, vel ex ipsa sanguinem mittere tutissimum esset: si vero id fieri non possit, primo scarificandum, vel hirudines applicandæ ramis trunci, qui arterias non mittit ad partem affectam, & id faciendum plurimis scarificationibus profundis, aut hirudinibus, tum e ramis trunci mittentis arterias ad partem affectam, sed derivatis ad latus oppositum: postremo circa affectam partem profunde scarificandum, vel admovendæ hirudines undecunque. Eodem ordine te gerere poteris in fotibus, frictionibus &c. Cum autem affecta pars ita se habet, ut inter ipsam, & summos artus aliquid spatii contineatur, velis autem ex arteria sanguinem mittere, mittendus ex arteria, quæ inter cor, & ipsam partem comprehenditur. Sive autem frices, sive balneum adhibeas, sive foveas, atque ita deinceps, nunquam movebis solius arteriæ sanguinem, sed etiam contentum in venis capillaribus, unde expeditior operatio, & efficacia remedii. Hirudines, quæ applicantur ano, sive ut revellant partibus superioribus, sive ut derivent a visceribus abdominis, cito applicantur, & juvent oportet, similiterque quæ applicantur post aures in doloribus, &c. Capitis, atque ita singillatim de partibus aliis. Missio sanguinis ex arteriis in morbis pulmonum eodem modo se habet, ac expositum de missione per venas in iisdem morbis. Missio autem sanguinis sive ex vena, sive ex arteria, sive ex utrisque canalibus tam copiose facta, ut propter nimiam detractionem ejus, is, cui detrahitur, linquatur animo, quantitatem sanguinis summe minuit, summe refrigerat, atque humectat, motus omnes plane sistit, nisi quod iis suppressis datur libertas villis omnibus sese naturali contractione contrahere, quæ tum proinde potest esse summe valida, & siquidem per motum sanguinis nimis infarcirentur, & a naturali contractione prohiberentur villi canalium, iisque hæreret aliquid, quod per pressionem sanguinis in cohæSIONem validius niteretur, & calore ejus magis exsiccaretur, posset hærens illud per deliquium animi mollescere, ac dimoveri, unde collectis deinde viribus etiam ab affluxu minus copiosi, & proinde minus infarcientis sanguinis abripi. Deliquium igitur animi per copiosam missionem sanguinis in omnibus iis morbis tentari poterit, in quibus vehementior aliquis motus non naturalis, & in vitæ discrimen adducens suppressendus sit, vel

vel exitialis aliquis affluxus sanguinis, vel exitialis calor, aut siccitas, vel hæsiō cuiuscunque materiæ ad summa vasa, quæ sit mobilis per contractionem villorum.

Quoniam enim superius ostensum est, quæ contingunt a missione sanguinis, citius atque tutius contingere, cum illa sit per arterias, quam cum per venas; in omni igitur morbo, in quo convenit venæ sectio, conveniet aptius, seu erit utilis arteriam secare; citius enim ac tutius, quam venæ sectio remedio erit. At quia in majoribus arteriis maximus viget impetus, quo fit, ut vulnuscū inflicti labia ab invicem semper ab impetu trudente extrorsum dimoveantur, adeoque coalescere non possint, & maxima etiam viget vis peristaltici motus, quo fit, ut discissi ad locum scissionis villi similiter magis ab invicem, aut recedant, aut recedere nitantur, & utroque de nomine verus coalitus impeditur, eoque impedito effluit sanguis totus, hinc fit, ut cæteroquin maxime salutaris arteriæ sectio prohibeatur. Insuper quia arteriæ tunica constat ex pluribus velut ordinibus villorum supra se invicem advolutis, fieri facile potest validioribus remediis emplasticis, & cicatricem obducentibus, ut exterior tunica coalescat interioribus ordinibus villorum interim in divisione persistentibus, quo fiet, ut allabens, & appellens sanguis ad locum divisionis minorem resistantiam offēdat ab exteriorē solum tunica ad coalitum perducta, quare eandem distrahet, & ad eam partem amplitudinem arteriæ majorem faciet, eamque extendet velut in tumorem pulsantem, seu aneurisma, quod rumpetur facile, ut patet, & hominem in subitæ mortis discrimen, atque irreparabile adducet. Quia vero in capillaribus arteriis minima est vis sanguinis, igitur per ipsas sectas idem sanguis minus nitetur ad locum sectionis, & arteriolæ facilius ad coalitum venient: erit etiam vis motus peristaltici disjunctantis minor tum propter tenuitatem, cum etiam propter minorem distractionem, quam patiuntur a minori impetu sanguinis, unde minor nīsus sese restituendi, qui is ipse est, quo cicatrix prohibetur. Denique & nullum periculum erit aneurismatis, cum tenuitas membranarum, a quibus capillares arteriæ comprehenduntur, faciat, ut ordines villorum superimpositi vix ulli sint, adeoque si exteriorem ad cicatricem, atque coalitum perducas, totam eras-

fitiem membranæ callo obduxeris, & cicatrice firmaveris. Quoties igitur oportebit aut sanguinem mittere, aut hærens aliquid vasis loco movere, aut abripere, utilius erit ad capillares arterias confugere, & circa eas omnibus iis modis se exercere, quibus fieri potest, ut dimoveatur sanguis, aut educatur. Primo igitur non sunt rejiciendæ

Frictiones sive siccæ sint, sive humidæ. Primo etenim quoniam per frictiones cutis comprimitur ita ducendo manus, aut aliquid contentum, & apprehensum manibus, ut successive ex hac in succedentem partem allabamur frictione; igitur dum unam partem urgemus, succedens est a pressione libera, & cum succedens premitur, a pressione levatur antecedens. Cum igitur frictione prematur cutis, etiam vasa sanguinis sub cute distributa necessario prementur ad majorem, aut minorem altitudinem sub cute, prout frictionis vis comprimens fuerit major, aut minor. Si quid igitur hærebit vasis illius partis, quæ comprimitur, exprimi per vim frictionis poterit, vel saltem dimoveri, & sejungi a contactibus, ad quos sistit. Et quia pars, quæ premitur, præcipue si prematur validius, minus facile admittit influxum sanguinis; igitur saltem illius aliqua portio subsistet ad principium partis, quæ primo premitur, atque deinceps ex ordine ad principium aliarum omnium, quæ successive premuntur, adeoque statim ac a parte pressa in pressionem alterius succedentis fit transitus, sanguis, qui ad partis pressæ principium substiterat, majori velocitate devolvetur in vasa partis a pressione levatæ; quare ab augmento velocitatis fiet idem, quod contingeret, si eductus fuisset sanguis ex arteriis, & materies per pressionem dimota, facile ab aucta velocitate sanguinis toto impetu se ferentis in vasa partis a pressione levatæ, abripietur intra venas, & ideo facilius contingere poterit, quod per pressionem illam e venis exprimi etiam potuit aliquid hærens, unde minorem resistantiam a residuo adhuc hærente inveniet sanguis profluens; quare abripietur per ipsum quicquid hærebat. A pressione igitur frictionum oritur quiddam simile utilitati, quæ produceretur, si simul emitteretur sanguis e venis, atque arteriis, per pressionem enim cohibito sanguine ad partis pressæ confinium augetur velocitas ejus per arterias, & per eandem pressionem expressa aliqua portione materiæ hærentis in venas produci-

tur.

tur illud bonum, quod a missione sanguinis per venas oritur. Sed insuper ab eadem pressione augetur etiam velocitas sanguinis per venas, ut in missione ejus per ipsas contingit; pressio enim illa successiva, & cum nisu successive pariter, & cum nisu premit, adeoque adigit humores, quo possunt, naturaliter eo augmento velocitatis, quam concipiunt a vi pressio- nis, & cum sanguis fluat in venas libere, in ipsas rapietur majori cum impetu, & distractio illa partium hærentium, atque dimotio, & asportatio facilius succedet. Ab hac autem pressione sanguinis facile oriri etiam poterit solutio ejus in calorem, unde frictiones etiam non inutiles, cum calefaciendum erit vel promovenda solutio sanguinis, & tam ab hac solutione ejus, quam ab aucta ejusdem velocitate, & ablatione partium hærentium fieri poterit illa evocatio caloris, ut appellant, ad circumferentiam corporis, vel materiarum intro, ut falso plerumque creditur, hærentium, cum hæreant in vasis sub cute, in quarum gratiam frictiones a medicis plerumque scribuntur. Neque solum incalescere poterit sanguis; sed & cuticula, & cutis vi pressio- nis ipsas atterentis, & caloris particulas in libertatem asserentis, unde absumpta, & asportata humiditate villi cutim, & cuticulam constituentes ficcari magis poterunt, & proinde validius contrahi, atque ita emissaria pororum angustiora reddere, & perspirationem difficiliorem facere saltem hoc de nomine, atque per difficiliorem perspirationem gravio- rem morbum producere. Primo tamen cum etiam intime incalescant omnia, igitur nisu perspirationis in poros erit major, adeoque comparanda aucta ejus vis cum aucta constrictione pori, ac pervidendum, hæcne tanta sit, quæ superare possit momentum ejus, an verius auctum momentum ejus, & nova materies eodem instructa momento continue succedens conjuncta cum augmento angustiarum in poris tantam velocitatem perspirationi conciliet, ut quolibet dato tempore major ejus quantitas per illas angustias possit effluere, quam quæ eodem tempore evaporaret, si illæ angustię essent minores, hoc est cum non fricatur cutis, quod fieri posse, patet ex doctrina liquidorum fluentium. Etiam si vero supprimeretur, vel minueretur perspiratio per totum tempus, quo frictiones fiunt; cum tamen per ipsas habeantur reliqua commoda quæ ab augmento ve-

locitatum, & dimotione partium hærentium pendent, pervidendum rursus, illane majoris momenti sint, quam brevis suppressio perspirationis, quæ compensabitur subito a promoto fluxu sanguinis remotis impedimentis per vasa capillaria occurrentibus, eoque magis, quod perspiratio illa suppressa hæreere quidem poterit vasis; sed per vim frictionis experimentis per eadem vasa agetur. Adde his, quod eadem vis pressionis incallescere quidem facit, atque ita contrahere villos, sed cum eadem exprimat etiam valide, ipsa etiam est, quæ perspirationem exitum molientem per poros ad majores angustias redactos facilius trudit foras, ut cum nos per angustum, & compressilem aliquem canaliculum lente fluens corpus eodem canaliculo pressio facimus, ut facilius, & citius ad emissarium perducatur, & effluat. Postremo, etiam si maximi damni esset qualiscunque diminutio, vel suppressio perspirationis, & vis frictionis, aut caloris interioris tanti non essent, ut eandem impederent, nec reliqua commoda essent comparanda, ne dum præferenda eidem suppressioni, huic ipsi diminutioni, aut suppressioni occurrere poteris per easdem frictiones, quod facile præstiteris, vel fricando rarius, & minori vi, vel minori vi solum, & eadem frequentia, vel non in omnibus partibus corporis, sed in illis solum, in quibus opus est majori compressione, & calore, vel si totum periculum immineat a calefactione, & exsiccatione, non uteris frictionibus siccis, sed humidis, humectando prius, atque identidem, dum fricas cutem, aut manus, aut utraque aptis liquidis, vel fricando non manibus, sed corporibus humido apto plenis, & minus atterentibus, ut spongiis, herbarum manipulis, atque hujusmodi: hæc etenim ratione pressionis eadem præstabunt, quæ in genere exposuimus de frictionibus; ratione autem apti liquidi, & minoris attritionis villos cutis a nimio calore, siccitate, & contractione vindicabunt. Quod si apta illa liquida penetrare etiam cutem possint, ut posse patebit, cum de Balneis mox, humectando, partes vasis hærentes, earundem dimotionem, atque asportationem multo faciliorem reddent, ut patet. Cæterum eos motus sanguinis, quos a frictionibus pendere exposuimus, vel ipsis oculis dignoscere poteris ducta altera manu supra dorsum alterius validius apprimendo; videbis enim pressam partem albam esse statim, ac ab ipsa ducitur manus, & statim in ipsam

toto impetu sanguinem fluere, & ipsi rubicundum colorem reddere; immo hoc cuicunque notum, qui summo digito cutem presserit; statim enim, ac ille abducitur, sese offert in cute circularis area candida per totum illud spatium, quod digitus presserat, quæ subito per circumferentiam undecunque ruborem recuperat, atque ita successive versus centrum, quousque rubescit tota per sanguinem in ipsam undecunque confluentem. Hoc ipsum etiam confirmatur per id, quod in vasis venarum majusculis, & a summa cute conspicuis, & compressibilibus operamur, cum scilicet compresso eorum aliquo versus extremas partes, & protracta compressione per longiusculum spatium temporis, quousque nempe sanguis, qui intra venam continebatur contentam inter locum compressum, & cor, ex eadem vena præterfluat, ac tum ablata facultate comprimente subito sanguis a loco compresso velocissima velocitate fluere conspicitur in venam exhaustam versus cor, qua etiam operatione circuitus sanguinis ad oculum necessario ostenditur, & valvulæ etiam venarum. Ex his igitur omnibus patet, quid præstare possint frictions siccæ, vel humidæ; neque rejici ipsas debere.

Cucurbitulæ pariter sive siccæ, sive sacrificatæ in eadem sorte sunt; movent enim illæ, nec quicquam producere possunt mali. Quoniam enim qua parte cutis in cucurbitulam assurgit, in majorem superficiem extenditur (sit enim ex plana curva, vel ex minus curva magis curva) igitur totum illud, quod cum cute assurgit, extendatur similiter oportet, adeoque quicquid canalium in tota illa assurgente molle continetur, pariter extendetur; sed canales per quam dimensionem trahuntur, ut extendantur, angustiores fiunt; canales igitur sanguinis contenti in mole in cucurbitulam assurgente per ejus applicationem fiunt angustiores, adeoque si quid iis hæret, mutat contactus, seu dimovetur, & ad faciliorem asportationem disponitur, quoties superveniet aliquid transverse rapiens: quin hæc ipsa dimotio, & dispositio ad asportationem magis promovetur ab eadem vi trahente, seu elevatione, & trusione cutis: premit enim illa magis, & ad fluxum disponit. Vel igitur labrum cucurbitulæ ita leviter cutim comprimit, ut sub ipsa fluere possit sanguis, vel tam valide in cutem nititur, ut occludat penitus canales ejus: si fluere potest sanguis; igitur
 fan--

sanguis contentus in canalibus cutis in cucurbitulam assurgentis poterit per suos ductus fluere, & extra spatium a cucurbitula comprehensum derivari: si vero fluere non possit; igitur per totum tempus, quo cucurbitula in applicatione detinetur, subsistet in canalibus ejusdem cutis intra cucurbitulam comprehensæ. Sed quia hi ipsi canales cum reliquis communione habent, non solum labro cucurbitulæ suppositis; sed etiam parti cutis, quæ extra cucurbitulam est, & qui canales cuti intra cucurbitulam comprehensæ suppositi, sunt minus compressi, quam qui subjacent labro cucurbitulæ; igitur sanguis, & quicquid hæret vasis sub labro positis pressum valide per cucurbitulam, & dimotum per extensionem canalium derivari poterit in ramos suppositos cuti intra cucurbitulam comprehensæ, aucta interim velocitate sanguinis per arterias pariter suppositas fluentis; unde nec necessarium erit, ut stagnet per totum tempus, quo cucurbitula applicata detinetur: quod si sanguis fluere possit etiam per canales labro cucurbitulæ supposito, tum pariter & augebitur velocitas arteriosi sanguinis, & abripi poterit per venas quicquid hærebat, & dimotum est. Neque periculum imminet, ne minuatur, aut supprimatur perspiratio in ea parte, quæ in cucurbitulam levata est, quoniam etenim cutis undecunque extenditur, igitur emissaria pororum fiunt undecunque magis tracta, seu discluduntur & ampliora evadunt; interius autem valide premitur totum compositum assurgens; igitur per pressionem illam conjunctam cum amplitudine pororum facile exprimetur quicquid est perspirabile. Et sane Medicinam facientibus, & post remotionem cucurbitularum pellem observantibus occurrit illa perforata maxime conspicuis, atque amplissimis foraminulis, seu poris, & id tam est evidens, ut in iis, qui sunt texturæ rarioris, vix fidem invenire possit apud eos, qui ipsi non vident: tanta est pororum dilatatio, & quasi hiatus. Insuper Medicinam facientes norunt ex se ipsis, cucurbitulas sejungi, atque excidere a cute, si per longius temporis spatium ipsi inhærere sinantur, non alia certe de causa, nisi quia fuliginibus, seu perspiratione in cucurbitulæ cavitatem evaporante, eamque sensim implente fit, ut sensim majori, ac majori momento urgeat suppositam cutem, quousque demum ipsam ab internis partibus cucurbitulæ tantum premat, quantum premitur ab exte-

terioribus per aërem supernitentem, unde subsistat oportet, & tota cutis jaceat in æquilibrio cum tota cucurbitula, seu hæc cum cute non cohæreat, adeoque ex se excidat. Patet itaque perspirationem aut non minui, aut non suppressi. Licet autem etiam minueretur, aut suppresseretur, tum pervidendum, ut de frictionibus exposuimus, num brevis illa perspirationis suppressio majoris esset incommodi, quam sit utilitas, quæ a dimotione rerum hærentium vasis & augmento velocitatis sanguinis deducitur; & hanc utilitatem majoris esse momenti, nemo dubitare potest, cum tota area cutis, quæ subsistat cucurbitulis etiam in maximo numero applicatis, minima sit, si comparetur cum universa superficie corporis, cum e contra per totum ipsum intimum dimoveatur sanguis, quoties in unica parte augetur velocitas ejus. Adde his, huic etiam incommodo prospici posse detinendo cucurbitulas in applicatione breviori temporis spatio, cum enim effectus pressio- nis, atque extensionis vasorum fiat in puncto temporis, brevissimè ejus spatio; facta igitur esse debet pressio, & dimotio post adhæSIONem non ita longum tempus protractam, & tum ablatis cucurbitulis declinabitur omne periculum, aut suppressionis perspirationum, aut cujuslibet alius mali, quod imminere posset a nimia pressione, ut expressio partium humidiorum a sanguine, aut villis, unde auferetur metus omnis nimie siccitatis, quæ a validiori, aut diuturniori cohæSIONe provenire posse, quis suspicetur. Rursus etiam si supponere velis, nullam dari posse communionem inter vasa sanguinis supposita parti, quæ in cucurbitulam levatur, & vasa exteriora, neque cum iis, quæ sunt quidem supposita eidem levatæ parti, sed profundiora, & minus compressa, adeoque supponere velis, coactum esse sanguinem, ut subsistat in cute, quæ intra cucurbitulam levatur per totum tempus cohæSIONis cucurbitulæ, & propterea magis compingi, atque ficcari: huic supposito incommodo dupliciter occurrere poteris; primo detinendo cucurbitulas in applicatione per spatium brevioris temporis, ac tum eas abripiendo; fluet enim sanguis arteriarum ad locum cucurbitulæ suppositum, & cum inveniat materiem jam dimotam, eandem abripiet facile, ac subito, & id eo facilius continget, quod vasa prius vel conniventia, vel circulatoriter per extensionem constricta, statim ablatis cucurbitulis

suæ se figuræ restituunt, adeoque a superficie materierum, quibus prius hærebant recedunt, & quasi spatium relinquunt affluenti sanguini, unde facilius abripiuntur. Altera autem ratio, qua huic periculo aut dubio occurrere poteris, erit Scarificatio, seu incisio cutis prius in cucurbitulam levata, ita ut sanguis effluat; cum etenim vasa minima cujuscunque partis sint veluti rete compositum ex summis venis, & summis arteriis, quæ sunt sibi ipsis continuæ, & multipliciter hic illic variis ramusculis invicem hiantes, per scarificationem fit, ut multi ramuli venarum, multi arteriolarum secentur, unde si in iis, qui secantur aliquid hærens, atque dimotum continebitur, facile abripietur per vulnusculum extra corpus, & cum per missionem sanguinis augeatur reliqui velocitas, materies hærentes in canaliculis reliquis, qui in scarificatione non secantur, facilius abripiuntur, & tota pars ab obstruentibus partibus liberabitur. Scarificabis igitur prudenter, quoties superficies cutis, quæ in cucurbitulam levata fuerit, coloris saturioris, aut lividi persistat; indicabit enim ille color moram, & motum magis lentum sanguinis ad eam partem. Per scarificationem vero non trahes a remotis partibus, sed ad loca scarificationum devolvetur sanguis ratione mutatae & auctæ velocitatis, ut in generalibus Propositionibus de missione sanguinis ostensum est. Neque timebis majorem a scarificationibus obstructionem, eo quod vasa incisa, & ad cicatricem venientia occludantur propter exilitatem, tota etiam intime qua prius erant cava, atque ideo etiam intime calecant, & velut obturent cavitatem suam; & ad locum calli subsistere cogant sanguinem: primo etenim necessaria non est illa calli obductio etiam intime in vasis; quia tamen contingere illa potest, esto & contingat; quia tamen, quod præcipui momenti est, de ablatione rerum hærentium solliciti sumus, & propter incisionem, & reticularem texturam vasorum continue in se multis ramis hiantium fit, ut hanc ipsam ablationem consequamur, nihil refert, aliquane vasa occludantur per hanc operationem, dummodo sanguis in suam naturalem fluxilem habitudinem redigatur; postquam enim hanc rursus affecutus fuerit, cum obicem aliquem offendit, divertit per canaliculos proximos, & per eos in venas refluit. Itaque non solum sine metu scarificabis, sed scarificabis multis incisionibus, atque pro-

profundis, ut brevi tempore aptam quantitatem sanguinis extrahas, quæ necessariam velocitatem reliquo conciliet. Hæc igitur ad partem cutis pertinent, quæ levatur in cucurbitulam. In cute autem reliqua circa cucurbitulas jacente ita se res habebit. Quoniam partes jacentes circa cucurbitulam sustinent pondus totum supernitentis aëris, quo per cucurbitulæ adhæ-
sionem levata est pars cutis ipsi cucurbitulæ supposita; igitur partes circumpositæ cucurbitulis magis premuntur, destitutæ nempe contranisu aëris easdem in æquilibrio detinentis, & quasi levantis; iis autem partibus admixta, & intexta sunt vasa sanguinis; igitur hæc magis comprimuntur; pressio autem maxima, si ulla est differentia, est remotior a cucurbitulis, cum hæ sint veluti fulcimentum firmitus totius aeris; igitur sanguis, & si quid hæret vasis, per ejusmodi majorem pressio-
nem magis undecunque urgebitur versus cucurbitulas, & id continget tam in venis, quam in arteriis: quia vero nifus aëris unus est, & idem; igitur ex æquo communicabitur tam sanguini venarum, quam arteriarum, adeoque perinde se habebit, ac si non esset, nisi quod majorem effectum produ-
cet in illo sanguine, cujus major naturaliter velocitas, & qui naturaliter fluit versus cucurbitulas; ille autem est sanguis arteria-
rum; igitur sanguini arteriarum velocitas augebitur versus cucurbitulas, sub quarum proinde labro, si fluere possit ad usque partem in ipsas levatam, contingent, quæ superius: sin-
minus, aut totus, aut pars maxima derivabitur per venas arteriis ubicunque reticulato opere continuas; reliqua autem pars ad ablationem cucurbitulæ toto impetu devolvetur in ar-
terias; & venas cutis in eandem cucurbitulam antea levatæ, ut superius. Itaque tum propter pressio-
nem auctam, quæ dimovebit, si quid hæret vasis, tum propter velocitatem si-
militer auctam in partibus circa cucurbitulas jacentibus abripietur quicquid hæret, nec quicquam erit timendum mali, ut ex superius expositis patet; neque enim perspirationis suspicio oriri poterit, muteturne, aut supprimatur, cum cutis cucur-
bitulæ circumposita vix trahatur propter coaptationem, & vali-
dam pressio-
nem cucurbitulæ supra cutim, qua fit, ut cutis exterior minime dimoveri possit, nec in cucurbitulam trahi; immo vero & cutis exterior ad cucurbitulæ labrum elevari cer-
nitur, & cucurbitulis ablatis remanet in cute foveola circula-

ris per aliquantulum temporis, velut exsculptum conservans totum labrum cucurbitulæ; etsi vero traheretur aliquantis per cutis exterior, pororum emissaria tam parum contraherentur, ut hæc minima contractio conjuncta cum majori pressione nihil officere perspirationi posset cum iis omnibus, quæ consideranda sunt hac super re superius in hac ipsa dissertatiuncula de Cucurbitulis, & de Frictionibus exposita. Cæterum cum notum sit Medicinam facientibus, e singulis cucurbitulis scarificatis educi insignem quantitatem sanguinis, & illam educationem fieri applicando rursus cucurbitulas parti scarificatæ, & cum statim ab illa applicatione sanguis non minima velocitate erumpat e singulis incisionibus, argumentum inde deduci posset ad evicendum, posse sanguinem contentum in vasis dispersis per cutem cucurbitulæ circumpositam fluere sub labro ejusdem cucurbitulæ, & perducì ad cutem, quæ intra ipsam levatur; quia tamen illa insignis quantitas sanguinis, quæ per cucurbitulas scarificatas educitur, fingi potest derivari solum a vasis profundioribus illi parti cutis respondentibus, quæ in cucurbitulam levatur; hinc forte pervicax aliquis ex illa evacuatione sanguinis insigni deduci ipsum non concedet a vasis cutis, quæ cucurbitulis circumponitur: quia tamen vasa summa cutis ducuntur a profundioribus, & profundiora mittunt ramos quaquaversum, igitur profundiora vasa cutis, quæ cucurbitulis circumponitur, communionem habebunt cum vasis profundioribus cutis, quæ in cucurbitulam levatur, ex quibus tandem fiet, ut sanguis vasorum, quæ distribuuntur per cutem cucurbitulis circumpositam, possit derivare ad cutem cucurbitulis inclusam, sive statim sub cucurbitulæ labro fluendo, sive divertendo in vasa profundiora, & per hæc, vel eorum ramos demum ad cutem inclusam, cucurbitulis deveniendo. Patet itaque circa vasa capillaria operaturo, quid suppeditare possint boni cucurbitulæ sicca, aut scarificatæ, easque rejiciendas non esse. Patet insuper ante applicationem cucurbitularum adjumento esse posse, & bene institui, præscribique Frictiones, cum & ipsæ dimoveant, & velocitatem augeant, adeoque vim, & operationem cucurbitularum majoris momenti, & efficacitatis reddere possint. Atque ex his omnibus deduces, quo pacto

Scarificationes etiam sine cucurbitulis prosint, & faciendæ sint.

sint sine ullo periculo, aut metu obstructionum cicatrici succedentium; perinde enim est, siue scarifices post cucurbitulas admotas, ablataeque in cute intra cucurbitulam prius levata, siue cutim incidas nullis admotis antea cucurbitulis: semper enim facies, ut per vulnuscula effluat quicquid in vasis cutis, proximisque in ipsa confluentibus continetur, & ut augeatur velocitas, & succedant omnia, quæ a missione sanguinis. Scarificabis autem profunde, ut superius, & incisuris pluribus, verum non densissimis, sed tanto inter duas quasque relicto spatio, quod Medicus, aut incisor judicare possit non esse majus, quam ex quo per augmentum velocitatis abripi possit quicquid hæret, & quidem vel ita abripi, ut ad vulnusculum pertingat, & effluat, vel in venas refluat, & sanguini misceatur, neque tam parvum sit illud spatium inter duas quasque incisiones, ut per scarificationem incidantur vasa omnia; quæ in illo spatio mutuo hiant, ne, dum cicatricem obducerent, si etiam intime coalescerent, nimiam quantitatem sanguinis subsistere cogerent, & in periculum inflammationis, aut cujuscunque tumoris, vel alius mali adducere ægrum possent; itaque scarificabis etiam sine cucurbitulis.

Balnea vero multo minus contemnenda, aut rejicienda esse videntur, siue illa sint aquæ communis, siue aquarum thermalium, siue olei. Quoniam enim unumquodque ex his liquidis est aëre, quo circumprimimur, multo gravius, ac densius; igitur quoties eorum quolibet demergemur, multo magis prememur, quam in aëre, & cum ossa cedere non possint, quæ partes propter minorem a cute distantiam pressionem balnei possunt perducere ad usque os, valide comprimuntur, adeoque illam pressionem patientur etiam intercurrentes canales sanguinis, unde si quid hæreat, mutare contactus, atque exprimi facile poterit. Ab hac ipsa pressione fiet, ut augeatur velocitas sanguinis tum ratione pressionis, tum ratione angustiarum, per quas in canalibus fluere cogitur sanguis vi ejusdem pressionis, unde dimotæ materies facilius abripiuntur, neque hæc expressio juvabit solum canales sanguinis, sed subsidio erit quibuscunque partibus, ac villis corporis, a quibus dimovere, exprimere, abriperere, ac derivare in canales quoslibet poterit quicquid hæret, unde fieri

poterit, ut etiam si nihil balnearis aquæ, aut cujuslibet alius liquidi corpus subeat, possit quis in balneo per urinam reddere liquidum aquosum, crudum ac lucidum instar aquæ: materies enim ejusmodi liquidi esse poterit corpus, quod minimis suis particulis dispersum esset per omnes, aut plurimos villos, iisque hæreret, & per balnei pressionem loco motum sit, & exsudare coactum in vasa sanguinis, per quæ deductum ad renes ibi secerni potuerit a reliquo sanguine, & per urinam reddi: quod si aliunde pateat, ut mox, etiam balnei liquidum penetrare intra corpus, & partes ejus, illud crudum, quod per urinam redditur, poterit esse etiam ex parte saltem liquidum, quod nobis pro balneo est. Cæterum a liquido balnei valide premi totum corpus, patet ex doctrina nostra liquidorum non solum recta, sed etiam quaquaversum nitentium, & id ipsum ulterius observatione mirabili confirmabis. Cum in balneo es toto corpore mergis leva sensim brachium per aquam, quousque ad superficiem ejus ipsum perduxeris: nihil ponderis a te sublevari judicabitur, tam parum gravari, atque tam minimam vim a te adhibendam esse senties, ut brachium per aquam attollas: at vero statim, ac ab aquæ superficie idem brachium remove, & per aerem levare voles, ac molieris, mirum sane est, quam ingens, & quam immane pondus tibi attollendum esse videatur, ita ut arbitreris, millies crevisse in aquis tui brachii pondus; tanto major est vis, quæ tum adhibenda est, si comparetur cum illa, quæ adhibebatur, ut brachium per aquam elevaretur; illud autem non aliunde pendet, quam a nisu, quo ipsa ex se aqua brachium urget versus superficiem suam, ipsumque etiam sine nostra opera levat, qui nisu cum deficiat statim ac brachium ex aquis extrahitur, animus autem jam assueverit per illum motum sub aquis minori derivatione spirituum in musculos brachium levantes, adeoque judicaverit brachium minimi ponderis, & sensum incrementi in pondere non aliunde habeamus, quam per sensum incrementi resistentiæ ad elevationem, & hunc ipsum non nisi per derivationem copiosorem spirituum in musculos elevatuos, affirmamus, vel nobis videtur brachium ponderosius. Sed brevi etiam spatio temporis intra balneum morantibus rugosi fiunt summi digiti in supremis monticulis, quod verosimile est argumentum expressionis, & validæ proinde

compressionis. Et sane cum in iis partibus minima vigeat musculorum vis cutem in tensione detinens, & inter ossa, & summam cutem sit in iis partibus minima distantia, ad usque ipsa ossa perducatur oportet balnei pressio, & exprimatur, ac derivetur, qua potest quicquid continetur inter villos fluxile, & facile mobile. Cum itaque propter inæqualem in diversis partibus monticulorum resistantiam pressioni, diversam cohesionem cum partibus suppositis, & diversum gradum fluxilitatis in diversis corporibus exprimendis, non eodem proportionali ordine possint omnes partes comprimi, sed aliæ plus, aliæ minus, fiat inde necesse est, ut aliæ subsidant, aliæ emineant, seu quod idem est, ut monticuli cutis in rugas efformentur: adde his, quod, cum per compressionem a liquido undecunque factam a partibus exterioribus versus interiores debeat monticulorum caro, & cutis ad minus spatium, & minorem superficiem redigi, sit autem ejus partis natura ex carne densa, atque compacta, & quæ vix cedere, coire, & ad minus spatium redigi potest, oportet, ut si quid est inter ipsam magis cedens, atque compressile, illud locum faciat circumpositis durioribus particulis, quæ proinde deprimentur cedente illo extruso, & in altiore locum perducto, & ita fiet inæqualitas cutis hic eminens illic depressa, sive rugæ, aut plicæ. In cæteris autem partibus, in quibus distantia ossium a summa cute est major, perducetur pressio ad eam, quæ poterit, altitudinem, compressionemque in partibus, & canalibus producet, quantam permittet defectus duræ resistantiæ ab osse. Hoc igitur subsidium deesse a quocunque balneo non potest, quod si penetret etiam, ut satis valide ostendi posse videtur, erunt commoda, atque utilitates eximiae, & a quibus nihil non admirabile, ac subito sperare possis. Primo igitur certum est, aquam pervadere crassissima coria etiam sole sicca, durata, atque densata, quod norunt, atque ostendunt abunde, atque continuè coriorum curatores, qui ipsa coria aqua subigunt & tractant, atque molliunt quantum & quomodocunque libet: argumento satis valido vim aquæ tantam esse, ut inter duos quosque villos etiam valide per siccitatem hærentes, atque compactos sese adigere possit. Ulterius illud occurrit admirabile, & tantum non incredibile, quod contingit in fune, a cujus altero extremo pendeat

deat saxum, quantivis immensi ponderis, ita ut funem in maxima tensione, & quod inde fit, villos ejus maxime compactos, & quantivis momenti ad contactum detineat: quo facto si per superficiem funis spongiam aqua madidam ducas, ita ut eadem illa superficies leviter humescat, videbis paulo post saxum attolli non alia certe de causa, nisi quia particulæ aquæ, etsi paucissimæ, & in tenuissimum velum ad superficiem funis extensæ penetrant, & superare possunt vim, qua cohærent villi funis, etsi illa mensuretur ab immani momento pendentis, & funem tendentis saxi. Postremo, pellem ex humano cranio detraximus, illam in sacculum efformavimus exactissime clausum, intra communem aquam demersimus appenso pondere, ut sub aquis sisteret, eamque ita demersimus, ut pars occlusa superficiem aquæ superemineret; quod factum est, postquam cadaver per horas duodecim diriguerat, & nulla suspicio esse poterat caloris residui, spirituum, aut hujusmodi. Sub aquis detinuimus per horam, tum disclusimus, & invenimus superficiem internam bene madidam humore, quantum videbatur, aqueo, quo digiti attingentes satis humectabantur: antequam autem pellem illam in sacculum efformassemus, eandem internam superficiem exsiccaveramus, quantum fieri poterat, perfectissime. Tum igitur facta rursus eadem exsiccatione ejusdem internæ superficiem demersa rursus aquis pellis, & post idem tempus inventus idem mador, quod repetitum eodem modo tertia vice, mador idem non defuit. Ut igitur hinc exordium faciam, arbitrari quis posset, hujusmodi experimentum aptissimum ad evincendum, certo subire aquam per cutem intra corpus; sed & forte subest aliquid scrupuli, qui saltem suboriri posset, neque est dissimulandus. Quoniam enim momentum horizontale aquæ majus est momento horizontali aëris, folliculus autem pellis, quam supponimus, intro continet aërem, exterius circumdatur aqua, & constat pelle, materia nempe, quæ cedit, & per extrinsecam circumpressionem in rugas formari potest; igitur momentum aquæ majus momento aëris, eousque premet, & corrugabit folliculum, quousque internus aër ita prematur, atque densetur, ut momentum ejus, quo extrorsum nititur, æquale sit momento externi liquidi introrsum urgentis: facta igitur hac pressione, quæ in puncto temporis potest contingere, primo

asserere quis posset, nullam esse rationem, cur aqua exterior subire debeat per villos æqualiter ab oppositis partibus compressos, vel secundo, madorem illum, qui reperitur ad superficiem interiorem sacculi, non esse aquam, quæ penetraverit, sed liquidum ejusdem cutis expressum ad illam superficiem per vim pressionum oppositarum. Et sane hoc secundum fieri equidem potest; finge enim, inter villos illius cutis superesse aliquid humiditatis hærentis, igitur ab oppositis facultatibus, interius nempe, atque exterius nitentibus exprimi illa humiditas poterit fluxura, qua ducit positio, atque directio emissariorum. Si igitur positio, & directio isthæc supponatur ducere, atque respicere interiorem potius, quam anteriorem superficiem interiorem, quibus adde nobis innotescere non posse, an aliquid exprimatur ad superficiem anteriorem, cum illa humescat liquido, in quo demergitur, quo fit, ut an alio liquido perfundatur, dignoscere nequeamus. At vero primum illud de penetratione minus verosimile est, fieri enim potest, ut dum aqua exterior tantum introrsum nititur, quantum aer interior extrorsum, particulæ aquæ sese adigere, seu trudi possint inter duos quosque villos pellis per spatia, in quibus nihil aeris, aut alius corporis æqualiter contranitentis contineatur, intra quæ tamen aer interior sese adigere non possit propter implicationem suarum partium, ut adigere senequit in folliculos vitreos vino plenos, & tenui foramine pervios, quod, licet deorsum in aëre respiciat, aërem non admittit, nec dimittit contentum liquidum, quod tamen ipsum liquidum effluit, si foramen in aqua demergatur. Secundum igitur illud admitti potest; at, quia mador interioris superficiæ insignis est, & in eadem pelle repetitur sæpius, hinc satis verosimile sit, ejusdem madoris materiem esse potius repetendam ab aquis circumfufis, quam ab humore expresso a villis pellis, atque insuper addo, facta illa per compressionem sacculi æqualitate momentorum ab interna superficie extrorsum, & ab externa introrsum, non posse intra cavitatem sacculi coacervari quantitatem aquæ, quæ cavitatem sacculi aut ex parte, aut ex toto, aut ad libellam aquæ exterioris impleat, licet sacculus immensum tempus in demersione detineretur, sed solummodo madorem levem inveniendum. Quoniam enim post compressionem sacculi momentum exterioris aquæ

supponitur æquale momento aëris contenti intra facculum; igitur non alia de causa poterit subire aqua exterior, nisi, quia nihil offendat resistens inter utrumque villum pellis, sed aqua dum subit, implet hæc ipsa spatia, & postquam perducta est ad intimam superficiem, occurrit ibi aëri, qui eodem momento nititur extrorsum, quo introrsum aqua exterior; igitur ad superficiem sistetur, nec dabitur propter illius aëris resistantiam ulterior aditus aquæ; sed sistet, & superficiem solum leviter humectabit. Tentanda igitur res non in pelle in facculum efformata, sed expansa in apertum sinum, a quo pendeat grave ipsam ad aliquam altitudinem demergens aquis, & siquidem per longius spatium temporis protracto experimento major aquæ copia in sinu cumuletur, res videbitur ex hoc nomine satis perspicua; sed alias suboritur scrupulus majoris certe ponderis, quam expositi simul omnes. Etiam si enim admittatur aqua penetrare crassitiem, ac densitatem coriorum, ut de facto penetrat, & subire cadaverum pelles, suspicari aliquis posset ex statu frigido ac denso harum pellium, non solum argumentum desumi non posse, quo evincatur aquas subire in naturali statu, & cum calidum est animal, immo e converso deduci potius debere, aquas, cum vivimus, intra corpus agi per pellem non posse; si etenim tota ratio, cur agatur in coriis, & cute demortuis est, quia inter utrumque villum nihil invenit resistens, & penetrationem impediens; ubi igitur inveniet aliquid, quod non solum vi inertis & sine motu contrahitur, verum actuali, vivo, & continuo motu ad exteriora moveatur, tum equidem talis motus ad exteriora faciet, ut nihil ab exterioribus partibus possit intrudi, cum non solum adsit corpus sua mole & nisu resistens; verum etiam actuali, & vivo motu abripiens ad exteriora quicquid occurrit, & ingressum molitur: hujusmodi autem corpus continue ab interioribus ad exteriora fluens cum impetu datur, dum vivimus, & Perspiratio nuncupatur; perspiratio igitur facere poterit suo impetu continuo ad exteriora, ut aqua penetrare non possit. Sed an tu credis, perspirationis impetum esse tantum, ut comparari possit cum momento immanis saxi a superius exposito fune pendentis, cujus tamen resistantiam superat leve velum aquæ per superficiem funis extensum? Quem enim finges conatum, aut motum singularum partium perspi-

rationem componentium? Pendet hic a mole corporca, ita ut impetus, atque motus a quantitate ejus pendeat: quæ autem magnitudo in singulis partibus perspirationis, cujus universa quantitas expirans singulis minutis primis a villo, cujus pondus scrupulus est, largissime subducto calculo millesima ducentesima scrupuli pars ex iis, quæ ostendimus propositione tertia ejus Libelli, quem de Villo Contractili olim inscripsimus? Quod autem? Estne perspirationis impetus major, aut æqualis motui, quo flamma movetur, & e lignis erumpit, atque avolat? Hæc tamen ligna demergantur aquis non ex alto defluentibus, atque ita in majorem velocitatem, atque impetum actis; sed aquis quiescentibus, subito motum illum flammæ compescimus, aqua etiam ad sensum subeunte lignorum intima. Jam vero sint in perspiratione partes igneæ; illæ tamen nec sunt tantæ molis, ac quantitatis, ut flamma, unde nec tanti impetus, nec sunt puræ, atque liberæ, immo mistæ atque implicatæ cum partibus crassis, viscidis, atque hærentibus, ut patet ex sordibus, quæ cuti inhærent. Itaque & parvæ quantitatis erit perspiratio ignea, & admixta corporibus inertibus, quæ tarditatem motus, & debilitatem impetus majorem facient: cum vero aqua etiam quiescens vim, atque impetum vividum intensioris ignis subito superet, & maximum funis pondus sublevet, verosimilius videtur, penetrare ipsam posse etiam per corpora, dum perspirant, seu dum vivunt, & siquidem penetrat, non premit solum, adeoque non movet premendo solum extrinsece, sed se subito admiscendo universo sanguini, quid non producere poterit? Emolliet illa, si quid hæret vasis, & ad fluxum disponet, & in sua vasa derivabit, refrigerabit, humectabit, & quæ ab his pendent, quæ non est opus enumerare. Sed si penetrat, inquis, perspirationem impedit, quod malo est. Hac autem super re illud primo asserimus, necessarium non esse, ut perspirationem impediatur, secundo etiam si ipsam supprimat, suppressionem illam comparatam cum utilitatibus reliquis malo esse non posse. Et primo quidem patet in experimento superius exposito de folliculo chrySTALLINO tenui foramine perforato, per idem foramen eodem tempore ascendere, ac descendere aquam, & vinum absque eo, quod confundantur; cum tamen alterutrum eorum liquidorum non effluat, cum sibi soli in aëre patet fo-

ramen totum, unde etiam per foramina, & spatia corporis facilius poterit exspirare perspiratio, cum subit aqua, quam cum in aëre detinemur. Immo vero si velis aliquid perspirationis materiei magis simile, pannum lineum album, vel chartam aqua madefacito, eaque primo ita constituito, ut pars madefacta medium locum teneat inter lumen, & oculum: videbis partem madefactam candidiorem, quam reliquæ partes circumpositæ, licet candidæ, sed non humectæ: contra si eandem constituas ita, ut inter ipsam, & oculum constituatur lumen tum partes non humectæ candidiores apparebunt, quam madefacta pars: argumento certissimo, partes luminis, siue ignis trajici facilius per partes, quibus admista est aqua, ex qua faciliori traiectione fit, ut cum charta ponitur inter lumen, & oculum plurimum luminis ad oculum feratur, cum vero lumen ponitur inter oculum, & chartam plurimum luminis trajicitur ad partem oppositam, minimum reflectitur ad oculum, seu apparet obscurior. Id ipsum contingit, si inungantur eadem corpora oleo, quo super ut res perspirationi fiat similior, illud etiam observandum chartam igni expositam, ut cum per ipsam friguntur pisces in cratibus, ignem non concipere tanta facilitate, quanta cum sicca est, ratione non dissimilis facilitatis, qua trajicitur ignis per chartam oleo madidam, unde minus temporis subsistit, ac nititur in partes chartæ, adeoque tantum otii ipsi non suppetit, quantum requiritur ad earum dissolutionem, & liberationem ignis, seu ad combustionem chartæ. Cum igitur particulæ perspirationis contineant multum ignei, vel lucidi, & hæc corpora facilius trajiciantur per madida, quam per arida, hoc est facilius fluant per canales, cum per ipsos ducuntur etiam alia corpora, quam cum iidem toti patent iisdem materiebus lucidis, aut igneis, constat, necessarium non esse, ut si aqua balnearum cutem penetrat, continuo supprimatur, aut minuatur perspiratio; cum e contra fieri possit, ut eo ipso nomine penetrationis fiat effluxus ejus facilior, seu promoveatur, seu eodem tempore magis perspiretur. Ex quibus ratiociniis adhuc majoris momenti fiunt, quæ superius exposuimus de ratione superandi impetum, quo perspiratio evaporat; si etenim perspiratio se habeat, ut lumen, aut ignis ad chartam madidam, vel inunctam, penetrare aqua poterit non solum absque

eo, quod superet impetum perspirationis, verum ita ut ipsum augeat, & penetret tamen: patet autem ex experimentis coriorum, & funis, inesse aquæ vim penetrandi etiam, cum impetus nullus resistit; patere igitur undecunque videtur, aquas balneorum non penetrare solum cutem posse, sed ita penetrare, ut perspirationem ne minuat quidem, nedum supprimat, immo vero eandem augeat in dato tempore. Perspirationem autem augeri, dummodo evaporare possit, ut posse ostendimus, non proveniet solum ab aucta velocitate per emissaria, sed a compressione copiosius exprimente, & ab aquis emollientibus, & perspirationi materiem uberiores suppeditantibus; & revera crescere etiam ad sensum, deducere ex Sanctorio poteris Sectione secunda de Aëre, & Aquis. At vero esto secundo loco, aquam, dum corpus penetrat, perspirationem suppressere: ajo, suppressionem ejusmodi comparatam cum utilitatibus a balnei penetratione convenientibus malo esse non posse: cum enim balneum per compressionem exprimat, & per penetrationem, & admixtionem sui cum sanguine refrigeret, atque humectet, atque emolliat, & ad fluxum commodiorem, & expeditiorem disponat, etiam aërem perspirationis materiem temperabit, & fluxilem reddet, & cum sanguine per totum corpus fluere faciet, unde expurgabitur per urinam, alvum &c. & cum absoluto balneo emollitum corpus magis perspirabile factum sit, si quid est reliquum, facilius evaporare, & optime corpus illud se habere poterit: quare patere satis apte videtur universa res. Cæterum quod de aquis communibus pronuntiavimus, id ipsum affirmandum aquis de reliquis thermalibus, aut quomodocunque medicatis arte, aut natura, dummodo sermo sit de parte solum ipsarum aquea, quæ ab admixtione aliarum illarum rerum, quæcunque sint, libertatem suam, compositionem, nifum, & fluxilitatem non amiserit: hæc enim omnia nisi dentur, fieri poterit, ut aquæ illæ medicatæ, ne quidem sola pura parte aquea subire cutem possint; prement tamen: si autem subeant non parte aquea, sed aliis admixtis non notæ virtutis, oriri subito poterit nullum non genus exitiale, ac novum morbi, quod determinare possibile non est. Fluxilitas autem requiritur ad hoc, ut partes subituræ seungi possint a partibus extra relinquendis, quam facultatem inesse aquis communibus patet iisdem exemplis superius addu-

Balneum o-
lei.

ctis in coriis, ac fune per immane pondus tenso. Quoniam vero oleum etiam affusum pellibus, & crassis coriis eadem penetrat, crassius est aëre, & fluxile, patet ex huc usque expositis; & ejus balneum subire pellem; & corpus posse, & ipsum primo premere. Licet autem sit partium multo magis, quam aqua, cohærentium, tamen cum notum sit, per fervorem fieri multo liquidius, & per solum calorem fluxilius, balneum calidum fluxilitatem, & sejunctionem partium olei faciliorem reddet, & penetrationi proinde ipsum magis accommodatum. Lentor autem ejus, hoc est vis, qua naturaliter facile hæret, esse adjumento poterit penetrationi, non quidem eo, quod faciat, ut breviori tempore penetret, sed ut tutius, atque certius, illa etenim adhæsiō faciet, ut statim, ac particula quælibet olei sua cuspide penetrare inceperit inter utrumque villum cutis, difficile abripi, ac retrocedere, divelli, ac deturbari possit, unde vi trusionis, ac nifus nunquam cessante demum perducetur tota ultra cutem in partes intimas corporis. Reliqua eodem modo se habent, ac aqua communis, atque ex his nullo negotio patent, quæcunque a balneorum usu succedunt, & quousque balnea olei prodesse possint præcipue in calculo renum laborantibus, & verum esse, quod ajunt, per balneum olei lassari, & laxari corpus; sed & plurimum spirituum solvi tum propter laxationem, cum etiam propter ignem, quem oleum continet. Balnea igitur nullo pacto contemnenda, immo plurimi facienda.

Fotus sunt e genere balneorum. Itaque siquidem fotus sit materia fovende tam copiosus, ut vis perspirationis, & caloris partis fovendæ ipsum non exsiccet, atque absumat pro ratione quantitatis ejus temporis, quo fovetur, & caloris absumentis admitti poterit, atque præsidio, & bono esse. Itaque plurimum liquidi adhibendum, & plurimo tempore detinendum, & eo longiori tempore, & majori quantitate liquidi, prout calor absumens partis fovendæ intensior est, & magis exsiccans. Hinc iis fovendum, quæ humidum diutius detinent, ipsumque depluere faciunt, cujusmodi spongiæ, eæque ad contactum cutis diu detinendæ. Si vero fotus breviori tempore protrahantur, aut minori quantitate liquidi fiant, aut cum nimis acer est calor, & totam vim fotus exsiccans irrita prorsus erunt ejusmodi remedia, cujusmodi sint oportet, quæ vulgo fiunt

DE SANGUINIS MISSIONE. 141

fiunt a Medicis, cum madefaciant leviter, & per brevissimum spatium temporis, & pannis utantur coccineis, vel liquidum brevi absumentibus, vel calorem augentibus. De his igitur satis.

Pedum demersio intra calidam est pariter e genere balneorum, unde ea omnia ab ejusmodi balnei usu provenire possunt, quæ de balneo in genere dicta sunt, sed commodum insuper quoddam particulare præstare poterit pendens a solo aquæ calore sanguinem rarefaciente; sit enim in abdomine ex. gr. suppressus alicubi motus sanguinis, vel derivatio alicujus alius humoris in canales suos: pendeat autem illa suppressio a quacunque causâ intercipientem motum sanguinis præter nimiam copiam, aut fervorem ejus, quæ vim nimiam faciendo, iidem sanguini viam occludant, & fluxum impediant modo superius exposito. Calor igitur aquæ sanguinem canalium inferiorum rarefaciat, seu ad majus spatium extendet, unde nitetur quaquaversum majori cum impetu, & si quid obstat, loco movere, atque abripere canales aut per longitudinem nimis contractos, aut per amplitudinem concidentem, aut si per naturalem aliquam divulsionem, ut in partu, canales residui nimis intorti sint (ut contingere potest in suppressione lochiorum) atque ita occlusi extendere atque discludere poterit. Neque idem saltem tuto consequi poteris detinendo pedes intra frigidam, hæc etenim coget sanguinem: quare convertet quidem cursum ejus, & quantitatem majorem per truncum inferiorem, & augebitur velocitas ejus, & fiet, dabiturque proinde occasio dimotionibus rerum hærentium, disclusionibus &c. sed quia frigus illud cogit sanguinem, fieri potest, ut magis densetur, quam quod necessarium est, ut ipse simul cum iis impedimentis abripi possit vi superadditæ velocitatis, & copię sanguinis per truncum inferiorem, quæ acquiritur ab usu frigidæ ad pedes.

Infusus intra calidam sunt ejusdem generis, & eodem modo operantur, & eodem de nomine, atque in eosdem fines in usum revocari possunt, sic ex. gr. in contumacibus hæmorrhoidum tumoribus adhiberi poterunt; in iis enim tuberculis atque sacculis sanguinis aliquid durum contineatur oportet, quod a balneo molliori, hoc est ad fluxum disponi facile poterit: interim vero aquæ calidæ vi sanguis rarescet, & majori cum

im-

impetu quaquaversum nitetur: quare cum materiam illam hæmorrhoidum balnei vis molliverit, hoc est fluxui minus resistentem reddiderit, & interim sanguis per longitudinem canalium majori vi eandem materiam urgeat, ipsam tandem loco movebit, & secum abripiet in majores venas. Eodem autem modo, ac de usu frigidæ ad pedes pronunciavimus, ipsam minus tutam esse, ita idem pronunciandum patet de infessu in frigida, quoties quis de ejus administratione cogitaret ad loco movendum, & abripiendum aliquid. Usu tamen esse poterit.

Aquæ frigidæ, immo etiam frigidioris, & gelidæ affusio ad quamlibet partem corporis, quoties in vasis sanguinis sistendum erit aliquid, ut insignis hæmorrhagia, ac tum juvabit affusio frigidæ facta ad vasa illius trunci, qui ramos non mittit ad partem hæmorrhagia laborantem: sic si sit hæmorrhagia narium, juvabit aquam frigidam affundere partibus inferioribus, pedibus, cruribus, lumbis; frigida enim coget sanguinem, & quo frigidior, eo magis coget, & eo major quantitas sanguinis, eoque velocius in truncum inferiorem arteriæ derivabitur, adeoque eo minor ejusdem quantitas derivabitur in superiorem, & ad nares, & hæmorrhagia cessare poterit cessante distensione canalium, & imminuta quantitate sanguinis. Id vero felicius continget, si affusio frigidæ fuerit copiosior, eo etenim magis densabit, & adhuc felicius, si eadem affusio facta sit subito, nempe ita, ut nihil tale cogitet, aut expectet æger; tunc enim non poterit prævenire vim frigoris, & quæ a frigore provenit, constipationis, quam tamen saltem aliqua ex parte minuere posset, si de facienda affusione frigidæ aliquid novisset, excitando nempe illas species, quæ vehementiores motus conjunctos habent, & sanguinem a coactione, quantum possunt, vindicant. Hæc autem ab affusione calidæ provenire non posse patet; calida enim molliendo, quæ duriuscula sunt, & rarefaciendo totum sanguinem, membranas canalium magis extendit, atque infarcit, unde si qui earum villi divulsi sunt, ut in qualibet hæmorrhagia contingat oportet, vel saltem maxime lassi, magis lassabuntur, aut divellentur per vim magis nitentis quaquaversum sanguinis.

Hirudines quid præstare possint, ac debeant, patet ex iis, quæ de scarificationibus diximus; neque enim facit aliud ejusmodi animalculi morsus, quam incisionem vasorum, quæcun-

que

que morfui occurrunt, unde sanguis prolicitur tam ex venis, quam ex arteriis, quo de nomine prodesse plurimum possunt, cum arterias etiam evacuent ab ipsis abripiendo sanguinem, antequam perducatur ad partes. Quoties igitur res feret, ut sanguis mittatur ab arteriis, applicare hirudines bono erit, & cum arteriæ, ac venulæ capillares in quacunque parte corporis sint, poteris cuilibet parti corporis hirudines applicare, non autem soli ano, & pone aures, ut usus obtinuit. Atque hinc intelligis, cur sanguis, qui hirudinibus per anum ducitur, sit coloris maxime vividi, atque micantis, licet juxta commune placitum esse deberet maxime nigricans, atque obscurum, cum supponatur esse sanguis melancholicus, crassus, terreus; est enim sanguis mistus ex venoso, atque arterioso, unde color ipsi micans, ac rutilus, qualis est sanguis arteriarum. Vides pariter, quam inaniter asseratur, per hirudines anum admordentes duci sanguinem e venis solum hæmorrhoidalibus, cum fieri non possit, ut etiam arteriæ non admordeantur, & incisæ sanguinem non effundant. Itaque, & hirudinum usus admittendus, & cuilibet parti corporis adhibendus. Sed &

Ligaturæ fortes, aut mediocres vices missionis sanguinis gerere possunt; per constrictionem enim majorem, aut minorem ab arctiore, vel laxiori vinculo proveniente plus minus coercetur motus sanguinis influentis ultra ligaturam, unde vasa contenta inter ligaturam, & summam partem contrahi validius possunt, & loco movere, si quid hæret: & siquidem ligatura fuerit mediocris, influet aliquid sanguinis per arterias; sed majori velocitate tum propter minorem quantitatem, tum quia aliquantum subsistens ad locum ligaturæ majorem pressionem a sanguine succedente patitur, unde majus momentum concipit, quo demum superat ligaturæ resistantiam, & toto devolvitur impetu in arterias, & facile abripit jam dimotas materias, quæ hærebant. Et quia ligatura eadem facit, ut sanguis refluens per venas ligatæ partis ad ligaturam subsistat (unde pars in tumorem attollitur) continue autem per arterias influit aliquid; igitur universa quantitas sanguinis per reliquum corporis fluens continue minuitur, unde succedunt illa omnia, quæ a missione sanguinis pendent, hoc majori commodo, atque utilitate, quod postquam id consecuti fuerimus, cujus gra-

tia ligaturam administravimus, ea resoluta universam quantitatem sanguinis in corpore, ac naturali motu habere poterimus, quam habebamus ante ligaturam. Illud autem in ligaturæ solutione cavendum, ne tota simul fiat, & sanguis toto impetu ac quantitate in cor devolvatur, præcipue si longiori temporis spatio partem in ligatura detinuerimus: quiete enim refrigeratur sanguis, unde duplici de nomine traductus ad cor nocere posset, vel Syncopem, vel intermissionem pulsus, vel etiam mortem producendo, primo quidem ratione frigoris, nervos, aut arteriolas, aut villos, vel omnes has partes simul constringendo & sistendo fluxus, vel contentos humores coagulando, a quibus Syncopes, & intermissio pulsus, & si diutius protrahantur, etiam mors fieri poterit, ut patet ex Anatomicis, & iis, quæ scripsimus ad hos morbos; & secundo ex his ipsis morbis patet, nimiam quantitatem sanguinis ad cor fluentis Syncopi, & intermissioni pulsus, & si ulterius protrahatur, morti etiam producendæ sufficere. Ligaturæ igitur non revellunt, neque ab aliqua parte sanguinem trahunt, sed faciendo, ut sanguis, qui in ligatam partem per arterias influit, per venas ejusdem partis refluere in totum corpus non possit, sed in eadem parte quiescat, & continue novus influat, præstant, ut universa quantitas sanguinis in corpore residua minor semper, ac minor evadat, celerius fluat, & abripiat, quicquid hæret affectis partibus, unde imperitis rerum videtur, cum reliqua in corpore in melius evadere per administrationem ligaturæ videant, hanc ipsam ligaturam esse, quæ morbum revellat, atque attrahat.

Ex quibus omnibus patet, cum morbus distributus est per omnia vasa sanguinis, & foveri totum, & balneo mergi, & fricari, & cucurbitulis tractari, & hirudinibus per plures partes admorderi; immo etiam ligari posse, præcipue si quid a vasis dimovendum sit, & abripiendum, permiscendum sanguini, & in motum, ac fluxum agendum; hæc enim singula ex superius expositis unumquodque genus horum remedium præstat. Si vero morbus sit in aliqua parte corporis, tutissimum erit ex arteria ducente sanguinem ad illam partem ipsum sanguinem mittere; ita enim fient omnia, quæ a missione sanguinis pendent, cum hac majori utilitate, quod sanguis ex arteria missus faciet, ut materies morbi ad partem

non

DE SANGUINIS MISSIONE. 155

non deducatur, abripiatur, dum sanguis mittitur, & absoluta missione, cum quantitas diminuta sit, & aucta velocitas, minor erit materies morbi in toto sanguine diminuto, & minus facile hærebit parti, quæ & levata est materia prius hærente, & per auctam velocitatem sanguinis faciliorem fluxum permittit adveniienti continue. Sed erit multo tutissimum eandem arteriam, si fieri possit, ligatura, ustione, præcisione, compressione ita constringere, ut nihil sanguinis per ipsam fluere possit; ita enim fiet, ut nihil materiæ peccantis derivetur ulterius per truncum insignem ad partem, quod jam derivatum est, exprimetur, & reliqua vascula minora alendo, atque movendo sufficient. Quod si a ligatura, &c. arteriæ immineat periculum resolutionis, exsiccationis &c. in parte, tum pervidendum, majorisne momenti sit vis morbi, quam resolutio, &c. partis, & si illa sit potior liganda, &c. arteria, & permittendum, ut pars resolvatur, arefiat, &c. sin minus, sinendum. Cum vero aut sinendum est, aut ligari &c. arteria partis non potest, tum eodem modo instituenda res ex arteriis, ac ex venis, nempe mittendus sanguis e ramis trunci, qui arterias non mittit ad partem affectam; ita enim pars maxima sanguinis devolvetur in hunc ipsum alterum truncum arteriæ non mittentem ramos ad partem affectam; & minuetur quantitas ejus influens in eandem: tum e ramis arteriæ venientibus quidem a trunco mittente ramos ad partem affectam, sed abeuntibus in partem oppositam; ita enim devolvetur quidem sanguis copiosior in truncum mittentem ramos ad affectam partem, sed plurimum ejus derivabitur in ramos sectos, & qui ducitur per ramos partis affectæ, facilius propter augmentum velocitatis abripiet, quicquid eidem affectæ parti hæret, nec periculum imminebit, ne propter nimiam copiam nimis infarciat, & maximam vim morbi producat, cum jam quantitas universi sanguinis per primam missionem sit satis diminuta. Postquam vero secunda etiam missione adhuc magis quantitatem sanguinis diminueris, tum tuto ad ipsam partem accedere poteris, ex cujus toto ambitu sanguinem mittes, ut ex superioribus patet. Hæ autem missiones sanguinis a nulla re prohiberi tibi poterunt; præsto enim sunt hirudines, & scarificationes, quæ etiam ex arteriis ducunt, & cum hæ applicari, atque administrari possint in partibus omnibus, patet, quo ordine, &

quibus in partibus prius, quibus posterius scarificare, aut hirudines applicare debeas; cum morbus alicui solum parti hæret. Quod autem dicimus de hirudinibus, & scarificationibus, patet ex antea expositis, dicendum de fotibus, dicendum de cucurbitulis, de frictionibus, de ligaturis, de balneis, in quorum administratione idem servandus est ordo, cum illa singula quasi missionis sanguinis vices gerant. Scarificationes autem profundas facies, tum ut brevius quantitatem datam sanguinis elicias, & majorem velocitatem reliquo concilies, tum ut plura vasa feces, atque ita materiam hærentem promptius abripias. Quod si pars affecta ita se habeat, ut inter ipsam, & summos artus aliquid spatii contineatur, velis autem ex arteria sanguinem mittere, tum illa secunda, non quæ continetur inter eandem affectam partem, & summos artus, sed quæ collocatur inter affectam partem & cor; quæ etenim constituitur inter summos artus, & affectam partem, jam deposuit in parte affecta, si quid est peccans in sanguine, & cum certo scire nequeamus, an per missionem sanguinis tantum augeatur velocitas, ut non solum non abripiat, si quid hæret parti, verum deponat, & infarciat magis, tutum erit mittere sanguinem, antequam ad partem derivetur; ita enim augebitur velocitas, & minuetur quantitas influentis, & influxuri sanguinis, quod certo consequimur misso sanguine per arteriam sitam inter cor, & affectam partem, cum per ipsam fluat sanguis in eandem. Quicquid autem ex superius expositis administres, balneum, frictiones, ligaturas &c. nunquam movebis, aut extrahes solius arteriæ, aut arteriarum sanguinem, sed venarum simul, ut abunde ex demonstratis patet, eritque ex superioribus expeditior operatio, efficacitasque remedii.

Patet autem ex his omnibus rursus, hirudines, quæ applicantur ano, sive ut revellant a partibus superioribus, sive ut ducant ab abdomine, scite institutas esse, & juvare debere, non equidem quia trahant, sed quia, ut exposuimus, pars maxima sanguinis per truncum ramorum, quibus hirudines applicantur, devolvitur, & minor ejus quantitas derivatur in affectam partem, unde si ejus tota quantitas tam moderata sit, ut statim ad derivationem, seu potius ad missionem sanguinis ex arteriis trunci mittentis ramos ad partem affectam devenire

pos-

possimus, missio hæc statim absque ulla præcedente revulsione facienda, atque ita statim facta juvare debebit. Prout autem hæc, aut illa pars abdominis affecta est, missio sanguinis per hirudines ano applicatas erit magis aut minus scite facta sine ulla prævia revulsione, si arteriæ ani illæ sint, quæ sanguinem ad affectam partem ducant, vel aliæ ab illis diversæ; dummodo autem nimia quantitas sanguinis non obstet, nunquam nocere poterunt hirudines illi parti applicatæ. Idem dicendum, ut patet, de hirudinum applicatione post aures, & ad quamlibet aliam partem corporis: quare manifestum est, quicquid ad hanc rem proposuimus.

In morbis autem Pulmonum missio sanguinis ex arteriis eodem modo se habet, ac missio sanguinis ex venis, ut patebit cuicunque consideranti, nullam connexionem ductuum pulmonarium cum ductibus sanguifluis reliqui corporis, & quæ hac super re exposuimus superius, cum de missione sanguinis per venas in morbis pulmonum, & pectoris verba fecimus.

Quæ de missione sanguinis ad usque animi deliquium proposuimus, sive illa per venas, sive per arterias fiat, tam evidentia sunt ex superioribus, ut nulla majori explicatione indigeant, quare patet tota propositio.

PROPOSITIO NONA.

LOco missionis sanguinis esse possunt victus ratio, medicamenta quælibet alterantia, præparantia, sursum aut deorsum purgantia, sudorifica, diuretica, bechica, seu expectorantia, caputspurgia, seu apophlegmatismi, sive illi per nares, sive per os expurgent, ut salivam moventia, & sternutatoria, repellentia, quæcunque fortius hærentia cuti, emplastra, linimenta, cerata, dropaces, sinapismi, qui etiam rubificantia medicamenta dicuntur, fonticuli, setacei, vesicantia, & inustiones quælibet, & quomodocunque factæ. Sed & subitæ, & violentæ pilorum evulsiones, digitorum dimotiones, atque intorsiones dolorificæ, titillationes in partibus ipsis ferendis minus assuetis, & in quibus earum sensus vividior excitatur, odores acriores, graviores, vividiores, flagellationes, & quæ sunt hujusmodi dolorem intensiorem excitantia, & ad vim stimuli pertinentia. Horum singula aut minus ex-

pedita, aut minus tuta, quam missio sanguinis, & tutissimum quidem, sed tardissimum victus ratio: expeditissimum, sed periculo non carens omne dolorem excitans, seu stimulan, & magis minusve periculosum, prout stimulat magis aut minus, eodemque de nomine plus minus expeditum. Sed & quomodocunque evacuetur, sive per alvum, sive per vomitum, sudorem, urinam, fonticulos, &c. periculosius est, quam missio sanguinis, etsi evacuans conjunctum sit, & operetur cum subito stimulo, esse quidem poterit æque expeditum, ac missio sanguinis, sed multo etiam esse poterit periculosius. Præparantia, & alterantia & ipsa minus expedita, sed possunt esse æque tuta, ac missio sanguinis: si notum esset aliquod medicamentum, quod in unoquoque morbi genere certo sisteret, aut certo moveret assumptum per os infusum, aut cuti quomodolibet applicatum, quicquid in iis singulis movendum est, aut sistendum, ad hoc ut corpus convalesceret, tuto prætermitti posset, immo & merito deberet missio sanguinis, sed ejusmodi medicamenta adstruere, & pro certis divendere, atque adhibere non ita certum videtur.

Plura, atque diversa a missione sanguinis provenire, patet ex superioribus. Itaque cum asserimus loco illius missionis esse posse rationem victus, alterantia &c. non intelligimus eorum singula ejus esse naturæ, ut possint præstare omnia simul, quæ sola missio sanguinis præstare potest, sed ab eorum singulis haberi posse unum, aut alterum, aut plura simul, aut omnia, quæ haberi possunt a missione sanguinis, adeoque si quando conveniret venæ sectio ad refrigerandum solum, aut solum humectandum, aut utrumque, atque ita de cæteris, usurpari posse aliquid ex recensitis, quorum facultatem esse, sciamus, refrigerare, humectare &c. Itaque

Victus ratio consistere potest vel in sola diminutione quantitatis alimentorum, vel in hac ipsa cum aliqua ratione qualitatum in cibis, & potibus, qui assumuntur. Sit primo cum diminuta solum quantitate. Quoniam ex iis, quæ de Villo Contractili, & Motibus musculorum scripsimus, continue deterimur, neque quod teritur recurrit ad reparationem partium detritarum, sed evaporat, & quod deperditur reparandum est per alimenti materiam, sive sanguinem, & hic reparatur a victu. Cum igitur fieri non possit, quin moveamur, neque impediri possit reparatio detritarum partium, quousque sanguis datur in

corpore; igitur a sanguine continue aliquid deducetur ad reparationem partium absumptarum, adeoque quantitas ejus minuetur, nisi a victu tantum suppedietur, quantum in reparationem absumptarum partium abit: diminuta autem quantitate cibi, & potus, minor materiæ quantitas sanguini suppedietur, quam quæ absumitur in reparationem partium; igitur per diminutam quantitatem victus minuitur quantitas sanguinis, seu producitur unum ex iis, quæ a missione sanguinis præstatur, cujusmodi est diminutio ejus. Hoc ipsum etiam ostendi potest desumpto argumento a mensura Sanctioriana perspirationis; cum enim diebus singulis libras circiter quatuor perspiremus, & ejus materies reparanda sit a sanguine, & hic a cibo & potu, si horum quantitas sit minor, quam quæ suppeditare potest libras quatuor perspirationis, eodem modo, ut prius minuetur quantitas sanguinis, unde esse poterit victus ratio loco missionis sanguinis, quoties non alio de nomine mittendus esset, quam ut minueretur quantitas ejus. Quoniam vero diminuta quantitate sanguinis crescit velocitas ejus, & contractionum vis, & per hæc abripitur, ac dimovetur quicquid hæret vasis; cum igitur diminuta quantitas cibi, & potus quantitatem sanguinis minuatur, hæc victus ratio loco missionis sanguinis esse poterit etiam, cum dimovendum est, atque abripiendum a vasis. Quia vero, ut pariter ex superioribus, diminuta quantitate sanguinis, oritur refrigeratio, & humectatio; quin etiam calefactio, & exsiccatio, & intima dimotio sanguinis ipsum ad quamlibet novam compositionem disponens, atque perducens, patet, hæc omnia proficisci posse ab ea ratione victus, quæ in sola diminutione quantitatis eorum, quæ per os assumuntur, sita sit, adeoque hæc victus ratio loco missionis sanguinis esse potest. Sit secundo ratio victus in diminuta quantitate, & aliqua ratione qualitatum in cibis, & potibus. Ratione igitur diminutæ quantitatis jam erit ex prima parte hujus loco missionis sanguinis, & si respiciatur ad qualitates cibi, & potus, per eas poterimus magis humectare, magis refrigerare, magis mollire, hoc est disponere ad dimotionem, & asportationem e vasis, & impedire fervores, & dimotiones intimas sanguinis, non secus ac fieri posse, ac debere expositum est, cum idem sanguis mittitur: & hæc igitur victus ratio loco

loco missionis sanguinis esse potest, & cum non alia victus ratio videatur eligenda Medico, patet quod proposuimus in genere. Quoniam vero ex iis iisdem, quæ de Villo Contractili ostendimus, facilius deteruntur, atque avolant humidiora, mollia, cedentia, & minus valide hærentia; igitur per victus rationem primi generis sanguis fiet compactior, cum reparari ex ipso debeant fluxiliora illa; & calidior, cum solvi calor per illam reparationem debeat, sejunctis illis fluxilioribus, a quibus calor temperatur, & calor liber magis reliquum sanguinem, & totum corpus incendet, unde deveniendum erit ad victus rationem secundi generis, quæ scilicet conjuncta cum qualitate eorum, quæ assumuntur, deducat in sanguinem chylum coagulantem, humectantem, refrigerantem. Hac igitur victus ratione utentes, siquidem certo asserere valeamus, hoc aut illud ciborum, ac potuum genus esse refrigerans, humectans, inspissans, atque ita de cæteris, patet, victus rationem, quæ respicit ad qualitates eorum, quibus vescimur, esse æque tutam, ac missio sanguinis præcipue cum etiam ad hoc ut missio sanguinis tuto administretur, confugiendum sit ad illa, quæ intimas dimotiones ejus impediunt; de quibus impredientibus nihil magis certi sumus, ac de refrigerantibus, humectantibus, &c. quibus nobis opus est ad rectum usum victus. Non erit tamen sic instituta victus ratio, æque expeditæ operationis, ac missio sanguinis; quoniam etenim spatio 24. horarum perspiramus libras 4. si igitur opus sit evacuatione canalium sanguifluorum per quantitatem libræ sanguinis, & hæc evacuari debeat per insensilem perspirationem, requirentur horæ sex ad hoc, ut libra sanguinis absumatur, adeoque fiet mutatio motus in sanguine tam leniter, ut vix sentiri possit a villis, & augmentum velocitatis, & contractionis, quæ sit alicujus momenti, vix fiet post tres, aut quatuor horas, cum e converso in missione sanguinis libræ quantitas educatur tam brevi spatio temporis, ut hoc ad sex horas comparatum vix ullam notatu dignam proportionem habeat. Quod si morbus fuerit particularis exigens dimotionem, atque asportationem alicujus materiæ hærentis, si sola victus ratione uti velis sine missione sanguinis, carebis expeditissimo commodo revulsionis, quæ per missionem sanguinis habetur, & quæ devoluto sanguine, ejusque maximo impetu aliorum facit, ut dum idem mittitur,

mor-

morbus ille localis subito minuatur, & aliquando tollatur penitus. Similiter si is sit universus sanguis, ut subitam aliquam mutationem exigat, cum ejusmodi mutationes subitæ haberi debeant per subitam intimam dimotionem particularum sanguinis, & hæc haberi possit a missione ejus, non autem a ratione victus, patet, his omnibus de causis esse quidem posse rationem victus æque tutam, ac missio sanguinis, sed esse multo minus expeditæ operationis. Atque hic obiter intelligis, victus ratione acutos, acutiores, & multo minus acutissimos, & peracutissimos morbos curari posse, cum illi breve temporis spatium dent remedio; si vero sint acutissimi, aut peracutissimi, brevissimum, aut perbrevissimum. Neque est quod quis arbitretur, in aliis morbis, qui longius tempus remedii permittunt, tutiorem missionem sanguinis rationem victus esse, eo quod per hanc expiratur, atque expellitur, quod solum noxium est; per missionem autem sanguinis deperditur etiam aliqua pars ejus utilis, ac naturalis: primo etenim eo ipso quod morbus supponitur longius tempus permittere, argumento certissimo est, non esse datum morbum ex eorum genere, in quibus nobis cavere debeamus a diminutione utilis alicujus portionis sanguinis, cum hæc etiam per succedentes dies adhibita victus ratione absumi debeat, etiamsi non mittatur sanguis. Secundo cum a missione sanguinis levamen, & diminutio morbi pendeat, ipso misso, idem morbus non protraheretur per solam victus rationem, & quod inde fit habita ratione quantitatis naturalis sanguinis, quæ per longiorem morbi durationem absumeretur, & quantitatis quæ per missionem ejus deperditur, cum breviori morbi duratione, quæ per missionem illam acquiritur, minor quantitas naturalis sanguinis deperditur per missionem ejus in data minori longitudine morbi, quam per perspirationem in data majori longitudine ejusdem sine missione sanguinis. Neque addo, certam non esse illam perspirationem solius materiæ peccantis, nec constare, num illa semper fieri a natura possit, cum e contra quæ ad missionem sanguinis pertinent, sint evidentia, & rem conficere penitus videantur. Quare patet propositum.

Præparantia, & alterantia, cum idem sint, nisi quantum præparantia dicuntur agere primis, & secundis qualitatibus, alterantia solum primis, nihil habent, quod non utrisque si-

mul conveniat. Itaque cum præparantia, five etiam alterantia sint vel concoquentia humores noxios admistos naturalibus, atque ita separationem eorum, & derivationem in sua loca promoventia, vel separatos (five id fiat per concoquentia, five ex se ipsis factum sit) a naturalibus evacuantia, quæ dicuntur aut removentia impedimentum evacuationis, aut attenuantia, hoc est liquidum, vel fluidum facientia, manifestum est, totam ipsorum operationem cum victus ratione secundi generis convenire, in qua scilicet respicitur ad qualitatem eorum, quæ per os sumuntur. Eadem igitur plane, quæ de illa victus ratione dicta sunt, manifestum est convenire præparantibus, atque alterantibus: etenim illa victus ratio nihil aliud est, quam victus medicamentosus, ut appellant, & medicamentosa vis in his ipsis præparantibus atque alterantibus sita est, qua humores, & fibræ disponuntur ad amandationem rerum noxiarum. His igitur non immoramur ulterius, cum abunde pateat ex superioribus, præparantia etiam, atque alterantia locomissionis sanguinis esse posse, nec minus tuta, sed multo minus expeditæ operationis, non secus, ac de victus ratione diximus: quare & de his patent, quæ proposuimus.

Cætera, quæ proponuntur, esse posse loco missionis sanguinis, facile patere poterunt cuicunque, qui cogitaverit de singulorum operationibus: quæ enim evacuant, undecunque, & quomodocunque id fiat, aliquid educunt e corpore, quod prius posterius a sanguine ducit originem, unde alicujus, aut plurium, aut omnium eorum habebitur effectus, quæ contingunt a missione sanguinis. Quæ autem stimulant, cum toti corpori vim faciant, sanguinem etiam afficiant oportet vel movendo, vel mutando qualitatem, aut quantitatem, ad quæ summa capita redigitur, quicquid a missione sanguinis provenit. Itaque pauca hæc fortasse sufficere possent ad evincendum, quod proposuimus; quia tamen singulorum operationes comparandæ sunt cum missione sanguinis, & statuendum, hanc esse præ cæteris tutissimam, atque expeditissimam, ut hæc comparatio apte atque perspicue haberi possit, necesse est de ratione, qua illa singula medicamenta, aut operantur, aut operari possunt, disseramus, quod est ab usque sua origine repetendum. Cum igitur plura illorum evidenter, aut per stimulum agant, aut non agant sine stimu-

lo, de hujus natura prius in genere verba faciamus oportet, ut quid ab ipso necessario pendeat, intelligamus addituri ex ordine, si quid aliud ad modum, quo operantur medicamenta, pertinet.

De Stimulis.

EX nostra doctrina Operationum Animalium patet, generale fundamentum stimulatorum, ad quam etſi remiſimus Lectorem noſtrum, quoties aliquid ad ſtimulos pertinens explicandum contingit; quia tamen hic de re in arte Medica momenti maximi, & plane admirabili agitur, rem totam deducere luculenter, atque perſpicue ex iis iſſis cogitationibus noſtris placet. Eſt igitur Stimulus, ut ex iis patet, motio quædam momenti majoris, cujus proinde ſenſus ad dolorem revocandus eſt, & ejus excitatio ad ſpeciem momenti majoris productam in nervis ab aliquo impetu vehementiori. Hic igitur impetus nervos urgens, vel ita iis occurrit, ut ad locum occuſus partes nervorum in eo loco ad contactum poſitas, & in ipſum nitentes, & cohærentes diſjungat, & divellat ab invicem, ſeu dividat vera, & manifeſta diſiſione, vel premit ſolum, & introrſum agit, ſeu inflectit, hoc eſt dividit quidem, ſeu partes a naturalibus prioribus contactibus dimovet; eaſdem tamen ducit ad contactum aliarum abſque eo, quod unquam a contactu aliquarum abſint, & ſint divulſæ penitus. Utralibet ratione operetur impetus ſtimulans.

Quid ſit ſtimulus.

Quot modis agat ſtimulus.

Dico primo, a ſtimulo debere ſuccedere majorem motuum niſum partium, ex quibus omnes membranofæ partes componuntur, expreſſionem cujuſcunque liquidioris corporis, & derivationem ejus, *qua poteſt*. Sit enim primo vis ſtimuli ſolum flectens. Quoniam igitur ſtimulus ad dolorem pertinet; flexiones igitur in omnibus partibus ſentientibus erunt citiſſimæ, & undæ denſiſſimæ, ſeu factæ in longitudine nervorum per intervalla minima: quare per illa minima intervalla dum eunt, redeuntque nervorum partes dimovebuntur multo magis, quam ſi oſcillarent per partes longiores, eruntque divulſioni proximaræ; quare quemadmodum contingit in omnibus corporibus, quæ tendi, ac flecti poſſunt, quæ per ejuſmodi affectiones, tenſiones ſcilicet, atque flexiones exiliora fiunt partibus pro-

Ab ejus vi niſus major, & expreſſio liquidiorum.

pe medium positis, excurrentibus versus extremas ad earum contactum, & in easdem illas magis nitentibus, sic in nervis fiet, ut per tremorem, seu flexionem vividiores partes, quæ ducuntur in flexione ad contactum aliarum, in eundem contactum magis nitantur, adeoque si quid est expressile, ac per nifum illum mobile, moveant de facto, & exprimant. Quia vero per eandem flexionem oportet, ut totius nervi partes urgeantur ab excurrentibus ad contactum, & partes minus hærentes, hoc est liquidiores divellantur, atque abripiantur, ut ex iis, quæ de Villo Contractili ostendimus, patet; igitur per vim stimuli dabitur vis exprimens, hoc est nifus partium ad contactum excurrentium major in magis vivida flexione stimuli, & partium liquidiorum libertas, seu expressio facilis; partes autem, quæ sentiunt, sunt membranæ universi corporis, seu corpus totum; igitur per vim stimuli dabitur mutuus nifus partium, ex quibus membranæ omnes componuntur, major naturali, & expressio uniuscujusque liquidioris corporis, quod intra ipsas comprehenditur. Sed per vividiores flexionem vividius etiam urgetur, ac truditur, quicquid est ad contactum membranarum positum; igitur quicquid ejus ad contactum positi liquidius est, per vim illam similiter exprimitur; quare per vim stimuli liquidius quodcumque sit sive intra villos membranarum, sive ad contactum ipsarum, exprimitur; expressum autem, qua potest, derivetur necesse est: igitur per vim stimuli major ille expositus nifus, expressio cujuscumque liquidioris corporis & derivatio ejus, qua potest, continget, ut fuerat propositum.

Sed & contractio validior, unde eadem omnia facilius.
 Dico secundo, a vi stimuli membranarum, hoc est universi corporis villos naturali contractione debere contrahi validius, & expressionem liquidiorum hoc de nomine futuram *faciliorem*. Ratione flexionis partes flexi corporis, quæ ad contactum aliarum excurrunt, nituntur per crassitiem, seu diametrum villi; illud autem insuper ostendendum, per vim stimuli majorem etiam nifum, immo vero etiam verum motum vehementiorem succedere per longitudinem, seu villos ex vi stimuli niti in se ipsos, cogique validius. Quod manifeste patet, & facile. Cum enim tremor in stimulo dimoveat, atque abripi cogat partes liquidiores, ex quibus villi componuntur; in spatiis igitur, ex quibus illæ dimoventur,

atque abripiuntur, nihil superest, nisi forte aliquid rarius, & magis cedens; quare facultas contrahens, quæ extrinseca est, semper viget, & semper est eadem, minorem resistantiam inveniet; quare eam facilius superabit, seu vividiores contractionem producet. Exemplum habes in chordis musicis, quæ igni admotæ subito, & validissime contrahuntur, igne tum penetrante atque absumente quicquid inest humidi, atque ita liberam permittente totam pressionem, quam facultas contrahens undecunque exercet. Per majorem autem hanc contractionem fiet, ut villi breviores fiant, magis tensi, rigidi, ac duri; unde tremor vividior, & excursus partium ad contactum adhuc majori cum nisu per diametrum, unde ratione aucti utriusque nisu facilius expressio liquidiorum, & eorundem derivatio, qua fieri potest, ut proposuimus.

Dico tertio, a vi stimuli musculorum contractionem, quæ fit a liquidis intra ipsos confluentibus, debere fieri validiorem, atque hinc expressionem liquidiorum facilius successuram, atque insuper a stimulo augeri velocitatem *sanguinis*. Quoniam enim per vim stimuli liquidum nervorum in undas frequentiores agitur: igitur per motum derivationis deducetur in nervos musculorum omnium liquidi quantitas naturali major; quare musculi omnes validius contrahentur ea contractione, quæ per influxum liquidorum fit, eritque illa adhuc validior propter contractionem naturalem membranarum villos musculorum constituentium, per quam, cum iidem villi membranarum sint rigidiores, fiet, ut illa altera contractio hanc superans villos eosdem multo rigidiores ac nitentes reddat; igitur exprimetur valide, quicquid intra eosdem villos continetur: sed cum totus musculus, dum contrahitur, loco insignitur, moveatur, & extrorsum nitatur valide villis suis, fiet, ut exprimat quicquid est liquidius ad contactum sui, & intra spatia, per quæ successive movetur, dum contrahitur; unde per hanc omnium musculorum contractionem adhuc facilius fiet expressio liquidiorum omnium, quæ in corpore continentur. Cum vero cor sit musculus, a vi stimuli derivabitur in nervos ejus quantitas liquidi naturali major, unde vis contractionis in villis cordis major, & impetus sanguini communicatus major, seu velocitas ejus crescet, quæ quidem omnia contingent vel in ipso primo impetu invadentis stimuli. Suc-

Sed & contractio musculorum validior, & velocitas sanguinis major,

cessu autem temporis, nec stimulo quiescente propter expressionem liquidiorum, & aquearum partium, & absorptionem earundem fiet sanguis, & spiritus, seu liquidum nervorum acrius, hoc est musculos in contractionem urgens validius, unde singula, quæ demonstravimus. Quia vero major quantitas liquidi excidentis in villos cordis facit, ut eorum contractio sit frequentior, hinc ratio pulsuum a rebus stimulantibus, & mille hujusmodi, quæ ultro occurrunt, & etiam in morbis particularibus per occasionem exposita sunt; quare patet propositum.

Dico quarto, pro diversitate partis, in qua fit stimulus, posse illam rubesceri sine tumore, vere inflammari, nihil tumesceri, nec rubesceri, intumescere tumore quolibet alio; immo vero evacuare plurimum cujuscunque materiæ absque eo, quod eandem materiam ad illam partem stimulus vocet, aut trahat, aut ullæ sint ejus in illo negotio *partes*. Sit enim pars aliqua corporis laxæ compaginis, & facile cedens, atque admittens influxum quoruncunque liquidorum: quoniam maxima vis undarum, quæ fiunt in nervis, est ad locum, unde principium sensus, hoc est, in re nostra, ad partem stimulatam; ibi igitur pressio, & expressio major; si igitur stimulatam pars sit laxa, & admittens facile affluentia liquida, in eandem partem derivari poterit, quicquid a proximis villis exprimitur: laxitas autem facit, ut derivatam materiam minus facile possit alio exprimere; pars igitur illa detinebit quicquid influit, & continue nova materie superaffluente in tumorem attolletur; Hic tamen nullius coloris esse poterit, nisi subsistat sanguis, qui non subsistet necessario in parte, quæ cum supponatur naturaliter laxa, illa laxitas naturalis sufficit tractioni sanguinis pariter naturalis, adeoque ejus velocitate, & contractione villorum aucta per vim stimuli, & aucta pressione per affluxum materiæ in partem, quam supponimus, adhuc facilius fluere poterit. Si igitur pars non hujus conditionis fuerit, sed maxime compacta nihil admittens expressarum materierum, vel derivatas expellere, atque alio divertere valeat per suam vim, & auctam contractionem a stimulo, habebitur acerrimus sensus stimuli, seu doloris absque eo, quod in parte stimulatam quisquam occurrat tumor, dummodo pars ejusmodi intexta sit paucis vasis sanguinis, vel vis stimuli sit

A stimulo
rubor in
parte stimu-
lata, in-
flammati-
o vera, aut
nulla, aut
quolibet al-
ius tumor
aut evacua-
tio.

minor, quam quæ occludere per contractionem villorum possit summos canaliculos capillares venarum, atque arteriarum. In omnibus igitur iis partibus, in quibus dabitur vasorum copia, & stimulus vim fecerit validiorem, ita, ut contractio violentior occluserit summos ejusmodi ramulos, adeoque sanguinis fluxum magis, aut minus ad eam partem suppresserit, fiet in stimolata parte solus rubor absque tumore, seu phlogosis, aut erysipelas quædam paucò sanguine subsistente; si vero impedimentum fuerit validius, & sanguis in majori copia subsistat, tum novo semper superaffluente fiet vera inflammatio cum tumore, seu systrophica, ex quibus contingere poterit, ut suboriatur insignis calor ad partem stimulatam, dolor pulsatorius, & quæ ex his ultro patent. Quia vero humores subsistentes fermentescunt, putrescunt, durantur, hinc tumores, quicunque sint a stimulis modo exposito producti, poterunt suppurari, expurgari in scirrhus, & canculos abire, & quæ sunt hujus generis ex se perspicua. Ulterius stimuletur pars aliqua glandulosa, ut ex. gr. ventriculus; igitur a toto corpore exprimetur, quicquid est liquidius: liquidius temporis expressibile per stimulum sit ex eorum liquidorum genere, vel iis natura quam proximum, quæ secernuntur in glandulis ventriculi. Itaque liquidum ejusmodi per pressionem membranarum, & muscutorum trudetur in venas, atque arterias, & ducetur per partes singulas universi corporis, & cum inter illas nulla alia sit præter glandulas ventriculi, in qua sui generis humor secernatur, in nulla partium, per quas fluit, secernetur, sed in glandulis solum ventriculi, & per vomitum, aut alvum reddetur. Ejusmodi igitur evacuatio proveniet quidem a stimulo; sed non quatenus factus in ventriculo, neque quia ejus vis materiam illam vocaverit, aut traxerit intra ipsum, sed quia solum stimulus eam vim contractionis peperit, per quam illud liquidum expressum est, quod solum in ventriculi glandulis secerni potest: quare nullæ sunt partes stimuli in ejusmodi evacuatione, quatenus per ventriculum sit, cum illa pariter succedere posset, si cuilibet alii parti corporis applicaretur stimulus, dummodo stimulus in illa parte tantæ esse posset virtutis ad eam contractionem in toto corpore producendam, quantæ est applicatus ventriculo: quare manifesta sunt singula.

Eadem a
stimulo con-
juncto cum
vi aliqua
fermentan-
te, sed ni-
hil non pla-
ne diver-
sum, & sum-
me malum.

Dico quinto, hæc eadem secutura, si cum stimulo conjuncta sit facultas aliqua intro penetrans, & humores subigens, sed posse etiam nihil non malorum inde provenire, & nil non plane diversum a solo *stimulo*. Quæ equidem evidentissima ex se sunt. Quatenus enim stimulus supponitur, illa omnia producentur, quæ a stimulatorum natura necessario pendent, singula scilicet, quæ hætenus exposuimus, siquidem vis illa, quæ supponitur fermentans, & humoribus admisceri, nihil diversum, & nihil mali possit producere; sed sit illa alius generis, & admista humoribus conciliet ipsis crassitiem, lentorem, cohesionem: fient undæ refluxuum per nervos minus vividæ, villi minus flectentur; minus exprimetur; quod exprimitur, minus urgebitur; crassius liquidum nervorum musculos minus contrahet, & velocitatem sanguini non solum majorem non conciliabit, sed naturalem minuet; quare tum diversa plane ab iis, quæ a solo stimulo contingunt, orientur in corpore, & hæc quidem sola, si in longiusculum tempus protrahantur, satis mala, atque lethalia sunt: verum insuper si fermentans illud sit alicujus naturæ, qua humores fundat, vel adhuc acrius stimulet villos particulatim, atque ita in vividiores contractionem & expressionem agat, vel quomodocunque sanguinem, & liquidum nervorum pervertat, & a naturali statu diversum faciat, tunc enimvero nihil non malorum producet, & quidem brevissimo temporis spatio; imo etiam subito, ut patet.

Eadem a
stimulo di-
vellente.

Dico jam sexto, si stimulus sit etiam divellens, non autem solum flectens, & sit aut ipse solus, aut conjunctus cum vi fermenti, eadem, quæ exposuimus, hætenus *successura*. Quod patet; cum etenim divulsio nihil aliud sit, quam vera divisio, seu distractio, ac remotio a contactu; ejus autem sensus undas in nervis faciat, atque exigat, fient flexiones eorum, & cætera, quæ superius exposuimus, & quæ pendent a stimulo solum flectente. Sed quia stimulus divellens est flectente vehementior, hinc illæ flexiones &c. erunt majoris momenti a stimulo divellente, quam a flectente solum, unde flexiones, tensiones, tumores facilius, quam a stimulo flectente solum. Sic, ut rem exemplo utili etiam ad intelligentiam dicendorum de medicamentis illustrem, calli & vesicæ, quæ ab actu ferri igniti, vel carbonis, aut affusione aquæ ferventis producuntur, sunt operationes stimuli divellentis, quæ contingant hunc in modum,

Callorum,
& vesicula-
rum ab igne
productio.

dum, oportet. Quoniam ignis penetrando vel abripit statim liquida contenta in poris villorum, vel spatia, intra quæ se agit, dilatat, & minus resistentia reddit pressioni intrinsecæ, atque inde liquida contenta etiam abripit, unde resistentia adhuc minor; ab actione igitur ignis contractio subsequetur. Quoniam itaque cuticula cuti adhæret; vis igitur ignis intensior poterit vim illius cohæſionis superare, quod fieri poterit dupliciter, vel quia scilicet penetret, & sua vi divellat partes cohærentes, vel quia propter vim validam contractionis, quæ in cuticula contingit, hæc ipsa, dum transverse cuticulam rapit magno cum impetu, ejusdem particulas cum cute hærentes divellat, & hæc transversa motio vivida facile succedit, cum nulla adsit vis, quæ detineat cuticulam undecunque per ambitum, prohibeatque ne dimoveatur; cuticula enim universa, quæ posita est per circuitum ejus partis, quæ igne tentatur, cedens, mollis, & undecunque ductilis est. Ab actione igitur ignis contrahetur cuticula partis, quæ uritur, & divelletur a subjecta cute: sed contrahi non potest, quin secum ducat undecunque circumhærentem cuticulam, neque hæc duci, nisi premat partes sibi hærentes, atque hærentes hærentibus, nempe suppositam etiam cutem, neque hæc contingere possunt sine expressione, quam solus stimulus ex se ipso contractionem augendo auget, & vis pressionis maxima ad partem stimulatam viget; igitur ad partem stimulatam fiet maxima expressio: cum vero in hac stimolata parte jam successerit saltem prioritatem ordinis sejunctio cutis a cuticula, & per divulsionem hujus diminutio pressionis in subjectam cutem; igitur in locum inter divulsam cuticulam, & cutem comprehensum exprimi, ac derivari poterit, quicquid per stimulum, & contractionem elicitur ex partibus proximis, & cum cuticula divulsa possit attolli, atque extendi (cuticula enim circumhærens divulsæ facile cedit) fiet folliculus aqua, seu humore pellucido plenus, qui humor erit præcipue lympa, cum hæc ubicunque reperitur, & humor aqueus; & hic si evaporet calore, frigore, & pressione concreſcere lympa poterit, & producere id, quod callum nuncupamus. Reliqua autem series productionis callorum se habet, ut productio vesicularum; cum etenim calli a labore proveniunt, labor autem aut exsiccat, aut calefacit, aut utrumque simul, & calefacere quidem nihil

dubium; cum autem calli oriantur præcipue tractatione instrumentorum, & hæc secum ferant validam appressionem cuticulæ ad instrumenta, fieri fortasse potest, ut etiam sola hæc appressio sine caloris opera exsiccet, atque ita contractionem &c. pariat; cum tamen calor certissime adsit, & hic sufficiat contractioni producendæ, hic forte solus esse poterit totius facti autor, vel concurrere etiam siccitas ab appressionem. Hac etiam ratione produci possunt hydatides ab humoribus acribus, quoties scilicet in aliquam partem perducitur mordax aliquid, quod divellat inter se cohærentes villos, eosque stimulet, hoc est, expressionem pariat, unde contractio, & productio folliculi humore pleni, sive hydatidis, qui tamen folliculus etiam sine stimulo, aut contractione oriri poterit, dummodo villi divellantur, postquam enim divulsio successerit, nisi cesset affluxio novæ materiæ in eundem locum, quantitas major in ipsum confluet, & divulsos villos elevabit, seu generabitur folliculus aqua plenus; quare patet propositum.

Dico septimo, a stimulis simplicibus, nempe non conjunctis cum vi fermentante, & evacuantibus, sive evacuatio fiat per emissaria naturalia, sive ab ipsis stimulis facta, evacuari potest & id, quod per stimulum exprimitur ab humoribus, & id, quod exprimitur a substantia villorum, idemque fit a stimulis *cum fermento*. Esto stimulus quilibet sine fermento, ut aliquid affricum naribus sternutationem, & mucum movens, vel fonticulus, aut setaceum, aut vesicans igne actuali excitatum, nempe sine ullo fermento: patet sternutatorium illud ducere materiam per emissarium naturale, cujusmodi sunt nares; reliqua vero per emissaria ab ipsis facta. Quoniam igitur hæc, & omnia stimulantia faciunt, ut villi quilibet valide contrahantur, & exprimant, quicquid potest fluere; hoc igitur ipsum effluens derivabitur, qua poterit, & quod quidem a vasis quibuslibet exprimitur, extra ipsa derivabitur, & ducetur inter membranas, & ad earum superficies, & intra ipsarum poros, & vicissim quod a villis membranarum elicitur, traduci poterit intra vasa: per emissaria autem stimulorum, quos recensuimus, evacuatur id, quod e membranis exstillat, & ad membranas duci potest, quod a vasis exprimitur, & quod exprimitur a villis earundem membranarum, semper præsto est ad emissaria stimulorum; igitur stimuli evacuantes etiam

Hydatides
ab humoribus
acribus.

Quæcunque
stimulus e-
vacuat ab
humoribus,
& partibus
solidis.

conjuncti cum fermento ducere possunt per emissaria, sive naturalia, sive ab ipsis facta & quod exprimitur ab humoribus, & quod exprimitur a substantia villorum. Esto jam medicamentum aliquod purgans, cujusmodi remedia esse posse ex iis, quæ vim fermentandi habent, patebit inferius: notum est, quantum eorum plurima conjuncta sint cum stimulo, & sensu doloris acerrimo. Itaque & ipsa contrahent totum corpus, exprimentque valide, & cum per ejusmodi contractionem fieri possit, ut quod a villorum substantia exprimitur, in vasa sanguinis derivetur, & per ipsa in eos ductus, per quos fit transitus ad emissaria naturalia ducentia materiem, quæ evacuatur, patet etiam stimulos cum fermento evacuare posse id, quod exprimitur a substantia villorum; quod autem exprimitur a vasis, sive humoribus, per illos ductus secernitur; quare patet, quod proposuimus. Et idem dicendum est de quibuscunque stimulis, qui evacuent per emissaria naturalia perspirationis.

Dico octavo, stimuli non evacuantes maxime movent, & solvere possunt, id ipsum præstant evacuantes non conjuncti cum fermento, sed insuper liquidorum quantitatem minuunt, utrique exsiccent plurimum oportet: vacuantes autem cum fermento conjuncti eadem præstare possunt, sed pro diversitate fermenti, cum quo conjuncti sunt, densare, fundere, coagulare, sistere, denique quicquid velis, *producere*. Quæ singula facile patent; cum enim per vim stimuli fiat maxima contractio, & per hanc insignis expressio; stimulus igitur maxime movet, qua liquida, qua dura; quare si quid præter naturam lentum est, ac solubile, per vim pressionis auctam subigi poterit: in vasis sanguinis per eandem auctam contractionem mutabuntur contactus lenti illius subsistentis, & cum velocitas totius sanguinis augeatur, dabitur vis major transverse abripiens per longitudinem canalium, & deducens ad viscera, per quæ subigi ulterius possit. Id igitur præstent oportet stimuli non evacuantes: evacuantes autem hæc non solum præstabunt; verum insuper quantitatem liquidorum minuent; cum etenim evacuare supponantur id, quod evacuatur, est portio liquidorum, quæ continebantur in corpore: quare eorum quantitas minuitur. Quia vero etiam stimuli, qui non evacuant, per vim motuum, quos excitant in toto corpore, plurimum humidi divellunt a partibus, cumque tenuant, atque absumunt;

Stimulorum
quorumli-
bet opera-
tiones.

munt; evacuantes autem portionem etiam ejus per sua emissaria extra corpus mittunt; igitur utrique stimuli exsiccant plurimum, oportet. Quod si stimuli cum fermento conjuncti sunt, eadem præstare poterunt, ac stimuli sine fermento, atque insuper alia mille cujuscunque diversi generis, ut patet ex quarta, & quinta parte hujus, & exemplo ab aquis regis, ac fortibus desumpto, menstruisque Chymicorum, quæ agunt in hoc aut illud corpus, hoc aut illud producant, prout menstrua, aut aquæ illæ diversæ sunt. Patet itaque propositio.

Dico nono, si partes liquidi illinentis membranas nostri corporis, sese mutuo omnes premerent, atque urgerent quaquaversum non secus, ac partes sanguinis intra vasa, posset ratione illius pressionis materies etiam distantissimarum partium derivari ad emissaria stimulorum, & per ipsa expurgari, sed nifus ille mutuus in ejusmodi liquido non videtur rationi conveniens. Similiter si cutis, & membranæ omnes nostri corporis in ea tensione esse naturaliter deberent, ut statim ac ad aliquam partem divelluntur, undecunque contraherentur per ambitum divulsionis, & illa contractio per totum corpus succederet ita, ut nifus ejus tenderet ad locum divulsionis, & versus eundem urgeret, quicquid est liquidum, ut contingit in vesica urinaria, dum urina exprimitur, facto emissario per stimulum posset ejus contractionis ratione derivari ad emissarium stimuli, & expurgari materies remotissimarum partium. Sed & ejusmodi naturalis tensio in membranis omnibus, & ejusmodi contractio, & ejusmodi nifus versus stimulum non videtur rationi conveniens. Materia inhærens alicui parti dimoveri per stimulum distantem poterit, si nervus, aut tensa quælibet membrana, cui stimulus adactus sit, perveniat, & intexatur parti, cui inhæret materies: per emissarium autem stimuli evacuari, si vel sit etiam intra nervum, aut per villos membranæ labi possit, aut intra eosdem derivari, & cum per vim stimuli mota est, atque ad fluxilitatem redacta, ad emissaria stimulorum fluere. Modus autem certissimus, quo stimuli etiam ad distantes partes agunt, est; quia totum concutiunt, exprimunt, & quantitatem *totam minuunt*. Membranas nostri corporis illitas esse quodam liquido, norunt vel ruditer versati in sectionibus Anatomicis tam cadaverum, quam vivorum. Si igitur partes hujusmodi liquidi se ita undecunque premerent,

ut

Modus operandi ad distantes partes.

ut nifus ille effet per totum corpus continuus, quemadmodum est continuus nifus sanguinis per omnia vafa; facto igitur quolibet emiffario ad quemlibet villum cujuflibet ex membranis, eo devolveretur, quantum poffet liquidi membranas illinentis, ut ex fe patet, & fuperius de fanguine oftentum, adeoque per emiffarium illud expurgari poffet materies cujufcunque partis maxime diftantis ab emiffario, cum ad ipfum ratione communis nifus quaquaverfum facti derivari deberet materies a quacunque membrana, licet maxime diffita ab emiffario. Quia vero ad hoc, ut fieri poffit ejufmodi devolutio liquidorum, oportet, ut & liquida ex fe ipsis facile fluxilia fint, & fuperficiebus minime refiftentibus allabantur, & hoc tum fit facilius, cum liquida cumulata funt in moles majufculas, & altiusculas ex mechanicis, & ut explicabimus in febribus; nifi igitur hæc dentur in membranarum liquido, non videbitur rationi confora ejufmodi derivatio ad emiffaria ftimulorum per preffionem liquidi illinentis villos. Quoniam itaque qui humor hæret villis, lymphæ eft, igitur liquidum fatis vifcidum, hoc eft, ad fluxum difficile, & extenditur fupra villos in lamellam tam tenuem, ut ejus craffities ne diftinguatur quidem; igitur ducitur ad fuperficies maxime refiftentes, a quibus equidem ne vi quidem infigniori ita abripi poterit, ut in fluxum agatur, cum moles etiam majufculæ præcipue liquidorum vifcidorum hærentes alicujus corporis fuperficieci, vix vehementiori motu fieri poffit, ut diffluant. Unaquæque igitur villi particula fuflinebit particulas lymphæ hærentes, & mutuum nifum, & diffluxum impedit. Adde, quod media in via univerfa vafa occurrunt, intra quæ adigi poterit quicquid difflueret mille fpatia, intra quæ colligi; quare non videtur rationi conforus talis nifus in illo liquido, qui poffit a diftantibus partibus derivare ad emiffarium ftimuli materias in iis partibus contentas. Jam vero intelligatur folliculus nullibi perforatus, & compositus ex villis tam intro, quam ad fuperficiem maxime tenfis, contractilibus tamen, ita ut, fi alicubi perforaretur folliculus, hoc eft alicubi divellerentur villi, ftatim propter mutuam cohæfionem, & tensionem omnium, remotionemque refiftentiæ ad locum divulfionis undecunque contraherentur non fecus, ac fides tenfæ, fi divellantur, utrinque fubito, & valide contrahuntur. Manifefturn eft, to-

tam amplitudinem folliculi minorem efficiendam, propter contractionem villorum undecunque factam, adeoque duos quosque villos ad se invicem magis accessuros, & si quid fluxile in interjectis spatiis contineretur, ex iis spatiis exprimendum, qua daretur exitus, hoc est, per locum minime resistentem, hoc est foramen divulsionis, & ejusmodi materiem fluxilem derivari debere etiam ex partibus folliculi maxime distantibus a foramine divulsionis. Huic autem folliculo similis est vesica urinaria, quatenus villi a cervice ad fundum excurrentes expressionem urinæ faciunt, ut in Anatomicis nostris. Itaque si totum corpus esset folliculus ex ejusmodi villis maxime tensis intro extraque continuis constans, facto ubilibet emissario per stimulum distantissimi quique villi etiam valide contraherentur, & exprimerent, ac derivarent ad usque emissarium stimuli, quicquid continetur fluxile in remotissimis etiam partibus. Sed revera totum corpus non videtur compositum ex villis naturaliter ita tensis; imo vero summa quidem cutis est quid maxime laxum, pluribus in partibus concidens, in aliis plicata: sub cute muscoli tunc laxi, nunc in plicas minimas per contractionem acti, nempe natura summe cedentes. Quid mollius pinguedine, aut magis cedens illius folliculis? Tum pulmonem vide vix dolentem, ita flaccidum, & minime tensum: tum viscera abdominis, quæ maxima ex parte sunt canales insignis amplitudinis, atque membranei laxissimi: cerebrum tantum non dilabitur, tam minime hærens est partibus suis. Itaque nulla datur ejusmodi tensio in plerisque partibus, & propterea neque expressio, & derivatio materiæ a distantibus partibus, quibus adde similiter, ut superius spatia mille occurrentia per corpus, intra quæ materies colligi posset & vasa, intra quæ trudi. Derivatio itaque ad emissaria stimulorum a remotis partibus per tensionem villorum non videtur rationi consona. Sit vero inter emissarium stimuli, & partem quamlibet summe distantem nervus, aut membrana similiter tensa, & utraque intexantur, ac distribuantur per illam partem, in qua sit aliquid hærens movendum, atque expurgandum. Per stimulum igitur corpora illa maxime tensa, & continua stimulo vivide concutientur, & oscillabunt, adeoque dimovere poterunt, & liquidius facere, quicquid hæret suppositæ parti: si igitur hærens illud sit intra nervi ramos, cum per sensum sti-

mul-

muli plurimum liquidi per nervos derivetur ad stimuli locum, per nervum expurgari poterit pars maxime distans, quod idem continget, si materies hærens non sit quidem intra nervi ramos, sed postquam dimota est per vim concussionis, & contractionis, possit intra ipsos adigi. Similiter derivari poterit ad locum stimuli materies partis distantis per continuam membranam tensam; facilius enim diffluet propter tensionem, minus hærebit propter concussionem, & ad emissarium stimuli pervenire poterit propter continuationem membranæ cum stimulo, & parte evacuanda. Quoniam itaque stimulus contrahendo concutit totum corpus, ipsumque totum exprimit, & expressa fluunt, qua possunt, in vasa sanguinis, & undecunque, & per emissarium aliquid expressæ materiæ expurgatur; igitur, cum per eam expurgationem minuatur universa humorum quantitas, minor copia ad partem quamlibet, adeoque etiam distantem confluet, interim tamen & illa distans concutitur, atque exprimitur, hoc est, materies, quæ jam eo confluit, alio, qua potest, derivatur; modus igitur certissimus, quo stimuli etiam ad distantes partes operantur, est, quia concutiant, exprimunt, & quantitatem minuunt, & hæc præstant non in aliqua certa parte, sed in toto corpore; quare patent singula, quæ proposuimus.

Dico 10. tutissimum esse, stimulos adigere in parte remota ab illa, quam expurgare est animus, quoties a stimulo imminet aliquod periculum affluxus nimii ad stimulatam partem, ut exposuimus in quarta parte hujus: quod si nullum ex iis periculis immineat, prope ipsam partem evacuandam adigi poterunt; plures, quam pauciores: magis juvant quoad motiones excitandas, sicut ad amplius, quam ad angustius spatium extensi: repetendi, vel refricandæ plagæ ab ipsis factæ, cum cessat dolor, & sensus stimuli: cum præsens, ingens, & subita aliqua utilitas expectatur a stimulis, plures, & ampliores, & acriores adigendi, & exsiccationi, calefactioni, & fermentationibus, quæ inde pendere possent, succurrendum frigidis, humidis, & quæ ejusmodi fermentationes aut sistunt, aut moderantur. Qui vero ad longius spatium temporis sunt protrahendi, minores, ac pauciores esse poterunt, & cum sensus, ac dolor cessat, pariter repetendi, aut refricandæ plagulæ: sed hi vix erunt ullius utilitatis, & semper

Ubi, quot,
quam am-
pli, quid
agendum,
cessante do-
lore, quid
curandum
ne siccitas,
atque alia
succeedant.

per humores & corpus ad exsiccationem, inflammationem, & quæ ex iis pendent, fermentationes *disponent*. Quoniam enim in quarta parte hujus dissertationis de Stimulis ostendimus, fieri multipliciter posse, ut materies colligatur in parte, cui adigitur stimulus; quoties igitur aliquod periculum imminet ex iis, quæ ibi recensuimus, non erit applicandus stimulus parti, in qua materies jam collecta sit, sed in remotissima, ne addatur materiæ materies; sed remotissime cumuletur, si quid cumulandum est, & quod jam cumulatam est, liquetur, & derivetur alio. Si vero nullum ex iis malis immineat, optimum erit prope ipsam partem stimulare, cum etenim ibi sit expressio maxima, ubi vis maxima stimuli, seu ubi stimulus admovetur, & ubi expressio maxima, ibi maxima facilitas ad fluxum; posito igitur stimulo prope partem evacuandam, eadem facile evacuabitur, in fluxum facile acta materie infarciens: Haberi tamen debet ratio partis mittentis, cujus suspicio si adsit, prope ipsam adhibendus stimulus, ut patet. Plures, & ad amplius spatium corporis extensi stimuli, magis juvabunt, quam pauciores, & ad angustius spatium; plures enim, & ampliores majorem quantitatem nervorum afficient, & tremores vividiores parient, & contractiones magis exprimentes, & erunt dimotiones, quæ ab iis pendent, magis expeditæ, faciles, copiosæ; si igitur ingens, subita, ac præsens aliqua utilitas a morbo expostuletur, quæ per stimulos obtineri posse videatur, plures, & ampliores stimuli adhibendi; per ipsos enim dimovebitur, & concutietur totum corpus vehementius, quam a paucioribus, & angustioribus, & subita excitari poterit dimotio; a qua proveniat subita illa, atque ingens necessaria utilitas. Cesset jam sensus stimuli; cessabit igitur etiam contractio, concussio, dimotio corporis, & quæ ab ipsis subsidia sanitatis pendent, & si quidem stimulus sit sine emissario, cum ipse stimulus cessat, cessabunt prorsus omnia: si vero sit cum emissario, adhuc aliquid per emissarium expurgabitur, sed sine expressione totius corporis, quæ proinde expurgatio erit minus utilis, cum solummodo universam quantitatem humorum diminuat sine expressione ulla partium, neque expurgatio illa laudanda, nisi cum est opus illa diminutione humorum. Itaque ut habeatur expressio communis villorum omnium, quoties illa necessaria est,

est, stimuli repetendi, qui si emissarium habeant, ipsius plagulae refricandae, quod doleant, & concussionem, atque expressionem pariant. Cum autem ejusmodi stimuli aut expirare solum, aut expirare, & expurgare per emissaria faciant humidi plurimum, & humores moveant, & sanguinem concitent, exsiccationibus, calefactionibus, & fermentationibus inde facile processuris, occurrendum frigidis, humidis, & iis, quae fermentationes sistere, aut moderari possint. Si vero stimuli ad longius spatium temporis protrahi debeant, tum minores, & pauciores adhiberi poterunt, non solum, quia doloris gravitas proveniens ab eorum multitudine, atque amplitudine per longum tempus protracta corpus plane siccaret, & spiritus absumeret; sed quia ipsa longitudo temporis, minori dolori conjuncta, compensabit magnitudinem ejus breviori tempore factam; sed oportebit stimulos repetere, & plagulas refricare, ne dolor cesset. Quia tamen usu continuo fit, ut etiam dolor non solum vix, sed & ne vix quidem sentiatur occallescentibus nervis ad flexiones undarum, atque ita minus vivide tremantibus, usu longo & continuo ejusmodi stimulorum fiet, ut natura, ut dicitur, assuescat, seu non concutiat, atque exprimat corpus, unde ab iis nulla utilitas, nisi quae procedit a sola expurgatione per emissaria stimulorum, quae nulla est, nisi cum morbus postulat diminutionem quantitatis; quare ejusmodi stimuli diuturni vix ullius erunt utilitatis, & propter evacuationem illam continuam semper disponent ad exsiccationem, &c. quare patent omnia, quae proposuimus. Ex his autem deducuntur aliquot, quae sequenti propositiuncula complectimur.

Dico igitur II. ex his patere, a stimulis fieri magnam absorptionem, seu dissipationem *spirituum*. Cum etenim stimuli excitent sensum, seu concussionem vehementissimam universi corporis, seu nervosi, ac membranosi generis, ex quo solum constamus, requiritur ad hujusmodi concussionem vehementem, ut ex doctrina sensuum patet, magna, & vivida fluctuatio, & pressio spirituum, expressioque, & expiratio, seu consumptio, & dissipatio eorundem. Patet insuper stimulum esse, quicquid acrius sensum movet, adeoque quicquid illud sit, & cujuscunque generis, operari eo modo, quo stimulos in genere operari, ostensum est, nempe valide con-

A Stimulis
magna consumptio,
seu dissipatio spirituum.

Stimulus
quicquid acrius movet.

Stimuli loco missionis sanguinis.

cutere, movere, solvere humidum, & spiritus absumere, & quæ vel ab iis pendent, vel cum iisdem conjuncta sunt. Ex quibus rursus patet, stimulos esse posse loco missionis sanguinis, movent enim, & augent velocitatem sanguinis ex superioribus, quod missio sanguinis præstat: minuunt quantitatem ejus, quatenus id, quod evacuunt, vel per insensilem perspirationem, vel per emissaria a natura aut ab ipsis facta prius posterius a vasis sanguinis, & ipso sanguine elicitur, & per hanc motionem, & diminutionem quantitatis disponere possunt sanguinem ad quamlibet mutationem, ut similiter disponitur per missionem.

Stimuli minus tuti missionis sanguinis, & adhiberi possunt caute, cum laborat nervosum genus.

Dico tamen 12. stimulos, etsi esse possunt loco missionis sanguinis quoties aliquid ex dictis exigitur, & esse possunt æque expeditæ operationis, præcipue, si acrius stimulent; esse tamen illos multo minus tutos missione sanguinis: habere tamen aliquid peculiare, quod a missione sanguinis non consequimur; movent nempe, contrahunt, concutunt universum corpus, etsi pericula reliqua declinari possint, cum laborat nervosum genus, ita, ut a villis corporis divelli ac dimoveri, & in fluxum agi debeat aliquid, non videntur improbandi. Patet prima pars; & esse posse æque expeditos, ac missionem sanguinis, similiter patet, quia ita acer fieri potest stimulus, ut in dato tempore tantum moveat, quantum moveret missio sanguinis per totum illud spatium temporis protracta: quia tamen plurimum humiditatis absumunt, & eximiam quantitatem spirituum dissipant, & villos omnes infringunt, oportet, ut totum corpus ad exsiccationem, calefactionem, imbecillitatem disponant, & humores ad fermentationes minus notas, quam quæ a sola missione sanguinis proveniunt, cum a stimulis oriatur concussio, quæ humores vivide urgendo potest eosdem solve- re, atque compingere miris modis. Neque missio sanguinis comparari potest cum stimulis, quoad dissipationem spirituum, cum hi per stimulos a toto corpore evaporent in magna quantitate, & sint jam elaborati, atque perfecti; per missionem vero sanguinis expirent ab illa solum parte ejus, quæ educitur, & sanguis, qui mittitur, & si qui pauci spiritus expirant per emissarium ejus, non sunt ii spiritus jam formati, qui ducuntur per nervos; sed solum eorum materia. Quia tamen missio sanguinis vix movet villos corporis; sed solum auget velocita-

tem

tem sanguini contento intra canales suos; villos vero non movet, nisi quatenus cohærent cum villis vasorum, ad quorum contractionem leviter contrahi, aut distrahi, sed sine sensu possunt; stimuli autem e converso villos omnes vivide dimovent, atque concutiunt, & ipsa motio sanguinis a stimulis proveniens pendet ab hac ipsa agitatione villorum ex superioribus; habent igitur aliquid stimuli, quod non habet missio sanguinis, nempe agitationem, & concussionem villorum omnium, ex quibus componimur: quare si qui dentur morbi, in quibus per hanc villorum agitationem dimoveri, abripi, liquari, & fluere possit id, per quod morbus est, & pericula stimulos comitantia, nempe nimia dissipatio spirituum, nimia exsiccatio, debilitas &c. evitari, aut sustineri possint, in ejusmodi morbis non erunt improbandi. Hæc autem de stimulis interim, ad quorum classẽ cum revocandum sit, quicquid movet acrius, & doloris sensum vividiorẽ excitat, patent.

Pilorum evulsiones subitas, & vehementes ad stimulum pertinere, & a subita illa violentia fieri, ut nervi tendantur, aut etiam divellantur in minimis suis particulis, unde tremor vividior, & pressio, ac motio major. Utilis igitur, & adhibendus hic stimulus, & sæpius repetendus, & qua fieri potest, majori industria curandum, ut evulsio fiat toto impetu in puncto temporis, ut major, & validior fiat dimotio: & adhibendus in omnibus suppressionibus sensus, & motus, lethargo, apoplexia, &c. & ab iis partibus evellendi, in quibus naturaliter sensus acrior, ut a labro superiori, & sub axillis. Hæc igitur operandi ratio, hæc vis in evulsione pilorum.

Digitorum dimotiones, atque intorsiones dolorificæ ad eandem classẽ pertinent, & eodem modo operantur, iisdemque sunt adhibendæ morbis, ut ex se patet: hæc quoque si subito, & vehementius fiant, magis præsentis erunt utilitatis, & majoris efficacitatis. Atque hic intelligis, quæ sit ratio, & vis excitandi apoplecticos clave mascula, quam ipsi manu stringant, si aliquis eorum digitos complice; neque enim ulla vis est in clavi, sed tota efficacia est in violenta complicatione digitorum, quæ maxime dimovet, & spiritus per nervos in fluxum agit, unde excitatio, & musculorum contractio, seu motus. Qui autem, & quam acer excitetur dolor per

violentam dimotionem digitorum ad articulos, facile intelliget quisquis in memoriam sibi revocaverit, quam alte doleat, quoties, dum sanus est, digitos ad articulos ita dimovere tentat, ut ossa mutuo attrita, & affricta vehementer dent sonitum, quasi cujusdam follis subito cum impetu crepantis, & huic violento motui cum quiddam simile contingat in dimotione digitorum, cum hi in Apoplexia deprehensis difficillime moveri possint, patet quantæ motionis, ac violentiæ debeat esse ipsorum complicatio. Nos certe semel non quasi excitavimus iis morbis correptos per solam dimotionem, & intorssionem digitorum absque ulla clavi.

Titillationes, cum nemo noverit, quantum agitent totum corpus, non est cur multis prosequamur, aut ad stimulos pertinere pluribus admoneamus: faciendæ autem illæ in partibus, ubi sensus acior; movebunt etenim facilius, atque validius, aut in iis, in quibus minus ferre titillationes valeamus: illa enim repugnantia nihil aliud est, quam vehementior, & propterea molestus sensus, quem proinde ferre non possumus. Titillabis igitur sub plantis pedum præcipue; in iis enim solet esse titillationum sensus omni tolerantia major, sub axillis, ad narium foramina adhibitis majoris pennæ plumis, ad lumbos, & ad has alias partes summis digitorum monticulis, vel unguibus leviter allaberis. Vellicabis autem in iisdem suppressionibus sensus, & motus.

Odores acriores, graviore, vividiores, & ipsi sunt e genere stimulatorum; sensum enim afficiunt, & cum graves, acres, vividi supponantur, sensum etiam afficiant oportet vivide, seu moveant acriter, exprimant, &c. Et id quidem præstare poterunt absque eo, quod quicquam ex odore corpore villos subeat, sed solum urgendo, ut sensus omnes producantur, & pertinebunt ad stimulos simplices. Quod si aliquid ab odore corpore expiret, quod villos subeat, erunt stimuli cum fermento, a quo procedere poterunt illa omnia plus minus tuta, quæ a fermentis oriri possunt, ut in superioribus. Et hi igitur adhibendi in suppressionibus illis, & satis acres, atque agitantes sunt oleum Charabe, & spiritus Salis Ammoniaci. Hos autem omnes stimulos non ideo suppressionibus expositis sensus, & motus adhibendos, asseruimus, quod iis solum convenient; sed, quia cum usus tulerit, ut in iis præcipue adhi-

adhiberi soleant, facti ratio ostendi debuit. Cæterum in omnibus morbis, in quibus validius concutiendum est villorum genus, & ab iis dimovendum, atque abripiendum aliquid, videtur consentaneum, in usu esse posse stimulos expositos, & cum per eisdem dimoveatur etiam sanguis, convenire ipsos posse, affirmandum videtur etiam, cum quid intra vasa sanguinis dimovendum est.

Flagellis usos Veteres ad bonam habitudinem macilentis conciliandam, autor est Galenus 14. *Methodi* Cap. 16. & id operis factum asserit ferulis parvis, levibus, modice illitis, quæ gracilibus partibus incuterentur, donec modice intumescerent. Itaque & hæc sunt stimuli, qui per dolorem movent, & juxta ea, quæ in quarta parte hujus ostensa sunt, ad partem percussam per expressionem villorum proximorum colligunt, quicquid fluere potest. Bene autem jubere videtur Galenus eodem Capite, ut postquam pars percussa, & quæ melioris habitudinis facienda est, leviter intumuit, a percussione desistamus, ne quod attractum est, digeratur; potest etenim longiori percussione tanta excitari vis stimuli, ut vel per nimium calorem quicquid confluit, digeratur, seu absumatur, ut Galenus; vel fiat tam vehemens contractio, ut per expressionem eadem resolutio, & perspiratio contingat: dicebatur autem hoc remedii genus Epicruris, aut Catacruris: & patet ex demonstratis, vim operandi in ipso, quæcunque illa sit, sitam esse in derivatione liquidioris corporis ad partes macie tenuatas, easdemque per illius affluxum impleri, & melioris habitus fieri.

Quæcunque fortius hærent cuti, duplici de nomine ad stimulos pertinere possunt, vel quia dolorem pariant, dum hærent, vel quia eundem excitent, dum a cute sejunguntur: dolorem autem pariunt, dum sejunguntur, eo quod violenter fit illa divulsio. Hac ratione stimuli habendi sunt, seu dolorem excitant.

Picationes, nempe pix navalis liquida extensa super corium advolutum parti emaciata, quæ prius pilis abrasa fuerit, & postquam firmiter hæserit, maxima vi separetur, & avellatur. Hujus usus epicruris similis, & repetenda picatio diebus singulis, quousque pars rubescat, & intumescat, tum ab usu ejus desistendum iisdem de causis, ac in epicruris: est proinde mo-

dus operandi in picatione idem, ac in epicrussi. Sed & ad stimulos pertinet alia plicatio huic plane similis, quæ apud Veteres fiebat per illitum picis liquatæ in oleo, qua adhuc calida illinebant partem prius fricatam, detinebantque, donec frigeret, mox abripiabant, novamque sufficiebant, quousque pars ruberet, & intumesceret. Sed & hujus operandi ratio & vis partim ex hac doctrina stimulorum, partim ex doctrina frictionum superius exposita patet. Hic autem picis oleo liquatæ illitus Dropax Simplex dicebatur.

Sinapismi stimulant, seu dolent, & cum hærent, & cum abripiuntur, & dolorem excitat sinapismus, quia divellit filamenta vi Sinapis cum Caricis, ex quibus parabatur apud antiquos, atque ita fermentescebat, & stimulat divellendo villos cuticulæ, & cutis: nunc vero illi massæ ut adhuc violentius agere, atque divellere possit, additur fermentum, atque acetum scylliticum. Sinapismus igitur est stimuli genus non simplex, sed cum fermento, unde ab ipso omnia, quæ ab ejusmodi stimulorum genere. Cum autem sinapismi etiam

Rubificantia dicerentur, patet, ejusmodi medicamenta rubificantia ad stimulos pariter pertinere, & cum ita appellarentur, quod cutem rubefacerent, patet ex iis, quæ de epicrussi diximus, aut in quarta parte hujus ostendimus, quæ ratio sit producendi ruborem illum. Veteres autem, antequam sinapismum, seu rubificans remedium applicarent, agglutinabant cuti tanquam quiddam promovens operationem sinapismi.

Dropacis aliud genus, quod Compositum dicitur, eo quod non constet ex sola pice, sed ex hac ipsa, pyrethro, vel pipere, si calefaciendum erat; ex pice, bitumine, sulphure, & sale, si siccandum. Stimulus igitur etiam dropax compositus, & quidem stimulus cum fermento, cum pyrethrum, piper, sulphur, sal penetrare, & erodere possint. Patet igitur operandi ratio in dropacibus, sinapismis, picationibus, quæ stimulant vel hærendo cuti, vel cum abripiuntur, vel utroque tempore, & singula esse stimulos vel eum fermento, vel sine ipso. Quia vero etiam plurima alia applicantur cuti, iique hærent tenacius, atque agglutinantur, & dolent, vel cum hærent, vel cum sejunguntur, patet, illa omnia esse stimulos eodem modo operantes, ac dropaces, sinapismive, unde nil de iis ulterius. Quia vero, dum hæc singula hærent cuti, non respiciendo etiam ad do-

dolorem, quem pariunt, vel dum hærent, vel dum divelluntur, possunt præcipue in parte, cui applicata sunt, movere, liquidum facere, ad motum disponere, non secus, ac faciat missio sanguinis, quid id rei sit, & quo pacto possit contingere, superesset exponendum: sed quia illud ad stimulos non pertinet, rem exponemus inferius, ubi explicabimus modum operandi in ceratis, emplastris &c. quæ vel non excitant, vel necessarium non est, ut excitent dolorem.

Inustiones etiam quælibet, aut meri stimuli sunt, aut non sine stimulo: cum enim urere dicamus, tam quando actuali, ut appellant, igne, nempe per instrumenta candentia cutem urimus, quam cum per caustica applicata cuticulæ eandem a cute divellimus, notum est, neutrum fieri sine dolore, adeoque inustiones quaslibet non sine stimulo esse. An vero sint merus stimulus, ut dubitemus, faciunt eadem caustica, quæcum sint compositum ex rebus fermentantibus, esse fortasse poterunt stimuli cum fermento: quia tamen his uti non solemus, nisi in vesicantibus, quid de iis judicari possit, mox patebit. Reliquæ vero inustiones, quæ per actualem ignem fiunt, videntur puri, ac simplices stimuli sine fermento; neque enim quicquam occurrit aliud, quod operetur, præter ignem, eumque desinentem, statim ac cutem terebravit, neque in tam brevi applicatione, & mora ad contactum villorum, videtur verosimile, quicquam agere posse per eam, quæcunque est, fermentans in igne vis. Quia vero vehemens, & vividus est motus ignis, divellet ille subito cum impetu villorum particulas, & dimovebit valide, atque concutiet universum corpus, unde humorum liquatio, dimotio, derivatio in venas, evacuatio per emissaria naturalia, & per illum ipsum, quod factum est ab inustione: unde fieri poterunt in omnibus iis morbis, in quibus vivide movendum est, ut cum motus, ac sensus perditur: sic in doloribus ab affluxu materiæ, & decubitu ejus ad aliquam partem corporis provenientibus. Et quia, ut aiebat Hippocrates, *cum uruntur, humor exsolvitur*, in habitibus humidis solius diminutionis, & evacuationis gratia inustiones fieri poterunt. Eadem autem de causa in corporibus siccioribus atque adustis ab inustionibus abstinendum; tunc enim absumetur id, quod parum superest humiditatis, & adusta puriora, & magis acria, seu vividioris operationis re-

manent, seu, ut dicamus verbis Hippocratis, *quod liquidissimum est, atque aquosissimum, absuntitur, quod vero acerrimum, & crassissimum, remanet.* Itaque pariter in doloribus a siccitate provenientibus, quæ etiam esse sine materia potest, inuersiones locum habere non videntur; siccitatem etenim augebunt; sicut etiam cum loco movendum est aliquid plane compactum, atque densum, & majusculæ molis; per motionem enim a stimulo liquari illud, & loco moveri non poterit, nisi forte ab agitatione stimuli suboriatur in humoribus intima dimotio, ac fermentatio, durum illud dissolvens, quæ tamen ignota est, nec periculo vacans. Cum autem inuersionibus uti volueris, plures adhibebis, si operatione subita opus sit, & ad partes maxime sentientes, cujusmodi sunt membranæ ossibus superextensæ, & prope locum, unde movendum est, nisi periculum immineat nimii affluxus, vel tunc temporis hic nimius affluxus ratione majoris mali non sit curandus; & in privationibus sensus & motus inuersiones adhibere poteris ad futuras quaslibet cranii, & ossa ejus, cum inibi sit morbi sedes, & per futuras trajiciantur filamenta duræ matris, sicut per poros quoslibet ossium cranii. Aptius autem erit uti ferramentis candentibus, quam quolibet alio instrumento minus densæ materiæ, in iis enim magis stipatur, atque compingitur ignis, adeoque erumpit etiam confertior, seu majorem vim exerit, & stimulat acrius. Cum igitur ex inuersionum genere sint fonticuli, patet etiam

Fonticulos ad stimulos pertinere, & quidem sine fermento, cum fiant per ferramentum candens impactum cuticulæ, eorumque operandi rationem esse eandem, ac stimulorum omnium, & præstare illa, quæ de iis in genere ostensa sunt. Ex iis autem, quæ præmissimus de inuersionibus, patet, quando adhiberi possint minori cum periculo, & quibus in corporibus. Quia tamen emissaria fonticulorum angusta sunt, & non ita longo tempore post inuersionem cessat dolor, hinc minima materiæ quantitas evacuatur, unde plaga refriganda, & excitandus dolor quotidie, vel globuli stimulantés intra fonticulum gerendi, aut iidem agitandi, ac dimovendi, ut dolor exciteatur. Ratione autem exigui, aut nullius doloris minime dimovebunt, nec ita multum evacuabunt, unde geri, & conservari diutius poterunt absque insigni periculo. Quia tamen

evacuare semper aliquid, & per temporis diuturnitatem fieri potest, ut inter quosque villos etiam a fonticulo magis distantes materia, quæ exprimitur, sibi viam aperiat, & erodendo, hoc est, stimulo partes, quibus allabatur, exprimat, & humido absumpto, & evacuato duriores faciat, & veluti in callum convertat, & hoc sensim ad partes magis ac magis distantes extendatur, ita ut plurimi villi & partes corporis exprimantur, atque siccentur; hinc etiam si plaga non refrigescit, poterit siccari corpus, & aduri humores. Cum autem hoc periculum non immineri, aut declinari per potiones &c. potest, poterunt adhiberi fonticuli, & per longum tempus geri, quoties evacuandum est, aut loco movendum aliquid leniter, & quod intervallum temporis possit admittere. Fonticuli autem vera inflammatione per ambitum inflammantur non raro; quod unde, & quando contingat, patet ex iis, quæ de stimulis in genere dicta sunt. Sed & patet ex iis, quæ ibidem de productione vesicularum ab actu candentium, & de productione callorum diximus, cur fonticuli diuturnioris temporis per ambitum emissarii labrum veluti faciant durioris carnis, & quasi callosum; villi enim undecunque contracti per ambitum emissarii valide nituntur versus centrum ejus, & cum globus cereus, ligneus, cicer, &c. faciant, ne materies expressa intra emissarium derivari, & colligi possit, neque introrsum sub cute partes aliæ cedant; tota vis expressionis ad superiora vertitur, & partim evacuata, partim resoluta, opera perspirationis, liquidiori parte, remanet densissimum, quod concrevit, & duriores carnem efficit per ambitum aliquantisper assurgentem ad instar labri. Cæterum cum opus est acriori sensu, & ipsi excitari poterunt ad partes maxime sentientes, & ita perforari pellis, ut ignis deveniat ad usque contactum pelliculæ succingentis musculos, eorumque tendines, quod Viri etiam doctissimi in usum redigunt.

Setacei sunt fonticuli duplicis emissarii trajecto per majus, aut minus spatium sub cute crassiore filo serico, aut simili tenui funiculo. Cum autem illa trajectio fiat plerumque per ferramentum candens, vel non candens, sine ope alius fermentantis corporis, manifestum est, etiam setaceos esse e genere stimulorum simplicium, sed sine fermento, neque aliud, quam fonticulos duplicis emissarii. Setaceus autem unicus, etsi est fonticulus du-

plicis emissarii, non tamen vices gerit duorum solummodo fonticulorum, imo quilibet setaceus existimandus est æquivalere tot fonticulis, quot inuri possent in toto illo tractu, per quem sub cute trajicitur funiculus; per totum enim illum tractum divulsæ sunt villorum partes ab invicem, & excitatur dolor, & quantitas eorundem, quæ per singulas partes illius tractus æquales emissariis fonticulorum divellitur, non est minor quantitate villorum, qui divelluntur in eorundem fonticulorum emissariis: Itaque singuli setacei æquivalent pluribus fonticulis: quare ii adhibendi, quoties ingens dolor, atque dimotio, & liquatio, & solutio exigitur, vel maxima evacuatione opus est. A diurnitate autem eorum magis cavendum, quam a diurnitate unius, aut alterius fonticuli. Quia vero etiam in setaceis dolor cessat, tractum filum ab altero in alterum emissarium trahendum, ac retrahendum, sæpius allabendo, & affricando superficiem plagæ, quousque excitetur dolor intensior: detinendum autem filum intro, ne plaga brevi coalescat, quem etiam in usum globi, ciceres &c. detinentur in emissariis fonticulorum. Cætera ex fonticulis atque stimulis in genere patent. Et hi quidem sunt magis notabiles inurendi modi per ignem actuale: qui autem fiunt per caustica, sunt præcipue Vesicantia, in quorum compositione cum adhibeantur Cantharides, Euforbium, & alia plurima, quæ forte ultra vim stimuli, aliud aliquid præstare possunt in humoribus, videamus oportet, sintne, aut esse possint Vesicantia simplex stimulus, an etiam fermentanti alicui facultatitribuendum sit aliquod ex iis, quæ a vesicantibus producuntur. Primo autem vesicantia non operari sine stimulo, patere credimus; dolorem etenim excitant, & cum hic non excitatur, aut vesica non produci-tur, aut parum, aut fere nihil expurgatur, & nullius sunt utilitatis, fecus cum dolorem pariunt. Ad elevationem autem cuticulæ in vesicam aqua, & lympa plenam faciendam patet ex iis, quæ de callis, & vesiculis per attactum rerum candentium superius exposuimus, non esse opus aliquo fermento, sed igne, aut qualibet materia, quæ motu igni respondeat, & exprimit, & in iis, quæ vesicantia componunt, nihil non est acre, si semen Ameos excipias: hæc igitur interim, quæ a vesicantibus producuntur, pendere posse a solo stimulo, patet fatis. Quia vero vesicantium usus movet urinam sanguineam, hinc

hinc factum, ut vesicantibus tribuatur vis alia quædam, quam hic interea sub fermenti genere collocabimus, & hanc ajunt inimicam esse viis urinæ, Renibus puta, Ureteribus, & Vesicæ, quod has solum ulceret, & ex ulceribus sanguinem ducat. Hanc autem inimicam viis urinæ vim non totius vesicantis esse propriam asserunt, neque plurimum ex componentibus, sed solarum Cantharidum, quod equidem (undecunque proveniat cruentus ille mictus, de quo mox :) videtur satis certo suaderi. Si etenim, postquam cutis detracta est vesicantibus, iidem pulvere Cantharidum inspergantur, tum dolores lancinantes in vesica excitantur, mingunt cruentum, & reddunt cum urina pelliculas, quasi membranas erosas: si vesicantia applicentur, quorum compositionem non ingrediantur Cantharides, etiamsi cæteroquin fiat vehementiora, dolores illos in vesica non pariunt, nec urinam cruentam ducunt; cum tamen hæc eveniant, si vesicantia componantur ex majori dosi Cantharidum. Denique Cantharides per os assumptæ hæc eadem pariunt in urina, & viis ejus, dolores nempe in Vesica lancinantes, membranulas, & sanguinem cum urina ducunt. Hinc asserunt Cantharidum aliquid penetrare corpus, quod, dum sanguis circumfluit, & Cantharidum illud cum urina in Renibus secernitur, vel per vasa ad partes ducitur, suo peculiari fermento adverso solum urinæ viis easdem feriat, divellat, ulceret, sanguini e vasis effluxum aperiat, qui deinde mixtus cum urina reddatur. Nos autem a Cantharidibus illas viarum urinæ, & urinæ ipsius affectiones provenire minime dubitandum esse judicamus, cum experimenta superius exposita videantur rem plane conficere, sed an a peculiari inimicitia cum iis viis id proveniat, illud est, de quo dubitari posse credimus, & id omne a solo, ac simplici stimulo provenire posse, non penitus alienum a verosimilitudine judicamus. Et primo quidem illud etiam libens admiserim, Cantharidum aliquid subire corpus, tum quia eadem experimenta superius exposita videntur rem perspicue suadere, tum etiam, quia partim ex iis, quæ de Balneis superius disseruimus, partim ex iis, quæ inferius de medicamentis exponemus, patere potest ratio, ac modus, quo corpora applicata cuti etiam non detracta cuticula penetrare intro possint; hoc autem posito. Quoniam Cantharidum aliquid subit sanguinem; sunt autem illæ acre quiddam, ac vellicans,

sive erodens; si igitur jungantur intra corpus cum aliis corporibus maxime erodentibus, utraque vim suam augebunt, & magis erodentia evadent: ex his autem, quæ novimus intra corpus nostrum, nihil magis erodens est, quantum urinæ Sal, vel Urina ipsa, & hæc nullibi soluta, & sejuncta est a sanguine, nisi in viis suis, nempe Renibus, Ureteribus, & Vesicæ; igitur in his solummodo partibus acre illud Cantharidum sejunctum a sanguine intra Renes, & cum urina conjunctum vim suam exeret, quæ erit multo major, quam sola vis erodens urinæ naturalis. Hæc autem erosio, hoc est, divulsio partium vel fiet, quia partes illæ acres, & proinde satis mobiles, & fese adigentes ipsæ divellant villos, vel quia penetrando abripiant humidum, a cujus ablatione fit, ut in superioribus ubi de callis, divulsio cum vehementi contractione, & compressione villorum, vel utroque modo; quocunque autem modo id contingat, membranulæ per urinam reddi & sanguis poterunt absque ulla peculiari inimicitia, vel fermento, & quod ad membranulas attinet, manifesta res est; acres enim illæ partes erodent, seu abripiunt sensim, quod divulserunt, & facient, ut cum urina reddantur. Sanguis autem ab erosio partibus facile effluet, ut notum pariter. Sed illud ulterius assero, etiamsi nihil erodatur, posse sanguinem a renibus reddi per solam illam validam compressionem, & contractionem, quæ divulsioni inter duas quasque partes villorum succedit. Cum enim membranæ, ex quibus summi canaliculi sanguinis componuntur, sint tenuissimæ, fit inde, ut sanguis ipse facillime exsudare possit, & stillare in pelvim, quoties aliquanto validius premittur. Patet id in suctibus amatoriis, cucurbitulis, vibicibus, a quibus sanguis ad summam cuticulam sistitur nimis pressus, & propter crassioris membranæ obicem non exsudans, & per suctus exsudat etiam: quam facile igitur exsudabit a tenuibus, cujusmodi componunt summa vascula, & exstillabit in pelvim, cum nihil impediat? Ejus certe rei argumentum certissimum nobis suppeditant, qui equo corrente vehuntur non assueti, ita ut corpus totum valide succutiant: iis facile miætus cruentus redditur, ac purus sanguis, non alia certe de causa, quam quia illa succussionis vis premit sanguinem, & illa pressio conjuncta cum stimulo, qui fit continuo in renibus ab urina, hoc est, cum contractione adhuc vehementiore, expressit sanguinem in

pelvim: quod multo facilius contingere potest, ut patet, si illa succussio, & stimulus ab urina erodat, ac rumpat vasa, quod multo magis præstabit, quicquid est acre illud in Cantharidibus. Memini, cum lectica veherer æstivo tempore per meridiem, ita ut lumbos obverterem lecticæ parti, quæ a sole feriebatur, me in mictum sanguineum incidisse, qui sola quiete, ac refrigerio aëris sublatus est, ubi sane conjuncta cum fervore sanguinis contractio villorum per calorem major, & per illam auctam expressio major, & licet tum sanguis supponatur factus tenuior, & ideo ad effluxum e vasis aptior, nihil id cum Cantharidibus, quæ viis urinæ non sanguini inimicæ dicuntur, nec aliunde ulla earum innotescit operatio intra sanguinem; quare mictus cruentus, & membranulæ a Cantharidibus per solum stimulum ab earum partibus acribus, vel contrahentem, & comprimantem validius, vel etiam rumpentem vasa. Etsi vero dantur in corpore aliæ partes, in quibus fecernuntur humores acres, ac falsi non minus, quam urina, imo vero, qui vix ab urina differant, ut sunt glandulæ lacrymales, & sudorifluæ, nec tamen per eas sanguis excernitur, licet etiam per eas glandulas ferri debeat cum sanguine, quicquid est illud acre, quod in ipsum a Cantharidibus derivari supponitur; inde tamen falsitatis argui non possumus. Primo etenim partes subcutaneæ facere possunt, ut sanguis exilire non possit, ut non effluat in vibicibus. Secundo vero, quia cum illud Cantharidum, quicquid est, esse debeat alicujus determinatæ naturæ, secerni non potest, nisi in partibus determinatæ velocitatis, & pressionis, cujusmodi docet experientia, esse renes, cum per renes vis Cantharidum sese prodatur. Certe autem, etsi sal in sudore, & lacrymis continetur, sicut etiam aquæ communis plurimum, & hyeme plus mingimus, quia minus sudamus, æstate contra; non tamen inde fit, ut urina sit prorsus idem cum sudore, & lacrymis, cum horum neutrum flavescat, oleat &c. sicut urina, unde nec partes separantes sunt ejusdem conditionis, quare nec quicquid per renes expurgatur, per glandulas lacrymificas, aut sudorificas excerni poterit: cum autem sit evidens, vim Cantharidum per renes expurgari, non erit necessarium, ut eadem etiam fecernatur in recensitis glandulis, & quod inde fit, necessarium non erit, ut cum sudore, ac lacrymis reddatur sanguis per ves-

cantia, aut Cantharides. Videntur igitur Cantharides solummodo stimulare; ita tamen, ut illius stimuli materies per renes expurgetur, & adjunctum salî urinæ vellicet acrius, aut exedat vasa sanguinis, adeoque vesicantia esse e genere stimulorum simplicium sine fermento. Quod si innotescat, ultra hæc inesse Cantharidibus vim reddendi sanguinem ad effluxum magis dispositum, tum addi poterit fermenti vis, sed hæc non erit inimica viis urinæ: ex eo autem, quod ab usu Cantharidum fiat sanguis calidior, & majori vehementia motus, argui non potest hæc determinata vis in ipsis reddendi sanguinem fluxui magis aptum, cum sola vis simplicis stimuli ex superioribus id abunde præstare possit. Interim igitur existimabimus, vesicantia esse simplicem stimulum, nec Cantharides alia de causa venenum esse, nisi quia divellant villos, & vasa rumpant, non secus, ac eo de nomine venena etiam dici possent pugiones, cultri, globi plumbei ex tormentis explosi, percussiones vasa divellentes, & quæcunque alia effluxum sanguinis faciunt abrumpendo vasa ejus, unde motus vitæ supprimitur, & mors succedit. Itaque ex his patet huc similiter traductis, quæ superius de stimulis in genere differuimus, vesicantia haberi posse pro stimulis simplicibus, seu sine fermento, atque ideo vesicantium operationem esse movere, fundere, evacuare: & quidem hæc omnia maxime, cum per insigne spatium corporis stimulant, & plura simul applicantur. Dissipabunt igitur illa plurimum spirituum, atque humiditatis, sed & movebunt, & ad fluxum disponent vivide, & propter vim maximam stimuli erunt subitæ & præsentis operationis, quare iis morbis, in quibus plurimum ac subito movendum, cujusmodi sunt plerique eorum, quorum præ morbi vi salus in ancipiti, & fere conclamata est, adhiberi poterunt, dummodo nimia dissipatio spirituum non agat ægrum magis præcipitem in mortem, aut idem præstet absumptio humidi, quorum neutrum per medicamenta, & potiones reparari, aut declinari possit. Sed & dubium eorum usum faciet ignota intima dimotio humorum, quæ ab eorum agitatione potest oriri, & mutare sanguinem miris modis, quæ mutatio ad naturalem statum redigi per naturam, aut artem ulterius non possit. Cavendum autem a diuturnitate vesicantium; evacuabunt enim continue plurimum, & nihil non mali ab illa evacuatione poterit succedere, ut ni-

mia siccitas, & ab ipsa deinde generatio quælibet pravorum humorum, & fieri poterunt leucophlegmatici, tabidi, & hujus generis mille prodigiosa, quorum aliquot vidimus. Postremo vesicantia rubicundi coloris, qualis naturaliter se habentis carnis, boni ominis & fere tutissima; argumento enim sunt, sanguinem, qui eo colore carnem inficit, non esse corruptum, aut longe a naturali diversum; neque in membris esse obstructions eandem sanguinis corruptionem promoventes; neque similiter substantiam villorum esse corruptam, aut vitiatam; contra si sint nigra, livida, pallida, vel in ipsorum area, cæteroquin rubicunda, enascatur aliquid lividum, pallidum, nigrum, mali ominis & exitio esse poterunt; ibi enim corruptio sanguinis, aut villorum, aut rerum omnium: similiter si arida sint, malum; neque enim moventur liquida, adeoque vel quia villi contrahi non possunt, vel quia liquida ita durata sunt, ut ad liquidum redigi, & fluere nequeant; contra, si sint humida, & expurgent. Ex his autem ultro patent, quæcunque ad prænotationem ex vesicantibus pertinent; alia vero, quæ ad reliquas eorundem vesicantium affectiones pertinentia desiderare quis posset, ex generali doctrina stimulorum ultro patent.

De Medicamentis.

I. **C**UM vitiosus aliquis humor reperitur in corpore, neque extra ipsum alicunde derivatur, id vel ideo fit, quia nulla datur in corpore glandula, quæ humorem vitioso similem naturaliter separet, vel quia aliquid quomodocunque obstruens canales sanguinis, aut corpus glandulæ facit, ne idem humor trajici possit, & separari per corpus glandulæ, illi muneri cæteroquin aptæ, vel quia, etsi separatio contingat, datur aliquid canales derivantes quomodocunque obstruens, quod facit, ne derivetur, vel quia velocitas, quam concipit a corde & villis, non ea est, quæ in glandulis humores coherentes sejungit, aut ad nudum contactum permittim positos secernit, & ad usque emissaria canalium derivantium perducit, vel quia tam viscidus est, crassus, & quasi durus, ut fluere per canales nequeat, vel quia, etsi liquidior alicubi quacunque de causa detinetur, & coercetur, ne per canales fluere possit. Ex iis, quæ de separationibus a nobis ostenduntur, patet,

tet, ad cuiuscunque humoris, qui in glandulis secernitur, separationem & derivationem necessario requiri determinatæ cuiusdam compositionis glandulam, fluxum sanguinis liberum per corpus glandulæ, fluxum humoris secreti liberum per canales derivantes, & talem velocitatem sanguinis, ut per ipsam possit humor in glandulis secerni, hoc est, seungi a reliquis, & ad usque origines canalium derivantium exprimi. Sive igitur desit glandula, sive desit apta velocitas sanguinis, sive desit liber fluxus ejus per arterias, & corpus glandulæ, sive liber fluxus humoris per canales derivantes, humor extra corpus derivari non poterit. Quia vero deesse potest fluxus sanguinis, & humoris per canales suos, vel propter aliquid obstruens, vel quia humor sit viscidus, adeoque tam hærens membranis canaliculorum, ut per pressiones, & momentum proprium ab iis divelli, & fluxum concipere non possit; insuper, etiamsi sit maxime liquidus, potest, ut in tumoribus cum folliculo humores maxime liquidos continente (dantur enim & hujusmodi) colligi, & coërceri velut intra sinum ab aliquo compacto corpore, vel qualibet alia ratione prohibente communionem illi liquido cum vasis, adeoque minime fluere, & derivari; manifestum est, sive canales illi obstruantur, sive humor sit crassus, ac durus, vel etiamsi liquidus alicubi collectus, & prohibitus, ne fluat, tollendam derivationem ejus extra corpus. Quoniam vero nulla est glandula, quæ ita comparata sit, ut per ipsam unius simplicissimæ naturæ humor secernatur, & derivetur, sed in singulis sejungitur a sanguine humor ex pluribus naturis compositus, earumque naturarum coalitus & unio fit in iisdem glandulis, dum a sanguine illæ naturæ diversæ secernuntur ac sejunguntur; si igitur fiat, ut, dum glandula naturaliter operans sejungit naturas illas a sanguine, intra eandem glandulam ab eodem sanguine secernatur aliquid aliud, quod cum reliquis naturaliter in ea glandula secretis, & ad unionem redactis compingi possit, & derivari simul, intimeque permistum cum illo humore, qui naturaliter ab eadem glandula derivatur, esset quidem derivatum illud non naturalis aliquis humor, cum compositus supponatur etiam ex humore quodam, qui non pertinet ad naturalem compositionem illius, qui in data glandula generatur; esset tamen naturali illi humori similis, quoniam contineret omnes, vel plurimas partes ex iis, quæ necessario

requiruntur ad naturalem constitutionem ejus humoris, atque insuper, quoniam in illa glandula secerni potest, quæ in naturali statu permanens, non nisi unius naturæ humorem secernit, esset tamen non naturalis, sed vitiosus, quoniam etiam illud aliud contineret, quod juxta Naturæ leges contineri non debet in illo humore, qui per illam glandulam derivatur. Potest itaque glandula naturaliter se habens humorem ita vitiosum, ut sit illi similis, qui ab ipsa naturaliter producit, secernere, ac derivare, ejusque rei mille suppetunt argumenta in glandulis ferme singulis, & quæ evidentissima sunt: sic in glandulis salivam, & mucum ducentibus nemo est, qui non videat, quot veluti salivæ genera, & muci, seu pituitæ diversis temporibus reddamus, tenuem, crassam, pellucidam, albam, viridem, flavam, viscidam, fluxilem: ita se habet mucus intestinorum, ita bilis, ita urina, &c. Si igitur detur vitiosus aliquis humor in corpore, neque extra ipsum alicunde derivetur, & nihil obstruens adsit, detur apta velocitas sanguinis, apta humoris fluxilitas & libertas; nulla tamen detur glandula: quæ in naturali statu humorem vitioso similem secernat, humor ille vitiosus secerni, & derivari extra corpus non potest; quare patet tota propositio.

II. Cum humores vitiosi non transfluunt, non derivantur, aut licet sint fluxiles, alibi sistuntur per obstruens aliquid aut coercens; illius obstruentis, aut coercentis momentum non sit minus, oportet, momento eorundem humorum: cum eo tamen momento obstruens illud, aut coercens esse potest liquidissimum quidlibet atque *rarissimum*. Prima pars propositionis patet; sunt enim duæ facultates invicem contranitentes, obstruens atque obstructum, coercens atque coercitum: obstructum sistitur, & a motu quiescit; igitur obstruens vel est ejusdem momenti cum obstructo, unde utraque æqualibus viribus contranitentia quiescunt æquilibria, vel obstruens majoris est momenti, quam obstructum, & hoc adhuc magis urgebitur, & prohibebitur, ne in suum motum veniat, adeoque obstruens, atque coercens vel majoris, vel ejusdem momenti cum obstructo, coercitove, seu quod idem est, momenti non minoris, secus enim obstructum, atque coercitum, quod supponitur, non esset tale, sed superare resistantiam obstruentis, aut coercentis posset, & fluere, qua deberet:

quare patet prima pars. Affero jam licet obstruens illud, ut coercens esse debeat æqualis, aut majoris momenti, quam obstructum aut coercitum; obstructum autem illud, aut coercitum esse possit quantivis, & maximi momenti, adeoque momentum obstruentis debeat esse æquale, vel majus maximo: hoc tamen momentum tam ingens necessarium in obstruente corpore, reperiri posse in corpore quolibet liquidissimo, atque rarissimo, seu quod idem est, obstruens illud esse posse liquidissimum quidlibet atque rarissimum. Sit enim ad contactum alicujus canalis, vel intra ipsum, vel quatuor, aut plures canales confluunt, materies aliqua, quæ subito rareseat cum impetu, eaque sese effundat quaquaversum; fluat autem per eundem, vel per alterum canalem liquidum quodlibet, quocunque etiam maximo momento velocitatis instructum versus locum, in quo rarefactio illa & motus quaquaversum contingit. Cum igitur motus ejusmodi fiat per illam rarefactionem, quæ in diversis corporibus potest esse major, ac major tantum non immensum, poterit etiam esse major maximo illo momento velocitatis, quo liquidum versus locum rarefactionis fluere supponitur, & si majus esse potest, multo facilius dabitur æquale. Sit igitur alterutrum. Quoniam ad hoc, ut liquidum illud fluat, necesse est ex hypothesi, ut ad locum rarefactionis nihil impedimenti offendat; rarefactionis autem impetus quaquaversum ferens facit, ut corpus rarefactum moveatur etiam per eandem lineam affluxus ad partes affluxui oppositas, moveturque momento, quod non est minus momento liquidi affluentis; liquidum igitur affluens subsistat, oportet, seu fiat obstructio. Re igitur sic se habente, dabitur obstructio per rarissimum quidlibet, & quia obstruendi vis quantumvis maxima a rarissimo corpore proveniens non operatur, quatenus corpus illud rarum est, sed quatenus maximo impetu præditum, patet hinc, si detur liquidissimum quidlibet tanta velocitate instructum, ut impedire possit fluxus per eundem vel alios canales, etiam a liquidissimo quolibet obstrui posse canales cujuscunque datæ maximæ velocitatis. Hoc autem in animalium corpore fieri posse, patet ex vi spirituum musculos moventium, quæ tanta est, ut nulla sit data resistentia, quæ ab ipsis superari non possit. Itaque ea sit vis spirituum, ut validissi-

num quodlibet contractionis momentum in corde excitent; sanguis igitur summo momento velocitatis per arterias fluat, easque pari vi extrorsum urgebit, & cum vis sanguinis per venas sit minoris velocitatis seu impetus; arteriæ autem plurimæ sint ad contactum venarum; si igitur tanta sit trusio arteriarum extrorsum, ut prorsus comprimere possit venas, eadem saltem alterne occludentur seu obstruentur: cum vero propter vim spirituum cogatur cor frequentissime contrahi, fieri poterit, ut alternæ pressiones ab arteriis sint tam frequentes, ut venæ rursus comprimantur, antequam restitui possint, adeoque in perpetua obstructione persistant. Sed iisdem positis non succedat obstructio venarum sanguifluarum; erit per illas igitur velocitas maxima respondens, quantum per venas fieri potest, velocitati arteriarum. Si quæ igitur sunt liquida, quæ ex aliis canalibus debeant in venas derivari, & facere sibi locum intra easdem transverse trudendo, & loco movendo sanguinem, oportebit, ut superent momentum illud maximum, quo fluit, adeoque si derivanda illa liquida sint momenti minoris, non poterunt loco movere præterlabentem per suam directionem tanto momento sanguinem, neque e canalibus suis effluere, sed intra eosdem quiescent, ac fiet obstructio. Dantur autem huiusmodi liquida in animalibus, ut lymphæ ex ductu thoracico, & lymphaticis dextri lateris, & chylus ex eodem ductu; quare si detur sanguis ejusmodi momento velocitatis per venas fluens, illa liquida momenti tanto minoris in venas derivari non poterunt. Ulterius sit similiter ex. gr. sanguis liquidissimus quidem, sed tantæ quantitatis, ut omnia sua vasa ad summum infarciat: premet igitur summa vi, quicquid canalium vasis suis interjicitur, & si liquida per ipsos fluentia, vel naturaliter ad certum tempus fluxura sint minoris pressions extrorsum, sistet eadem, & vasa obstructa dicentur. Nec defunt harum rerum exempla; sic in plethora ad vasa vires deficiunt, licet maxima sit humorum copia, & ex eorum quidem genere, qui vires quascunque maximas exerunt, sed in eo statim vasa sanguinis infarciuntur, ut extrorsum trusa comprimant penitus capillares nervulos, per quos liquidum defluxurum in villos musculorum lentissimo fluxu fluit, similiterque comprimuntur iidem villi, unde utrique obstruuntur, subsistit liquidum, & vires exeri non possunt. Sed & varices sunt his

quid simile, copia enim sanguinis subsistit, extenditque venas, & fluxum per arterias ac venas impedit, & cum a nimia quantitate sanguinis proveniunt, ad velocitatem revocari possunt superius expositam, vel ad copiam similiter. Confirmantur hæc ulterius per illud elegantissimum, quod nos ostendimus de derivatione sinistræ venæ spermaticæ a sinistra vena emulgente, non autem a trunco venæ cavæ, ut in dextra spermatica contingit. Cum enim ex truncis descendantibus, venæ & arteriæ sinistrum locum teneat, qui arteriæ est, dextrum, qui venæ; si igitur vena seminalis sinistra ad sinistrum testiculum deducenda derivata fuisset a trunco venæ dextrorsum posito, perducere non potuisset sinistrorsum ad contactum trunci arteriæ absque eo, quod aliqua sui parte extenderetur supra vel sub trunco arteriæ, & in utroque casu major aut minor obstructionis necessitas, & minor quidem, si supra; major, si sub arteria a dextra in sinistram partem protracta fuisset; dilatio enim sola arteriæ extrorsum pressisset venam superexcurrentem, eadem autem simul cum obice spinæ multo validius adhuc eandem venam pressisset, si perducta fuisset ad sinistram partem sub ipsa arteria; quare patet per illud artificium natura cautum, ne a corpore liquidissimo, cujusmodi est sanguis arteriarum, fieret obstructio in vena seminali, per quam sanguis minimo momento velocitatis instructus refluit a testibus. Patet itaque, obstruens esse posse liquidissimum atque rarissimum, licet momentum obstruendi corporis sit quantumcunque maximum, quod erat &c.

III. Cum vitiosus aliquis humor reperitur in corpore, & medicamento opera extra ipsum alicunde derivatur, id vel ideo fit, quia ea sit medicamento vis, ut non mutata velocitate, & cohæsione humoris cum sanguine, novam glandulam & aptam separationi ejus producere, aut aliquam naturaliter in corpore jam existentem eidem separationi aptam reddere possit, vel quia velocitatem humorum ita cohæsioni, aut contactui eorundem attemperet, ut possit humor vitiosus per aliquam naturalium glandularum extra corpus derivari, vel quia tollat, quicquid obstruit vasa sanguinis aut canales derivantes, vel quia facit fluxilem humorem sui lentoris causa non diffluentem, vel quia removet, quicquid ipsum cæteroquin fluxilem in aliqua parte.

parte corporis sistit. Patent autem hæc omnia facile partim ex prima hujus, partim ex doctrina separationum; cum etenim ad humoris separationem a sanguine requiratur humor fluxilis certa quadam velocitate fluens, certo modo cum reliquis humoribus cohærens, & certa glandulæ fabrica, per quam iis conditionibus trajectus possit a reliquis secerni, atque insuper ut pateant, & pervii sint canales, humores separatos derivantes extra glandulam, patet, cum humor vitiosus reperitur in corpore, neque per vim corporis naturaliter se habentis extra ipsam alicunde derivatur; derivatur tamen adhibito medicamento, aliquam ex dictis conditionibus defuisse, quæ derivationi extra corpus necessariæ sunt, hoc est, defuisse glandulam, vel defuisse velocitatem, vel fluxilitatem, aut fluxum cum expositis cæteris, & cum medicamenti opera ille idem humor extra corpus derivetur, manifestum est, eam inesse debere medicamento facultatem, quæ vel novam, vel aptam glandulam possit producere, vel aliquam ex præexistentibus aptam reddere, vel attemperare velocitatem humorum constitutioni præexistentium glandularum, & cohæsionibus, & contactibus eorundem humorum, vel tollere quicquid obstruit aut sistit, vel fluxilem humorem facere; quare patet propositio:

IV. Cum humor aliquis vitiosus reperitur in corpore, & medicamenti opera extra ipsum alicunde derivatur, id ex eo fit, quia cohæsiō, aut permissio aliqua inter liquida, aut solida, aut inter utraque tollitur a medicamento, *vel ponitur*. Solidum in corpore hic intelligi volumus, quicquid non est liquidum, nempe villos omnes cujuscunque generis, membranarum, nervorum, muscutorum; imo etiam ad usque ossium: cohæsiōnem autem a permissione distinguimus, vel quo pacto distinguitur simplex contactus a contactu cum nisu in eundem, vel etiam si in utrisque contingat nismus, non sit mutuus partium se tangentium, vel quia, etsi mutuus sit, id fiat ex accidenti, & præter institutum Naturæ. Itaque asserimus, cum medicamenti opera humor vitiosus extra corpus derivatur, id contingere, quia aut villi, aut humores, aut utrique simul in suarum partium contactibus immutentur, quicumque ii contactus sint ante medicamenti applicationem, ita, ut quæ prius neque cohærebant, neque permiscebantur, fiant plus, minus, aut simpliciter, atque ex toto cohærentia, & permista, aut e

converso quæ prius cohærebant, atque permixta erant plas-
 minus, aut prorsus, vi medicamenti disjungantur & fecernan-
 tur. Quod etiam patet facile excurrando per singula, quæ su-
 perioribus propositionibus ostenduntur necessaria separationibus.
 Fac enim primo, ad separationem ac derivationem alicujus
 vitiosi humoris opera medicamenti faciendam requiri vel gene-
 rationem novæ glandulæ, vel alicujus præexistentis, talem
 mutationem in fabrica, ut per ipsam humor vitiosus excerni
 possit: patet in primo casu totam glandulam penitus compin-
 gendam, quod fieri non potest sine novis partium glandulam
 constituentium contactibus, cohæSIONIBUS, & permissionibus,
 cum hæc necessaria sint in cujuscunque compositi nova com-
 positione, & hæc quidem cohæSIO per medicamentum pone-
 tur, & ponetur inter partes solidas, cum ex earum genere sit
 glandulæ; & siquidem materies, e qua est formanda glandula,
 a reliquis humoribus corporis sit deducenda, idem medicamen-
 tum, per quod partes glandulam constituentes ad contactum
 veniunt, tollet easdem a cohæSione, aut permissione cum hu-
 moribus, a quibus deducitur. Quod si glandula aliqua præex-
 istens solum immutanda sit, id ex doctrina separationum fiet
 vel addendo alios canaliculos, vel jam fabrefactos extendendo,
 aut dilatando, quæ singula aut mutationem contactuum in vil-
 lis glandulæ exigunt, aut novæ etiam materiæ additionem, si
 novi canaliculi datæ glandulæ sint adjiciendi, Quare patet pri-
 mus hic casus. Neque admirarer, si alicui medicamento ines-
 set vis glandulam aliquam generandi, qui videam nescio quid
 ex cibo integra animalia, cujusmodi sunt Vermes, intra ven-
 triculum generare, in quibus sane non unica solum glandula,
 sed glandularum ingens numerus, & universa tam admirabilis
 compago corporis continetur, & videam insuper, si vera te-
 stantur Harvæus, & Cornelius, animalia intra aves generari per
 solum ingentem motum ab ipsis conceptum, a vehementi nem-
 pe agitatione humorum. Similem vero agitationem, & forte
 majorem, a medicamentorum viribus excitari, nemo est, qui
 non noverit: quare id, quod supponitur, non videtur habend-
 um prorsus inter ea, quæ fieri non possunt. Sit jam secun-
 do obstructus canalis aliquis, vel per velocitatem sanguinis a
 vehementissima contractione cordis conceptam, quæ prove-
 niat a vividissima contractione spirituum contrahentium, vel
 ob-

obstructus per alicujus liquidi in eodem canali, vel extra ipsum ad contactum, aut intra ad confluxum vehementissimam pariter effervescentiam quaquaversum valide nitentem, licet liquidum illud supponatur summe rarum, ut in secunda hujus exposuimus. Spiritus igitur illi, vel liquidum illud tantum, ac tam valide rarefcens erunt humores vitiosi, qui cum sint velocitatis naturali quacunque majoris, quæ reperiatur in corpore, secerni in eo statu, hoc est, cum eo impetu velocitatis in nulla glandularum naturalium poterunt, adeoque erit ille impetus, & rarefcendi vis attemperanda, quod fieri non potest, nisi prohibendo, ne rarefcere possint, hoc est, ne possint disjungi, atque divelli ab invicem, vel postquam illæ partes divulsæ, & disjunctæ sunt, easdem compingere, atque unire tenacius, ita ut per glandulas naturales naturali velocitate, vel alia aliqua fluentes sejungi, & derivari extra corpus possint. Hæc autem operatio nihil aliud est, quam positio novæ cohæfionis, aut permissionis inter partes illas; si igitur id contingat medicamenti opera, ponet illa novam inter compositas partes cohæfionem. Rursus sit cohæfio humoris vitiosi cum reliquis, ut data velocitate fluens per glandulam secretioni cæteroquin aptam, ab iisdem reliquis humoribus sejungi, secernive non possit, & supponatur non immutanda velocitas, erit igitur immutanda cohæfio, & siquidem sit major, quam quæ requiritur ad secretionem in data glandula cum data velocitate, fieri debebit minor, seu tollenda erit ex parte cohæfio, si minor, fieri major, seu ponenda. Denique si humor vitiosus non sit fluxilis, sistatur per aliquid durum alicubi, aut per quid durum obstruantur canales, hæc omnia medicamenti opera liquentur, seu solvantur, oportebit, hoc est, cohæfiones plus, minus, aut ex toto tollantur, in qua tamen operatione, sicut & reliquis superioribus fieri potest, ut dum cohæfiones inter aliquas tolluntur, ponantur inter alias, & e converso: quare patet propositio.

V. Cum medicamenti opera cohæfio, aut permissio illa tollitur, vel ponitur, medicamenti aliquid ad humores usque trahiciatur oportet, quod vel sit pars ejus instructa momento apto ad cohæfionem, aut permissionem illam tollendam, vel ponendam, vel quidlibet aliud diversum a medicamento, & quacunque ejus parte, ab ipso tamen concipiens *momentum simile*. Id vero facile evincitur; neque enim ulla cohæfio, aut permissio

mistio tolli potest, nisi superetur momentum, quo divulsioni resistit, adeoque quicquid cohærentia, aut permista disjungit, aut segregat, ejus sit momenti oportet, quod valeat superare momenta cohæсионum, aut permissionum: & e contra quicquid conjungit, oportet, ut sit momento instructum, quod requiritur ad unionem faciendam, & momenti aliquid necessarium est saltem ad removenda impedimenta, quorum resistentia fieri potest, ut duo quælibet corpora, quæ cæteroquin ex se ipsis in cohæсионem venirent, & suis naturalibus nisibus per eandem lineam ad oppositas partes nitentibus cohærent, aut cohæсионem non efficerent, aut ne quidem versus contactum moverentur. Cum igitur talis cohæсионum positio, aut ablatio medicamenti opera continget, oportebit, ut ejus vis ad usque corpora disjungenda, aut unienda deducatur ad hoc, ut in ipsa agi per contactum possit, adeoque hæc medicamenti vis vel inerat toti medicamento, quod ad usque divellenda, aut compingenda perveniat, vel alicui medicamenti parti, quæ illuc usque similiter traduci possit; & utrumvis supponatur, instructum etiam esse debebit illo momento, quod requiritur vel ad superandam resistentiam cohæсионum, vel ad cohæсионem producendam. Si vero vis ejusmodi non insit medicamento, aut partibus ejus, ut si penetrare non possint ad usque humores medicamenti opera extra corpus derivandos, oportebit, ut medicamentum subsistens ad eas partes, quibus applicatum est, cuilibet alii corpori a medicamento, suisque partibus diverso, quod tamen penetrare ad usque humores valeat, communicet illud ipsum momentum, quod requiritur ad cohæSIONES illas, & permissiones tollendas aut ponendas; cum enim medicamentum, & partes ejus ad usque humores pertinere non posse supponantur; humores tamen extra corpus deriventur medicamenti opera, neque derivari possint absque momento apto cohæSIONIBUS tollendis aut ponendis, patet, vim divellendi communicandam a medicamento cuilibet alii corpori, quod sit quidem a medicamento diversum; sed penetrare ad usque humores possit; patet itaque propositio.

VI. A medicamentis corpori ubilibet applicatis, siue interior, siue exterior, videtur traduci posse aliquid ad usque humores eo momento instructum, quod sufficiat cohæSIONI illi tollendæ, *vel ponendæ*. Loquimur hic de medicamentis cujus-

cunque generis, etiam purgantibus, seu solventibus, seu solutivis, ut appellant, quæ ultra primas vias ferri, existimare nefas vulgo est. De omnibus tamen primo dicimus, quod primo loco proponitur. Vix ullum medicamentum reperies, quod vel absolute siccum sit, vel absolute siccum applicetur corpori, & siquidem ejusmodi aliquod aut reperiri, aut applicari potest per spatium temporis, quo ad contactum corporis detinetur, brevi humescit per humores ad eam partem naturaliter confluentes, si interius applicetur; vel per partes humidas perspirationis, si exterius. Plura rursus sunt, quæ cum humidis, seu aqueis partibus oleagineas conjunctas habent, ut pingua omnia, cerata, unguenta, &c. sunt denique tantum non omnia, quæ ut careant his utrisque, vel alterutro, spiritibus non destituuntur. Quoniam itaque ex iis, quæ de balneorum usu, eorumque trajectione per cutim commentati sumus, patet, aquas per totam pellem interius ad humores usque duci posse; quæ igitur medicamenta aqueis etiam partibus componuntur, iisque liberis & fluentibus poterunt, ubilibet applicentur ad externam superficiem corporis, & ad ipsam per aptum tempus detineantur, transmittere ad usque humores easdem aqueas partes: pelliculæ autem intestina succingentes, ventriculum, fauces, nares, sunt ejusdem generis, ac cutis, & multo tenuiores, & aqueæ illæ partes possunt per cutem excurrere ad usque humores; igitur multo facilius, atque celerius altitudinem earum pellicularum penetrabunt; statim autem sub ipsis occurrunt vasa sanguinis, & ipsa ejusdem generis membranulis iisque tenuissimis comprehensa; igitur partes aquæ medicamentorum ad usque humores trajicientur. Et id quidem in medicamentis interius applicatis, ventriculo nempe, intestinis, faucibus, naribus eo facilius contingere poterit, quod calor in iis partibus vigens easdem partes medicamentorum aqueas tenuet, magisque mobiles, ac pervadentes reddat, oportet, quæ sane cum evaporare quodammodo per patentia non possint, calore quaquaversum urgente, ferenteque, facilius & citius adiguntur in vasa sanguinis vi caloris redactæ, velut in formam perspirationis, quam vel ex imis quibuscunque partibus corporis ad usque superficiem ejus agi posse per poros pellium, evicimus in statu nostro *de Villo Contractili*. In iis vero, quæ exterius applicantur, vis illa caloris penetrationem promovens vix notatu

digna erit; calor enim ab interiori corpore expirans trudet extrorsum easdem partes humidas, & a calore circumfusi medii vagante quaquaversum, abripiuntur facile per transversum, unde nisi diutius detineatur ad contactum superficiei corporis, vel operiatur re aliqua, quæ expirationem aquæ & medicamenti prohibeat, humorem subire difficile posse, existimandum videtur: posito autem illo impediante, non abripietur medicamento humor, aut ad ipsum medicamentum subsistet ille, qui cum perspiratione e corpore evaporat, eoque medicamentum conservabitur humidum, & aliqua ejus humoris pars poterit rursus intra corpus adigi. Humoris vero perspirantis aliquid ad medicamentum subsistere, vel experientia patere potest; Cerata enim diutius detenta ad superficiem corporis, in superficie sua corpus contingente, sunt magis humecta, quam in reliqua sui altitudine; si igitur interius, sive exterius applicentur medicamenta partes aqueas continentia, poterunt hæc subire ad usque humores, facilius, si interius; difficilius, si exterius applicentur; & frustra laborant, qui comminiscuntur oscilla vasorum, per quæ medicamentorum partes deriventur ad humores, cum membranæ omnes porosæ sint, & pororum foramina sufficiant ad derivationem earum partium ad usque humores. Non absimiliratione ostendetur, partes oleagineas medicamentorum ad humores usque perducere posse ex iis, quæ superius ostendimus de balneis olei similiter per poros cutis penetrantis, de quibus oleagineis partibus quantum existimandum sit, promoveri ipsarum penetrationem vi caloris, ex ibidem expositis abunde patet, parique ratione, ac de aqueis dictum est, intelligimus, faciliorem esse derivationem oleaginearum partium, quæ in medicamentis continentur, cum applicantur interius, quam cum exterius: hanc tamen penetrationem ab exterioribus partibus in interiores esse similiter possibilem. Postremo confirmatione non videtur indigere, spiritus medicamentorum esse eos posse, qui valeant ad usque humores sese agere, cum spirituum corpora sint quiddam omne fere genus impedimentorum eludens, ac superans, sese adigendo vel per tenuissimos quosque poros, vel sibi viam aperiendo inter duas quasque partes coherentes, & inter contactum nullum spatium relinquentes. Illud tamen solum indico, spiritus etiam minus elaboratos evanescere, etiamsi plures pelles superimpositæ, atque agglutinatæ,

vel corium crassius alligentur orificiis vasculorum spiritus continentium, iisdemque exactissimo quolibet artificio obturentur. Si igitur pelles ejusmodi, quæ insuper siccæ sunt, hoc est, pororum ac partium minus distractilium, non possunt cohibere motum, atque evaporationem spirituum; quanto facilius iisdem spiritus superabunt altitudinem tenuissimæ pelliculæ, cujusmodi est faucium, intestinorum, &c. quæ insuper mollis est, atque humida, hoc est, partium facillime distractilium, & aditum excursumque permittentium, vel altitudinem crassioris membranæ, ut cutis, quæ similiter mollis est, & facile distractilis? Quoniam itaque nullum est medicamentum, quod aut ex se aquam non contineat, aut per applicationem non humefcat, aut non contineat oleagineas partes, aut spiritus, aut horum aliquot, aut omnia; igitur medicamenta sive interius, sive exterius ubilibet applicata trajici poterunt ad usque humores. Dico secundo, positis pluribus medicamentis, quæ traducere non possunt ad usque humores aliud, quam partes, quæ sensu judicentur solum aqueæ, & a singulis diversis illis medicamentis, quæ aqueæ partes traduci posse supponuntur ad usque humores, sint etiam mole æquales; fieri tamen posse, ut aqueæ illæ partes, licet etiam æquales mole supponantur, sint diversissimarum plane facultatum, & cujuscunque maximi momenti. Sensus enim sapore, seu gustu excepto, aquam indicat a fluxilitate & perspicuitate, & omnia liquida, quæ fluunt, atque pellucunt instar aquæ communis, aqua dicuntur. Si tamen gustu examinentur, sensus ille a sapore deducit aliquid a communi aqua diversum in iis liquidis reperiri. Sed & sunt insipida plurima permista aquis determinatis, quæ communi aquæ non insunt, & determinatæ illæ aquæ per illam insipidorum intimam admixtionem ab aqua communi differunt, de iis proinde ne gustus quidem ferre potest judicium, easque ab aqua communi discernere. Certum autem est, aquas permistas salibus, aliisque notis corporibus, insipidis, trajectas per pelliculas etiam crassiusculas non secerni a permistis illis; sed totum compositum ex iisdem, & aqua simplici percolare, & id contingere multo certius, si trajectio illa semel fiat, & cum pressione. Itaque sint quidem medicamenta quotlibet, a quibus nihil derivari possit in humores præter simplicem ad sensum etiam gustus aquam, & portiones ejus derivandæ a sin-

gulis medicamentis supponantur æquales. Quoniam fieri potest, ut in singulis iis aquæ portionibus contineantur quidem etiam insipida, sed diversissimæ inter se naturæ, & eadem illæ aqueæ portiones ad hoc, ut ad humores deveniant, percolandæ sunt per tenuissimas membranas, quarum altissima est cutis; igitur insipida etiam illa contenta in aquis cum iisdem ad humores derivabuntur, in quibus illa producent diversissima, ac plus minus vivida, quæ necessario pendent ab actione eorum corporum, quibus aquæ portiones admiscuntur. Idem dicendum esse patet, de oleis medicamentorum ad sensum iisdem, & mole æqualibus; etiam enim olea per pelles, & crassa coria trahuntur cum iis omnibus, quæ intra se continent. Idem etiam de spiritibus statuendum; sunt etenim & ipsi quid compositum, & propter subitam penetrandi vim, ac vehementiam multo difficilius in transitu per pelles se jungi in partes suas poterunt, & alias traducere ad usque humores, alias extra membranas canalium relinquere. Ex his igitur assero jam tertio, quicquid sit id, quod a medicamentis traduci posse videtur ad usque humores, esse posse instructum momento, quod sufficiat superius expositæ cohæsioni tollendæ, vel ponendæ. Quod facile explicatu est. Sit enim tollendæ, vel ponendæ quælibet quantumvis maximi momenti cohæsiō; requireretur igitur aliquid momento maximo præditum, quod se inter duas quasque particulas momento maximo cohærentes adigat easque ab invicem extrorsum trumat, vel abripiat easdem a superficie extrinseca, & ad oppositas partes trahat, vel oblique eas extrorsum percutiat, quousque disjungantur. Vel e contra duas se junctas partes urgere, & premere in contactum, & ad eundem ipsas detinere valeat eodem semper momento maximo, si nisu proprio careant, vel si nisum habeant insitum, nec illum exercere possint in contactus, propter aliquod impedimentum maxime resistens, hoc ipsum maxime resistens exiget momentum maximum, ut amoveatur: notum autem est, nihil esse magis vividum aut majori momento naturaliter præditum, quam spiritus, sales liberi, & hujusmodi, & hæc corpora a medicamentis traduci ad usque humores posse videntur. Quod igitur a medicamentis traduci posse videtur ad usque humores, esse potest instructum momento, quod superius expositæ cohæsioni, & quidem quantumvis maximi momenti tollendæ, vel ponendæ

DE SANGUINIS MISSIONE. 205

sufficiat: qua in re illud insuper addendum, etiamsi quo tempore trahuntur medicamentorum salia, spiritus, &c. non sint tantæ libertatis, ut totam suam naturalem vim, & quanta requiritur, ad ponendas, vel tollendas cohæsiones illas, exerere possint: tamen dum præcipue per pulmones, & deinde reliqua viscera cum sanguine feruntur, posse ita solvi, ut quamlibet maxime vividam operandi potestatem acquirant, & quidlibet moliendi, quod quolibet momento maximo indigeat. Quare patet propositio.

VII. Etiamsi ponamus, a medicamentis nihil traduci posse ad usque humores exposito momento instructum, fieri tamen posse videtur, ut per medicamentum traducatur quidlibet aliud, ab ipso diversum, ad eisdem usque humores, cohæsioni, aut permissioni illi ponendæ, vel tollendæ aptum, & id fieri potest vel suppresso per medicamentum calore, qui continue e corpore naturaliter exspirat, vel suppressis aliis perspirationis partibus a calore diversis, vel iis non suppressis quidem, sed ab occur-su, & transitu per medicamenti corpus ita dimotis, per totam suam seriem ad humores usque, e quibus perspirant, continuam, ut in iis cohæsionem, aut permissionem tollere, aut ponere valeant, vel quia liquidum per omnia means, ac remeans, dum per medicamentum transit, aptum illi operationi momentum concipiat, vel denique quia medicamentum sit cum stimuli *sensu conjunctum*. Prima pars propositionis ostenditur per ea, quæ evincuntur sigillatim de succedentibus; si etenim ea singula, quæ proponuntur ex ordine, ostenderimus fieri posse, seu possibile esse, patebit, etiamsi nihil medicamenti trahatur in humores, ejus opera traheri aliquid aliud posse, quod valeat conjungere, disjungereque. Esto igitur cohæsiō aliqua, quæ tolli, vel poni possit virtute majoris caloris, quam qui naturaliter intra corpus continetur, dum corpus idem in perspiratione constituitur, & perseverat: sumatur autem medicamentum quodlibet, ut Ceratum ex. gr. exterius applicatum, quo fieri certo sciamus suppressionem perspirationis, & calidæ potissimum partis ejus. In eo igitur statu, & tota duratione ejus detinebitur sub arte ille calor, qui per totam illam extensionem temporis, quo medicamentum ad contactum cutis detinetur, exspirasset, quare calor universus, qui in corpore reperitur, per totum illud spatium temporis erit naturali copiosior,

atque validior: sed ad tollendam, vel ponendam cohæſionem datam requiritur ex hypotheſi calor naturali major; protracto igitur illius medicamenti uſu ad tantum ſpatium temporis, quod ſufficiat cumulando caloris momento, quantum data cohæſio poſtulat, tolletur illa tandem, aut ponetur. Contra vero ſi ad idem opus requiratur calor naturali minor, adhibe medicamentum perſpirationem promovens, & laxans fibras, caloremve reſolvens, ut balneum olei ſudorificum, &c. fiet, quod propoſuimus. Eodem modo liquet ſecunda pars; ſi enim cohæſio ponenda, vel tollenda non exigat caloris operam, ſed aliarum partium cum calore perſpirantium, adhibito medicamento, quod evaporationem calori permittat; non autem illis determinatis partibus conjungendo aut ſejungendo aptis, vel earundem perſpirationem faciliorem, citatiorem, & copioſiorem reddat, idem continget, ut patet. Jam vero neque caloris partes, neque reliquæ perſpirationem cum ipſo componentes per vim adhibiti medicamenti ſupprimantur, ſed ad primum occurſum, aut excuſum per medicamenti corpus primæ tranſpirationis partes medicamento occurrentes, vel per ipſum excurrentes ita dimoveantur, ut dimoveant etiam ſuccedentes ſecundas, ſecundæ tertias, atque ita deinceps ex ordine ſucceſſive dimovendo agitent totam ſeriem perſpirationis, quæ continua eſt ad uſque humores; igitur ad uſque humores perducetur vis ejus dimotionis, quam medicamentum communicavit perſpirationi, adeoque ſi vis illa ſufficeret cohæſioni, aut permixtioni tollendæ vel ponendæ, pateret, eandem tollendam aut ponendam modo, quem tertio loco propoſuimus. Primo autem dico, eſſe ejusmodi dimotionem per occurſum, aut excuſum intra medicamentum poſſibilem. Concipiatur enim quælibet ſeries perſpirationis continua, nempe cujus partes per ejus longitudinem diſpoſitæ ſint ad contactum mutuum, qui etiam ſi ſupponatur ſine niſu mutuo, ſatis eſt pro re noſtra: erit igitur illa ſeries continue e poris cutis, quaſi ſiphunculus aquæ, aut cujuſvis alius liquidi continue ex anguſtis canaliculis exiliens, vel inſtar fluminis, cujus per alveum profluens continue fluat. Quoniam igitur partes liquidorum per quamlibet directionem fluentium poſſunt a mutuo contactu dimoveri, abſque eo, quod earum fluxus intercipiatur, poſſunt magis comprimi, urgerique eodem fluxu ſimiliter perſiſtente, poſſunt etiam ita ſolvi, atque in directionem

nem contrarii fluxus agi, ut eodem tempore, & ad partes primo fluxui oppositas moveantur momento impetus concepti ab extrinseco, & fluant per directionem primi fluxus per ipsam raptæ a reliquis ejusdem liquidi partibus succedentibus; quacunque igitur ex his rationibus fluxus perspirationis contingat, vis ejus extendi poterit ad usque humores: potest autem talis fluendi ratio, nitendi aut dimovendi per solum occursum ad medicamentum, aut excursum per ipsum perspirationi communicari, ut aqua fluminum occurrens lapidibus per alveum dispersis inflectitur atque agitur, intorqueturque mille modis, & aqua e vasis effluens ab occurso alterius aquæ, in quam depluat, in minimas undulas pliculasque disponitur, & lapillus in profluentem projectus circulos excitat ad oppositas etiam profluentis partes; per solum igitur obicem medicamenti dimotiones, nisus, aut fluxus expositi contingere poterunt in perspiratione, & quod præcipue ad rem nostram facit, fiet productio in illo syphunculo perspirationis velut undarum, qualis in aqua defluente e vasis, quæ undarum productio, cum fiet cum nisu ad oppositas partes profluentis, sejungit ac solvit particulas perspirationis, inter quarum utramque nititur, & cum ejusmodi nisus extendatur per totam seriem perspirationis ad usque humores, pariter ad usque humores fiet perspirationis solutio, seu vis ejus ad usque humores pertinet; quare patet positum. Secundo autem dico, dimotionem illam perspirationis cohæssioni, aut permixtioni tollendæ, vel ponendæ posse sufficere. Perspiratio etenim est quid aqueum oleagineum, & spiritibus maxime refertum; hæc autem tria cohæssioni illi tollendæ, vel ponendæ sufficere ostensa sunt; quare perspiratio id ipsum præstare poterit, & id tum facilius continget, cum per nisum a medicamenti obice provenientem, factumque ad partes oppositas fluxui perspirationis, perspiratio eadem magis solvetur; tum etenim partes aptæ conjungendo, sejungendove liberiores & potentiores fient; quare patet, &c. Sit jam quarto liquidum per omnia means ac remeans ejus naturæ, comparatum cum natura medicamenti, quod applicatur alicui parti corporis, ut per ipsum transiens, ac deinde corpus subiens concipiat in excursu per idem medicamentum vim, qua cohæssionem illam tollere, vel ponere possit, manifestum est, ejus liquidi tollendam illam, aut ponendam; quam tamen vim illud liquidum non

non ex se habuerit, sed a medicamento conceperit. Mutari autem liquidum illud omnia penetrans posse, dum per medicamentum excurrit, patet. Primo, quia omnis mutatio sita est in mutatione impetus, aut momenti, & alterutrius, aut utriusque mutatio provenit ab excursu per corpora eidem excursui quomodolibet resistantia. Secundo, exemplo luminis, quod de facto mutatur, dum per vitra quomodolibet colorata trajicitur, & fit per viridia viride, per cærulea cæruleum, &c. Tercio, exemplo odorum, qui forte nihil aliud sunt, quam illud ipsum commune liquidum ex odore corpore effluens, quod in excursu per idem odoratum corpus talem impetum acquisiverit, qualis requiritur ad sensum odoris in nobis excitandum, & qualis odor, talia plurima in corporibus. Patet igitur, & quod quarto loco proposuimus. Postremo, sit medicamentum cum stimuli sensu conjunctum, dico, cohæsiorem aut permixtionem illam tolli, vel poni posse absque eo, quod quicquam medicamenti ad humores derivetur; sed aliquid aliud ab ipso diversum, ab ipso tamen vim operandi concipiens trajiciatur ad usque humores. Id autem patet ex doctrina de Stimulis superius exposita; agitatur enim stimulus qua liquida, qua solida, & solida agitata adhuc validius in ipsa liquida nituntur, & hæc validius compressa vim rursus majorem inferunt solidis, unde vicissim premuntur ac restituuntur, & ex illa mutua pressione & restitutione fit, ut plurimæ liquidorum partes inter duas quasque proximas, aut ad superficiem exterioram duarum quarumcunque non se contingentium nitantur introrsum, unde cohæsiō ac permixtio tollitur, vel ponitur, & id ipsum fieri patet a solidis in suas partes, dum dimoventur, & a liquidis in solida, & a solidis in liquida mutuâ actione; quare patet tota propositio. In Medicamentis autem cum stimulo conjunctis per diversa medicamenta diversi humores extra corpus derivari poterunt absque eo, quod eadem ad humores pertingant, sed aliquo ex modis expositis operentur; medicamenta enim illa, utpote diversa, diversimode communicabunt impetum corporibus penetrantibus, vel diversimode stimulant, & diversitas stimuli satis erit, cum & ipsa nihil aliud sit, quam diversitas impetus, quæ diverso modo nitatur oportet in ea, quibus ad contactum ponitur, (quæ ex doctrina fermentorum clarius) & tota res experientiæ erit, qua didicimus, per medi-

camentum tanti impetus, aut tanti stimuli hunc, aut alium humorem secerni, cum de hujusmodi humorum cohæsione & applicatione apti momenti nihil per scientiam sciri possit.

VIII. Vis tractorix, quæ in medicamentis communiter ponitur, non videtur ab institutis Naturæ tam aliena, ut negari prorsus, & irrideri mereatur; illa tamen etiam admissa, eæ sunt conditiones in corpore, ut minus facile a plurimis medicamentis exerceri *posse videatur*. Cum alterum ad alterum corpus sua sponte movetur, licet vita, sensu, atque anima careat, quorum vi cæteroquin motus ille fieri posset, dicuntur illa corpora, habere sympathiam inter se, & eo quod vis quædam trahens in ipsorum alterutro, aut utrisque vigeat, quæ possit eadem corpora magis ad invicem trahendo ducere, & ideo ad invicem accedere, & conjungi vulgo traditur crediturque, & vis illa facultas tractorix nuncupatur. Qua autem ratione ejusmodi facultas operetur, ignotum atque inexplicatum vulgo est, & obtrudunt qualitatem quandam, aut totam substantiam, quæ cum ultra nomen nihil habeant, nihil pariter ipsis immoramur. Quia vero re ipsa dantur corpora vita, animaque carentia, quæ ad invicem sponte moventur; si igitur facultatis tractoricis nomine contenti simus intelligere vim illam, qua duo corpora anima, vitæque carentia ultro ad invicem accedunt, quousque in contactum, imo etiam in cohæsionem aliquando veniant, nemini dubitandum, facultatem hanc tractoricem dari, cum notum sit ferri & magnetis conjugium, electri plurimarumque gemmarum, imo fere omnium durorum corporum, si leviter affricentur, vis, qua levissima quæque corpora proxime collocata movent, & ad suum usque contactum deducunt. At vero cum hujusmodi operationes fieri constet, per quid corporeum, aut pellens medium positum inter tractum & trahens, aut ipsius tracti particulas ita dimovens, ut suis singulæ axiculis ad trahens convertantur, & ad ejus partes moveantur, aut quid corporeum continue means, ac remeans per corpora trahentia & tracta, quod eadem ad contactum perducatur, ut olim de magnetis commentabamur: hinc patet id, quod tractionem appellavimus, tractionem re ipsa non esse, sed trusionem, pulsionem, certam quandam dispositionem motus a corporibus tractis, aut trahentibus, aut utrisque productam vi tenuiorum quorundam

corporum, quæ ex ipsis expirant. Hoc autem posito cum integrum cuique sit nomina ad arbitrium rebus imponere, si hanc pulsionem appellare velis tractionem, per nos licet, dummodo illud constet, tractionem quam tu nuncupas, esse motum factum a trahente per traductionem rerum corporearum ad usque tractum, nec in motu utriusque corporis ullas habere partes aliam qualitatem, aut quidlibet aliud præter expositos motus; & in hac tractionis acceptione asserimus, vim tractricem, quæ in medicamentis communiter ponitur, non videri ab institutis Naturæ tam alienam, ut negari prorsus, & irrideri mereatur, quod exemplo corporum se mutuo trahentium patet: eodem enim modo, quo magnetica ferrum, &c. manifeste se trahunt, cur fieri non potest, ut eodem modo, quo illa se trahunt, ita similiter medicamentum aliquod trahat humorem aliquem? Profecto quemadmodum a magnete expirat aliquid continue aptum movendo ferrum versus magnetem; non autem movendo lapidi, aliisque corporibus; quid prohibet, quo minus possibile sit, dari medicamenta, quorum expiratio possit versus eadem movere non hunc, sed alium humorem? Et obstat quidem experientia in medicamentis, qua nempe patet, Rhabarbarum ex. gr. etiam ad contactum bilis positum extra corpus, ne minimum quidem ipsam extra suum locum movere, adeoque quanto difficilius eam ad se trahet intra corpus, ad cuius contactum non perducitur, verum longe ab ea sistitur. Sed forte illæ sunt conditiones intra corpus, quæ vim Rhabarbari robovent faciantque, ut tum tantum ab ipso expiret corporis bilem ad se moventis, ut ipsam loco movere possit, & ad se trahere; cum tamen in aëre libero, & extra corpus, cum conditiones illæ desint, tanta collectio halitus haberi nequeat; profecto in magnete constat dari ejus portiones aliquas, quæ nihil plane trahant, quousque nudæ sunt; trahant autem plurimum statim, ac chalybe armantur, quod non aliunde provenit, quam a simili collectione magnetici spiritus. Quis igitur scit, an viscerum & membranarum involucra, & calor se habeant ad medicamenta, & eorum vim, ut se habet circumpositio chalybis ad magnetum, atque inde fiat, ut intra corpus suos humores trahant, extra non item? Posita igitur illa tractionis natura, ut corpus trahens immittat corporeum aliquid ad usque tractum, videtur non ita ridiculum saltem suspicari, num etiam in medicamentis tra-

tractio detur: licet tamen facultas tractrix hunc in modum accepta, & explicata daretur in medicamentis respectu humorum, assero, eas tamen esse conditiones in corpore, ut minus facile a pluribus medicamentis exerceri posse videatur. Esto enim, & detur ejusmodi facultas tractrix in medicamentis; ad hoc igitur ut intra corpus exerceri possit, & extra ipsum derivare humores cujusunque medicamenti tractioni proprios, oportebit, ut ex medicamentis traducatur corporeum aliquid ad usque humores tanti momenti, ut eisdem humores ubilibet positos movere versus medicamentum possit, eosque per membranarum poros exprimere, & superare resistantias omnes, quæ ejusmodi motui contrahuntur. Trahendi igitur humores vel sunt aliqui quiescentes, sed compacti & quasi duri, seu difficile mobiles, vel per canales fluunt liquidi similiter, & sejuncti ab aliorum particulis, vel tenaciores, aut cohærentes cum particulis reliquorum, & quomodocunque se habeant, vel sunt, aut fluunt in parte proxima medicamento trahendi, vel in remota. Sint primo quomodolibet, sed in remota: quis admittet, tantam inesse vim exilissimæ quantitati Caputpurgii ex. gr. alicujus, ut hoc ipsum intra ventriculum, aut intestina constitutum possit sua facultate pertingere ad usque caput, ad distantiam nempe ulnæ Florentinæ, ad cujus distantiam mensuram ne validissimi quidem magnetes etiam armati vim suam tractivam extendunt? Adde, deductionem illam a capite ad intestina fieri non posse, quin humor tractus transeat per quicquid est vasorum, & membranarum a capite ad intestina usque, quæ est resistantiarum multitudo maxima, & maxime vivida, cum ad poros singulos subsistere cogantur humores, & sui momenti amittere aliquid; insuperque cum humores crassi sint corpora non minimæ crassitie, nec maximi impetus, abripi, atque agi transverse possent, dum transfluunt per vasa sanguinis, & vim tractionis frustrare. Licet enim sanguini permisti deduci demum possent ad vasa intestinorum, ubi propter trahentis viciniam extra poros venarum virtute ejusdem trahentis duci, asserere quis posset, obstitit huic operationi ac motui, quod mox exponemus de humoribus trahendis, cum fluunt per canales, insuperque tractione non erit opus, si circa intestina sit glandula, quæ humorem similem illi, qui trahendus supponitur, naturaliter separet, cum hujus ipsius etiam separationi

apta sit. Neque ejusmodi prima dimotio a capite fieri facile poterit per attrahens, quando humor ibi coërcitus est, licet liquidius, cum superari debeat ingens resistentia coërcentis, neque cum est compactior & durior, & quiescens ob similis aut majoris resistentiæ impedimentum: & si fluit intra vasa, frustra aut fictitia est tractio a capite ad usque intestina per quascunque vias facta, cum humor expurgandus fluens cum sanguine brevi a capite deducatur in canales per intestina distributos: quæ singula quoad difficultatem trahendi, cum insignes resistentiæ superandæ sunt, quanti momenti sint, patet exemplo magneticorum, a quibus ferramenta detenta manibus, fixa vel quomodolibet impedita non trahuntur. In parte igitur remota constitutus humor, quomodocunque se habeat, minus facile videtur attrahi posse, etiamsi in adhibito medicamento supponatur vis trahens. Sit igitur in parte proxima, & sit aut liquidus, sed coërcitus, aut compactus & quasi durus: ut igitur uterque moveri possit, erit in liquido quidem superanda resistentia coërcentis; in duro vero resistentia compactionis, & hæc a medicamentis diu detentis ad contactum, & cohæsiorem partis fortasse protractione temporis possunt contingere; sed aliunde oritur scrupulus. Quæ medicamenta diu detinentur ad contactum corporis in ea parte, in qua quiescit humor, sive liquidior, sive durior, sunt unguenta, emplastra, cerata, cataplasmata, & hujusmodi; hæc autem nihil extra corpus trahunt; sed humores ad suppurationem perducunt, qui vel erodunt cutim, eamque perrumpunt, vel si id facere non possint, sectionem exigunt, vel eosdem humores ita tenuant, ut perspirando resolvantur; in iis igitur medicamentis, quæ diu ad contactum partis ab humoribus expurgandæ detinentur, vis tractrix locum non habet: reliqua igitur medicamenta, quæ minimo temporis intervallo ad eundem contactum detinentur, vi tanta trahendi pollebunt, ut resistentias illas brevissimo tractu temporis superare possint, quas alia non possunt, licet per longissimum tempus vim suam exerant in eadem. Etiam si igitur humores sint in parte proxima medicamento trahendi, & sint quidem liquidi, sed cohibiti, vel compactiores, & quasi duri, minus facile trahi posse videntur extra corpus a medicamentis etiam diu in tractionem nitentibus, nedum ab aliis nitentibus per brevissimum spatium. Sint igitur humores

trahendi, & proximi medicamento, & non quiescentes, sed fluentes per canales, resistentia igitur superanda per tractionem medicamenti mensurabitur a resistentia, quam parietur trahendus humor, dum ducitur per membranarum poros, & a momento cohæſionis cum humoribus reliquis: si igitur humor trahendus solum permisceatur humoribus reliquis, resistentia superanda erit minor: si cohæreat, major, & diversimode major, pro diverso momento cohæſionis; erit igitur etiam in hoc casu respiciendum ad has resistentias, comparandusque occurſus ad membranarum poros cum vi trahente, neque enim ille est minimus, & proinde aditus resistentiæ majoris, aut minoris cohæſionis momentum componet superandum a vi trahente, quod satis insignem illius trahentis facultatem exigit, & hanc admittere in tantilla mole medicamentorum non erit ita tutum, si cum magnis & validis etiam magneticis conferantur, quæ forte minoribus resistentiis cohibita ferraamenta loco non movent. Sed adhuc majorem difficultatem tractionis facit fluxus, qui in humoribus supponitur. Quoniam enim humor trahendus fluit per directionem canalis sui, ut autem ducatur extra ipsum vi tractionis ad superficiem ejusdem canalis operantis, necesse est, ut versus eandem superficiem moveatur, hoc est, moveatur transverse; momentum igitur transversus motus, nempe momentum tractionis, ad hoc ut humor per canales fluens extra ipsos trahi ac derivari possit, majus sit oportet momento velocitatis, qua idem humor per longitudinem canalis fluit; secus enim, nisi ejusmodi transversum momentum majus esset, humor trahendus ab humore profluente, seu momento velocitatis per longitudinem canalis per longitudinem ipsam abriperetur, nec permetteret humori transversum effluxum. Non solum igitur resistentia occurſuum ad membranas, & cohæſio cum humoribus proximis superanda est a tractione, cum trahendi humores fluunt; sed ipsum etiam momentum fluxus, quod sane momentum nisi subito superetur, poterit abriperere secum humorem, cæteroquin trahendum, ipsumque ita abducere a trahente per longitudinem canalis, ut ad illam distantiam vis tractionis non operetur. Ulterius si humor trahendus non sit positus ad superficiem canalis, sed ipsius partes medias occupet, vis fluxus inibi erit major, adeoque majori opus erit momento tractionis, quod adhuc alio de nomine sit majus o-

portebit, quantum scilicet requiritur ad perducendum humorem illum a medio canali ad usque superficiem ejus, in quo motu plures & validas resistentias patiatur, oportet, cum debeat excurrere inter duas qualque partes permistorum humorum, & inter eorum angulos, acies, superficies sibi viam aperire, quod nemo non videt, quanti negotii atque momenti sit. Forte autem huic facto adjumenti aliquid ferre potest circuitus sanguinis, qui pluries ac pluries refluens per canales eisdem facere potest, ut quæ partes in aliquibus circuitibus medium alicujus canalis occupabant, in aliis fluant ad superficiem ejusdem. Utcunque autem hac de re sit, satis patere videtur ex reliquis, etiam posita tractione in medicamentis, non ita facile a plurimis eorum, cujusmodi sunt, quæ non per longum tempus ad contactum partium persistunt, exerceri posse, & in illis etiam, quæ diu detinentur ad contactum, non esse ita certam tractionis operationem. Patet itaque propositum.

IX. Quocunque ex his modis præter stimulum, & tractionem medicamenti opera humor vitiosus extra corpus derivetur, in ea derivatione medicamentum nullas alias habet partes, quam ita disponere humores, aut glandulas, ut dum per ipsas fluunt, fecerni & amandari possint: ipsa autem derivatio est consuetum opus, & naturale singulis glandulis. In stimulis vero potest per vim contractionis & pressionis exprimi, ac derivari per exsudationem aliquid e liquidis confluentibus, eritque illa derivatio medicamenti magis propria, quod ipsum poterit contingere per vim *tractricem*. Hæc autem omnia ex præmissis ex se patent; quocunque enim modo ex demonstratis, exceptis tractione & stimulo, medicamenti opera humor vitiosus extra corpus derivetur, id fit, vel quia generatur apta glandula, vel aliqua ex naturalibus apta derivationi redditur, vel mutatur, aut temperatur velocitas cohaesionibus, aut hæ ipsæ tolluntur, aut ponuntur. Postquam vero medicamentum præstitit hæc, aut horum aliqua, nihil conducit ulterius ad secretionem & derivationem humoris, sed ipsæ glandulæ consueto, & naturali sibi more humorem illum segregant, atque amandant, adeoque medicamentum in derivatione humoris vitiosi aliquo ex datis modis comparata nullas habet partes præter eorundem humorum, & glandularum dispositionem aptam; ipsa vero secretio, & derivatio est opus consuetum, & naturale singulis. At vero

cum

cum per stimulum plurimum humoris ad partem stimulatam confluat, valideque prematur, & per pressionem membranarum pori laxentur, fieri illa laxatio tanta potest, ut vitiosus humor non per glandulas, sed per ipsos poros exprimatur; ac tum illa expressio ac derivatio extra corpus erit medicamenti magis propria, cum ipsius facultas stimulans sit, quæ confluxum copiosi humoris ad eam partem exigit, & vividam villorum contractionem, ex qua pressio, & laxatio foraminum. Quod vero hic de stimuli operatione supponimus, patet ex superiori doctrina stimulorum. Similiter si medicamentum per tractionem operetur, derivatio humoris vitiosi extra corpus esset ejus maxime propria; imo ipsius unice propria in hoc solum casu, tractio enim ne stimulum quidem supponit, qui exigit necessario majorem affluxum liquidi ad locum stimulatam, & majorem contractionem, ex quibus oritur major & valida pressio, & ex hac demum laxatio foraminum, & expressio, ac derivatio humoris; applicatio autem solius vis trahentis evocat, educitque humores e canalibus per poros membranarum absque ulla cujuslibet alius facultatis opera; quare patent ex se ipsis omnia.

X. Quocunque ex his modis præter tractionem vitiosus aliquis humor derivetur extra corpus, necessarium non est, ut inter reliquos præextiterit, qualis derivatur; præextitisse tamen in humorum massa, qualis derivatur, asserendum est, si medicamenta operantur per eam tractionem, quæ *circumfertur*. Nihil aliud sensu patet post medicamentorum operationem, quam derivatio alicujus liquidi extra corpus, quod proinde liquidum a medicamento quomodolibet operante extra corpus derivari, merito asserimus. An vero illud liquidum, quod medicamenti vi extra corpus ducitur, intra idem præextiterit, quale amandatur opera medicamenti, hoc sane sensu non patet: neque solum sensibus ignotum est, verum insuper, si rationis momentum est attendendum, dubitare jure possumus, num quod derivatur, fuerit sub alia specie intra humorum massam, & medicamenti vi quocunque ex modis expositis præter tractionem operantis mutuetur in humorem ejus generis, cujus esse dicimus, cum excernitur. Et sane cum ex hætenus ostensis, quocunque modo operentur medicamenta, debeant cohæsiones tollere, vel ponere, vel utrumque præstare, aut inter solida, aut inter

li-

liquida, aut inter utraque; igitur in quacunque ratione operandi per medicamenta continget solutio, & compositio aliqua in liquidis, aut utrisque. Et fieri quidem potest, ut solutio, aut compositio, quæ contingit, eo solummodo spectet, ut humor vitiosus præexistens, qualis excernitur, fiat separabilis, & derivabilis extra corpus, & solutiones illas, aut compositiones exigit, ad hoc, ut liberari a cohæSIONIBUS partium contingentium, & expurgari valeat; sed quia fieri etiam potest, ut per ejusmodi solutiones, & compositiones generetur humor, qui is ipse sit, qui expurgatur, (cum omnis generatio sit solutio, & conjunctio) hinc dubitare merito possumus ac debemus, num qui humores medicamentorum opera extra corpus ducuntur, præextiterint intra ipsum, quales excernuntur, an eorundem medicamentorum vi solvente, ac componente totam humorum massam in novam habitudinem generetur ille, qui expurgatur. Est igitur talis partium humores omnes constituentium compositio non naturalis, quæ eorum universam molem, aut aliquam partem, aut partem aliquam solidam a naturali statu deflectere, & ægrotare cogat; per observationes autem didicerit Medicus, ejusmodi non naturalem liquidorum, aut solidorum habitudinem medicamenti opera humorem quendam e corpore ducentis tolli; medicamentum autem nihil aliud in liquidis illis, aut solidis male habentibus facit, quam ablationem, & positionem talium cohæSIONUM in humoribus singulis, ut per illas apte singuli compositi sint, & in statu naturali, idemque contingat in solidis. Dum autem medicamentum naturales illas cohæSIONES molitur, producit humorem quendam, qui vel per expressionem & exsudationem, vel per veram separationem in glandulis extra corpus derivari possit: manifestum est, Medicum ad pauca respicientem, cum viderit humoris expurgationem medicamenti usui succedentem, & ex his humorum, aut solidorum redactionem ad naturalem statum, pronunciatum, ab eo humore intra corpus præexistente, qualis educitur, pependisse statum non naturalem corporis, cum tamen ille, quatenus talis, nihil partium fortasse ea in re habuerit; sed tota res sita fuerit in non naturali liquidorum, aut solidorum compositione, qua per medicamentum ad naturalem statum redacta producat ille humor, qui excernitur antea non existens, qualis redditur: quod equidem cum pateat esse factum possi-

possibile, manifestum est, non esse necessarium, ut quocunque ex modis superius expositis medicamento opera humor vitiosus extra corpus derivetur, intra ipsum præexisterit, qualis excernitur. Si autem velis, plurima, eaque elegantissima, & maximi momenti argumenta, quibus evincitur in genere, necessarium non esse, ut quæ educuntur ex compositis alicujus agentis opera, in iisdem præexistant, qualia educuntur; sed talia generari posse opera ejusdem agentis, adi Robertum Boyle in Chymista Sceptico *parte* ejus præcipue *secunda*. Quoniam vero tractio fieri supponitur inter similia, & ideo medicamenta hunc aut illum humorem trahere dicuntur; quia hic aut ille humor actu similis est huic vel illi medicamento trahenti; cum igitur medicamenta operari supponuntur per tractionem, ex hac ipsa positione tractionis non nisi in simile actu existens vim suam exercentis, evincitur, asserendum esse, quoties medicamenta per tractionem derivant extra corpus humorem aliquem, hunc præexistere debere intra ipsum, qualis excernitur; secus enim tractio nullius esset facultatis, cum illa non agat, nisi in simile actu existens; quare patet quod proposuimus.

XI. Si vera sunt, quæ a plurimis Chymicis asseruntur, posse a medicamentis purgantibus vim stimulantem auferri, salva interim purgandi facultate, multo minus molesta, & multo magis tuta esset purgatio; licet autem vis stimulanstolleretur, salva purgandi facultate, adhuc tamen semper cum gravibus mali suspicionibus conjuncta *purgatio*. Etsi videtur audax sponso, quæ sit a pluribus Chymicis, notum scilicet ipsis modum, quo a medicamentis solventibus auferri possit vis dolorem excitans, seu stimulan, absque eo, quod amittant solvendi facultatem; neque enim ratio movendi corpus in sola medicamentorum facultate absolute continetur, sicuti nec ratio, qua quid dolorem excitat; sed utraque facultas refertur & ad humores, & fabricam nervorum, & corpus, pro quorum diversitate fieri potest, ut etiam illa, a quibus arbitramur ablatam facultatem dolorificam, dolorem pariant, unde non videtur, nisi minus tute pronunciatum, posse ejusmodi facultatem absolute tolli a medicamentis solventibus, ita nempe, ut a quocunque, & quocunque tempore ac loco sumantur, absque ullo stimuli sensu operationem suam, & vim exerant. Etsi, inquam, ejusmodi promissio videtur audacior, tamen, ut hoc etiam concedatur Chy-

micis, illud asserimus, sublata a medicamentis stimulandi facultate, salva vi altera purgatrice, esse quidem purgationem multo minus molestant, magisque tutam, adhuc tamen semper esse conjunctam cum gravibus mali suspicionibus. Et quidem multo minus molestant futuram purgationem, patet; deesset enim dolor, qui a vi stimulante producitur. Multo autem magis tutam, patet primo ex doctrina stimulorum, qua constat, partes solidas etiam a stimulo plurimum dimoveri, concuti, atque dissolvi, ex quibus solidarum partium concussionibus, solutionibusque quid non mali timendum est? Similiter agitationes, dissolutiones, mutationes contactuum, violentiæ, expressiones liquidorum a stimulis pendent, ut in eadem doctrina exponitur, ex quibus pariter ibidem patet, quantum periculi imminere possit, adeoque sublata a medicamentis vi stimulante, horum omnium malorum causa cessabit, eritque proinde magis tuta purgatio. Quia tamen ex iis, quæ per totam hanc dissertationem de medicamentis exposuimus, patet, a medicamentis, non quatenus vi stimulandi præditis, sed solum quatenus derivantibus humorem aliquem absque stimulo, poni, aut tolli co hæsiões inter liquida, aut solida, aut inter utraque, & tollere, aut ponere co hæsiões idem est ac dissolvere, in aliam naturam componere, mutare contactus, agitare; &c. quæ necessaria sunt ad tollendam, vel ponendam co hæsiōnem, vel ejus positionem, aut ablationem, necessario comitantur, aut subsequuntur; patet a medicamentis etiam quatenus non stimulantibus fieri concussiones, agitationes, productiones novas in humoribus, & partibus solidis corporis: ejusmodi autem motiones cum incertæ sint, & infinitæ, inter tam immensam varietatem possibilium mutationum certum est, plurimas esse debere noxias corpori, cum ipsius naturali statui naturalis illa unica conveniat, (esto, illa latitudinem habeat, nec in individuo consistat; latitudo tamen illa est semper sub eodem genere, & mutationes illæ possibiles sunt toto genere diversæ); adeoque cum per quodlibet medicamentum veniat corpus qua liquidis, qua solidis sui partibus in motiones nobis ignotas, incertasque, purgatio a medicamentis facta etiam vi stimulante spoliata erit semper conjuncta cum gravibus mali suspicionibus. Neque est, quod quis existimet, per observationes certo constare, motiones, quæ a purgantibus proveniunt, esse determi-

natas ac Medico notas, certasque; quis enim est in arte Medica leviter versatus, qui non viderit, quam diversa ab eodem purgante a diversis hominibus, imo etiam iisdem, sed diversis temporibus, ac locis assumpto producantur? Cum igitur etiam praxis diversitatem hanc, & nobis ignotas ostendat esse motiones, quæ a purgantibus in corpore proveniunt, patet undecunque, quod proposuimus.

XII. Purgatio esse quidem potest loco venæ sectionis, & si conjungatur cum insigni stimulo, esse potest æque expedita, ac venæ sectio; sed est venæ sectione semper periculosior, & eo magis periculosa, quo *expeditior*. Quoniam purgatio ducit humores extra corpus, & illi educuntur e vasis sanguinis, & hujus nomine intelligimus, quicquid in vasis sanguifluis continetur, igitur purgatio minuit quantitatem sanguinis, quam cum & minuatur venæ sectio, ejus loco poterit esse purgatio; cum vero purgantia plurima cum stimulo conjuncta sint, & per stimulum fiat valida expressio, atque dimotio etiam viscidiorum summis vasis hærentium, poterit & hoc de nomine esse purgatio loco venæ sectionis, cum & hæc ipsa abripiat e summis vasis. Tum tamen videndum, num humor aqueus, vel quicquid id est maxime liquidum, quod per purgationem excernitur, sit tantæ copię, ut reliquos humores reddat sicciore, & illa summis vasis hærentia tam exsiccet, ut dimoveri, atque abripi per vim stimuli non possint: tamen & in hoc casu esse poterit loco venæ sectionis, quatenus & per ipsam intime dimoveri potest sanguis, & calidior, & siccior fieri, nisi quod sanguinem a purgantibus dissolvi posse, & miris modis mutari, ac fermentescere, patet ex expositis; imo vero per venæ sectionem mutatio, solutio, fermentatio sanguinis incerta est, per purgationem certa. Sed & ex hac certa vi dissolvendi, mutandi, fermentandi, quæ inest purgantibus, patet ita mutari posse sanguinem, ut etiam si per medicamentum non derivaretur extra corpus pars humorum calidior, unde reliqui refrigerarentur; refrigeraretur tamen sanguis a purgante, si ita per ipsum mutaretur, ut sisteretur calor, sicut etiam humesceret absque eo, quod humor, & humida pars liberior, aut sejunctior fieret a siccis, vel absque eo, quod ista expurgarentur, si per fermentationem, aut solutionem a purgante factam sicca etiam fundederentur, seu liquarentur. Tam per stimulum, quam per mu-

tationem humorum potest augeri velocitas sanguinis, quoties illi fiant vel aciores, vel spiritibus copiosioribus, sicuti sola diminuta quantitas sanguinis potest ex præmissis propositionibus reliquo majorem velocitatem conciliare. Esse igitur potest purgatio pluribus de nominibus loco missionis sanguinis, & cum ex doctrina stimulorum pateat, vehementes stimulos etiam subito movere posse corpus, aut non longiori temporis spatio, quam quo moveat, & suos effectus pariat venæ sectio in productione suæ operationis. Quia vero quicquid est suspicionis in missione sanguinis ad solam fermentationem non naturalem, quæ possibilis per ipsam est in reliquo sanguine, redigitur, & hoc uno de nomine periculo non vacat; si igitur hujus mali suspicionem careret purgatio, illa potius adhibenda, quam venæ sectio, cum purgatio cæteroquin ejus loco esse possit. Sed res e converso se habet; suspicio enim illius mali a missione sanguinis est suspicio rei possibilis, non tamen necessario provenientis, aut necessario conjunctæ cum qualibet missione sanguinis; in purgatione autem necessarium semper est, ut superius ostendimus, sanguinem solvi a naturalibus cohæSIONIBUS, seu recedere, & dimoveri a sua compositione; in purgatione igitur periculum erit certum, in venæ sectione dubium, hoc est, erit purgatio venæ sectione periculosior. Cum vero per stimulum augeatur vis cohæSIONES mutans, si purgatio conjuncta fuerit cum dolore, seu vi stimulante, eo erit periculosior, quam venæ sectio, & cum per stimulum sit expeditior, erit purgatio semper venæ sectione periculosior, & eo magis periculosa, quo expeditior, quare patet, quod proposuimus. Hæc igitur de medicamentis, sub quorum nomine cum comprehenderimus omne medicamentorum genus, quod e corpore derivat humorem aliquem vitiosum, undecunque illa derivatio contingat; derivent autem etiam, quæ per extrinsecam impositionem suppurant, quæ salivam movent, ori aut faucibus imposita, quæ eutem inungunt, quæ vomitum, quæ alvum cient, denique moventium alicunde medicamentorum omne genus, patet, eorum singula quousque esse possint loco venæ sectionis, & quæ ratione derivationes suorum humorum extra corpus præstent. Sunt autem singula, quæ in propositione recensuimus, breviter percurrenda, & quæ sunt singulis propria, ex generali exposita medicamentorum doctrina paucis ostendenda. Itaque

Cerata, emplastra, linimenta, unguenta, cataplasmata, & quæcunque applicata cuti humores sub ipsa collectos ad suppurationem perducunt, digerunt, concoquunt, resolvunt, etiam rationem stimuli nihil hic attendendo, quem plura ipsorum habent, vel habere possunt conjunctum, aut cum applicantur, aut cum divelluntur, subire cutem poterunt suis partibus aqueis; oleagineis, aut spiritibus, dummodo tamen horum singula non sint ita in ipso applicati corporis composito tam illigata, atque coercita, ut neque ex se ipsis, neque per pressionem medici possint intra cutem adigi, vel non sint tantæ tenuitatis, ut vis caloris ambientis, atque pressionis illas partes aqueas, oleagineas, aut spiritus huc illuc agitare, & extra applicatum corpus facilius evaporare faciat, quam intra cutem penetrare. Et hæc quidem agitatio, & evaporatio per aërem facile contingere poterit in iis applicatis, quæ sunt maxime liquida, ut fomenta, epithemata, & hujusmodi; illa vero suppressio, & illigatio in emplastris, & ceratis siccioribus fieri ita poterit, ut partes cæteroquin penetraturæ, si liberæ essent, non possint superare resistantiam, quam undecunque patiuntur a partibus crassioribus, tenacioribusque motum & diffuxum impredientibus. Nisi igitur hæc impedimenta & mala vitentur detinendo diutius emplastrum &c. ad contactum cutis, ipsumque removendo, ita ut quæ paucæ partes emplastri primo mo-
liuntur penetrationem, per diuturnitatem temporis, ac novam applicationem a paucis aliis continue succedentibus urgeantur, quousque demum aliquæ saltem subeant, operatio ejusmodi medicamentorum exterius applicatorum pendebit vel a suppressione caloris perspiraturi, qui ex superioribus, si detineatur intra aliquod corpus, quod per additionem illius caloris fundi, digeri, concoqui, suppurari possit, humorem sub cute detentum removebit, vel a suppressione alicujus corporis a calore diversi, &c. quæ ex superioribus patent. Humor autem sub cute resolutus poterit expurgari per quamcunque partem corporis, aut evaporando per totam cutim, prout in illa resolutione mutatur in aliquid perspiratione evaporabile, vel amandabile per glandulas salivæ, urinæ, bilis, &c. Similiter

Inunctiones Mercurii, & iis similia eodem modo operari possunt, & licet exterius applicata movere humores, vel fluentes, vel quiescentes in quibuscunque imis partibus corporis, vel quia

ipsæ penetrent, vel quia aliquid supprimatur, vel quia, quæ expirant, immutentur ad usque humores, vel quia quæ meant, ac remeant, mutandi vim secum asportent ab applicato corpore, dum per ipsum intra cutem aguntur; & in omnibus, quæ exterius applicantur, fieri quidem posse patet, ut moveantur, atque expurgentur humores, a quorum expurgatione succedat salus; non tamen inde deducendum medicamenti vim recta a cute, ubi medicamentum ipsum applicatur, ad partem affectam trajici, nec ad alias partes corporis derivari; sed ad illam solam, in qua supponatur coercitus humor vitiosus. Primo etenim cum a cute ad profundam aliquam partem plurimum altitudinis medium sit, in qua innumeræ arteriæ, ac venæ continentur, fieri non poterit, ut vis medicamenti, antequam ad profundam illam partem deveniat, vasa sanguinis non subeat, intra quæ statim ac derivata est, fieri poterit, ut transverse agatur a præterfluente interim sanguine, & cum ipso per vasa omnia ducatur, quousque demum fluat etiam per canales illos, ad quos, vel intra quos humor noxius contineri supponitur, ac demum inibi suam operationem exerat. Itaque cum ista contingent, satis erit, si applicati illius remedii vis tantillum penetret superficiem corporis; statim enim vasa sanguinis occurrunt; ex superioribus vero fieri & illud poterit, ut ne tantillum quidem medicamenti ad affectam partem cum sanguine derivetur, sed statim ac tantillum illud penetravit cutem, & sanguinem subiit, totum sanguinem subito sic immutet, ut vim medicamenti concipiat, adeoque partem affectam restituere sanitati possit, quod si contingat, fieri poterit, ut remedii vis brevissimo temporis spatio operetur, prout vis trajicienda intra cutem, ejusmodi trajectionem subito facere potest, & aptam similiter subitam mutationem sanguinis. His autem factis noxius humor liquatus in fluxum actus, & separationi intra glandulas, subeundæ aptus in iis secernetur, in quibus poterit, effluetque per salivam, sudorem &c. non quia medicamentum illud ducat per glandulas salivales, & cutaneas &c. sed quia præexistens humor est naturali salivæ, aut sudori similis, vel quia, nisi præextitit, a vi medicamenti productus est is, qui possit per ejusmodi glandulas, non per alias separari. Par itaque ratio est de

Sudorificis cujuscunque generis cuti applicatis five nempe liquidæ formæ, five emplastri, cerati, &c. eadem est enim o-

perandi ratio, & non ideo applicantur cuti, quia ad cutem ducant (tractionem enim, cum minus facilem, possibilemque ostenderimus, hic non curamus, & stimulum pariter prætermittimus, cum de vi ipsius superius, hic vero sermonem habeamus de sola vi movendi absque ulla vi stimulante, sed ideo per cutis glandulas ducant, hoc est, sudorem moveant, vel quia humor, quem movere possunt, præextitit sudori similis, vel quia ipsorum vi talis oritur, qui sit pariter similis naturali sudori. Sed eadem ratio, ac modus operandi est in sudorificis etiam interius applicatis, puta per os assumptis, & in ventriculum actis, hoc solum discrimine, quod penetratio medicamenti in vasa sanguinis est multo facilior duplici de nomine, primo quidem, quia pellicula succingens superficiem ventriculi, & intestinorum, sub qua vasa sanguinis statim occurrunt, multo tenuior est, quam cuticula, & cutis, & multo laxior, hoc est, multo facilius distractilis, & in ampliores poros diductilis; insuperque calor non est liber, ut in aëre ad cutem fuso, sed intra eorum viscerum cavitates quodammodo cohibetur, huc illuc vagans quidem; sed si ab altera superficie erumpit, incidit in oppositam, quam subiens rursus vasa sanguinis penetrat, & si quid secum vehit, hoc ipsum derivat in sanguinem, ipsique permiscet. Itaque quæ sudorifici vis, si exterius applicaretur, posset per calorem aëris ad exteriora corporis abripientis, vel ipsa ex se expirans, & promota ab expiratione corporis per aërem dispergi absque eo, quod sanguini misceretur, per os assumpta facilius in vasa sanguinis derivari poterit, & cum reliquæ operandi rationes etiam intra viscera haberi possint, patet, idem esse ratiocinium de sudorificis interius adhibitis, ac de applicatis exterius, & illa similiter ducere sudorem, hoc est, humorem per glandulas cutis non alia de causa, quam quæ exposita est. Sed & ex his patet

Diuretica applicari posse ubilibet, dummodo humores movere per renes valeant qualibet ratione ex expositis. Quod si ipsa etiam diuretica reddi per urinam debeant, & de facto reddantur, ipsa corpus penetrent oportebit, & de iis quidem, quæ exterius applicata reddi per urinam possunt, actum est, ubi de balneis; ea vero, quæ per os assumpta redduntur per urinam, trajici in vasa sanguinis possunt duplici de nomine, hoc est per viam duplicem, per lactearum scilicet oscula, & per poros mem-

membranarum, quod manifestum est, & utrique hi canales, vel immissaria patere poterunt tam puris aquis, quam aliis partibus etiam crassioribus. Et poros quidem tam diduci posse, ut per eos detur exitus crassioribus etiam partibus, patet, quia ligatis, aut compressis venis exsudat lymphæ, viscidus seu crassius humor, per suctum ducitur sanguis ad usque summam cutim, pus agitur in membranas pulmonum; lactearum autem oscula admittunt chylum, quo nullus humor in corpore crassior excepto vehiculo seminis. Hinc igitur fiet, ut per urinas reddi possint diuretica ipsa, quamvis crassiora, & urinæ infici coloribus, atque imbui odoribus diureticorum, rhabarbari, cassiæ, allii, asparagorum, cæpæ albæ, & hujusmodi; & hæc contingunt quoties diuretica erunt illius naturæ, ut etiam per plures circuitus mutari in sanguinem minime possint, sed per quamcunque viscerum seriem trajiciantur, vim, & naturam suam conservent, eo quod in nullis glandulis detur vis, ac velocitas, quæ ipsorum texturam, cohæSIONemque partium constituentium mutare, ac solvere possit, unde semper ejusdem naturæ persistent, & cum secerni per renes cæteroquin possint, per urinam reddentur, qualia assumpta sunt. Neque id singulare quiddam, aut admirabile naturæ est; neque enim chylus ipse primis circuitibus mutatur in sanguinem; imo administrata venæ sectione ad diversas horas a pasto, ut pro diversitate horarum, quibus sanguis mittitur, ex inspectione ejus intelligatur, quid chylo contigerit, postquam sanguis in vasculo quievit, occurrit in superficie ejus purus putus chylus etiam per plures horas, postquam ex intestinis ipsum esse derivatum in vasa sanguinis, certum est. Vide autem & de his in Febribus. De tempore vero, quo redditur omne genus aquarum diureticarum, quod videtur plurimis admirabilis brevitatis, & multo brevioris; quam quæ sufficiat excursui earum per venas lacteas, ductum thoracicum, &c. patet ex Anatomicis nostris, quid statuendum sit, & quam minimo temporis spatio, nempe multo breviori, quam quo re ipsa redduntur, posse per venas lacteas, & ductum thoracicum, & circuitum sanguinis derivari ex intestinis ad renes sex, octo, duodecim, &c. aquæ libras. Quoniam vero ad excursum hunc aquarum, sive per lacteas, sive per poros intestinorum ad usque vasa sanguinis, sive per utrumque hoc genus immissariorum consequendam, necesse est, ut

lactæ pateant, & membranæ intestinorum sint distractiles, atque insuper ut tanta vis vigeat in musculis intestina prementibus, ut detur etiam aquis subituri, quo pervadere immissaria illa possint, antequam a vi pressionis abripiantur. Si igitur aut omnia hæc, aut aliquadam, aut aliqua contingant, aquæ etiam maxime diureticiæ non penetrabunt ex intestinis in vasa sanguinis, aut lacteas. Sint igitur primo intestinorum superficies viscidis humoribus oblitæ, illi partim obturabunt, partim compriment utraque immissaria, unde difficilior influxus; quare interim aquæ vel diffuent ad anum, si tanta adsit compressio, vel detinebuntur intra ventriculum, aut intestina, si pressio ab iis partibus proveniens sit debilior, vel copia humorum tanta, ut cavitatem etiam intestinorum impleat, atque ita præterlapsum impediat. Sit secundo stimulus intra intestina; membranæ igitur contrahentur valide, unde pori magis occludentur, & suæ dilatationi magis resistent, & fluxum per ipsos prohibebunt; sed per has membranas ducuntur oscula lactearum in cavitatem intestinorum; igitur contractis iis membranis etiam illa oscula constringentur, unde & hinc prohibitus influxus aquis: & occludentur quidem, & constringentur eo validius, quod cum & ipsa sint in cavitate intestinorum, vim stimuli simul cum membrana sentient, unde etiam absque contractione membranæ ipsa ex se oscula in contractionem venirent, & quid influxum moliretur, excluderent. Ulterius intestinis advolutus musculus hanc ipsam utriusque immissarii contractionem adhuc promovebit; & ipse etiam contrahetur valide, & contentam membranam cum osculis lactearum magis constringet, vel faciet, ut ipsa ex se facilius, hoc est, magis constringantur, dum suo motu ipsa trudit in cavitatem intestinorum, intra quam membrana nititur, dum contrahitur. Interim vero ab hac ipsa contractione musculi fiet, ut velocitas contentorum intra intestina per longitudinem eorum sit major, hoc est, nisus per latera brevioris temporis, hoc est, difficilius derivari quicquam poterit per oscula quæque, licet patentia; hæc autem magis occlusa ostensa sunt; igitur multo minus aquæ diureticiæ intra venas derivari poterunt, cum stimulus in intestinis viget. Sumatur itaque medicamentum aliquod; exeret illud in intestinis sensum aliquem doloris stimulo, vel humores in intestina derivabit, hoc est, obtinetur superficies intestinorum liquidis o-

scula obturantibus; quare in primo casu per stimulum, in secundo per illitum prohibebitur derivatio ex intestinis in vasa sanguinis. Si igitur, postquam primo medicamentum vim suam exeruit, aquæ diureticæ superbibantur, per alvum reddentur, & quidem brevi spatio temporis, cum exitus alio non pateat, & cum adest stimulus, pressio intestinorum subito ad anum trahatur: illitis autem intestinis poterunt aquæ subsistere, plus minus detineri, prout illitus ille vel impedit excursum, vel si sit lubricus, promovet, aut facit, ut musculus plus minus contrahatur, vel laxando, vel ficcando, &c. Incertum autem est, citiusne, an tardius excerni per anum possint, prout calidæ, aut frigidæ, gelidæve bibuntur; tam calor enim, quam frigus diversa ratione possunt comprimere, & celeritatem augere. Nos equidem diureticas aquas etiam gelidas propinavimus, ut per renes redderentur, & redditæ sunt non majori temporis spatio, quam cum calidæ hauriebantur. Quod autem aquis diureticis contingit sumptis post medicamentum purgans, id etiam contingat oportet aquis communibus stillatitiis, decoctionibus, juri & cuilibet alii liquido, ut patet; oportebit igitur ad hoc, ut aquæ diureticæ, per urinam reddi possint, ut intestina sint munda, & naturalis contractionis in suis partibus; hinc feliciter redduntur per renes, cum expurgatum est corpus, nec ante ipsarum potionem potum est medicamentum purgans; hinc vero patet, cur aqua Tettutii, & vehementer salsæ sale communi, etiamsi potæ non potio medicamento solvente, non reddantur per urinam, sed vel per anum, vel detineantur intra corpus; Sal enim ejus generis constringit valide, adeoque gerit vicem stimuli vehementis lacteas, poros, & musculum intestinorum valide constringentis, adeoque augmentis velocitatem per longitudinem intestinorum, & occludentis eorum canalium calices, & si intestina, aut minus munda, & expedita fuerint, aut vis stimuli tanta, ut intestinorum cavitas prorsus ocludatur, propter hanc occlusionem aquæ defluxus per anum prohibebitur, vel si hæc desit, detineri poterit a fœcibus intestina occupantibus. Sed adhuc tertio fieri poterit, ut per anum non reddatur, si aliquæ illius particulæ, puta aqueæ, & fluxiliores trajiciantur in vasa sanguinis reliquo aquæ composito subsistente in intestinis, quod utpote fluxilissimarum partium defectu crassius factum, & veluti viscidum hæerere, & sistere poterit ad superficiem intesti-

norum, dum ad ipsam labitur. Quoniam vero ut aquæ diureticæ ad renes usque deriventur, ipsis præterfluenda est lactearum longitudo, ductus thoracici, atque arteriarum, vel si per poros venas subeant, præterfluendum est aliquid longitudinis venarum, & arteriarum; si igitur aut superficies intestinorum munda non sit, aut excursus per canales reliquos non possit esse liber, puta propter impedimentum, aut intra canales, aut extra ad contactum eorundem comprimens, ad hoc ut diuretica operari, ac reddi possint per urinam oportebit prius intestina mundare, & impedimentum quodlibet a venis remove: hinc purgationes, & præparationes ante diureticarum haustum, & potio lenientis ante primam potionem cum vel sine potu aquæ Tettutii, quo intestina mundantur, atque deinde facilis, ac fluxus earum per totum corpus, & expurgatio per urinam. Affero jam, etiam in diureticorum usu, atque vi reperiri plura eorum, quæ venæ sectioni conveniunt; refrigerare enim possunt, atque humefacere, fluxum addere sanguini, ipsum etiam dimovere, sejungere, atque componere agendo suas particulas inter duas quasque particulas sanguinis, vel quantitatem etiam minuere, si fluendo aliquid ab ipso abripiant. Hæc igitur de diureticis interim.

Vomitoria, seu hemetica possunt quidem movere ventriculum absque eo, quod ipsa stimulent, & dolorem excitent; nunquam tamen dari potest vomitus præcipue violentus, & coactus, quin sensus doloris, aut saltem cujusdam fastidii, & necessitatis in vomitum excitetur. Hic sensus, quo admonemur necessitatis in vomitum, dubius esse potest, num a vomitorio oriatur, an vero vomitorium nullas hac in re habeat partes, sed aliquid aliud sit, quod in vomitum agat, postquam vomitorium absumptum est. Et quidem vomitoria non statim vomitum movent, ac ingesta sunt, nec statim ab ingestione vomendi stimulus, necessitasque percipitur; imo vero longiusculum tempus intercedit non raro, postquam vomitorium ingestum est, ac tandem vomitur, cum sensu in vomitum agente, eoque vomendi actu, ac necessitate cessante, quiescit plane stomachus non a suo nisu solum, sed a quocunque sensu molestiæ, fastidive, ne dum doloris. Postquam vero ita se habuit diutule, rursus invadit vomendi stimulus, vomiturque denuo, denuo fit quies, atque ita deinceps tertio, quarto, & ex ordine ul-

terius per intervalla fit vomitus, sensusque fastidii, mox quies, & nullus molestus sensus. His autem positis; quoniam quomodocunque operentur vomitoria, necessarium non est ex superius demonstratis, ut ventriculum moveant, eo quod ad ipsum trahant humores noxios, sed satis est, ut eos humores pariant, aut secernant, qui non in aliis glandulis expurgari possint, quam in iis, quæ sunt in ventriculo; igitur etiam sine stimulo poterunt in cavitatem ventriculi humores noxii derivari, quoties vi vomitorii tales fuerint, ut in ejus glandulis, & non in aliis secerni possint. Sint jam ejusmodi humores tantæ copiæ, ac tam fastidiosi, ut vel cum in cavitatem ventriculi derivati sunt, vel cum adhuc sunt in glandulis, eorum vi stimulante cogatur ventriculi musculus valide contrahi. Ex iis igitur, quæ de vomitu commentati sumus *propositione* 18. & 19. *secundæ partis de respiratione*, vomitus succedet, qui succedere tamen non poterit ex ibidem ostensis, nisi cum materies alicujus molis, & quantitatis est. Itaque in hoc casu fiet vomitus, & vomitus cum sensu molestiæ, qui sane sensus esse etiam poterit maxime intensus, & cujuscunque summi doloris, prout humores excernendi erunt plus minus acres, magis minusve stimulant: in hoc tamen vomitu nullas habebit partes vomitorium, cujus unica operatio eo solum pertinuisse poterit, ut produceretur, vel secerneretur a sanguine talis humor, qui esset stimulans, & expurgabilis per solas glandulas ventriculi. Quia vero tanta quantitas humoris, qui possit reddi per vomitum, non potest coacervari in puncto temporis; antequam igitur vomitus provocetur, & sensus instantis vomitus fiat, oportebit, tantum temporis excurrat, quantum requiritur ad coacervationem quantitatis, quæ stomachum movere possit, adeoque per totum illud spatium temporis, quo illa quantitas cumulatur, quiescet, & bene se habebit ventriculus. Ea vero cummulata jam rursus molestia afficietur ventriculus, & in vomitum rursus veniet, unde dabitur alterna quies, & alteratio ventriculi, quousque vomitorium intra sanguinem quomodocunque agens, omnem vim suam consumpserit, & a secretionem, aut productionem vomendi humoris destiterit. Dabitur igitur modus possibilis, quo vomitoria agant, & moveant stomachum, absque eo, quod ipsa ventriculum stimulent; quo dato patebit etiam, cur vomitoria plurima moveant stomachum, non in-

testi-

testina, & alvum, idque fieri poterit, quoniam humor extra corpus derivandus secerni potest non in glandulis intestinorum, sed in glandulis ventriculi, adeoque non hæc, sed illum in contractionem agit. Adde his, videri cuipiam posse verosimile, si vomitoria agerent per stimulum, debere cessare vomitum post unam, aut alteram ejectionem, præcipue cum illæ sunt violentæ, & copiosæ; vis enim stimulans, nempe vis vomitorii sistitur ad superficiem ventriculi, a qua quis credat non abripi, ac divelli per vim vehementis, & copiosi vomitus totum ventriculum exprimentis undique, & abluentis, abstergentisque penitus allapsu vomendi humoris? Affero tamen, fieri posse, ut etiam operantibus vomitoriis per solum stimulum hæc omnia contingant, licet etiam in primo vomitu quicquid est medicamenti intra ventriculum per os reddatur. Sit enim vomitorium tale, ut aliquod temporis ad sui dissolutionem exigat ad hoc, ut ita titillare nervos ventriculi possit, ut in iis excitetur sensus doloris; per totum igitur illud spatium temporis, quod ad solutionem illam vomitorii, postquam assumptum est, requiritur, nihil doloris, aut dispositionis ad vomitum sentiet ventriculus; ea autem peracta jam sentiet, & in primum vomitum veniet, & ab eo primo vomitu reddi per os supponatur, quicquid hematici in ventriculo continebatur. Quoniam per stimulum villi contrahuntur, & ejus contractionis, ac concussionis sensus est sensus stimuli; quo igitur minus concutientur, & contrahentur, eo erit minor sensus, & debilior molestia; in illa autem contractione maxima fit expressio, & exsiccatio villorum; quo igitur illa magis prohibebitur, eo etiam magis sensus stimuli supprimeatur. Per primum igitur vomitum abripiatur quidem hematicum a ventriculo, sed affluxu humoris vi stimuli in ventriculum confluentis ita humescant ejus membranæ, ut ad naturalem statum, mollitiemque redigantur: quousque igitur in eo statu perseverabunt, neque siccitas earum, neque expressio, neque contractio dolorem pariens generari poterit. Sensim autem absumatur illa humiditas adhuc perseverante nisu in contractionem, quem a vi stimuli villi conceperunt. Sensim igitur contrahentur, quousque tandem sensus doloris excitabitur, concussio, contractio, & expressio valida, unde rursus confluxus humorum in ventriculum, vomitusque; sed interim humefactio membranarum, a qua doloris suppressio, donec

rurfus exsiccata illa humiditate excitabitur rurfus dolor cum reliquis. Si igitur hac ratione se habeat vomitorii vis, poterit etiam per solum stimulum movere. Alii etiam excogitari possunt modi; sed minus verosimiles ex hoc ipso, quem exposuimus, videntur; in hoc enim vides, interim villos maxime contractos esse debere ejus facultatis, ut brevissimo tempore possint combibere humorem in ventriculum fluentem, hunc absumendum, & exsiccandum esse, & post exsiccationem debere perseverare nisum in eandem contractionem a vi stimuli conceptam; cur autem nisus ille non extinguatur, dum humor penetrat inter utrumque villum? Si deinde concipias, vomitoria esse talia, ut in vomitu non abripiantur e ventriculo, hæc quantæ cohæfionis esse debebunt! Si penetrare, & hære inter duos quosque villos membranæ ventriculum succingentis, cur non exprimuntur, ac divelluntur in vomitu, & nisi divelluntur, cur non continue sensum stimuli pariunt, sed solum per intervalla, cum nempe vomitus per intervalla instat? Cæterum inesse vomitoriis vim purgativam sine stimulo, ostendere se afferunt ii, qui vomitoria spoliare se posse contendunt facultate vomitum excitante, salva facultate purgandi; quod si verum est, argumentum indico satis evidens ad evincendum, vim vomitoriorum in stimulo non consistere. Utcunque tamen se res habeat, potest vomitorium esse præditum facultate movendi etiam alvum; nec tamen alvum moveat, sed stomachum duplici de nomine, vel quia in intestina (intellige si moveat per stimulum) non devolvatur, sed subsistat intra ventriculum, vis stimuli sit tam vehemens, ut convulsio musculi subita occludat janitorem, & totum vomitorium reddatur cum vomitu per os. Quod si non per stimulum operetur, inesse ipsi non poterit hæc vis ducendi per utramque partem, nisi de facto ducat posita eadem vomitorii vi, & quantitate: fieri tamen poterit, ut alia ejusdem vomitorii quantitas etiam alvum moveat; illa etenim poterit separare humores, qui per glandulas intestinorum amandari possint, non autem poterit altera. Postremo stomachi, & alvi motio facta eodem tempore ab eodem vomitorio non arguit, illi medicamento inesse vim per utramque partem movendi; quod enim per anum ducitur, fluxisse potuit a ventriculo, & quod per vomitum redditur, potuit e converso ex intestinis refluxisse. De vomitu plura vide Pro-

positionibus superius memoratis in respirationis nostræ secunda parte.

Purgantia per alvum nihil jam habent, quod speciatim addi debeat, postquam tot de reliquis, & in genere, & seorsim exposuimus; similiter enim purgantia per alvum vel sunt solus stimulus, vel quid conjunctim cum illo, vel sine stimulo prorsus. Illud plane intelligendum, qui humores singulis solutivis tanquam proprii tribuuntur, non ab iis duci per similitudinem, cum ductio, seu tractio illa sit minus factu facilis ex superioribus; sed, si verum esset, bilem ex. gr. a rhabarbaro trahi, id solum ex eo fieri, quod ea vis est ejus plantæ, ut vel bilem præexistentem solvere, vel non præexistentem producere, atque ita fluxilem facere possit, ut in glandulis intestinorum, aut jecoris secerni, & derivari in eorundem cavitatem valeat, & ejusmodi tractionem humorum medicamentis trahentibus similium non ulla ratione a Medicis investigatam, ac deprehensam, sed sola observatione continua, & diuturna usque persuasam, sed fallaci persuasione. Desumpta enim ejus rei argumenta a coloribus, cujus sunt illa, quæ per medicamentum purgans redduntur, & cum ab epoto medicamento flavo flava expurgentur, a nigro nigra, atque ita deinceps, (quanquam neque id perpetuum ac constans est, neque esse debet) existimarunt, a flavo medicamento flavos humores trahi, a nigro nigros, &c. cum tamen magis vero proximum videatur, a flavo medicamento humores flavedine tingendos esse, a nigro nigredine, atque ita de cæteris, ex quo maxime dubium sit argumentum illius similitudinis, & tractionis.

Bechica, seu expectorantia admisceri sanguini, eo usque certum judicabimus, quousque quis ostenderit, patere ipsis liberum influxum a faucibus in pulmones per laryngem; quod cum nemo hæcenus præstiterit, nec nos, qua ratione fieri possit, videamus, existimabimus, non alia ratione ab expectorantibus promoveri, & faciliorem reddi expurgationem materiæ in pulmonibus contentæ, quam quia expectorantia per ventriculum, intestina, lacteas, &c. trajecta demum pertingant ad sanguinem, atque pulmones; & in his aut illo, aut utrisque id præstent, quod requiritur ad facilem ejus materiæ ejectionem per os, quæ intra pulmones congeritur: & siquidem hæc sit crassa, viscida &c. hoc est, nimis hærens membra-

branis, oportebit, ut expectorans sit ejus facultatis, ut liquidius facere, & ab iisdem membranis divellere possit; si vero sit tam soluta, ut undecunque diffuat, neque collectim concipere, ac retinere valeat impetum ipsi ab aëre communicatum, & excreationi necessarium, sed hac illac per tracheæ cavitatem effundatur, ac diffiliat velut in guttulas, ut aqua extrusa e syphunculis cum impetu, quæ in quadam distantia ab emissario huc illuc dispergitur, & in terram delabitur deperdito impetu extrusionis, & proinde semper in cavitates asperæ arteriæ relabatur, antequam deducta sit ad fauces, oportebit, ut expectorans sit ejus facultatis, qua ad cohæSIONem ducere partes illas possit, crassiores reddere, magisque tenaces, hoc est minus facile diffuentes, dilabentesque.

Apophlegmatismi, seu Caputpurgia cujuscunque generis sint, hoc est, per quamcunque partem capitis caput ipsum expurgare dicantur, sive nempe sint

Sternutatoria, sive salivam per os & fauces moventia, & ipsa operari per stimulum possunt; imo vero plurima operari saltem non sine stimulo, nemo est, qui non noverit, cum mordeant linguam, aut nares sollicitent sensu quodam acris vellicationis: cum hoc tamen sensu, & stimulo possunt etiam conjungi superius expositæ aliæ operandi rationes, ut ex se patet; quare id ulterius non persequimur. Illud solum indicamus, quæ dicuntur purgare caput per nares, fauces, aut os, posse quidem, ut mox ostendemus, id præstare, non tamen per vias, quas vulgo ponunt a cerebro per os cibrosam, cum nullus inde pateat humoribus exitus. Quia tamen ratione stimuli villi omnes quatuntur, contrahuntur, exprimuntur humores quiescentes, trudi primo potest per eam vim, si quid hæret villis capitis, inde vero, quoniam per os, fauces, & nares plurimum salivæ emittitur, vis igitur caputpurgii in sanguinem derivata disponet humores noxios ad eam naturam, quæ per glandulas salivales excernitur, adeoque in eas traducta per os, & nares reddetur, & caput per eas glandulas post plures circuitus sanguinis, eam noxiam materiam per totum corpus ducentis, velut ex accidente repurgabitur ab illo humore, qui in iis glandulis secernitur, non quia sunt in capite, aut quia ille humor caput offenderet; sed quia talis humor a quacunque parte duceret originem & cuicunque esset noxius, non potest

test in aliis glandulis secerni, quam in salivalibus, quæ sunt in externis partibus capitis constitutæ. Quod de apophlegmatismis dicitur respectu capitis, idem dicendum de quibuscumque aliis, quæ singularum partium propria existimantur.

Repellentia pertinent ad eorum classem, quæ digerunt, liquant, resolvunt; humor enim repellendus vel ideo repellitur, quia vis contractionis major a villis exeritur, quod fit vi repellentis stimulante, vel per frigus, vel per calorem, vel per quamlibet aliam rationem, quæ ad stimulos reducatur, vel ideo repellitur, quia liquidius fit, & in fluxum agitur, & reducitur ad superius explicatos alios operandi modos in medicamentis, vel utraque de causa, & ad utrumque reducitur, seu ex utrisque componitur vis operandi, & producendi repulsionem, nec quicquam peculiare addendum est. Atque ex his omnibus patet, singula medicamenta, quæ recensuimus, quousque similia sint venæ sectioni, & quantum hæc cum iis singulis conveniant, & esse singula aut minus tuta, aut minus expedita, aut utrumque, quam sit venæ sectio, & hanc proinde illis præferendam.

Postremo assero; si notum esset aliquod medicamentum, quod in unoquoque morbi genere certo sisteret, aut certo moveret assumptum per os, infusum, aut cuti quomodolibet applicatum, quicquid in iis singulis movendum est, aut sistendum, ad hoc ut corpus convalescat, tuto prætermitti posset, imo & merito deberet missio sanguinis; sed ejusmodi medicamenta adstruere, & pro certis divendere, atque adhibere non ita certum videtur. Patet prima pars propositionis; cum etenim etiam in missione sanguinis suspicio alicujus mali subesse possit; si igitur daretur medicamentum aliquod, quod ejusmodi etiam suspensionem tolleret, & corpus sanitati restitueret, illud esset venæ sectioni præferendum, cum omni mali suspicionem carere supponatur, hoc est, venæ sectio non solum tuto prætermitti posset, sed merito deberet: cum vero uniuscujusque morbi expulsio nihil aliud exigat, nisi ut sistantur, aut moveantur, quæ sistenda, aut movenda sunt, ad hoc ut corpus bene se habeat; si igitur notum esset medicamentum ubilibet, & quomodolibet adhibendum, quod in singulis morbis sisteret, aut moveret, prout iidem singuli exigunt, corpus tuto convalesceret sine missione sanguinis. At vero hoc ipsum medicamen-

tum certo nosse, hoc opus, hic dubium est, & periculum maximum; fac enim, medicamentum aliquod alicui ægre adjumento, & juvamento fuisse, quis jure asserere poterit, idem bonum ab ipso producendum in omnibus? Qui novit, inquam minimis differant morbi, qui judicantur plane iidem, aut quis audebit asserere, minima illa nihili facienda, aut ab ipsis nihil mali metuendum, cum vis omnis, & ratio operandi in minimis habeatur? Insuper cum omnis medicamentorum actio in momentis consistat, & momentorum diversa quælibet pariat, quis audeat existimare, corpora omnium, temperamenta, ætates, regiones, humorum generales motus, seu intimos quibuscunque particulis proprios esse tam eosdem, ut in omnibus idem medicamentum eandem possit motiones producere, quæ ad sanitatem tendunt, ac necessariæ sunt? Quid loquar de mutationibus, quas subire medicamenta possunt per os assumpta, præcipue antequam deducantur in sanguinem? Vides venenum viperarum, quod si sanguini statim admisceatur, mortem infert, sumptum per os ne minimum quidem mali parit, non alia certe de causa, quam quia per os, oesophagum, intestina, lacteas &c. ita mutatur compositio ejus, ut nocere corpori ulterius non possit, quod verò veneno Viperarum contingit, quis certo sciat, atque ostendere poterit, in aliis medicamentis non dari, aut saltem dari non posse, ita scilicet, ut eorum facultas immutetur? Et obvium quidem est respondere, venenum viperarum in omnibus hominibus amittere vim veneficam sumptum per os, adeoque mutari eodem modo in omnibus, & tutum esse in omnibus venenum illud propinare, sed ut omit- tam, generalem hanc propositionem non esse certam ex eo, quod plures homines, in quibus res tentata est, a poto veneno viperæ nihil mali passi sint, nullos proinde passuros, illud confidero, venenum viperæ potum non nocere hominibus naturaliter se habentibus, at vero permutato naturali statu corporis, ut in morbis contingit, res sane alicujus diversitatis esse potest, ut patet. Cum vero mutationes morbosæ, etiam si sensibus videantur eadem, possint habere in minimis partibus componentibus mutationes, & diversitates summas, vi quarum medicamenta in diversis hominibus, & in eodem etiam, qui morbo ad sensum eodem laboret, mutantur diversis mille modis, nihil certi habere potest Medicus ab observatione desumptum, cui ita fide-

re debeat, ut pro certo divendat ab ipso sanitatem restituendam. Et sane quæcunque assumuntur per os in statu ægritudinis, per tot partes fluere debent, antequam ad sanguinem deriventur, & humores tot generum ad easdem partes confluent, quorum singuli in statu non naturali possunt se habere non naturaliter, ut prodigio simile videatur, si medicamentum per os assumptum in diversis hominibus, aut etiam, eodem ad sensum eodem morbo laborante, diversissime non alteretur, & vim suam mutet, aut perdat; posita enim velocitate sanguinis non naturali, saliva diversæ erit naturæ plus minus, prout illa velocitas plus minus a naturali statu recedit, illa autem differentia majoris, aut minoris velocitatis sentietur quidem a natura per minima operante; ipsam tamen non poterit distinguere Medicus, cujus instrumenta sunt crassa, ac rudia, cujusmodi sunt sensus omnes externi. Quia vero prout major, aut minor est velocitas sanguinis, diversæ etiam corpora cum saliva miscentur, quæ naturaliter ipsius compositionem non ingrediuntur, vel quæ naturaliter ipsam componunt, magis solutæ, ac liberæ, & operativæ sunt, vel magis illigatæ, impeditæ, & inertes, & ex iis singulis fieri potest, ut saliva admixta aliis corporibus diversimode eadem alteret, atque immutet, subito patet, humorem salivæ ita vitari, aut immutari posse in statu morbi, ut quod medicamentum ingeritur, mille diversis modis possit mutari, cum admiscetur salivæ in diversis, aut eodem homine, absque eo, quod Medicus sentire, & sensu distinguere possit causam, a qua mutatio illa procedit, cum vero neque rationis vi eo usque possit distinguendo pertingere, ut singillatim concipiantur modi, quibus a majori, aut minori velocitate sanguinis salivæ compositio vitari potest, & qua ratione a singulis illis vitari, & mutari possit medicamentum, patet minus certum existimandum adstruere, & divendere, & adhibere ejusmodi medicamenta pro certis. Cum vero in morbooso statu non sola mutata velocitas sanguinis humores vitare possit, sed iidem ex se sint, aut esse possint vitati in quantitate, & qualitate, vides, si omnia hæc vitia, aut aliqua ipsorum simul reperiantur in corpore, quot de causis, & quot proinde modis, quorum nulli distingui, & sciri possunt, vitari saliva debeat, ac proinde quot modis similiter ignotis medicamentum possit alterari. Quoniam autem, quod de saliva dictum

est contingere posse patet in humore, qui intra œsophagum; in humore ventriculi, in muco intestinorum, in succo pancreatico, in bile, vides, quot noti sint fontes, a quibus in statu non naturali derivari possunt humores non naturaliter similiter se habentes, & quot proinde de causis mutari possit ignotis modis medicamentum per os assumptum. Quid? quod chylus in diversis partibus ductus sui diversi saporis reperitur? An non illud est argumentum evidens, mutari ipsum successive? Quid si hoc ipsum medicamenti contingat, & quæ erit eorum mutatio, cujus origo repeti debet a tot non naturalibus permixtis humoribus? Quid lympham dicam, quæ in lacteas, & ductum derivatur? An non & ipsa se habere poterit non naturaliter, medicamentum pro sua diversa non naturali habitudine diversimode mutabit? Denique & perspirationis materies ad partes hujus incertæ, ignotæque mutationis revocanda est, cum in statu non naturali, nec quantitatis, nec qualitatis naturalis esse possit, & medicamento misceatur, dum per expositos canales ducitur, per quos & ipsa evaporat; res igitur nimis manifesta videtur in iis medicamentis, quæ per os sumuntur. Reliqua vero, quæ applicantur cuti, infunduntur, &c. paucioribus quidem a causis mutationes subire poterunt; sed nullum perspirationis vim evitabit, nec postremo vim illam, quæ a mutatione sanguinis, aut in motu, aut in quantitate, aut in qualitate, aut in horum aliquibus, aut in omnibus ipsi medicamento inferenda est: hæc autem mutatio, cum plures habeat gradus non in diversis solum, sed in eodem homine etiam, eodem ad sensum morbo laborante, nec ullo sensu distingui, aut ratione concipi a Medico possint, singulique valeant immutare sanguinem similiter ignotis modis, patet in genere, medicamenta esse posse plena fallaciarum, & in proinde ipsa pro certis divendere, atque adhibere non ita certum videri. Quia vero eodem modo, quo status morborum latitudinem habent, eandem similiter habet & sanitas, temperamenta, &c. eorumque minimæ differentiæ, neque distingui sensu, neque mente attingi possunt; & per eas tamen differentias minimas operetur natura; igitur nec in statu sanitatis adhiberi poterit medicamentum aliquod ad præservandum, quod in omnibus, imo & eodem, sed diverso tempore, loco, &c. possit præservationem a morbo, & conservationem sanitatis certo polliceri. Patet itaque, quod propo-

fuimus, & ex 12. propositiuncula hujus constat, venæ sectionem esse tutissimam omnium. Atque his demum per tam longam, atque tam variam rerum seriem expositis satis sibi constare credimus omnia, quæ in 9. propositione asseruntur.

PROPOSITIO DECIMA.

IN febribus tutissimum tempus venæ sectionis est declinatio, reliqua vero tempora conjuncta cum gravibus suspicionibus. In quibus igitur febribus venæ sectio convenit, illa indecessionibus est adhibenda: convenit autem in iis omnibus febribus, in quibus aut ipsa ex se febris materies, aut calor, qui per febrim producitur, naturæ vi, & tutis aliis artis præfidiis ad naturalem statum redigi non potest. Quod si febres graviores fuerint, continuæ, & sine accessionibus manifestis, proderit arterias etiam capillares movere per hirudines, scarificationes, fomenta, balnea, cucurbitulas siccas, & hujusmodi; quod & prodesse poterit in febribus minus gravibus, etiam intermittentibus, & accessiones manifestas habentibus, sed contumacibus, & diuturnis. Atque in his ipsis diuturnioribus venam etiam majorem secare, esse poterit opportunum, etiam si sub morbi initium ductus sit sanguis. Sed & in die critico sanguinem mittere non licebit solum, verum erit omnino necessarium, quoties indicium sit, non secuturam crisin impedimento detenti sanguinis. Non ita multum diversa dicenda sunt de majoris arteriæ sectione, quæ tamen, partim quia ex superioribus propositionibus abunde patent, partim quia ad usum revocari non possunt sectiones eorum canalium, non exponentur per demonstrationem peculiarem. Similiter in quibus reliquis morbis ducendus sit sanguis, satis patet ex propositione 6. &c. quare nec de iis particulatim rem ostendemus, Venæ sectionem autem in febribus, aliisque morbis semper intelliges cum conditione virium, quam in prima propositione constituimus.

Cum febres ex eo præcipue noceant, quod sanguinem febrili materia vitiant, si hæc materies sit solum mutata quantitas, si vitata hæc ipsa per motum, aut qualitatem, atque insuper noceant, eo quod calorem non naturalem producant, ex quo rursus alia vitia in sanguine, & toto corpore; facile autem pateat ex doctrina febrium, & iis, quæ hactenus de missione san-

guinis dicta sunt, & iis, quæ in hac propositione exponentur, quid a missione sanguinis in febribus per vitium motus, aut quantitatis sanguinis ortis contingere debeat, de his non erimus seorsim solliciti, cum tota res ultro pateat. Cum vero in febre mutata est qualitas sanguinis, si conveniet missio ejus, conveniet equidem tanquam præsentissimum remedium earum affectionum, quas præcipue per febrem patitur sanguis, ac totum corpus, nempe occurrere poterit & materiæ febrili, & calori, qui per febrem excitatur. Hic itaque non extendimus, quid a missione sanguinis contingere possit, quatenus illa movet, refrigerat, humectat &c. quæ singula licet in febribus maxime attendenda sint, tamen ex superioribus facile patent: sed venæ sectionem consideramus solummodo, quatenus evacuat, eo quod ratione solius evacuationis potest venæ sectio, diversis febrium temporibus adhibita, majoris aut minoris præsidii esse; imo etiam malo esse tam ratione materiæ febrem producentis, quam caloris cum ipsa conjuncti, ac tutissimum tempus venæ sectionis asserimus decessionem. Quoniam enim febris a sua materia producitur, tutissime igitur febrei occurreretur, si materia febrem excitans evacuetur; est autem illa materies in vas sanguinis, & ad derivandum ex iis extra corpus nihil tutius venæ sectione; igitur venæ sectio erit tutissimus febrilem materiam evacuandi modus. Cum autem febrilis materies nec sit quid individuum, nec quid immobile, sed e venis in arterias fluat, & ex arteriis in venas; aptum igitur erit febrilem materiam, quanto majori fieri potest quantitate per venæ sectionem evacuare, adeoque ipsam administrare, quo tempore maxima febrilis materiæ quantitas in venis continetur, & per ipsas fluit cum sanguine. Quoniam igitur in accessionibus febrium febrilis materiæ plurimum hæret summis canalibus capillaribus; igitur in venis ejusdem materiei continetur quantitas minor, quam cum nulla ejusdem portio iis agglutinatur canaliculis, sed per venas fluit; missio igitur sanguine tempore accessionum ad quamlibet datam quantitatem, minor quantitas materiæ febrilis in data illa quantitate sanguinis continebitur, quam in aliis, si quæ sunt, temporibus, quibus tota febrilis materies fluit cum sanguine: quare reliqua materies febrilis post venæ sectionem ad reliquum sanguinem majorem proportionem habebit, quam tota ad totum, & illa materies ex doctrina febrium

potest calorem sanguinis cohibere, ipsumque sanguinem magis lentum, & crassum reddere; igitur a venæ sectione in accessionibus quantitas materiæ febrilis, quæ superest major respectu sanguinis, qui a venæ sectione similiter superest, facilius minus illud reliquum cohibebit, & in lentorem rediget. Hinc autem fiet, ut accessio fiat magis contumax, & lentor viscidior, magisque hærens, atque tenacius, unde pro majori diversitate cohesionis, & diverso gradu lentoris fieri poterit, ut qui sanguis melior per capillaria vasa trajicitur, solvatur magis, & calorem pariat magis intensum, aut diuturnum, quam peperisset, si tempore accessionis non fuisset administrata venæ sectio: misso igitur sanguine in accessionibus nec febrem levabimus minuendo quantitatem materiæ febrilis, neque temperando calorem sive spectata duratione, sive spectata violentia ejus. Neque his malis tutam operam conferre poterit velocitas sanguinis, quæ per venæ sectionem ex superioribus augetur; licet enim admittamus, misso sanguine in accessionibus velocitatem ejus augeri; quia tamen naturalis velocitas ejus in accessionibus minuitur, fieri poterit, ut velocitas, quæ acquiritur per venæ sectionem, non sit tanta, ut conciliare possit sanguini velocitatem naturali æqualem, adeoque cum velocitas naturalis sanguinis prohibere non potuerit accessionem febris ante venæ sectionem, multo minus eandem prohibere poterit post venæ sectionem factam in accessionibus, quo tempore velocitas sanguinis licet aucta, potest esse naturali minor. Quin neque eandem accessionem febris prohibere posset, licet velocitas ad naturalem gradum redigeretur; imo etiam licet esset ad certum usque gradum naturali velocitate major. Quoniam post venæ sectionem in accessionibus reliquum materiæ febrilis ad reliquum sanguinis majorem habet proportionem, quam tota materies ad totum sanguinem, & cum tota materies ad totum sanguinem minorem habeat proportionem, quam reliquum ad reliquum, hoc est, ante accessionem non potuit per naturalem velocitatem sanguinis prohiberi accessio; igitur etiam si redigatur sanguis per venæ sectionem ad naturalem velocitatem, non poterit naturalis illa velocitas superare majorem resistantiam, quam patiatur oportet, per proportionem illam materiæ febrilis ad reliquum sanguinis majorem, quam ante venæ sectionem; sed oportebit, ut augeatur ad usque illum certum gradum,

qui

qui requiritur ad superandam resistantiam illam, & ejusmodi augmentum an consequi valeamus per missionem sanguinis sine detrimento virium, incertum est, & minime tutum. Supponatur secundo venæ sectio administrari in statu febris, & supponatur omnis febrilis materies derivata in venas, statumque illum febris esse purum fervorem sanguinis ab antecessione febrilium affectionum ejusmodi fervorem producentium pendentem; erit igitur tum velocitas sanguinis maxima, & solutio ejus summa, & summus calor; quare erit idem sanguis maxime in suis partibus liber, & ad ulteriorem solutionem maxime facilis: per venæ sectionem autem augetur velocitas, calor, atque solutio, & in statu febris sanguis est ad hanc ipsam solutionem paratissimus; a venæ sectione igitur tum temporis administrata de iis merito suspicari poterimus, quæ maxime vitanda essent, nempe augmento velocitatis, caloris, & solutionis in sanguine. Neque vero hæc timenda solum in illo circuitu febris, in cujus statu sanguis mitti supponitur, sed in circuitibus succedentibus fieri poterit, ut præcedant accessiones, & fiant febres contumaciores, & majoris discriminis; fieri enim poterit, ut aucta velocitas abripiat majori velocitate, seu trajiciat in arterias breviori tempore lentorem febrilem, unde recursus præcedent, sed per solutionem, & per calorem auctum erit ille siccior, & febres deteriores. Quod si solutio, & calor sit tantæ vis, ut exsiccet magis lentorem adhuc per venas fluentem, adeo, ut sanguis tota sua velocitate aucta abripere ipsum in arterias non possit, fient febres propter siccitatem, & calorem deteriores, & earum accessiones non antecedent, sed succedent. Tertio, mittatur sanguis in augmento februm; erit igitur tempus inter accessionem, & statum febris medium, adeoque cum in accessione pericula immineant ratione materiæ febrilis præcipue, ac deinde ratione caloris; in statu autem plus timendum ratione caloris, quam ratione materiæ febrilis; a missione igitur sanguinis in augmento februm timendum erit & ratione materiæ febrilis, quæ adhuc hæret arteriis ex parte saltem, & ratione velocitatis, solutionis, & caloris sanguinis, ad quæ idem sanguis magis ac magis disponitur, prout febris magis ac magis versus statum ducitur. Patet itaque, accessionem, augmentum, ac statum februm esse tempora, quibus si administretur venæ sectio, de-

bebit hæc esse conjuncta cum gravibus suspicionibus. Affero igitur jam, tutissimum tempus mittendi sanguinem in febribus esse declinationem earundem. Quoniam etenim tum temporis universa materies febrem excitans traducta est ex arteriis in venas; misso igitur e venis sanguine ad certam aliquam quantitatem, major pars materiæ febrilis in data illa quantitate sanguinis continebitur, quam contineretur in eadem missa in accessionibus, aut augmentis febrium; quare primo minuetur magis illa quantitas materiæ febrilis, & esse poterit aliquid materiæ maxime viscidæ, & lentissimo motu fluentis, quæ sit prope emissarium in vena factum, & plurimum tenuissimi quasi pulvisculi febrilis, qui innatans toti sanguini cum ipso rapitur, neque ex se febrem excitare potest. Secundo vero propter majorem illam quantitatem materiæ febrilis, quæ in venis continetur, & cum data quantitate sanguinis ducitur extra ipsas, reliquum materiæ febrilis ad reliquum sanguinis minorem proportionem habebit, quam tota materies ad totum sanguinem, unde reliquum sanguinis difficilius in lentorem convertetur, & mitior febris excitabitur. Quia vero per missionem sanguinis augetur velocitas, & imminuta est etiam pro ratione reliqui sanguinis materies febrilis: igitur minus timeri poterit de exsiccatione majore lentoris ab aucta velocitate, aut de accessionum præcessione perniciofa: & præcessio quidem absolute sumpta contingere etiam poterit; a missione enim sanguinis lentor abripi potest, & in arterias trajici citius, sed cum idem lentor sit in minori quantitate, & ratione ejus quantitas salutaris sanguinis major, etiam ab arteriis abripietur facilius, & fiet præcessio accessionum ad salutem tendens. Neque insuper de nimio calore dubitandum erit; facilius enim trusio lentoris e summis vasis faciet, ut sanguis minus solvatur, & incalescat, dum per angustias illas trajicitur, ac denique minus etiam erit timenda solutio nimia, aut caloris libertas, quæ contingere potest in sanguine per solam missionem; decessionis enim tempore jam sanguis deferbuit, aut ad deferlescendum est dispositus, cum contra in augmento, aut statu, vel in maximo fervore, & solutione sit, vel ad eandem continue magis, ac magis disponatur; quare erit in decessione minus facilis solutio, & caloris excessus in sanguine per venæ sectionem, quam sit per eandem reliquis febrium temporibus. Patet itaque,

que, tutissimum tempus venæ sectionis in febribus esse decessionem; reliqua vero tempora esse cum gravibus suspicionibus conjuncta, quod erat primo loco demonstrandum. Ex his autem patet, quod

Secundo loco proponitur, nempe in quibus febribus venæ sectio convenit, illam in decessionibus esse adhibendam, & convenire in iis omnibus febribus, in quibus aut ipsa ex se febris materies, aut calor, qui per febrim producitur, naturæ vi, aut tutis aliis artis præsidiiis ad naturalem statum redigi non potest. Et prima quidem pars ex se ipsa patet; in quibus enim febribus venæ sectio convenit, convenire non potest, nisi quo tempore præsidio esse potest, nec tuto præsidio esse potest magis, quam in decessionibus. Secunda vero pars similiter manifesta est; cum enim febris per febrilem materiem, & calorem maxime noceat, nisi hæc aut naturæ vi, aut tutis aliis artis remediis supprimi possint, conveniet confugere ad unicum tutum, quod superest, & facit ad ejusmodi suppressionem, cujusmodi est missio sanguinis; quare patet &c.

Tertio, sint febres graviores continuæ sine accessionibus manifestis. Dico in his profuturum, si moveantur etiam arteriæ capillares per hirudines, scarificationes, frictiones, & cætera proposita. Quod partim ex doctrina febrium patet, partim ex iis, quæ superius ostendimus de missione sanguinis per arterias, & operationibus necessariis ejusmodi remediorum, dimovebunt enim, atque abripiunt, & partim evacuabunt quicquid hæret summis vasis. Et hoc ipsum profuturum, patet ex iisdem propositionibus, in febribus minus gravibus etiam intermittentibus, & accessiones manifestas habentibus, sed contumacibus, & diuturnis; illa etenim diuturnitas, & contumacia arguere potest maxime resistentem, & hærentem valide lentorem, qui a summis vasis per earum rerum administrationem poterit abripi, aut evacuari, aut utrumque. Quod si etiam sub initium harum febrium minus quidem gravium, sed diuturnarum missus sit sanguis, & adhuc febris persistat, nihil repugnat a venæ sectione illud præsidii procurare, quod ab illa apte administrata quocunque tempore suppeditatur, ut mox ostensum est, & cum id, quod mox ostensum est, nulli feбри præteritæ, aut futuræ durationi sit alligatum, neque ulli majori, minori, aut capillari venæ, patet, profuturam in ejusmodi febribus etiam

majoris venæ sectionem, non Hæmorrhoidum solummodo, aut Salvatellæ.

Quarto, sanguis qui intra vasa detinetur, impedimento fit, quacunq̃ue de causa id fiat, ne crisis succedat, & innotescat in ipso die critico. Ex se patet, removendum esse impedimentum crisis eo cæteroquin ipso die successuræ, & illud ipsum impedimentum eo ipso die removendum, & cum ejusmodi impedimentum sit sanguis, sanguinem esse detrahendum eo ipso die critico; quare in die critico sanguinem mittere non licebit solum, sed erit omnino necessarium, quoties indicium sit, non secuturam crisin impedimento detenti sanguinis. Crisim autem, & dies criticos supponimus, non eos quidem alligatos ternariis aut septenariis numeris, qui nihil sunt præter nomina, cogitationes hominum, & signa res exprimentia; neque alligatos numero dierum, ternario, aut septenario; finge enim dies pauciorum horarum, quam si sunt in usu apud nos, omnia illa prodigiosa de septenariis, ternariisque diebus subito corrudent: neque demum alligatos motui Lunæ, aut cujuslibet alius stellæ; Luna enim cur 28. diebus suum circulum absolvit? num quia ejus motus ab alia Luna pendeat, atque ita deinceps in infinitum? an verius, quia ejus est velocitatis, ut tantum spatii, quanta est circumferentia suæ orbitæ, data illa velocitate excurrere non possit, nisi intra datum illud tempus viginti octo eorum dierum, qui apud nos in usu sunt? Dies igitur criticos illos appellamus, atque admittimus, in quibus materies morborum perducitur ad finem suæ maturationis, ut ita loquar, & expurgatio ejus, quæ eodem die critico, nempe ipso ultimo maturationis gradu debet contingere, nobis Crisis. Et quemadmodum alii Planetarum citius, alii tardius ad finem suæ revolutionis perveniunt, non nisi, quia pro ratione spatiorum a singulis excurrendorum sunt diversis velocitatibus instructi, ita diversi humores, cum ad hoc ut perveniant ad hunc ultimum suæ maturationis gradum, diversis temporis spatiis indigeant, prout initio magis, aut minus sunt fluxiles, pervenient etiam diverso tempore ad perfectam fluxilitatem, seu diversis temporibus producetur crisis, & qui maturari poterunt tertio quoque die ex iis diebus, qui apud nos in usu sunt, tertio quoque die crisim facient, non quia ulla sit vis in tertio quoque die, sed quia in spatium trium dierum tantum temporis comprehenditur, quod requiritur ab illo humo-

De Crisi, &
diebus criti-
cis aliquot.

re ad maturationem perfecte consequendam. Quod equidem totum spatium trium dierum erit solummodo apud eos, in quibus dies est 24. horarum, sed si qui adhuc essent, quibus dies singuli constarent ex horis octodecim ex. gr., humor, qui ad perfectam sui maturationem exigit numerum horarum septuaginta duarum, non tertio, sed quarto quoque die crīsim pareret, cum solum in quatrīduo, cujus singuli dies contineat horas octodecim, contineatur horæ septuaginta duæ. Hæc autem necessitas mensurandi tempus non per dies, sed per horas certo datur in sphæra parallela, unde corrūit tota illa machina plena mysteriis, quæ ternariis, septenariisve dierum innititur. Exempla autem rei manifestissima desumenda sunt a fructibus, & plantis, quarum aliæ unicum diem vivunt, intra cujus spatium nascuntur, crescunt, florem, fructum, semen faciunt, atque arescunt, aliæ aliquot annos insumunt, antequam fructum faciant: & illam speciem Aloës memineris, quæ centesimo quoque anno, vel quinquagesimo, vel trigesimo ad minimum magno cum impetu, ac strepitu emittit caulem cum floribus, qui brevissimo spatio temporis fit insignis altitudinis, & crassitiei. Hæc autem interim hac super re. Cum autem reliqua in ipsa propositione enunciata demonstrationem non postulent, patent omnia, quæ proposuimus.

PROPOSITIO UNDECIMA.

Dato maximo tempore, quo quis in naturali statu sine alimentī sumptione vivere potest, invenire maximam quantitatem sanguinis, quæ in statu similiter naturali mitti potest sine læsione virium. Vel. Data maxima quantitate perspirationis, quæ in naturali statu singulis diebus fit, eandem maximam quantitatem mittendi sanguinis invenire. Vel. Eandem reperire, data maxima consumptione sanguinis, quæ, naturaliter se habente corpore, fit diebus singulis per operationes. Sanguine ita vitīato, ut vires lædantur, perinde est, ac si sanguis qualitate quidem naturaliter se haberet, sed ea imminuta quantitate esset, quæ requiritur ad datam illam læsionem virium producendam. Vitio igitur sanguinis ita noto, ut constet, ad quem usque gradum vires lædi per ipsum possint, ex inventa quantitate sanguinis mittenda in eo naturali statu, qui sit quoad

vires similis supposito vitiatu statui sanguinis, dabitur quantitas sanguinis mittenda in hoc ipso vitioso statu ejus. Num, & quando noceat indormire missione sanguinis.

DE FEBRIBUS.

ANTECEDENTIA, CONJUNCTA, ET SUCCE-
DENTIA SINGULIS FEBRIBUS.

CUM instituerimus investigare, quid sit Febris, progrediemur ad hujus morbi inquisitionem, non secus ac progredi soliti sumus in inquisitione reliquorum, cum nempe pateat per medicas observationes, quid unicuique febri proprium sit, quid antecedat singulis, quid succedat, quid cum iisdem jungatur, & in horum omnium antecedentium, conjunctorum, & succedentium collectione sita sit uniuscujusque morbi natura, hæc ipsa antecedentia, conjuncta, & succedentia singulis febribus primo exponenda esse, patet, ut constet quarum affectionum simul contingentium necessariam aliquam causam, & operandi modum investigare debeamus, seu (quod idem est) ipsam naturam febris. Cum igitur hæc febrilium affectionum enumeratio non alio respiciat, quam ut per ipsam progredi valeamus ad necessariam earundem causam, & operandi modum; debebunt igitur eadem affectiones simpliciter proponi, nullam earum causam aut supponendo, aut recensendo, puta putredinem, fervorem, qualitatem occultam, venenum, fermentationem, aut si quæ his similia tanquam causæ februm circumferuntur; sed quæcunque sint causæ, quæcunque in iis operandi virtus, ac modus (quæ singula per sequentes propositiones deducenda sunt) enumeranda solum erunt illa, quæ in quacunque febre contingunt, & sensibus objiciuntur, ut inde nobis fiat gradus ad eorundem necessarias causas, de quibus dubii, ac solliciti sumus. Nullus igitur in febrilium affectionum enumeratione esset cæteroquin necessarius ordo, dummodo singula exponerentur, quæ singulis febribus competunt, & cum putredo, fervor, & reliqua mox recensita causis februm annumerentur, eadem recensere febrilibus affectionibus, hoc in

loco non solum non erit necessarium; imo vero, si id fieret, præter rem omnino esset, atque instituto nostro contrarium, qui causam febrium non hic supponimus; sed in eandem tanquam dubiam, nec plane notam inquirimus. Si igitur aliquem fervare ordinem in hac febrilium affectionum enumeratione, licet id minime necessarium sit, constitueremus, non illum suscipiemus ordinem, qui pendere posset ab illa vulgatissima, atque acceptissima febrium divisione in Ephemeram, Humoralem, & Hecticam; hæc enim divisio supponit febrium causam, in Ephemeris quidem accensionem spirituum, aut sanguinis, in Humoralibus humorum putredinem, aut accensionem, in Hectica partium solidarum. Sed ille nobis erit instituendus ordo, qui, si cum aliqua divisione febrium debet esse conjunctus, nullam suppositionem contineat de earundem febrium causis, in quarum cognitionem, ac si essent penitus incomptæ, devenire studemus per cognitionem eorum, quæ in unaquaque febre sensibus patent. Cum itaque nihil magis amemus in rebus nostris, quam ordinem, disponemus hanc febrilium affectionum enumerationem per duo quædam ipsis conjuncta obvia sensibus, & quæ non solum causas non supponunt; sed ne minimam quidem ejus suspicionem movere possunt, & secum ferunt facilem febrium omnium partitionem, ac differentiam, cum duo illa conjuncta sint quasi summa genera, in quibus febres singulæ continentur. Duo autem illa conjuncta cum febribus obvia sensibus, & nihil causarum supponentia, a quibus febres singulæ deducuntur, sunt quidam modi ratione temporis, quibus febres inhærent corpori: ecce siquidem nullam febrem invenias, imo vero ne ullam quidem dari posse, demonstras, quæ aut per nullum temporis spatium omnino cesset, aut omnino cesset per aliquod intervalum temporis, seu nullam febrem invenias, quæ non sit, ut appellent, Continua, aut Intermittens, duo summa genera febrium sensibus obvia, & nihil causarum, a quibus febres producuntur, supponentia. Ponamus igitur tanquam summa genera febrium Continuum, & Intermittentem (neque enim a febris definitione in genere exordiri possumus, qui ipsam ignorare supponi interim volumus,) & Continuæ nomine intelligamus, quæ per totum temporis spatium, quo æger quispiam tali febre laborare dicitur, nunquam relinquit corpus integrum, seu cujus nul-

Summa genera febrium, Continua, & Intermittens.

Continua quid.

nullus est finis integer intra datum illud tempus, seu quæ nunquam ex toto finitur, seu nunquam plane definit (sunt enim hæ omnes Celsi formulæ ad exprimendum summum decessionis terminum in febribus) nomine autem Intermittentis febrem, quæ intra spatium temporis, quo æger quispiam laborare dicitur, relinquit aliquando corpus integrum, vel cujus est aliquis finis integer intra illud tempus, seu finitur penitus aliquando, vel plane definit. Quoniam igitur febris continua illa est, quæ per totum tempus, quo quis febrere dicitur, nunquam relinquit corpus integrum; vel igitur vis causæ moventis & conservantis febrem per unicum, & simplicem febris circuitum tota absumitur, ac plane deficit, vel ita post unicum circuitum superest, atque persistit, ut alios circuitus excitare possit, eosque vel ita ut alter invadat, antequam prior plane desierit, vel aliquo temporis intervallo, quostquam desit, & utrumque vel certo quodam, ac statò, vel nullo ordine. Si per unicum, simplicemque febris circuitum vis causæ ipsam moventis, & conservantis tota absumitur, ac plane deficit; igitur cessante causa cessabit similiter febris illa per unicum circuitum, atque simplicem, atque ita cessabit, ut ulterius per novum circuitum ab eadem causa productum invadere non possit, cum causa hæc prorsus consumpta supponatur. Erit igitur hujusmodi febris continua unius, ac simplicis circuitus, quæ proinde Continua Simplex appellari debet; si vero per unicum febris circuitum causa ipsam movens, atque conservans alios circuitus excitare possit, & recurrat alter, antequam prior plane desierit, & recurrat semper eodem certo, ac statò ordine temporis servato, erit similiter febris continua, ut patet, sed ex pluribus circuitibus, seu periodicis composita, iisque ex suppositione ordinatis; quare dicere debet Continua Periodica: si vero non recurat alter, servato semper eodem ordine temporis, sed sæpius, rarius, prius, posterius; recurrat tamen, antequam prior plane desinat, erit Continua Vaga, sive Erratica. Si autem causa febrem movens, atque conservans post unicum circuitum alios movere possit, sed non nisi aliquo spatio temporis, postquam prior desit, producet jam febris Intermittens, & Periodica quidem, si circuitus recurrant eodem semper certo ordine accessionum servato; Vaga vero, sive Erratica, si iidem recursus ordinem ejusmodi non servent, sed sæpius, rarius, prius, posteriusve contingant.

lib. 3. c. 51.
&c.
Intermittens quid.

Continua simplex.

Continua periodica.

Continua vaga, seu erratica.

Intermittens periodica, & vaga, seu erratica.

Erit

Continuæ
simplices
sunt Ephe-
mera legiti-
ma

Ephemera
plurium di-
erum,
Synochus
simplex, seu
febris infla-
tiva,
Synochus
putris, seu
febris con-
tinens,

Causus, seu
febris ar-
dens,

Hæctica.

Continuæ
periodica
sunt Tertia-
na continua.
ad quam re-
ducuntur

Causus pe-
riodica,
Colliquans,
Assodes, E-
lodes.
Quotidiana
continua
Barbaris La-
tica, ad
quam Epi-
ala synco-
pales minu-
ta, & hu-
morosa, vel
repletiona-
lis.

Erit igitur hæc summa febrium ad rem præsentem faciens, & hujusmodi earum dispositio: febris omnis aut continua, aut intermittens; continua aut simplex, aut periodica, aut vaga; intermittens autem periodica solum, aut vaga. Et sane ex recensione singularum febrium subito patebit, in hac facili, perspicua, & necessaria febrium partitione ipsas omnes contineri. Ecce siquidem Ephemera legitima est continua simplex, cum per unicum circuitum 24. horarum, paulo plurium, pauciorumve finiatur, ita ut aliis ipsius ulterius non affligatur corpus: Ephemera plurium dierum est quidem aliquanto longior, sed est semper idem circuitus ad plures dies protractus. Synochus imputris (cogimur hic, & in sequenti febre uti vocibus, putredine nempe, causam quadam febrium exprimentibus, cum aptioribus careamus) seu synochus simplex, vel febris inflativa dicta unius simplicis & ipsa circuitus, post cujus finem febre simili non rursus tentatur corpus. Synochus putris, seu febris continens, cum differat hæc febris a priore per majorem calorem, & intensiorem affectionum omnium, cæterum circuitus unicus, post quem perfecta salus: Causus seu febris ardens, quando periodo caret, cum enim sine recurso est, differt solum a duabus præcedentibus per calorem exurentem, & extremam sitim, cum quibus conjungitur: ac tandem Hæctica, cum hæc sit febris unius circuitus, caloris, ac pulsus semper ejusdem gradus, nisi quantum leviter uterque intenditur a cibo. At vero continuis ordinate recurrentibus accensendæ sunt Tertianæ continua, cum hæc ex pluribus circuitibus constet, quorum singuli tertio quoque die servato semper hujus ipsius temporis ordine recurrunt ita, ut invadat alter, antequam prior plane desierit, & ad hanc Tertianam continuam redigenda est superius exposita Causus, cum typum Tertianæ habet, vel ejus calorem ad hanc colliquans, vel ratione typi, vel caloris fundentis ita, ut colliquescere cogat corpus. Ad hanc Assodes, & Elodes ex non absimilibus causis. Quotidiana continua, cum hæc pariter pluribus constet circuitibus, sed singuli singulis diebus recurrant, servato semper hujus ipsius temporis ordine ita, ut invadat alter, antequam prior plane desierit, & ad hanc quotidianam continuam propter frigus quoddam redigunt Epialam, Syncopalem minutam, Syncopalem humorosam, vel repletionalem. Quartana continua, cum hæc pariter pluribus constet

stet circuitibus, sed singuli quarto quoque die servato semper hujus ipsius temporis ordine recurrant ita, ut invadat alter, antequam prior plane desierit: ac denique Maligna, & Pestilens febris sunt ut plurimum e genere continuarum ordinate recurrentium, licet aliquando sint etiam ex continuis simplicibus, unde ad alterutram expositarum classium redigendæ sunt; imo vero sunt etiam erraticæ, ut notabimus infra; Hæ autem febres omnes dicuntur Continuae essentielles, sive primariæ, aliæ sunt secundariæ, quæ accidentes, symptomaticæ, & earum aliquæ etiam comitatæ nuncupantur; & Primariæ quidem sunt ex se ipsis morbus, nec ulli alii morbo, a quo pendeant, superveniunt; Symptomaticæ pendent ab alio morbo, cui vel dum fit, vel postquam factus est, superveniunt; Comitatae denique conjunctum secum habent morbum alium, quem vel ipsæ necessario generant, vel uterque simul generatur. Has omnes febres esse debere continuas, asserunt (non tamen video, cur intermittentes esse non possint, si a causa pendeant, quæ non nisi per vices possit invadere) recensentque Phlegmonoden, Erysipelatoden, Typhoden, Lypiriam, Lentam, febrem Variolarum, & Morbillorum in pueris. Succedunt his Intermittentes periodicæ, e quarum numero est Tertiaria intermittens, cum hæc ex pluribus circuitibus constet, quorum singuli tertio quoque die servato semper hujus ipsius temporis ordine recurrunt ita, ut invadat alter, postquam prior per aliquod spatium temporis corpus integrum reliquerit; Quotidiana intermittens eundem in circuitibus suis temporis ordinem servans recurrendo diebus singulis, postquam prior circuitus per aliquod spatium temporis ex toto desit: & Quartana intermittens quarto quoque die ordinate recurrens circuitibus suis, quorum prior per aliquod intervallum temporis ex toto finiatur, antequam invadat alter. Tam continuæ, quam intermittentes febres sunt vel legitimæ, exquisitæ, veræ, vel spuria, & nothæ: illæ sunt, quibus conveniunt omnes, & non aliæ affectiones, quam unius alicujus febris; nothæ vero, quibus plurimæ quidem insunt affectiones alicujus febris, sed non omnes, & aliquot alicujus aliæ. De Nothis seorsim, ac distincte a nobis, neque in hac enumeratione affectionum, quæ febribus conveniunt, neque in sequentibus propositionibus agendum est, cum quid illæ sint, subito pateat, si quid sint febres legitimæ, intelligatur. Ex his

Quartana continua.

Maligna & Pestilens.

Continuæ essentielles, & primariæ; secundariæ symptomaticæ, accidentes comitatæ, quæ sunt

Phlegmonodes, Erysipelatodes, Typhodes, Lypiria, Lenta, febris Variolarum, & Morbillorum in pueris.

Intermittentes periodicæ sunt Tertiaria intermittens.

Quotidiana. Quartana.

Continuæ & intermittentes sunt vel spuria, aut veræ, & quæ sint: de spuris a nobis distincte non agendum.

Omnes fe-
bres sunt
aliquando
compositæ,
& sunt

Confusæ.

Et distin-
guuntur a
Nothis.

Implicitæ, &
sunt plures
tertianæ,
quartanæ,
quotidianæ
&c.

Semitertia-
na, seu hor-
rida.

Subintran-
tes.
Coalternæ.
Communi-
cantes.

Nec de com-
positis di-
stincte a no-
bis agen-
dum; & so-
lum aliquid
de semiter-
tiana.

Continuæ,
& intermit-
tentes erra-
tica, seu va-
gæ.

interim patet, a febribus nothis non constitui genus aliquod fe-
brium, quod in hac earum partitione non contineatur. Ulterius
tam febres continuæ simplices, quam periodicæ, & intermit-
tentes aliquando componuntur, hoc est, plures febres ejusdem,
vel diverſi generis eodem tempore affligunt ægrum, ut plu-
res continuæ simplices, plures continuæ periodicæ, plures inter-
mittentes, vel simplices, & periodicæ, vel periodicæ, & inter-
mittentes, vel continuæ simplices & intermittentes & recen-
sentur Confusæ, quæ eodem tempore incipere, ac desinere di-
cuntur, ita ut vix discerni possint; servant tamen utræque naturam
suam, & neutra prævalet, aut trahit, mutatque alteram in pro-
priam conditionem, aut aliquid suæ fortis ipsi communicat, un-
de distinguuntur a Nothis, quæ sunt febres singulares plurium na-
turam participantes, & ab illa, quæ prævalet, denominationem
sumentes, ut mixta ab elemento, quod est potentius, seu domina-
tur. Implicitæ, cum plures febres eodem tempore detinent, &
evidenter distinguuntur, quæ si sunt ejusdem generis, denomi-
nantur ab ea, qua sunt, multitudine, ut duæ, tres &c. tertianæ,
duæ &c. quartanæ, duæ, aut plures quotidianæ. Cum vero
implicantur febres diverſi generis, proprio carent nomine, ex-
cepta febre, quæ componitur ex tertiana intermittente, & quo-
tidiana continua, cum hæc appellari soleat Semitertiana, vel
Horrida. Cum autem hæc febres implicantur, seu componun-
tur, siquidem alterius paroxysmus invadat, antequam prioris
desinat, dicuntur Subintrantes: si brevi a fine integro unius in-
vadit alter, Coalternæ; si vero quasi statim a fine decessionis
unius invadit alter, Communicantes ab Avicenna nuncupantur.
Neque igitur de compositis febribus deorsum, atque distincte
a nobis in febrium enumeratione, aut propositionibus pertra-
ctandum; quicquid enim in compositis demonstrationem ex-
igit, illud totum in iis febribus seorsim continetur, ex quibus
illæ componuntur: erit solum aliquid de Semitertiana exponen-
dum, cum in ipsa quædam contingant, quæ penitus omitten-
da non sunt; sed & hic patet interim, a febribus compositis
non constitui genus aliquod febrium, quod in exposita parti-
tione non contineatur. Postremo Vagæ, aut Erraticas febres
ex ipsa appellatione patet, esse posse tam continuas, quam inter-
mittentes, adeoque etiam malignas, ac pestilentes, quæ nul-
lum certum ordinem accessionum, finium, circuituum, nul-
lam

lam certam febris formam servant, sed sæpius, rarius, per plures dies, paucioresve, per horas etiam invadunt, desinunt modo cum calore, modo cum frigore, & hujusmodi perturbatis, & ordinem minime servantibus affectionibus conjunctæ; sed neque in his contineri quicquam, patet, quod a nostra partitione febrium non habeamus, & erraticas ad eas ipsas facile redigi. Quoniam itaque series febrium, quas ad continuas, & intermittentes rede-
 gitimus, est, quantum febrium a rei Medicæ peritis dari supponitur, earumque distributio est juxta partitionem febrium comparatam per quasdam earundem affectiones notas sensibus, nec de causis, aut operandi modo quicquam supponentibus perspicuam, ac necessariam, & hujusmodi partitione nobis est opus, ut aliquo apto ordine enumerentur antecedentia, conjuncta, & succedentia singularum febrium, in quarum causam, naturamque perquirere constituimus; febrium igitur enarrationem eo ordine instituamus oportet, quem superius exposita partitio secum fert, adeoque primo exponendæ affectiones febrium continuarum simplicium, tum continuarum periodicarum, tertio periodicarum intermittantium, postremo tam continuæ, quam intermittentes erraticæ, quid sint singulæ, deinde per propositiones indagaturi. Age itaque & rem ipsam aggrediamur.

Quis ordo
in febrium
enarratione
servandus.

ANTECEDENTIA, CONJUNCTA, ET SUCCEDENTIA FEBRIBUS CONTINUIS SIMPLICIBUS.

Febris diaria, vel Ephemera legitime & proprie dicta: Græcis πυρελὸς ἐφύμερα.

TRistitia, timor, sollicitudo, iræ, vigiliæ nimia, animi contentio, evacuationes, motus corporis, nimia omnia, dolor, fames, sitis, cibus & potus calidus, ebrietas, cruditas sive nidorosa a nimio calore, sive a parvo veniens, æstus aëris, mora ad ignem, vel solem, balneum nimis calidum, prohibita perspiratio, perfrigida, vel adstringentia, ut balneum aluminosum, & hujusmodi: glandularum & inguinum inflammationes, seu bubones, præcipue cum suppurantur, temperamentum calidum & siccum, somnus nimius, retentio fuliginum,

ANTECEDENTIA,

CONJUNCTA.

alvi fæcum, & urinæ: erysipelas extremorum, plenitudo. Initium a causa procatarctica, evidente, & manifesta, vel immediate febrem excitante, prohibendo ex. gr. perspirationem, &c. urina sub initium colore, substantia, & contentis fere qualis sanorum, aliquando crudior, & albidior, mox sedimentum bonum, aut eneorema aut nubecula, & bonus color, respiratio magna, & frequens, calor, & dolor capitis, pulsus non multum a naturali dissimilis, solum aliquando major, celerior, atque frequentior, aliquando etiam debilior, semper tamen sine ulla inæqualitate, & cessante febre statim ad naturalem statum redigitur, nulla identidem recurrente inæqualitate, ut in aliis febribus contingit, calor naturali quidem major, & molestior, sed mitis, & suavis etiam in statu, & vigore febris, accessio sine frigore, rigore, horrore, pandiculatione, oscitatione, vel levis aliquando, & subito evanescens horror, incrementum caloris ac pulsus liberum, & æquale. Declinatio (decessio dicitur Celsò) cum madore, & humida evaporatione, qualis sanorum sudor, post quem perfecta apyrexia, seu, ut Celsus diceret, finis integer, ab animi affectibus veniens est cum urina rubicundior. Ex ira pulsus magnus, creber, vehemens, calor non mordax, sed copiosus, & blandus. Ex tristitia pulsus parvus, tardus, languidus, rarus, calor acrior potius, quam copiosus, corpus extenuatum, oculi concavi, & nova quædam decoloratio. Huic similis febris, quæ ex animi contentione, sed extenuatio corporis, oculorum cavitates, & decoloratio faciei minor succedit. Ex vigiliis facies humidior, oculorum motus gravior, elevatio palpebrarum difficilior, & in iis humiditas quædam. Ex lassitudine per labores cutis ficcior usque ad statum, a statu vero iis, qui ad summum non fatigarunt, ex imo corpore humidus vapor ad cutem fertur, unde hæc humescit; summe autem fatigatis etiam declinante febre siccitas permanet. Ex cutis adstrictione eadem durior, compactior, calor primo tactu mitis; sed eoditius protracto calor intensior, urina rubicundior, non cavi oculi, non extenuatio corporis. A bubonibus pulsus maximi veloces, frequentes, æquales, calor multus, suavis, faciei rubor. Ex plenitudine facies & oculi rubicundiores, urina rubicundior, pulsus magnus, velox, durat 24. horas, paulo plures, aut pauciores.

Synochus simplex, vel continens, vel Hæctica præcipue in SUCCEDENTIA.
juvenibus calidioribus tempore verno periodice in cacochymicis;
quæ autem succedant febres, ostendunt affectiones singularum
propriæ, & præmonstrant dispositiones, quæ febrienti insunt
etiam, antequam Ephemeræ finiatur. Instat autem Ephemeræ
aliqua expositarum febrium, si transactis 24 horis adhuc Ephe-
mera cum dolore capitis, qui eodem spatio temporis exacto
adhuc perseveret, si nullus sudor erupit.

Ephemeræ plurium dierum.

EAdem, quæ Ephemeram proprie dictam, sed majoris ro- ANTECEDENTIA.
boris, obstructio cutis, repletio, ebrietas, catarrhi, bubones.

Eadem similiter, sed duratio per plures dies absque ulla re- CONJUNCTA.
missione, aut intensione.

Similiter eadem.

SUCCEDENTIA.

Synochus non putris, seu Synochus simplex, sive Febris Inflativa dicta.

EAdem cum Ephemeræ, sed præcipue prohibita perspiratio, ANTECEDENTIA.
& potissimum effluviorum calidiorum, plenitudo vasorum
a sanguine, seu plethora ad vasa cum duritie corporis, tempus
vernum, juvenus, vini nimius usus, cibi succi pleni, suppres-
sio hæmorrhoidum, menstruorum, vel cujuslibet alius efflu-
xus, qui vel natura fieri debeat, vel assuetudine.

Eadem cum Ephemeræ, sed magis evidentia, & magis acti- CONJUNCTA.
va, calor blandus, sed major, quam in Ephemeris, cutis non
ficca, sed madore perfusa, urina naturali similis, crassior ta-
men, & rubicundior, pulsus vehemens, celer, frequens,
plenus, magnus, & æqualis. Facies, ac totum corpus ru-
bens, & quasi inflatum, venæ sanguine infartæ, ac tumidæ,
lassitudo tendens, caput grave, respiratio difficilior, & frequen-
tior, somnus plerumque profundus, & rubra per ipsum spe-
ctra, pulsatio temporum, pectoris angustia, inquietitudo.
Duratio per tres, quatuor, aut non multo plures dies ad us-
que septimum sine remissione, & per totum durationis spatium
vel calor est æquabilis, seu ejusdem gradus, & dicitur febris
Homotonos, vel Acmaestica, vel continue crescit, & dicitur
Epacmaestica, vel continue decrescit, & dicitur Paracmaestica.
Sudore, vel hæmorrhagia narium solvitur.

Eadem cum Ephemeræ quoad febres, & in insigni plethora, SUCCEDENTIA.
quæ

quæ si non sit per artem Medicam imminuta, phrenitis, angina, pleuritis, vel quid simile a nimio sanguine.

Synochus putris, seu febris continens.

ANTECEDENTIA.

CUtis, jecoris, & aliarum partium internarum obstructio-
nes a crassis, & viscidis humoribus, copia nimia sangui-
nis, ætas juvenilis, tempus vernum, suppressio consuetæ, aut
naturalis evacuationis, biliosi, aut sanguinei temperamenti
corpus, multus labor, & exercitatio, curæ vexantes in sola-
tio, & æstus longior, ciborum, & medicamentorum incen-
dentium, & exsiccantium usus, quicquid bilem cumulat.

CONJUNCTA.

Accessio sine frigore, horrore, rigore, calor tactui multus,
vaporosus, minus molestus & acris, quam in periodicis, ma-
jor, & acrior, quam in continuis simplicibus hætenus expo-
sitis. Processus ejus ab accessione usque ad finem integrum
apta proportionem decrescit, increscit continue, aut in eodem
semper gradu persistit, & hoc per totum primi diei spatium
præcipue solet contingere: quæ ejusdem gradus calorem con-
servat, dicitur Febris Homotonos, vel Acmaistica, ut in syno-
cho simplici, continue decrescens Paracmaistica, continue in-
crescens Anabatica, seu Epacmaistica; nulla accessio nova, aut
exacerbatio; pulsus magnus, vehemens, celer, frequens, inæ-
qualis, inordinatus; urina crassa, turbida sine sedimento, cru-
da, vel leviter cocta in principio; aliquando etiam dolor ca-
pitis, inquietitudo, vigiliæ, sitis; urina tenuior; aliquando
dyspnœa, inflatio, & rugitus ventris, pustulæ nigræ, aut
lividæ. Pura durat septem dies, notha quatuordecim.

SUCCEDENTIA.

Urinæ sub initium rubicundiori salus, & brevi successura; al-
bæ autem plerumque mors: diutius protractæ facile causos,
asthma, inflammatio pulmonum, hæmorrhagia, vel pruritus,
& titillatio narium, splendores ob oculos, visus hebetudo.

Causos, seu febris ardens sine periodo.

ANTECEDENTIA.

QUicquid intense siccatur, & calescit, temperamenta cali-
da, & sicca, ætas juvenilis, aut consistens, aëris calida,
& sicca temperies, ferventissimus solis æstus, labor immo-
dicus, vigiliæ diuturnæ, copiosior vini potus, ira, sitis, &c.
A dolore ventris laborioso febris ardens lethale ait Hippocrates.

CONJUNCTA.

Calor urens, constans, & perpetuus sine ulla exacerbatio-
ne

ne, & fitis inextinguibilis, etiamsi biberint ægri, quæ duo sunt præcipua, & constituenta: utraque intensiora in Causo legitimo, quam in notho, lingua sicca, aspera, nigra, ventris morsus, dejectiones pallidæ, vigiliæ, interdum desipientia, respiratio difficilis, densa, magna efflatio continue os aperiendo, jactatio, & inquietitudo indefessa, pulsus duri, celerissimi, urinæ flammeæ. Puræ ardentes plerumque septem, non puræ novem, undecim, quatuordecim, &c. diebus durant, & solvuntur per alvi dejectiones, sudores, vomitus, abscessus, & hujusmodi.

Senibus plerumque mors, sicut iis, qui Causo corripuntur ^{Succedent-} in aëre, temperamento, anni tempore, & cæteris frigidis: ^{TIA.} Quartana intermittens præcipue, si febris ardens ad Autumnum pertingat.

Hæctica.

Febbris Hæctica dicitur intemperies calida, & sicca partium solidarum, & cum absumit humiditatem ipsarum roridam primus gradus Hæcticæ: cum substantiam carnosam, & adiposam, ut Galenus asserit, ut alii, cambium, secundus gradus: cum membranosa & fibrosa, quæ Galeno in specie solida dicitur, ut aliis gluten, tertius ac summus gradus. Hinc duplex statui potest, cum tabe, & sine tabe; sine tabe, cum humiditas partium nondum absumpta est; cum tabe eadem jam absumpta, & exsiccata, ac tum Hæctica marasmodes, & ejus summus terminus Marasmus non naturalis, & incurabilis; datur enim & naturalis marasmus, Latinis marcor, & est illa viventis corruptio naturalis ob siccitatem, qua senes omnes natura morerentur, & Senium etiam dicitur, & a simili affectu siccitatis traductum est hoc nomen ad ultimam vim Hæcticæ fataliter exsiccantem, quæ non per frigiditatem, & siccitatem, ut naturalis marasmus, sed per caliditatem, & siccitatem interimit. Dicitur Hæctica κατὰ ἔξιν, juxta habitum, seu habitualis, hoc est quæ tam invaluit, ut ex sese ipsam conservet, habeatque suæ conservationis causam inhærendo partibus, easque consumendo, atque ita nulla aliunde veniente & conservante causa opus habeat; reliquæ vero febres dicuntur κατὰ σκεῖν, seu scheticæ, hoc est, in dispositione, ad quas nimirum excitandas, & conservandas requiritur fomes, & causa in corpo-

Hæctica
marasmo-
des, & ma-
rasmus.
Marasmus
naturalis,
seu marcor.

ribus cæteroquin febriendo dispositis, quæ sine ejusmodi causa nunquam febrerent.

ANTECEDENTIA,

Quæcunque plurimum humidæ substantiæ in partibus solidis absumere, vel maximum calorem excitare, vel utrumque præstare possunt, & dispositio ad suscipiendas eorum impressiones, sic diuturnæ, atque insignes evacuationes per alvum, urinam, sudores &c. ulcus in pulmonibus, thorace, utero, renibus &c. inedia, labor, tristitia, curæ, singula diuturna, calor febrium ardentium, & acutarum, & aliæ etiam febres diuturnæ, habitus corporis calidior, & siccior aëris & loci constitutio calida, & sicca, ebrietas, furor.

CONJUNCTA.

Calor sine ullo ægri dolore, ac molestia ita, ut se febrere vix sentiat, primo attactu debilis, diutius protracto acer, & mordax, major in arteriis, quam in partibus circumpositis; intensio ejus ab assumpto cibo, quacunque hora sumatur, etiam non servata eadem hora ipsum sumendi diversis diebus, & duratio ejus intensificationis per totum tempus, quo chylus distribuitur, quo absoluto calor ad suum priorem statum se redigit, & semper ejusdem gradus ad usque novam assumptionem cibi perseverat. Cum calore mutatur pulsus, qui fit major, & velocior, duratque talis, quousque durat caloris intensio, ac tum pulsus etiam redigitur ad eum statum, in quo fuerat, antequam cibus assumeretur, nempe parvum, crebrum, & celerem. Mutationes istæ contingunt sine ullo frigore, rigore, horrore, oscitatione, pandiculatione, & si quæ alia aliarum febrium accessiones comitantur, & hæ mutationes caloris, & pulsus a cibo sunt propria, & inseparabilia ab Hæctica: cæterum pulsus parvus, creber, modice celer, urina per colorem naturali similis, debilitas semper increscens, extenuatio corporis, & exsiccatio. Cum vero ad secundum gradum deducitur, siccitas, & debilitas major, pulsus magis debilis, frequentior, minor, durior, urina oleaginosa, cui nempe pinguedo innatat, qualis araneorum telæ. In tertio autem gradu invalescunt hæc omnia mala cum iis omnibus, quæ conjuncta sunt cum summa siccitate. Insuper cum Hæctica in genere conjungitur calor in hypochondriis primo tactu mitis, post acer, mordax, aridus, pigrities, ad motum desidia, & motus difficilis. Complicatur Hæctica cum Ephemeris periodicis continuis, & intermittentibus, & cognoscitur per singularum signa, quod difficile captu non est.

Pri-

Primo gradui secundos, nisi ille curetur, & nisi curetur pariter secundus (secundum enim etiam curari posse, sunt qui asserant) ipsi secundo summa tabes, seu marasmus, & mors irreparabilis.

ANTECEDENTIA, CONJUNCTA, ET SUCCEDENTIA FEBRIBUS CONTINUIS PERIODICIS.

Febbris synechis, sive continua proportionata, & periodica (ita enim appellatur communiter) est ejus naturae, ut nunquam ad finem integrum, seu apyrexiam perveniat ante accessionem alterius circuitus, & diversa sortitur nomina, prout alter ille circuitus singulis, tertio, aut quarto quoque die recurrit, unde quotidiana continua. Accessiones autem nullus praecedit, aut comitatur horror, rigor, aut frigus; decessiones nullus sudor.

Tertiana periodica.

Quaeunque ad intensiorem calorem disponunt, abundantia bilis, temperamentum calidum, & siccum, vel similis intemperies alicujus partis, vel totius corporis, juvenus, alimenta calida & sicca, inedia, victus tenuis, & parcior, exercitatio corporis frequens, & vehemens, aestus aëris, sive a regione, sive ab anni tempore, sole, balneo &c., evacuationes biliosae suppressae, vigiliae nimiae, animi contentio, & hujusmodi.

ANTECEDENTIA.

Calor urens, & sitis ardens, vigiliae, aut somnus levis, insomnia iram prae se ferentia, deliria, oris amaritudo, linguae siccitas, & nigredo: sine frigore, rigore, aut horrore exacerbatio, sine sudore decessio, pulsus in accessione compressus, contractus, & quasi se abdens, parvus, rarus, aut frequens, & inaequalis inaequalitate systematica, qua scilicet una pulsatio est major altera, deinde celer, & frequens: urina ignea, rubra, acris, initio semper cruda sine sedimento: nausea, vomitus biliosus, & similes dejectiones, magna anxietas.

CONJUNCTA.

Quartana intermittens praecipue, si tertiana periodica Autumnum attingat.

SUCCEDENTIA.

Ad tertianam continuam periodicam pertinent Causos, seu febris ardens, cum servat tertianae periodicae typum, vel calo-

Causus.

K k rem

Colliquans.

rem ejus & de hac febre superius. Colliquans, quae est summi caloris, pinguedinem, carnem, partiumque solidarum substantiam fundens, in liquidum redigens, & extra corpus mittens per insensilem perspirationem, sudores, urinas, dejectiones, & in hac contingit subita corporis emaciatio, & consumptio, oculi concavi, collapsa tempora, nares acutae, dejectiones rufae, pingues, foetidae, viscosae, corpulentae, sincereae, biliosae, & spumosae, urinae pingues, oleosae. Febris Affodes, in qua jaectatio frequens, & inquietitudo molesta, quam febrientes graviter ferunt, nausea ut plurimum, & vomitus, morsus, & stimulus orificii superioris ventriculi, & membranarum ejus, ac denique febris Elodes, in qua perpetuo sudores funduntur.

Affodes.

Elodes.

Quotidiana continua periodica Barbaris Latica, quod latentem quandam habet calorem.

ANTECEDENTIA.

Aetas, natura corpus humidum, pueri, infantes lactentes, vel adhuc carentes dentibus, senes, qui crassiore sunt corporis habitu, otio, crapulae, longo somno dediti, loca humida, vel regiones, & tempestates similes.

CONJUNCTA.

Calor primo attactu mitis, mox acrior perseverans a prima ad alteram accessionem, & haec circa vesperam sine ullo frigore, rigore, horrore, sine ullo sudore decessio; pulsus rarior, tardior, inaequalior, & minor, quam in reliquis periodicis, & adhuc rarior, & tardior in accessionibus, & compressus, & quasi se abdens. Urina sub initium, & ad accessiones crudior, mox crassior, minus ignea, & rubra, quam in caeteris periodicis, sitis etiam remissior, nisi urgeat salsa pituita, facies subhumida, laxa, sublivida, somnolentia, inappetentia, excretionnes pituitosae, in longum protrahitur, vix desinit ante diem 40, & ad sexagesimum, atque ulterius excurrit. Per sudorem, alvi fluxum, aut abscessum judicatur, ut per parotides, quae ipsi non raro superveniunt, Cachexia, Hydrops, febris Hectica.

SUCCEDENTIA.

Epiala.

Ad Quotidianam continuam periodicam pertinent Epiala vel *ὑπό τῆς ἡμέρας*, quod blanda, & lenis est, vel a rigore, qui *ἡπιάλῳ* Atticis, illa est cum Galeno, in qua eodem tempore minimae, & universi corporis particulae, calore, & frigore afficiuntur, non ut Avicenna, & Arabes, in qua per totum circuitum interiora frigent, exteriora calent. Hanc alii ad intermittentes, alii

alii ad Continuas periodicas, alii ad Symptomaticas reducunt. Ajunt tamen, ad Quotidianam periodicam referendam propter frigus, quod a pituita, quae nondum putruit, nec putrescit adhuc calorem, qui a pituita similiter, sed quae jam putruerit, vel putrescat, quae utraque calor scilicet, & frigus simul tactu teste in hac febre contingunt. Hinc igitur asserunt, originem hujus febris repetendam esse a pituita putrida, vel putrescente, quae non putridae admixta sit.

Syncopalis, quae duplex, utraque ad pituitosas febres perti-
nens, altera humorosa, vel repletionalis conjuncta cum copia Syncopalis
Humorosa,
&
crudorum, & pituitosorum humorum, cum oris ventriculi debilitate, unde aeger in syncopem labitur praecipue febre invadente, adest virium imbecillitas, pulsus parvus, debilis, valide inaequalis. Syncopalis minuta dicitur altera, & conjun-
cta statuitur cum humore tenui, paucos, acri, icoroso; sed Minuta.
corrupto, & venenato, quo os ventriculi afficiatur, & fiat syncope.

Quartana continua periodica.

QUaecunque humores crassos frigidos, ac terreos, seu sic-
cos generare possunt, corpus aridum, & macilentum, ANTECE-
DENTIA.
color fuscus, aut obscurus, temperamentum frigidum, & siccum, aetas inclinans, tempus autumnale, aut magnas inaequalitates habens, curae multae, & sollicitudines, haemorrhoides suppressae, tumor lienis.

Calor quarto quoque die invalescens nullo praecedente frigore, aut horrore, nullo succedente sudore, caetera eadem cum quartana intermittente, nisi quod pulsus in Continua initio est parvus, tardus, & submersus, postea magnus, plenus, celerior, & inaequalior, quam intermittente, & in statu fit intensior; calor mitior, quam in tertiana periodica, acrior, quam in quotidiana; sitis media inter sitim tertianae, & quotidianae periodicarum. Urina initio crudior, & tenuis, post varia, protrahitur ad 40. diem, & ulterius etiam, raro contingit, & vires maxime dejicit. CONJUN-
CTA.

Quartana intermittens, cachexia, tabes.

SUCCE-
DENTIA.

Febris maligna naxoſus, ſeu mali moris: & varias ejus ſpecies, nempe morbum Hungaricum, ſudorem Anglicum, febrem malignam cum ſpaſmo, catarrhum, ac tuſſim epidemicam malignam, vide apud rei medicae Scriptores.

ANTECEDENTIA.

CONJUNCTA.

Vitioſi, ac pravi humores in corpore collecti per cibum pravam vitiiſ, & corruptioni facile obnoxium, prava a natura conſtitutio, in eadem vitia facilis, & quicquid humores corrumpere, & quaſi in venenatam naturam permutare poteſt.

Species quaedam benignioris febris, nempe mitior calor, quo fit, ut principio lateat natura febris deterioris: paulo poſt principium virium inſignis imbecillitas ſine cauſa manifeſta, & major, quam pro febris, & caloris natura, inquietitudo, anxietas, inordinati ſudores. Pulſus frequens, parvus, imprimis debilis, aliquando naturali ſimilis cum inquietitudine, anxietate, aliisſque peſſimis, unde & talis pulſus peſſimus eſt, aliquando initio febris formicanti ſimilis, minimus, & frequentiffimus, ut plurimum pulſus varius. Urinae primis diebus aliquando quales ſanorum cum peſſimis interim ſymptomatis aliis, aliquando tenues, crudae, ſine ſedimento, vel quid in fundo matulae potius excremento, quam ſedimento ſimile, aliquando craſſae, coloratae, turbidae, cum craſſo, rubro, turbido ſedimento. Calor comparatus cum calore febris ardentis minor, etſi ſummus eſt in his febribus, & magnum plerumque incendium, ſymptomata interim graviora, quam in febre ardente, & quam quae ſecum ferre debere caeteroquin videretur calor ille minus acer. Siſis aliquando magna ſuperans caloris febrilis modum, aliquando nulla cum intenſa febre, & linguae ſiccitate, ſingularis ad omne ciborum genus inappetentia non ſecus, ac ſi eſſent medicamenta quaelibet guſtui graviffima, nauſea, & vomitus in principio praecipue morbi, horror frequens, & inordinatus ſaepe in die recurrens. Gravitas totius corporis, & veluti membrorum confractio, deliria, dolor capitis non eundem locum ſervans, ſed modo in fronte, modo in occipite, dolent & aliae partes fixo dolore, vel vago; ſudores frequentes, parvi, minuti inutiles principio morbi, oculorum rubor frequentiffime contingit, variolae, & morbilli per totum corpus erumpere ſolent, ſed majori copia in facie, pedibus, & manibus: ſimiliter maculae purpureae, ſeu petechiae; ſed haec

ma-

majori copia proveniunt in dorso praecipue, & pectore, in facie, pedibus, ac manibus multo pauciores, & plerumque nullae. Facies tetra, & a naturali statu multum aliena, vividaque sua vi, ac spiritu destituta; aliquando tamen est naturali similis, vigens, & florida. Somnus, vigiliae, veternus, memoriae debilitatio, spectra varia, insomnia turbantia, nihil cohaerentia, vertigo, tremor, convulsio, corporis inquietitudo, anxietas, oculorum caligo, surditas, tinnitus aut sibili aurium, odoratus, & gustus corruptio, membrorum quasi conquassatio, cardialgia, sitis molesta: nausea, vermes per alvum, os, aut nares, fluxus alvi foetidi, colliquantes, stillicidium sanguinis e naribus praecipue initio morbi, & majoris quantitatis, tumores post aures, circa alas, & inguina difficile maturantes, saepe retrocedentes, lingua sicca, aspera, nigra, os amarum, extrema modo refrigerantur, modo incendio uruntur, & nihil malorum est, quod cum malignis febribus aliquando non jungatur. Quae erumpunt peticulae, sive petechiae, vel lenticulae, aut purpuratae sunt maculae lenticulis puncturis, aut morsibus pulicum similes frequenter purpurei coloris; sed & violaceae, virides, lividae, nigrae, aliquando majores instar vibicum, & lividae, quales vibices, aliquando amplissimae, & integras partes corporis occupantes, ut brachia, crura, dorsum, atque rubescunt; cum autem petechiae sint simplices maculae, nihil a cute eminent; sed ipsam solum inficiunt. At variolae sunt pustulae, quae ad suppurationem veniunt, morbilli minores pustulae, & quasi asperitates cutis, quae sine suppuratione excutuntur. Exanthemata pariter erumpunt, pustulae nempe, quae eminent, & ad suppurationem veniunt. Febris, in qua peticulae, Petechialis dici solet.

Febris petechialis.

Febris pestillens, cum nempe febris maligna privata sit popularis, eorum, quos invadit, plerosque necans, & contagiosa.

SUCCEDENTIA.

Pestillens.

Differunt pestis & febris pestilens; neque enim semper pestis cum febre; sed dantur pestes sine febre, ut apud rei medicae Scriptores. Cum autem pestis est cum febre, antecedunt, conjunguntur, & succedunt pesti eadem, ac febris, ut patet. Differt autem pestis a febre pestilente, ut genus a specie, cum enim pestis in genere sit morbus communis, seu popularis plerosque necans, & contagiosus, quoties febris popu-

1. σπορα-
δικός.2. ἐνδ-
μικός.3. ἐπιδη-
μικός.

4. λιμῶδης.

ANTECE-
DENTIA.CONJUN-
CTA.

laris est plerisque necans & contagiosa, Pestilens dicitur. Ubi notandum, populares morbos esse vel 1. *sporadicos*; cum nempe diversa genera morborum plurimos eodem tempore, ac regione corripunt; vel 2. *endemios*, cum idem genus morbi plurimos eodem tempore, ac regione corripit, ortumque habet ab eadem regione, cui est familiaris, ac naturalis: vel 3. *epidemicos*, cum idem genus morbi aliunde translati plurimos eodem tempore, ac regione corripit, & nullum ex his popularibus esse pestilentem, nisi necet plerisque, & sit contagiosus, & Graecis dicitur 4. *limodis*, qui pestilens est, vel pestis.

Victus parvus, aer corruptus vel loci vitio, ventis, vel tempestatibus a naturali ordine deviis, contagium aliunde advectum, halitus venenati e terrae imis per terrae motus, fodinas &c. Mox autem invasuram antecedunt morbi epidemici, qui cujuscunque generis esse possunt, febres petechiales, variolae, morbilli, dysenteriae, pleuritides &c. epidemicae; variolae, morbilli, non solum infantes, sed & adultos corripientes, anthraces, seu carbunculi, & bubones frequentius erumpentes, summa caritas rerum, unde fames naturalis, ex qua pestis, juxta dictum Graecum ὁ λοιμὸς μὴ λιμὸν, pestis post famem.

Subitaneus virtutis lapsus, summaque virium debilitas; animalis vero facultas in peste ad usque finem vitae integra persistere dicitur, sicut & naturalis aliquando non adeo insigniter labefactatur, in multos invasio, & plerorumque mors, per contagium communicatio, quod fit vel per verum contactum peste affecti corporis, vel per quid ab eodem non attrectato in distans expirans, quod est a peste inseparabile. Cum exposito subitaneo virium lapsu palpitatio cordis, lipothymia, syncope, summa angustia, ob quam quiescere nequit aeger, sed corpus volutat, mutatque situm; virium vero lapsus fit sine ulla manifesta causa, & evacuatione insigni, vigiliis, doloribus &c. pulsus parvus, languidus, frequens, inaequalis, calor ardens quandoque tam interius, quam exterius, plerumque ingens aestus interius, exterius mitis calor, ita ut nares, aures, summae manus ac pedes aut non caleant, aut minime caleant; cum interim per aestum interiorem vestimenta, operimenta, & lintea ferre non possint. Exanthemata rubra, pallida, nigra, livida, aliorumque colorum, bubones, & carbunculi, quae singula ab exanthematis ad carbunculos usque seorsim spectata non erunt.

argumenta pestis, nisi cum aderunt antecedentia, & conjuncta reliqua cum peste; neque enim omnis carbunculus, &c. est pestilens; sed solum qui conjungitur, ac pendet a causis pestis. Cum vero Animalis facultas etiam afficitur, fit delirium frequens, memoriae lapsus, perpetuae vigiliae, vel veternus, & sopor, oculi lumen refugientes, aurium tinnitus, surditas, tremores, convulsiones, lingua inepta sermoni, quasi balbutiens, nec nisi magno conatu se movens, aliquando inappetentia, nausea, vomitus. Urina nunc tenuis, & summe cruda, nunc turbata, & jumentorum similis, frequentius colore livido, & plumbeo, non raro foetida, interdum sanorum similis, sudor aliquando copiosus, nonnunquam foetidus, intempestivus, acer, frigidus, stillicidium sanguinis e naribus. Alvi dejectio prava, foetida, male colorata, & saepissime exigua, quaedam glutinosa, alba, crocea, viridis, plerumque foetida, non aquosa, sed corpulenta. Linguae ariditas, & asperitas insignis, oculi vivido colore, & splendore destituti flentium, ac moerentium similes, foetidus spiritus, universum corpus male olens, sensus putridi saporis in bono cibo, ac potu, cardialgia, singultus. Varias foeditates, & ulcera per cutem, quorum alia ignem sacrum, inflammationem, serpigines, impetigines, lepram, scabiem alia referunt, durat 24. horis, triduo, quatrinduo, quinque, septem, novem diebus, ultra quartum decimum etiam producitur.

Mors plerumque, postquam eruperunt per cutem maculae ^{SUCCE-}diversi coloris, quales etiam apparent in iis, qui insigni, & ^{DENTIA.}vehementiore aliquo veneno sublati sunt.

Febres symptomaticae, vel secundariae.

ATque expositae sunt haecenus periodicae febres continuae ^{Symptoma-}primariae, quae scilicet nulli morbo necessario superven- ^{ticae, &}tiunt, sed ex se ipsis accidunt, & morbus sunt. Dantur aliae con- ^{sunt Phleg-}tinuae, quae symptomaticae, vel accidentales, nempe pendentes ^{monodes,}ab alio morbo, a quo ex necessitate proveniunt, ut in phraeni- ^{Erysipela-}tide, pleuritide, hepatitide &c. & febris pendens a vera inflam- ^{rodos, Ty-}matione, a puro sanguine Phlegmonodes, ab erysipellate Erysipe- ^{phodes.}latodes, ab inflammatione jecoris Typhodes, atque ita de caeteris nuncupatur. Hujus classis est Lipyria, in qua interiora ^{Lipyria.}omnia quasi uruntur, exteriora frigent, febris ardens, ac vehemens

Lenta.

mens ab inflammatione magna, & vehemente alicujus profundi visceris cum pulsu parvo, inaequali, & celeri. Huc pertinet febris Lenta a latente obstructione, vel putredine, seu corruptione alicujus visceris, febris mitissima sine ullis accedentibus, ita ut aeger vix se laborare judicet, mali tamen notae in urina, & pulsu; vires aegri collabuntur, ut vix progredi praecipue imbecillitate possit, nihil ex alimento reficitur, sed sensim contabescit, & absumitur, in longum protrahitur ad 40. diem, & ulterius. Lentae similis febris est in cachecticis, & virginibus

Febris alba. chlorosi laborantibus, in quibus Febris Alba.

Febris a
vermibus,
& cum qui-
bus conjun-
cta.

Symptomatica pariter est febris ex lacte corrupto intra ventriculum in pueris, & infantibus; similis a sanguine extra vasa derivato & putrescente; similis ex vermibus, sed conjuncta cum mille aliis; delirio, laesa imaginatione, memoria, motibus convulsivis, animi deliquiis, turbatione visus & auditus, vigiliis, stridore dentium, contritione labiorum, gemitu, clamore praeter occasionem, perfrictione narium, ejusdem loci impatientia, corporis hinc inde pacata, aut cum impetu variatione, ira, inconstantia, pulsu parvo, obscuro, debili, inaequali, deficiente, modo inappetentia, modo faecis canina, & haec cum insigni corporis emaciatione, vomitu, nausea, siti maxima, alvi foecibus aliquando duris, ac siccis, saepius alvo soluta, urinis spumosis, albis, interdum obscuris, fere semper perturbatis, sudoribus foetidis, ac frigidis, saliva plurima ex ore, labiis nocte humentibus, die siccis, foetido halitu, qualis ex aceto, vel fermento, colore pallido, extremorum frigiditate, tumore ventris, punctationibus, doloribus colicis, oscitatione, pruritu, & frictione narium, morsu ventriculi, tussibus siccis, exiguis, dormitatione. Similis ex cruditate infantum ob defectum dentium plura, atque integra devorantium; & voracitatem; & haec cum hypochondriorum tumore, atque inflatione conjuncta est.

Comitatae.

Plures ex his, quae Symptomaticas appellavimus, praecipue quae cum inflammationibus conjunctae sunt, possunt esse Comitatae; tales scilicet, ut vel ipsae simul cum inflammatione generentur, vel ipsae sint, quae necessario inflammationem generent; quia tamen ad rem medicam perinde est, de iis fusius non hic agatur speciatim per singulas excurrando; sed solum Comitatarum unam exponemus, quae cum naturaliter inva-

dat

dat fere omnes, antequam pueritiam, vel adolescentiam exce-
damus, momenti est maximi, ut per illam in vitae discrimen
adductis opem medicam ferre valeamus. Est autem hujusmodi
febris, quae variolas, ac morbillos naturales praeit, de qua proin-
de mox; sed prius adnotabis, non ita plane constare, cur Me-
dici communiter symptomaticas omnes continuas asserant; si
enim causa febrem symptomaticam produciens ejus sit conditio-
nis, ut febrem ad finem integrum pervenire permittat, da-
buntur etiam symptomaticae intermittentes, nec video, quid
sit, quod id fieri posse, prohibeat.

Febris Variolarum, & Morbillorum in pueris.

Dolor capitis pulsatorius in fronte, ac temporibus, somno-
lencia gravis, terrores in somno, deliria, interdum tre-
mores, & convulsiones, sternutatio frequens, raucedo, tussis,
spirandi difficultas, calor, rubor, & punctationis sensus in toto
corpore, dolor dorsi, magna anxietas, & inquietudo, lacry-
mae involuntariae, oculorum splendor, & pruritus, tumor fa-
ciei cum rubore, febris synochus cum his omnibus symptoma-
tis ab initio vehementibus, ut morbus statim vigorem attigisse
videatur. Mox

ANTECE-
DENTIA Va-
riolas, &
Morbillos.

Erumpunt pustulae vel majores varis similes, quae ad sup-
purationem pervenire solent, & Variolae dicuntur, vel pustu-
lae perexiguae, & veluti cutis asperitates cum intensa rubedine,
qualis erysipelatum, & dicuntur Morbilli, & proveniunt in
toto corpore; sed praecipue facie, manibus, ac pedibus: mor-
bili intra 5. vel 7. dies sine suppuratione discutiuntur. Verae
variolae cum rubore, & inflammatione proveniunt; aliud au-
tem genus quod *Ravaglione*, vel *Vaiol salvatico* nobis dicitur,
est pustularum genus variolis simile in magnitudine, & figu-
ra; sed sunt quasi vesiculae albae seroso humore plene, quae
intra triduum disrumpuntur, & siccantur, nullius sunt peri-
culi, & plerumque sine febre erumpunt. Variolae, & mor-
billi sunt rubicundae, albae, subflavae, violaceae, lividae, ni-
grae, citius, tardius erumpentes, citius, tardius exarentes,
exteriores solum partes corporis, vel etiam interiores & visce-
ra occupantes, ac denique vel depurativae ex doctrina Avicen-
nae, in quibus partes solum excrementitiae sanguinis putrescunt,
& ad cutem quasi per crism expelluntur, vel non depurati-
vae,

CONJUN-
CTA.

vae, seu corruptivae, in quibus bonus etiam sanguis putrescit: hae mali, illae boni ominis.

SUCCEDE-
NTIA.

Variolis rubris, albis, mollibus, distinctis, paucis, rotundis, fastigiatis, solam cutem, non autem interiora occupantibus cum levi febre cessante, vel multum imminuta post earum eruptionem, remissis symptomatis, voce libera, & respiratione facili conjunctis salus. Contra vero variolis tarde erumpentibus, multis, magnis, duplicibus, & continuis, depressis, duris, viridibus, lividis, nigris melioris coloris; sed nigram maculam in medio habentibus, vel permixtas maculas purpuratas, easque lividas, aut nigras, statim ab eruptione evanescentibus, & statim tumore corporis subsidente cum alvi foecibus, & urinis lividis, aut nigris, vel utrisque sanguineis, vel ex puro sanguine constantibus cum haemorrhagia per nares, gingivas, aliasque corporis partes cum ingenti febre, nec minuta post eruptionem variolarum, anxietate, & inquietitudine, difficultate spirandi, siti magna, alvi fluxu, aut dysenteria conjunctis summum periculum, aut mors.

ANTECEDENTIA, CONJUNCTA, ET SUCCEDENTIA FEBRIBUS INTERMIT- TENTIBUS PERIODICIS.

Tertiana intermittens.

SI tertianae intermittens circuitus horas 12. non excedit, dicitur Tertiana intermittens legitima, pura, exquisita: si horas 12. excedit, Tertiana simpliciter, vel notha: si ultra 24. horas protrahitur, Tertiana extensa.

ANTECE-
DENTIA.

Quaecunque bilem excrementitiam generare possunt, intemperies corporis, praecipue jecoris, ventriculique calida, & sicca, juvenus, aestas, calida & squallida aeris constitutio, vigiliae, curae, ira, inedia, cibi & potus calidi, medicamentorum calefacientium nimius usus, labor, exercitium nimia. Et haec quidem Tertianam puram. Quod si haec fiant ab homine pituitoso, vel melancholico, ut misceantur dictae conditiones cum causis humores siccos, aut frigidos producentibus, antecedunt illa Tertianas nothas, aut extensas.

CONJUN-
CTA.

In ipso statim insultu vehemens rigor totum corpus concutiens.

tiens, carnem quasi pungens; sed potest & remissior dari, eo-
que cessante calor multus, acer, & mordax, in vigore qua-
quaversum extensus, & ad attactum diuturniorem remitti vi-
detur, & manu superari, nudatio corporis, spirandi difficul-
tas, magna multaque respiratio, sitis, oris amaritudo, appe-
titus dejectio, frigidae rei cupido, vigiliae, deliria, saepe ca-
pitis dolor, & praecipue circa statum; pulsus in paroxysmo
parvus, debilis, tardus, rarus, ipso crescente pulsus vehe-
mens, velox, frequens, aequalis, inquiunt, quoad reliqua; sed
inaequalis inaequalitate febrium propria, quae est, ut dilatatio
sit constrictione velocior (& rursus alia est, in qua constrictione
dicitur velocior dilatatione; sed utraque est tam ficta, ut ni-
hil sit fictum magis, & excogitata ad explicandum expul-
sionem fuliginum, & attractionem aëris refrigerantis in fe-
bribus; fictam autem esse, ex doctrina pulsum facile pa-
tet.) In statu si bibatur, vapor plurimus ex cute, bilis vo-
mitus, sed hic saepius in rigore, ventris depositio, & mictus
biliosus, sudor etiam vaporosus, & calidus per totum corpus
aequaliter, pulsus velox, magnus, vehemens, urina subrufa,
vel subflava, consistentia mediocris, & paulo post vel nebula
alba, vel encorema, & febris tum ultra quartum paroxysmum
non extenditur; si autem urina sit rubicundior, & neque ne-
bula primo circuitu appareat, neque sublime aliquid, seu su-
spensio ad septimum usque circuitum extenditur; quae autem
febris cum expositis omnibus conjuncta est, & primo die sub-
sidentiam in urina levem, & aequalem habuerit, ea exquisita
est, & ultra tertium paroxysmum non protrahitur. Desinit
etiam, si ulcera, aut pustulae in labiis, aut naribus erumpant,
sicut etiam per alvi fluxum.

Quaecunque febres, inquit Hippocrates, non intermittentes ter- SUCCEDE-
TIA.
tio die fortiores fiunt, magis periculosae sunt; quocunque autem
modo intermiserint, periculum abesse, significat; hoc tamen non
est universaliter verum, ut patebit ex demonstrationibus.
Tertiana notha.

Quotidiana intermittens.

QUaecunque pituitam generare possunt, debilis calor vi- ANTECE-
DENTIA.
scerum, frigida, & humida alimentorum natura, eo-
rumque copia, habitus corporis obesior, & albicans, venae, &

arteriae angustae, aetas senilis, sexus muliebris, vita otiosa, victus plenior, anni tempus, aër, coelum, locus, frigida & humida, somnus longus praesertim a cibo, usus medicamentorum praesertim refrigerantium, mens & sensus hebetiores, somnus profundus, insomnia de aquis, nive, submersione; pulsus tardus, parvus, mollis: urina alba, vel pallida, nunc tenuis, nunc crassa cum multo sedimento.

CONJUN-
CTA.

Invadit tempore praecipue nocturno, nec subito, sed sensim cum extremorum saltem refrigeratione, aut horrore, nec rigor est, ut in tertiana; sed levis horror, hinc calor tarde, & difficulter increscens, & cum magna inaequalitate, ita ut modo calor, modo frigus sentiatur, non est acer, sed halituosus, qualis vapor ex accensis lignis viridibus, & inaequaliter manum ferit, quasi per cribrum trajiceretur. Diutius permanente manu ad contactum calor mordax aliquantum, & acris apparet, hic per corpus totum diffunditur, quod valde afficit, unde aeger nec se nudat, nec tegumenta abjicit, nec multum, aut frequenter respirat, nec potum appetit; lingua non arida, sed humida, neque sitis. In insultu praecordia intumescunt, inflantur, ac distenduntur; color aegri pallidus etiam in statu febris; facies sublivida, & subtumida; corporis gravitas, & maxima in somnum propensio praecipue in paroxysmo, in quo non raro lipothymia ab ore ventriculi, qui affici dicitur. Urinae primis diebus albae, tenues, crudae, & in principio morbi aliquando quid sedimento simile in fundo matulae; sed revera non sedimentum a coctione, verum portio crudi, pravique proinde humoris; procedente vero morbo crassiores, turbidae, quin etiam aliquando rubrae: alvi dejectiones crudae, & pituitosae. Primis diebus nullus sudor, procedente morbo aliquid sudoris in declinatione paroxysmi. Pulsus minimus, rarus, circa augmentum velocior, & inaequalis, tardissimus febrium omnium; tertianae enim maximus, frequentissimus, velocissimus, quartanae inter haec. Paroxysmus ad octodecim horas extenditur, quandoque & 24. unde fit Continuæ similis. Longa est, & raro contingit, duratque dies 40. menses tres, quatuor; imo etiam ulterius progreditur.

SUCCEDEN-
TIA.

Cachexia, hydrops, carum, lethargus, similesque gravissimi morbi.

Quartana intermittens.

QUaecunque atrum, ac melancholicum humorem generant, aetas supra 40. annum, Autumnus, corpus frigidum, & siccum; lien tumidus, obstructus, & imbecillis; crassorum ciborum usus, ut carnes bubulae, cervinae, aprugnae, sale conditae, & fumo duratae, pisces ex limosis aquis, olera & legumina, panis non fermentatus, vinum crassum, ac foeculentum, & similis cerevisia, acetum, unde Hippocrates acetum melancholicis noxium asserit; curae, tristitia, studia, graves occupationes, suppressae purgationes, & praecipue per haemorrhoides; faciei, totiusque corporis color fuscus, & nigricans interdum aequalis, & per totum corpus, interdum maculis saltem quibusdam conspicuus; habitus corporis siccus, & macilentus, adspectus tristior, amor solitudinis, somnus turbulentus, insomnia de rebus nigris, fumis, morte, cadaveribus, sepulchris, & similibus tristibus; urina, si nihil melancholiae simul excernitur, est tenuis, alba; si melancholia simul excernitur, crassa, livida, & nigra.

ANTECEDENTIA,

Insultus cum oscitatione, pandiculatione, molesta quadam totius corporis inaequalitate, quam rigor sequitur initio parvus, vel ejus sola refrigeratio, & horror; progressu vero temporis sensim fit major, donec fiat vehementissimus cum stridore dentium, ac talis, qualis iis, qui hyeme rigent prae frigore, sensumque exhibent non rei pungentis, sed gravantis, & quasi contudentis, & confringentis ossa, qui dolores *ὀστέονόποι* Graecis, hinc calor paulatim succenditur non adurens, & aestuosus, ut in tertianis; sed submissus. Declinatio est cum perfecta, & longa apyrexia, pulsus toto febris progressu rarus, tardus, parvus, & in principio valde rarus supra omnes febres, & haec raritas etiam in augmento, & statu servatur comparatione facta ad frequentiam in augmento, & statu aliarum febrium. Primis diebus nullus sudor, succedentibus copiosissimus. Urina principio alba, tenuis, aquosa; morbo procedente coloratior, mutaturque saepe color, & contenta ejus. Sitis media inter sitim quotidianae & tertianae, minor, quam in tertiana: major, quam in quotidiana. Lien ut plurimum afficitur. Duratio paroxysmorum similis tertianae, nonnunquam etiam longior.

CONJUNCTA.

SUCCEDEN-
TIA.

Dysenteria brevior, eaque salutaris, ait enim Hippocrates: *Lienosis difficultas intestinorum superveniens, bonum, & idem, Qui lienosi difficultate intestinorum corripuntur, iis longam supervenientem dysenteriam aqua inter cutem, aut laevitas intestinorum excipit, & moriuntur.* Hydrops, aut Scorbutus, si conjuncta sit cum alicujus visceris nobilioris affectione, ut jecoris, ventriculi, lienis; Senibus plusquam sexagenariis plerumque fatalis: lethalis etiam, cum in continuam mutatur. Similiter fatalis haemorrhagia narium, cachexia.

Febris semitertiana.

1. *φεινά-
δης.*
2. *ἡμικρι-
ταία.*

FEBRIS Semitertiana 1. *Phricodis*, seu febris horrida etiam dicta, & 2. *Imitritaeos*, proprie sumpta est febris composita ex tertiana intermittente, & quotidiana continua, unde nunquam ad finem integrum pervenit, & in hac febre illud notatu dignum est, quod toto ejus decursu rigores, & horrores pluries, & saepe redeunt; praecipue tamen in accessione tertianae, unde differt a rigore ab abscessibus praecipue internis proveniente; hic enim saepius in die repetit nullo servato ordine ad accessionem, atque insuper, plerumque cum sudatione, qua caret rigor semitertianae. Est maxime lethalis, & afficit os ventriculi, nervosaeque partes; veterum, cataphoras, vigiliis cum delirio, diaphoreses cum syncope inducit, linguam maxime siccatur, & animi deliquium parit, vehementer, quae in profundo sunt, commovens, & omnino ferum habet typum, ut ait Galenus libro de typis.

**ANTECEDENTIA, CONJUNCTA,
ET SUCCEDENTIA FEBRIBUS ERRATICIS.**

ANTECE-
DENTIA.

VITIOSUS diversorum succorum apparatus ob varia in victus ratione errata, diversorum ciborum ingestionem, quorum alii concoctu faciles, alii difficiles, alii in bilem, alii in pituitam &c. mutabiles; inaequalis, & inconstans, tempestatum ordo, vel inconstantia, & diversitas caloris, frigoris, humiditatis, aut siccitatis singulis quibuscunque diebus; febres aliae non penitus resolutae.

CONJUN-
CTA.

Vagi, & inordinati insultus sine ulla certa forma, ideave febris nullo servato tempore, aut ordine invasionis, primis quan-

quandoque accessionibus, rigor, quem calor excipit, & sudor sequitur, secundis nullus rigor, sed levis horror; calor, & decessio, vel finis integer sine ullo sudore: nunc sola pandiculatione invadunt cum calore longissimo, & sudore multo desinunt; aliquando cum vomitibus, & siti, aliquando sine his, nunc semel intra hebdomadam impetunt, nunc bis, aut ter, nullo certo dierum numero, ac tempore, sed quandoque per quinque, aut sex dies relinquunt corpus integrum, quandoque per duos, aut tres recurrunt, quandoque bis in die.

In quartanas commutari solent.

SUCCEDENTIA.

C O N J U N C T A

CUM FEBRIBUS IN GENERE, SEU, UT APPELLANT, SYMPTOMATA FEBRIUM COMMUNIA.

Dolor capitis, vigiliae cum dolore, aut sine dolore, somnus profundus in aliquibus febribus, praecipue quotidianis, semiterianis, & malignis. Deliria, phrenitis; convulsiones epilepticae praecipue in febribus malignis, & pestilentibus; haemorrhagia narium; tussis; lingua arida, nigra, aspera, inflammata, nonnunquam lento quodam humore obducta, aliquando quasi fixa, quae quandoque accidunt universo oesophago ad usque os ventriculi. Sitis, & haec aliquando cum magno aestu circa ventriculum, aliquando cum quadam velut ignea expiratione e pulmonibus, & magno pectoris ardore: singultus, cardialgia, nausea, vomitus, alvi fluxus, sudores symptomaticei, lipothymia, & syncope praecipue in malignis, dolor lumborum, inquietitudo, inappetentia omnibus prope febribus communis.

Horum autem plurima etsi suis locis in singulis febribus enumerata sunt: quia tamen sunt incerta, & huic, aut illi febri possunt accidere, & fieri potest, ut accidant, vel modo plura, modo pauciora eidem febri contingant, prout illa acrior, aut mitior est, hic simul omnia recensere volumus, ut intelligatur, haec non esse necessario conjuncta cum hac aut illa febre, hoc illove ejusdem febris tempore, sed posse sine his, velerum plurimis febres dari, posse febrem dari cum iis omnibus,

bus, aut plerisque conjunctam, quod abunde patebit ex propositionibus, quibus conabimur investigare, quid sit febris, & ad has jam deveniendum est.

QUID SIT FEBRIS.

PROPOSITIO I.

Nulla Febris sine vitio sanguinis.

NOmīne sanguinis hic intelligi volumus, quicquid naturaliter fluit per arterias, & venas, Galenum, & artis Medicæ peritos imitati, qui passim sanguinem nuncupant hunc ipsum humorem fluentem per arterias, & venas, licet fluens illud non sit purus sanguis, sed compositum ex vero sanguine, & aliis humoribus. Quoniam igitur eae sunt conditiones pulsus naturalis, ut unusquisque appulsus sanguinis ad arterias sit certi cujusdam impetus, per certum spatium temporis urgeat extrorsum arterias, & apprimentem digitum, inter utrumque appulsus excurrat certum aliquod tempus, & quae sunt hujusmodi notissima, atque interim naturaliter se habeant reliqua omnia, quae sano animali conveniunt; ubi igitur haec non contingant, vitiatus erit necessario sanguis, cujus naturaliter in arteriis se habentis est necessaria proprietas pulsus similiter naturalis; sed nulla est febris, in qua pulsus non aberret a naturali ordine, in qua nempe non desint aliquot, vel omnes earum conditionum, quae ad pulsum naturalem requiruntur; nulla igitur febris sine vitio sanguinis, ut proposuimus.

Quoniam itaque febris omnis conjungitur cum vitio pulsus, & vitium pulsus cum vitio sanguinis, inquiramus jam oportet, quotuplex sit vitiandi sanguinem ratio, & an earum singulae pulsum etiam vitiare possint; si etenim invenerimus, aliquot, vel omnes vitiandi sanguinem modos conjunctos esse necessario cum vitio pulsus, atque insuper cum omnibus iis reliquis, & multiplicibus affectionibus, quibus febres singulae praeditae sunt, necessario erit asserendum, hanc, vel illam febrem esse hoc, vel illud vitium sanguinis ab hac, vel illa causa productum, atque inde singulis iis vitiis, hoc est singulis febribus in unum commune quiddam quasi collectis, quid sit febris in gene-

nere statuemus. Ad haec igitur ostendenda statim faciendus est gradus.

PROPOSITIO II.

Vitari sanguis non potest, nisi vitietur motus, quantitas, aut qualitas ejus: nulla est alia vitandi sanguinem ratio, & cum iis singulis vitium pulsus.

CONSTANS opinio est, vitari quidquam non posse intime, & ad usque substantialem, ut appellant, formam, nisi ad ipsam fiat quasi gradus per qualitates, quae sint veluti quidam aditus ad ipsum esse rerum, per quos vitium necessario duci debeat, antequam ad formam perveniat: quin imo, si Aristotelem audiamus, haec ipsa mutatio qualitatum est mutatio formae, formae inquam, ejus tam decantatae substantialis, cum sive in elementis, sive in compositis hanc nihil aliud esse, ille asserat, quam in illis quidem qualitates primas; in his vero earundem attemperationem quandam. Cum autem haec eadem ante Aristotelem asseruerit Democritus, licet verbis non iisdem, alterutrius horum, aut utriusque opinioni insistamus in re praesenti perinde erit, adeoque tanquam ratum ex doctrina horum Doctissimorum Hominum supponemus, sanguinem vitari debere, si vitientur qualitates, cum sanguis sit unum ex compositis, sive vitium hoc solis qualitatibus communicari supponatur, sive altius progredi ad usque illud abditum, atque intimum, quod ipsum esse sanguinis constituit. Atque hic obiter notatum volo, frustra desideraturum aliquem, ut partitioni modorum in propositione expositae, quibus sanguis vitari posse asseritur, addatur vitium a forma, vel a tota substantia, cum haec nihil a qualitatibus differat. Quia vero ad hoc, ut animal possit exercere operationes suas ope sanguinis, non sufficit, hunc ipsum sanguinem esse quiddam ex elementis, ac certa ratione compactum; sed insuper requiritur, ut sit tantae quantitatis, tantae nempe molis, aut copiae, ut ex ipsa derivari possit quicquid fluere debet per ductus quoslibet animalis, ut bene se habeat, & quicquid in ipsius reparationem exigitur. Hinc fit, ut quoties quantitas sanguinis caeteroquin in qualitatibus nihil vitati ita immutabitur, ut animal male habeat, sanguis vitiatum dici debeat, non quidem quatenus tale compositum; sed quatenus non

est quantitatis necessariae ad animalis conservationem, in ejus gratiam est ejusmodi liquidum a natura unice constitutum. Simili ratiocinio patebit, vitiatum dici debere sanguinem, licet sit suae quantitatis, & qualitatis, quoties non fuit ad notas leges sui circularis motus (hunc enim intelligimus, cum motum sanguinis absolute pronunciamus) a corde per arterias, & reliquos ductus rursus in cor; est enim & hic circuitus sanguinis necessarius, ut vivat animal, & quicquid cum vita conjunctum est, agere possit. Quoniam vero nullae ultra qualitatem sanguinis dantur ejus affectiones aliae, praeter hanc quantitatem, & motum, patet vitiari non posse sanguinem, nisi vitietur motus, quantitas, aut qualitas ejus, nec ullum esse alium vitiandi sanguinis modum, quae primo loco proponebantur. Superest igitur, ostendamus quacunque ex his omnibus vitietur sanguis, sive scilicet in motu, sive in quantitate, sive in qualitate, semper necessario vitiandum esse pulsus, quod quidem in vitiato motu debere contingere facile demonstratu est. Quoniam enim celeritas, & tarditas pulsus est ipsa velocitas, atque segnities sanguinis, & validitas, atque debilitas ejus est ipsa diversitas impetus, qua idem sanguis arterias extrorsum urget; & raritas, atque frequentia pulsus est ipsa diversitas intervallorum temporis, quibus sanguis a corde alterne truditur in arterias; haec autem, & alia hujusmodi ordinate, aut inordinate contingere in pulsu, non aliunde fit, quam quia sanguis ordinate pariter, aut inordinate per arterias agitur; necessario igitur a vitiato motu sanguinis vitium pulsus. Aliquanto difficilius, & fusioris operae est demonstrare, vitiandum pulsus vitiata quantitate, aut qualitate sanguinis; utrumque tamen fiet aequè evidens. Cum igitur vitiari possit quantitas sanguinis, vel quia fiat naturali major, vel naturali minor; supponatur primo naturali major permanente interim sanguine, quoad caetera in naturali statu. Quoniam sanguinis quantitas supponitur naturali major; erunt igitur arteriae magis, quam in naturali statu plenae, unde pulsus naturali plenior. Quoniam insuper cum hac majori quantitate sanguinis supponitur ejus quoad reliqua perseveratio in naturali statu; igitur in majori quantitate naturalis sanguinis continebitur major copia materiae liquido nervorum generando destinatae, adeoque hujus ipsius liquidi quantitas generabitur, & per nervos fluet naturali major. Hujus

A vitiato
motu san-
guinis vi-
tium pul-
sus.
Ab aucta
quantitate
sanguinis
vitium pul-
sus.

autem liquidi quantitas naturali major per nervos fluens facit, ut villi contractiles, in quos influit, frequentius, & validius contrahantur; cor autem est glomer ex villis contractilibus, cum igitur in majori quantitate sanguinis fluat per nervos major copia liquidi, cor validius, atque frequentius contrahetur posita quantitate sanguinis majori, quam sit naturalis: a validiori autem, & frequentiori contractione cordis pulsus validior, atque frequentior; a majori igitur copia sanguinis pulsus validior, atque frequentior. Quin etiam major; cum enim cum his omnibus sit conjuncta plenitudo arteriarum, ab aucto illo impetu cordis major illa quantitas sanguinis cavitatem arteriarum magis implens, earundem arteriarum tunicas per majus spatium extrorsum truder, seu pulsus fiet major. Sed haec eadem adhuc duobus aliis de nominibus magis necessaria fiet; quoniam enim majori copia sanguinis arteriae magis implentur, nec impleri magis possunt, nisi cedant majori quantitati sanguinis internam cavitatem occupare, atque ampliarentis; ipsarum igitur tunicae quaquaversum nitentur extrorsum, & prement magis, quicquid est ad ipsarum contactum positum; arteriis autem piaë matris positum est ad contactum cerebri corpus; posita igitur quantitate sanguinis majori, cerebrum comprimetur magis, adeoque in dato aliquo tempore major copia liquidi fluat per nervos, & derivabitur in villos contractiles, quam intra idem tempus in quantitate minori: quare frequentius, & validius cor contrahetur, unde pulsus validior, frequentior, atque major. Denique quoniam sanguinis quantitas major supponitur, caetera naturalis; igitur singulis restitutionibus auricularum, & sinuum cordis in eorum cavitates influet sanguis naturali copiosior, seu plures particulas sanguinis continens; sunt autem singulae aequae, & naturaliter calidae; igitur in majore quantitate sanguinis influent in cavitates earum partium plures partes calidae, quam in quantitate naturali, unde excitabitur in iisdem partibus sensus caloris naturali major, unde derivatio liquidi per nervos in eos musculos copiosioris, & contractio validior, atque frequentior, & pulsus similis. Hoc autem, quod de calore pronunciamus, non ad qualitatem pertinere, sed ad quantitatem, ex eo patet, quod sensum majoris caloris producit, non quia calor in eadem particula sanguinis sit factus intensior, sed quia

servato eodem gradu caloris in singulis particulis sanguinis, hæc eadem particulae numerosiores fiunt. Quod si hæc vitia pulsus a majori quantitate sanguinis non sufficiant, adi quae commentati sumus de intermissione pulsus; patet enim inde, & plane monstratum est, ab eadem hac quantitate sanguinis aucta provenire debere omne genus inaequalitatis in pulsu, intermissionem, mortem: quare ex iis omnibus patet, vitium pulsus necessario conjunctum esse cum aucta quantitate sanguinis. Sed & illud ulterius est animadvertendum, cum quantitas sanguinis ad certum usque gradum excrevit, pulsum ita mutari posse, ut servata plenitudine ex valido, atque frequenti fiat rarus, atque debilis; si enim adeo tumeant arteriae, ut cerebrum comprimant aequo magis, ita scilicet, ut canaliculos nervorum comprimant, & inde minorem eorum cavitatem reddant, nec e glandularum tubulis effluere totum liquidum sinant, similiterque arteriae in villos contractiles abeuntes nimis urgendo extrorsum eorundem villorum sinulos ita premant, ut cavitatis minoris evadant, & difficilius intra eandem excidere permittant liquida villos contrahentia, hæc eadem rarius, & in minori quantitate excident, unde contractiones villorum, & cordis raro, & remisse succedent, seu pulsus debilis, atque rarus. Patet itaque undecunque propositionis veritas. E converso autem ratiocinando patet ex se, quae vitia pulsus conjuncta sint cum quantitate sanguinis, quae sit naturali minor, quare jam demonstratum est, cum vitiata quantitate sanguinis vitium pulsus conjunctum esse. Tertio jam loco videamus oportet, sitne conjunctum vitium pulsus cum vitio qualitatum sanguinis, & an cum vitio omnium, an aliquarum solum. Primo igitur manifestum est, vitiari qualitates posse dupliciter tantum, vel scilicet vitiato principio, a quo ipsae proveniunt, vel si hoc idem principium bene caeteroquin, ac naturaliter se habens prohibeatur, ne in actionem veniat, seu quod idem est, ne qualitates suas exerceat; quod perinde se habet quoad operationes, quam qualitatibus vel plane destitui, vel iisdem non naturaliter se habentibus instructum esse. Quoniam itaque principium operationum, seu qualitatum tam juxta Democritum, quam Aristotelem, nihil aliud est, quam certa vis, & certus ordo cohaesionis inter partes quodcumque compositum constituentes; qualibet igitur ratione vitietur illa certa vis, &

Ab eadem
imminuta.

Summa capita vitiorum in qualitate duo, a principio vitiato, vel ejus operationibus prohibitis.

ille

ille certus ordo, vitiabitur principium qualitatum, & proinde qualitates ipsae. Vis quaelibet determinati gradus non nisi dupliciter vitiari potest, si nempe fiat naturali major, vel minor, pariterque certus ordo cohaesionis inter partes componentes solum dupliciter vitiatur, vel ita scilicet, ut aliquae solum partium componentium a naturali suo contactu dimoveantur caeteris naturaliter persistentibus, vel ita ut a suo naturali contactu dimoveantur omnes. Quid ab his singulis in pulsum traducatur ostendendum.

Et primo supponatur unio inter prima componentia sanguinis naturali major, nempe, prima componentia nitantur in naturalem contactum validius, & supponatur illud ipsum punctum temporis, quo unio particularum componentium sanguinem fit naturali major; igitur ante hoc ipsum primum punctum temporis bene se habebunt omnia, & nervi continebunt quantitatem liquidi naturalem, quae suo naturali fluxu fluat, & cor naturali ordine contrahet, unde pulsus naturalis. Quoniam vero per motum sanguinis circularem continue ab ipso secernitur aliquid partim in perspirationem abiens, partim in sudorem, urinam, bilem, pituitam, salivam, & humores reliquos, quorum singuli cum toto sanguine cohaerent determinato gradu cohaesionis, quae superari non potest, nisi per motum sanguinis naturalem; aucta igitur ejus cohaesionis vi non poterit motus naturalis sanguinis separationes producere, sed requiretur motus naturali tardior; igitur aucta vi cohaesionis inter particulas sanguinis humores a sanguine non secernentur eo dato spatio temporis, quo caeteroquin servata naturali cohaesione secernerentur, unde vasa sanguinis infarciuntur magis, & arteriae nitentur extrorsum validius ipso primo tempore cohaesionis auctae, adeoque cum tum inveniant nervos suo liquido plenos, influet hoc ipsum in villos cordis, & in majori quantitate, & frequentius, unde pulsus crebrior, atque validior, & propter copiam sanguinis etiam major, & plenior. Sed quia interim propter auctam cohaesionem nulla, aut naturali minor quantitas liquidi per nervos fluxuri generatur in glandulis cerebri post pulsationes paucas, fiet pulsus naturali debiliior, rariior, & qui brevi deficere poterit penitus, nihil aut minima quantitate liquidi per nervos in villos cordis influente: vitiata igitur cohaesione componentium sanguinem,

Ab aucta cohaesione componentium sanguinem, vitiatur pulsus.

Ab eadem
imminuta.

ita ut sit naturali major, vitium pulsus. Quoniam vero per impetum motus naturalis conjunctum cum vi cohaesionis inter particulas componentes sanguinem pariter naturali sanguis idem solvitur in humores suos, ita ut intra datum spatium temporis eorundem certa quantitas in canales suos derivetur; igitur posito eodem impetu sanguinis, sed vi minori cohaesionis particularum sanguinem componentium, hoc est resistentia, quae superari debeat ab eodem illo impetu sanguinis, ad hoc ut humores fecernantur, imminuta, major copia eodem fecernetur intra datum illud spatium temporis; hinc igitur fiet, ut major copia liquidi per nervos fluat, unde frequentior, & validior pulsus; quin propter eandem facilitatem solutionis calor a motu in libertatem facile redigetur cum caeteris particulis majoris impetus, unde sanguis intumescere, rarescere, ebullire, ac fermentescere, ita ut majus spatium exigat, poterit, & his quidem de nominibus vitiabit pulsus tanquam liquidum arterias nimis infarciens, & illa contingent vitia pulsui, quae ipsi advenire ostendimus ab aucta quantitate sanguinis. A calore autem nimis libero, similibusque particulis acrius vellicantibus orietur stimulus in corde, seu sensus acrior non naturalis, cujus vi liquidum nervorum copiosius, & frequentius in cor derivabitur, fietque pulsus frequentior, & validior cum iis omnibus, quae a nimio infartu arteriarum pendunt. Tam igitur aucta, quam imminuta vi cohaesionis iater particulas sanguinem constituentes vitiatur pulsus. Non tamen hoc vitium necessario contingit vitiato ordine cohaesionis inter easdem particulas, sive omnes a suo naturali contactu dimoveantur, sive solum aliquae. Fingè enim hoc prius; igitur aliquae solum ex particulis sanguinem constituentibus ad naturalem contactum persistunt, adeoque ex iis solum naturalis quantitas liquidi per nervos generari poterit, quae tamen cum non generetur ex omnibus particulis sanguinis, erit illa quantitas, quae ad producendum pulsus requiritur, minor, adeoque fiet pulsus hoc de nomine rarior, atque debilior, seu vitiabitur: quia tamen fieri potest, ut aliae illae partes a naturali contactu dimotae non possint quidem illa omnia producere, quibus producendis particulae sanguinem naturalem constituentes dicatae sunt, possint tamen suppeditare materiam liquido nervorum producendo aptam tantae quantitatis, quae

A vitiato
ordine co-
haesionis
possibile,
sed non ne-
cessarium
vitium pul-
sus.

suf-

sufficiat pulsui naturali obeundo; tum igitur erit vitiatus ordo cohaesionis inter particulas sanguinem constituentes, nec vitiabitur pulsus. Rursus quia fieri similiter potest, ut particulae a naturali contactu dimotae abeant in aliquid aliud majori, & vividiori quantitati spirituum producendae aptum, tum vitium pulsus, & quidem, quale contingit imminuta vi cohaesionis inter easdem particulas, ut patet ex superioribus. Similia his evenient, si particulae omnes sanguinem constituentes a naturali contactu dimoveantur; si enim per illam dimotionem formetur aliquid aliud, ex quo pauciores, aut nulli spiritus generari possint, pulsus erit rarus, ac debilis, vel plane deficient; si generari queant quantitatis, & qualitatis naturalis, licet ex illo novo composito caetera naturalia prodire non possint, pulsus erit naturalis; si vero quantitas, aut vis major, erit pulsus frequens, & validus, qualis in imminuta vi cohaesionis, ut superius expositum. Vitiato igitur ordine cohaesionis inter particulas sanguinem constituentes, sive aliquae solum, sive omnes a contactu dimoveantur, non semper vitiatur necessario pulsus. Supponatur jam principium qualitatum sanguinis, ordo nimirum, & vis cohaesionis inter particulas ipsum constituentes naturaliter se habens; sed hoc ipsum principium ita affectum sit, ut effectum qualitatum producere non possit, aderit sane aliqua causa ejusmodi effectum prohibens, nec esse poterit intrinseca eidem principio; secus enim naturaliter se non haberet, adeoque erit extrinseca solum, & posita ad contactum particularum sanguinis, nec esse poterit, nisi corpus, & corpus non ex eorum numero, quae naturaliter in vasis sanguinis continentur, sed ipsis, ac sanguini extraneum. Hoc igitur extraneum sanguini vel tantae quantitatis est, ut majus sibi spatium exigat, quam quod naturaliter reperitur inter duas quasque particulas sanguinis, vel eadem spatia solum implet. In primo casu arteriam trudet extrorsum ad spatium naturali majus, unde pressio cerebri naturali major, & influxus liquidi in musculos frequentior, & copiosior, unde pulsus validior, atque frequentior, & siquidem corpus hoc admixtum sanguini sit ejus conditionis, ut ad contactum particularum sanguinis non quiescat; sed huc illuc sese agat, atque dimoveat, agitabit etiam magis particulas sanguinis, unde tota ejus massa fiet mobilior, rarefcet, in

Causa prohibens, ne qualitates sanguinis operentur, est extrinseca sanguini ad contactum particularum ejus posita, & est corpus aliunde veniens.

bul-

bullas effundetur, & hujusmodi, unde arteriarum trusio major extrorsum, pressio cerebri major &c. quae sane contingent in ipso primo admixtionis tempore; tunc enim nervi naturaliter pleni sunt, hoc est, apta quantitate liquidi non destituuntur: quia vero per hujusmodi corpus supponitur cohiberi qualitas sanguinis; igitur vel aliqua, vel omnes; si omnes, etiam generatio spirituum, unde succedet sensim debilitas, atque raras pulsus, pariterque fiet eadem, si, licet omnis qualitas non supprimatur, cohibeatur illa, quae facit ad secretionem spirituum; sed hoc rursus damnum reparari potest ab eodem admixto corpore, si scilicet hoc extraneum corpus sit ejus naturae, ut ex ipso per glandulas cerebri fluente generari possint spiritus, quales ex naturali sanguine, & siquidem ex ipso generari possit major eorum copia, fiet pulsus naturali frequentior, atque validior; si minor, rarior, atque debilior; si eadem, naturalis. Patet autem, futurum pulsus in his casibus pleniorum propter sanguinem, qui majoris cum admixto corpore sit molis. Patet rursus, cum corpus admixtum spatia solum occupat inter duas quasque particulas sanguinis comprehensa, debere ibidem quiescere; vel quasi quiescere; secus enim agigaret easdem particulas, & per impetum suum, majora & semper diversa ejusmodi spatia formaret. Si vero corpus illud majus spatium exigens ad contactum particularum sanguinis quiescat primo tempore admixtionis, fiet arteriarum trusio extrorsum major, & pulsus plenior, frequentior, & validior propter aptam quantitatem spirituum: quae tum in nervis continetur; quia vero corpus illud admixtum quiescere supponitur ad contactum particularum sanguinis; & hae igitur quiescent ad contactum ejus, unde durum efformabitur corpus sanguinis, seu coagulatum plus minus, vel ex toto, prout illa, quam dicimus quietem, erit absolute talis, vel leviter dimovebuntur particulae, & ad mutuum contactum per puncta aliquot excurrent; erit igitur ex hoc nomine velocitas sanguinis minor, & momentum cohaesionis majus, unde minor copia spirituum generabitur, fietque pulsus sensim debilior; atque rarior, nisi similiter hoc damnum reparetur ab hac ipsa materia permixta, quae ejus sit conditionis, ut quantumvis lente fluens per arterias suppeditet quantitatem spirituum majorem, minorem, vel aequalem naturali, unde pulsus his qualitatibus respondentes. Sive autem mate-

Quomodo
& quando
pulsus vi-
rietur per
admixtio-
nem ejus-
modi cor-
poris ne-
cessario
semper.

ria admixta sanguini quiescat ad contactum particularum ejus, five totam massam agitet, succedent brevi vitia in vi, & ordine cohaesionis inter particulas sanguinem constituentes, unde vitia pulsus ab iis pendentia. Rursus fieri potest, ut corpus admixtum sanguini sit omni minima quantitate minus, sed tantae virtutis ut aliquem non naturalem impetum successive communicet sanguini, unde aliqua affectio ejus ex expositis, & vitium pulsus illi affectioni respondens. Denique hoc admixtum corpus vel est admixtum universo sanguini, vel solum alicui parti per cerebrum fluenti certis intervallis temporis, prout nempe recurrit juxta necessitatem circuitus sanguinis, & fiet, si universo sanguini permixtum sit, vitium pulsus continuum; per intervalla temporis recurrens, si alicui solum parti, ut facile haec cum aliis hujusmodi patent ex hactenus demonstratis. Sanguis igitur vitiari non potest, nisi vitietur motus, quantitas, aut qualitas ejus: nulla est alia vitiandi sanguinem ratio, & cum iis singulis vitium pulsus, quod erat ostendendum.

PROPOSITIO III.

Nulla febris sine vitio sanguinis aut in motu, aut in quantitate, aut in qualitate ejus, aut in horum aliquibus, aut in omnibus.

QUoniam nulla febris sine eo vitio sanguinis, cum quo sit etiam conjunctum vitium pulsus; vitiari autem sanguis nulla alia ratione potest, quam vitiato motu, quantitate, aut qualitate ejus, & cum iis singulis vitium pulsus ex praecedenti; igitur nulla febris sine vitio sanguinis, aut in motu, aut in quantitate, aut in qualitate ejus; quare patet prima pars propositionis; quia vero fieri potest, ut simul vitietur motus & quantitas; motus & qualitas; quantitas & qualitas; & motus, quantitas, & qualitas simul, ut ex se manifestum est, & inferius patebit luculentius, & unumquodque ex his vitiis seorsim pulsus vitiat; igitur multo magis, atque facilius pulsus vitiabitur aliquibus, vel omnibus iis vitiis sanguinis suppositis, quod similiter patet ex superius expositis, & doctrina pulsum, & inferius suis locis per occasionem explicabitur planius. Patet itaque, quod proposuimus.

Ratio di-
cendorum,
&c

Atque ita quidem investigare tentavimus conditionem quamdam, sine qua dari nulla febris potest, & hujusmodi conditionem patuit esse vitium sanguinis in una, pluribus, aut omnibus recensitis naturalibus ejus affectionibus; quia tamen necessario conjuncta cum re aliqua possunt esse diversa ab illo principio, quod intime constituit ejusdem illius rei naturam, quam essentiam nuncupant; ut igitur intelligamus, quid sit febris, non sufficiet novisse, dari illam nullo pacto posse, quin detur simul aliquod ex vitiis sanguinis enumeratis, plura eorum, aut omnia, sed oportebit invenire aliquid aliud in febre, quod necessario exigit hanc connexionem ejus cum vitiis sanguinis, & producat insuper omnes alias affectiones animi, & corporis, quae cum febre conjuncta sunt, vel demonstrare, haec ipsa vitia sanguinis, quae huc usque tanquam conditiones febris constituendae necessariae innotuerunt, esse re vera illud ipsum, in quo sita est natura febris, principium ipsius intimum, &c, ut appellant, essentiam, atque constitutivum. Quoniam itaque febris est collectio quarundam & plurium affectionum animali non naturalium, si igitur invenire possimus, quicquid est affectionum in singulis febribus, necessario pendere, & conjunctum esse cum iis vitiis sanguinis, sine quibus febrem dari non posse, demonstravimus, manifestum est, haec ipsa vitia sanguinis non fore conditionem febris constituendae necessariam; sed illud ipsum intimum, in quo consistit febris, adeo ut haec nihil aliud dicenda sit, quam vitium sanguinis, & hoc, aut illud vitium, talis ac talis febris. Age igitur amplissimum rerum difficillimarum campum ingrediamur, ut pateat hoc ipsum, nempe febrem nihil aliud esse, quam vitium sanguinis, quod praestabimus ostendendo particulatim, quidquid in singulis febribus accidit necessario provenire a vitio sanguinis.

Eorundem
ordo.

PROPOSITIO IV.

Vitiant motum sanguinis quaecunque antecedunt Ephemeram legitimam.

Tristitia, &
Timor.

QUoniam tristitia, ac timor sunt affectiones, cum motu specierum momenti minoris; per has vero fiunt influxus liquidi per nervos minoris copiae, atque rarius, actarius

dus

dius; igitur per has affectiones musculi contrahentur rarius, tardius, debilius, adeoque simili motu cor etiam agitabitur, & motui ejus respondet pulsus, seu motus sanguinis; igitur a tristitia, ac timore vitium in motu sanguinis. Ira vero cum ^{Ira.} sit species momenti majoris, facit influxus liquidi per nervos majoris copiae, crebriores, & celeriores, & musculi, ac proinde cor frequentius, celerius, vehementius contrahitur, iique respondet pulsus vehemens, creber, celer, & huic motus sanguinis eadem ratione vitiat. Quia vero sollicitudo animi vel ^{Sollicitudo.} est cum tristitia, vel timore, vel cum ira conjuncta, vel cum spe, quae vel ad iram, vel ad timorem reducitur, vitiat pulsum, ac motum sanguinis alterutra ratione, ut patet. Vigili- ^{Vigiliae.} liae vel eo usque protractae supponuntur, ut maximam partem liquidi per nervos absumpserint, ac tum eorum defectu, vel penuria, erit pulsus parvus, debilis, tardus, rarus, adeoque vitiat motus sanguinis, vel protractae per brevius spatium temporis, quo solummodo humidi portio maxima absumpta sit, & redactum liquidum nervorum ad siccitatem majorem, adeoque vividiorum agendi vim, ac tum fiet, ut idem liquidum destitutum retinaculo, ac temperamento ab humido citius excidat e nervis in musculos, & frequentius, & intra eos validius rarefcat, unde pulsus crebrior, celerior, validior, adeoque vitiat motus sanguinis. Utrique vigiliarum casui simile est, ^{Animi contentio.} quod ab animi contentione pendet, vel enim fuit contentio major, ac longior, quae maximam partem liquidi per nervos absumpserit, vel brevior, quae solum humidum. Sed & evacuationes ^{Evacuationes.} huc pertinent; mediocres enim humidi nimium possunt abripere, & liquidum nervorum siccius reddere; excedentes, dissolvere etiam spiritus. Sed & insuper habent aliud ratione stimuli, quo afficiunt, praecipue quae per alvum, aut superpurgationem evacuant, quo fit, ut per motus derivationis influat in cor copia liquidi naturali major, quoties adest in universo genere nervorum tanta ejus copia, ut per derivationes quantitas naturali major possit in hunc, aut illum nervum influere; si vero universa illa quantitas sit minor, per singulas derivationes deducetur in singulos nervos copia liquidi non major quidem naturali, si id penuria ejus non permittat; major tamen, quam quae influeret, nisi adestet stimulus, seu motus derivationis. Cum igitur dolor sit quidam stimulus, patet, ^{Dolor bu-}

bonum
praecipue
cum suppu-
rantur. Ery-
sipelas, ex-
tremorum.

& per dolorem debere pulsum vitari, & stimulum cordis esse posse majorem, vel minorem, prout nervi, per quos fit dolor primarius, magis, aut minus distant a nervo cordis, quo etenim remotiores sunt, eo languidior est refluxus impetus, adeoque difficile subire potest emissarium nervi cardiaci nunquam per assuetudinem a naturali amplitudine dimotum, vel etsi nervus dolens sit propinquior, sit talis ad idem immissarium inclinationis, ut facilius, difficilius, hoc est cum majori, aut minori dolore idem emissarium subire possit. Dari itaque poterit dolor intensus, & excitari in nervo minime distant a nervo cordis, qui tamen dolor non vitiet pulsum, & e contra dolor remissior excitatus in nervo maxime distant a nervo cordis, qui pulsum perturbet. Cum autem in suppurationibus adsit dolor, atque insuper tumores, cum fiunt, membranas, ac nervos, ad quorum superficies accrescunt, & cumulantur, extendant, ac trahant, hoc est, dolorem augeant, manifestum est, & ab iis pulsum, ac motum sanguinis vitari posse, & id ipsum debere contingere utroque de nomine in Erysipelate, cum sine aliquo in partibus saltem minimis tumore, licet insensibilis esse non possit; cum ad eas quiescat sanguis, & continue succedat novus: atque insuper calor acrior Erysipelatis acrius concutit, sive stimulat membranas nervorum, & adhuc tria haec validioris momenti fiunt ratione extremarum partium, ad quas ingens nervorum copia colligitur, quorum singuli sunt maxime tensi. Sed & motus corporis vitiet pulsum, oportet; succutit enim ille nervorum genus universum, & non secus ac contingit in angustissimis canaliculis, in quorum cavitatibus haerens, vel lente descendens aqua, statim excidit, si succutiantur, quidquid contentum excurrit lentius, toto impetu effluere cogit in sinulos musculorum, iique effluxus repetentur crebrius, quam in naturali statu, & singulis effluxibus major copia liquidi effluet, unde fiet pulsus vehementior, crebrior, celerior, seu vitiabitur pulsus, & motus sanguinis. Fames, & sitis excedentes jam absumptam supponent, & humidam naturam corporis, & spiritus pariter, unde per ipsorum penuriam pulsus languidi, tardi, rari; mediocres autem, quibus sola humiditas absumpta sit reddens spiritus acriores, & pulsus converso modo se habere poterit, ut de vigiliis, & reliquis superius dictum. Temperamentum calidum vividiores spi-

Motus cor-
poris.

Fames, &
sitis.

Tempera-

spi-

spiritus suppeditabit, unde frequentius excident in villos cordis, & singulis vicibus copiosiores, unde pulsus validior, frequentior, & motus sanguinis vitiat, quod idem praestabit calida victus ratio, ut patet: calidior autem aer, mora ad solem, & ignem vel absumendo humiditatem permixtam liquido nervorum, vel totum ipsum rarefaciendo, vel attenuando, vel haec simul omnia, faciet, ut liquidum ipsum liberius per nervos fluat, excidat in villos celerius, frequentius, copiosius singulis vicibus, & aerius, unde vitium sanguinis; Atque his similia pendebunt ab ebrietate ratione caloris aestuantis vini, atque insuper aderit plenitudo vasorum piam matrem efformantium, ex qua pressio major, unde adhuc patentius vitium in pulsu, & motu sanguinis, quod est, ut patet, necessario conjunctum cum plenitudine vasorum, a quacunque causa plenitudo illa proveniat. Sed & balneum ratione caloris paribus de causis pulsus, & motum sanguinis vitiat, atque insuper cum per aquam laxet lassetque, poterit facile permittere spiritibus, ut expirent per totum corpus, ac fiat illud vitium in pulsu, & motu sanguinis, quod pendet a penuria, vel defectu liquidi per nervos. Prohibita perspiratio per fuligines, quae tunc temporis supprimuntur, acriores reddere poterit spiritus, ac tam per eas, quam per humidum, quod similiter supprimitur, vasa sanguinis infarciuntur magis, unde pressio cerebri major, & pulsus, ac sanguinis vitium his respondens. Cruditas cujuscumque generis parvam quantitatem materiae liquido nervorum producendo aptam suppeditat, eamque vel acrem, vel maxime subtilem, vel aqueam, & crassiores: in primo casu spiritus quidem acriores fieri poterunt, & primo tempore superare etiam sua vi visum, quem copiosiores, sed minus acres in naturali statu exererent, unde tum pulsus validiores, frequentiores; mox vero decresciente semper quantitate etiam pulsus fient debiles, atque rari, qui similiter tales producentur, cum materies, quae liquido nervorum producendo suppeditatur, erit crassior, & aquosior; haec enim minimam quantitatem spirituum continebit. Quia vero somnus humefacit, hoc est, torporem parit, & liquido etiam nervorum majorem hebetudinem conciliat, erunt in somno nimio spiritus magis cum humido permixti languidiores, lentius, ac rarius, & minoris quantitatis excident in villos cordis;

mentum calidum.

Calida victus ratio, Calor aeris, solis, ignis.

Ebrietas. Plenitudo vasorum.

Balneum calidius.

Prohibita perspiratio, & fuligines retentae.

Cruditas.

Somnus isque.

Nimius.

Alvi foecum, &

Urinae retentio.

dis; unde pulsus debilis, rarus, tardus, & simile vitium in motu sanguinis: contra per nimium somnum omne humidum a sanguine, & liquido nervorum absumitur, unde contrarius pulsus. Denique cum alvi foeces retentae maxime exsiccent, & calefaciant, etiam liquidum nervorum siccius erit, atque calidius, seu in rarefciendo acrius, & in fluxu liberius, unde vitium in pulsu, & motu sanguinis, quale patet ex superius expositis. Urina retenta irritat, ac stimulat maxime, unde ad dolorem redigitur; quare patet, superius enumeratis omnibus ita esse conjunctum vitium in motu sanguinis, ut hoc ab illis necessario pendeat. Notandum autem, cum in pluribus ex iis, quae enumeravimus, detur etiam causa in sanguine pulsus, & motum ejusdem sanguinis vitians; a nobis tamen hic illam ad examen non revocatam, cum hic solum exponere debuerimus, qua necessitate ab expositis affectionibus vitietur motus sanguinis, etiamsi nulla adsit causa vel in ipso sanguine, vel in qualibet alia parte corporis ipsum sanguinem vitians, sed solummodo afficiantur non naturali aliqua ratione spiritus animales: quare patet propositum.

PROPOSITIO V.

A vitio superius exposito motus sanguinis necessario pendent, quae conjuncta sunt cum Ephemera legitima.

Pulsus.

Vitia pulsus unde pendeant, & qua necessitate se habeant in Ephemera legitima, patet ex praecedenti, tam cum sunt rariores, debiliores, minores, quam cum validiores, frequentiores &c. cum haec pendeant a majori, aut minori, crebrior, aut rariore influxu liquidi per nervos in villos cordis. Quia vero influxus ille major, aut minor est plerumque aequabilis, cum scilicet causa aequabilis perseverat, hinc & ejusmodi pulsus perseverabit idem, quousque causa ejus operari non desinit, eaque operari desinente pulsu statim ad naturalem statum redigetur, seu, quod idem est, erit pulsus sine ulla inaequalitate, & cessante causa vitii statim ad naturalem statum redigetur. Quia

Respiratio.

vero respiratio per musculos pariter exercetur; ubi igitur aderit influxus liquidi per nervos in musculos major, atque frequentior, etiam respiratio erit frequentior, & major, quod continget,

cum ille influxus pendebit a spiritibus momenti majoris, atque hujusmodi; contra autem cum a spiritibus, & similibus momenti minoris, quia vero ab aucto motu cordis augetur velocitas, ac momentum, quo sanguis nititur in sui ipsius particulas, ad quarum contactum intra canales premitur; igitur cum ad eundem contactum mutuo excurrant, & majori momento, quam naturaliter, facilius abripiunt ab iisdem particulis, sejungunt, divellunt, atque in libertatem asserunt illas naturas, quae etiam per minorem, ac naturalem impetum divelluntur, atque in libertatem asseruntur, unde aucto motu sanguinis horum corporum copia major libertatem nata, si perspirare, ac sensum ferire possit, judicabitur majoris roboris, & quantitatis: calor autem etiam in naturali motu sanguinis ab ipso secernitur, libertatem nanciscitur, perspirat, ac tactum movet: igitur a motu sanguinis aucto major ipsius copia secernetur, quae perspirabit pariter, & majori vi sensum afficiet, seu sentietur calor naturali major, qui sive propter impetum, quo erumpit, sive propter excessum supra naturae modum erit aegro molestus. Pro ratione autem aucti motus esse poterit calor ille plus minus mitis, atque suavis, & si quidem augmentum motus sit mediocre, fiet, ut major quidem copia caloris solvatur, & evaporet; non tamen ille ita humidus partes resolvat, ut omnino evadant tenues mobilesq; quales igneae, sed suam adhuc naturam retinebunt, & solvi quidem & ipsae poterunt, sed naturam suam conservantes cum ipsis caloris particulis evaporabunt, & mixtum component ex calore, & humido, quod sensum excitabit caloris satis mitis, atque suavis: quia hoc ipsum etiam poterit contingere a sola mediocri quantitate caloris expirantis: ex ea enim fiet, ut calor perspiret magis dispersus, seu rarior, adeoque sensum excitet non acrioris, & qualis confertus est, caloris intensi, ac vividi; sed remissioris, & mitis. Increscet autem successive ejusmodi calor aequaliter; cum etenim productio ejus pendeat ab augmento motus, hoc autem vitium motus aequabiliter increseat, erit & incrementum caloris liberum, & aequale. Quoniam itaque per augmentum motus augetur momentum sanguinis intra vasa, & augetur ipsius calor; igitur rarefcet etiam: unde etiam hoc alio de nomine adhuc magis nitetur in membranas canaliculum, quare eas distrahet, & sensus distractionis producet prae-

Calor.

Calor, &
dolor Ca-
pitis.

cipue

Urina.

Accessio si-
ne frigore,
&c. vel ali-
quando sta-
tim evane-
scens hor-
ror.

cipue in partibus magis membraneis, & maxime tensis; atque ad vasa magis implicita, atque ita motum sanguinis cohibentia, cujusmodi est caput, & siquidem per illam implicationem vforum fiat, ut tardior excursus permittatur sanguini, caeteroquin per auctum momentum, atque calorem velocius excurrere nitenti, dolor sentietur non solum distrahens, vel tendens, sed & pulsans; imo a particulis ignis exitum tentantibus etiam pungens: calor autem eodem de nomine ad caput major sentietur, cum inibi per expositas causas nitatur sanguis, subsistat, atque ita magis sui ipsius particulas urgeat, & majorem caloris quantitatem solvat. Quoniam vero solum mediocre augmentum caloris, sive ejus solutio a sanguine pariter mediocris vix corpus ipsum sanguinis vitiat; igitur vix etiam vitiabuntur separationes humorum, & humores ipsi, qui naturaliter a massa sanguinis secernuntur, unde & urina sanorum similis, eritque bonus in iis color, sedimentum, eneorema, aut nubecula. At vero quia etiam vitiato solo motu sanguinis fieri potest per augmentum ejus tantum incrementum velocitatis, ut per eam velocitatem majorem non possint in renibus separari partes durae, quae colorem urinae concilient, sed solum aqueae, ex quibus ejus cruditas, atque albedo, hinc fit, ut quoties hujusmodi excedens velocitas datur, urina reddatur crudior, atque albidior, etiamsi nullum sit vitium in sanguine, a quo caeteroquin ejusmodi cruditas peti deberet. Cum igitur per solum incrementum motus sanguinis nihil ipse sanguis vitietur, nisi in augmento caloris; statim ergo ac incipit hoc augmentum motus, incipiet & augmentum caloris, unde in ejusmodi principio nullus dabitur alius sensus, quam caloris; & succedente tempore, quousque operatur causa motum sanguinis in augmento detinens, sensus similiter caloris perseverabit: Quod si cum causa vitiante motum sanguinis conjunctum sit aliquid vel solutionem caloris prohibens, vel prohibens, ne calor, etsi solutus, liber atque evaporans, sensus moveatur, tum sub initium vitiati motus sanguinis, & per totum temporis spatium, quo operatur illud, quicquid est, prohibens solutionem caloris, aut vim ejus in nervos, fiet sensus frigoris hujus, vel illius gradus, & dicetur horror, rigor, quod praecipue contingere poterit, cum aliquid est admixtum sanguini per ebrietates, nimios cibos, perspirationem cohibitam, & hujusmodi

di, & habebit aptiorem locum inter vitia in qualitatibus sanguinis. Quoniam itaque per motum sanguinis in se ipsum nitentem particulae solvuntur, rarefcit sanguis, & in sua vasa magis nititur; igitur eorum membranas tendit magis, & premit, fimiliterque fe ipsum, unde difficiliorem reddit excursum liquidarum partium, quae caeteroquin effluerent, & exfudarent, unde non exfudabunt in summo caloris gradu, fed cum fenfim remittitur membranis magis flaccelcentibus, & imminuta prefione intra canales, extrudi partes humidae poterunt, & per fudorem exprimi, unde imminutio caloris erit cum fudore, eritque hic fanorum fudori fimilis, cum per auctum mediocriter momentum sanguinis, non tantum humidi folutum fit, quod diffluere corpus prae fudore faciat, & poft hunc continget perfectus fanitatis ftatus, fiquidem caufa vitians motum cordis operari tum definat. Cum autem ifthaec fint conjuncta in genere cum febre Ephemera legitima, patet propositum.

Urina vero rubicundior in paffionibus animi tum continget, cum vel ita erit imminuta velocitas sanguinis, ut in renibus plus partium folidarum cum aqueis fecernatur, quam naturaliter fieri folet, vel cum partes durae erunt fanguini magis permixtae, & ad quantitates sanguinis mutatas pertinent, vel cum motus sanguinis eft tam auctus, ut per calorem plurimum humiditatis attenuetur, atque abfumatur, unde in renibus minor ejus copia feparetur, quam quae diluere poffit magis faturum calorem a duris partibus provenientem. Cum vero ira fit fpecies majoris momenti, faciet pulfum magnum, celerem, vehementem, folvet plurimum caloris & humiditatis, quae attenuata cum calore perfpirabit, fentieturque calor copiofus quidem, fed blandus, & non mordax. Contra cum triftitia fit fpecies momenti minoris, fiet pulfus tardus, languidus, parvus, rarus, minimum caloris folvetur, fed adhuc minus humiditatis, quae difficilius folvitur, unde calor expirabit quafi purus, fed minoris quantitatis, unde acrior videbitur, non tamen copiofus. Quia vero ex hac motus tarditate fit, ut fanguis ineptus reddatur confervando corpori, hinc id ipfum extenuatur, cujus extenuationis opus eft cavitas oculorum, & vitiati fanguinis in qualitate infolens quaedam decoloratio.

Deceffio cum mado-re &c.
Urina in paffionibus animi.
Pulfus & calor in Ira.
In Triftitia pulfus, calor &c.
Ex animi contentio-ne.

cic momenti majoris. Quoniam autem per somnum apponuntur partibus partes humidae reparando aptae; igitur per vigilias eadem non apponuntur, nec solidae fiunt; quae igitur ipsarum non absumuntur per perspirationem, in massa sanguinis permanent, & ad partes deductae easdem humefaciunt, hinc facies; imo & reliquum totum corpus humidius, unde palpebrarum gravitas, motus oculorum tardior, humiditas in palpebris, quanquam & haec omnia a calore in vigiliis poterant oriri, si vigiliae longiores fuerint, quae musculos fatigaverint, partesque membranarum ita laxaverint, ut humida quaeque in iis contenta diffuant. In laboribus humiditas absumitur, unde totum corpus, & cutis arescit: argumento est sitis a laboribus invadens; per motum vero sanguinis soluto, si quid adhuc superest humidi, humescere potest cutis, cum illud evaporare permittitur; si autem nihil humidi supersit per datum motum sanguinis solubile, ut in summe defatigatis, nunquam humescat cutis. Ex cutis adstrictione eadem densior, ut patet, atque compactior, unde caloris exitus difficilior, unde primo attactu minor ipsius copia sensum ferit, unde mitis judicatur; si vero diutius ad contactum detineatur manus, cogitur calor, qui prius eruperat, diutius persistere ad summos cutis poros propter tangentis obicem, eosdemque poros magis discludet, unde succedens calor majori quantitate erumpere poterit, & unietur cum praecedente, & sensus intensioris caloris excitabitur; sed & subesse poterit fallacia, conjungendo nempe sensum primi caloris cum sensu succedentis, quod eo facilius contingit, quod prioris caloris sensus aliquod spatium temporis in nervo perseverat, quousque occurrere possit secundi caloris impetus. Urina rubicundior praecipue ex retentione fuliginum, seu partium durarum ob adstrictionem cutis; corpus autem non extenuatur, cum non vitietur sanguis, & vasa non solum non inaniantur, verum magis infarciuntur a prohibita per adstrictionem cutis perspiratione. A bubonibus pulsus ejusmodi per dolorem, ut ex praecedenti: ob motum autem sanguinis plurimum auctum calor multus, suavis tamen, atque hinc cum multum rarescat, nec proinde subito excurrere possit per innumera capillaria, & maxime implicita vasa capitis, subsistit ad majores ramos per faciem dispersos, eorumque ramusculos capillares, unde iidem extenduntur, at-

Ex vigiliis
facies &c.

Ex lassitu-
dine per la-
bores.

Ex adstri-
ctione cutis
&c.

A buboni-
bus pulsus
&c.

que

que intumescunt magis, & colorem rubicundum faciei pariunt. His iisdem de causis cum pulsus, seu motus sanguinis a plenitudine vitatur, oculi, facies, & urina rubicundiores sunt, pulsus magnus, velox, ut patet. Quoniam vero unaquaeque causarum pulsus vitantium potest plus minus temporis persistere; quoties igitur intra 24. horas circiter ab hoc vitio producendo desinat, dabitur etiam per hanc causam tempus, quo durare statuitur Ephemera legitima, sed & pendet ab eodem vitio conjuncta caetera, ut exposuimus: patet itaque, quod proposuimus.

A Plenitudine.

Duratio 24. horarum.

PROPOSITIO VI.

A vitio superius exposito motus sanguinis diutius protrahito necessario pendet quaecunque Ephemeræ legitimæ succedunt.

Sudet vero febriens, perseveret tamen causa motum sanguinis vitians; igitur sudor ille non proveniet a cessatione vitii in sanguine, sed ab aliqua alia causa, quaecunque sit, adeoque vitium illud protrahitur ulterius. Nullus erumpat sudor, qui tamen ratione superius exposita caeteroquin deberet erumpere, si cessaret causa motum sanguinis vitians; igitur tum etiam motus sanguinis vitiatum perseverabit, & protrahetur ultra horas 24. quin affuerit per ejusmodi spatium temporis capitis dolor, qui nec cesset intra illud ipsum tempus, sed ulterius protrahatur; igitur persistet etiam causa proxima dolorem illum pariens, nempe vasorum tensio, vel punctio, vel utraque a nimia velocitate sanguinis proveniens, nimio nifu, & rarefactione, & calore, & causa haec omnia producens perseverabit, seu vitium in motu sanguinis. Quoniam vero ulterius protrahito vitio motus sanguinis calor magis dissolvitur, etiam quaecunque exposita sunt, intensiora fiant oportet, & prius poterit protrahi, quicquid a vitio motus sanguinis necessario pendet, ad duos, tres, aut 4. dies, quousque nempe perdurat causa motum illum vitians, & non habebit conjunctum quicquam speciale, diversum a conjunctis Ephemeræ legitimæ prae-ter diuturniorem durationem, & conjuncta reliqua esse solum poterunt aliquanto majoris momenti. Quod si causa vitians fuerit adhuc validior, etiam quae ab ipsa succedunt, erunt

Protractio ultra 24. horas quando.

Quid illi protractioni succedere debeat.

Ephemera plurium dierum.

Synochus
simplex, &
continens.

Acma-
stic-
ae.

Paracma-
stic-
ae, vel
Epacma-
stic-
ae cur.

Hæctica.

validiora, cujusmodi sunt conjuncta cum Synocho simplici, & continente, quae cum facilia sint explicatu, & facile pateant ex duabus antecedentibus, satis est easdem relegere, & per majorem vim causae exponere omnia conjuncta cum iis febribus. Cur autem hae febres sint Acmaisticae, hoc est semper ejusdem gradus caloris, vel Epacmaisticae hoc est semper incrementis, vel Paracmaisticae semper decrescents, pariter patet ex superioribus. Ubi etenim ea erit vis vitians motum sanguinis, & ea sanguinis densitas, ut non nisi eadem quantitas caloris semper solvi, & expirare possit, Acmaistica erit febris, seu calor ejusdem gradus; ubi semper augebitur quantitas soluti, & expirantia caloris, Epacmaistica seu semper incrementis; ubi semper minus caloris solvetur, Paracmaistica. Quia vero ex hac solutione sanguinis multa contingere possunt, a quibus pendeat necessitas diversorum morborum conjunctorum cum febre, & haec facile patent ex doctrina morborum, & inferius etiam seorsim exponenda sunt, cum sermo erit de qualitatibus sanguinis mutatis, & de ratione producendi febres Synochas: hinc de iis ulterius hoc loco non differimus, cum abunde caeteroquin pateat veritas propositionis. Unum tamen non omittendum ad Hæcticam febrem attinens. Quoniam vitium in motu sanguinis praecipue aucto calorem vividiores producit & hic solvit humidum, ipsumque attenuat, atque in perspirationem agit; diutius igitur perseverante causa vitiantem motum sanguinis, mirum in modum augebitur siccitas, & calor ejus, qui proinde faciet, ut partes singulae etiam solidae calorem concipiant naturali majorem, & humido destituantur, quae omnia perseverabunt, quousque vitium illud in motu sanguinis permanebit; etsi vero etiam causa illa prima, quae produxit vitium in motu sanguinis, cesset; adhuc tamen, postquam sanguis siccitatem illam, & calorem naturali majorem concepit, eadem vitia retinebit, ut patet, unde spirituum naturalium materies calidior similiter erit, & siccior, unde spiritus acriores, & majoris velocitatis, unde frequentius in villos cordis influent. Insuper calor ille major sanguinis eisdem villos stimulat, unde etiam hoc de nomine motus spirituum concitabitur, unde pulsus frequens, extenuatio corporis, vitium in pulsu perpetuum, calor acer atque continuus, qui etiam cum pulsu intendetur a pastu tum aucta

ma-

materia, in qua calor fundatur novus, tum per acrimoniam sanguinis chylo in fervorem actō, ex quibus pendent omnia, quae cum Hectica conjuncta sunt, ut inferius, Patet itaque quod proposuimus.

P R O P O S I T I O V I I.

Ephamera legitima est vitium in motu sanguinis productum a vitio influxus liquidi per nervos in villos cordis, & hic sit primus hanc Ephemeram generandi modus, & simili plane ratione generari potest Ephamera plurium dierum.

QUoniam enim Ephamera legitima nihil aliud est, quam collectio eorum omnium, quae antecedentia, conjuncta, & succedentia ejusdem febris nuncupamus: in praemissis autem propositionibus ostensum est, eadem antecedentia, conjuncta, & succedentia omnia necessario pendere a vitio in motu sanguinis, quod productum sit a vitio influxus liquidi per nervos in villos cordis: igitur vitiatuſ ille motus sanguinis non solum est conditio, sine qua febris Ephamera legitima esse non potest, verum est illud ipsum, quod constituit omnia antecedentia, omnia succedentia ejusdem febris, in quibus omnibus simul collectis ipsa febris essentia sita est, patet itaque Ephemeram legitimam esse vitium in motu sanguinis productum, ut proposuimus. Quia vero Ephamera plurium dierum nihil aliud est, quam Ephamera legitima per plures dies protracta cum Antecedentibus &c. aliquando, licet non semper intensioribus, patet etiam, Ephemeram plurium dierum esse vitium in motu sanguinis; sed aliquanto intensius productum a majori vitio influxus liquidi per nervos in villos cordis. Patet itaque tota propositio, & hic utramque Ephemeram producendi modus per vitium in motu sanguinis dicatur, vel ponatur primus.

P R O P O S I T I O V I I I.

Vitiant quantitatem sanguinis plenitudo, atque inanitas, & quae ad ipsas reducuntur; ad inanitatem scilicet fames, sitis, labor omnis, sive corporis, sive mentis, dolor, retentio alvi fecum, &

urinae, evacuationes; ad plenitudinem vero cibus, & potus calidus, ebrietas, aestus aëris, mora ad ignem, vel solem, balneum nimis calidum, prohibita perspiratio, somnus nimius, temperamentum calidum; cruditas ad utramque pertinere potest. Et ab hoc vitio quantitatis sanguinis necessario pendent conjuncta, & succedentia omnia Ephemeræ legitimæ.

Plenitudinem, & inanitatem vitare quantitatem sanguinis, patet vel ex solo nomine; per plenitudinem enim vasorum fit, ut quicquid intra ipsa continetur, seu sanguis fiat naturali quantitate major; per inanitatem vero minor. Fames igitur, ac sitis ad inanitatem pertinent, cum illae nos vexent exhausto sanguine iis partibus, quae nobis reparandis sunt aptae, seu diminuta mole ejus; labor omnis, siquidem sit solius mentis, cum plurimum spirituum absumat, quorum materies a sanguine hic pariter absumentur, unde fiet inanitas: si vero sit etiam corporis, vel corporis solius, cum hic labor plurimos musculorum contrahat, & spiritus animales, & sanguinem simul absument. Huc dolor pertinet propter refluxus absumentes nervorum liquidum, huc suppressio fecum exsiccans humores, & urinae excitantis dolorem per stimulum: evacuationes similiter, ut de se patet. Sed & cruditas, si ejus naturae sit, ut humores crudi ad usque sanguinem perducere non possint, sed sistant ad mesenterium; si vero cum sanguine misceri possint, infarcient quidem vasa humoribus ineptis operibus animalis; sed infarcient tamen, hoc est, sanguinis quantitatem majorem facient. Cibus, & potus calidus rarefacit, unde perinde erit, ac si vasa essent vera, & majori quantitate sanguinis infarta, quod quidem praestabunt ebrietas, aestus aëris, mora ad ignem, vel solem, balneum nimis calidum, temperamentum calidum. Prohibita perspiratio re ipsa implet, cum materies ejus non perspiret, & vel hoc de nomine somnus nimius ad plenitudinem pertinet, cum partes alendo inutiles, quae inter villos restitant, per somnum non discutiantur, atque insuper, quoniam nimis incrassando, & torporem conciliando partibus facit, ut humorum universa massa sit minus perspirabilis, atque mobilis, cum a partibus minus prematur: quare patet prima pars propositionis.

Assero jam secundo, a vitiata quantitate sanguinis necessa-
rio

rio pendere conjuncta, & succedentia omnia Ephemeræ legitimæ, & quidem patet ex propositione secunda hujus, ab aucta quantitate sanguinis necessario pendere majorem, validiorem, & frequentiorem pulsum, e converso in imminuta, quorum uterque in Ephemeris observatur. Addes autem, etiam ^{Pulsus.} in quantitate minori sanguinis dari posse pulsum vividum, ac frequentem, dummodo influentes spiritus sint acres, ac liberi, quamvis non ita multi, ut in quarta hujus expositum, & cum hos pulsus producat causa perseverabit æquabilis, erit & pulsus similis, & illa statim cessante pulsus suo se naturali statui restituet, & prout illa magis, aut minus a naturali recedet, pulsus similiter plus minus erit pulsui sanorum similis. Cum aucta, aut imminuta quantitate sanguinis erit solum aucta, vel imminuta urinae materies, caeterum nihil illa vitii contrahere poterit, nisi solum aliquid propter velocitatem auctam, quæ vel faciet, ut per calorem similiter auctum, & humidum attenuantem, ac perspirare facientem aliquanto rubicundior appareat; vel si calor sit minor, vel natura sanguinis tenacior, per velocitatem auctam fiet, ut sola pars aquea, seu fluidissima excerni possit subsistente duriore, unde erit aliquanto crudior & albidior. Calor, & dolor capitis, ut in quinta hujus, uterque esse poterit intensior in plenitudine ob quantitatem auctam, & etiam in inanitate, dummodo plurimum humidi absumptum sit; supersit autem plurimum acriorum partium, & liberarum, idemque dicendum, ut patet, de calore totius corporis. ^{Calor, & dolor capitis, & calor totius corporis.} Respiratio similiter, ut ibidem, quæ in plenitudine vel inanitate cum acri materia esse poterit major, & frequentior, quam cum vitiatur solus motus liquidi per nervos, servata naturali quantitate sanguinis; in utrisque enim his casibus vel copiosiores spiritus a copiosiori sanguine generantur, validiusque premitur cerebrum, quam a quantitate naturali, & inanitas cum acri materia facit, ut hæc ipsa materies sua vi, & frequenti influxu suppleat materiae penuriam, & major, atque frequentior respiratio succedat. Sed & hæc poterit esse rara & parva, si vel inanitas sit insignis, vel licet mediocris materies spirituum sit minus vivida. Quoniam vero perinde est, si verus sanguis totam cavitatem vasorum infarciat, si verus sanguis naturalis copiae rarefcat; cum rarefcat autem naturalis quantitas, ex quinta hujus statim ac causa rarefaciens operari in-

Urina.

Respiratio.

Accessio sine frigore &c.

incipit, folius caloris intensio sentienda est; nullum autem frigus, aut frigoris species; tum igitur nihil horum sentietur, quod similiter continget, etiamsi quantitas sanguinis imminuta supponatur, sed acrior, similique de causa ibidem exposita cessante causa plenitudinem, vel acrimoniam partium fovante poterit succedere mador, qui tamen non est necessarius, ut etiam Medici asserunt, in Ephemeris a summo labore provenientibus, in quibus cutis siccior, & in summe fatigatis eadem perseverans etiam in decessione. Reliqua conjuncta eodem modo se habent, ac in quinta ostensum est, vel nullo negotio ex ibidem, & hic demonstratis deducuntur. Si igitur causa vitians quantitatem sanguinis per 24. horas opere-
Decessio cum mado-
re &c.
Duratio 24.
horarum.
tur, haec similiter omnia eodem spatio temporis perdurabunt; si vero ulterius protrahatur, pertrahetur ulterius calor eodem modo, ac in sexta dictum est, & succedere poterunt Ephemera plurium dierum, alterutra vel utraque Synochus, Hectica &c. & hae singulae affectiones succedenter erunt eo graviores, quo quantitas sanguinis easdem reddet majoris, aut minoris momenti, prout illa acrior aucta, vel imminuta erit. Quare patet propositum.

PROPOSITIO IX.

Ephemera legitima est vitium in quantitate sanguinis a plenitudine, vel inanite productum, & hic fit alter hanc Ephemeram generandi modus, & simili plane ratione generari potest Ephemera plurium dierum.

Similiter enim, ut in octava, quoniam Ephemera legitima nihil aliud est, quam collectio eorum omnium, quae antecedentia, conjuncta, & succedentia ejusdem febris nuncupantur. In praemissa autem ostensum est, eadem antecedentia, conjuncta, & succedentia omnia necessario pendere a vitio in quantitate sanguinis, quod productum sit ab inanitate, vel plenitudine; igitur vitiata illa quantitas sanguinis non solum est conditio, sine qua febris Ephemera legitima esse non potest; verum est illud ipsum, quod constituit eandem febrem, cum illa quantitas sanguinis vitiata sit, quae constituit omnia antecedentia, omnia conjuncta, & omnia succedentia ejusdem febris,

bris, in quibus omnibus simul collectis ipsa febris essentia sita est: patet itaque, Ephemeram legitimam esse vitium in quantitate sanguinis productum, ut proposuimus. Quia vero Ephemeram plurium dierum nihil aliud est, quam Ephemeram legitima per plures dies protracta cum antecedentibus &c. aliquanto, licet non semper, intensioribus, patet etiam Ephemeram plurium dierum esse vitium in quantitate sanguinis; sed aliquanto intensius, productum nempe a majori, vel minori inanitate, vel plenitudine. Patet itaque tota propositio, & hic Ephemeram utramque producendi modus per vitium in quantitate sanguinis dicatur secundus.

PROPOSITIO X.

Vitiant quantitatem sanguinis, quaecunque antecedunt Ephemeram legitimam.

QUoniam tristitia, ac timor sunt, vel esse possunt species momenti minoris; igitur per singula tempora, per quae conservari possunt ejusmodi species, minor quidem aliqua quantitas spirituum absumentur; sed iisdem per longum tempus protractis, earundem absumentur quantitas major, adeoque cum eorum materies a sanguine petenda sit, major ejusdem materiae quantitas a sanguine deducitur: materies autem liquidi per nervos est lympa, nempe humor viscidior, & spiritus, quid nempe maxime mobile, & maximi momenti; per majorem igitur absorptionem ejusmodi liquidi sanguis destituetur materia viscida, & maxime mobili, & proinde reddetur maxime solutarum, atque inertium partium, seu mutabitur, vitabiturque in qualitate. Hoc autem ipsum multo facilius continget in aliis motionibus animi, quae sunt momenti majoris; illae etenim non solum plurimum spirituum absument per solam speciem, sed cum haec conjuncta sit cum motibus violentis musculorum, plurimum in ira praecipue, evaporat ab iis partium solidarum, & a sanguine universo, dum perspiratio illa per vasa ducitur, unde sanguis incalescit magis, & humiditas etiam absumitur, unde partes mobiles magis liberae, & sicciores evadunt, & mutatur sanguis in qualitate. Id ipsum praestant vigiliae nimiae duplici de nomine, primo ratione multitudinis spirituum, qui protracta vigilia generandi sunt a sanguine. Tristitia, & Timor, & Reliquae affectiones animi. Vigiliae.

Pp

gui-

Motus corporis.

Evacuationes, & dolor omnis.

Fames, & sitis.

Calida omnia.

guine, unde remaneret ille caeteroquin frigidior, & humidior; secundo vero, quia in vigilia plurimum humiditatis absumitur ex partibus solidis, quae proinde hoc ipsum a sanguine subito repetunt, eumque exsiccant, quod simile perspirationes calidae adhuc praestant facilius, unde fit, ut sanguis, destitutus partibus mobilibus, fiat frigidior, atque siccior ob penuriam humidarum, quae tamen contingent vigiliis diutius protractis; in mediocribus autem haec ipsa, sed mediocriter, unde in utroque casu sanguinis qualitas plus minus vitiabitur. Motus corporis absument humidum, atque spiritus, unde ratione humiditatis, quae exprimitur a sanguine, reliquum mobile acrius est, & vividius, unde si motus corporis sit diuturnior, ac vehementior, quo scilicet maxima copia spirituum absumatur, relinquetur sanguis maxime siccus, & cum parva quantitate partium mobilium, quae licet maxime liberae facere non poterunt propter paucitatem, quin sanguis sit frigidior, & siccior; sed si motus corporis sit remissior, & brevior, erit idem calidior, & siccior. Quoniam vero dolor omnis premit: pressio autem exprimit ab arteriis, & vasis omnibus, quod est liquidius; per dolorem igitur quemlibet exprimetur a sanguine pars aquea, & si quae sunt aliae facillimi fluxus, unde sicciores, cujusmodi igneae, ac terreae, subsistent intra vasa, eruntque magis liberae, unde vividior, & siccior fiet sanguis. Hoc igitur praestabunt evacuationes, cum operentur illae per stimulum, hoc bubones, hoc erysipelas, hoc urinae, vel alvi feces retentae, quae insuper alvi feces diu suppressae cum arescant, humiditatem a sanguine extrahent, & imbibent. Fames, & sitis supponunt viciatum sanguinem in qualitate, & ipsum eo magis vitiant, quo magis protrahuntur; deesse enim sanguini in fame, & siti certum est id, quo partes reparantur, humidum nempe glutinosum, quale lympa ac spiritus, unde superest quasi sedimentum sanguinis crassum, pura terra. Quoniam vero aucto motu corporis increscit calor, venae intumescunt, sic etiam ad ignem, & alia huiusmodi; per calorem igitur sanguis rarescit, & cum calori concipiendo par sit; igitur sive per temperamentum calidum, sive per aestum, sive per balneum, sive per cibos, sive ebrietatem, aut cruditatem nidorosa, quatenus plurimum calidi participat, sive per suppressam perspirationem, quatenus est quid fuligini, & fumo sic-

co simile, sulphureum nempe, & calidum, sanguis majorem calorem concipiet, atque rarefcet, unde in qualitate mutabitur. Hoc ipsum praestabit peculiari de nomine Erysipelas extremorum, quatenus illa conjuncta est cum quodam veluti fervore sanguinis in determinata parte corporis, qui fervor facile universo sanguini potest communicari. Id ipsum praestare poterit plenitudo; cum etenim haec supponat intra vasa sanguinea maximam quantitatem sanguinis, ejus particulae magis se prement invicem, & expriment, seu solvent calorem, unde incalascet magis tota massa, atque humiditatem absument, & rarefcet. Sed rursus prohibita perspiratio hanc rarefactionem, exsiccationem, & augmentum caloris facilius parere potest, quatenus vel ipsa subsistit ad vasorum capillamenta; adeoque sanguinem comprimit, & quid simile plenitudini producit, vel cum semper nova perspiratio succedat a partibus, & eodem sanguine, hanc ipsam similiter impedit, ne evaporet, unde vasa sanguinis implentur magis, & ipse sanguis incalascit, magis siccatur, atque rarefcit. Ulterius cruditas nidorosa quatenus cum calore conjuncta exsiccabit, & calefaciet magis sanguinem; quatenus autem ex suppositione cruditas est conjuncta cum humoribus non coctis, nempe crassioribus, nec facile dissolventibus, iis perductis in sanguinem reddetur totum compositum ex iis, ac sanguine fluxui minus aptum, seu crassius, & magis compactum, & vera cruditas hoc ipsum praestabit eodem de nomine; sed cum omni calore destituta sit, reddet eundem sanguinem viscidior, frigidiorque instar glutinis, mucii crassioris, vel gelu. Rursus plenitudo, & prohibita perspiratio, etiam si supponantur non excitare, ac solvere majorem quantitatem caloris, ex eo vitiant sanguinem in qualitate, quod debet naturaliter contineri in vasis intra quosdam gradus laxitatis, quos excedere supponit stipatio, & infartus vasorum in plenitudine. Quoniam vero per somnum educitur a sanguine plurimum humiditatis apponendae partibus; igitur hoc de nomine per nimium somnum evadere debet siccior, atque calidior. Rursus quoniam ab iisdem partibus humida perspirant quasi aquea, quae extra corpus mitti non possunt propter inertiam corporis in somno, sed rursus admiscuntur sanguini, a quo interim partim evaporant spiritus, partim hi iidem cedunt in materiam liquidi per nervos,

Erysipelas.

Plenitudo.

Prohibita perspiratio.

Cruditas utraque.

Plenitudo, & prohibita perspiratio rursus.

Somnus nimius.

& motus qualescunque musculorum humido illo non perspirante propter vim minimam expressionum a partibus circumprimementibus; igitur per somnum nimium sanguis fieri humidior, & magis refrigerescere poterit. Patet igitur, ab antecedentibus quibuscumque febris Ephemeræ legitimæ pendere vitium qualitatis sanguinis, ut fuit propositum.

PROPOSITIO XI.

A vitiis superius expositis qualitatum sanguinis necessario pendet, quæ conjuncta sunt cum Ephemeræ legitima, & quæ succedunt.

A specie
momenti
minoris.

Pulsus.
Calor.

Corporis
extenuatio,
& decoloratio,
oculorum
excavatio.

Urina.

Accessio.

Decessio.

QUoniam in specie momenti minoris sanguis fit magis iners, & solutarum partium, suppeditat parvam quantitatem spirituum per nervos, parvamque per arterias; erit igitur in illa specie influxus liquidi per nervos, & sanguinis in cor rarior, & minor, adeoque pulsus tardus, parvus, languidus, rarus. Rursus, quia sanguis solutus quidem est, sed cum penuria caloris; igitur hic perspirare non poterit copiose; qui tamen perspirabit, erit solitarius, & sejunctus a partibus vim ipsius compescentibus, unde acrior videbitur. Hoc eodem de nomine, nempe per solutionem sanguinis talem, ut evadat inertior, atque frigidior, fiet, ut corpus ali non possit humoribus ad statum non naturalem conversis, unde partes omnes extenuabuntur abeuntibus iis particulis, quæ in alimentum fa-
cesserant, & nullis de novo, vel paucioribus succedentibus, hinc oculi excavari videbuntur introrsum cedente bulbo, dum & ipse non alitur, & pinguedo deficit, qua totum antrum oculi impletur, facitque, ne cavum videatur. Urina poterit esse crudior ob lentum motum sanguinis, & vim membranarum minus prementium, quibus fit, ut liquidissima solum exprimi, atque effluere possint, quod si humores majorem siccitatem contraxerint, poterit illa esse minoris quantitatis, & coloratior. Accessio erit sine ullo, vel levi frigore, siquidem partes sanguinis reliquæ solutæ cohibere nullo pacto possint, quicquid caloris solutum est; si vero cohiberi ipse brevissimo temporis spatio possit (eo modo, qui explicabitur in proximis) ab iisdem partibus, erit cum levi, & subito evanescente horrore. Decessio similiter erit sine ulla humidi eruptione per
cu-

cutim, si vel summa siccitas contracta fuerit a sanguine, vel omnes humidae ejus partes attenuatae in ipsa febre per motum, atque in perspirationem actae. Si igitur hujusmodi constitutio sanguinis perseveret per horas 24. inde vero ad naturalem statum redeat, fiet febris, seu conjuncta erunt cum ejusmodi vitio in qualitate sanguinis, quaecunque conjuncta sunt cum Ephemera legitima; si vero ulterius protrahatur, etiam eadem affectiones, quae ab ipso necessario pendent, ulterius protrahentur. Quia vero species momenti majoris majorem, ac frequentiore facit influxum liquidi per nervos in cor, & sanguinem reddit ficiorem; igitur acriorem etiam, unde in cor influent liquidum nervorum, & sanguis frequentius, & copiosius, & pulsus erit major, crebrior, vehementior. Calor pro diversis gradibus, quibus fit, ut sanguis sit plus minus humidus, & plus minus caloris vim cohibens, ac temperans, erit major, aut minor, acrior, hebetior, parcius, copiosior, blandus, aut pungens. Par erit ratio de urina, quae quo major est calor, & motus validus, ac velox, eo erit coloratior, & parcius, vel si humiditas magis abundet, copiosior, & aquosior, & in primo quidem casu, quia velocitas motus, & vis caloris plurimum humiditatis absument, & quod reliquum est, separari totum non permittet, unde durum illud, quod cum liquido secernetur, erit majoris quantitatis, quam quae dilui a minima illa liquidi quantitate possit; si vero abundet humiditas, plurimum ejus etiam cum magno illo impetu secernetur, nec secernetur tamen pars dura, quae minorem velocitatem exigit, unde urina copiosior, & aquosior, seu crudior. Sed & in hac specie momenti majoris esse debet accessio sine frigore, siquidem spectemus solam vim caloris liberioris; si vero partes siccae reliquae vel ipsum cohibere possint per aliquod breve spatium temporis, vel motum imprimere nervis violentiorem, quam calor ille valeat, & qualis contingit, dum calor a corpore discedit, fieri poterit levis horror, ac subito evanescens. Decessio esse poterit, ut superius, cum humido, vel sine ipso, & prout hoc vitium sanguinis 24. horas, vel ulterius protrahitur, illae affectiones pari intervallo temporis perdurabunt. Atque ex his facile patet, conjuncta cum Ephemera legitima necessario pendere ab iis vitiis in qualitate sanguinis, quae recensuimus, atque ostendimus provenire a vigiliis

Duratio 24. horarum, vel ulterius.

A specie momenti majoris.

Pulsus. Calor.

Urina.

Accessio.

Decessio. Duratio.

A vigiliis &c. usque ad prohibitionem perspirationem.

A prohibita
perspiratione.

Pulsus.

Calor.

Urina.

Sudor cur
aliquando.

Non cavi o-
culi, non
extenuatio
corporis.

Accessio.

Duratio.

liis & caeteris usque ad prohibitam perspirationem; in iis enim singulis vitiatur vis cohaesionis in particulis sanguinem componentibus, & per ejusmodi vitium aliquid abripitur ab iisdem, quod magis operatur, quam in naturali statu, aliis interim operantibus diversimode, quae juxta ordinem in praesenti, & superioribus servatum ratiocinando facile deducunt in cognitionem conjunctorum omnium cum Ephemera legitima ab his ipsis causis necessario proveniente. At vero prohibita perspiratio, si spectetur quatenus implens; producet necessario conjuncta omnia cum Ephemera legitima juxta propositionem octavam, si vero quatenus quid fideum, atque sulphureum admixtum sanguini majorem calorem sanguini, & siccitatem conciliando, ac spiritus acriores per nervos, & copiosiores generando, erit pulsus major, validior, atque frequentior. Densata cuti minus caloris continue perspirare poterit, unde brevi, ac simplici attactu mitior videbitur, sed aliquanto longius protracto repetitis iisdem levis caloris impressionibus intensior videbitur, & propter siccitatem acrior. Urina propter humidi penuriam rubicundior, & in majori motu, & calore febris parcius; declinante vero, seu decedente poterit esse copiosior, si perspirationis retentae materies per urinam reddi possit, imminuto scilicet impetu, quo per longitudinem arteriarum abripitur urinae materies; quae videtur ipsa vera necessitas, cur sudor, cum adest materies ejus, in decessione erumpat, quia nempe tum imminuto motu per longitudinem arteriarum datur tempus excursui transverso sudoris a sanguine separandi, & in canales suos derivandi. Cum igitur perspiratio suppressa impleat, etiamsi per breve 24. horarum spatium corpus febriens vix, & ne vix quidem alatur, in sensum venire non poterit extenuatio ejus, quae caeteroquin observatur non alente se corpore, nisi adesset aliquid implens nempe perspirationis materies, quae alimenti apponendi locum replet, unde non extenuatio corporis, & quod inde pendet, non cavi oculi. Accessio similiter in hoc casu esse poterit vel sine ullo frigore, si perspiratio nihil adjunctum habeat, quod sensum caloris impedire possit, vel cum levi saltem frigore, si vel calorem supprimat, vel nervos validius, atque ita moveat, ut moventur, cum calor deest; durabit autem per diem, aut ulterius, prout hoc vitium per diem, aut ulterius durat. Quae de perspiratione

tio-

tione prohibita dicta sunt, facile traducuntur ad cruditatem, & reliqua, unde patet prima pars propositionis; quae enim ad febrem Ephemeram in genere pertinent, ut respiratio, dolor capitis &c. facile patent partim ex propositionibus de Operationibus Animalium, partim ex morbis particularibus, partim ex praemissis; sed & ex singulis hisce vitiis oriri necessario, quaecunque succedunt Ephemeræ legitimæ, facile patet, si hæc cum iis conferantur, quae in propositione sexta exposuimus: Quare patet propositio tota.

A cruditate
& reliquis.

SUCCEDEN-
TIA OMNIA.

PROPOSITIO XII.

Ephamera legitima est vitium in qualitate sanguinis, eaque multiplex, prout multipliciter, ut exposuimus in duabus Antecedentibus, vitiari possunt qualitates sanguinis: qui sint reliqui hanc Ephemeram producendi modi, & similibus plane rationibus generari possunt Ephemeræ plurium dierum.

Demonstratio autem eadem plane ratione se habet, ac in septima, & nona Propositionibus.

PROPOSITIO XIII.

Ephamera legitima est vitium in motu, quantitate, aut qualitate sanguinis, aut in horum aliquibus, aut in omnibus per unicum diem durans, a suis recensitis causis proveniens; Ephamera vero plurium dierum est illud ipsum vitium protractum ad plures dies.

Quoniam vitiari sanguis non potest, nisi vitietur motus, quantitas, aut qualitas ejus, aut horum aliquot, aut omnia: & nulla febris sine vitio sanguinis; nulla igitur dari poterit Ephamera, in qua non vitietur motus, quantitas, aut qualitas sanguinis, aut eorum aliquot, vel omnia; Ephamera autem quaelibet nihil aliud est, quam collectio omnium sibi antecedentium, conjunctorum, & succedentium, & hanc collectionem non modo conjunctam esse ostendimus cum singulis recensitis vitiis sanguinis, verum ab iis omnino necessario pendere in Ephamera quidem legitima, ita ut ad 24. horas solummodo

modo protrahatur; in Ephemera autem plurium dierum ad plures dies; utraque igitur Ephemera non solum esse non poterit sine expositis vitiis sanguinis, verum erit in iisdem vitiis ipsius natura intima, atque essentia constituta, adeoque Ephemera legitima erit vitium sanguinis in motu, quantitate, aut qualitate ejus, aut in horum aliquibus, aut in omnibus (facile enim patet ex superioribus, posse simul affici liquidum nervorum primario, seu motum sanguinis vitari, & vitari quantitatem, vel qualitatem ejus, vel motum, & qualitatem) per unicum diem durans, & a suis causis proveniens; Ephemera vero plurium dierum erit illud ipsum vitium protractum ad plures dies, quod erat ostendendum.

PROPOSITIO XIV.

Vitiant motum, quantitatem, aut qualitatem sanguinis quaecunque antecedunt utrique Synocho, simplici scilicet, & continenti, & ab hoc vitio necessario pendent, quae utrique conjunguntur, atque succedunt.

ANTECEDENTIA in
Synocho
simplici.

IN Synocho etenim simplici cum antecedant quaecunque antecedunt Ephemeræ; hæc autem ex superioribus vitiant motum, quantitatem, & qualitatem sanguinis, patet quoad Synochum simplicem primæ partis veritas, & siquidem a Medicis restringitur hæc febris ad illam solum, quæ ex plenitudine fit, est id quidem inconsulto factum, cum ejus affectiones omnes stent etiam cum motu, & qualitatibus sanguinis primario vitiatis: etsi autem id concedatur, adhuc patet quoad antecedentia, per ipsa vitari quantitatem, sed etiam qualitatem sanguinis primario, sic suppressa perspiratio implet quidem vasa sanguinis, seu quantitatem vitiat; sed potest esse ejus vis tanta, ut etiam in minori quantitate suppressæ perspirationis intendi possit calor sanguinis, & excitari affectiones omnes, quæ cum Synocho necessario ponuntur: sic suppressiones effluviæ calidiorum, hæmorrhoidum, menstruorum, & omnium antecedentium augebunt quantitatem sanguinis; sed & calorem intendent, & spiritus per nervos aciores saltem gignent, & prout ad molem sanguinis, aut qualitatem ejus, aut motum per vitium spirituum primario genitum vitiabunt, fiet certum, quod

quod proposuimus. Similiter autem cum in Synocho conti-
nenti dentur antecedentia omnino similia, ac plane eadem cum
iis, quae in Synocho simplici, vitiabitur per illa motus, quan-
titas, aut qualitas sanguinis, quae enim recensentur ultra ea,
quae in Synocho simplici, ut multus labor, & exercitatio,
curae vexantes &c. patent ex iis, quae exposuimus ad antece-
dentia Ephemeram legitimam: Cutis autem, jecoris, & alia-
rum partium obstructions eodem modo vitiant motum, quan-
titem, & qualitatem sanguinis, quo suppressa perspiratio,
quaecunque antecedunt utrique Synocho vitiant motum, quan-
titem, aut qualitatem sanguinis, ut fuit propositum.

ANTECE-
DENTIA Sy-
nochi con-
tinentis.

Cum eadem conjungantur cum hoc Synocho simplici, quae
cum exphamera; sed magis sint evidentia, & majoris momen-
ti, patet, illa necessario pendere ab iisdem causis; sed magis
valide operantibus, nempe vitio majori spirituum per nervos,
quantitate sanguinis magis aucta (cum diminuta locum hic non
habeat) vel ejus qualitate magis mutata, hoc est ipso magis
fuso, calore soluto. Cum autem quae recensentur facilia sint,
& partim ex se ipsis, partim ex superioribus pateant, prae-
cipue vero si causa supponi debeat cum Medicis communiter
sola plethora, iis non immorabimur diligentius. Caeterum ea-
dem possunt contingere, si primario vitietur liquidum per ner-
vos, ita ut magnum impetum communicet sanguini per cor,
unde ille plurimum concitatus plurimum rareseat; tunc enim
singula eodem modo succedere poterunt, eademque similiter,
si sanguis primario afficiatur, ita ut maxime incalescat; rube-
scet enim corpus, & quasi inflabitur propter sanguinem rare-
scem, turgebunt venae sanguine, vasa omnia tenduntur ob
vim sanguinis quaquaversum maxime nitentis, unde exitus
in villos musculorum occludentur, unde contrahi non pote-
runt, seu fiet lassitudo tensiva, gravabitur caput per pres-
sionem ejusdem sanguinis, respirabitur difficile, atque frequen-
ter per eandem pressionem ad cerebrum, & per tensionem san-
guinis in pulmonibus. Somnus vel erit, vel videbitur profun-
dior per pressionem eandem, & rubra spectra in ipso (si vera
sunt, quae narrantur) ob similitudinem impetus a sanguine,
pulsabunt tempora minus libere fluente sanguine, premi pectus
videbitur, seu angustum fieri; molestia pressionis, & caloris
reddet corpus inquietum. Quod si interim materies febrim

CONJUN-
CTA cum
synocho
simplici.

CONJUN-
CTA CUM
synocho
continenti.

conservans tenuetur, vel in liquidum mutetur, ita ut in sudorem abire possit, per sudorem solvetur, vel per haemorrhagiam sanguinis temperantis aestum, minuendis quantitatem, & dantis locum reliquo, ut rarescere possit absque pressione. Reliqua autem ex Ephemera legitima patent praecipue ex Propositione sexta, ubi Acmaisticae, Paracmaisticae atque Epacmaisticae explicatio. Patet autem, conjuncta cum Synocho continenti esse solum aliquanto intensiora, adeoque pendere ab iisdem causis solum aliquanto intensius operantibus; patet itaque eorum necessitas ex haecenus expositis. Cum autem calor sit intensior, exsiccat ille magis partes solidas, & humidas mixtas cum sanguine magis extenuat, atque evaporare cogit, unde liquida, & solida exsiccantur, adeoque cum calor est intensior, vigiliarum necessitas. Similiter si eadem de causa absumatur humidum in salivam faciens, fiet sitis ad fauces solum; si vero quod humectat partes internas, etiam intime arescere se dicet aeger, atque sitire, & haec eadem fieri poterunt, si vitietur fluxus sanguinis a permixto viscido, vel duriori corpore, quo obstruantur vasa, per quae separantur liquida partes hume-

Δύσπνοια.

stantia. *Dyspnoea* eodem de nomine, ac respiratio difficilis in Synocho simplici. Quod si per motum, & calorem sanguinis humores, qui ab ipso secernuntur, & in cavitatem ventriculi, atque intestinorum confluunt, possint, cum permiscantur, fermentescere, in bullas erumpere, quae subito crepent cum impetu, in formatione bullarum inflabitur venter, & cum crepant, rugiet; si vero qui humores ad cutis glandulas secernuntur, vim fermentescendi pariter concipiant, & villos erodant, atque ita veluti ulcusculum pariant pro diversitate caloris, quo praedita sunt ejusmodi liquida, fient pustulae lividae, nigrae vel cujuslibet alius caloris; fermentescant autem facile, si per obstructionem stagnent iidem humores, & obstrui facile poterunt canales, quoties dabitur sanguis viscidus, vel nimio motu citatus. Uterque autem Synochus durabit per tot dies, quot conservatur causa ipsum producens, & id esse per tres, aut quatuor, aut 7. dies in simplici, aut ulterius ex observationibus jam constitit, in continenti 7. vel 14.

Duratio.

SUCCE-
DENTIA syno-
cho simplici.

Pariter autem iisdem vitiis sanguinis succedere debere Synocho simplici eadem, ac feбри Ephemeræ legitimæ, manifestum est ex dictis: quod si vitium sanguinis sit in quantitate

nimis aucta, quae per artem imminuta non sit, oriri poterunt, quaecunque a nimia copia sanguinis pendent, & copia quidem conjuncta cum calore intensiore, ut comparatus ad Ephemeram legitimam est in Synocho simplici; eorum autem praecipua sunt inflammationes, & quidem ad eas partes, ubi vel propter motum debiliorem vis caloris fit major, & ejusmodi affluxus maximus est ad pulmones; motus autem debilior ad fauces, intra cranium, pleuram &c.; oriri igitur facile poterunt peripneumoniae, pleuritides, anginae, phrenitides, & quaecunque a nimio sanguine praecipue cum aestu conjuncto. Haec pariter iisdem de nominibus succedunt Synocho continenti, sicut & haemorrhagia narium, vel per quaslibet alias partes corporis, ad quas vel nimis cumulatus sanguis, vel nimis acriter erodens facit, ut membranae vasorum vel demum abrumpantur, vel ita tenuentur atque extendantur, ut per earum poros erumpere possit sanguis: asthma pariter, ut in superioribus; pruritus, ac titillatio narium ab eadem pressione, vel erosione sanguinis: visus hebetudo a copia sanguinis prementis nervos, ne per eos fiant fluxus, & refluxus, vel prementis humores oculi ita, ut per ipsos trajici non possint species, vel per humores viscidos pariter prementes, vel prohibentes generationem liquidi per nervos; splendores autem ob oculos, vel ob species lucidas motas per impetum majorem sanguinis, vel per lucem intra oculum a sanguine secretam per nimiam pressionem, ut fieri solet, cum oculos valide introrsum premimus. Quia vero Causus nihil aliud est, quam febris Synocha intensior, ut facile patet comparando ejus antecedentia, conjuncta, & consequentia cum hactenus expositis, & ut mox explicabitur. Huic igitur Synocho ulterius protracto, hoc est magis ingravescenti facile Causos succedere poterit: postremo urina crudior sub initium argumento erit, solutionem sanguinis, quae fit in motu Synochi, esse in partes transverso separationum motui concipiendo minus aptas, seu crassas, ac tardi motus, unde solum liquidissimae discernentur; cum autem illae difficile subigantur, facile autem obstructions pariant, mortem praenunciabit urina crudior; rubicundior autem, & crassior salutem, cum per ipsam excernantur partes etiam crassiores, quae per motum febris solvuntur. Quare patet propositum.

SUCCEDE-
 N-
 TIA syno-
 cho conti-
 nenti.

PROPOSITIO XV.

Synochus simplex est vitium in motu, quantitate, aut qualitate sanguinis, aut in horum aliquibus, aut in omnibus, productum ab iisdem causis, a quibus producitur Ephemera legitima; sed aliquanto validioribus, & ad plures dies operantibus; Synochus autem continens est illud ipsum vitium; sed a causis adhuc validioribus, quam sint causae Synochi simplicis, productum.

PAtent haec omnia ex praemissis, & praecedentibus Propositionibus, eodem modo demonstrationem conficiendo, quo in septima, ac nona Propositione factum est; atque ex his omnibus patet, Synochum simplicem nihil aliud esse, quam intensiorem Ephemeram plurium dierum; Synochum vero continentem Ephemeram pariter plurium dierum, sed intensiorem, quam Synochus simplex, & utramque hanc febrem tot modis produci posse, quot Ephemera simplex unius, aut plurium dierum; patet itaque propositum.

PROPOSITIO XVI.

Vitiant motum, quantitatem, & qualitatem sanguinis, quae antecedunt Causum, seu Febrem ardentem, & ab ejusmodi vitio necessario pendent, quae eidem conjunguntur, atque succedunt, & quid sit ipse Causus.

ANTECEDENTIA.

ET si antecedentia Causi respicientibus statim pateat, ab iis produci quandam solutionem sanguinis a partibus humidis, & harum evaporationem, atque absorptionem, ideoque vitari sanguinem praecipue in qualitate; quia tamen per illa eadem antecedentia, ut ex expositione antecedentium Ephemericis patet, potest etiam vitari primario influxus spirituum per nervos, atque insuper absorpta humiditate minuitur quantitas sanguinis, ac prout vel influxus liquidi per nervos in villos cordis, vel quantitas, vel qualitas sanguinis primario vitiantur, febris oritur ab hac vel illa proxima, & conservante causa proveniens, hinc fit, ut etiam febris ardentis antecedentia spectari debeant juxta omnem rationem, qua vitari affectiones illae sanguinis pos-

possunt. Haec autem indicasse solum sufficiet, cum ejusmodi antecedentium, atque operandi necessitas, ut pariant vitium in motu, quantitate, aut qualitate sanguinis, ex Ephemeris abunde pateat. Cum igitur sive sit vitiatum primario motus sanguinis, sive quantitas, sive qualitas ejus, illud semper constantissimum sit, ut absumatur humidum; igitur supererit calor liberior, mobiliior, acrior, nullo frigidioris, viscidique humoris retinaculo cohibitus, ac temperatus, unde toto se aget impetu quaquaversum in villos sentientes sive febrientis, sive alterius attingentis, & urere videbitur propter libertatem suam, atque sejunctionem ab humidis: cum autem universus sanguis sit uniusmodi, semper eodem modo feriet, unde nullus exacerbationis sensus, velet si aliqua detur aliquando diversitas, illam tamen aeger, aut attingens alter discere non poterit, cum minima sit comparata cum continuo calore, qui semper est summus, & semper urens. Sitis similiter extinguere non poterit, eritque summa, nec solum ad fauces, sed per universum corpus, in quo erit sensus, velut ariditatis, & ejusmodi sensus, atque ariditas ipsa non cessabit, etiam si patet febriens, cum calor intensior absumat quicquid humidi ingeritur, & singularis ariditas statim combibat, hoc est, effluere permittat idem liquidum, quod caeteroquin subsisteret inter duas quaeque particulas, nisi ex toto disjunctae essent; & ad summum solutae. Hinc pariter lingua sicca, aspera: sicca quidem penuria humidi; aspera vero ratione pilorum, qui ex superficie ejus assurgunt; hi enim humido destituti rigidi evadunt, & suis apicibus sejunctis, & aliquantulum distantibus ferientes attingentem digitum, asperitatum pungentium sensum producant, non secus, ac cum digitos leviter ducimus ad contactum summorum dentium in pectinibus carminatoriis. Nigra vero, cum ob summam siccitatem partium solidarum eadem contrahi vix possint, sit, ut lingua vix in villis suis apte moveri, & contrahi valeat, unde sanguinis partes & ipsae sicciores minus moveri poterunt, & sub superficie linguae subsistent effluentibus mobiliioribus partibus ignis; cum autem illae sint coloris rubro saturi, coacervatae, & coactae simul, nigrum colorem repraesentabunt. Cum vero sanguis sit tam acer, & calor tam liber, etiam humores, qui naturaliter in ventriculum, & cavitatem intestinorum derivantur, erunt acriores, & mi-

CONJUNCTA.

Calor urens.

Non exacerbatio.

Sitis.

Lingua sicca &c.

Ventris morbus.

Dejectiones
pallidae.

Vigiliae.

Desipientia.

Respiratio
difficilis
&c.

nus humidi, seu magis liberi, & efficaces, unde nervos ventriculi, aut intestinorum vellicabunt acrius, & ventris morsus orietur. Quoniam vero dejectiones a bile tinguntur; haec autem quo magis admixta est liquido aqueo, est flavior, & dilutior; quo autem eodem magis destituta, eo saturatior, atque ad aeruginem, ac nigrum vergens; in hoc igitur statu sanguinis, in quo deest fere omnis humor, bilis quoque generabitur summe adusta, seu ad nigrum colorem magis vergens, sive pallida. Sed & vigilias ab eodem calore, & siccitate pendere, certum est, cum somnus exigat humidum in humoribus, quod tunc temporis apponendum est iisdem partibus, unde privatio sensus, quae non succedit, cum apponi non potest, nec potest apponi, cum deest. Desipientia, vel quia nervis per calorem, & siccitatem plus aequo tensis tremores excitari non possunt, quales in mente constantibus; nempe vel nulli, vel non omnes, vel non ex ordine, vel quia a nimis calido, & sicco sanguine generantur spiritus nimis vividi, & undique perspirantes absque eo, quod sufficienti impetu urgeant membranas nervorum; vel quia iidem spiritus destituantur suo lymphae vehiculo, unde cavitates nervorum apte non impleant, nec impetus alicujus speciei, quae moveri supponatur apte concipere, & per canales nervorum traducere possit, vel si quae sunt his similes causae possibiles in hoc casu ex nostris Operationibus Animalium. Respiratio est difficilis propter magnam quantitatem sanguinis in pulmones influentis, quae cum in re praesenti sit calidissima, maxime intra pulmones rarefcet, eosque premet quaquaversum, unde difficilior explicatio eorum, & nifus, ut hujusmodi pressio amoveatur: hinc igitur ut ille sensus ardoris, & tensionis amoveatur, crebrius tentabimus respirare, quod ipsum etiam sine nostra opera naturaliter poterit succedere propter acredinem, & mobilitatem sanguinis, ac spirituum, qui crebrius excident in sinulos villorum, musculos respirationi interviennes constituentium: erit haec pro ratione densitatis magna, tum ratione ejusdem influxus, qui facit, ut muscoli valide contrahantur, adeoque pectus ad majus spatium extendatur, seu fiat respiratio major, tum ratione voluntatis hanc ipsam magnitudinem respirationis procurantis, ut plurimum aeris hauriat, quo jam assuevimus molesta quaelibet pulmonibus inhaerentia ab iisdem abripere, cum inhaerent vasis sanguinis interius.

Es-

Efflatio continue os aperiendo, ut expiretur, si fieri possit, in-
 timus ille calor totus, & ut detur liberior ingressus copiosiori
 aëri, vel ad amovendum molestum sensum e pulmonibus per
 pressionem, vel ad captandum commodius, ac majus refrige-
 rium ab aëre extrinseco, qui sit, vel ab aegro supponatur tepi-
 dior imis pulmonibus. Sed & convulsio musculi dygastrici po-
 test contingere, ut ex convulsione nostra patet, a qua oris aper-
 tio vel continua, vel per vices, prout illa convulsio vel conti-
 nua esset, vel per vices recurret. Corpus erit pariter inquires,
 & huc illuc per lectum se jactans, vel modo his, modo illis se
 contrahentibus per convulsionem musculis, vel spiritibus liberio-
 ribus, nullo jam ulterius ordine in hos, aut illos nervos influen-
 tibus, vel ad captandum refrigerium a diversis lecti partibus, in
 quibus non recubuerimus, quod communius est, vel ipsi aegri te-
 stantur, & ejusmodi jactatio erit perpetua, cum perpetua ur-
 geat causa quaeritandi frigoris, seu urens calor. Pulsus duri ob
 siccitatem arteriae minime cedentis introrsum celerrimi ab im-
 petu, & soluto sanguine. Urinae flammeae, in quibus scilicet
 crassius nil continetur, cum hoc ob velocitatem sanguinis, vel
 difficilem motum partium siccarum, vel simul utrumque trans-
 verse excurrere, & ad separationem pertingere non possit; pos-
 sit autem, quod adhuc superest liquidissimum aqueum cum
 partibus mobilioribus durorum in urina separabilium, unde
 micans, ac tenuis color, ac firmitas urinae quasi flammeae.
 Durabit autem, quousque status hic sanguinis perseverabit, &
 siquidem solutae illae partes per motum febris, aut medicamen-
 ta expurgari possint redigendo illas in hanc, aut illam naturam
 per intestina, glandulas cutis, renes &c. separabilem: Sol-
 vetur Causus per alvi dejectiones, sudores, urinas, vomitus,
 abscessus etiam, si deponantur ad aliquam partem corporis, ubi
 putrescant, & hujusmodi. Quoniam igitur in Causo adest
 excedens, atque urens Calor; ubi igitur invadat Causus, cum
 frigus caeteroquin maxime viget, erit natura maxime ad con-
 trarium versa; senes autem, aër, temperamentum, anni tem-
 pus &c. frigida secum ferunt maximam vim frigoris; igitur
 Causo tum corripiente natura maxime a suo naturali statu defle-
 ctet, adeoque in ipsum difficile redigetur, seu mors succedet.
 Quod si Febris ardens ad tempestates magis temperatas vergat,
 cujusmodi Autumnus, calorem temperari poterit, atque sic-
 ci-

Efflatio.

Jactatio &
inquietitu-
do.

Pulsus duri
&c.

Urinae
flammeae.

Duratio.

Solutio per
sudores,
aliaque ex-
cretiones.

SUCCEDE-
NTIA.

citas, & producet^r febris minori siccitati, atque calori respondens, cujusmodi Quartana est tam continua, quam intermittens. Mors pariter succedere poterit Causo, qui proveni^rit a dolore laborioso, sive ventris, sive cujuslibet alius partis, ut Hippocrates; cum etenim febris in hoc casu supponatur a dolore provenire, erit ille tam violentus, ac tam valide quatiens totum corpus, ut universum humidum absumatur, & cum adhuc protrahatur dolor, nec humor ultra detur, villi aut disrumpentur, aut moveri prae siccitate non poterunt, seu succedet mors. Patet itaque ex his omnibus, Antecedentia Causum vitare sanguinem in motu, quantitate, aut qualitate, & ab hujusmodi vitio necessario pendere, quae eidem conjunguntur, atque succedunt, ut primo loco proposuimus. Constat igitur, Causum sine periodo ad Ephemer^{as} plurium dierum revocari debere, & esse febrem earum intensissimam ab iisdem causis, sed intensissimis proveniente^m, & produci tot modis, quot illas posse. Patet itaque tota propositio.

Causus sine
periodo
quid.

PROPOSITIO XVII.

Quae antecedunt Hæticae, vitare quidem possunt motum, quantitatem, & qualitatem sanguinis; sed quae eidem conjunguntur, atque succedunt, necessario non pendent, nisi a vitiata qualitate sanguinis: & quid sit Hætica.

PRima pars propositionis abunde patet ex superioribus ad Ephemerarum Antecedentia pertinentibus, in quibus fere singula recensita sunt, quae Antecedentibus Hæticam annumerantur, atque demonstratum, quo pacto, ac necessitate vitient illa motum, quantitatem, aut qualitatem sanguinis: quin pleraque Antecedentium Hæticae tam perspicue ex se ipsis indicant operandi modum, ut ratio necessaria vitiandi hanc, vel illam naturalem affectionem sanguinis abunde liqueat etiam sine ullo adminiculo propositionum antecedentium; patet itaque prima pars propositionis. Affero jam secundo, conjuncta, & succedentia Hæticae cum sola vitiata qualitate sanguinis necessario conjuncta esse. Quoniam enim febris Hætica est quaedam intemperies, quae ob temporis diurnitatem abiit in habitum talis conditionis, ut quicquid inest ipsi non naturale, sit

excessus quidam in caliditate, & siccitate; essentia igitur huius febris petenda non est a causa primo, & remote producente primam dispositionem caliditatis, & siccitatis; sed in ipsa caliditate, & siccitate tam confirmata, ut etiam si non operetur ulterius causa illa, quae primo, & remote ad calorem, & siccitatem disposuit, perseveret tamen, atque agat ipsa siccitas, atque caliditas. Et si igitur per vitiatum influxum liquidi per nervos augeri potest caliditas, & siccitas sanguinis, & similiter potest absorpta humiditate sanguinis vitari quantitas ejus, ita, ut quod superest, necessario esse debeat calidius, & siccius; quia tamen haec febris in habitu caliditatis, & siccitatis ita sita est, ut etiam si non influxus liquidi per nervos, non quantitas sanguinis vitata supponatur, vel si ab initio dispositionis vitiantis sanguinem eadem vitata supponantur; inde vero naturali statui restituantur; haec tamen caliditas, & siccitas non naturalis in sanguine adhuc persistat, manifestum est, conjuncta, & succedentia Hecticae non esse necessario conjuncta cum vitio motus, aut quantitatis sanguinis, cum eorum collectio, seu ipsa febris dari possit iisdem a vitio cessantibus, vel nunquam vitiantibus. Antecedentia autem Hecticae vitare qualitatem sanguinis ita, ut evadat siccior, & calidior, patet ex expositis; unum igitur adhuc superest ostendendum, conjuncta, & succedentia Hecticae necessario pendere a vitio qualitatis sanguinis, ut deinde deducatur apta definitio febris Hecticae comparata ex collectione omnium antecedentium, conjunctorum, & succedentium a suis necessariis causis pendente, quod non ita difficile factu est. Esto enim sanguis naturali calidior, & siccior, idque jam in habitum abierit per diuturnitatem temporis; erit igitur ille calor jam in aegro familiaris, & cujus excessum facile propter assuetudinem ferat, praecipue cum calor ille non sit intensissimus, sic in magno tempestatum aestu, vel frigore primas invasiones earundem tempestatum difficile ferimus, & acriter sentimus, mox paulatim assuescentes facillime toleramus, sic in vestimentorum mutationibus graviora, aut leviora primis diebus clarissime perspicimus; inde vero nihil tale animadvertimus, & quae sunt ejusmodi mille. Aeger igitur moleste nihil feret calorem naturali majorem, & se febrile vix sentiet. Quod si aegrum attingat aliquis, occurret ^{Attingen-}manui calor rarus, nempe ex aegro corpore fatis extenuato, & ^{tis.}

Ad arterias
major.

Intensio
ejus a cibo.

Pulsus.

paucorum humorum, ac proinde non magnae vis, seu primo
 tactu debilis; si tamen tactio protrahatur multiplicatis occur-
 sibus, violentior apparebit, & cum evaporet calor ex humo-
 ribus siccis, erit omnino liber ab humidis partibus vim ipsius
 retundentibus, ac temperantibus, unde videbitur acer, & mor-
 dax. Si autem calor ille sit adhuc liberior, & copiosior ita,
 ut tactu discerni possit discrimen majoris, ac vividioris copiae,
 quae evaporat ab ipsis calidorum humorum fontibus, nempe
 arteriis, quam a partibus circumpositis, major calor ad arte-
 rias deprehendetur, quam ad circumpositas partes. Quemad-
 modum autem candentia ferramenta demersa frigidis aquis,
 ea dem in fervorem concitant, vel aqua eadem frigida inper-
 sa prunis ardentibus fervorem pariter concipit, sic chylus ab
 assumpto cibo genitus, statim ac in fervidum sanguinem deri-
 vabitur, quaquaversum agetur per minimas sui particulas, ad-
 eoque solvetur, & libertatem acquirat totus inclusus ignis,
 unde sanguis totus cum chylo, qui influxit, majorem calorem
 concipiet, & calor tam aegro, quam attingentibus occurret
 post cibum quocunque tempore sumptum major, & ejusmodi
 caloris intensio eo usque perdurabit, quousque novus chylus in
 sanguinem derivabitur; semper enim novus ignis in libertatem
 asseretur; postquam vero totus chylus in sanguinem derivatus
 fuerit, ac totus solutus, & calor universus expiraverit, tum
 demum aeger ad caloris statum, qualis erat ante assumptionem
 cibi redigetur, in quo perseverabit ad novi cibi assumptionem.
 Ex doctrina autem pulsuum, & superioribus abunde patet, per
 additionem novi caloris debere pulsuum immutari, & fieri ma-
 jorem, & velociorem; per majorem enim calorem sanguinis
 fit major rarefactio intra arterias, unde major pressio cerebri,
 & frequentior, & copiosior influxus liquidi per nervos in vil-
 los cordis, unde major, & velocior pulsus, qui hujus gradus
 similiter perdurabit, quousque perseverat sanguinis major fer-
 vor; inde vero suo se consueto, licet morbofo, statui resti-
 tuet, qui erit parvus, creber, & celer: parvus quidem pro-
 pter paucitatem sanguinis, ac proinde etiam liquidi per ner-
 vos; creber autem, & celer, cum propter libertatem subti-
 liorum partium sanguinis etiam spiritus animales ex iis geniti
 liberiores esse debeant, & quamvis minimae quantitatis fre-
 quentius excident, unde frequentia pulsus. Celeritas vero a

solutione sanguinis, & parva quantitate, quibus fit, ut minimum temporis ad allapsum sub apprimente digito detineatur. Quoniam vero color naturalis urinarum provenit ab apta temperatione, ac mixtione durarum, & liquidarum partium urinae constituentium; etiam igitur in statu non naturali animalium dabitur urina colore naturali similis, quoties dari poterit earum partium permixtio parum a naturali deflectens. Cum igitur in majori caliditate, & siccitate sanguinis detur quidem in ipso sanguine quantitas humidi minor, sicci major, atque ex hoc nomine colore saturatior urina reddi deberet; quia tamen vivida soluti caloris vis, ac siccitatis pariter solutae plurimum humidi a partibus solidis, quas continue magis adurit, ac siccatur, plurimum humiditatis abripit, poterit ejus aliqua portio ita cum siccis partibus admisceri, ut per eam oriatur quaedam utrarumque mixtio, atque temperies, quae sit similis temperiei urinarum naturalium, adeoque color urinarum erit in Hecticis non absimilis colori urinarum in sanis. Atque hinc etiam patet, cur ingravescente Hectica, atque ad secundum gradum pertingente oleaginosa evadere urina debeat, talis scilicet, ut ipsi supernatare videatur pinguedo tenuis, ac late extensa, quales araneorum telae; funditur enim, seu liquatur per calorem intensiorem, quicquid est vel vere pingue, vel saltem levius urina, sed partium cohaerentium, qualium pinguedo, quae nobis imponere possunt speciem pinguedinis, licet pinguedo non sint. Quoniam autem per penuriam sanguinis deficiat etiam liquidum per nervos, oportet; utraque igitur liquida vires in corpore exerentia, & robur producentia deerunt, vel saltem erunt in quantitate minori, & eadem propter libertatem particularum facile perspirabunt, unde Hecticus erit ad motum difficilis, piger, ac deses. Calor autem in Hypochondriis ab eadem universali causa provenire potest, & in dextro quidem, quatenus ibi continetur maxima pars jecoris, quod cum sit officina bilis, haec eadem bilis multo sit acrior, atque aestuans oportet, quam in naturali statu: cum vero idem jecur ad usque sinistrum hypochondrium protendatur & inibi poterit effervesce: similiter & idem accidet in liene, in quo certum est, disponi sanguinem ad secretionem bilis, cum sanguis ejus in Portam derivetur, & animalia splenem exsecta salaciora sint,

Urina, &
 cur

Oleaginea
 in secundo
 gradu.

Motus diffi-
 cilis.
 Calor in
 hypochon-
 driis.

voraciora, magis mingant, quae sunt argumenta certissima, ex-
 secto liene aliquid superesse in sanguine, quod ipsum acriorem
 reddat, & quod separatum in jecore, atque amandatum per
 bilem extra corpus naturaliter ducatur. Hoc igitur erit in lie-
 ne similiter acrius, & majorem calorem excitabit. Huc et-
 iam facere poterit humor ventriculi acrior, huc succus pan-
 creatis rarefcentes, effervescentes, ut patet: reliqua autem
 tam conjuncta, quam succedentia manifesta sunt. Patet igi-
 tur, conjuncta omnia, & succedentia Hecticae necessario pen-
 dere a caliditate, & siccitate sanguinis, seu vitiata qualitate e-
 jus; sed & antecedentia Hecticam ita vitiant qualitatem sangui-
 nis, ut humiditas ejus absumatur, calor fiat solutior, liberior, &
 partes siccae similiter liberae, atque solutae, quaecumque igitur
 vitiant qualitatem sanguinis ita, ut concipere possit caliditatem,
 & siccitatem naturali majorem, eamque talem, quae abire possit in
 habitum perseverantem etiam causis, quae produxerunt, non con-
 servantibus ipsum nec producentibus, erunt quidem causae febris
 Hecticae; sed ipsa febris sita erit in hoc ipso habitu, qui nihil aliud
 erit, quam caliditas, & siccitas sanguinis naturali major, & in ha-
 bitu protracta, atque immutata, nec alius erit, ut de se patet, fe-
 brem Hecticam constituendi modus. Notabis autem quoad causas
 saltem, si ea, quae possibilia sunt, licet nunquam, aut raro
 contingant, respiciamus, fieri posse, ut primum vitium in
 excessu caliditatis, & siccitatis, sive intemperies calida, & sic-
 ca non sit in ipso sanguine; sed in partibus solidis universis;
 possibile enim est, illas ex se ipsis sive ratione constitutionis natu-
 ralis; sive per aliquam externam causam subito, vel paulatim
 humiditate destitui, ita ut calor, & siccitas in libertatem
 asserantur, ac tum a partibus solidis ejusmodi vitio contracto
 facile, ac necessario communicabitur contentis humoribus, &
 ad intimum contactum earundem partium semper venientibus.
 Fieret autem tum febris Hectica multo citius ad marasimum ir-
 reparabilem perducens; ipsae enim partes solidae caeteroquin ab
 humoribus integris reparandae, eorundem humorum integrita-
 tem corrumpent, & dupla vis esset vitii, rursusque si defi-
 nienda esset haec febris primario ab affecta parte, non intem-
 peries calida, & sicca sanguinis, sed partium solidarum dicen-
 da esset, qui esse posset, & est saltem possibilis alter Hecticam
 producendi modus.

Quid sit fe-
 bris Hecti-
 ca.

PROPOSITIO XVIII.

A sanguine ita vitiatō, ut crassior, seu viscidior evaserit, atque ideo in suas calidas partes per naturalem impetum sui circuitus, minus facile solubilis, haec necessario provenient. Corporis quaedam gravitas, & ad motus repugnantia, ac difficultas cum virium lapsu, & inertia, tum summorum artuum refrigeratio sensim se extendens per totum corpus; sed intra cranium minor, eadem increscens, ad insignem frigoris sensum conjunctum cum tremore debili, vel vehementi concussione corporis, & sensu vel solius frigoris, vel alicujus alterius corporis quasi pungentis, vel alterius gravantis, contudentis, & quasi confringentis ossa: inter haec pulsus debilis parvus, rarus, sed & aliquando frequens, demersus ita, ut arteria videatur sese abdere, & introrsum cedere longius a cute, & contractus ita, ut arteria videatur per universum sui ambitum in se ipsam coire versus centrum, aliquando plane nullus. Post haec calor paulatim sese exerens, sed converso ordine, ac frigus apprehenderat; hoc etenim primo summos artus, mox totum corpus invaserat, at calor ad summos artus postremo derivabitur, qui etiam persistent in frigore, dum reliquum corpus plurimum calescit; sed & dari poterunt frigoris, & caloris insultus alterni, ac tandem continuus succedit calor. Calore invalescente pulsus validior, major, frequentior; arteria videbitur emergere versus cutim, ac se extendere, & pulsus, si nullus fuerit in frigore, excitabitur. Frigoris tempus plurimum, aut pauciorum horarum spatio desinitur; caloris autem etiam ad unum, aut alterum, imo tertium diem, atque ulterius extendi poterit. Sed a simili vitio sanguinis & illud necessario pendere potest, ut corripiat calor quidem non naturalis, nullo prius invadente frigore, cujus tempus excurrat ad unum, aut alterum, aut tres dies, atque ulterius, & ab insultu increseat ad usque certum gradum, postquam decreseat; quem etiam ordinem observaturum calorem in primo casu expositum, intelligendum est, & in ipso caloris insultu pulsus fiat debilis, parvus, & plerumque inaequalis ita, ut pulsationes non sint ejusdem impetus & magnitudinis, frequens, vel rarus; in incremento autem caloris fiat major, validior, frequentior; sed & illa inaequalitas in primo etiam casu dari potest.

Corporis
gravitas &c.

Quoniam sanguis crassior, seu viscidior factus supponitur, igitur erit ad fluxum minus facilis partibus suis crassis, ac viscidis minus facile ad arteriarum membranas dilabentibus, adeoque per naturalem cordis contractionem minus velociter fluet, unde magis subsistet ad partes, easque veluti infarciet, & sensum gravitatis procreabit. Ad haec lentor ille, qui in sanguine supponitur, faciet, ut partes ab ipso separabiles minus facile secernantur, detentae nempe inter particulas viscidas, quae erunt inter se cohaesionis naturali majoris, adeoque separabilia quaelibet detinebunt, & velut illigabunt validius, quae proinde, ut expedirentur, indigerent attritione vehementiori particularum sanguinis; sed ejusmodi attritio cum pendeat a velocitate, qua sanguis fluit, major etiam erit vis, qua separabilia quaelibet in sanguine viscido secretioni resistunt. Cum autem ex horum genere illa sint, quae musculos contrahunt partim separanda ab arteriis in villis, partim ab iisdem in glandulis cerebri, muscoli minus contrahi, hoc est, vires exeri minus poterunt, unde ad motum difficultas, repugnantia, inertia, & si quae sunt hujus generis, adeoque tali affectione correptus curabit, ut collabens corpus apte undecunque fulciatur, & decubitus exiget. Quoniam itaque sanguis per motum incalescit, & non alia quidem ratione, nisi quod per motum partes sanguinis sibi invicem occurrentes cum impetu sese mutuo urgent, deterunt, atque solvunt, unde calor in libertatem asseritur, qui quaquaversum erumpens sui sensum excitat in partibus sentientibus, quibus occurrit. Duplici igitur de nomine, ut superius, calor difficile in libertatem asseretur, & ratione motus, qui in viscido sanguine debilius est, & ratione naturae viscidae in sanguine, qua fit, ut ipsius partes divulsioni, detrititionique, & solutioni magis repugnent, atque resistent, unde validius cohibetur, & illigatur calor. Ibi igitur minima pars caloris separabitur, ubi minima velocitas sanguinis, eoque minor caloris quantitas solvetur in iis partibus, in quibus minima velocitas sanguinis conjuncta est cum majori momento lentoris, a quacumque causa hujus momenti incrementum proveniat. Quoniam itaque in singulis arteriarum sectionibus velocitas sanguinis decrescit, prout singulae magis remotae sunt a sinistro sinu cordis; igitur in arteriis capillaribus velocitas erit minima; non tamen haec minima velocitas erit in singulis arteriis capillaribus ejus-

Virium la-
sus &c.

Frigus ad

Quas partes
in genere:

ejus-

ejusdem gradus, sed in iis arteriis capillaribus, quarum origo a truncis, sive ramis minoribus a corde maxime distantibus erit minimarum minimae; in iis autem arteriis capillaribus, quarum origo ad truncum, vel prope cor, erit velocitas minor quidem, quam in trunco, sed multo major, quam in capillaribus, quarum origo a ramulis arteriarum, a trunco, & corde maxime distantium. Quod si hae arteriolae capillares prope cor nascentes per partes aliquas semper motas, & quidem non segniter distribuuntur, ab earum pressione ita urgeri poterunt, ut velocitas sanguinis per ipsas plurimum promoveatur, adeoque attritio sanguinis, atque solutio, & libertas partium calidarum possit succedere, adeoque vix ullus frigoris sensus; hujusmodi autem partes praecipue sunt cor, & pectus; igitur ad has partes vix frigus sentietur, & ne vix quidem. At vero cum in summis artibus vix ulla detur pressio a musculis, & membranis, erit velocitas omnino minima non solum ratione distantiae a corde, sed etiam ratione circumpressionis, quae arteriolae ad eas partes destituuntur. Sed ulterius quoniam in sectionibus arteriarum ex ordine a corde magis distantibus decrescit impetus, & velocitas ratione occursum, & ratione resistentiarum, erit hoc ipsum decrementum ratione resistentiarum adhuc multo majus in sanguine ita vitato, ut viscidior evaserit; excurreret enim eo difficilius subsistentibus propter agglutinationem lentoris partibus sanguinis ad membranas, & magis adhaerentibus, unde etiam ex hoc nomine erit velocitas minor. Adde his, quod cum sanguis supponatur crassior, fiet in arteriis minimis facile, ut universa ipsarum amplitudo impleatur, non a pluribus sanguinis partibus disjunctis, quarum mediae liberius fluere possint, relinquendo per latera quaquaversum alias, vel fluxui minus ex se aptas, vel minus veloces propter contactum membranarum, sed ab unica, & singulari, quae undecunque lateribus, & superficiei internae arteriolarum occurrat, ipsique satis valide adhaereat, unde multo magis motum, ac velocitatem impediet. His igitur omnibus de nominibus ad summos artus, in quibus minima vis viget compressionis extrinsecae; plurima autem sunt, quae sanguinis velocitatem etiam naturaliter maxime minuunt; in statu autem hujus vitii eandem quasi penitus tollunt; imo vero si sit crassissimus, ac viscidissimus eam tollunt plane; fiet ut tollatur per ejusmodi vitium illa facultas, cujus vi partes

Non ad cor,
aut pectus.

Sed ad sum-
mos artus.

Non tamen
intra cra-
nium.

Frigoris ex-
tensio ad
totum cor-
pus.

calidae sanguinis solvuntur, & calorem pariunt, unde ad sum-
mos artus excitabitur frigoris sensus. Non tamen id percipie-
tur intra cranium, nempe ad cerebrum, etsi etenim plurima
inibi dentur vasa capillaria; illa tamen pleraque sunt arteriae
pluries sibi mutuo occurrentes, atque in se invicem hiantes,
unde eadem particulae sanguinis sibi ipsis saepius occurrunt cum
impetu, adeoque divelli possunt, disjici, atque solvi, post-
quam sibi ipsis occurrerunt pluries, unde solvi poterit tanta
quantitas ignis, ut cerebri, & cranii cavitatem possit detinere
in statu mediocris caliditatis, & quae a naturali statu vix reces-
sisse ad sensum judicetur. Quoniam itaque sanguis exposito mo-
do vitatus subsistit ad capillares arterias; dato igitur quolibet
temporis spatio universi circuitus, fluet ab arteriis in venas
quantitas sanguinis minor, quam quae naturaliter flueret eodem
dato temporis spatio, adeoque toto illo temporis spatio, quo
circuitus sanguinis absolvi supponatur, sanguis per venas len-
tius fluere debebit, quam in statu naturali; adeoque singulis
contractionibus auricularum minor portio ejus praesto esse,
quam in statu naturali, & haec minus implere arterias, & mi-
nus facere, ut partes sanguinis sese urgeant, atque atterant, &
calorem solvant. Dari etiam poterit minor impellendi vis in
corde propter minorem copiam spirituum, qui secernantur in
cerebro a crassiori sanguine, & sanguinis ipsius crassioris in
arteriis coronariis, unde etiam hoc de nomine fiet minor attri-
tio sanguinis, & caloris solutio; quod cum successive magis
debeat contingere etiam extra vasa capillaria, sanguis erit quasi
subsistens, & cum supponatur ita lentus, ac viscidus, ut ne
per impetum quidem naturalem sui circuitus in suas partes ca-
lidas solvi possit, multo minus in easdem solvetur per impetum
minorem, adeoque sensus frigoris etiam ad partes reliquas, &
universum corpus extendetur. Imo vero non solum in assum-
pto tempore universi circuitus; verum dato quolibet tempore
fluet ab arteriis in venas quantitas sanguinis minor, quam quae
eodem tempore naturaliter fluat, dummodo per arterias magis
aut minus obstructas, aliquid liquidioris sanguinis velocitate
non suppleat defectum illum, quod tamen vix fieri poterit
propter velocitatem, quam a corde debiliter se contrahente
concepit naturali tanto minorem. Si igitur hujusmodi ma-
teries calorem cohibens ea sit, ut possit etiam vellicare, sti-
mu-

mulare, ac veluti pun gere, fiet sensus frigoris conjunctus cum sensu punctio nis; si vero fuerit crassissima, ita ut summa vascula plane impleat, atque infarciat, & magna contentione animi opus sit ad trudendum liquidum per nervos in musculos, tunc dicemus ossa, carnes &c. contundi, atque hujusmodi, ut ex doctrina sentiendi pondera, diffractiones ossium &c. manifestum est. Uterius quoniam ad partium musculis contranitentibus instructarum quietem opus est admixtione liquidi nervorum, & sanguinis tantae in utrisque musculis quantitatis, ut per eorum expansionem aequaliter contranitantur, quoties igitur alterutrum musculorum penetrans liquidorum quantitas major fuerit, quam quae eodem tempore in altero musculo se expandens ipsi aequaliter contraniti possit, ille contrahetur, alter laxabitur, sed illa apta proportio habetur quidem, cum sanguis est naturaliter liquidus, at cum crassior est, ac viscidior, prout ab arteriis fluit majori, minorive impetu instructis, prout in his, aut in illis arteriis est magis, aut minus viscidus, erit ad separationem sui liquidi, vel ad influxum in sinulos villorum ex se ipso facilius, quam in altero musculo, qui interim feriabitur, vel minus valide contrahetur, & quia propter lentorem sanguinis, vel parva copia ejus, vel quod ad musculorum contractionem ab ipso secernitur, parum ab arteriis in sinulos villorum excidit, hinc contractio musculi erit debilis, seu fiet tremor, seu frequens ejusdem partis dimotio, & restitutio parva, erit autem haec incerta, & competens artubus omnibus, sed nullo ordine musculorum, cum illa diversitas arteriarum quoad originem omnibus in certo ordine musculis insit, & sanguis lentus ad diversos gradus per arterias distribuatur pariter in certo ordine. Sed & liquidum nervorum a frigore partium cohiberi incerto ordine potest, ita ut modo copiosius in hunc, quam in illum musculum contranitentem influat, modo parcius, vel infarctu arteriarum a sanguine viscido ita comprimi, ut in hunc, aut illum musculum influere naturali ordine non possit, cum interim in contranitentem alterum influat, & si quae sunt his similes conditiones. Quod si per pressionem magis perdurantem a lentore majoris tenacitatis fiat expressio vehementior, ita ut liquida rareficientia sint minus admixta cum partibus retundentibus, & cohibentibus impetum, fiet tremor, & concussio corporis vehementior, ita

Frigus cum sensu punctio nis, contentio nis, fractionis ossium.

Cum tremore,

Pulsus debilis.

Parvus.

Rarus.

Aliquando frequens.

Inaequalis.

Demersus. Contractus.

Nullus.

ut modo una, modo altera pars tremat validius, & in eadem parte modo unus, modo alter musculus, nulla servata aequalitate tremoris. Quoniam itaque cor moveretur, dum haec contingant per minorem quantitatem liquidorum villos contrahentium; erit igitur pulsus debilis: cum minor quantitas sanguinis, quam naturalis, praesto sit ad auriculas, & cor, cum contrahuntur, erit parvus: cum illa minor quantitas erit etiam, vel naturalis, vel minoris fluxilitatis, erit etiam rarus; excidet enim in villos rarius: at quia fieri potest praecipue in generatione liquidi per nervos, ut ab ipsa natura lenta sanguinis per majorem pressionem ab ipsa proveniente, & difficiliorem separationem corporum, spirituum libertatem cohibentium iidem spiritus generentur acriores, tum quidem fiet, ut pulsus sit debilis ob minorem eorum copiam a nervis venientem; sit tamen frequens, cum ii liberiores sint, minus visci, & celerius seu frequentius in villos excidant. Esse autem poterit pulsus etiam inaequalis, & quidem tam quoad tempus inter utramque pulsationem, quam quoad magnitudinem earundem; cum etenim hoc faciat quantitas sanguinis influentis, necessarium non est, ut haec semper sit eadem, cum illa pendeant ab incerto ordine, quo diversimode liquidus sanguis refluit ab arteriis in venas; tempus autem inter utramque pulsationem a tempore, quo excidunt liquida intra villos cordis, & haec diversimode se habere possunt, prout in arterias coronarias, & capitis sanguis pariter diversimode liquidus nullo ordine terminalibus derivatur. Quoniam vero sanguis per frigus constringitur, seu ad minus spatium redigitur, & membranae etiam ad frigus se contrahunt, atque insuper in truncos arteriarum minor copia sanguinis, quam in naturali statu reducitur; igitur arteriae introrsum contrahentur, & pars earum cuti respondens revera a cute recedet introrsum, unde pulsus videbitur demersus, quin etiam simul contractus; observanti enim ambitum arteriae videbitur illa, atque erit gracilior, cum in se ipsam introrsum undecunque coiverit. Quoniam vero impetus sanguinis etiam naturalis continue decrescit, atque aliis superius expositis de nominibus sanguinis exposito modo vitati multo magis minuitur; quoties igitur dabitur sanguis tantilentioris, ut per impetum a corde conceptum, vel moveri non possit ad usque arteriarum truncos, quos ad pulsum examen in

in summis artubus attingimus, vel non valeat extrorsum trudere earum tunicas, tum pulsus nullus in iisdem partibus deprehendetur, ut patet. Quia vero partes calidae sanguinis ab ejusdem partibus viscidis, atque crassis cohibentur, ne expi-
Calor post haec paulatim se excens.
rent; si igitur eadem ita premantur, ut vis pressiois conjuncta cum naturali vi, qua ignis nititur se exerere, major sit vi implicationis, qua a partibus viscidis detinentur, erumpet ignis tandem, & vim suam exercebit, & occurrendo nervis caloris sensum excitabit. Cum itaque ad arteriolas sanguis viscidus haereat, & continue novus adveniat, cumulabitur ejus sanguinis copia satis insignis, quae arterias infarciat, unde duplici de nomine exprimeretur valide, atque continue, a sanguine continue superaffluente, & vi contractionis arteriarum resistentium distractioni. Continue igitur, aucta pressione, tandem fiet momentum ejus momento cohaesionis inter partes viscidas, & calidas sanguinis majus, unde solvetur calor, qui occurrens nervis sui sensum excitabit; postquam vero caloris aliqua portio soluta fuerit, haec libere, & quaquaversum mota faciliorem reddet reliqui caloris solutionem a viscido, viscidum ipsum subeundo, atque disjungendo non secus, ac per ignem ligno admotum ignem ex eodem ligno excitamus, unde tum facile invalescet calor. Non tamen haec prius ad summos artus, quam ad cor-
Non ad summos artus prius.
poris reliquum contingent; imo vero ad summos artus postremo perveniet calor, qui etiam frigore detineri poterunt, postquam corpus reliquum plurimum incaluit. Quoniam enim tunc calor solvitur, cum momentum pressiois majus est momento implicationis a lentore provenientis, momentum autem pressiois eo majus, quo majus momentum velocitatis, & momentum velocitatis majus in arteriolis, quarum origo cordi proximior, quam in iis, quarum origo a corde remotior; momentum igitur pressiois majus momento implicationis breviori tempore cumulabitur in arteriis, quarum origo prope cor, quam in aliis, quarum origo remote a corde, hoc est, sentietur calor in partibus a corde distantibus, seu summis artubus, postquam cordi propinquiores caluerunt, & frigus in summis artubus etiam, postquam incaluit reliquum corpus, eo usque perdurare poterit, quousque ad eorum arteriolas momentum pressiois per superaffluxum continuum sanguinis cumulatam sit, quod superare possit momentum implicationis; cum au-
ss 2 tem

Caloris, &
frigoris in-
sultus alter-
ne.

Postea con-
tinuus ca-
lor.

Primo in-
crescens,

tem haec duo momenta incerta sint, nec ullis definiri legibus possint, nec definiri certo potest, quantum temporis perseverare possit frigus in summis artubus, postquam reliquum corpus incaluit; sed affirmari solum potest, eo diutius perseveraturum frigus in extremis artubus, quo sanguis viscidior fuerit, & magis arcte, valideque calorem implicans. Si vero sanguis fuerit non aequabiliter viscidus ita, ut aliae arteriolae sanguinem facilius in calorem solubilem, aliae ejusdem partis difficilius contineant portiones utriusque sanguinis, non eodem tempore solvantur; sed facilius in calorem solubilis prius, difficilius posterius, unde calor, & frigus alterne sentiatur, quod ipsum etiam contingit, si in diversis partibus ejusdem capillaris arteriae expositae diversitatis sanguis contineatur, ut patet. Sed ulterius quoniam sanguis in capillaribus magis pressus est, quam in truncis; postquam igitur aliqua portio sanguinis intra arteriolas soluta fuerit, & calor sese exeruerit, locus fiet sanguini e truncis in arterias capillares nitenti, intra quas cum aliquid loci dederit calor solutus, poterit sanguis ille nitens arterias capillares subire: si igitur sanguis hic superinfluens, qui supponitur viscidus fluxilior factus non fuerit per vim caloris jam soluti, & pressionem sanguinis a corde venientis, subibit arterias capillares, & intra ipsas cohiberi magis poterit ita, ut calor ab ipso statim secerni, atque exprimi non possit, unde sensus frigoris rursus ad eam aliquam partem, vel plures, vel totum corpus excitabitur, post quem eadem necessitate producet calor sensus, cui si succedant, quae exposuimus, frigus producentia, hujus sensus rursus excitabitur, & fient caloris, ac frigoris incurfus, ac sensus alterni. Postquam vero plurimum caloris solutum fuerit cum reliquis partibus per pressionem facile solubilibus, ac facilioris fluxus, fluat in venas, eritque proinde liberior calor, & magis acer, ac proinde quaquaversum agitans sanguinem, quem in venis invenit, & ipsum plurimum calefaciens, atque rarefcere cogens, rursusque per haec facile solvens, quicquid caloris prohibiti intra illum sanguinem continebatur, unde excitabitur caloris magna vis, atque libertas, motus, & occurfus ad partes nervorum singulas, & per eosdem perspirationis, & caloris insignis sensus, isque continuus, & e venis refluyente sanguine per pulmones in cor, & arterias, in sanguine, qui ex iisdem arteriis in

ve-

venas adhuc non fluxerat, excitabitur similis calor, & rare-
factio, & caloris augmentum majus. Hujusmodi autem calo-
ris augmentum eo usque intendetur, quousque in sanguine se-
parari poterit nova caloris quantitas tam in arteriis capillari-
bus, quam in ipsarum truncis, ac truncis venarum; cum au-
tem calor continue perspiret, videbitur ejusdem gradus perse-
verare, quousque tantum non perspiraverit, ut defervesce-
re possit sanguis, & nervos minus ferire, seu remissio-
rem caloris gradum parere, qua perspiratione succedente succedet & idem
sensus remissior. Quousque autem protrahendum sit decre-
mentum, status, & incrementum caloris, certo definiri non po-
test; sed solummodo pronunciandum minus duraturum, cum
lentos sanguinis fuerit cum aquea visciditate conjunctus, hoc
est facile fluxilis; haerebit enim tum sanguis ad arteriarum su-
perficiem intimam; sed statim ac solvi calor incipiet, & viam
facere succedenti sanguini, hujus impetus facile abripiet id,
quod arteriarum tunicis haerebat absque eo, quod hunc ipsum
sanguinem succedentem multum premat, deterat, & copiosio-
rem naturali calorem solvat: at si sanguinis lentor fuerit cum
siccitate conjunctus, & veluti viscido-siccus, hoc est minime
ad fluxum facilis, tum etsi calor primo solutus facit viam suc-
cedenti sanguini, quia tamen haerens ille arteriis propter diffi-
cultatem fluxus abripi a succedente non potest, & succedens
idem implet caeteroquin totam amplitudinem arteriae, cujus
pars versus superficiem plena est viscido sicco subsistente, pre-
metur ille valide dum praeterfluit, ac deteretur, & solvetur
copia caloris naturali major, unde caloris sensus major. Pro
diverso igitur gradu, & qualitate lentoris, incrementum,
status, ac decrementum caloris esse poterit diversi temporis,
& tota caloris perduratio ad unum, duos, imo tres dies per-
fectos, vel imperfectos extendi, ut ex dictis patet, ex quo et-
iam, atque superius expositis deducitur, incertum esse dura-
tionis tempus in frigore, illudque pendere pariter a diverso
gradu, & qualitate lentoris in sanguine, quibus fit, ut len-
tius citius sejungatur, & solvatur calor per pressionem. Quo-
niam itaque calore succedente fit liberior sanguis, mobilior,
calidior, rarefscens, & fervesccens; igitur arteria magis imple-
bitur, atque adeo extendetur extrorsum, unde ad cutem ma-
gis accedere videbitur, seu emergere; cum vero plenior videat-

persistens,
decrefscens;

Duratio ca-
loris, & fri-
goris.

Pulsus in
calore e-
mergens
major, va-
lidior.

tur, etiam major apparebit pulsus; re vera autem etiam implebitur; soluto enim sanguine, major ejus copia in arterias refluet, sed & validior erit pulsus; quoniam enim incalescit sanguis supra naturalem statum; igitur cor supra naturae modum stimulat, & majorem quantitatem spirituum in villos ejus derivat, unde majori impetu contrahuntur: rursus cum sanguinis major copia ad cerebrum derivetur, isque sit liberior, major quantitas spirituum, & acrior generabitur, unde majori vi sese exerent, seu validius villos cordis contrahent, quod eo validius praestabunt, cum & ipse sanguis sit liberior, atque adeo acrior, & cum sanguine spiritus misceri debeant. Cum autem liberiores, & copiosiores spiritus frequentius excidant in villos musculorum, erit pari de nomine pulsus in calore frequentior. Quod si pulsus in frigore plane desierit, vel quia sanguis ad partes, ad quas pulsus observamus, non perveniat, vel quia propter minimam velocitatem minus premat; igitur modis jam expositis conciliata velocitate sanguini, vel pertingere ad easdem partes, vel premere apte poterit, unde pulsus excitabitur rursus, qui deinde increfcet, fiet magnus, validus, frequens, ut expositum est. Quae omnia in prima parte propositionis demonstrari debuiffe, patet ex hypothefis expositione.

Esto jam secundo loco sanguis non multum abfimili lentore vitiatus, fit scilicet ille quidem viscidus, atque crassus; sed ita tamen, ut per impetum sui naturalis circuitus possit in tantam caloris quantitatem solvi, ut haec sufficiat, vel detinendo corpori in statu naturalis caliditatis, vel vix, ac ne vix quidem a naturali statu ad sensum recedentis. Affero, fieri necessario debere, quae secundo loco proponuntur. Quoniam etenim sanguis supponitur viscidus; igitur ad arterias capillares subsistet: per impetum autem naturalis circuitus supponitur solubilis in tot partes calidas, quae ad producendum calorem naturali similem sufficiant; licet igitur subsistant, non tamen sensus frigoris sentietur, cum etiam ubi subsistunt, detur pressio, & nifus mutuus inter particulas a motu sanguinis proveniens, qui sufficiet ex hypothefi calori solvendo. Quia vero quemadmodum in prima parte hujus subsistentes partes sanguinis successive magis ac magis premuntur, hoc est, successive fit momentum compressionis majus, ac majus; igitur si per

Frequen-
tior.

Plane subla-
tus excita-
bitur rursus.

Calor inva-
dens nulla
frigoris
praecessio-
ne.

ejus partem, earum scilicet aliquam, ex quibus totum illud momentum fuit compositum, poterat ex hypothefi solvi sanguis in partes calidas naturali calori producendo aptas, per totum illud momentum simul multo major caloris copia solvetur, qui ex arteriis in venas refluet, eritque multo liberior, atque agitandi, rarefaciendi &c. vim multo majorem exerens, seu multo magis calefaciens totum corpus quaquaverfum expirando, & occurrendo partibus sentientibus. Similiter augebitur calor, dum reliquum sanguinis per arterias semi obstru-ctas a viscidis partibus per ambitum haerentibus excurrit inter easdem; magis enim premetur, atque atteretur, unde major caloris-quantitas dissolvetur. In hoc autem summo caloris statu perseverabit, ac detinebitur corpus, quousque solutus ille calor perspiraverit, vel se reliquo sanguini admiscuerit, atque adjunxerit rursus, & cohaesionem perfecerit; perspirare autem poterit non solum evaporando ex vasis sanguinis, verum etiam per assumptionem in motibus musculorum, & generatione spirituum. Postquam autem calor vel perspirando, vel se adjungendo partibus reliquis tantum prioris violentiae remiserit, ut ejus decrementum etiam sensui fieri possit manifestum, tum decrefcere dicetur calor, quousque continua diminutione tandem magis ad naturalem statum accedat. Quantum autem debeat esse tempus, quo perseverare debeat augmentum, status, ac decrementum caloris determinatu incertum est; provenit enim id omne a diversitate lentoris, quo praeditus sanguis supponitur, & temporis, quo solutus calor perspirare potest, aut reliquo sanguini rursus adjungi, & a tempore, quo lenta materies haerens arteriis ab iisdem abripi, & in venas derivari potest, cum ab ejus occurfu, & pressione sanguis continue superaffluens in caloris quantitatem naturali majorem solvatur, quod tempus a majori, minorive vi cohaesionis ejus materiae cum arteriis pendens determinatu pariter incertum, unde solum in genere asseri potest, quemadmodum in prima parte durationem caloris extendi posse ad unum, duo, tres, pluresve etiam dies, prout expositae causae calorem producentes, aut conservantes, aut conservantes uno, duobus, tribus, aut pluribus diebus vim operandi suam conservant, atque operantur, & de hoc tempore caloris tam in primo, quam in secundo casu duraturi adhuc diligentius agendum nobis erit

Ejus incrementum.

Status, ac decrementum.

Duratio ejus.

in

Pulsus ini-
tio caloris
debilis;
parvus.

in proxima. Quoniam vero etiam in hoc secundo casu propter lentorem sanguinis ejus quantitas ad arterias capillares subsistit; igitur sanguis ex arteriis in venas fluens est naturali quantitate minor; adeoque singulis contractionibus auricularum praesto erit quantitas ejus naturali minor, adeoque pulsus parvus producet. Quia vero ab his ipsis minoribus quantitatibus sanguinis in arterias fluentibus minores quantitates spirituum generantur, qui propter lentorem sanguinis eo difficilius secerantur; igitur minor copia liquidi per nervos derivabitur in villos cordis, unde minori impetu contrahentur, seu pulsus fiet debilis: & quidem si cum hac parva quantitate liquidi per nervos sit conjunctus, vel naturalis lentor ejus, vel naturali major propter lentorem sanguinis erit etiam pulsus rarus; si vero ex lentore sanguinis fiat, ut, nisi maxime mobiles spiritus exprimi possint in nervos, erit influxus eorum in villos cordis propter libertatem spirituum frequentior, unde pulsus frequens; sed propter parvam quantitatem debilis; si vero liquida in villos cordis influentia, & sanguis fluens in ventriculos incerto ordine se habeant, hic quoad quantitatem, illa quoad tempus inter utrumque influxum fiet pulsus inaequalis, ut in primo casu expositum. In incremento autem debere esse pulsum majorem, validiorem, frequentiore, ex eodem primo casu manifestum est: quare patet universa propositio.

Rarus.

Frequens.

Inaequalis.
In incre-
mento ma-
jor, vali-
dior, fre-
quentior.

PROPOSITIO XIX.

Iisdem positis lentor ille, qui ad arterias capillares haerens frigoris sensum producit, ex iisdem arteriis tandem abripitur totus, atque in venas derivatur, ad quarum superficiem lentissimo fluxu labens per utrumque cordis sinum, & arteriarum truncos, ac majores ramos, demum rursus in capillares arteriolas ducitur, ad quas similiter subsistens frigus, & conjuncta reliqua producens, demum totus pariter in venas trajicitur, ex quibus rursus per eosdem canales in arteriolas capillares, atque ita deinceps ex ordine plures, ac plures circuitus ejusdem generis efficit. Si in fluxu per aliquem, aliquot, aut omnes canales expositos neque lentoris quantitas minuitur, aut augetur, neque fit ad naturalem fluxilitatem magis, aut minus accedens eodem plane tempore, quo invasit frigus in primo circuitu, invadet & singulis reliquis, si quantitas aucta pote-

rit

rit invadere tardius, sed & citius, & eodem tempore, quae omnia etiam contingere poterunt, si quantitas imminuta fuerit pro diverso majoris, aut minoris resistentiae gradu, quem lentor in mutatione ejus quantitatis subit: ad naturalem fluxilitatem magis accedens lentor faciet accessionem frigoris citiorem; viscidior autem tardiore facere poterit, etiamsi sit minimae quantitatis. Tempus inter utrumque insultum esse poterit unius, duorum, trium, aut plurium dierum, & inter utrumque insultum dari plerumque debet tempus aliquod, quo post calorem frigori succedentem relinquatur corpus integrum, seu fiat naturalis ad sensum status, quod tamen non est necessarium, ut semper contingat. Sed & fieri poterit, ut invadat frigus cum reliquis, & ejus accessioni, & conjunctis reliquis respondeant accessiones aliae singulis, alternis, quarto &c. diebus. Tempore autem inter utrumque cujusunque ordinis insultum medio fiant insultus alii, singuli, duo, pluresve a suo frigore, aliisve conjunctis comitati, quibus respondeant aequales insultus singulis, alternis, quarto &c. quoque die corripientes, quibus fiet, ut corpus rarius relinquatur integrum, quamquam etiam in multiplicibus insultibus singulis etiam diebus corripientibus integritas possit succedere. Ab hujusmodi vitio sanguinis mors etiam potest oriri, quae ut plurimum in frigoris accessione continget, sed id non necessario semper. Contra vero lentor ille, qui caloris sensum producit, ex capillaribus arteriis non abripitur totus, sed quod in ipsa maxime fixum, ac siccum est, haeret arteriis semper trajecto in venas, quicquid ipsi mixtum erat viscido liquidius: hoc ad superficiem earum lento motu labitur, & per utrumque cordis sinum, pulmones, canalesque reliquos ad capillares arterias rursus ducitur non secus ac de lentore sensum frigoris excitante dictum est, recurritque singulis, alternis, quarto, aut pluribus quibusque diebus cum reliquis omnibus, quae de lentore illo proposuimus. Illud autem discrepant, quod lentor frigus pariens facit, ut inter utrumque insultum frigoris per aliquod spatium temporis relinquatur corpus integrum, lentor calorem producens nunquam corpus integrum relinquit, sed recurrit calor alter, antequam antecedens plane deserit. Ab hujusmodi vitio sanguinis pariter mors eaque ut plurimum in accessione caloris, sed neque id necessario semper. Fieri autem potest, ut lentor frigus pariens mutetur in alterum, a quo perpetuus calor, & e contra, ut hic in illum convertatur, hic ad naturalem statum reparandum aptior, ille ad mor-

tem; atque insuper fieri potest, ut tempore inter utrumque recursum lentoris calorem producentis medio, succedat insultus frigoris a suo lentore ad arteriolas capillares haerente, & producatur vexatio ab utrisque denominanda. Sed & permutari possunt invicem incursum, atque periodi lentorum similium, ita scilicet, ut qui recurrebant cum frigore diebus singulis, recurrant pariter cum frigore, sed alternis, vel quarto quoque die, qui quarto quoque die, alternis, aut singulis, qui singulis, qui alternis, quarto quoque, aut singulis, quod similiter contingere potest in lentoribus cum calore recurrentibus.

Lentor frigus pariens
truditur in
venas co-
tus.

QUoniam a lentore, frigoris sensum producente capillares arteriae infarciuntur repetita saepius pressione sanguinis succedentis; villi igitur earundem plurimum trudentur extrorsum, & maxime distrahuntur; cur autem calor secer-nitur, atque effluit, minus eadem prementur extrorsum cedente illo; igitur sese restituere poterunt eam vim exercentes in restitutione, & contractione, qua distractae, & trusae fuerunt extrorsum, ut flexilia omnia, atque oscillantia necessario faciunt, adeoque vim introrsum validam exercebunt, & restituere quidem se poterunt non solum locum faciente calido, quod exprimitur; sed quia lentor ille non supponitur ita plane siccus, ut etiam membranas exsiccaverit, unde vim se restituendi ipsis adimere potuerit, vel ita in se ipso durus, ut alium quasi canaliculum ad contactum interioris superficiei arteriarum non cedentem efformaverit, adeoque earundem restitutionem impediverit. Quoniam vero restitui illae non possunt, nisi in se ipsas undecunque per ambitum coeant, neque per ambitum undecunque coire, nisi quaelibet ipsarum puncta cum lentore ad contactum posito contactum mutant; dum igitur contrahuntur, seu restituuntur arteriae, singulae lentoris partes a contactu priori remouentur, quare si interim detur aliqua facultas, quae transverse moveat, & vim abripiendi per longitudinem canalium faciat, id succedere facillime poterit nihil resistente contactu; praesto autem est pressio, & affluxus succedentis sanguinis; igitur lentor ille a cohaesione arteriarum liber facile abripietur, quod eo facilius succedet, quod restituentibus se arteriis introrsum non solum ab earum contractione per ambitum sit separatio contactuum a lentore contento; ve-

rum

rum propter locum relictum a calore trudi potest, ac truditur ad medium, unde liberius a pressione, & affluxu succedentis sanguinis abripietur, & tandem abripietur quidem totus, cum etenim non plane durus, aut exsicicans arterias supponatur, sed jungetur ab iisdem totus, non autem aliqua pars ipsius ad motum facilior, & seunctus abripietur, qua patet effluxus, in venas scilicet, ut manifestum est. Quoniam itaque in venas derivatur lentor, & sanguis fluxilior, utrumque autem horum liquidorum fluit per eundem impetum, perinde igitur se res habebit, ac in turbidis, & diversi generis gravia ducuntibus profluentibus, hoc est, liquidius erit velocius, per mediam canalis lineam fluet, & non secus ac profluentes saxa, & quae difficilior ac tardius moventur ad ripas truduunt, lentor ad superficiem venarum trudetur. Cum itaque lentor supponatur tantus, ut per impetum sanguinis, quo fluit per arterias, singulis contractionibus cordis ab iisdem arteriis abripi non possit, sed opus sit pluribus contractionibus, quarum singularum cumulado impetu producat pressio lentorem ex arteriis trudens, in venis autem ab angustioribus canalibus versus capaciores semper fluentibus ejusmodi cumulario haberi non potest, & impetus seu velocitas sanguinis per ipsas minor est, quam per arterias, igitur momentum ejus lentoris ad contactum venarum erit minimum, adeoque allabetur superficiei ipsarum ipsi inhaerens, ad quam lentissimo motu movebitur, tanto scilicet, quantum conciliari ipsi poterit ab excessu velocitatis per venas fluentis supra momentum resistentiae, quam lentor ille exercet ad superficiem venarum, quod momentum resistentiae componitur ex ratione molis ipsius lentoris, & magnitudine contactuum, quae crescit prout ipsius moles est minor, & intensiore, aut remissione visciditatis ejusdem. Postquam igitur hoc lento motu praeterfluxerit venas omnes, derivabitur cum sanguine in dextrum sinum cordis, & per agitationem a valida contractione auricularum, & cordis cum fluxiliori sanguine admiscebitur, & in pulmones derivabitur, per quos facile fluere poterit, cum ita natura comparati sint, ut per ipsos fluere possit chylus, humor nempe crassissimus, & maxime viscidus. Et his igitur derivabitur in sinistram auriculam, & sinistram sinum, in quibus propter validas eorum contractiones rursus fluxiliori sanguini permiscebitur, vel saltem prohi-

Ad superficiem venarum lento fluxu labitur.

Reducitur
ad capilla-
res arterias,
idque plu-
ries vultus
recurfus iis-
dem condi-
tionibus pa-
riens, quo-
rum singuli
semper sunt
eodem tem-
pore.

Quomodo
mutari
quantitas,
& qualitas
lentoris
possit ac de-
beat,

bebitur, ne ab ipso sejungatur, unde in arteriæ truncis ma-
joribus valido impetu instructus erit, velut arena minima admi-
xta profluentibus, quæ propter ingentem impetum totius pro-
fluentis sibi ipsi etiam communicatum, neque subsidit, neque ad
ripas truditur. At vero cum ad capillares illas arteriastraductus
fuerit, ad quas antea subsistere coactus fuit, similiter subsistet,
sensum frigoris, & reliqua in præcedenti propositione exposi-
ta producendo. Post quæ cum tandem eodem, ut prius, mo-
do debeat ab iisdem arteriolarum abripi totus, in venas derivari,
ad ipsarum superficiem lentissimo fluxu fluere, & quæ succe-
dunt ex ordine, deducetur tertio per easdem vias ad eundem
capillarium arteriolarum terminum, ad quem eisdem effectus
producendo, tandem quarto derivabitur in venas totus, & eun-
dem omnino, nempe cum iisdem affectionibus circuitum, at-
que recursum instituet, cui ex ordine succedet quintus, sex-
tus, atque ita deinceps semper ejusdem conditionis singuli,
quousque non detur, ac vigeat facultas aliqua, cujus vi, aut pla-
ne tollatur viscidum illud, aut illius quantitas, vel qualitas im-
mutetur. Quoniam itaque ad hoc ut lentor ille derivetur in
arterias capillares, fluat oportet per longitudinem omnium ex-
positorum canalium; prout igitur tarditas lentoris erit major
aut minor, extrusio e summis arteriis faciliior aut difficilior,
quantitas ejus major aut minor, longius aut brevius erit in-
ter utrumque recursum tempus; quousque igitur horum aliqua,
vel omnia non immutantur perseverante eadem lentoris natura,
non nisi eodem tempore eorundem canalium longitudinem ex-
currere poterit, seu, quod idem est, eodem tempore singuli
recurfus fient, si nempe secundus recursus corripiat 24. hora
post primum, succedet tertius 24. hora post secundum, atque
ita de cæteris. Quoniam vero lentor ille ad summas arterias
valde premitur, quousque calor exprimitur, in illo igitur nisu
pressionis, & sejunctionis mobilissimi corporis, cujusmodi est
ignis, siquidem liquefcere possit magis lentor ille divellente ca-
lore, dum premitur, & sese expedire, quaquaversum nititur,
particulas viscidiores, & motui magis resistentes quasi subigen-
te, ac fermentante, fiet lentor ille liquidior, & minoris pro-
inde quantitatis, quod ipsum licet infirmius contingere pote-
rit, dum per venas labitur quaquaversum expirante calido, &
partibus viscidis sese implicando, & sanguine liquidiore in ipsum
len-

lentorem nitendo, atque versus cor trudendo. Sed multo magis id contingere poterit in pulmonibus, cum in iis vigeat vis pressiois insignis, & comparati sint ad humorum solutionem. Contra autem per vim caloris fieri potest, ut quantitas quidem minuatur, sed intendatur interim lentoris qualitas, ita scilicet ut fiat lentior, quod continget per vim caloris insignem abripiantem subito, atque exsiccantem, quicquid humidum fluxile lentori illi permiscetur, unde evadet ille ad motum difficilior, & ratione majoris lentoris tenacius haerentis superficiebus canalium, quibus allabitur, & quantitatis, seu molis imminutae, pro cujus ratione superficies contingentes fiunt majores, hoc est motui magis repugnantes. Denique quantitatem lentoris augere poterit, ac debet sanguis, & quilibet humor viscidus, vel aliunde derivatus in sanguinem, vel intra vasa ejus in viscidum commutatus, ut patet. Aucta jam supponatur lentoris quantitas, erit igitur extrusu difficilior e summis arteriis, unde majori erit opus pressione, quae cum a repetitis contractionibus cordis pendeat, longiori tempore opus erit, ad hoc ut extrudatur, quam in minori quantitate, adeoque minor quantitas prius incipiet moveri per venas, quam quantitas major, adeoque hoc de nomine prius recurret ad arterias, quam quantitas major; quia vero lentor ille, cum truditur ex arteriis in venas, disjicitur in particulas huc illuc, quae esse possunt diversae magnitudinis, nec ulla ejus rei certa lex dari potest, eaeque singulae ad superficiem vasorum perducuntur, ad quam fluunt per pressionem sanguinis liquidioris in ipsas posterius nitentis; quo igitur illae majores fuerint, seu altiores, eo longitudo vectis, per quam sanguis nititur, ut easdem versus cor premat, erit longior, seu momentum fluxus majus atque insuper majus, quo minores superficies, seu resistentia contactuum minor, unde his de nominibus fieri poterit, ut velocitas lentoris per venas, cum auctae quantitatis est, sit major, quam cum est quantitas minoris; si igitur sit, ut tarditas lentoris auctae quantitatis intra arteriolas, quibus haeret ad velocitatem ejus, cum est minoris quantitatis intra easdem arteriolas, ita reciproce tarditas hujus per venas ad velocitatem illius per easdem, tempora integrorum circuituum erunt aequalia, seu fient recursus eodem tempore; si vero tarditas ad velocitatem per arterias non sit reciproce, ut tarditas ad velocitatem

Ab aucta
quantitate
recursus eo-
dem tem-
pore, prius,
posterius.

Ab immi-
nuta idem
pariter.

Lentor ad
statum na-
turalem
sanguinis
magis acce-
dens recur-
rit prius.

Lentor vi-
scidior et-
iam non
magnae
quantitatis
tardius.

Tempus in-
ter utrum-
que recur-
sum unus,
duo, tres,
plures dies.

per venas, tempora excursuum erunt inaequalia, & lentor au-
ctae quantitatis recurrere poterit prius, aut posterius, quam
lentor quantitatis minoris, ut patet. Eodem modo demon-
strabimus, lentorem diminutae quantitatis posse recurrere eo-
dem tempore prius, posterius, ac lentor quantitatis majoris;
similiter enim prout in eruptione ex arteriis lentor disjicitur in
maiores, minoresve particulas, erit ipsius facilitas ad fluxum
per venas major aut minor, unde prout consurget illa reci-
proca plane eadem, vel major aut minor proportio veloci-
tatum ac tarditatum, fient tempora integrorum circuituum
eadem vel inaequalia, unde recursus *ισχυρότερος* vel prius poste-
riusve corripientes in lentore minoris, quam majoris quan-
titatis. Ex his autem patet, cum lentorem, cujus tenacitas
ita corrigatur, ut ad naturalem fluxilitatem sanguinis magis ac-
cedat, debere recurrere citius; facilius enim, hoc est per pau-
ciores contractiones cordis, seu per brevius spatium temporis
abripitur ab arteriis, ac trudetur in venas, ad quarum super-
ficies parum subsistet, unde cum universus circuitus mensure-
tur tempore fluxus per utrosque canales: utraque autem bre-
viora sint, quam tempora fluxus in magis viscido lentore, re-
curreret ille citius. At contra ex iisdem patet, cum lentor sit
adhuc magis tenax, crassus, & cohaerens, ipsius recursum de-
bere esse tardior, etiam si supponatur minoris quantitatis;
haec enim ipsa minor quantitas facere poterit, ut per venarum
superficiem in tenuissimum velum extendatur, hoc est, sit
ipsius altitudo minima, nempe minima longitudo vestis, per
quem nititur sanguis, ut lentorem moveat, & ejus superficies
pro ratione molis maxima, sed & maxima vis lentoris, cum
supponatur aucta; lentor igitur, qui supponitur intensior, et-
iam si supponitur minoris quantitatis, debet recurrere tardius.
Quoniam vero tempus, quo idem lentor ab arteriis extremis
debet per venas, pulmones, & cor ad easdem recurrere desu-
mendum est, ac necessario pendet a velocitate, qua per venas
praecipue refluit; haec autem pendet a majore, minorive co-
haesione cum superficie venarum; tempus igitur inter utrum-
que recursum esse poterit brevius, longius, prout illa cohaesio
major est, aut minor; ideoque magis, aut minus praeterfluen-
ti sanguini, & secum abripere conanti resistens. Dico autem
primo, longitudinem canalium, per quam debet refluere len-
tor,

tor, non esse desumendam a simplici longitudine directae, & brevissimae distantiae a corde ad summos artus; haec etenim ostendit solam longitudinem venae majoris a corde ad summos artus tendentis, via, quantum fieri potest, recta, atque brevissima; sed concipiendam esse, qualis revera est, millies flexam, atque reflexam, implicatam, intextam, in ramos, & canaliculos innumerabiles divisam, cujusmodi nempe se habent distributiones canalium sanguineorum. Cum autem ab ejusmodi divisione atque implicatione longitudo illa caeteroquin non ita extensa mirum in modum augeatur, via a lentore illo superanda, ut ad cor, atque arterias revehatur, non erit ita brevis. Secundo, cum ex arteriis erumpit in venas, subit canalem amplissimum, qui nempe adveniēti lentori amplum locum cedit absque nova distractione, unde non nititur majori momento contractionis in eundem lentorem, qui proinde ad ejus contactum positus per contractionem detineri non potest, quasi sejunctus permutando continue contactus; ut in arteriis contingere superius expositum; quare momentum sanguinis praeterfluentis non poterit facile secum abripere trajectum in venas lentorem, nisi resistantiam cohaesionis superet ex se ipso, quod difficillimum erit non solum ratione remissi impetus, quo sanguis praeditus est in venis, ut superius, sed etiam aliis de nominibus. Quoniam enim tertio, partes liquidorum cohaerentium, cujusmodi sunt viscida, facilius supra se invicem excurrunt, quam sejungatur a superficiebus corporum, quibus haerent; sanguis igitur praeterfluens, & in aliquam etiam majusculam lentoris molem incidens ejus partes ita dimovebit, ut quae maxime remotae sunt a contactu, & in cavitatem venae maxime prominent, excurrant supra reliquas, quasi supra eas se rotando, unde ad inferiora facile dilabentur, & totam molem in longiorem formam, ac depresso rem extendent, ac demum & ipsae ad contactum, & cohaesionem cum venis pervenient, antequam partes ejusdem molis, quae venam prius contingebant, ab eodem contactu recesserint, quem ne mutabant quidem, nisi vis, quam partes illae in cavitatem venae maxime prominentes sese rotaverunt, non fuerit insignis, qualis a tardo sanguine intra venas non ita facile admitti potest praecipue, si lentor ponatur non mediocriter viscidus. Ex hoc igitur capite fiet, ut lentor caeteroquin fluxui minus resistens propter

mo-

moles altiusculas, in quas est distributus, fiat minus fluxilis reductus in moles depressiores, & contactuum magis extensorum, & cum huiusmodi depressio talis esse debeat, ut quasi velum succingens membranas venarum fingi possit, vis, quae a praeterfluente sanguine ipsi imprimi poterit, vix erit ulla, & tota motus ratio pendere debet a minima facultate compressionum, quibus fiet, ut membranae venarum contactus aliquantulum mutant cum allabente lentore, atque ita faciant, ut aliquid sui momenti possit praeterfluens sanguis lentori subsistendi communicare. Neque fluxus poterit promoveri a vi gravitatis, vel qualibet alia facultate, quae fingi possit insita lentori, & a cohaesione divellere tentans, nam gravitas in tam minimis particulis minor est momento cohaesionis, cum etiam guttae majores solius aquae, liquidi nimirum vix visciidi, nec mutant figuram, nec divellantur a summis arborum ramis, aliisque corporibus, a quibus libere deorsum pendent, & gravitas minimum locum habere potest in corpore, ut supponimus, male habito, quod cum decumbere cogatur, minimum a gravitate effectum subire potest in contentis liquidis etiam ad superficies canalium non haerentibus, & idem dicendum est de qualibet alia facultate a contactibus divellere tentante. Quarto, augebitur difficultas divulsionis, quod per illam rotationem plurimae lentoris superficies recta sejungendae erunt a superficie venarum, quod in laminis laevibus ad contactum positis, & ab ipso perpendiculariter removendis patet, quanta difficultatis sit. Quisquis autem hujus allapsus difficultatem in lentore facilius velit concipere, atque admirationem omnem deponere, animadvertat ille, viscidum quodlibet corpus etiam in quantitatem majusculam collectum, & vi solius suae gravitatis descensui permissum ad contactum superficiei alicujus corporis etiam laevis, ut vitri &c. per dies integros vix locum mutare, & aliquando ne mutare quidem, si adhuc viscidius, & minoris quantitatis fuerit; sed & illud observet, purissimam aquam in scyphunculis angustioribus plane subsistere intra eosdem, nec posse nisi vi maxima concussionis ab eorum superficie divelli, & sursum, aut deorsum agi. Denique & illud observet, dari etiam humores quosdam naturales, quorum uncia una, vel duae non nisi octo horarum spatio diffuant e canalibus suis multo brevioribus, quam quos perpendimus, ut refert a se observatum Graef

in succo pancreatico, cujus unciam unam octo horarum spatio collegit, biliseodem tempore duas, ex quibus omnibus deducendum satis tuto indicamus, prout vis cohaesionis ad membranas venarum major est, aut minor respectu folius lentoris magis, aut minus viscidum, seu haerentis, tempus inter utrumque excursum esse posse unius diei, bidui, tridui, & longioris etiam intervalli temporis. Quoniam igitur lentor ex arterioli-
 pillaribus tandem abripitur totus; erunt igitur illae post eruptionem amplitudinis naturalis, adeoque per ipsas fluere poterit sanguis etiam in naturali quantitate absque eo, quod magis prematur, teratur, solvatur calor naturali copiosior, seu in excursu per ipsas sanguinis calor non incrementum. Quia vero calor solutus facile perspirat; non solum igitur non crescit calor, quia generetur novus in excursu per arterias capillares, verum minuetur perspiratione ipsius quantitatem minuente. Ulterius qui jam solutus fuit per venas, perspirat partim, ut dictum est, partim sese admiscet reliquo sanguini: huiusmodi enim permixtioni tempus, & otium permittit tarditas, quia totus sanguis per venas fluit, unde non deteretur; imo calor subire placide potest particulas crassiores, & hae repugnando illi penetrationi calorem valide comprehendere, & intra se cohibere seu caloris vim, ac sensum temperare. Insuper cum inter utrumque excursum detur plurimum temporis, totus sanguis pluries fluere debet per pulmones, adeoque solvi pluries, atque apte misceri, & comprimi ignis cum partibus reliquis, adeoque his de nominibus generabitur naturalis sanguis, a quo naturalia omnia succedent, & corpus integrum videbitur seu erit ad sensum; non erit tamen re vera, cum per venas latenter refluat insensum illud, & labefactans corpus mox in arterias refluxurum, & excitaturum frigus cum affectionibus reliquis, adeoque adsit malum ejusque causa intra venas. Id autem etsi plerumque contingere facile potest propter diurnitatem temporis, quae inter utrumque recursum continetur: non tamen id semper necessario continget; si enim calor aut minus facile perspirare possit, sive id proveniat a nimia densitate sanguinis, sive textura corporis, sive adjunctione caloris cum partibus aliis fixis, & perspirationi minus aptis, sive quolibet alia de causa hujus generis, aut sanguis per calorem frigori succedentem ita fusus fuerit, atque solutus, ut cohiberi

Inter
utrumque
insultum
plerumque
corpus in-
tegrum ad
sensum.

Non tamen
id semper
necessa-
rium.

Recursum
multiplici-
tas, & eo-
rum ordo.

Et etiam in
iis relinqui
potest cor-
pus ad sen-
sum inte-
grum.

Muratio-
nes recur-
sum ex
diebus sin-
gulis in al-
ternos, aut
quartum
quemque
&c. sem-
per cum fri-
gore.

a reliquo sanguine calor non possit, neque compingi apte ac naturaliter, dum per pulmones fluit, vim suam calor libere exeret, & detinebitur corpus in statu caloris naturali majoris, quousque non recurrat lentor in arterias, quo frigus rursus excitabitur. Ponatur jam brevitatis, & perspicuitatis gratia lentor ejus generis, qui recurrat tertio quoque die, manifestum est, secunda etiam die lentorem illum moveri, sed latendo sensum, cum allabatur superficiei venarum, ad quas nihil ad sensum mali potest producere. Secunda igitur die vitari sanguis supponatur, ita ut in lentorem similem abeat, ex eorum nempe genere, qui tertio quoque die recurrunt, & hic lentor alter ab alterius illius secunda post recursum die ad arterias capillares derivetur, producet frigus cum reliquis aequale, majus, minus, prout eodem, vel diverso modo secundus hic lentior ab illo primo se habebit, post quae erumpet in venas altero mox in arterias refluxuro, unde hic recurret in arterias, & frigus tertio die producet cum reliquis omnibus primo die respondentibus; lentor autem alter quarto die recurret in arterias frigus producens cum reliquis omnibus secundae die respondentibus. Quod unicum satis ostendit, qua ratione se habere possint recursus multiplices cujuscunque generis sive eorum, qui singulis, sive qui alternis, sive qui quarto quoque die, aut rarius recurrunt, & patet ex his, saepius in die posse frigus recurrere, ita ut singulis refluxibus alii recursus respondeant singulis pariter diebus eadem hora corripientes. In his autem multiplicibus recursibus etsi propter brevitatem temporis, quae comprehenditur inter duos quousque insultus sibi succedentes, minus facile sanguis possit ad naturalem statum redigi; tamen pro diversitate alterationum possit etiam quolibet brevissimo tempore restitui, possibile est etiam, in hisce multiplicibus recursibus relinqui corpus aliquando ad sensum integrum, etsi id neque necessarium, neque facile. Quoniam patet ex superioribus, majus tempus inter duos quosque recursus contineri, prout lentor est magis ac magis tenax; magis autem tenax, seu ad motum difficilis sit cum minori quantitati liquidi aquei, seu facillime fluentis admiscetur; si igitur fieri possit, ut abripiatur plus minus ex hoc humido a lentore dati circuitus, & recursus, recurret ille breviori, aut longiori temporis spatio, prout major, aut minor humidi ablati portio facit,

cit, ut quod reliquum est, fit plus minus ad motum facile, unde si datus recursus fuisset diebus singulis, succedent illi rarius, puta diebus alternis, vel quarto quoque, prout lentor magis ad siccum, & difficilior fluxilem accedet: si vero admisceatur, vel generetur humidum aliquid lentorem diluens, & ad naturalem fluxilitatem sanguinem redigens, recursus omnis tolletur, aut fiet frequentior, si prius fuerit rarior, & a majori difficultate ad fluxilitatem productus. Cum itaque in lentorum circuitibus ad arterias capillares, dum premuntur ad venas, dum adhuc calor viget, & rursus ad arterias capillares, dum pars calidior abripitur, facile possit abripi, quod in lentore est liquidius calore tenuari atque evanescere, hinc fiet praecipue, si caloris vis fuerit intensior, ut humidi aquei pars maxima siccet, atque evaporet remanente intra vasa, quod in lentore siccus est, atque ad motum difficilior, quod proinde recurret alternis, vel quarto quoque die. Rursus e converso, quoniam subsistente ad summas arterias lentore, & se exere nitente igne partes lentoris aliquando subigi, ac fermentescere possunt, hoc est, ad liquidiorum statum redigi, & ad hunc ipsum adhuc magis accedere, dum per pulmones aguntur, & per respirationem solvuntur; prout igitur erunt lentores diversi generis, vel scilicet subactioni, fermentationi, & solutioni idonei, vel separationi liquidioris a minus liquido in pressionibus, quas patiuntur, & canalibus, per quos fluunt, recursus fieri poterunt, atque mutari ex quotidianis in singula, tridua, aut quatrindua, vel ex quatrinduanis in singula, tridua, aut dies, & quae ex his componuntur. Esto igitur aut tanta lentoris quantitas admixta sanguini, ut trudi illa e summis arteriis in summas venas nequeat, vel licet minoris quantitatis tam valida sit adhaesionis cum superficie earundem, ut abripi ab iis, ac divelli nequeat; moveri igitur sanguis non poterit, unde brevi temporis spatio frigesceat penitus totum corpus, sanguis in musculos non derivabitur, non pertinget, vel quiescet ad cerebrum, unde nulla generatio liquidi per nervos, unde privatio sensus, & motus irreparabilis, cum lentor ille supponatur tantus, ut abripi, ac trudi ex arteriis nequeat, seu (quod idem est) continget mors. Haec autem cum contingat subsistente, atque haerente ad arterias lentore, hoc est, in recursu ejus, patet, debere mortem plerumque contingere in recursu

Ab ejusmodi lentore etiam mors, ea-que in recursibus praecipue; sed id non necessario semper.

lentoris: si autem lentor sit quidem trafilis ex arteriis, sed ingenti calore post ipsum vexetur corpus, qui sanguinem omni spiritu exhauriat, & perspirare cogat, vel etiam si calor non succedat ingens, ille quicumque succedit etiam debilis, inveniat sanguinem spiritibus jam exhaustum per antecedentium circuitum afflictionem, vel eundem sanguinem, ex quo spiritus deduci possunt in quantitate minima a calore etiam debili absumendi, mors succedet non in ipso recurſu, sed post ipsum prius posterius, & facilius illa continget in penuria spirituum, cum hi non solum caloris vi cogantur expirare; verum etiam naturaliter absumantur in motibus musculorum, & mentis. Itaque mors succedet plerumque, ac facile in recurſu lentorum; sed id non necessario semper.

Lentor cum
calore re-
currens non
abripitur a
summis ar-
teriis totus
&c.

Esto jam secundo loco lentor cum calore recurrens; subsistit igitur ille ex praecedenti ad summas arterias, ita ut licet subsistat, sanguinis naturalis impetus, & pressio ejus ad eas arterias vicens sanguinem in calorem solvat, quare nunquam obstruitur arteria, sed semper calor a subsistente lentore sejungitur & in venas rapitur: a sanguine igitur succedente fit, ut cum exitum aliquatenus patentem inveniat, qui lentor prius subsisterat, minus prematur, ex quo necessario fit, primo, ut quod maxime mobile, atque expressibile est, nempe calor facile exprimatur, atque derivetur in venas: secundo vero, cum quod jam subsisterat, a superaffluente minus prematur, parte ejus patentem viam inveniet; per hanc igitur minorem pressionem quod prius subsisterat, abripi non potest; sed quod in ipso non est siccissimum, ac penitus motui ineptum, per illam minorem pressionem ab hoc siccissimo sejungitur, & in venas rapitur, quod erit subviscidum, & quiddam simile quoad motus facilitatem lentoribus, qui cum frigore quotidie singulis, triduis, aut quatruiduis recurrunt pro diversitate facilitatis ad motum, atque allapsum ad superficies venarum. Hanc separationem minus viscida a lentissimo faciat oportet pressio illa minor, quae necessaria ex doctrina separationum ad sejungenda viscida ab iis, quibus admiscuntur, quae esse poterunt diversorum graduum, prout etiam lentores cum calore recurrentes sunt ipsi toti diversimode lenti. Illud autem ad motum difficillimum, atque siccissimum, quod expresso illo fluxiliore haeret ad superficiem arteriarum, non abripitur; cum etenim

minor vis pressio faciat, ut arteriae minimum distrahantur extrorsum statim, ac calor, & fluxilius illud in venas ducitur, vix nitentur, & contrahentur introrsum, adeoque contactus cum illo altero ad motum difficillimo non mutabuntur, quare in cohaesione mutua persistent, quae semper increfcet, cum continue abripiatur, quod est fluxilius adeoque abripi ab arteriis per pressionem superaffluentis sanguinis nunquam poterit.

Quoniam itaque a lentore subsistente sejungitur quod est viscido liquidius subsistente, atque haerente ad arterias viscido siccissimo; prout igitur illud erit magis, aut minus ad fluxum facile, recurrerit ad easdem arterias capillares singulis, alternis, aut quarto quoque die, ut de lentoribus cum frigore recurrentibus dictum, excurrando per eosdem, quos illi, canales alabendo superficiebus venarum lentissimo fluxu, & quae de iis prius singillatim ostendimus: singulis autem recursibus non nisi calorem poterunt producere, cum incidat ille lentor in partem arteriae angustiore ob siccum illud ejus superficiem succingens, unde premitur magis, & major caloris quantitas exprimitur, ut in praecedenti demonstravimus. Cum vero siccissimum illud ad arterias capillares semper haereat, sanguis praeterfluens semper in calorem naturali majorem propter canalium angustias solvetur, rarefiet, incendeturque sanguis, adeoque nunquam corpus calefcere plane desinet: adde, quod cum per adhaesionem illius ad motum difficillimi, & maxime fixi ad arterias, sanguis destituatur iis corporibus, quae cohibendis caloris partibus maxime idonea sunt, idem calor est semper ex se ipso liberior, nec per pulmonum opus apte compingi potest, cum eadem illa sicciora corpora compingendo igni maxime idonea deficiant.

Ab hoc autem calore fiet, ut quicquid superest liquidi, magis in sanguine tenuetur, atque absumatur, & sanguis fiat rarior, calidior, mobilior, perspirando aptior, & spirituum generationi ineptior, unde cum in recursibus maxime per pressionem a siccissimo, quod subsistit, atteratur, fiet tandem, ut tantae subtilitatis, ac mobilitatis in iisdem fiat, ut in evaporationem agat quicquid spirituum in sanguine continetur, ac proinde tunc facile, & plerumque succedet mors; non tamen illa continget necessario semper tum temporis, cum ejusmodi perspiratio, & absumptio spirituum omnium etiam post

Recurfus ut lentores cum frigore, scilicet intra idem temporis spatium.

Inter utrumque recursum non relinquitur corpus integrum.

Ab hoc etiam lente mors, & praecipue in recursibus; sed id non necessario semper.

recursum possit succedere, cum per caloris intensiorem sanguis totus in fervorem agitur, ac spiritus partim evaporant, partim per motus musculorum, & mentis absumentur, illudque continget facilius, si sanguis totus ad parvam quantitatem reductus sit, vel spiritibus etiam prius destitutus, ut de morte

Recursum a lentore cum frigore recurrente dictum est. Cum itaque recursus lentoris cum calore corripientis fiant eodem modo, quo recursus lentoris invadentis cum frigore, manifestum est, & in lentoribus cum calore prehendentibus dari posse recursus multiplices eodem ordine sibi succedentes, quo de iis superius ostensum, atque insuper posse invicem permutari, ita ut post aliquot recursus singulis diebus contingentes succedant alii alternis diebus, vel quarto die &c. ut superius. Esto jam sanguis ita comparatus, ut lentor cum frigore corripiciens ita aliquantum fundatur, ut naturali impetu circuitus sanguinis facile sejungatur calor; erit igitur iste lentor divisus in partes maxime mobiles, cujusmodi est calor, & alias minime mobiles, quae proinde ad arterias capillares valide haerebunt producendo interim non frigus, sed calorem: & illa solutio non ita difficile haberi poterit vel fermentando, dum lentor cum frigore subsistit ad arterias, vel nisi validiore premendo, ita ut calor, & quicquid est liquidius exprimatur subsistente quod est magis viscidum, atque siccum. Ex hac igitur mutatione nunquam relinquetur corpus integrum, unde nunquam naturale quicquam producet in corpore, fundetur maxime sanguis, evaporabunt spiritus, nec reparari poterunt; quare haec mutatio ad mortem inferendam aptissima. Contra vero in viscido calore producente, si tenacissimum illud ac arterias haerens per fermentationem fundatur, atque liquefeat, ita ut abripi arteriis possit, & misceri rursus cum sanguine, & lentorem producere cum frigore corripientem, relinquetur per aliquod spatium temporis inter utrumque recursum corpus integrum, & spiritus reparabuntur, & facile succedet salus, seu perfectus naturalis status. Denique quoniam in lentore calorem producente haeret semper ad arterias, quod est siccissimum, igitur per hujus cavitatem fluere poterit, vel subsistere lentor frigus producens, adeoque si sanguis ita vitietur, dum adhuc siccissimum illud haeret ad arterias, ut in viscidum abeat calorem cohibens, fiet insultus frigoris ex superioribus produ-

Recursus lentoris cum frigore inter utrumque recursum lentoris calorem producen-

durantis, quousque viscidum illud frigidum in venas redactum non fuerit, ad quos in venas reducendum sufficiet vis pressio, ^{tis, & e converso,} quae abripere non poterit siccissimum illud lentoris producentis calorem, cum hic haereat validius; neque extensus erit, aut distractus a lentore frigido, quem comprehendebat, cum extendi, & distrahi nequeat, nisi per eandem pressionem, quae illa resistentia cohaesionis minor est, quare haerebit adhuc, postquam frigidus erupit in venas, fietque recursus frigidus inter utrumque recursum calidum, & e converso, ut patet. Non est autem difficile, inter utrumque recursum calidum dari recursum aliquem frigidum, imo pluries etiam singulis diebus repetitos recursus frigidos; lentores enim calidum producentes cum conjuncti sint cum sanguine, ^{Et frigoris recursus etiam singulis diebus plures.} cujus calor maxime liber est, & reliquae partes minus mobiles ab ipso se junctae, facile potest contingere, ut harum plurimae saepius simul ad arterias capillares perveniant omnem calorem vel excludentes, vel supprimentes, unde sensus frigoris prohibentis excursus sanguinis in venas, & ejus proinde recursus in arterias, unde imminutio spirituum, vel suppressio, vel imminutio motus cordis, unde frigus universale in toto corpore: quare patet propositum.

PROPOSITIO XX.

Lentor ille cum frigore corripens reperiri potest in sanguine absque opera ullius corporis aliunde in ipsum fluentis, & per influxum corporis aliunde derivati, quod ipsum vel sit viscidum, vel etiam liquidissimum quidem, sed lentori producendo aptum, & sine influxu quidem, vel imminuto motu, vel imminuta quantitate sanguinis, & per horum utrumlibet rursus repetitum fieri potest, ut postquam genitus est lentor certo quodam tempore recurrens, generetur alter recursus inter utrumque insultum illius: sed & aucta quantitate, aut motu sanguinis dari poterit illud frigus: verum plerumque, & facilius erit frigus pluries & frequenter invadere, hanc aut illam partem corporis subito corripere, subito evanescere, intermissis, aut omissis penitus consuetis exercitationibus, ac laboribus corporis, suppressa perspiratione partium viscidarum, si quae hujusmodi perspirant a sanguine, suppressis purgationibus aut viscidis, aut

viscidum sanguinem reddere aptis, iisque vel naturalibus, vel per assuetudinem, prohibita solutione humorum viscidorum a sanguine, vel etiamsi solvantur, prohibita eorum derivatione in suos canales, & si quae sunt ejusmodi. Per influxum vero vel salivae, vel humoris per oesophagum, & ventriculum, vel mucii intestinalis, vel succi pancreatis, aut bilis, cum haec singula chylo admisceantur, vel chyli, vel lymphae, dummodo horum singula, unum, aut aliquot, vel omnia evadant viscidiora, vel quamvis liquidissima coagulando sanguini apta, ita ut producto lentore calor cohiberi possit, vel alicujus humoris per obstructionem aliquam, pressionem &c. stagnantis in aliquo viscere, & in truncum venae cavae non nisi certo tempore defluentis. Sive autem cum influxu sive sine influxu alicujus corporis fiat ille lentor generans seriem rerum simul certo tempore recurrentium duabus superioribus expositam, duplex inde oritur modus, quorum alter est, si lentor primogenitus in primo, atque unico circuitu non absumatur, sed recurrat pluries, ut expositum: alter, si absumatur quidem, verum causa, quae primo produxit, intra idem spatium temporis eundem rursus producat lentorem; id vero sive producendo lentorem in sanguine, sive lentorem intra ipsum derivando contingat, potest tolli admirabilis illa tarditas motus, quam necessariam ostendimus ad certorum recursuum constitutionem. Denique, etsi certo dantur corpora, quorum motus sensum frigoris excitant, & ex eodem numero fingi potest fermentum admixtum sanguini, quod sensum frigoris excitat in expositis insultibus, agere tamen fermentum illud frigoris sensum excitans non potest, quin calorem cohibeat, & sanguinem lentescere cogat, unde a quacunque causa proveniat illa rerum series in superioribus exposita, & cum frigore invadens, nulla dari potest sine lentore ad capillares arterias haerente, nisi quando fermentum illud calorem cohibens non cogat sanguinem lentescere; sed illum vel teneat in naturali statu fluxilitatis, vel alia diversa ratione subigat, & fluxiliorem reddat, quo fermento posito, dabitur illam rerum seriem in superioribus expositam alter generandi modus sine lentore ad arterias capillares haerente. Similiter lentor cum calore corripuens reperiri potest in sanguine absque opera ullius corporis aliunde in ipsum fluentis, & per influxum corporis aliunde derivati, quod ipsum vel sit ita viscidum, ut calorem exprimi facile permittat, vel etiam liquidissimum quidem, sed ita solvendo sanguini aptum, ut ex ipso exprimatur calor

reliquis partibus minus ad fluxum aptis evadentibus, & illud quidem vel aucto motu, vel aucta quantitate sanguinis, & per horum utrumlibet fieri poterit, ut postquam genitus est lentor certo quodam tempore recurrens, gignetur alter recursus inter utrumque insultum illius, darique insuper poterit calor recurrens saepius cum interjecto frigore subito, ac saepius corripiente, subito evanescente auctis, aut praeter consuetudinem institutis novis exercitationibus, ac laboribus corporis, suppressa perspiratione partium calidarum, quae perspirant a sanguine, suppressis purgationibus calidis, aut sanguinem calefacientibus, iisque vel naturalibus, vel per assuetudinem, prohibita solutione humorum calidorum a sanguine, vel etiam si solvantur, prohibita eorum derivatione in suos canales, & si quae sunt hujusmodi. Per influxum vero, ut in prima parte iis, quae de frigoris generatione dicuntur, mutatis, aptatisque ad generationem caloris.

QUoniam per calorem sanguis funditur saltem, ita ut partes, inter quas sese agit, ac movet calor, invicem non cohaereant, calor autem in sanguine excitatur per motum ejus; igitur imminuto motu imminuetur caloris quantitas, ac proinde vis ejus prohibens partium cohaesionem in sanguine, adeoque haec facilius dari poterit, & generabitur lentor, & lentor quidem talis, ut calor per ipsum cohibeatur, seu generetur sensus frigoris, cum momentum naturali minus in motu sanguinis supponatur: quare per motum imminutum sanguinis reperiri poterit in vasis sanguinis lentor cum frigore corripens. Quoniam vero quo minor quantitas sanguinis, eo minor quantitas soluti, vel solvendi caloris; imminuta igitur naturali quantitate sanguinis etiam vis caloris minuetur, & generabitur lentor cum frigore corripens, cujus generatio reddetur facilius, si (quod succedere debet plurimum imminuta quantitate sanguinis) minor quantitas ejus minori cum impetu a corde trudatur; minus enim atteritur sanguis, & minus remote per solum impetum a corde conceptum pellitur, atque insuper quoniam cum sanguinis quantitas naturali minor supponatur, arteriae minus trudentur extrorsum, cerebrum minus premetur, spirituum copia minor derivabitur in villos cordis, unde tum contrahetur debilius, & minori cum impetu trudetur sanguis, ac denique hoc ipsum momentum contractionis in corde ex eo adhuc erit de-

Lentor cum frigore corripens ab imminuto motu sanguinis.

Idem ab imminuta quantitate ejus.

Uno produ-
cto produ-
ctio alte-
rius inter
utrumque
illius re-
cursum in-
vadens ab
iisdem cau-
sis.

Idem len-
tor etiam
ab aucta
quantitate,
& motu
sanguinis,
sed saepius
cum frigo-
re, & calo-
re alterne
corripienti-
bus.

bilis, quod propter minorem quantitatem sanguinis minor copia liquidi nervosi generabitur, & minor quantitas sanguinis in sinus villorum exprimitur. Postquam igitur utralibet harum causarum produxit lentorem cum frigore corripientem, detrahatur ex. gr. sanguis per venae sectionem in magna, & vires laedente quantitate, haemorrhagiam narium, haemorrhoidum, uteri, aut similium, vel per purgationem copiosorem, ptyalismum, effusionem seminis, consumptionem spirituum, pressionem violentam cerebri a qualibet causa, vel per quicquid aliud motum aut quantitatem sanguinis minuens. Produci poterit lentor cum frigore invasurus, qui tamen non invadet, antequam, ut in superioribus, ad capillares arteriolas deveniat; quia vero interim lentor ille alter jam ante genitus ex iisdem arteriolis eruperat, & jam lapsus erat ad venarum superficiem per aliquod ipsarum spatium; igitur lentor hic alter non fluet cum illo simul, sed eundem subsequetur, adeoque prius ille suum circuitum absolvet, hoc est, ad arteriolas capillares recurret prius, quam hic ad easdem perveniat, & propterea hujus recursus fient inter duos quosque recursus alterius. Ex quibus patet, posse duobus lentoribus diverso tempore recurrentibus unicum fieri eodem tempore, atque unico recurrentem cum omnibus varietatibus, quae inde facile patent. Jam vero facta supponatur quantitas sanguinis naturali major, erunt arteriae magis infartae, unde sanguis fluet difficilius, eritque magis compressus; quoties igitur illa compressio ad aliquam partem corporis tanta erit in dato aliquo spatio temporis, ut intra illud spatium per illam pressionis vim non possit exprimi calor ad illam partem corporis, tum in illa sentietur frigus, & quidem invadens subito: quia vero pressio urget, & adhuc protrahitur ulterius, exprimetur tandem calor, vel ratione solius pressionis ulterius protrahatur, vel quia pressio diutius protrahatur partes magis atterendo calorem tandem solvit. Idem ab aucto motu contingit: quoniam enim naturalis velocitas sanguinis accommodata est naturali quantitati ejus, qua fit, ut intra datum tempus possit libere fluere per datas angustias canalium; aucto igitur motu, hoc est velocitate, fieri debet, ut eodem illo naturali tempore major quantitas sanguinis subire debeat datas canalium angustias, quam naturalis, unde subsistere cogetur, & siquidem, cum subsistit, calorem cohibere possit ad eam partem,

ad

ad quam subsistit, fiet sensus frigoris: quia vero interim angustiae illae saltem ab aliqua parte sanguinis pervaduntur, reliquum, quod superest adhuc quasi subsistens, minus premittitur, & minus cohibet calorem, unde hic erumpit, & sensum caloris subito invadentis excitat. Quoniam vero per agitationes corporis viscida quaelibet atteruntur, tenuantur, in particulas perspirantes permutantur; si igitur laboribus, aut quibuslibet agitationibus assueverimus, quarum vi quicquid est crassius in corpore perspiret, iis intermissis, & multo facilius penitus omissis, totum illud crassum, ac viscidum inhaerebit vasis, e quibus perspirasset caeteroquin, si ope agitationum expressum fuisset; per ejus igitur admixtionem crassescet, & lentus fiet sanguis lentore frigus producente, si lentor ille calorem cohibere poterit; quod idem contingere debere manifestum est a suppressa perspiratione partium viscidarum sanguine, si aliquae ab ipso naturaliter perspirant, quae cohibere calorem valeant: suppressis purgationibus ex vasis sanguinis, ut menstruis, haemorrhoidibus, dummodo viscidae sint, vel viscidum reddere sanguinem cum caloris suppressione possint, sive illae naturales plane sint, sive per assuetudinem comparatae. Jam vero supponatur humor aliquis viscidus v. gr. bilis, quae qualibet de causa intra jecoris vasa solvi, & separari a sanguine non possit; sit autem illa calori cohibendo apta; sanguis igitur cum humore illo conjunctus erit crassior, & calorem cohibebit, & generabitur lentor frigus producens. Supponatur vero secundo, solvi quidem illa a sanguine, sed derivari non posse in suos canaliculos obstructos, compressos, & hujusmodi; abripietur igitur illa cum sanguine, est autem lenta, & calori cohibendo apta; per ipsam igitur solutam quidem, sed e vasis sanguinis derivatam in suos canaliculos producet lentor cum frigore corripientem. Patet igitur ex his omnibus, lentorem cum frigore corripientem reperiri posse in sanguine absque opera ullius corporis aliunde in ipsum fluentis. Sed & ab influxu alicujus corporis in sanguinem aliunde derivati lentorem illum cum frigore corripientem produci posse, dummodo derivatum illud viscidum sit calori cohibendo aptum, vel etsi liquidissimum ejusmodi viscidum generare valeat, patet ex se: derivari autem illud non potest in vasa sanguinis, nisi per canales in ipsius vasa ducentes, & hi non sunt

Idem ab omissione vel intermissione exercitiorum, ac laborum corporis.

A suppressa perspiratione partium viscidarum sanguinis, & purgationibus naturalibus, aut per assuetudinem.

Idem a prohibita solutione humorum viscidorum a sanguine, vel etiam si solvantur prohibita ipsorum derivatione in suos canaliculos.

Lentor cum frigore corripientem in sanguine absque opera ullius corporis aliunde in ipsum fluentis.

Idem ab in-
fluxu cor-
porum in
hypothefi
enumerato-
rum.

nisi ductus thoracicus, & lymphatica; haec igitur solum poterunt in sanguinem derivare viscidum illud, vel aliquod liquidum viscido generando aptum: per ejusmodi autem canales ducitur lympa, chylus, & quae chylo permiscuntur, quae recensuimus in hypothefi; si igitur per non naturalem aliquam affectionem sanguinis, aut liquidi per nervos, ex quibus illi humores deducuntur, vel per aliquam affectionem instrumentorum, quorum vi iidem a sanguine, vel liquido per nervos separantur, iidem humores visciidi, vel fluxiles, sed coagulando sanguini apti cum suppressione caloris evadant, vel viscidioris naturae chylum, cum quo miscentur, efficiant, per eorum derivationem in sanguinem fiet lentor ejus cum frigore corripientis. Esto autem viscus quodlibet compressum, obstructum, &c. in quo generetur humor aliquis lentus non naturalis, qui non nisi certo tempore in truncum venae cavae per lentorem sui motus deduci possit, & sit calori cohibendo aptus; & hic igitur lentorem producet in sanguine cum frigore corripientem, & iidem continget, si humor ille non naturalis sit liquidus, sed coagulando sanguini aptus, ut patet. Manifestum igitur est ex his, qua ratione, & quibus a causis in sanguinem influentibus lentor ille cum frigore corripientis produci possit, ac debeat. Sive autem cum influxu aut sine influxu alicujus corporis fiat ille lentor, recurrere non poterit frigus cum reliquis eodem tempore recurrentibus, quae in duabus superioribus exposuimus, nisi aut recurrat idem lentor post certum aliquod spatium temporis, adeoque absumtus non fuerit, vel fuerit quidem absumtus, & expurgatus per aliquam expurgationum viam, aut rursus redactus in naturam perfecti sanguinis: sed causa, quae primum produxit lentorem, producat alium eodem temporis spatio duraturum, cum iisdem affectionibus invasurum, atque absumendum pariter, & redigendum in sanguinem intra idem temporis spatium cum primo, unde duo recursuum producendorum modi interim dabuntur, ut patet. Affero jam, quadam ratione recursus fieri posse, qua evitatur admirabilis illa tarditas motus, quam in proxima propositione exposuimus. Et per recursuum quidem ejusdem hanc admirabilem tarditatem non evitari, patet ex eadem propositione. Supponantur igitur secundo loco duo quique recursus (facti ex. gr. diebus singulis eadem hora: par enim erit ratio de reliquis per longiora intervalla temporis

Rekursuum
producen-
dorum ratio
duplex.

Rekursuum
& circui-
rum pro-
ducendo-
rum ratio
sine admi-
rabili illa
tarditate
lentoris su-
perius ex-
posita.

recurrentibus) & eorum prior productus a lentore, qui diei spatium, hoc est, per spatium sui integri circuitus absumptus fuerit ex toto vel per expurgationem, vel per mutationem in utilem sanguinem: secundus autem recursus factus sit a lentore, qui sit ejusdem plane quantitatis, & qualitatis cum lentore, qui primum insultum peperit. Dico primo, utrumlibet ex iis lentoribus, & quemlibet alium eadem hora invadentem, & idem integri diei tempus in toto suo circuitu absumentem posse successive, ac paulatim in vasis sanguinis cumulari, ita ut sensim, & per minimas particulas continue vel influat, vel generetur intra eadem, quousque sensum frigoris excitet, & reliqua cum ipso corripientia. Quoniam etenim ut frigus corripiat cum reliquis ipsum comitantibus, necesse est, lentor subsistat ad arterias capillares, nec in una tantum, & altera, sed in pluribus; oportet igitur, ut quantitas ejus lentoris sit satis insignis, sicut etiam insignis sit, oportet, ut possit cohibere calorem, atque impetum naturalis circuitus, atque haerere arteriis, quod fieri non poterit, nisi ejus quantitas major sit, quam quae permisceri cum sanguine ita possit, ut libere fluat etiam per arteriolas. Itaque vel haec quantitas insignis lentoris tota simul generatur intra vasa sanguinis, quod patet fieri posse, vel tota simul aliunde in eadem derivatur, quod pariter non repugnat: sed & illud est evidens, posse hanc ipsam quantitatem sensim influere in vasa sanguinis, vel sensim generari, adeoque fieri posse, ut per integrum diei spatium continue influat vel quid lentoris, vel quid lentorem producat, sed tam paucae quantitatis, ut non nisi absoluto diei spatio cumulata sit tota illa quantitas, quae necessaria est ad frigoris excitationem cum reliquis. Tum igitur ad finem nempe diei invadet rursus frigus, fietque recursus novus per hunc lentorem integri diei spatio cumulatum, qui lentor si absumi rursus totus intra diei succedentis spatium possit, atque interim alterius lentoris aequalis quantitas in sanguine cumuletur, fiet recursus tertius, atque ita deinceps ex ordine non per eundem lentorem saepius tardo motu recurrentem, sed per lentorem novum antecedente prorsus absumpto: haec autem absumptio fieri poterit prius posterius intra diei spatium pro diversa natura lentoris per caloris solutionem in augmento, ac statu, & reliquorum corporum cum illo lentore permixtorum,

& se in augmenti, ac status solutione solventium. Quoniam itaque lentor hic cumulari supponitur successive ac sensum ita ut antequam tota quantitas cumulata sit, solida dies excurrerit; singulae igitur particulae singulis punctis temporis in vasis sanguinis cumulari, concipi poterunt citissimo motu, adeoque evitabitur admirabilis illa tarditas praecedentis propositionis. Quia vero per solidam diem successive cumulari supponitur lentoris quantitas; igitur per spatium diei idem lentor pluribus millibus viciū per pulmones fluēt, & per reliqua viscera, ac partes corporis, quod etsi durum videtur fortasse magis quam admirabilis tarditas superioris propositionis; dico tamen secundo, hoc ipsum per exempla de facto certissima minus durum videri debere; nemo etenim est, qui non noverit, lac nutricum, & urinas hominum quorumlibet etiam ultra diem retinere odorem, & calorem asparagorum, apii, alii, cassiae, rhabbarbari, olei contra venena, terebinthi, & huiusmodi, argumento certissimo, ejusmodi corporum aliquid in mammas, & renes duci absque eo, quod naturam suam amittat, licet saepius, ac pluribus millibus viciū trajectum per pulmones, unde non absimiliter possibile judicabitur, trahi lentum illud absque eo, quod permutetur. Quid magis notum veneno canis rabidi non nisi ad 30. diem vel 40., imo etiam longius erumpente? mistum illud sane cum sanguine, & quot millenariis viciū per 40. dies trajectum per pulmones, antequam vim exerat suam, & absque eo quod eandem amittat? Itaque quid simile supponatur in illo viscido, & plana res fiet ex toto. Dico autem tertio, per continuam huiusmodi cumulationem lentoris intra vasa sanguinis statim post recursum aliquem inchoatam fieri quidem posse recursus, & circuitus simplices, sed non compositos. Prima pars patet ex haecenus expositis; secunda vero ut ostendatur, intelligatur quaecunque de causa, duodecima ex. gr. hora post recursum cumulatū intra sanguinem tantum lentoris, quod sufficiat excitando frigori cum caeteris, quod continget, si detur aliqua causa novum lentorem intra illud tempus produciens, vel ex aliqua parte corporis adveniat novus, & copiosior, vel liquidum lentori copiosiori producendo aptum; hic igitur lentor cum fluit per arterias, permiscetur lentori, qui caeteroquin recursum produceret hora 24., quare ex utrisque componetur len-

Lentor ille
potest plu-
ries per
pulmones
&c. trajici,
nec immu-
tari.

Ab ejusmo-
di lentore
recursus
simplices,
sed non
compositi.

lensor, qui totus simul frigus hora 12. excitabit, atque absumetur. Perseverante igitur affluxu post novum hunc insultum illius lentoris, qui caeteroquin produxisset recursum hora 24., nisi pars illa absumpta fuisset, intra horas reliquas 12. cumulari solummodo poterit dimidium ejus lentoris, qui requiritur ad producendum recursum singulis diebus, adeoque erunt expectandae aliae horae duodecim ad hoc, ut fieri possit recursus similis illi, qui factus fuerat diebus singulis, unde cum tertius hic distet a secundo horis 36., secundus autem a primo 24., in compositis autem recurribus duo quique alterni sibi respondere debeant, patet assertum. Si vero post illas horas 12. recurrat rursus lentor ille, qui primis 12. recurrisset supponitur, & dimidium etiam illud absumetur, & produceretur novus quidam recursus, & circuituum ordo singulis quibusque semidiebus invadens, eruntque violentiores, cum excitentur a lentore qui recursus quotidianos excitaret, & ab eo, qui excitat, semidiariorum. Ex his autem patet quarto, recursus quoslibet ordinato, perturbato, aut nullo ordine sibi respondentes per lentoris, vel liquidi lentorem producentis cumulationem intra venas posse produci, si illa cumulatio non fiat continue, aut fiat inaequali, & incerta, ac varia quantitate, & qualitate. Post recursum enim aliquem quotidianam supponatur cumulari quantitas lentoris, qui horis 12. possit frigus excitare; dabitur igitur jam recursus novus semidialis periodi statim post hujus insultum, vel aliquot horis post incipere supponatur cumulatio ejus lentoris, qui ad certam quantitatem redactus potest producere recursum atque circuitum quotidianum, & ejus apta quantitas cumuletur intra illud spatium temporis, quod superest a principio suae cumulationis ad usque horam 12. computatam a principio insultus semidialis; produceretur igitur recursus quotidiano praecedenti respondens, post quem absolutum si rursus cumuletur intra succedentes horas 12. tantum lentoris, quantum cumulatum fuerat ad excitationem illius recursus invadentis inter utrumque quotidianum (sive illa cumulatio facta sit continue per illas integras horas 12. sensim ac lente, sive tota simul, sive per aliquot horarum, aut minoris temporis spatium tantummodo) post insultum quotidianum horis 12. produceretur insultus alius respondens illi insultui, qui invaserat horis pariter 12. ante eundem recursum quotidianum, seu produceretur circuitus compositus

Recurfus
confuse,
aut ordina-
te sibi re-
sponden-
tes.

ex duobus circuitibus, atque recursibus quotidianis sibi alterne respondentibus a viginti quatuor in 24. horas. Quod si non detur hic exactus ordo temporis, respondentibus sibi recursus perturbato aut nullo ordine, sine perturbato aut nullo ordine lentores cumulentur. Cum vero ad producendum frigus necessaria sit certa lentoris quantitas; si igitur incerto tempore cumuletur, erit etiam quantitas ejus incerta, hoc est, nullo certo ordine, modo major, modo minor, viscidior, aut fluxilior, nullo certo ordine qualitatis, cum haec necessaria sint ad hoc, ut diverso tempore semper apta generando frigori lentoris quantitas cumuletur. Affero jam quinto, ejusmodi cumulationes ordinate, aut perturbate factas esse possibiles, & siquidem pendeant a causis procatacticis statim in sanguinem agentibus, ita ut ipsum in lentorem vertant, lentor producat, & cumulabitur intra sanguinem ordinate, aut perturbate eo ordine, ac perturbatione, quae requiritur ad producendos circuitus ordinatos, aut perturbatos sibi respondentes aliquo modo, vel nullo, prout ordinate aut perturbate procatacticum illud agat in sanguinem, ut manifestum est, ut si frigus, aut humidum perspirationem cohibens hora aliqua invadat, ex qua ad usque 24. cesset, tum frigus rursus, aut humidum patiamur, fiet recursus & circuitus simplex quotidianus: si vero post primum insultum corripiat frigus, aut humidum, rursus cumuletur lentor quotidianis pariter recursibus aptus, generabitur circuitus duplex quotidianus: si vero lentor generetur alius generis, recursus atque circuitus alius generis, & prout frigus aut humidum operabuntur certo tempore, ac ratione producendo lentores diverso temporum intervallo, vel diverso tempore corripientes propter majorem vel minorem copiam, vel majorem aut minorem visciditatem, dabuntur complicationes circuituum, atque recursuum ordinate, perturbateve quomodolibet. Idem continget ab auctis, vel imminutis motu, & quantitate sanguinis, similibusque superius propositis. Sed per cumulationem ab influxu lentoris, vel liquidi lentorem producentis hoc ipsum continget. Supponatur enim insignis aliqua quantitas ductuum biliferorum obstructa vel ex toto, ita ut scilicet tota eorum cavitas occlusa sit, vel ex parte solum: in sanguinis igitur fluxu naturali ex Porta in cavam non poterit per canales illos minus, quam na-

Cumulatio
ejus lentoris
ordinate,
aut sine
ordine pos-
sibilis vel a
causis pro-
catacticis,
vel

Ab influxu
lentoris,
aut liquidi
lentorem
producentis.
Et primo
ab influxu
lentoris.

turaliter pervios duci tota quantitas bilis, quae naturaliter fecernitur; quare pars ejus fluet per capillares venulas reducens versus cor: cum autem harum cavitas sit instituta ad solum sanguinem recipiendum, erit igitur angustior, quam quae excipere possit bilis venientis quantitatem, & haec cum sit viscida, & pressio sit eadem, per angustias illas ferri non poterit impetu naturali sanguinis, sed tardius, unde subsistet, & per sanguinem, & bilem continue superaffluentem cumulabitur ad eas venulas quantitas insignis lentoris, qui demum abripietur totus in venas, postquam conceperit tantum pressionis a continue superaffluente sanguine, ut divelli a membranis possit, ac tum insultum cum frigore excitabit. Persistat igitur obstructio ad canaliculos biliferos, atque, ut colligatur in venulis ejus lentoris quantitas abripienda per cumulatam pressionem, requiratur diei spatium, bidui, tridui &c. post illud igitur tempus recurret insultus similis primo, & dabuntur recursus, atque circuitus ordinate sibi respondentes. Deobstruantur jam canales biliferi aliqua ex parte; eodem igitur tempore minus bilis per venas refluat; si igitur haec abripi non possit continue cum sanguine, sed haereat vasis, multo longiori tempore opus erit, antequam per cumulatam pressionem abripi possit, quam cum est in majori quantitate, cum minor illa quantitas magis transverso motui abripiendi resistat: si vero abripiatur, adhuc longiori tempore opus erit, cum eodem modo, quo fluit cum sanguine per venas jecoris, fluere possit ex arteriis in venas corporis. Quare tum expectandum erit, quousque rursus obstruantur canales biliferi, ut recursus aliquis detur, qui poterit aliquo, vel nullo ordine correspondere praecedentibus, prout illa obstructio erit major, minor, vel eadem cum illa, a qua praecedentes alii duxerunt originem. Si vero in eodem viscere jecoris detur alia canalium biliferorum insignis quantitas pariter obstructa obstructionibus, quae sint expositis similes, sed inceperint aliquanto prius, vel posterius, & utraeque reperiantur in jecore eodem tempore, manifestum est, ab unaquaque obstructione debere pendere cumulationem lentoris intra vasa sanguinis, sed prius cumulandum lentorem ab obstructione, quae prius incepit (suppositis obstructionis gradu, & vi pressionis aequalibus) posterius ab ea, quae posterius, adeoque producidos circuitus, atque recursus compositos ex duobus, qui

sibi ordinate respondebunt, si obstructiones illae non mutantur; si vero mutantur perturbate, perturbate sibi respondebunt, & si modo tollantur, modo ponantur, pariter recursus nullo alio ordine ponentur, quam quo ponuntur obstructiones; Hae autem poni ordinate poterunt, quoties eadem perseverabit quantitas sanguinis, eadem qualitas, eadem extrinseca pressio; quoties enim haec dabuntur, dabitur eadem bilis quantitas biliferos subire tentantis, atque adeo obstructionem urgentis, eamque tandem superantis: cum vero aut quantitas, aut qualitas sanguinis, aut pressio extrinseca non erunt eadem, neque idem erit nisus in obstructionem, unde nec intra idem tempus semper superabitur, adeoque nullo ordine, quandoque plurimum, quandoque minimum, quandoque nihil bilis per venas refluet, unde nullus ordo recursuum. Patet autem facile, tam in statu naturali, quam in morbofo quantitatem, & qualitatem sanguinis, & pressionem a musculis abdominis, & respirationis tantum non continue mutari posse; quod si haec ab unico solum viscere contingere possunt, quid, si in pluribus simul visceribus haec contingant? quod fieri posse manifestum est, praecipue si supponatur alteratio aliqua totius sanguinis, a quo non nisi vitiosi humores secerni possunt, & suos canales atque glandulas obstruentes. De lentore igitur manifesta res videtur. Sed perinde se res habet de liquido, quod lentori generando aptum sit; Et primo eadem supponantur, quae hactenus de obstructione unius visceris, & bilis portio per venas refluens tenaciter iis haereat ita, ut difficile divelli possit, & opus sit diuturna, atque ingenti pressione ad illam divulsionem faciendam; igitur in illa diuturna pressione, & vi poterit ex materia illa subsistente exprimi, quod liquidissimum est, & trajici in venas corporis; si igitur liquidissimum illud, & quasi spiritus lentori in sanguine producendo sit aptus, ipsum producet, & insultum excitabit cum frigore; atque hic & illud animadvertendum, vel illud liquidum posse generare lentorem, statim ac derivatur in sanguinem, ac tum insultum subito producendum, vel indigere tempore, & pluribus circulationibus, ut vel mutetur sanguis, vel ipsum liquidum, vel utrumque, & si haec necessaria sint, tum insultus excitabuntur, cum haec successerint. Interim vero lentor ille tandem abripitur in venas, & insultus corripiet ab ipso proveniens, vel cum praecesserit,

Ab influxu
liquidi len-
torem pro-
ducentis.

vel

vel successurus sit alter ille proveniens a liquido non recursurus, nisi cum obstructio, & haesio ad venas jecoris eadem dabitur, quae ordinate ac perturbate cum dari possit ex proxime expositis, patet, per solam etiam obstructionem generari posse insultum frigoris cum caeteris convenientem a lentore producto per liquidum incerto vel certo ordine recurrens. Ex quibus insuper patet, haec exposita fieri posse non solum positis pluribus locis diversis obstructionum in eodem viscere, sed unico etiam, & hunc producere posse illos quolibet insultus aut per solum lentorem, aut per solum liquidum ab ipso expressum, si ille maxime pertinax sit, vel per utrumque, si illud etiam durum divelli a vasis jecoris, atque abripi possit. Quod si haec in pluribus visceribus simul dentur, res erit adhuc facilior, & cujuscunque multiplicatis in circuitibus ordinis, aut perturbationis. Quoniam autem secundo liquidum hoc supponitur lentori producendo aptum, cujuscumodi in naturali statu reperiri non debet; igitur illud generatur vel ex sanguine vitiato, vel ex vitiatis instrumentis, vel ex utrisque: si igitur non semper vitiatus sit eodem modo sanguis, vel saltem non ordinate, nec liquidum generari ordinate poterit, similiterque si vitium in instrumentis non semper sit idem, vel non ordinate, liquidum etiam non semper eodem modo nec eodem ordine generabitur; diverso autem ordine & modo vitiari posse sanguinem patet per motus animi & corporis, cibum & potum, & hujusmodi mille: & vitia in instrumentis sunt praecipue mutatae pressiones extrinsecae, & velocitates per amplitudinem, quae obstruendo, inflectendo, premendo canales, vitiantur mille modis. Neque hoc solum de nomine, ratione scilicet ordinatae aut perturbatae generationis liquidi dabuntur insultus ordinati aut perturbati, sed insuper quoniam liquidum traductum in sanguinem poterit exigere plures circuitus ad hoc, ut sanguinem disponat ad subeundam lentoris formam, quod pro diversitate sanguinis (qui esse diversus poterit pro ratione ciborum, motuum, purgationum &c.) succedere poterit prius, posterius nullo ordine, vel ordinate, si idem quam proxime semper existat. Si vero derivationes hujusmodi liquidi a pluribus partibus ejusdem visceris, sed non eodem tempore contingant, vel a diversis visceribus haberi etiam poterit multiplicitas recursuum ordinata, vel perturbata,

Eadem a
chylo quo-
modo.

ut de iis, quae de lentore dicta sunt, patet. Et ex hic manifestum est, quod de liquidi lentorem producentis generatione per vitium sanguinis, instrumentorum, aut utriusque dictum est, dici posse, ac debere de generatione lentoris, a quo independenter ab his vitiis deduximus generationes recursum &c. Tertio autem si fieri posset, ut chylus, vel quilibet alius humor admiscendus sanguini generaretur naturalis in statu non naturali sanguinis (quod, quomodo admitti possit difficile, & periculosum assertu est) & hic humor naturalis admixtus sanguini ejus naturam subeat, & cum eam subit, mutetur in viscidum, vel liquidum lentori producendo aptum, fieri posse & hinc circuitus ordinatos, aut perturbatos: si etenim sanguis sit semper ejusdem non naturalis facultatis, & humor ille derivatus semper ejusdem naturae, semper idem interval- lum temporis requiritur ad immutandum humorem illum natu- ralem in alterum illud non naturale, quod tempus esse pote- rit dies integra, biduum, triduum, &c. si vero diversae sint naturae, alteruter, vel uterque, ratio temporum mutabitur, & fiet perturbatio circuituum; si vero humor ille naturalis di- versis temporibus ab iisdem, vel diversis partibus ducatur, & statim vel per eadem intervalla temporis non naturalem faculta- tem acquirat a sanguine non naturali, fient recursus multiplices ordinati vel perturbati, prout derivationes ordinatae vel pertur- batae erunt; quod si humores illi sint diversarum naturarum, nempe constantes ex partibus diversi generis, quarum singulae exigant diversum temporis spatium, antequam in lentorem abire possint, vel diversimode lenti sint, fient circuituum varietates prorsus incertae, ac nullius ordinis, ex quibus demum sexto deducimus, per ejusmodi productiones lentoris sive cum in- fluxu, sive sine influxu factas per derivationem lentoris, vel liquidi lentorem producentis evitari admirabilem illam tardita- tem motus, quam in superiori exposuimus, ut patet superiora percurrenti. Ulterius autem progrediendo, quoniam vel sono acutiore solum audito sensus frigoris excitatur, ut cum torno raditur, politurque aes, aut orichalchum, quo sibilo audito frigus intensum corripit, atque insuper obstupescunt dentes; sonus autem est motus corporis; dantur igitur corpora, quo- rum motu frigus excitatur in sensibus animalis absque eo, quod frigus illud lentorem sanguinis praesupponat. Si igitur detur

Ex his evi-
tatur admi-
rabilis tar-
ditas lento-
ris superioris
exposita.

Fermen-
tum frigo-
rificum ad-
misceri
quidem
pore est san-
guini, ita
ut statum
frigoris ex-

COR-

corpus aliquod etiam liquidum, cujus motus sit similis motui expositi soni, atque ita admisceatur sanguini, ut per ejusmodi mixtionem vim suam non amittat, absque ullius lentoris praesuppositione sensum frigoris excitabit. Illud tamen addimus, etiamsi per ejusmodi corpus, seu fermentum frigorificum possit frigoris sensus excitari, tamen ex illo fieri debere, ut sanguis lentescat, & coaguletur, nisi aliud quiddam impediatur. Quoniam enim fermentum illud frigus producere supponitur, igitur vis ejus vel solum sistit tremorem nervorum, per quem calor repraesentatur, vel alium illi contrarium in iisdem nervis producit; momentum autem, quo tremunt nervi tremore caloris, est ipsum momentum ignis; igitur si fermentum illud potestatem habet sistendi, vel contrario modo movendi nervos, multo magis debebit sistere calorem ipsum; per calorem autem crassiores partes sanguinis in liquido statu persistunt (cum qui sanguis reperitur liquidus in cadaveribus, aqueus plane, vel morbosus, ac putris sit) calore igitur ad quietem, & inertiam redacto sanguis cogetur, seu lentor evadet, quod etiam experientia comprobatur ad evidentiam; patet enim sanguinem naturalem frigore concrelescere. Cum igitur per fermentum illud cogatur sanguis, insultus cum frigore, & reliquis cum ipso conjunctis dari poterunt. Quia vero fluxilitas sanguinis forte non ex toto provenit a calore, vel etiamsi a calore proveniat in statu naturali, poterit inveniri non naturale aliquid, quod admixtum sanguini eundem fluxilem, liquidumque conservet, ut sal sanguinem coagulari prohibet, & calorem simul cohibeat, ut idem sal sanguinem simul liquidum, ac frigidum conservat. Hinc si fermentum tale reperiatur, quod calorem cohibeat, & in statu liquiditatis sanguinem detineat, dabuntur insultus cum frigore sine lentore sanguinis. Ut autem dentur etiam reliqua quae cum frigore conjuncta sunt, oportebit, ut per ejusmodi frigus densetur sanguis, ut debilis, submersus, & parvus sit pulsus, ut ex ipso parum spirituum separetur, similiter ut sit debilis, quod etsi forte fieri potest absque eo, quod sanguis dici debeat viscidior, durum profecto videtur, debere densari aliquid, hoc est partis magis invicem fieri proximas, & in contactum magis niti absque eo, quod per hunc majorem nitem in contactum majorem cohaesionem dicant, in qua ipsa majori cohaesione posita est ratio duritiei,

citet, sed simul sanguinem lentescere cogit nisi aliquid impediatur.

Nullus insultus cum frigore sine lentore sanguinis, nisi si quando fermentum frigorificum potest sanguinem in liquido statu detinere, ac tum

Quarum conditio-num esse debeat, ut reliqua cum frigore conjuncta succedant.

Insultus
cum frigore
&c. sine
lentore ad
arterias ca-
pillares
haerente.

cujus species est lentor. Oportet insuper, ut in hoc statu per totum tempus frigoris perduret sanguis, quo transacto necesse erit, ut sese expediat calor, & majori quidem vi vel quantitate, quam in statu naturali, ut calor augmenti, ac statu naturali major producat; quod fieri profecto potest, cum fermentum illud calore suppresso facere possit, ut subigatur sensim, atque solvatur sanguis, ac tandem magna caloris pars erumpat cum impetu. Primum autem illud eo videtur durius, quod a motus debilitate, quae cum frigore conjuncta est, videtur satis proxima generatio lentoris in sanguine. Caetera vero quoad ordinem partium, ad quas prius se exerit frigus majus, aut minus cum omnibus reliquis conjunctis, necessario pendere possunt ab illo fermento, ut facile patet perpendiculari demonstrationem Propositionis 18. His igitur positis conditionibus dabitur insultuum cum frigore & conjunctis reliquis generandorum ratio, quae necessario non pendeat a lentore ad capillares arterias haerente, quae omnia primo loco ostendenda poposuimus.

Secunda pars tota patet ex demonstratione primae; quaecunque enim singillatim in hac pronunciantur, atque ostenduntur, pronuncianda eodem modo, atque ostendenda in secunda mutando lentorem cum frigore in lentorem cum calore, & hujus insultus pariter patebit fieri non solum posse per eundem lentorem saepius lento motu per venas in arterias recurrentem, verum per absorptionem ejusdem in singulis insultibus, perseverante solum aestu & agitatione sanguinis ad usque novum insultum, qui fiat per cumulationem novi lentoris intra vasa sanguinis, vel intra eadem geniti, vel aliunde derivati cum omnibus diversitatibus quoad ordines recursuum simplices, multiplices, & quomodolibet perturbatos, similiterque ostendatur, posse insultus cum calore pendere non a lentore, sed a liquido calorem solvente absque eo, quod reliquum sanguinis fiat lentius, unde patebit universa secunda pars. Patet igitur propositio tota.

Corollarium.

QUoniam itaque possibile est, insultus cum frigore aut calore produci per eundem lentorem saepius per venas in arterias recurrentem, possibile produci per absorptionem
ejus

ejus ad insultus singulos, & cumulationem novi pariter ad singulos; si igitur detur casus, quo fiat, ut aliquis insultus contingat per cumulationem novi lentoris, lentore interim alium insultum producturo, vel qui alium produxerit non absumto, vel non absumendo, vel novus lentor ad insultum non absumatur totus; sed ipsius pars aliqua per venas derivetur in arterias, fieri facile poterit multiplicitas recursuum ordinata, perturbata, prout tempora recursus ejusdem lentoris miscebuntur cum temporibus cumulationum alterius, & recursuum partium ejusdem, & multo major esse poterit multiplicitas recursuum, & perturbatio, si cumulationes novorum lentorum fiunt diversis temporibus, diversis a partibus veniant, diversae sint quantitatis & qualitatis.

PROPOSITIO XXI.

Selecta quaedam, quae necessario producuntur in corpore ab utroque vitio sanguinis superius exposito, lentore scilicet qui cum frigore, & eo, qui cum calore corripit.

ET si in proxima ostensum est, frigoris & caloris insultus conjunctos cum reliquis, quae in superioribus enumeravimus, pendere posse etiam a liquidis frigus, aut calorem producentibus absque lentore sanguinis, atque ideo si ordinate procedendum esset ad inquisitionem eorum, quae in frigore & calore generantur, jure quis existimaret, de utroque modo producendi caloris & frigoris ratiocinandum esse, quid nempe sequatur in corpore, cum frigus a lentore provenit, quid cum a liquido, seu fermento frigorifico, similiterque de calore perpendendam rem; quia tamen & quae ad examen revocavimus hactenus, & quae in hac propositione exposituri sumus, ad explicationem febrium inquirimus, quae, ut in secuturis propositionibus patebit, ex suis antecedentibus, conjunctis, & consequentibus nihil aliud deducere permittunt, quam ipsas oriri potius a lentore, quam a liquido; hinc solum perpendendum hic esse judicavimus, quid in corpore succedat in frigore, & calore a lentore pendentibus; non autem a liquido. Quoniam itaque sive calor praecedente frigore succedat, sive invadat nulla ejus praecessione, semper est calor unius, atque ejus-

ejusdem naturae, atque ejusdem semper in operando rationis: non erit itaque sejungendus, & veluti distinguendus calor sine praeceffione frigoris corripuens a calore cum praeceffione frigoris invadente, quoad operandi rationem, adeoque ab utroque pendebunt eadem, nec perpendendum erit aliud, quam frigus, & calor, seu quid necessario contingat in corpore toto tempore, quo durat frigus, & toto tempore, quo durat calor, sive hic succedat frigori, sive ex se corripiat. Sit itaque primo lentor cum frigore corripuens tam viscidus, ut per mille occurfus in plexibus piaë Matris satis dissolvi non possit, unde minor quantitas spirituum ex ipso deducatur, & hæc minor quantitas eo usque redigatur, ut obeundis sensuum operationibus non sufficiat, vel producat spirituum natura lentior, hoc ipso de nomine sensibus movendis non idonea, vel sit quantitas quidem major, & naturali proxima, vel aequalis; sed sit lentor cum aquea humiditate permixtus, qua cerebrum nimis humescat, seu flaccescant nervi, manifestum est ex doctrina sensuum, his omnibus de causis detinendum corpus in quodam statu, qualis dormientium, adeoque a frigore illo correptum dormire judicandum, quod eo facilius continget, quod idem dormire visus etiam difficulter movebitur propter defectum spirituum, vel minorem eorum vim ab admixtione lentoris, vel aqueae humiditatis. Accidet autem inter hæc aliud quiddam, quod videbitur magis admirabile, eritque tremor, vel concussio corporis in eo ipso statu somni, quod nihil aliud erit, quam tremor superius expositus factus sine sensu ab incerto & inaequabili influxu liquidi per nervos, & sanguinis in villos hujus aut illius musculi. Hac ipsa de causa producet stupor mentis, quoties scilicet vel minor erit copia spirituum, vel aquosior, vel lentior; eodem enim modo, quo undae per nervos sensuum prohibentur in quolibet eorum statuum, prohibentur similiter in toto cerebro, quæ cum necessariæ sint ad operationes animi, mens operari non poterit, seu stupebit, instrumentis interim sensuum externorum bene se habentibus. Sed & conversum facile dari poterit, nempe ut vitientur, vel omnino aboleantur aliquis vel omnes externi sensus integra interim manente mente, & secundum rationem operante: esto enim lentor ille casu ad hanc vel illam arteriam, vel arteriarum plexum, ac multitudinem cumulatus in majori quantitate, & sint illæ arteriæ advolutæ,

▲ frigore
in capite.

Similitudo
somni, &
in ipso con-
cussiones.

Stupor
mentis be-
ne se ha-
bentibus
externis
sensibus.

Vitiati, vel
aboliti sen-
sus externi
cum inte-
gra mente.

im-

implicatae, circumductae ad contactum nervi auditorii, visorii, gustatorii &c. Igitur per continuum affluxum novi sanguinis infarciuntur magis eadem arteriae, magisque earum tunicae trudentur extrorsum, & comprimetur nervus ad contactum positus, vel comprehensus, quousque demum fieri poterit per diuturniorem impactionem, ut nervus ex toto comprimatur, & motum spirituum impediatur, vel eundem prohibeat, etiamsi per pressionem illam non prematur ex toto. Hinc igitur fiet, ut quis subito obaudiat, vel surdus fiat, non videat, sapores non gustet, atque ita deinceps; cessante autem frigore subito ad sensus redeat, expresso lentore in venas. Simili de necessitate patet, possibilem esse in hoc aut illo musculo, nulla lege atque ordine privationem motus, si nempe vel deficiant qualibet de causis expositis spiritus animales, vel sanguis ita impactus sit in arteriis hujus aut illius musculi, ut nihil sanguinis intra sinulos villorum hunc aut illum musculum componentium derivari possit. Sed & Delirium posita minori quantitate spirituum dabitur; per eam enim minorem copiam apte institui undae non poterunt, nempe non concipient aptos impetus, sed exilient quaquaversum, unde excitationes specierum minime cohaerentium, seu delirium: idem dari poterit, si per validiorem pressionem magis pertinacis lentoris generentur spiritus maxime liberi, & ex se ipsis quaquaversum nitentes, atque erumpentes, & has aut illas species dimoventes incerto tempore, & solo casu: idem, si lentor magis contumax tale frigus etiam intra cerebrum excitet, ut vel ipsius villi veluti dirigeant, ac tensi persistant, quo autem tempore in tensionem illam veniunt, actu moveatur aliqua species; in ea igitur nervorum parte, quae illius speciei motu movetur, minus tendetur, seu dirigebit; quare quicquid est spirituum post tensionem nervorum intra ipsos motum facile quasi per lubricum dilabatur ad usque illius speciei flexionem, quae dimotioni minus resistit, eamque proinde dimovebit, seu delirium producet. Si vero vel major lentoris copia ad cerebrum, vel minor quidem copia, sed contumacior cumuletur, ita ut neque per superaffluxum sanguinis, neque per proprium nifum particularum sese expedire, & avolare, aut fluere nitentium, solvi ille, & in venas derivari queat, fiet trusio arteriarum extrorsum major, sive tumor insignior etiam post frigus durans,

Paralyfis sine motu in quolibet musculo.

Delirium.

Principium phrenitidis.

Dolor Capitis.

Vigiliae.
Haemorrhagia per nares, aures, faciem, oculos.

Habitus totius corporis quasi cadaveris non succedente deinde morte, sed calore, & vitae protractione.

a cujus cessatione cum invadat calor cum affluxu sanguinis velocioris & calidioris, si neque per hunc solvi, aut trudi sanguis in venas possit, fiet tumor adhuc major, atque calidior a sanguine, seu fiet inflammatio, vel Phrenitis, cujus proinde principium a frigore. Sed & Dolor Capitis succedet facile tendens, pulsans, gravans, pungens etiam: & tendens quidem a lentore infarciendo arterias, hoc est, propter trusionem extrorsum ipsas extendente, seu tendente: pulsans ab eo ipso lentore, subsistente prohibente praeterfluxum affluentis sanguinis, & ipsum proinde cogente, ut vivide magis trumat arterias, quibus occurrit: gravans, si cumulatio lentoris sit major: pungens, si cum illo lentore sit admixtum quid acre vellicans ac titillans. Cum vero non naturaliter se habente sanguine, ut quando est cum lentore conjunctus, vel ad ipsum dispositus, humores alimentitii vel non generentur, vel non ex toto naturales, atque insuper a calore, qui frigori succedit, facile absumi possit aquea etiam humiditas non alens quidem, sed humefaciens partes solidas, & ab utrisque somnus: igitur etiam in frigore Vigiliae perdurare poterunt. Sit vero obstructio a lentore in aliquo vase intra aut extra Cranium contumax, ita ut sanguis superaffluens valide in arteriam illam nitatur, refluere ille cogetur, & niti in arterias proximas quaquaversum, unde si occurrat alicui vitio, vel natura debiliori, vel magis capillari, hoc est tenuiorum membranarum, ita ut sustinere impetum illum non possit, disrumpetur illa, & sanguis effluet, seu fiet Haemorrhagia, & si quidem arteria illa fuerit in Auribus, Oculis &c. fiet Haemorrhagia earum partium, & fieri posse eodem modo patet disruptionem illius arteriae, quae lentore infarta est, si resistere nisiui sanguinis superaffluentis non valeat. Sit jam lentor tantus, ut vasa Cerebri etiam infarciat, ac tam contumax & suis haerens partibus, ut per mille occurfus in plexibus Piae Matris solvi non possit, atque inde fiat, ut nulli spiritus animales fluant per nervos, vel quia nulli generari possint propter lentorem sanguinis, vel quia etsi caeteroquin saltem in minori aliqua quantitate generarentur, ita prematur cerebrum ab illo infartu lentoris, ut derivari in nervos plane oclusos non possit, erit in hoc statu intensum frigus corporis, erit enim lentor lentissimus, ac maxime pertinax, & suppressus motus, ac sensus omnis,

mnis,

mnis, seu se habebit corpus quasi cadaver, quod etiam esse poterit rigidum, seu tensum partibus ad articulationem non nisi difficillime flexibilibus, humoribus aqueis, & lympa prae frigore gelatis, contractisque eadem de causa, ac tensis villis omnibus: supprimeretur itaque respiratio, & motus cordis, adeoque per hujus motum agitari sanguis rursus non poterit, & facilis erit hinc in mortem transitus. Quia vero ex iis, quae in primis Corollariis Propositionis 26. primae partis Nostrae Respirationis ostendimus, etiam suppresso motu sanguinis potest animal per incertum temporis spatium conservari absque eo, quod moriatur, licet mortuum videatur, nec moriturum, imo ad se, & vitae operationem reversurum, si intra illud spatium temporis humores quiescentes ex se ipsis fermentescant, & in motum agantur; si igitur lentor, antequam ita corrumpatur, ut a natura sanguinis vitae conservandae apti desciscat, solvatur, corpus, quod mortuum & cadaver videbatur, in calorem veniet, & vitam protrahere poterit. Esto jam idem lentor ita infartus ad arteriolas deferentes materiam salivae ad glandulas oris & faucium, ut nihil salivae per eas glandulas a sanguine secerni possit; nullus igitur dabitur affluxus humidi ad easdem partes, quare fiet earundem siccitas, & ejus siccitatis sensus, sive Sitis: sit igitur reliquum corporis non arefactum, nempe vel sua plane naturali lympa irrigatum, vel magis aqueo lentore perfusum; non igitur dabitur per reliquum corporis siccitatis sensus, seu sitis universalis. Quod si lentor sit minus tenax, separari poterit per ejus lentum fluxum in glandulis salivalibus portio ipsius minus viscida, sed naturali saliva viscidior, quae derivabitur in os & fauces, iisque partibus adhaerebit, & prout erit hujus aut illius naturae, etiam poterit diversimode colorari, quae colorum diversitas fieri non potest, ut ad certam aliquam legem redigatur. Hinc fiet Lingua arida, aspera, tensis & exsiccatis pilis per ejus superficiem assurgentibus, qui cedentes fiunt ab affluxu salivalis humidi; nigra a subtus stagnante lentore, vel illitu vaporum bilis a ventriculo, qui cum erunt exiguae quantitatis, hoc est, in tenuissimam laminam extensi linguam tingent virore debili, qui sensim saturabitur in pallidum atque aerugineum, ac demum nigrum desinens, quae seligere ex Capitis affectionibus in frigore visum est. Quoniam vero crassissimae omnium ossium

Sitis ad os, fauces sine ullo sensu siccitatis, aut ardoris in reliquo corpore.

Viscidum linguae & faucibus haerens diversimode coloratum.

Lingua aspera, nigra, viridis &c.

In Spina
frigus et-
iam inten-
sius durans
per tempus
succeedentis
caloris,
imo ad plu-
res ultra
dies.

sunt vertebrae, & minus moventur reliquis, & per singulos ipsarum sinulos intimos distribuuntur capillares arteriolarum ramuli, nec ulla est interius lateralis circumpressio, & minima ad ramos majores intro subeuntis tum propter minimum vertebrarum motum, cum propter vim musculorum minimam; igitur lentor in crassitiem illam ossium distributus per ramulos carentes pressione ad se ipsos, & ramos majores, difficiliter ita urgebitur, ut abripi ex arteriis, & derivari in venas possit. Quare si fuerit tenacior, & validius haerens membranis, non solum postquam cessavit frigus per reliquum corpus, verum postquam ipsum totum corripuit atque vexavit insignis calor, frigus in Spina tota percipietur, cujus sensus poterit etiam ad plures ac plures dies produci, prout lentor ille vel diuturniorem exigit pressionem, ut fluat in venas, vel si sit incapax illius fluxus, expectare debeat, quousque vel ex se ipso fermentescat, atque ita liquecat, & in venas fluat, vel in perspirationem resolvatur. Hanc autem durationem frigoris ad Spinam non posse pendere a sanguine in truncis Venae Cavae contento, facile patet; primo etenim patet ex superioribus Propositionibus, ab ordine, quo frigus invadit, deducendum esse, in iis primo partibus sentiri frigus, ad quas capillares ramuli perducuntur, & in truncis canalium lentorem esse ruditer permixtum liquidori sanguini, adeoque ab hoc liquidiori calorem solvi, & expirare; qui sensum frigoris impedit. Secundo vero, cum certum sit, cessante frigore sanguinem etiam in truncis canalium contentum calidum esse; si igitur sensus frigoris in Spina a sanguine truncorum proveniret, eodem sanguine incalescente deberet Spinae frigus evanescere, quod tamen non semper succedit. Sed neque provenit a vasis per spinalem medullam productis; illa enim per eam ducuntur non secus, ac per cerebrum, nempe sibi occurrunt millies, adeoque lentorem solvunt; adde, quod tam insigne frigus, atque ad plures, ut non raro fit, dies protractum concrescere cogeret liquidum nervorum, vel saltem certo prohiberet influxum sanguinis ad glandulas medullae (prohibente eum influxum lentore infarciendo vasa) unde in partibus, ad quas nervi ex spinali medulla ducuntur, aliqua privatio, vel vitiatio sensus, aut motus, aut utriusque, quod non contingit: quare patet propositum. In Pectore autem succedet facile Tremor

Cor-

Cordis rarior, frequentior, prout rarius, frequentius influit in ipsius vasa lentor eo ordine, quem exposuimus in tremore quorumlibet musculorum in superioribus: si vero lentor vel infar-
In Pedore tremor cordis, & intermissio pulsus.
 ciat ita, vel ita haereat arteriis, ut longiusculum tempus exigat, antequam in villos cordis possit excidere, vel premat nervos arteriarum comites, aut sinulum quemlibet subeuntes, vel liquidum ipsum per similem pressionem in Cerebro non influat in nervos cordis, vel crassius sit, adeoque tardius excidens, & harum aliqua de causa fiat, ut cor contrahi alterne non possit intra naturale temporis spatium, Pulsus intermittens fiet. Sed etsi lentor fuerit tantus, ac tam universalis toti corpori, ut minimum sanguinis refluat in venas, quo fiat, ut ejus fluxus non sit continuus, nec totum pulmonem impellat, adeoque non semper, cum cor restituitur, praesto sit quantitas aliqua sanguinis ad auriculas, poterit cor contrahi absque eo, quod pulsus in arteriis contingat. Hinc Syncope, Virium lapsus &c. Quoniam ve-
Syncope &c.
 ro sanguis est viscidus in frigore, igitur fluet quidem per pulmones facile ad usque certum lentoris gradum, sed si illum gradum excedat, fluet per eosdem difficiliter, seu subsistet, & illud sensum molestum, ac fastidiosum excitabit in animali, cui amovendo per assuetudinem didicimus opus esse magna respiratione, ac profunda, seu suspiriosa, qua siquidem fiat, ut
Suspiria.
 lentor ille subsistens loco moveatur, & in Venam pulmonariam abripiatur, bene se habebit pulmo, & nihil inde succedet mali; si vero firmitus haereat, & abripi non possit, arteriolae magis ac magis trudentur extrorsum a continue superaffluente sanguine, qui succedente calore calorem pariter concipiet, & fiet Inflammatio. Quod si vel nimia lentoris copia, vel virium consumptione, vel si quae est alia superius exposita causa mortis in frigore, quis in frigore moriatur, facile erit, & plerumque continget, inveniri in pulmonibus ad superficiem, atque intime variegationes ex duro, livido, ac nigro sanguine arbuscularum instar; erit enim ille lentor, qui tunc temporis per pulmones fluebat, qui idem crassior, compactior, atque haerens firmitus membranis prohibendo sanguinis circuitum potest ex se ipso mortem inferre. In Abdomine autem
In abdomine.
 cum plurima viscera reperiantur, in quibus humores a sanguine
ne.
 secernuntur; frigoris autem tempore lentior ille est, tum igitur in singulis non separabitur naturalis humor, sed qualis ab
ipso

In Jecore
bilis aut
naturali
crassior, aut
liquidior.

Similiter se
habet
succus ven-
triculi, hu-
mor pan-
creatis,
mucus in-
testinorum,
quicquid
secernitur
in liene.
Urina te-
nuis, cru-
da, pauca.

Cardialgia,
Singultus,
Nausea,
Vomitus.
Oris ama-
ritudo, Fa-
mis non
naturalis
sensus,

ipso lentore proveniens. Itaque in Jecore vel tarditas, quae movetur sanguis, conjuncta cum lentore ejus tanta est, ut discernendae bili possit sufficere, & propter lentorem sanguinis naturali majorem erit & bilis crassior, vel si tarditas illa cum illo lentore conjuncta minor est, quam quae requiritur ad ipsam cum tota sua visciditate ab eodem sanguine sejungendam, & in canales biliarios derivandam, & exprimitur solum, quod est in bile tenuissimum, ac facile fluxile, producenturque bilis tenuior, utraque plurimum inficiet, & plurimum operabitur: tenuis quidem propter mobilitatem suam, quae erit veluti bilis spiritus; crassa propter multitudinem partium, quam in parva mole continebit. Similis erit generatio humorum in quolibet alia parte abdominis, sic vitiabitur alterutra ratione succus, qui in Ventriculi glandulis secernitur, sic humor Pancreatis, sic qui in glandulis Intestinalibus, sic quicquid illud est, quod separatur in Liene, & si qui sunt alii humores, qui ab aliis glandulis intra Abdomen contentis proveniant. Quoniam vero urina est quid ex partibus terreis salinisque constans, & maxime aqueis, quarum illae difficillimi motus sunt, utpote maxime siccae; hae autem facillimi fluxus, sed frigore coagulabiles, & cum viscidis, ac lentis mixtiles; illae igitur posito lento sanguine, qualis in frigore, minus facile sese expedient ab undecunque occurrentibus viscidis partibus lentoris, eoque magis, quod eo statu temporis vel pressio minor est, si sanguis libere fluere per renes supponatur, cum ejus motus sit tardior, vel si subsistit, tanta esse debeat, ut sit naturali major, magis comprimens, & vinciens partes duras, minusque mobiles; hae autem ipsae sunt, quae urinam inficiunt, & concoctionis speciem exhibent; igitur urina, quae redditur tempore frigoris, cruda erit; fluet igitur solum quod in aqua liquidissimum est, adeoque erit etiam tenuis subsistentibus ejus crassioribus partibus ad partes viscidas, quae proinde cum definit una cum terreis, ac salinis partibus, fiet urinae quantitas minor, sed paucior. Cum itaque succus ventriculi diversus a naturali generetur; quando igitur e glandulis exprimitur in ventriculum, sensum non naturalem producet, neque erit hic, qualis sensus famis in ventriculo, nisi cum hic succus ejus fuerit conditionis, & ipsum afficiat eodem modo, quo Fames, cum omnia in ventriculo contenta naturaliter se habent. Itaque prout hic solus hu-

humor erit viscidus, aut acer, aut erodens, aut sese intrudens in membranas, fiet sensus in ventriculo cujusdam rei, quasi lingentis, seu laevi superficie se ducentis ad superficiem ventriculi, vel alicujus erosionis, punctiōis &c. unde Dolor, Cardialgia, Singultus. Sed a bile sola haec eadem provenient, sit enim illa vel tam viscida, ut subsistat ad superficiem intestinorum proxime ab emissario, nec superare propter haesionem ad membranas possit resistantiam contractorum intestinorum; fluat autem interim continue intra ipsa, implebit longitudinem duodeni, & derivabitur in amplitudinem ventriculi, ubi eosdem doloris sensus &c. producere poterit: & eadem derivatio continget posita bile minus viscida, sed intestinis valide contractis, ut in intenso frigore sit, vel ob frigus, vel ob tremorem. Traducta igitur bile intra ventriculum partes ejus tenuiores per Oesophagi superficiem repent, ut liquida per filtrum, & amaritiam ad palatum & linguam parient, easque partes suis coloribus inficient. In hoc igitur statu non naturali ventriculi si ve per affluxum sui succi non naturalis, si ve per affluxum bilis, si ve utriusque liquidi, non solum dabitur in cibum propensio, si non detur sensus famis, sed dabitur ejus averratio, cum detur intra ventriculum id, quod ipsum ventriculum afficit, nec affectiones ventriculi tollere per assumptionem ciborum assueverimus, sed per Singultum, aut Vomitus, aut nihil assumendo, & nihil operando in ipsum ventriculum, & tibi quilibet tum assumpti vexent intensius, unde fiet Nausea, quae, si humores collecti copiosiores fuerint, ita ut per quemlibet levem motum contractivum ventriculi per fauces & os extrudi possint, vel ita vellicantes etsi minoris quantitatis, ut musculus ventriculi in validam contractionem cogant, Nausea mutabitur in Vomitus solius bilis cujusunque generis aut coloris, prout haec sola intra ventriculum collecta fuerit, vel aliorum humorum simul, si etiam alii in eundem fuerint derivati. Sit jam humor quilibet si ve ventriculi, si ve pancreatis, si ve jecoris, si ve intestinorum, qui in intestina derivetur vel in majori quantitate, vel in minori, & inveniatur in intestina minus constricta, neque sit tam viscidus, ut subsistat, effluet igitur ille naturali modo, & Alvi fluxum producet. Sint Alvi fluxus. constricta etiam, quantitas autem si tanta, ut molis suae momento superet vim constrictionis, dilatabit igitur, si ve distra-

het,

het, & fluet, qua poterit. Et siquidem proximior fuerit ventriculo, in ipsum derivabitur, & reddi per vomitum poterit; si vero longitudo intestinorum major ipsi superanda sit, & contra majorem pressionem nitendum, quae a diaphragmate in intestinis ventriculo proximis viget, trudetur deorsum, & Alvi fluxus fiet. Sed sint similiter constricta, & quantitas sit exigua, ita ut momento suae molis intestina distrahere non possit; sed sit tam acris, tam tenuis, adeoque tanto nitens impetu vel insito, vel a pressionibus concepto, vel ab utrisque, ut intestina possit dilatare, fiet Alvi fluxus, ut patet, eodem modo, atque eadem plane necessitate, atque esse poterunt ejusmodi fluxus cujuscunque generis, firmitatis, & coloris humorum, ut ex se patet. Detur autem lentor quilibet etiam non ita tenax, qui perducatur ad aliquam partem vel naturaliter debilem, vel aliquo vitio anteaecto, vel assuetudine, atque inde fiat, ut lentor ille exprimi ex arteriis ejus, atque abripi in venas non possit, quantumcunque prematur; exprimetur tum quicquid est liquidissimum, vel magis compingetur cum reliquis partibus, & utroque nomine fiet durities, quae si superari non possit a superaffluxu sanguinis etiam in calore, abibit in tumorem propter continuum affluxum, & durum propter expressionem liquidissimae partis, vel ejus compactionem, fietque veluti Scirrhus hic illic nulla lege, vel si concipere calorem possit, ac fermentescere, sed non resolvi subito, fiet Inflammatio; atque ita de caeteris humoribus. Quod si hic idem lentor, & tumorum rudimenta ita ad nervos musculorum, villos, vel arterias colligantur, ut prohibeant, ne liquidum nervorum, sanguis, aut utrumque liquidum influant in villos, vel ne villi excipere possint aut nimis pressi, atque occlusi, aut eodem lentore infarti, fiet Paralysis ejus musculi, cujus nervo, arteriae, vel villis isthaec contingunt perpetua, si tumor resolvi non possit ad tempus: si solvi, duratura nempe, quousque non solvitur; si vero ita nervum afficiat, ut liquidum per ipsum undatim fluere nequeat, fiet Paralysis etiam sine sensu, quod, ut in Doctrina Sensuum, ex sola pressione potest contingere. Si insuper ille lentor ad aliquam partem corporis fermentescat, ideoque fluxilior evadat, unde per ulteriorem pressionem e vasis extillare ad cutem, vel superficiem viscerum pertinentibus, aut exsudare possit, vel sine fermentatione ali-

In qualibet parte corporis sine lege principia tremorum.

Paralysis particularis.

Maculae, pustulae &c.

aliquae ejusdem lentoris partes similiter exsudent, aut exstillent, & deductae inter villos cutis, vel inter cuticulam & cutim, vel inter villos cuticulae, sint ejus naturae, ut sine alia fermentatione partes tenuissimae ac liquidissimae perspirent, subsistentibus solum duris ac fixis, eaeque sint tam exiguae quantitatis, ut tumorem producere non possint; sint tamen alicujus coloris, Maculae generabuntur aut ad superficiem corporis, aut viscerum, quae similiter producentur, si illa exstillata materies cum nullis liquidis ac tenuibus partibus permixta sit; sed ex fixis, ac duris solummodo constans; si vero materies illa sit ulterius fermentescens, nec subito perspirabilis, collecta inter villos earundem partium ipsos, ut majus sibi spatium faciat, cum fermentescit, distrahet, & in Tumorem, seu Pustulam attolletur diversimode coloratam, prout materies illa diversimode colorata est, etiam cum inter villos derivatur, vel eos colores subit, dum magis fermentescit. Sed eadem pustulae producentur absque ulteriori fermentatione, si materiei intra villos perductae affluxus diutius protrahatur, ita ut sola majoris quantitatis vis distrahat villos, ut suo incremento majorem, seu ampliorem locum faciat. Postremo, si ejus naturae sit idem lentor, ut per ulteriorem pressionem a continue superaffluente sanguine, vel solutione, quam in illo pressionis & haesionis statu moliantur, ac faciant aliquae ipsius partes, ichor aliquis ex ipso exprimatur, nempe tenuissimus aliquis humor per glandulas sudoris naturali more transiens; vel e poris effluens perspirando absque eo, quod in glandulis separetur, & firmitate, ac perspicuitate sudori similis, dicetur pars illa sudare, ex cujus poris effluet humor ille, etsi id contingat lentori per universum corpus disperso, quod est pariter possibile, totum corpus videbitur sudare sudore frigido tempore frigoris. Id autem contingere posse videtur facile, si corpus laboret Scabie, vel quolibet alio morbi genere, ex quo certi sumus, scatere sanguinem salinis partibus; fundet enim sal magis, & frigus conciliabit intensius. Corpore autem sic per lentorem frigidum, sanguineque affectis manifestum est ex expositis, alimentum naturale nec reperiri in vasis, nec generari rursus posse, quare dabitur alimenti privatio; non tamen ideo dabitur sensus famis, licet non solum alimentum desit, verum insuper continue, ac magis, quo diutius protrahitur status ille non naturalis, absuma-

Sudor frigidus, qui etiam.

In toto corpore.

Alimenti privatio sine sensu famis.

tur aliquid corporis caeteroquin non absumendum, quod si absumeretur in naturali statu, sensum majoris famis produceret: cum etenim per vim morbi debilitatem corporis solum sentire judicemus, haec debilitas, quae caeteroquin etiam in sensu famis continetur, ad necessitatem alimenti non reducitur a nobis, sed violentiae morbi tribuitur, cum desit fastidiosus ille sensus in ventriculo, quem dari in vera fame per assuetudinem didicimus, unde illam neque ullo pacto dari posse nobiscum constituimus, nisi detur ille sensus. Cum itaque in statu, quem supponimus, detur quidem exhaustio corporis, deturque debilitas etiam, quae solum ab illa exhaustione debet provenire, etiamsi supponatur, ex iis fieri sensum exacte eundem, qui in universo corpore fit in naturali fame; quia tamen hic conjunctus non est cum illo sensu in ventriculo, quem ex assuetudine necessarium supponimus ad veram famem constitutendam, fit alimenti privatio per universum corpus sine sensu famis. Sed neque illud admittendum videtur, sensum ab exhaustione corporis in frigore esse plane eundem cum eo, qui fit in universo corpore in naturali fame; cum etenim longe alius sit humorum, ac partium solidarum status, sensus, qui ex utrarumque motibus confurgit, idem esse non potest, & haec se legisse sufficiat ex iis, quae contingant oportet in corpore, dum frigus urget.

A calore in
Capite De-
lirium.

A calore succedet facile Delirium vel a siccitate nimia, vel nimio aestu proveniens; calor enim intensior humidum absumit, quod eo ipsi erit facilius, si lentor supponatur in sanguine, cum quo haereat humiditas, vel lentor sit ficior, hoc est, sanguis totus jam ficior evaserit; absumetur igitur tum facilius quicquid humidi est reliquum, & nervi exsiccabuntur supra quam possint cuilibet specierum motui obtemperare, & ad earum undas premere; sed opus erit certis viribus, quae non reperientur in quarumlibet specierum motibus, sed certarum solummodo, nec cohaerentium; quod si dum siccantur, aliquo tremore tremuerint, ad partes tunc temporis flexas minus dirigebunt, eruntque ibi maxime mobiles, & omnis species alio loco caeteroquin flexiones excitatura ad illas ipsas dilabatur quasi per lubricum; & ejusdem rei delirium excitabitur. Quod si haec summa siccitas desit; a caloris autem vi fit nimia spirituum libertas, hi quaquaversum expirando, & in nervos nitendo nulla lege, aut ordine excitabunt has, aut il-

illas species pariter sine lege, & producetur Delirium plurimum rerum minime cohaerentium. Utroque de nomine producentur Vigiliae contumaces, atque perpetuae; siccitas enim sanguinis a nimio calore producta, & conservata nihil humidi suppeditabit nervis reliquisque partibus solidis, unde humescere, & ad motum minus agiles reddi possint, neque humidum quid suppeditabit spiritibus, quo fiant crassiores, & minus vividi, hoc est, minus violenter sese expandentes intra musculos, & reliquas partes titillantes, ex quibus omnibus motus vividiores somno contrarii. Sed & in calore dari poterit habitudo corporis, qualis dormientium, sine sensu scilicet, atque motu, & id continget quidem, si calor cum lentore conjunctus supponatur, quoties lentor ille cerebri canales obstruxerit, ita ut sanguis ad glandulas spirituum formatrices pertingere non possit; vel si iidem sint ita infarti, & trusi extrorsum, ut quanquam fluere per ipsos possit aliquid sanguinis, tamen ab infartu illo cerebrum ita prematur, ut generatio, & fluxus spirituum prohibeatur. Si vero calor supponatur sine lentore saltem in cerebro, quoties eo usque processerit caloris vis, ut sanguinem ita tenuaverit, ut expiraverit ex ipso, quicquid ad sensus & motus excitandos aptum est; sive expiraverit illud per insensilem perspirationem nullo praestito naturae nisu, sive perspiraverit post excitatos motus musculorum, & undas specierum, tum relinquetur corpus animalis prorsus iners, ac sine sensu, & dormire etiam quietissime iudicabitur: erit enim pulsus ac respiratio plane placidissima propter minimam vim spirituum ad minimam quantitatem redactorum, & sine insomniis, aut perturbantibus, aut delirii speciem praeseferentibus eadem de causa. Fieri autem possunt inter haec Concussiones corporis, si scilicet minima quantitate spirituum fiat, ut superari ab ipsa non possit resistentia a constrictis nervis proveniens, sed antequam ipsi excidere possint in villos musculorum, expectandum sit longiusculum tempus, ad cuius finem excidant demum, & cum aciores sint, & vehementioris effusionis, subito & valide contrahent, quod cum succedere possit in his, aut illis nervis nullo ordine, haec subita, violenta contractio dari poterit in his, aut illis musculis nulla lege, unde Concussiones, aut tremores partium, & corporis etiam universi. Sint jam per calorem nimium spiritus, aut eo-

Vigiliae

Somni similitudo, & in illo concussiones.

Stupor
mentis be-
ne se ha-
bentibus
externis
sensibus, &
e converso.

Paralyfis.

Dolor, &
quaedam
velut inani-
tas capitis.

Phrenitis.

rum materies eo usque consumpta ut non sufficiant operatio-
nibus animi, stupebit Mens; si tamen detur tanto eorum
quantitas, ut inserviat, atque sufficiat implendis nervis sen-
suum, & levem aliquam undationem excitandam per vim ex-
ternarum specierum etiam in cerebro, bene operabuntur sen-
sus externi. Si vero quantitas spirituum sufficiat operatio-
nibus mentis, calor autem respectu exilium filamentorum,
cujusmodi sunt nervi sensuum ad totum cerebrum comparati,
nimius ex eadem exsiccat, vel spiritus continue per ipsa fluen-
tes perspirare cogat, tum dabitur Mentis integritas cum vi-
tio, vel suppressione sensuum externorum. Per hanc exsic-
cationem, vel perspirationem spirituum fieri poterit Paralyfis
quaelibet particularis, universalis, perfecta, imperfecta; &
prima quidem, si per calorem siccetur nervus, vel arteria,
vel utraque deferens ad musculum aliquem sensum, aut mo-
tum, aut utrumque, vel spiritus evaporare cogantur, ante-
quam in villos excidant: & pars illa resoluta permanebit, quo-
usque canales illi suae naturae non restituentur; universalis ve-
ro, si ea ipsa contingant nervis omnibus. Continget Dolor
pungens ob solutionem sanguinis in partes quaslibet maxime
mobiles, ac penetrantes propter calorem: pulsans, cum et-
enim a calore sanguis maxime rareseat, majus sibi spatium exi-
get intra arterias, easque trudet majori cum impetu, unde
ipsarum membranas violenter distrahet, seu dolore excitabit
cum pulsu; hinc etiam fiet tendens propter eandem distra-
ctionem: quod si cum his cumuletur lentor, dabitur ab ejus
copia dolor gravans. Si vero non adsit copia spirituum cere-
brum in sua tensione, & vi filamentorum detinens, unde su-
pra se ipsos concidant, & ad contactum veniant, excitabitur
earum affectionum sensus, & dicemus nos sentire illud in Capi-
te, quod sentire dicimus in partibus omnibus cavis, cum con-
tento corpore destituuntur, nempe evacuari, & inania esse,
& quandam inanitatem Capitis sentire nos dicemus. Ab eo-
dem calore nimio Phrenitis facile proveniet; cum etenim rare-
seat a calore sanguis; igitur ad angustias arteriolarum capilla-
rium cogetur quasi subsistere praeterfluente interim subtilissi-
mo, unde ibidem cumulabitur successive major quantitas par-
tis minus fluxilis, quae in tumorem attollet arteriam, eaque
pars minus fluxilis propter calorem admixtum inflammationem

facile producet, quae eo magis necessario succedet, si ille calor conjunctus sit cum lentore suo, ut ex superioribus patet. Ex hac ipsa rarefactione sanguinis provenire poterit Haemorrhagia per quamlibet partem; si etenim, dum alicubi ad arterio-<sup>Haemor-
rhagia per
quamlibet
partem.</sup> las capillares subsistit, & interim in easdem, & proximas praecipue nisum exercet naturali majorem, premat arteriarum aliquam magis debilem, ita ut vel eadem disrumpatur, vel exprimat sanguinem, effluet ille, seu Haemorrhagia contingeret. Calor autem cum tenuet, & evaporare faciat humidum aqueum, privabit sanguinem ea materie, quae in salivam abit, & reliquas partes corporis humectat, unde Sitis ad fauces atque os cum sensu siccitatis in toto corpore, & ardoris propter vim caloris praesentis, qui operatur intensius in siccis ab ipso partibus; si autem calor non absumpserit ex toto liquidum, generabitur in glandulis salivalibus saliva viscidior, quae proinde in os derivata ad linguam, & fauces haerebit cujusdam liquidi corporis specie, quod diversimode coloratum esse poterit, prout ex privatione humidi, & actione caloris diversas fortitur compositiones diversos a naturali colores exigentes.<sup>Sitis ad os,
fauces, &
corpus uni-
versum cum
sensu ardo-
ris, & siccita-
tis.</sup> Quoniam vero propter lanuginem e superficie linguae assurgentem plurimum haeret partium siccarum per oesophagi superficiem, & asperae arteriae repentium, vel per eorum canalium cavitatem evaporantium, atque insuper excipiunt illae partes totum calorem a toto pectore, & abdomine proveniente: exsiccabitur igitur lingua ad superficiem maxime, unde villi ejus tunicam constituentes maxime contrahentur; cum vero contentum linguae corpus non cedat, quantum ipsarum contractio violentior exigeret, fiet, ut iidem villi divellantur, hic illic, & lingua fissa deprehendatur; colorata autem diversimode, ut superius. Sed & fiet, ut hac sola ratione caloris, & siccitatis nimiae bene se habentibus mente ac nervis quis obmutescat, prohibita nempe ob siccitatem villorum ipsorum contractione, quae requiritur ad formationem vocis. In Spina autem cum calor fuerit primo invadens ex se ipso nullo praecedente frigore, nihil peculiare hic adnotandum succedet; cum vero calor fuerit post frigus veniens, conjunctam habere poterit perseverantiam frigoris, ut superius exposuimus; cum quo frigore saepissime conqueruntur aegri de dolore lumborum tali, ut lumbi ipsis frangi, &

Viscidum quid haerens ad os, & fauces.

Lingua sicca, fissa, varie colorata.

Obmutescens.

In spina.

Frigus durans, & lumborum dolor.

contundi videantur, nec se fulcire, ac sustinere iis valeant: totum lentoris opus, qui cum vasa ossium infarciat, effectum illum, ac sensum doloris producit, quem in Propositionibus superioribus exposuimus, & ὀστέον appellari Graeca voce voluerunt, non ab alia causa proveniente, quam a pressione lentoris nimio momento in ossa nitentis, seu nimis, & supra naturae modum urgentis. Continget autem in Pectore intermissio pulsus ab intermisso motu cordis, & intermittetur motus cordis iisdem de causis, quibus produci proxime exposuimus Paralytim a calore, quibus addes, fieri etiam posse propter penuriam spirituum, si a nimia vi caloris expirare cogantur, unde non excident per naturalia intervalla temporis, sed expectandum sit diutius, quousque apta quantitas cumulata sit: idem de sanguine ad contractionem necessario intelligendum. Reliqua plane eadem, quae in frigore notavimus, evenire poterunt, ut facile patebit attendenti ad haec, quae haecenus eventura exposuimus a calore, quibus addes etiam Tussim a solutis acribus partibus pectus stimulantibus, vel inflammatione id ipsum efficiente. Quoniam vero a calore sanguinis motus tam per arterias, quam venas sit celerior; quae igitur liquida viscida sunt, ac proinde ad separationem tardiora, & magis lento indigent motu sanguinis, cum tota sua visciditate seungi non poterunt, ac derivari in suos canaliculos; igitur ex iis exprimitur quod est liquidius, hoc est, quod cum illa velocitate potest seungi, ac derivari in ductus suos, adeoque in jecore, in quo secernitur maxime viscidus humor bilis, tum erit haec fluxilior, & ex partibus quidem maxime mobilibus composita, seu tenuior, & acrior. Determinari autem non potest, quae quantitate secerni possit tenuior, & acrior illa bilis; cum enim propter auctam velocitatem sanguinis intra datum aliquod spatium temporis fluat per jecur major ejus copia, quam quae fuit per idem viscus eodem temporis spatio in statu naturali, atque inde fieri posset, ut major copia bilis ex majori copia sanguinis deduceretur; quia tamen velocitas potest hanc ipsam separationem impedire, sit, ut possit esse etiam minor, & aequalis, prout haec velocitas conjuncta est cum tali natura sanguinis, qui facilius, aut difficilius separationem bilis permittat: & haec natura sanguinis a vi caloris producta de novo nulla certa ratione potest determinari. Haec autem eadem aptanda esse

cae-

In Pectore
intermissio
pulsus cum
reliquis in
frigore no-
tatis.

Tussis.

In Abdomi-
ne.

In jecore
bilis acrior,
atque te-
nuior.

Idem de
caeteris hu-
moribus,

Urina nul-
la aut pau-
ca, aut crn-
da, aut co-
lore saturo.

Reliqua in
Abdomine.

In qualibet
parte corpo-
ris sine lege
eadem,
quae a fri-
gore, sicut
in toto cor-
pore.

caeteris humoribus abdominis viscidioribus, imo universi etiam corporis, ex se patet. Cum autem e converso maxima pars urinae sit aqua, nempe facile quidem fluxilis, sed quae tamen & ipsa suum exigit sejunctionis, ac derivationis tempus, aucta velocitate sanguinis poterit prohiberi, ne sejungatur, ac derivetur, multoque facilius prohibebitur effluxus partium solidarum, quae nullo pacto effluere poterunt, si vehiculo aequo destituantur, & hoc vehiculo destitui poterunt non solum ratione velocitatis auctae, verum etiam quia, si calor sit intensior, quicquid est humidi aquei per calorem tenuatur, & evaporat, unde urina nulla, quod si calor sit remissior, etiam velocitas erit minus aucta, unde tempus aptum sejunctioni aquae, & reddetur illa ex se pauca, & cruda. Quod si velocitas tanta fuerit, ut permittat etiam partes solidas seungi, ac derivari, reddetur colore saturo, quia tamen per calorem absuntur plurimum aquae, generabitur urinae aquaeae quantitas minor: quia vero calor duras partes non tenuat aut absunt, illae in mediocri velocitate solventur, & cum illa minori quantitate aquae permiscebuntur, & constituent urinae corpus non crudum, sed colore saturo plus minus, prout aquae copia ad partium durarum quantitatem comparata erit major, aut minor, & urina tota erit pauca, quae omnia patent ex Urinis Nostreis. Caetera vero, quae a frigore in abdomine contingere exposuimus, a calore provenire, vel augeri, si jam adfuerint, patet ex huc usque habita expositione. Sed in qualibet parte corporis sine lege dari poterunt eadem, quae in frigore principia tumorum, & tumores ipsi, praecipue inflammationes, ut ab expositis patet, etiam si supponatur calor sine lentore frigori succedens, maculae, pustulae &c.; imo eadem etiam in toto corpore, ne excepto quidem sudore frigido, dummodo supponatur lentor cum calore ad glandulas sudoris exprimere quid a calore sejunctum, qui seorsim ab illo prodeat, & cutim sensu frigoris afficiat. Plurima autem ex superioribus eo validiora, & magis exitialia erunt, si proveniant a calore non succedente frigori, sed per se primo invadente, cum supponant lentorem contumacem, & firmiter haerentem vasis. Haec autem adnotata haecenus satis esse volumus: sunt etenim ad instar omnium, quae a duabus ejusmodi affectionibus pendere possunt, eaque facile ad hanc Propositionem attendenti in mentem veni-

nient, ostendentque collata cum iis, quae de Morbis particulari-
 ribus scripsimus, nihil esse mali, quod his duabus causis con-
 jungi non possit. Hanc autem Propositionem totam eo etiam
 institutam esse volumus, ut per ipsam innotuisse supponantur,
 quae communiter appellantur febrium Symptomata, & per
 hanc patet, symptomatum exitialissima quaeque, & quae com-
 muniter Medici tribuunt solis, ac maxime malignis, ac pesti-
 lentibus occultis qualitatibus, & hujusmodi, pendere posse a
 causis maxime obviis, & nihil maligni, aut occulti continen-
 tibus, sed sanguinem magis, minusve solventibus, & in len-
 torem compingentibus. Quare patet propositum.

PROPOSITIO XXII.

*Quae antecedunt Quotidianae continuae periodicae, vitare quidem
 possunt motum, quantitatem, aut qualitatem sanguinis: sed quae
 ipsi conjunguntur, atque succedunt, non pendent necessario, nisi a
 vitata qualitate ejus.*

AEtas, na-
 tura, cor-
 pus, regio,
 locus, tem-
 pestas hu-
 mida.

Lactentes,
 carentes
 dentibus,
 senes.

AETas, natura, corpus, regio, locus, tempestas humida,
 disponit, atque producit, ut de se patet, humores frigi-
 dos: esto illi naturales interim; igitur nihil aliud erunt, quam
 quid, pituitosum vitians quantitatem sanguinis; ab hujusmodi
 autem humoribus pendent inertia, & quantitas spirituum mi-
 nor; igitur vitiabitur etiam motus sanguinis: quia vero fieri
 non potest, ut dentur humores frigidi supra naturae modum,
 & sanguis reliquus in suo naturali statu quoad qualitatem per-
 severet, cum intelligamus nomine Sanguinis compositum ex
 omnibus humoribus per venas, atque arterias fluens; quod
 ad hoc, ut sit naturalis qualitatis, exigit talem singulorum
 mensuram determinate; aucta igitur quantitate frigidorum, to-
 tum fiet frigidus cum iis, quae ab illo excessu pendent. Cum
 vero per lactis praecipue liberaliorem usum, ut in pueris lacten-
 tibus, generetur chylus crassior, seu frigidior, eodemque de
 nomine in iis, qui carent dentibus, ut infantes, qui cibi soli-
 diusculis assuescunt, non sit in ore cibi comminutio, qua i-
 dem cibus ad aptam dissolutionem intra ventriculum disponi-
 tur, fit chylus minus coctus, seu crudior, sive frigidior, &
 hac de causa pariter in senibus eadem frigidi chyli generatio
 pre-

produci potest, si dentibus careant, & multo magis, quia minus vividis humoribus praediti sunt dissolvendo aptis, & vilis propter siccitatem minus contractilibus, seu prementibus; & haec igitur similiter vitiare motum, quantitatem, & qualitatem sanguinis poterunt. Pariter obefiores, & duriori corporis habitu pituitosa plurima cumulabunt prohibita evaporatione a copiosiori pinguedine, vel densa cute: sic otiosi propter inertiam crassiora non deterentes, nec absumentes: crapulae dediti, cum non bene concoquant: somno, quia est inertiae summus gradus, & humefacit ex se ipso maxime. Patet itaque prima pars. Quoniam itaque genitis ejusmodi humoribus sanguis totus fit frigidior; igitur & crassior, seu viscidior, seu in ipso producitur lentor; quia vero ejusmodi lentor est cum humoribus aqueis, seu pituitosis; erit igitur ille lentor conjunctus cum materia facile mobili, atque expressili a partibus reliquis lentoris, & simul cum illa materia, atque ex ipsa facile pariter exprimetur calor. Itaque lentor ille perductus ad arteriolas capillares haerebit quidem superficiei intimae ipsarum, sed per pressionem sanguinis ex ipso subsistente exprimetur quod est liquidius simul cum calore, & relinquetur quod est in illo lentore siccissimum arteriis validius agglutinatum, & si quidem liquidius illud recurrat per venas ex se ipso, vel cum simili lentore aliunde proveniente, fiet recursus intra illud spatium temporis, quod requiritur ad percurrendas venas, per quas refluit, vel ad derivationem aliunde factam, vel ad productionem ejusdem lentoris; cum autem supponatur refluxurum illud reliquo lentore fluxilius, & quasi subaqueum, brevi temporis spatio recurret, nempe intra horas 24.; dabitur igitur accessio sine frigore, rigore, aut horrore, calor perpetuus ab altero in alterum recursus, qui fient diebus singulis, ut ex superioribus Propositionibus patet. Primae autem invasionis hora erit, quae maxime sanguis ad crassitiem disponitur, cum nempe sit a calido in frigidum aërem transitus, propter constrictionem cutis evaporationem impediens, nempe ad vespertinam, unde prima accessio vespertina erit, cui cum succedentes respondere debeant intra diei spatium, fient & accessiones reliquae ad vespertinam; sed hae dari poterunt etiam sine illo liquido refluyente, si adsit in sanguine humor dispositus ad concipiendum lentorem a constrictione cutis ad vespertinam contingente. Si igitur

Obefiores,
otio, crapu-
lae, somno
dediti.

Calor con-
tinuus, re-
cursus per
dies singu-
los, accessio
sine frigore.

Accessio ad
vesperam.

Sine sudore
decessio.

Pulsuum
differen-
tiae.

Urina ad
accessiones
crudior.

Tum cras-
sior, sed
minus i-
gnea, & ru-
bra, quam
in reliquis
continuis
periodicis.

Sitis etiam
remissa, nisi

liquidius illud, quod a lentore haerente exprimitur, recurrit, nihil erit ex humore peccante reliquum, quod excerni possit, unde nihil sudabitur in decessione, cum scilicet humores ad motus prope naturales redacti sunt, sed nec sudabitur, etiam si non refluere supponatur, si per calorem fuerit ita tenuatus, ut perspirare potuerit: sicut etiam non sudabitur, licet nec tenuatum sit ad evaporationem usque, nec refluat tam viscidum, ut prius, imo sit ita solutum, ut per sudoris glandulas secerni caeteroquin posset, nisi illae impedirentur ab aliqua causa prohibente derivationem in canaliculos ad superficiem cutis hiantes; ejusmodi autem impedimentum esse poterit ille ipse lentor haerens arteriis, & earum superficiem, per quam exprimendus esset sudor, veluti densa crusta ita obducens, ut foramina ocludat pervia caeteroquin ad cutem derivando sudori. Quod autem de sudoris glandulis dicitur, idem dicendum esse patet de glandulis reliquarum partium. Cur pulsus rarus, tardus, inaequalis, minor, quam in reliquis periodicis, & recentis caeteris, abunde patet ex superioribus Propositionibus; crassities enim sanguinis cum frigiditate conjuncta minorem liquidum per nervos copiam, ac vim parit, minoremque pariter vividum sanguinis. Quoniam vero ad secretionem durarum partium, momento majori opus est; ad accessiones vero minor est velocitas sanguinis; igitur ad accessiones durae partes ad urinae constitutionem concurrentes secerni non poterunt, sed solum maxime aqueae, hoc est, quae pressione minima secernuntur, ac derivantur, unde tum temporis erit urina crudior; invalescente autem febre augebitur impetus sanguinis, seu pressio, unde duriores seu crassiores partes secernentur, ac derivabuntur, & urina crassitiem, & colorem adipiscetur, eoque facilius, quod per calorem febris humidi aliquid tenuatur, atque absimitur; quia tamen in hoc febrium genere aqueum humidum prae caeteris febribus copiosissimum est, hinc erit quidem urina coloratior, sed minus ignea, ac rubra, quam in reliquis febribus, in quibus aqueae humiditatis quantitas minor. Quia vero per calorem febris humidi aliquid absimitur, & per lentorem haerentem arteriis aliquod emissarium salivae obturatur in glandulis salivalibus; igitur minor naturali quantitas humidi mollientis partes ad eandem ex suis ductibus derivabitur, quare eadem arescent, & Sitis sensus excitabitur: quia vero humidi in his febribus quan-

titas in humoribus reperitur major, quam in reliquis, etiam Sitis erit in his, quam in illis, remissior: quod si hisce humoribus admisceatur sal, qui & ipse aquam imbibit, & partes villorum siccat, tum dari poterit etiam Sitis intensior, quam in febribus aliis. Ob copiam eorundem humorum subsistentium, & quasi perspicuorum, nec ullo rubore inficientium, & humectantium, atque ideo membranas ad dilapsum disponentium erit Facies subtumida, atque laxa, nec non sublivida: inde etiam pendebit Somnolentia, cum illa tota proveniat ab humectatione, ac dispositione ad dilabendum in villis cujuscumque partis. Inappetentia similiter non ab humoribus pituitosis, quatenus pituitosi sunt, sed ab affectione ventriculi, ac totius corporis longe diversa ab illa, quam percipere assuevimus, cum urget alimenti penuria, atque necessitas, ut in antecedenti Propositione expositum est. Excretiones pituitosae a copia ejusdem materiae, cujus pars fluxilior, & in glandulis intestinorum separabilis, ex iisdem glandulis in cavitatem intestinorum ducitur, & per alvum redditur. Quoniam vero a lentore exprimitur quod est liquidissimum, & remanet quod est maxime tenax, & propter liquidissimum illud aqueum abundans calor est minus vividus, & minor pressio ad eundem lentorem cumulatur; his igitur omnibus de causis haerens ille lentor difficiliter abripietur, aut solvetur, aut utrumque simul: quare febris diu protrahetur. Quod si febris conservetur, ex eo, quod similis lentor etiam aliunde in vasa sanguinis influat, similibus de causis diu protrahetur; ubicunque enim sit, aut generetur propter parum caloris, ac motus in sanguine, difficile lentor ille, vel causa ejus tolli, aut temperari poterit. Experientia autem compertum est, hanc diuturnitatem Quotidianae febris protrahi ad 40, 60, diem, atque etiam ulterius. Lentor jam ille liquecat, & abripiatur ita, ut per motus sanguinis, & pulmones fiat omnino fluxilis, & ineptus haesioni, & semi obstructioni arteriarum. Si igitur in hac liquatione mutetur in quid per sudorem extrusile, per sudorem solvetur febris: si in quid separabile in glandulis intestinorum, pancreatis, ventriculi, jecoris, per alvi fluxum: in glandulis salivalibus per salivam, & si quidem fuerit salivae ejus speciatim, quae secernitur in parotidibus, tota illa lentoris copia simul intra parotides derivata easdem in tumorem attollet, & parotides

urgeat falsa pituita.

Facies sub-
tumida,
laxa, sub-
livida.

Somnolen-
tia.

Inappeten-
tia.

Excretiones
pituitosae.

In longum
protractio.

Solutio
per sudo-
rem &c.

Parotides
superve-
nientes.

Cachexia
succedens.

Hydrops.

Febris He-
ctica.

supervenient, quarum tumor si non obstruat canalium salivarium immixtura, vel nimius affluxus non cogat rursus per pressionem materiam illam in lentorem, erunt salutare, & per salivam solvetur febris; si vero illorum alterutrum, vel utrumque contingat, periculi plena res. Quoniam itaque haeret ad arteriolas, quicquid est siccus, compactus, seu robustius in sanguine; abundat autem copia aqueorum humorum, qui ab eodem sicco subsistente exprimuntur, & per corpus distribuuntur; nihil igitur alimenti ducetur ad partes, quod sit naturali simile, & alendo aptum, sed quicquid ad partes ducitur, erit aquosum quid plane diffuens, ac tantum non diffuere partes faciens; male igitur aletur, seu Cachexia continget cum suis conjunctis omnibus. Hinc fiet, ut partes ad maximam imbecillitatem redigantur, & fluere quaquaversum permittant humores aqueos, qui in cavitatibus majoribus, vel inter cutem colligentur, & fiet Hydrops. Sed hic fieri etiam potest partibus robustioribus, & in minori frigidorum humorum copia, dummodo per lentorem illum generetur obstructio valida, contumax, magna, partem in durum tumorem attollens ad contactum ductuum lymphaticorum, vel venarum, ita ut per eum contactum fiat talis pressio, quae ex iis canalibus cogat exsudare lympham, quae collecta in cavitatibus majoribus Hydropem faciet. Denique si diuturnior sit febris, & per diuturnitatem illam ita invaluerit calor febrilis vis, ut humiditatem totam absorberet lentore illo superfluo, immutata jam erit universa humorum compages, imo solidarum etiam partium in calidam, & siccam, quare ex superioribus succedet Febris Hectica. Patet igitur, quae conjunguntur, atque succedunt Quotidianae continuae periodicae, necessario pendere a sanguine ita vitio, ut factus sit viscidior, seu compactior, servata tamen & aucta libertate caloris, seu a vitio qualitate sanguinis, quod erat ostendendum. Affero jam tertio, totam hanc affectionum seriem huc usque expositam non pendere necessario a vitio motu, aut quantitate sanguinis, quod facile evincitur; vitio enim quantitas, aut motus sanguinis non est causa harum omnium rerum, imo est unus, & alter ex iis effectibus, quae necessario pendunt a lentore sanguinis, a quo, etiamsi nulla daretur vitio in quantitate, aut motu sanguinis, darentur

tur

tur expositae eadem omnes affectiones. Patet itaque tota propositio.

PROPOSITIO XXIII.

Febres ad Quotidianam continuam periodicam pertinentes: & quid sit haec ipsa febris.

ET si plurimum disputatur inter Medicos de essentia hujus febris, imo sunt, qui negent ipsam dari; nos tamen hanc quaestionem relinquentes, num scilicet de facto detur, vel data sit unquam, exponemus, quid sit possibile, & patebit fieri posse, ut detur febris, in qua interiora caleant, aliamque, in qua minimae universi corporis particulae calore, & frigore simul afficiantur. Et hoc quidem facile factu, atque conceptu est; finge etenim lentorem non uniusmodi, sed diversae compositionis, ita ut alia pars sit ejus lentoris, a qua cum data pressione non possit exprimi calor; alia vero, a qua possit, & sit ejusmodi lentor per universi corporis arteriolas capillares distributus, producet uterque sensum suum, qui excitabitur ad partes singulas, cui inhaeret lentor, unde ubi reperietur lentor frigorificus, sensus frigoris producet; ubi calorificus, caloris, & erit hic per minimas quasque partes factus, cum minimis partibus respondebit uterque lentor, hoc est, cum uterque minimae molis, unde fiet, ut & patiens ipse, & quisquis corpori manum admovebit, sentiat in attrectata parte calorem, & frigus per minimas partes dispersum, seu erit Epiala, in qua eodem tempore minimae, & universi corporis particulae calore, & frigore afficientur, ut ipsam descripsit Galenus. Sit autem secundo lentor tantae crassitie, ut non solum per arteriolas minimae amplitudinis libere fluere non possit, sed ne per majusculas quidem; totum igitur, quod crassissimum, viscidissimumque est, colligetur ad arterias ampliores, unde proinde quicquid etiam refluit e venis mobilius, atque calidius, rursus cohibebitur, atque illigabitur, & sensum caloris producere non poterit, unde frigeant interiora; at vero per pressionem exprimetur ex eo lentore calor, & ad arterias capillares trahetur, seu exteriora corporis, unde calebunt, & qui expressus est, & rursus in arterias derivatur, implicabitur denuo cum

lentore, nec sensum caloris ad ramos majores excitare poterit, unde fiet febris, in qua per totum circuitum interiora frigebunt, calebunt exteriora, quam Epialam descripsit Avicenna cum Arabibus. An vero hæc febris redigenda solum sit ad Quotidianam continuam, patere debet ex periodis, nec magni momenti est.

Syncopalis
humorosa,
vel reple-
tionalis.

Quoniam in hac febre supponitur ingens quantitas pituitosorum, & crudorum humorum; dabitur igitur lentor insignis a crassiore humore frigido, seu aqueo, quare in accessione præcipue febris, hoc est, in primis affluxibus ejus lentoris ad summas arteriolas capillares secerni poterunt in glandulis, ad quas illae pertingunt, nec dum obstructæ sunt contumaciter, humores naturalibus similes, sed viscidiores, qui proinde propter lentorem hunc, si deriventur in cavitatem aliquam nervis instructam, excitare poterunt sensus fastidiosos, & refluxus validos spirituum eorum plurimos absumentes, quod eo facilius succedet, cum tunc temporis etiam spiritus in cerebro pauciores eodem de nomine, & aquosiores, seu viribus exerendis minus apti producantur, unde per refluxus vividos agitati brevi absumentur, vel vires exercere non poterunt, & animal dilabetur subito velut iners, & sine motu sentiendo ante virium lapsum subitum dolorem in ea parte, ad quam sit derivatio liquidi viscidioris. Cum itaque ventriculi superficies intima obducta sit glandulis, in quibus secernitur humor quidam, in accessione ejusmodi febris generabitur humor viscidior, & in ventriculi cavitatem derivabitur, qui ejus tunicis inhaerens, & per ipsas quodammodo dilabens sensim rependo, & se per vim ab iisdem divellendo, producet sensum quendam quasi lingentis summo cum fastidio, qui sensus propter refluxum vividum, paucitatem, & inertiam spirituum brevi temporis spatio poterit eorum effectum omnem tollere absumendo eosdem, seu Syncope producet. Eo autem validior erit refluxus, etiamsi sensus ille non sit ita vehemens, quod nervi ad os ventriculi sunt insignes, & magna proinde copia in nervos reliquos refluens, quæ facit, ut ad confluxum nervorum reliquorum maximus impetus producat. Sed & fieri potest Syncope absque eo, quod refluxus per totum subito corpus communicetur cum tanta concussione atque agitatione spirituum, ut absumi brevi cogantur, sed sufficit, si ille refluxus pertingat ad usque ner-

Lapsus in
syncopem
febre præ-
cipue inva-
dente.

ner-

nervos cordis, cum quibus habent communionem stomachici, & per ejusmodi copiosum refluxum motus cordis fiat tam frequens, ut inter utramque contractionem vix ullum detur medium temporis intervallum, unde sanguis nullus in auriculas, atque ventriculos influat, ideoque nec pulsus fiet, nec generatio spirituum, nec expressio eorum, qui jam geniti sunt, in nervos ac musculos, & instrumenta sensuum, cum sanguis non derivetur in arterias piaë matris, quæ sua dilatatione premunt cerebrum, & exprimunt quicquid continet; sanguis vero sit spirituum materies, unde præceptum Virium lapsus, & hic forte magis communis est modus producendi Syncopem stomachicam in hac febre Syncopali. Aderit itaque virium imbecillitas, pulsus parvus, debilis, & cum possit cumulari tantum sanguinis, ut demum superet vim contractionis nimis frequentis, tum fiet pulsus plenior, & cum ex eo fiant spiritus aliquot, erit validior, qui tenor erit inconstans, & incertus, nisi idem doloris sensus perseveret, multoque magis si dolor ille non sit semper uniusmodi, cum refluxus vis inæqualis esse debeat.

Virium imbecillitas,
pulsus parvus &c.

Syncopalis minuta nihil habet peculiare, quod seorsim explicandum sit; quicquid enim in ipsa contingit, provenit a sensu doloris in ventriculo, non excitati quidem ab humoribus crassis, sed ab humore tenui, pauco, acri, ichoroso, qui satis est absque eo, quod sit corruptus, & venetatus ad productionem Syncopes, dummodo sensus ejus sit vividus, & maxime fastidiosus. An utraque hæc febris similiter jure ad Quotidianam revocetur, non disputabimus, cum pro re medica nullius momenti sint. Si velis autem quæ ad Syncopem in genere, non autem quæ ad solam Syncopem stomachicam pertinent, vide Morbos Nostros Pectoris.

Syncopalis
minuta.

Est igitur Febris quotidiana continua periodica vitium in qualitate sanguinis, quæ sit minus fluxilis per lentorem quandam, qui semper idem unoquoque die refluat haerente semper aliqua sicciore ejus parte arterioli capillaribus, & refluyente liquidiores: vel hac perspirante, illa vero semper haerente reducatur ad arteriolas easdem lentor similis unoquoque die e visceribus, vel qualibet parte corporis, cujus pars sicciore haereat similiter arteriis, & hoc fiat quotidie, quousque febrile quis dicitur. Quare patet quod proposuimus.

Quid sit
continua
quotidiana
periodica.

PRO

PROPOSITIO XXIV.

Quae antecedunt Tertianae continuaee periodicae, vitiare quidem possunt motum, quantitatem, aut qualitatem sanguinis; sed quae ipsi conjunguntur, atque succedunt, non pendent necessario, nisi a vitiata qualitate ejus.

Copia bilis, temperamentum, vel intemperies calida.

Juventus, victus calidus, & siccus, aut tenuis, & parvus, inedia, motus corporis nimius &c.

Accessiones tertio quoque die.

Copia bilis, temperamentum calidum, & siccum, vel similis intemperies alicujus partis, vel totius corporis conjuncta sunt, ut manifestum est, cum excessu caloris, unde per ipsa generabuntur acriores spiritus per nervos, & sanguinis motus vitiabitur; sed & vitiabitur quantitas sanguinis; absumetur enim quicquid aquosius reperietur, vel reperiri deberet, ut in naturali quantitate esset totum id, quod fluere debet naturaliter per vasa sanguinis, quod aquosum sit, etiam oportet. Sed vitiabitur etiam qualitas sanguinis; ratione enim caloris magis agitantis fiet sanguis acrior, mobilior, vividior, pariterque ficior, quantenus vi caloris tenuatur, atque absumitur humiditas aquea. Haec ipsa producentur a juventute, cibis calidis, & siccis, sed & ab inedia, vel victus tenuitate, ac paucitate; inedia enim faciet, ut quicquid est humidi, absumatur partim in alimentum partium, partim quia subtracta alimonia magis vigilamus, unde motuum major usus, & major humidi absumtio; victus autem tenuitas, ac paritas principium inediae est. Hoc ipsum exercitatio corporis frequens, ac vehemens; similiter enim tum plurimum humidi absumitur, quod reliquum est fit siccus, & caloris vis intensior, aestus ab aëre, regione, anni tempore, sole, balneo &c., suppressis evacuationibus biliosis, vigiliis, contentionibus animi, & hujusmodi. Cum igitur per causas febrem hujusmodi producentes absumatur humiditas aquea, nempe id, quo sanguis fit maxime fluxilis, & calor ejus minus acer, ac vividus, illa absumpta fiet hic maxime vividus, atque liber, & sanguis totus minus fluxilis, seu fiet viscidior cum maxima vi caloris, seu producet lentor insignis inertiae, & per siccitatem maximae adhaesionis, & parum aqueae humiditatis continens, a quo tamen calor se expedire, & effluere cum liquidioribus caeteris particulis possit. Itaque hujusmodi lentor erit magis tenax, quam

quam qui Quotidianam continuam producit; quare cum ad arteriolas capillares perducetur, hærebit quicquid est in ipso sic-
 cissimum, effluente interim calore cum liquidioribus particulis, sed hæ liquidiores particulæ cum exprimantur a lentore, qui crassior, ac siccior est, quam lentor Quotidianam pariens, erunt pariter tenaciores, quam illæ, quæ ex hoc altero exprimuntur, quare ad superficiem venarum fluent lentius, unde in arterias non reducentur diebus singulis, sed alternis, seu fiet recursus tertio quoque die, & cum subsistat semper ad arterias tenacissimum, ac siccissimum illud, calor toto triduo perdurabit. Idem accidet, si siccissimo illo ad arterias subsistente similis lentor non a venis refluat, sed a quolibet viscere, & parte corporis; erunt igitur accessiones sine frigore, rigore, aut horrore, quæ omnia patent ex præmissis generalibus Propositionibus. Deceffiones autem erunt sine sudore eodem, imo iisdem de nominibus, quæ in proximâ expofita sunt, nisi quod cum in Tertianâ causæ producentes secum ferant absorptionem humidi, etiam si liquidius illud supponatur in venas refluens, nec glandulæ sudoris obstructæ, erit ob defectum humidi crassius, quam quod per illas excerni possit. Pulsuum differentia pariter ex iisdem Propositionibus generalibus notæ. Calor itaque cum sit humiditate destitutus, qua maxime ipsius vis, & vehementia prohibetur, ac temperatur, erit maximi momenti, unde sensum suum acerrimum excitabit, qualis cum absumpta humiditate in lignis siccis sese sentiendum offert, & calor proinde dicetur urens, eritque ad tactum acris, & minime mitis, utpote sine ullis humiditatis particulis evaporans, in quo differet a calore Quotidianæ, qui erit ad primum attactum mitior, cum evaporet cum partibus aqueis, a quibus temperatur ejus impetus, nec acrior sentitur, nisi diutius detenta ad attactum manu per tantum temporis nimirum spatium, ut caloris plurimum intra digitos sese insinuet, quod in Quotidianæ explicatione omiseramus. Quoniam verò tum fiunt leviores somni, vel vigiliæ, cum minimum humidi reperitur in corpore, etiam si cætera minoris momenti, ac motus sint; in hoc autem statu sanguinis datur non solum humidi penuria, sed maxima caloris vis; igitur in hoc statu, seu Febre Tertianâ dabuntur vigiliæ, vel somni leves. Et in his quidem somnis ea excitari poterunt somnia, quorum species sint momenti ma-

Sine ulla
frigoris spe-
cie.

Deceffiones
sine sudore.

Pulsuum
differentia.
Calor
urens.

Calor quo-
tidianæ pri-
mo mitis,
deinde a-
crior.

Somni le-
ves, & Vi-
giliæ.

Insomnia
iram mo-
ventia.

Deliria.

Sitis ardens.

Linguae siccitas, & nigredo.

Oris amarities.

Urina initio semper cruda sine sedimento.

Inde vero ignea, rubra, acris.

joris, quod fiet ratione impetus spirituum acriorum, & siccitatem nervorum, & cum ejusmodi sint illæ, quæ iram movent, insomnia furoris, & ad illum disponentis excitari poterunt. Deliria autem à vi caloris libere quaquaversum expirantis, & nulla lege hanc, vel illam speciem excitantis, prout in hanc, aut illam flexionem incidit, quod si dum siccantur nervi, tremore aliquo tremant, erunt ad flexiones ejus tremoris facilius flexiles, & species omnes, quæ excitabuntur ad illas, quasi per lubricum dilabentur, & fiet Delirium alicujus determinatæ rei. Absumpta autem humiditate producet saliva nulla; cum etenim illa sit quid viscidum, si ab ipsa abripiatur illud aqueum, quo fit, ut fluere possit, non producet, vel saltem non fluet per suos canaliculos, vel a lentore hærente ad arterias glandularum salivalium obstruentur immiffaria eorundem canalium, vel utrumque simul continget, unde fiet Sitis, & quidem ardens, ratione caloris agentis in corpus humiditate destitutum, nec sentietur sitis ad os faucesque solum, sed per totum corpus conjuncta cum sensu ardoris in toto corpore. Ab hac absorptione humiditatis humectantis quoscunque villos, & nullo affluxu salivæ proveniet necessario Linguae siccitas, & nigredo, vel à fixo, & sicco sanguine ad vasa linguae hærente, & demum, ut in vibicibus, in nigredinem abeunte, vel a tinctura bilis, quæ e ventriculo sursum ascendat per superficiem œsophagi, & linguam inficiat sensim colore suo, qui etiam si non sit niger intra ventriculum, perducta bile, & exsiccata ad linguam, & aliquantillo altius cumulata in nigrum abire poterit; & hoc contingere tantum non necessario posse, evincit Oris amarities, quæ certum argumentum est bilis in ventriculo contentæ, & bilis generatio patet ex causis Tertianam producentibus, quæ per ipsam febrem cumulabitur, ut ex recensione symptomatum patet. Cum igitur in hoc statu sanguinis absumptum sit plurimum humiditatis, dura igitur eo minus erunt fluxilia, quare per febris accessionem, in qua minor pressio, hæc ipsa dura se jungi minime poterunt, sed exprimetur solum quicquid est illud parum aquei adhuc in sanguine superstes durioribus cum reliquo sanguine cohærentibus, vel minus facile, destituta vehiculo aqueo, quantum exigunt, inter duas quasque ipsius particulas diffluentibus, succedente autem augmento caloris & febris augebitur motus, & pressio, unde

unde etiam quæ sunt difficilioris motus sejungentur, ac derivabuntur in ureteres, ac vesicam, & cum illa pro ratione admixtæ humiditatis sint copiosiora, inficient maxime urinam, eamque inflammata, ac rubram reddent, & cum excernitur, propter calorem humorum omnium sentietur acris, vellicans nempe, ac stimulus, cujus sensus etiam erit ratione earundem duarum partium, terræ præcipue, ac salis, quæ minus temperatæ per paucam admixtionem humidi liberius, & vividius vellicabunt, seu acrius urgebunt urethram. Nausea, vomitus, dejectiones biliosæ, ut patet ex hac, & superioribus Propositionibus. Sed & aderit magna Anxietas; quoniam etenim per ejusmodi statum sanguis in febre maximam rarefactionem, & vim caloris concipit, postquam plures circuitus peracti sunt, erit sanguis universus in suas partes siccus, ac fixus, & in suas calidas, ac mobiles maxime solutus, & quodammodo æstuans, & magno impetu, & nisu quaquaversum erumpendi præditum in vasis majoribus præcipue, in quibus etiam à corde recepto mox impetu continetur, cujusmodi sunt arteriæ magnæ trunci, & arteria pulmonaria, unde pulmones subito admittere, atque exprimere tanto cum impetu, ac rarefactione derivatum æstuantem sanguinem difficile poterunt, ideoque partim dolore in crebriorem respirationem veniet Animal consultò, ut sensum illum æstus opprimentis amoveat, partim ob ariditatem pulmonis, qui contrahere, atque expandere non poterit, quantum respiratio rarior exigeret, partim naturaliter propter caloris stimulum ad musculos intercostales, partim propter acrimoniam spirituum in genere, qui ad quamlibet partem corporis cum acriori sanguine derivati inconstantem contractionem, ac frequentiore facere absque opera voluntatis possunt, unde jactationis causa etiam nobis non advertentibus, imo quandoque repugnanti-bus factæ. Jam vero humescat lentor ille hærens arteriis, ita ut ab earundem superficie abripi quidem possit, sed non dissolvi, atque in liquidum redigi; igitur fiet quidem ille aliquanto minus siccus, sed non continuo continget, ut evadat tam fluxilis, ut refluere in venas possit, vel quotidie, vel triduo quoque, sed si gradatim debeat res succedere, cum illud minus lentum, quod ab ipso exprimebatur, non refluat in venas nisi tertio quoque die, ipse lentor multo magis ad fluxum iners so-

Nausea, vo-
mitus, de-
jectiones bi-
liosæ.
Magna an-
xietas.

Quartane
intermit-
tens &c.
succedentes,

lum ita madidus, ut ab arteriarum superficie divelli, & abripi possit, etiam aliquanto segnius labetur ad venarum superficiem, seu recurret in arterias quarto quoque die: cum autem a superficie arteriarum abripi supponatur, succedentibus igitur circuitibus sanguinis nihil obitabit ad arterias, quo calor ab ipso exprimatur, & solvatur continue, unde postquam trusus est ex arteriis in venas, dabitur corpus integrum, quousque in arterias non recurrat rursus, seu succedet Quartana intermittens. Quia vero Autumnus, si non humiditatis, saltem frigiditatis est particeps; ipso igitur adventante calor temperabitur, si non augebitur aliquid humidi, & non ulterius adeo siccabitur saltem calido extrinseco æstatis deficiente, qui à superficie corporis subiens reddit majorem, atque intensiorem calorem sanguinis, unde sensim humidi, quod continue ingeritur, fiet mora major, & lentor ille siccus poterit sensim humescere, seu Tertianæ continuæ periodicæ succedet Quartana intermittens, præcipue si illa Autumnum attingat. Patet itaque, quæ antecedunt atque succedunt, pendere a vitio qualitatis sanguinis necessario. Assero jam tertio, universam hanc expositam rerum seriem non pendere necessario a vitio motu, aut quantitate sanguinis, quod eodem modo ostenditur, ac in Propositione 22. Patet itaque tota Propositio.

PROPOSITIO XXV.

Febrès ad Tertianam continuam periodicam pertinentes: Et quid sit ipsa febris.

CUM de Causo superius egerimus speciatim, & explicaverimus affectiones ejus singillatim, nihil hic expendendum superest præter periodum, quæ ab eadem causa petenda est, à qua pendent periodi Tertianæ superius expositæ, quoties Causos illa non est cum calore perpetuo, & æquabili, & sine exacerbatione, sed cum hac ipsa, & diversis illius gradibus accessionem, augmentum, statum, ac decrementum, decessionemque significantibus. Cum itaque Causos typum habet Tertianæ continuæ periodicæ, nihil aliud est, quam Tertiana continua periodica intensior.

Colliquans. Esto jam lentor ille tam contumax, atque siccus, ut ex ipso

ipſo exprimat^r calor totus, & quicquid acris in ſanguine continetur, & hæc libere proinde fluant, atque ducantur per vaſa ſanguinis; igitur perducta ad quacunq^{ue} ſolidas partes non ſolum eaſdem non reſcient, ac reparabunt, verum e converſo, cum deſtituantur humido agglutinante, fixante, & eorum vim fundentem, erodentem, dimoventem, ac diſſolventem retundente, ac temperante, inter duas quaſque ipſarum particulas nitentur. Et cum ſint inſignis violentiæ, dimovebunt etiam, atque à contactu divellent, ſeu diſſolvent compagem earundem partium, unde eædem partes diſſolutæ, & cum ſanguine fluentes per vaſa ejus ad quacunq^{ue} glandulas corporis derivabuntur, & per illas ſecernentur, in quibus naturaliter ſolvitur humor aliquis, cujus naturalis compoſitio ſit illi proxima, in quam ſolutæ partes abierunt. Quoniam igitur corpus per eum ſanguinem non ſolum non reparatur, verum e converſo ſolvitur, ſeu abſumitur, continget ſubita corporis Emaciatio, & cum abſumatur unaquæque pars, quicquid implet antrum oculi, ad minorem molem redigetur, unde minus occupabit ſpatium intra idem antrum, & cum hæreat maxime oculus ad poſteriorem antri partem, ad eas partes oculus quaſi retrò, ſeu introrſum cedere videbitur, ſeu Oculi fient concavi. Pariter Tempora collabentur, hoc eſt, concidere videbuntur muſculi temporales verſus oſſa temporum, quibus affiguntur; ſed nihil aliud erit re ipſa ille collapſus, quam eorundem muſculorum abſumptio. Simili de cauſa Nares acutæ fient; quouſque enim ſpatia intercartilaginea replentur ſua pinguedine, & cartilagine ipſæ craſſiores ſunt, angulus, qui ad naſi globulum efformatur a pinnis, amplior videbitur, ſeu minus acutus: acutior, cum illæ abſumentur, vel ſicceſcent, ſive tenuabuntur, cum cedere in cavitatem narium per illam tenuationem videantur. Hujusmodi autem, & quidem inſignis Emaciatio contingere poterit abſque eo, quod id, quod e corpore abſumitur, atque ſolvitur ſub ulla alicujus ſenſilis excrementi forma ex eodem deducatur; ſi etenim ſolutum illud ſit ejus conditionis, ut per vim caloris poſſit abſque ulla ſpeciali ſecretione per poros membranarum extra corpus trudi, atque evaporare ſpecie vaporis inſenſilis, ſeu perſpirationis, emaciabitur corpus, atque abſumetur abſque eo, quod quicquam e corpore cedere videatur; ſi vero in naturam abeat,

Emaciatio,
oculi concavi,
collapſa tempora,
nares acutæ.

Inſenſilis
evacuatio.

Per urinas,
per ſudores,
per alvum,
& ſingularum affectiones.

quæ in renibus secerni possit, per urinas reddetur solutum illud: si in glandulis cutaneis, & sudorificis, per sudores: si in intestinalibus, aut ventriculi, aut pancreatis, per dejectiones humoribus earum glandularum respondentes: si in jecore, per dejectiones biliosas sinceræ quidem, si sit sola bilis, diversi generis, si etiam in glandulis intestinorum, ventriculi, aut pancreatis solvatur ejus pars aliqua. Spumosæ esse poterunt per vim caloris, & reliquarum partium maxime mobilium, quæ confertim, & cum impetu erumpentes excitant bullas: diversimode coloratæ pro diversa mutatione, unde etiam rusæ; pingues ex solutione pinguium partium: viscosæ, & corpulentæ ex solutione solidiorum, & compactiorum: foetidæ ex vi partium mobilium nares acerrime ferientium. Urinæ pariter pingues, & oleosæ esse poterunt ob solutionem pinguedinis, & quarumcunque partium oleosarum partibus solidis intime permixtarum. In tali autem febre non solum contingere poterit una, aut altera ex his affectionibus, verum plures, aut omnes eodem, vel diversis diebus; imo eadem hora, prout hæc, aut illa pars solvitur, & in solutione abit in plura diversi generis, quorum alia per alvum, alia per urinam, alia per sudorem, alia per insensibilem perspirationem reddi possint.

Epidemic.
Epidodes.

Ad hanc febrem colliquantem reducenda videtur febris Eloodes, seu Sudorifica, in qua sudores perpetuò funduntur, & hæc vel erit mitior, & solum fundere, ac solvere potens, quod aqueum adhuc superest in partibus, vel si diutius protrahatur, evadet exitialis, cum solvere etiam debeat salia ad sudoris productionem concurrentia, atque ita solvet magis intimam, & cohærentem partium compagem. Utraque autem febris potest etiam provenire à fermento liquante, & fundente, quod & ipsum sit liquidum; imo vero in colliquante difficile admissu videtur, calorem, & mobiliiores particulas reliquas posse fundere, quicquid est solidissimum in corpore, non autem lentorem siccum hærentem arteriis, quæ lentoris fusio si succedat, sanguis se habebit instar fermenti dissolventis, a quo illa colliquans febris provenire poterit, ut in Propositionibus generalibus expositum est.

Epidemic.
Aloodes.

Aloodes denique cum producat frequentem, & molestam jastrationem, id faciet per vim caloris hinc inde a lecti partibus frigidioribus temperiem aliquam quærantis, vel a sensu lentoris

toris

toris hærentis arteriis, cum quo conjunctus esse poterit aliquis alius sensus ab admixtis cum lentore illo, vel a sensu molesti caloris simul. Nausea autem, vomitus, morsus, & stimulus orificii superioris ventriculi, & membranarum ejus patent ex superioribus Propositionibus.

Est igitur febris Tertianæ continua periodica vitium in qualitate sanguinis, quo fit minus fluxilis per lentorem quandam, cujus pars sicciior hæreat semper arteriis, liquidiores ipsius parte refluyente per venas tertio quoque die in arterias, vel si hæc perspiret, reducat ex aliunde ex qualibet parte corporis similis lentor tertio quoque die similiter, ut de Quotidiana dictum est, mutato solum ordine temporis, quo recursus contingunt, ex diebus singulis in alternos. Quare patet Propositio tota.

Quid Tertianæ continua periodica.

PROPOSITIO XXVI.

Quæ antecedunt Quartanæ continuæ periodicæ, vitare quidem possunt motum, quantitatem, aut qualitatem sanguinis; sed quæ ipsi conjunguntur, atque succedunt, non pendent necessarium, nisi a vitata qualitate ejus; Et quid sit hæc ipsa febris.

CORPUS aridum, & macilentum argumentum est certissimum siccorum humorum, & minima humiditatis copia præditorum, cum ista sit, quæ humectat, & pinguedine infarcit: color fuscus, aut obscurus id ipsum significat, cum omnis inde perspicuitas sit sublata, & compactio tanta detur, quanta in ficcis, & terra, utrumque indicium ficitatis cum frigiditate conjunctæ. Hæc ipsa manifestiora adhuc ex temperamento frigido, & sicco, per quod sanguis frigidus, & siccus producet, similiter inclinans ætas, cum tum frigida, & sicca evadant corpora: similiter Autumnus, cum ejusdem temperamenti sit, vel etiam si partim sit frigidus & siccus, partim frigidus & humidus, & rursus vel frigidus & siccus, vel calidus & siccus, vel calidus & humidus; a quibusvis enim harum inæqualitatum fit, ut calor, vel ficitas humido superveniens illud ipsum humidum magis exsiccet. Hunc ipsum sanguinem generabunt Curæ, præcipue si fuerint minoris impetus, sed diuturniores; ab his enim absumentur quidem hu-

Corpus aridum, & macilentum.

Color fuscus, obscurus.

Temperamentum frigidum, & siccum.

Ætas inclinans. Autumnus, & inæqualis.

Curæ.

mi-

Hæmorrhoides
desupprel-
sa.

Tumor Lienis.

Accessiones
sine ulla
frigoris spe-
cie.

miditas, sed partibus calidis propter debilitatem motuum in illis curis minor libertas conciliabitur, & evadet sanguis sine humiditate ficior, & non soluto calore frigidior. A suppressione Hæmorrhoidum frigescere, & sicari magis poterit sanguis, quoties sanguis ille evacuandus per Hæmorrhoides sit, qualis vulgo supponitur a Medicis, ficius, crassior, frigidior; sed re ipsa non est ejusmodi, nisi cum talis naturæ est sanguis universus, ac tum ejus suppressio ex Hæmorrhoidibus copia sua auget statum non naturalem sanguinis: sic tumor Lienis potest quidem producere frigidum, & ficium sanguinem, ipsi admiscendo aliquam portionem illius humoris, quo fit tumor, & hic sit oportet maxime lentus in viscere lienis, ex cujus compositione patet, non nisi lentissimum quiddam per ipsum fluere; sed nisi tumor ille factus sit vitio partis a generatione, vel post ipsam factus, tumor in liene generari non potest ab humore frigido, & ficio, nisi sanguis frigidus, & ficius prius extiterit. Antecedentia igitur Quartanæ continuæ periodicæ propter frigiditatem, & ficitatem sanguinis producent pauciores, & minus vividos spiritus, adeoque vitiabunt motum sanguinis, sed & vitiabunt quantitatem sanguinis; de-erit enim humiditas: vitiabitur etiam qualitas, & quidem primariò, cum sanguis frigidus, & ficius in animalis, & hominis nominatim corpore esse non debeat. Posito igitur sanguine frigido, & ficio, erit in ipso crassities, sive lentor maximæ tarditatis; ficitas enim cum ex se sit minime fluxilis, & ipsi admixta non supponatur humiditas, cujus admixtione fluxilior redditur, atque insuper a frigiditate, quæ ficitati conjuncta supponitur, auferatur illa vis urgendi, dimovendi, agitandi, atque ita motum disponendi, quæ vis ab actione caloris provenit, fiet, ut in hoc statu sanguinis lentor sit maximæ tarditatis. Quia vero ficitas non ex toto impedit caloris solutionem, & ejus, qui solvitur, vis ab humido, quod deest, non retunditur, erit lentor ille cum aliquo calore conjunctus. Hinc fiet, ut cum derivatur ad arteriolas capillares, hæreat iis, & quidem validissime propter lentorem maxime ficium, sed non hæreat impediendo omnis caloris solutionem, unde accessiones sine ullius frigoris specie erunt. Quia verò lentor totus ficiissimus est supralentorem quemlibet Tertianas, vel Quotidianas producentem, igitur etiam illud liqui-
di-

dius, quod ex ipso per superaffluentem sanguinem exprimitur, erit magis lentum, quam illud, quod recursus Quotidianæ, vel Tertianæ producit, adeoque labetur ad superficiem venarum lentius, seu non reducetur in arterias, nisi quarto quoque die, cum ejusmodi temporis spatium exigat, vel ad hoc, ut excurrat totam longitudinem suorum canalium, per quos ducendus est, antequam ad arterias perveniat, vel quia non nisi intra idem spatium temporis fermentescat, maturetur, seu generetur, ut in superioribus exposuimus. Deceffiones autem erunt sine sudore iisdem de causis, quibus fit, ut Quotidianæ, & Quartanæ continuæ similiter sine sudore decedant, & in hac febre pariter locum habebit, & quidem maximum crassities humoris cæteroquin per sudorem exprimi possibilis, cum in hac febre, ut ex hac Propositione patet, fit sanguis maxime omnium crassissimus, seu maxime siccus, atque cohærens. Pulsuum differentiarum patent ex generalibus Propositionibus; quia vero lentor supponitur frigidior, frigidior nempe quam in Tertiana, quam exposuimus; erit igitur quantitas soluti caloris minor, adeoque sensus etiam minoris caloris habebitur, seu calor minor, quam in Tertiana continua sentietur: quia vero ejusmodi lentor frigidus conjunctus est, non cum humiditate, quæ caloris vim reprimat, ac moderatur, sed cum siccitate, qua fit, ut calor purus, atque ex se ipso liber, & solutus sine ullo temperante evaporet, in Quotidiana autem expirat cum humiditate permixtus; igitur calor in Quartana propter minorem quantitatem erit quidem minor, quam in Tertiana, sed propter privationem humiditatis reprimentis, ac temperantis sentietur acrior, quam in Quotidiana. Quoniam vero, ubi major caloris vis, ibi major exsiccatio partium solidarum, ubi major exsiccatio, major sitis; cum igitur in Quartana sit calor minor, quam in Tertiana, sed penuria humiditatis major, quam in Quotidiana, fiet, ut sitis in Quartana sit minor quidem, quam sitis in Tertiana, sed major quam in Quotidiana, cum in hac humiditas, quæ in lentore supponitur, præsto sit. Cum igitur urina componatur ex duris partibus, atque liquidis aqueis, & illæ in hoc lentore fixissimæ sint; per parvum motum, seu minorem pressionem in accessionibus seungi, ac derivari non poterunt in canales urinæ, sed exprimetur solummodo quod liquidissimum est, & pure aqueum, seu erunt urinæ crudæ,

Recurfus
quarto quo-
que die.

Deceffiones
sine sudore.

Pulsuum
differentiarum.

Calor mi-
nor, quam
in tertiana:
acrior, quam
in quotidiana.

Sitis media
inter utrius-
que expo-
sitæ febris
situm.

Urina initio
crudior, &
tenuis, post
varia.

atque tenues: invalescente autem motu febris crescet pressio, unde duræ etiam partes solvi, & excerni per urinam poterunt, & fiet illa coloratio, & coctior; quia tamen solvi, ac sejungi debent a siccissimo sanguine non in omnibus trajectionibus perrenes, erunt partes per urinam expressiles ita ad solutionem dispositæ, ut per ultimam illam trajectionem solvi ex toto, & excerni possint, unde fiet ut aliquando reddatur crudior, aliquando coctior, prout partes coctionem ostendentes plus minus dispositæ sunt ad continuam, vel interruptam separationem in renibus ab illo maxime lento, & sicco sanguine. Quia vero ad calorem atque humiditatem sumus plerumque, ac naturaliter dispositi, conservamur autem per cibos calidos, & humidos plerique, vel saltem potus humidus ex aqua ne vilissimis quidem deest; igitur raro poterit ita vitari sanguis, ut frigidus evadat, & ficcus, seu lentorem contrahat Quartanæ producendæ aptum, quare Quartana continua periodica raro continget: quod si contingat, cum per crassitiem, & frigiditatem sanguinis minimum spirituum & maxime inertium generetur, & in sanguine minimum reperiatur ejus, quod cum liquido nervorum debet contrahere musculos, & in hujusmodi corporum copia consistat robur, & virium integritas, Quartana continua periodica quando continget, vires maxime dejiciet. Quæ autem reliqua contingunt in Quartana continua periodica, ab explicatione earundem in Quartana intermittente petenda sunt. Quia vero siccitas illa, & frigiditas contumax difficile humescere potest, atque incalescere, hinc fiet, ut longiori tempore opus sit, antequam id fieri possit, & protrahetur febris ad 40. dies, & ulterius, & nisi adhuc solvatur ille lentor, cum in illo sanguine sicco, & frigido nihil contineatur, quod naturæ consentaneum sit, succedet prava habitudo corporis, seu Cachexia, vel absumptio ejusdem per siccitatem, & frigiditatem, eritque Tabes quasi naturalis, cum hæc sit cum frigiditate pariter, & siccitate, vel si calor febrilis caliditatem conciliaverit partibus, absumetur corpus per talem a siccitate, & caliditate provenientem. Si vero lentor ille ficcus aliquantum humescat ita, ut abripi ab arteriis possit, non tamen subito, sed sensim ac paulatim solvatur, refluat per venas quarto quoque die, cum per primam humectationem siccissimum illud non possit evadere fluxilius, quam id, quod ex ipso liquidius ex-

Raro contingit.

Vires maxime dejicit.

Reliqua ex intermittentibus.

Ad 40. diem, & ulterius protrahitur.

Cachexia succedens. Tabes.

Quartana intermittens.

pri-

primebatur ad producendos recursus, adeoque fiet rursus Quartana febris, non tamen continua, cum lentor non hæreat perpetuò arteriis, sed cujus inter duos quosque recursus relinquatur corpus integrum per aliquod spatium temporis, seu succedet Quartana intermittens. Affero jam tertio, universam hanc rerum seriem necessariò non pendere a vitio motus, aut quantitatis sanguinis; vitium etenim est primò in sanguine, inter cujus effectus est etiam vitium motus, & quantitatis ejus, ita ut universa rerum series, ut patet ab expositis, etiam succederet; nisi viticaretur motus, aut quantitas sanguinis, cum etiam pulsuum differentia ab illo primario vitio sanguinis pendere possint.

Est igitur Febris quartana continua periodica vitium in qualitate sanguinis, qua fit minime fluxilis per lentorem quendam, cujus pars siccior validissime hæret arteriis perpetuò, liquidiore ipsius parte refluyente quarto quoque die &c. ut in superioribus, mutato solum ordine recursus ex singulis, aut tertio in quartum quemque diem, unde in his tribus febribus, qui calor exprimitur a suis lentoribus, & per vasa sanguinis fluit, diversimode se habet in singulis, & in Quotidiana quidem qui exprimitur, non exprimitur sejunctim, & solitarius, sed permixtus cum insigni quantitate humiditatis aqueæ, qua lentor Quotidianæ febris scatet: qui exprimitur in Tertiana, copiosior est, & cum minori quantitate humidi aquei permixtus, cum lentor ille Tertianæ febris sit tenacior, seu siccior, seu minus aqueæ humiditatis continens: qui denique exprimitur in Quartana, minimæ quantitatis, & cum minima quantitate aquæ permixtus, cum lentor ille siccus sit, atque frigidus.

Quid sit quartana continua periodica.

Quibus diversis modis se habeat calor in tribus hisce febribus.

PROPOSITIO XXVII.

Quæ antecedunt Febri malignæ vitare quidem possunt motum, quantitatem, aut qualitatem sanguinis; sed quæ ipsi conjunguntur, atque succedunt, non pendent necessariò, nisi a vitata qualitate ejus: & quid sit hæc ipsa febris.

Nihil est apud Medicos magis vulgatum, atque acceptum, Antecedentia, quam Febrem malignam provenire à maligna quadam qualitate humorum, qua ipsi venenum quasi quoddam contraxerint, & solum ratione hujus venenatæ qualitatis à Maligna

febre produci quicquid cum ipsa conjungitur. Quia verò hoc vitio sanguinis posito necessario vitatur motus, & quantitas etiam sanguinis, cum per eam mutationem nec spiritus naturalis conditionis, nec quantitas naturalis sanguinis detur, & qualitas vitata supponatur, patet ab antecedentibus, vitare posse motum, quantitatem, & qualitatem sanguinis. Quia tamen quid sit illa venenata qualitas, & quo pacto operetur, à nemine exprimitur; si igitur ostenderimus, quicquid conjunctum est, atque succedit Febri malignæ, necessario pendere a lentore superius exposito, vel cum redditur tenacior, vel cum fermentescit, ac solvitur in quiddam a naturali sanguine plane diversum, fiet, ut explicetur, quid sit malignum illud, ac venenatum; & simul ostendatur, quicquid conjungitur, atque succedit Febri malignæ, necessario non pendere, nisi a vitata qualitate sanguinis, cum Febris maligna nihil aliud a superius expositis differre debeat, quam per magis, & minus, si a lentore contumaciore, vel soluto in quid a sanguine longe diversum pendeat, cum conjuncta, & succedentia febribus reliquis non pendeant necessario, nisi a vitata qualitate sanguinis. Primò autem Febres malignas, quæ communiter invadunt, a lentore superius expositarum febrium originem ducere, ex eo patet, quod pleræque Febres malignæ succedunt iisdem febribus, & Quotidianis, atque Tertianis præcipue, in quibus major vis caloris, & humiditatis ad fermentationem, & solutionem ejusdem lentoris disponentium; Quartanis autem difficilius, in quibus calor minimus viget, & magna siccitas humores premit, quod utrumque a fermentatione cohibet; sic plerumque Tertianæ simplex intermittens in duas abire solet intermittentes, quæ mox in duas continuas per subintrantiam: hæc mox in continuam unicam, quæ postremò in malignam definit. Cum igitur illæ mutationes sint quidam gradus ex minus in magis tenacem, hærentemque arteriis lentorem, ut ex superius expositis patet, ultimus etiam gradus febrium earum sibi ex ordine succedentium, seu Febris maligna videtur necessario futura ejusdem originis cum reliquis, & cum illæ processerint ex minori per majores, ac majores gradus lentoris, illa, quæ postremò corripit, ducet originem a summo lentoris gradu. Quando autem cum hoc summo lentoris gradu conjuncta erit summa solutio partium in sanguine maxime mobilium, quæ nitantur in eundem lentorem ita, ut ipsum

Malignæ
succedentes
febribus non
malignis.

Ejusmodi
esse debeat
sanguis in
malignis fe-
bribus.

ipsum.

ipsum possint subigere, ac fundere, & per illam solutionem mutari ille non possit in naturalem sanguinem, orietur quoddam liquidum in vasis sanguinis non alendo, non movendo, non sentiendo aptum, hic durius, ibi liquidius, cum necessarium non sit, ut ubique solutus sit æqualiter in his arteriis adhuc hærens, ab illis abreptus, ad has recurrens, atque hærens, rursus per illas libere fluens, cum abripere, vel fundere hujus, vel illius arteriæ lentorem debeat quicquid est illud maxime mobile, prout ad hanc, vel illam arteriam resistantiam majorem, aut minorem invenit, quæ major est, aut minor necessario, prout illa materia collocatur in hac aut illa parte corporis, in qua major, aut minor momenti prementis vis viget, ut ex superioribus abunde patet. Sive igitur Malignæ succedant aliis febribus, sive ex se primò invadant, sit sanguis, qualem descripsimus, nempe ex lentore compositus cum partibus reliquis mobilioribus maxime solutis, & hæ mobiliores subigant paulatim, ac solvant lentorem illum; hæ igitur cum ipso aliquatenus miscebuntur, & violentiam suam minuent, & cum inter eas calor reperitur, quousque solutio facta non est, calor cum lentoris partibus velut implicabitur, & sui momenti plurimum deperdet; hinc igitur fiet, ut vis ejus, sive calor in corpore sentiat minor non secus, ac minus calefcit corpus, si corpus inter & ignem ponatur glacies, vel quid frigidum, unde febris videbitur benignior, cum calor sub initium mitior sentiat, & cum adhuc pessima cætera non possint se prodere, latebit natura febris deterioris. Quoniam verò quicquid est virium, quod exerimus, fit per confluxum liquidum per nervos, & partis mobilioris sanguinis in villos musculorum; quousque igitur hæ fluunt liberè per arterias, dari adhuc, & exerceri poterit plurimum virium, sed cum subigunt lentorem, ac ipsi permiscuntur, aut non fluent per arterias, aut ob admixtionem secerni in suis locis non possunt, confluxus ille tollitur; igitur paulo post initium dabitur virium insignis imbecillitas deficientibus partibus robur producentibus, & cum illa permixtio fiat intra vasa sanguinis, neque ullam novam affectionem obviam sensibus ægri, aut adstantium pariat, videbitur illa imbecillitas sine manifesta causa, similiterque cum eo mixtionis flatu perseverante adhuc perseveret fallax febris benignioris species, & calor perseveret mitior, virium

Species benignioris febris, seu calor sub initium mitior.

Paulo post principium virium insignis imbecillitas.

Sine causa manifesta, &c.

Major quam
pro ejus fe-
bris modu-
lo.

Inquietitu-
do, jactatio,
anxietas.

Sudores in-
ordinati.

illa imbecillitas videbitur major, quam quæ cæteroquin con-
venire deberet illi ad sensum remissiori febri, & calori modum
mediocriter excedenti: fermentescet interim lentor ille, & si
quidem fuerit hærens arteriis, sejungetur & fluet per vasa san-
guinis, sin minus, fluet absque eo, quod abripi ab arteriis de-
beat: calor itaque non solum, qui antea liber erat, libere o-
perabitur, verum & ille solvetur, qui antea in ipso lentore
continebatur, unde fiet caloris incrementum. Ex hoc autem
calore aucto, & lentore cum ipso fluente ad partes corporis
orientur molestiæ ab affluxu lentoris, a calore caloris sensus,
& æger jactabitur, ut inveniat refrigerii locum, unde erit
inquietudo, & per lectum se jactabit hinc inde. His iisdem de
nominibus anxie respirabit frequenter cum magnis respira-
tionibus, cum suspiriis, cum sensu quodam caloris insignis
in pectore, pulmonibusque, & sensu quodam gravantis, ac
prementis rei, vel difficile mobilis intra pulmones; lentor
enim gravationem, pressionem, & difficilem fluxum per pul-
mones pariet, quoties ad ipsos perducetur, unde æger tenta-
bit omne genus respirationis, qua per assuetudinem didicit mo-
lestum illud abripi, atque expelli; vis autem, seu copia ingens
calentis impenſe sanguinis, qui continetur in truncis venæ ca-
væ, & arteriæ magnæ intra pectus, & intra totam pulmo-
num molem, sensum caloris excitabit in pectore, quo amo-
vendo frequenter præcipue, & magnis respirationibus respira-
bit æger per voluntatem, atque assuetudinem, quarum tamen re-
spirationum species etiam naturaliter dari poterunt per stimulum
a calore, & lentore sui sensum excitantibus. Dum autem fermenta-
tio peragitur, & solvitur in suas quasque partes lentor, liberta-
tem etiam nanciscentur salinæ, & aqueæ, & cum lentor a glandu-
lis abripi, & fluere incipiat, non obstruet canales eundem a glandu-
lis sudorificis ad cutem derivantibus, unde partes illæ solutæ,
& sudorem efformare aptæ poterunt per poros cutis reddi, & su-
dorem generare; cum vero lentor possit identidem recurrere,
premi, & compingi valide, ita ut diutius, & validius hæreat, an-
tequam fermentescat, vel obstruat glandularum canaliculos, hinc
sudor ille modò effluet, modò cessabit, nunc paucus, mox copio-
sus ex toto corpore, ex aliqua solum parte, prout nempe plus mi-
nus solvitur lentor magis minusve continue, prout solvitur in hac,
aut illa parte, vel toto corpore, prout recurrit, aut secus, & su-
do-

dorem ex his quemlibet esse posse calidum, & frigidum, patet ex Propositione 21. Quare sudores esse poterunt in unaquaque ipsorum affectione nullius ordinis. Quoniam vero ejusmodi lentoris primum, sive quod adhuc fufum non est, sive quod recurrit, hæret arteriis, sive quia per motum febris plurimum liquidi intra vasa sanguinis contenti evaporat, sive quia isthæc omnia, aut plura simul contingunt; igitur in arteriis minor multo, quam naturalis copia liquidi continebitur, adeoque pulsus erit parvus. Similibus autem de nominibus & liquidum per nervos, & sanguis in musculis expandendus erit minoris quantitatis, adeoque minoris virtutis, & minus valide cor contrahet, unde minor impetus communicabitur sanguini, & fiet pulsus debilior; quin etiam si spirituum vis sit acrior, tamen minus exerceri poterit in minori quantitate sanguinis, & etiam tum pulsus debilis apparebit. Si igitur spiritus, ac sanguis ille sint maxime soluti, erunt vividiores, facilius excurrentes, & subito, adeoque frequentius excident in musculorum villos, & fiet frequentia pulsus; si vero eadem illa contractionem producentia ita mixta sint cum aliis corporibus naturalibus, aut non naturalibus, ut iisdem, ac in naturali statu, intervallis temporis in villos cordis excident, fiet raritas qualis naturalis: & si sint ejusdem impetus, & quantitas liquidi non naturalis eo tempore per vasa sanguinis fluentis, compositi scilicet ex turbido illo sanguine, hic liquido, illic subviscido, & viscido inæqualium particularum sit, qualis naturalis quantitas sanguinis, erit pulsus in magnitudine, raritate, & robore naturali similis. Sed quia interim fluens illud per vasa sanguinis, est quale descripsimus, fient ab illa miscella quasi turbidi sanguinis mille pessima, & exitialia, ut explicabimus mox. Sit jam initio febris lentoris vis magna: interim igitur vix quicquam refluet per arterias, unde tum pulsus minimus: est autem calor solutus; si igitur hic in cerebro adhuc solvatur magis, ut re ipsa solvitur, nec ad piæ matris arterias tantum lentoris offendant, ut ad ipsum fermentandum debeat vis ejus hebescere, ac temperari, generabitur liquidum per nervos acerrimum, ac subito excidens, unde frequentissime contrahetur cor, seu fiet pulsus minimus & frequentissimus. Quia vero ex inconstanti illa liquatione, motione, & recurso lentoris sit necessario, ut modò hæc, modò illa obstruatur arteria, atque ut modò magis liberum, modò magis im-

Pulsus parvus.

Debilis.

Frequens.

Rarus.

Naturali similis.

Cum pessimis interim affectionibus.

Initio febris aliquando minimus, & frequentissimus plerumque pulsus.

pli-

Urinæ primis diebus aliquando quales sanctorum.

Tenuis, crudæ, sine sedimento.

Sedimentum excremento simile.

Crassæ, coloratæ, turbidæ, cum crasso, rubro, turbido sedimento.

plicatum sit reliquum sanguinis, sit etiam inde, ut arteriæ piæ matris modò magis, modò minus infartæ sint, hoc est, modò plures, modò pauciores, modò aciores, modò hebetiores spiritus generentur; quod idem cum dicendum sit de sanguine ad movendos musculos concurrente, patet hoc de nomine pulsus ut plurimum debere esse varium quoad raritatem & frequentiam, magnitudinem & parvitatem, debilitatem & robur, quæ sunt in pulsu præcipua. Cum verò primis diebus possit contingere, ut lentor ille non sit ita fusus, ut ejus partes non naturales, nec in statu naturæ cæteroquin per urinam amandabiles per eandem reddi possint, atque insuper fieri potest, ut motus sanguinis sit tam naturali proximus, ut cum datur pulsus naturali similis, detur illa ejus velocitas per renes, quæ necessaria est ad reparandas partes duras cum aqueis naturali similem urinam constituentibus, ac denique fieri potest, cum illo lentore non fuso harum partium aut nullæ, aut paucæ detineantur; cum igitur dabuntur hæ conditiones, reddetur urina naturali similis cum iis interim pravis symptomatis, quæ ab illa miscella in sanguine liquidarum, & viscidarum partium potest contingere. Quod si cum lentore detineatur portio dura crassitiem, coctionem, & sedimentum faciens, vel velocitas sanguinis sit tanta, ut non permittat in renibus exprimi, nisi quod liquidissimum est, tunc necessario urina reddetur tenuis, reddetur cruda, & cum nihil contineat, quod subsidere possit, erit sine sedimento. Si verò lentor sit magis liquatus, ita ut maximam partem sanguinis sui iniquatione corripiat, facile secerni poterit crassius ex illo aliquid, cum factus sit totus fere æque fluxilis, & partes crassiores minimum impedimentum ob illam fluxilitatem inveniunt, & per urinam reddetur, & cum non sit id, ex quo naturale sedimentum producitur, sedimentum quidem videbitur, quia fundum matulæ petet, sed erit ab illo dissimile, & aliud excrementum appellabitur. Hoc ipsum succedet etiam, si non detur tanta corruptio sanguinis; sed velocitas ejus sit talis, ut per renes ejusdem crassioris materiæ separatio possit contingere. Iisdem de causis, & cum dabuntur circumstantiæ, seu conditiones similes, producetur, atque reddetur urina crassa, colorata, turbida, cum crasso, rubro, turbido sedimento, ut patet. Quia verò eo acrior est calor, quo liberi-

rior, & magis a reliquis corporibus separatus; in hac autem constitutione sanguinis ob fusionem lentoris est semper cum aliqua ipsius viscidior, & crassior particula conjunctus: in Febre autem ardente sejunctus ab iisdem est: etsi igitur in Febre maligna ob fusionem lentoris maxima vis est caloris, quia tamen a partibus viscidis retunditur, ac temperatur, comparatus ad calorem Febris ardentis est minor, quam ille, qui acrior, ob separationem a partibus temperantibus; quia verò constitutio sanguinis multo deterior est, quam in Febre ardente cum illo calore, qui, etsi summus, ad calorem Febris ardentis comparatus est minor, conjuncta erunt symptomata multo graviora, quam in Febre ardente, & quàm quæ secum ferre debere videretur ille calor iis, qui de constitutione sanguinis tam a naturali statu deficientis non essent conscii. Quia vero Sitis fit a defectu salivæ, & humidi membranam quamlibet humectantis, utrumque autem deest vel a calore exsiccante, vel ab obstructione impediende effluxum, vel a viscido cohibente partes humiditas, atque ita prohibente, ne per datam pressionem discernantur; etsi igitur calor sit remissior, hoc est, minime exsicicans, quoties dabitur vel viscidum illud cohibens, vel obstructio illa impediens ad glandulas salivales, vel ad vasa quælibet, ex quibus humor ille derivatur, vel ad utrasque partes, dabitur sitis ad os & fauces solum, vel ad corpus totum præter os & fauces, vel ad omnes partes absque eo, quod calor sit intensior; cum verò in exposita constitutione sanguinis datur lentor, a quo fieri potest obstructio, vel implicatio humiditatis, vel utrumque, patet, in Febre maligna dari posse sitim supra modum caloris febrilis. Sed & nulla sitis dabitur cum intensiore calore febris, & linguæ siccitate, quod contingere poterit, quoties vel ita fusus sit totus sanguis, ut calor quidem sentiatur intensior propter copiam ejus a fusione, sed sanguis solutus sit in quiddam subhumidum, quod difficilius a calore tenuetur, & perspirare cogatur, unde humefacere possit aliquatenus partes, lingua interim superficie tenus arcescente ob continuam expirationem partium calidarum ex abdomine, & pectore per trachæam, & œsophagum intime interim in mediocri humectationis gradu permanente, cujus humiditatis intimæ, & siccitatis solum superficie tenus indicium erit loquendi facilitas, quæ sine mobilitate musculorum, &

Calor minor, quam calor febris ardentis: symptomata graviora, quam in ardente, & quæ ceteroquin conjungi debere viderentur cum illo calore, qui etsi summus calor, ardentis est mitior.

Sitis aliquando supra modum caloris,

Aliquando nulla cum intensa febre, & linguæ siccitate.

Singularis
ad omne
ciborum ge-
nus inappe-
tentia, ac si
essent gustui
gravissima
medica-
menta.

Nausea,
vomitus.

Horror fre-
quens, &
sæpe recur-
rens.

Gravitas
corporis, &
membrorum
contractio.

Deliria.

hæc sine ipforum mollitie non potest contingere. Etiam si autem non detur ejusmodi fusio, & detur linguæ siccitas non solum superficie tenus, sed & profundior; imovero etiam in universo corpore, & quibuslibet ejus villis detur intima, & gravis siccitas; fieri tamen poterit, ut nullius sitis sensus habeatur, quoties per illam siccitatem facta sit talis exsiccatio nervorum, ut ipforum latera opposita ad mutuum contactum venerint, & quasi coaluerint, & dirigerint toti ipsi nervi, ita ut sensus siccitatis, seu sitis excitari per ipsos nequeat, licet siccitas sit summa, eaque producta, vel quia calor humiditatem absumserit, vel quia lentor canales obstruxerit, vel quia humiditatem detinuerit. Quia verò ob pravam illam constitutionem sanguinis generabuntur in glandulis ventriculi, ac derivabuntur in cavitatem ejus pravi humores, ac molesti, qui eo molestiores erunt, cum moveri, & dilabi per membranas ejusdem cogentur; cum igitur objicietur aliquid, quodcumque sit, ingerendum, expectatione, & metu molestiæ, quæ subsequi deberet intra ventriculum ab allapsu ejus cibi dimovendis humores pravy tum quiescentes, nec dilabentes per membranas, in ejusdem cibi inappetentiam summam venimus, imo non inappetentiam solum, verum in aversionem insignem, & quidem tantam, ut excitari possit species sensus molesti ad ventriculum, quo in vomitum ciatur, unde constringi poterit ventriculus, & contentos humores re ipsa dimovere, & verum fastidium excitare. Nausea autem, & vomitus patet ex Propositione 21. & ex his ipsis, quæ de hac ad quemcunque cibum aversione disseruimus. Horror frequens, & nulla lege, ac sæpius in die recurrens abunde patet ex iis, quæ de lentore frigorifico dicta sunt, & ex sanguine, quem hic supponimus viscido liquidum, ita ut quoties viscidum illud ita impingitur arteriis, ut calorem cohibeat, horrorem excitare debeat. Ex hac ipsa crassitie sanguinis pendet gravitas totius corporis, & veluti membrorum contractio, ut patet ex expositione frigoris cum dolore ostocopo, qui sensus erit eo gravior, quo per lentorem sanguinis, & caloris evaporationem minor generabitur copia spirituum, qui sua vi contrahendo valide musculos superare possint pressionem ab impactis crassis humoribus. Deliria variis modis contingere possibile in hoc statu sanguinis patet ex Propositione 21. & doctrina deliriorum in genere.

Quo-

Quoniam igitur in partibus sanguinis datur illa diversitas; prout igitur, & quousque lentor, aut alii humores, præterfluere poterunt, aut subsistere, sed non sine punctione, caloris vi, aut tensione, & id fiat nullo ordine, per hanc, aut illam partem fluendo, vel ad hanc, aut illam partium diversarum arteriam subsistendo, generabitur dolor vagus huc illuc tendens, atque hinc inde abiens, plus minus durans & cujuscunque generis. Sudores dari frequenter poterunt propter solutionem partium in sudorem abire valentium, eruntque parvi ac minuti, cum fundat quidem ille calor, sed ejus vis pariter absumat plurimum humidi, vel quia lentor ille salinas partes, sicut etiam aqueas ita detineat, ut per datam pressionem secerni, atque exprimi non possint: Hinc erunt etiam inutiles, cum ille sudor non sit expressio, atque expulsio lentoris noxii, sed sit quiddam, quod è noxio exprimitur, illudque ipsum reddit naturæ magis adversum, illa humidi quantitate, quæ superest, abeunte: initio autem morbi etiam contingere poterunt, tum etiam incipiente fusione; sed de sudore etiam superius, unde patet tota res. Sed & frequenter contingere poterit Oculorum rubor; cum etenim sit sanguis quasi turbidum vehens ex soluto, & crasso compositum, quoties ad arterias per album oculi distributas subsistet crassum quiddam liquidioris fluxum impediens, subsistet hic, & sui caloris libertate, & continuo novi sanguinis superaffluxu distrahet, ac trudet extrorsum eandem arteriolam, quousque in visum possit incidere, & suum ruborem ostendere, seu oculi videbuntur rubri, & id frequentissime contingere poterit, cum ea constitutio sanguinis semper apta sit illi rubori producendo. Cum verò detur hæc constitutio sanguinis lento liquida, patet, eam esse, qualis requiritur ad producendas maculas, atque pustulas in corpore ex demonstratis Propositione 21. easque maculas, atque pustulas esse posse cujuscunque magnitudinis, atque coloris, lividas, nigras, rubras, virides, & si quæ sunt aliæ deterioris, aut melioris generis: datur enim in sanguine constitutionis, quam supposuimus, perpetua fermentatio, ac solutio, unde prout ejus portio aliqua perducitur modis in ea Propositione descriptis ad loca ibidem enumerata perspirabilis, & crassiora solum relinquens, vel fermentabilis, antequam vel suppuretur, vel perspiret, fient maculæ, vel pustulæ majores, aut minores,

Sudores frequentes, parvi, minuti.

Inutiles.

Initio morbi.

Oculorum rubor.

Maculæ, & pustulæ cujuscunque coloris, æ magnitudinis etiam partes intergras occupantes, nigra, ut vides &c.

Pustulæ per totum corpus, sed præcipue per faciem, manus, ac pedes, pauciores in dorso, & pectore: maculæ contra copiosæ in dorso, & pectore, in facie, manibus, ac pedibus paucæ, aut nullæ.

Facies modò vicens, ac florida, modò a naturali maxime aliena.

prout materies per amplius, aut contractius spatium colligetur, & diversimode coloratæ pro diversitate materiæ, eruntque pessimæ, quæ sunt colore nigræ, fuscæ, virides, lividæ, cum indicio sint crassiorum, ac magis fixarum partium, quod tamen nec certum argumentum est. Quia verò quod perspiratione resolvitur, aut suppuratione fermentescit, est quid ad fluxilitatem, atque expressionem valde dispositum, cum utrumque illud sit fluxus quidam; si igitur materies brevi fermentescens, cum quiescit, vel perspiratione resolubilis ducatur per partes corporis cute raras, & validi, ac perpetui præ aliis motus, ad has illa non coacervabitur, sed perspiratione absumi poterit, etiamsi extra vasa ducatur; Variolæ autem, atque exanthemata ad suppurationem veniunt, Morbilli autem sine suppuratione excutiuntur perspirando; igitur omne hoc pustularum genus cum sit ex materia facilis fluxus, non poterit erumpere in partibus maximi, & continui motus, atque cute raris, cujusmodi est dorsum, & pectus, sed in manibus, pedibus, atque facie, partibus nempe durata ac densa cute, & minimi motus: quare ad dorsum, & pectus si cumuletur materies cæteroquin pustulis excitandis apta, quod est in ipsa liquidius, per evaporationem seu perspirationem absumetur hærente sine tumoris excitatione ad cutem, vel cuticulam, vel utriusque contactum materia crassiore, cujusunque coloris sit, & orientur maculæ, non pustulæ, cujusmodi Periculæ dicuntur, vel morsibus pulicum similes, vel majores, aut minores dorsum, pectus, vel quamlibet aliam partem totam occupantes. Patet autem, pro diverso ejus perspirabilitatis gradu pustulas etiam in pectore, & dorso, & maculas in reliquo corpore provenire posse. Ab hoc ipso diverso statu partium sanguinis fiet, ut facies possit esse modò vicens, & florida, cum per ipsius vasa fluit sanguis naturali similior, nec infarcientur lentore partim obstruente ipsa, partim prohibente, ne fluere per nervos possint spiritus, & motus in oculis, aliisque faciei partibus exerere; modò cadaveri similior, cum motus, & vasa sanguinis, & influxus liquidi per nervos contrario modo se habent; sed illa prope mortem poterit quasi florescere, & vividum quid exhibere, etiamsi pessime paulò ante se habuerit, & mox immineat mors, quod tum succedet, cum, deficientibus viribus, quod est crassius

in sanguine hæret jam totum ad summa vasorum in reliquo corpore, fluente interim per maximam partem vasorum faciei sanguine fluxiliori, qui superest, & minus a statu naturali recedit. Stillicidium sanguinis e naribus præcipue initio morbi vel a lentore validius obstruente vasa, atque ita cogente sanguinem, ut vasa debiliora disrumpat, vel a vi partis solutioris eandem disruptionem facientis, vel ab utraque causa simul, & esse poterit diversæ quantitatis, prout vis caloris, & obstructionis diversa est, major nempe, aut minor. In hac autem sanguinis perturbatione, & educatione non naturalium humorum ex ipso fieri potest, ut generentur semina vermium, quæ si producantur intra intestina, aut ventriculum, poterunt per alvum reddi, vel per os, vel per nares, cum via ex faucibus in nares pateat ad foramina ossis aratriformis; sed poterunt etiam generari ad glandulas salivales in faucibus positas, cum tam sæpe in animalibus vermes ad eas partes reperiantur. Reliqua autem omnia, quæ cum Maligna febre conjuncta sunt, patent facile aut ex Propositione 21., aut ex morbis particularibus; sunt autem illa somnus, veternus, vigiliæ, memoriæ debilitatio, spectra varia, insomnia turbantia, nihil cohærentia, vertigo, tremor, convulsio, corporis inquietitudo, anxietas, oculorum caligo, surditas, tinnitus, aut sibili aurium, odoratus, & gustus corruptio, membrorum quasi conquassatio, cardi-algia, sitis molesta, nausea, fluxus alvi foetidi, colliquantes tumores post aures, circa alas, & inguina difficile maturantes, sæpe retrocedentes, lingua sicca, aspera, nigra, os amarum, extrema modò refrigerantur, modò incendio uruntur. Quoniam vero per hujusmodi fermentationem, & mutationem sanguinis in quid non naturale produci potest aliquid ex toto corpore perspirans, quod subire possit poros cutis aliorum corporum, & sanguinem hominum in similem lentoliquidum humorem convertere; si igitur illa mutatio sit hujus generis, & ad hunc usque gradum perveniat, corpora hominum ægro proxima poterunt in idem morbi genus incidere, perspiratione illa subeunte, ac transeunte ex altero in alterum corpus, & sanguinem similiter vitiante, & cum sanguis ad eum statum redactus sit difficile reductilis in naturalem statum, plerique ea febre correpti moriuntur, & proinde febris illa, quæ privata prius fuerat, fiet popularis pleros-

Stillicidium sanguinis e naribus præcipue initio morbi, diversæ quantitatis.

Vermes per alvum, os, aut nares.

Reliquæ malignæ febres affecti-ones.

Febris pestilens succedens.

que, quos invadet, necans, & contagiosa, seu Febri malignæ succedet Pestilens. Quare patet tota Propositio, & cum hæc omnia a lentore illo, & sanguine vitiato pendeant, patet, Malignæ causam proximam eandem esse, quæ superius expositarum, & hanc febrem necessariò non pendere, nisi a vitio qualitatis sanguinis.

Quid sit fe-
bris mali-
gna.

Est igitur Febris maligna vitium in qualitate sanguinis, quæ per lentorem quandam huc illuc mobilem, ac fermentescentem modò hæc, modò illa pars obstruitur, & cætera, quæ patent ex serie demonstrationis.

PROPOSITIO XXVIII.

Quæ antecedunt Febri pestilenti vitare quidem possunt motum, qualitatem, aut quantitatem sanguinis: sed quæ ipsi conjunguntur, atque succedunt, necessariò non pendent, nisi a vitiata qualitate ejus: Et quid sit hæc ipsa febris.

Antecedentia
quælibet.

Cum antecedentia Febrem pestilentem eo tendant omnia, ut vitietur per ipsa sanguis, absque fusiori explicatione patet, quod proposuimus: etsi etenim vitiant qualitatem etiam, & quantitatem spirituum per crassiores humores, aut æquo magis, ac vividius fermentescentes, vitiant pariter quantitatem sanguinis his ipsis de nominibus; tamen hæc ipsa vitia quantitatis, & motus sanguinis sunt quid necessariò conjunctum, ac pendens ab ejusdem sanguinis vitio in qualitate: quare concludenda res, ut de febribus reliquis superius expositum. Adde his, rem ex se esse tam perspicuam, ut nemo dubitet, in Febre pestilente qualitatem sanguinis esse mutatam; etsi etenim hanc immutationem reducant ad venenatum, aut occultum quiddam, id communiter asseritur vitium esse in qualitate sanguinis, & ut id evinci perspicue patet à quibuslibet antecedentibus: id magis apte rem confirmat, quod ejusmodi febribus antecedunt non raro Febres malignæ superius expositæ, quarum essentiam ab illo corrupto sanguine, & hic liquido, illic crasso pendere, abunde monstratum est; sed & Variolarum, & Morbillorum non infantes solum, sed & adultos invadentium, anthracum, seu carbunculorum, & bubonum frequentius apparentium eruptio manifeste indicat, esse quid

quid in sanguine partim magis compactum, atque subsistens, partim magis fusum, atque vim faciens, cujus decubitu ad aliquam partem generantur tumores contumaces, aut fermentescetes, frigidiore, calidiores, ut ex præcedenti, ex Propositione 21., & ipsi præcedentibus patet. Et ex Anthracibus argumentum patet apertissimum mirum in modum vitiatae qualitatis sanguinis, cum sit ille tumor velut exurens, adeoque cumulatur ad partem carbunculo laborantem crassum aliquid, quod per vim intensi caloris funditur, & sensum illum ardoris, aut exustionis excitat. Itaque sanguinem in Pestilente febre ponimus non absimilis constitutionis ac in Febre maligna, & esse Febrem pestilentem veluti summum gradum Febrium malignarum, quæ cum esse possint diversi generis, prout diversimode concrevit sanguis, ac solvitur, etiam Febris pestilens erit diversorum generum, prout a diversa coagulatione, & fusione sanguinis pendet, cui tamen hæc conjungantur, ut scilicet quos corripit, plerisque necet, quod difficile factu non erit, quoties non naturalis illa habitudo sanguinis eo usque processerit, ut viribus artis restitui in naturalem statum non possit, aut per ignorantiam, qualis sit illa coagulatio, atque fusio. Insuper ut fusio, & coagulatio illa eo usque processerit, ut solvat, & per perspirationem aut respirationem emittat ex corpore solutas partes, quæ sint tam tenues, atque tam mobiles, ut hominum corpora subire possint per poros cutis, aut respirationem cum aëre, qui inspiratur, & ejusmodi partes intra corpus, & sanguinem admixtæ vim habeant sanguinem eodem modo coagulandi, ac fundendi; hinc etenim fiet, ut febris illa sit contagiosa, quod requiritur ad Febris pestilentis constitutionem. Neque verò id solummodo fieri debet; verum insuper solutæ illæ partes possint impingi, atque hæerere diutius aliis corporibus non viventibus, ut laneis, lineis, lignis, paginis &c. quæ corpora mox per attrectationem viventis alicujus, vel cujuslibet caloris in motum agant, atque expirare cogant particulas illas pestiferas prius hærentes, & quiescentes intra eorum poros, unde libertatem nactæ, & quaquaversum motæ subeant corpora hominum, eaque inficiant, hinc Febrium pestilentium e longinquis regionibus asportatio, latens illa per multum tempus, ac dein subito erumpens, & quæ mille hujusmodi prodigio

Quos corripit, plerisque necat.

Contagium quodupliciter.

simillima circumferuntur. Quod si tenues illæ, ac mobiles partes ejus sint conditionis, ut corpora animalium subire, eorumque etiam sanguinem similiter coagulare, & fundere possint, non solum homines, sed bruta etiam Febre pestilente corripientur, quod tamen non semper necessario succedet, cum animalium sanguis diversus ab humano sit, adeoque etiam si ad ipsum usque pertingere partes illæ supponantur, non tamen inde necessario sequitur, ut vitari sanguis similiter debeat, quemadmodum non quælibet aqua regia solvit unumquodque genus metallorum; tum autem corripientur ex æquo bruta, aut omnia, aut aliquod ipsorum genus cum hominibus, quando fermentum illud tenue, mobile, & cutem penetrans erit ejus conditionis, ut uniuscujusque ex iis animalibus sanguinem possit pestilenti modo vitare. Ejusmodi ergo contagium cum per eos quasi halitus longe expirantes a Peste infecto corpore fieri facile possit, quoties illi subeunt alterius longe positi sanguinem dispositum suscipiendæ pestiferæ coagulationi, & fusioni: multo facilius, & gravius continget malum Pestilentis febris, si integrum aliquod corpus hominis, aut bruti ponatur ad contactum alterius Pestilente febre laborantis, multoque gravius, si ponatur ad contactum earum partium, quæ copiosius, & majori cum impetu expirant, ut oris, & aëris, qui expiratur, aut pectoris, dum valde æstuat, aut carbunculi, dum vividius urit: tum enim adhuc perspiratio erit majoris impetus, cum proxima sit corpori, a quo vim trusionis excipit, & compactior, seu plurium partium, unde vis ejus major. At non solum quis Febre pestilente corripietur per contagium ob partes à determinato aliquo particulari corpore expirantes; sed si particulæ ejusdem malæ facultatis interspersæ, atque admixtæ sint aëri, ea ipsa Pestilentis febris communicatio facile, ac necessario succedet non solum ratione respirationis, sed ratione totius corporis, quod cum continue demersum sit intra aërem, particulæ illæ quaquaversum vagantes, atque nitentes penetrare poterunt ad usque sanguinem per poros cutis; etsi enim cutis est crassior, quam pulmonum pelliculæ, ad summum plus temporis exigetur, antequam partes illæ per habitum corporis sanguinem subituræ ad eandem pertingant, non tamen inde fiet, ut subire cutem, atque in sanguinem admitti non possint. Quibuscunque autem

ex his modis contagium contingat, erit ejusmodi febris facile, & aliquando necessariò popularis, & facile quidem, quoties contagium illud non ducit originem à partibus aëri permixtis, sed expirantibus ab aliquo particulari corpore; tum enim non poterit communicari febris, nisi iis, qui ad infecti corporis attactum veniunt, vel constituuntur ad tantam ejus distantiam, ut ad ipsam quoque halitus illi pertingant non tam dispersi, ut ipsorum vis, seu penetrans, seu fermentans sublata sit, aut tam imminuta, ut operari non possit; quod fiet, cum propter distantiam à corpore expirante plurimum dispersi fuerint halitus illi: quia verò id initio Februm pestilentium minus cavetur, fiet facile, ut homines a consuetudine ægrorum minus abstineant, atque ita intra sua viscera virus excipiant, corripiantur & ipsi, atque inde cæteri. Ex multitudine autem correptorum fiet, ut halitus in aëre cumulentur plurimi, & licet qui a singulis corporibus expirant ad determinatam ab ipsis distantiam, propter dispersionem evadant fere nullius momenti, multiplicatis ægris fiet, ut ad eandem distantiam perveniant halitus ab ægris plurimis, ita ut in qualibet parte aëris coacerventur plures, & plurium ægrorum particulæ, quousque sint tantæ quantitatis, quæ sufficiat Pestilentem febrem producere in corporibus sanorum aërem illum respirantium, vel habitu corporis contingentium. Tum igitur necessariò corripiet Febris pestilens, seu erit necessariò popularis, sicut etiam necessariò erit popularis, si aër inficiatur ejusmodi particulis non a corporibus hominum expirantibus, sed vel a cadaveribus putridis, vel fodinis, vel terræ subditis hiatibus, vel transportatione ventorum, vel generatione per perversas tempestates, ac vices temporum, & quæ sunt hujusmodi. Quod si antequam inficiatur aër, quis intelligat, dari ægrum, vel quidlibet aliud, a quo pestis instare possit, nempe febris per contactum communicabilis, & pterosque necatura, si caveat, ut æger ille in secessu, & solitudine moriatur, aut convalescat, aut quicquid est illud aliud, supprimatur, aut avertatur, tum prohibebitur contagium, & eruptio in populum; non tamen idèò dicetur æger ille non laborasse Febre pestilente, quia non est per populum grassata; grassata enim non fuit, quia industria, ac vigilantia hominum factum est, ut contagium suum non communicaret, quod si communicasset, grassata per populum fuisset. Quæ autem reliqua, ac

Conjuncta
reliqua.

diversi generis conjunguntur cum Febre pestilente, partim ex Febre maligna, partim ex Propositione 21., partim ex Morbis nostris particularibus patent manifestissime, atque facillime. Et quidem posita illa turbatione sanguinis, quæ fiat partim concretus, partim maxime solutus, evaporabit multum spirituum, multum eorum cum coagulato detinebitur, fietque subita, & vehemens imbecillitas sine turbatione mentis, si quantum superest spirituum, sufficiat rationis motibus rite peragendis: cum turbatione ejusdem, si non sufficiat; sufficere autem poterit, prout quantitas non ita insigniter imminuitur, nec vitiatur qualitas, quod in cerebro facile contingere poterit ob occursum innumeros sanguinis per plexus piæ matris, in quibus magis potest perfici, quam in reliquis corporis partibus. Eadem de causa poterit minus vitiari vis concoctrix, quoties aptior concoctioni generabitur humor. Erit subitus ille virium lapsus sine manifesta causa, cum pendeat à concretionem, & fusionem sanguinis intus latente: erit iniquus & se volutans æger, ut quærat refrigerii locum, palpitabit corde; lipothymia, & syncope corripitur, ut in Morbis nostris particularibus. Pulsuum differentiam patent ex præmissis Propositionibus; sed & calor ingens, atque ardens interius, exterius mitis & blandus, aliquando nullus, ita ut frigeant summæ manus, ac pedes, nares, aures; quicquid enim est compactum in sanguine, ad arteriolas capillares extremarum partium tum hærebit; quicquid verò est fusissimum, per interiora circumducetur, & caloris vim intensissimam pariet, unde æstuabit æger, & vestimenta, operimenta, linteamina abjiciet, eorum impatiens. Quæ pauca attigimus, ut sint ad instar omnium conjunctorum, quæ supersunt explicanda; singula etenim tam facilia sunt, ut ex superioribus, atque Morbis nostris particularibus ultro pateant posito sanguine turbido, & ex partibus liquidioribus, & magis crassis composito, atque hac ratione per sua vasa fluente. Sed & mors patet qua ratione succedat, postquam eruperunt maculæ diversi coloris, quales etiam apparent in iis, qui insigni & vehementiore aliquo veneno sublatis sunt; maculæ enim illæ sunt illud crassius, quod è partibus ad cutem perductis subsistet inter ejus villos, dum liquidius, ac tenuius reliquum evaporat factum ex dissimilitudine firmitatis in partibus sanguinis, quam dissimilitudinem

faciant etiam oportet venena, quæ necant per fermentationem sanguinis; quare patet Propositum.

Est igitur Febris pestilens vitium in qualitate sanguinis, quæ per lentorem quandam huc illuc mobilem, ac fermentescentem, ita ut in partes minimas perspirare possit, atque hæc subire corpora animalium, eorumque sanguinem similiter vitare, plerique ea correpti moriuntur; corripiuntur autem plerique cum omnibus affectionibus superius expositis.

Quid sit febris Pestilens.

PROPOSITIO XXIX.

Febres symptomaticæ, vel secundariæ: Et quid sint hæc ipsæ febres.

Phlegmonodes, Erysipelatodes, Typhodes, quæ dicuntur Febres, cum sint quæ pendere supponuntur ab inflammationibus veris, aut spuris, patent ex Morbis particularibus, modo producendi inflammationes, atque ex doctrina febrium hætenus exposita, & tota res eo redigitur, ut cum datur insignis tumor, quicquid in naturali sanguine crassius est, ad eundem tumorem subsistat reliquo liquidior, & proinde momenti, & caloris maximi per reliquum corpus fluente, unde calor insignis in corpore, & continuus, cum solitarius circuletur ille sanguis maxime fusus, & summe calidus. Dabuntur autem horrores etiam subito recurrentes, subito evanescentes, vel aliquantum perdurantes, quoties ex inflammatione dimovebitur, & abripietur cum sanguine, & derivabitur ad vascula capillaria, iisque hærebit aliquid aptum cohibendo plus minus temporis calori. Insuper dari poterit summarum partium frigiditas etiam perpetua, quoties sanguis qui fluit per arterias, sit tam parvæ quantitatis, ut minimum a corde concipiat impetum respectu illius, qui cæteroquin requiritur ad abripiendum ex arteriis capillaribus lentorem illum, qui easdem infarcit, & calorem detinet, atque cohibet. Id ipsum continget, si sanguis sit rarissimus cum partibus crassis commixtus; hæc etenim ad capillares traductæ minimo urgebuntur impetu, subsistentque propterea, unde si possent calorem cohibere, frigus excitabunt interruptum, vel perpetuum, prout abripiuntur prius posterius, aut nunquam:

Phlegmonodes, Erysipelatodes, Typhodes.

urgebuntur autem minori impetu, cum rarior sanguis minorem impetum concipiat.

Lipyria.

Lipyria patet ex explicatione Epialæ Propositione 23. neque necessarium est, ut pendeat ab aliqua inflammatione interna; sed potest per interiores arterias sanguis liberè fluere absque ullo obice, qualis semper in inflammatione est, sive illa sit cum tumore insigni, quæ dicitur Sytrophica, vel sine tumore sensibili, quæ Phlogosis, & Erysipelas. Necessariò autem dabitur Lipyria, quoties capillares arteriolæ extremarum, & externarum partium erunt ita obstructæ, ut per vim sanguinis, & intestinum particularum obstructionem producentium motum, obstructiones illæ tolli non possint; erit enim sanguis tum compositus ex partibus lentis ad exteriores arteriolas hærentibus, & partibus reliquis maxime solutis, atque mobilibus, unde etiamsi nullus detur tumor, aut obex à qualibet inflammatione, dabitur calor ingens, atque ardens interius, dum interim exteriora frigeant. Erit interim pulsus parvus ob penuriam sanguinis, celer ob subtilitatem, raritatemque ejus, & parvum impetum, quem concipit, adeoque parvo etiam tempore retinet: inæqualis inæqualitate qualibet, prout major, aut minor copia sanguinis, aut liquidi per nervos, & apto, aut perturbato temporis intervallo inter utramque contractionem reducitur ad auriculas, & sinus cordis.

Lenta.

Lenta pendere potest à qualibet causarum, quæ vulgò proponuntur, atque in genere a sanguine leviter vitiatò, ita ut ejus vitium continuum sit, sive quia quod primò vitiauit, a vitio non cesset, sive ipso mox cessaturo succedat altera causa similis, sive illa ab obstructione proveniat sive à putredine, sive à corruptione alicujus visceris, sive quid est his simile. Febris erit pro modulo causæ vitiantis, & cum hæc levis erit, erit & illa similis, unde fiet, ut ea febre quis laboret tam leniter, ut se febrile vix sentiat. Febris tamen indicia manifesta erunt in pulsu, atque urinis, quorum utraque a naturali statu desciscere poterunt diversimode, ut ex iis, quæ de aliis febribus hætenus exposuimus, abunde liquet. Sensim debilitabitur æger, cum etsi levis sit morbi vis, tamen sit vitiatum sanguis, & per calorem, ac vim ejus semper aliquid absumatur, unde æger vix reficiatur ex alimento; refici autem plus minus poterit, & quasi etiam nihil, prout mali causa erit in hoc,

hoc, aut illo viscere plus minus ad alimenti elaborationem conducente, ut ventriculo, mesenterio, jecore, vel ipso sanguine, ex quo educendi humores concoquentes vitiiati erunt, vel etiam si non essent, vitaretur chylus in vitiatum sanguinem traductus. Aeger igitur alimento destitutus sensim contabescet, & absumentur vivendo, quoad poterit ad 40. diem, atque ulterius pro diversitate febris, & constitutione naturali patientis nulla certa lege comprehendendo temporis spatio.

Lentæ similis tum quoad affectiones, cum etiam quoad originem est Febris Alba in Virginibus chlorosi laborantibus, & Febris in cachecticis, quarum illa a vitio seminis, hæc verò a causis non absimilibus iis, a quibus pendet Lenta febris, quæ non indigent ulteriori explicatione.

Febris Alba,
& Febris in
Cachecticis.

Symptomaticæ pariter aliæ sunt ex lacte corrupto intra ventriculum puerorum, atque infantum, ex quo generantur humores crassi, & sanguinem viscidum, & febri aptum producentes, & cum sit intra ventriculum, produci possunt mille molesti sensus, qui per consensum pariant mille affectionum genera, clamores, stridores dentium, convulsiones, & alia huiusmodi miranda, quæ etiam facile mortem inferunt tene-rioribus corpusculis. Aliæ ex cruditate, quæ sunt huic si- miles in pueris, & infantibus pariter ex cruditate ciborum intra ventriculum, cum nimia ingerunt voraciores, vel non comminuta dentibus, cum iis nondum instructi sunt. Aliæ ex sanguine extra vasa derivato, & corrupto, ut in tumoribus, percussionibus &c. partim ex dolore, partim ex materia, quæ cum sanguine miscetur, ut patet ex inflammationibus, febribus, aliisque superioribus.

Symptoma-
tica aliæ a
lacte cor-
rupto in
pueris.

A cruditate
corundem.

A sanguine
extra vasa
corrupto.

Sed multo prodigiosior est Febris vermium, unde & de ipsa aliquot. Quoniam itaque vermes intra ventriculum, & intestina naturaliter non generantur; quoties igitur intra hæc viscera animalia ejusmodi producuntur, aliquid iis non natu-rale insit oportet, quod vel est ipsum vermium semen aliunde, & cum cibus advectum, vel quæ continentur, aut derivantur in cavitatem ventriculi, & intestinorum ejus, sunt non naturalis conditionis, ut possint in semen vermis compingi. Si semen ab extrinseco deferatur, vix quicquam mali sub initium generati vermibus producat, neque enim ullum est vitium in sanguine, aut cæteris humoribus: mox autem inci-

A Vermibus.

piat se movere vermis, incipiat vesci, alvum dejicere, hæc etenim omnia a verme effici constant ex ejus anatome; instructi sunt enim suis intestinulis, fecibus, ore, ano; igitur a chylo depascentur aliquid, quod esse poterit tale, ut ipsum vitiet, feces vermis chylo permiscebuntur, unde vitiabitur fortasse certius; sed & punget admordendo membranas, vel easdem vellicabit allabendo, rependo, hærendo. Ab hoc solo sensu, universi corporis perversio fieri poterit, & primo propter doloris sensum refluxus mille nullo ordine, ac lege spirituum, ex quibus deliria, læsa imaginatio, læsa memoria non rite motis, sed per impetum refluxus quaquaversus dissolventibus spiritibus; convulsiones, & convulsivi motus eodem de nomine, deliquia, turbationes visus & auditus, vigiliæ, stridor dentium, constrictio labiorum, vomitus, clamor præter occasionem motis earum partium violentius per refluxum musculis; hinc ira, hinc vexatio corporis, hinc inconstantia pacatè, aut cum impetu pro vehementia refluxus, ac moderatione. Quoniam verò per refluxum superius exposuimus in Syncopali febre fieri pulsus suppressionem per consensum à stomacho, patet eadem de causa fieri posse per dolorem ejus à morfu, hæfione, & motu vermium parvum, obscurum, inæquabilem, debilem, deficientem, prout sensus ille magis, aut minus viget. Quia verò motu sanguinis sic imminuto fit, ut idem crassescat, fiet, ut pars crassior ad arteriolas capillares extremarum partium hæreat, ibique frigoris sensum producat, qualem in febribus à vermibus aliquando continue, aliquando interrupto ordine sentiunt ægri. Si itaque vermes adhuc à ventriculo & intestinis non sint extrusi, vitiari jam hoc lentore incipiet sanguis, etsi à sanguine aliquid secerni per sudorem possit, erit ille frigidus à partibus extremis frigidis, vel esse frigidus poterit ex iis, quæ in superioribus ostendimus, & succedere omnia illa poterunt, quæ ad excretiones &c. pertinentia recensuimus. Sed omnia facilius contingent, si natus vermis corrumpere supponatur sua præsentia, cibo, & fecibus chylum, vel chylus vitietur ante natum vermem, quod est saltem communius, cum vermibus corripere soleamus a nimio esu carniæ, crapula, humoribus peccantibus diutius retentis &c. & vermibus aliquando tantum non populariter grassantibus; tum enim vitiato chylo vitiabitur sanguis, & facilius

lius tum propter consensum cum ventriculo, & dolorem a vermibus, cum per vitium sanguinis excitabitur febris cum affectionibus expositis. Expiratio foetida, qualis ex aceto, & fermento ab humoribus subsistentibus intra ventriculum, & proinde fermentescentibus; detinentur autem, vel quia ob vermes comprehensos ventriculus non satis constringitur, vel quia ipsorum obice effluere illi non possunt, vel quia vitiato sanguine humor ventriculi acidus generatur; hinc perfrictio narium, ascendentibus enim per œsophagum ad rictum oris, sub naribus, & intra easdem per foramina ad os aratriforme halitibus acidis nempe vellicantibus, ac stimulantibus, fit frictio illa ad vellicationem, ac stimulum abripiendum. Pulsus etiam à diminuta quantitate sanguinis cum vitiata qualitate ejus & sensu doloris. Inappetentia, cum non urget sensus in ventriculo, qualis in fame: fames canina, cum vel humor acidus, vel vis aliqua vermum producit sensum in ventriculo, qualis in intensiore fame, interim emaciante se corpore, cum refici ob humorum vitium non possit. Saliva autem plurima ex ore tunc diffuere poterit, vel cum per acores in sanguine derivatos illa fundetur in humores pituitosos, & per salivam separabiles, ut plurimum ejus liquidi in suis glandulis produci possit, vel si eorundem humorum copia ingens intra ventriculum contineatur, & per pressionem continuam ab abdomine, septo, & musculo ventriculi semper aliquid ejus per œsophagum exprimitur, & salivæ specie reddatur per os. Quod autem est admirabile; etiam cum hac copia liquidi per fauces & os redditi conjungi poterit Sitis sensus non solum in reliquo corpore exceptis ore & faucibus, verum etiam ad has ipsas partes, quoties scilicet erit materies subtilior, siccans, ac vellicans, quod acor potest efficere: cæterum sitis communius erit, cum hoc liquidum non reddetur. Labia tum sicca, aut humida, prout saliva, aut humectans quidlibet ad ipsa derivabitur, aut secus, five id interdiu five noctu contingat, quia tamen interdiu humida siccantur facilius præcipue addito calore febris, & expiratione, atque halitu acribus, quæ & ipsa abripiendo exsiccant, hinc interdiu ficciora, noctu humentia. Ab halitibus in musculos maxillæ, atque oris impingentibus oscitatio, vel humoribus ad eosdem musculos subsistentibus, a quorum sub-

fi-

sistentia ad cerebrum pariter dormitatio, sive illa subsistentia sit propter crassitiem humorum, sive quia nimis premant fermentati, & ad majus spatium redacti ab humoribus acidis, quæ autem supersunt facile patent.

Quid sint
hæ febres.

Sunt igitur febres Symptomaticæ ejusdem originis, ac productionis cum superioribus: singula etenim pendent a viscido, vel lento liquido sanguine, vel, ut possibile est in Febre vermium, a vitiato motu sanguinis, quoties per vermium stimulum produci possunt illa omnia, quæ cum ejusmodi febre conjuncta sunt: quare etiam Secundariæ febres sub eodem genere comprehenduntur, ac reliquæ, nec quid diversum ab expositis inferunt.

PROPOSITIO XXX.

Quæ antecedunt, conjunguntur, atque succedunt Febri Variolarum, ita vitiant qualitatem sanguinis, ut ab eodem vitio qualitatis necessario etiam pendeat vitium motus, & quantitatis ejus; & quid sit hæc ipsa febris.

Antecedentia. Dolor pulsatorius frontis, ac temporum.

Quoniam pulsatio ad frontem ac tempora provenit a vehementiori impetu, quo sanguis fertur, nec subito ex arteriis trajici potest in venas, vel ab obstructione, cui occurrat ad summa vasa; igitur hic pulsus vel ab aucto motu, vel ab aucta quantitate, vel a sanguine ita vitiato, & in lentorem redacto, ut hic lentor ad arterias hæreat, & obstructionem producat. Cum itaque ejusmodi dolor invadat absque ullo prævio dolore corporis, aut passionibus animi, quæ motum sanguinis augere possint absque vitio qualitatis ejus, & nihil præcedit, quod quantitatem sanguinis similiter majorem reddiderit, sed subito cum febre corripit, ac denique hæc ipsa febris abit in eruptionem pustularum, agitationem, ac mutationem sanguinis supponentium; ille igitur dolor pulsatorius non ab auctis motu aut quantitate sanguinis proveniet, sed vel a lentore subitam trajectionem prohibente, vel a rarefactione, & quasi fervore, quo subita illa trajectio similiter impediatur, vel ab utroque simul, seu (quod idem est) a fermentatione quadam sanguinis, qua fiat, ut solvatur a duriori liquidius, atque ita hoc rarescat, illud subsistat magis. Ab utrisque pende-
ne-

necessariò Somnolentia gravis; illud enim liquidius premet ra-
rescendo, densius verò, atque durius subsistendo, compressio-
que cerebro vix generari, aut derivari poterunt spiritus, & somno-
lentia gravis imago falsa succedet. Sed & Terrores in somno
contingere poterunt; liquidius etenim illud maxime solutum ma-
joris erit momenti, & prout incidet in hanc, aut illam speciem
majori momento excitabilem, cujusmodi sunt terrificæ, dimo-
vebit illas, ac terrores in somnis excitabuntur. Eodem de nomine
producentur Deliria, quatenus nempe vis soluti sanguinis nimia
est, producit vividiores spiritus huc illuc nulla lege divagantes,
vel perspiratio vehementior ab ipso sanguine id ipsum præstat,
vel pressio cerebri validior, vel aliqua ex his omnibus, vel
omnes simul. Ab iisdem causis Tremores, & Convulsiones,
ut ex nostris Morbis particularibus, vel à stimulo in partibus
corporis. Sternutatio pariter à stimulo ad nares ab eodem so-
luto sanguine proveniente: Pandiculatio frequens ab eodem
stimulo in musculis universi corporis, & tam sternutatio,
quam pandiculatio etiam ab infartu materiae crassioris partes
illas afficientis fastidiose, ita ut tentemus omnia, quibus per
assuetudinem didicimus molesta illa ex ejusmodi partibus abri-
pi. Raucedo vel a pustulis jam eruptionem ad fauces tentan-
tibus, vel materia lenta ad eas collecta, vel calore febris eas-
dem partes exsiccante, vel ab horum aliquibus, vel ab omni-
bus, quibus minus lævis sit earum partium superficies. Tuf-
sis vel à simili stimulo, vel à collectione ejus materiae, vel à
calore nimio vellicante, aut exsiccante. Spirandi difficultas
ab affluxu calidioris partim, partim lentoris sanguinis, quo-
rum altero fit, ut difficilius moveri pulmo possit propter fer-
vorem, & magis siccetur, unde minus concidit, minus ex-
plicatur; lentiori verò, ut fiat veluti principium tumoris intra
vasa, quibus singulis amoliendis assuevimus frequentiori motu
pectoris uti, & majori ejus nisu, quæ faciunt speciem diffi-
cilis respirationis, & sine assuetudine per hos solum stimulos po-
test pectus moveri frequentius, atque validius, & difficilem re-
spirationem producere. Ab eodem fervore sanguinis calor &
rubor, & punctionis sensus in toto corpore; fervor enim san-
guinis potest pertingere ad exteriora etiam corporis, cum len-
tor non sit contumax, sed fermentescens, nec calorem cohi-
bens, & cum ferveat sanguis etiam, ut sibi majorem locum

Somnolen-
tia gravis.

Terrores in
somno.

Deliria.

Tremores,
& Convul-
siones.

Sternutatio.

Pandicula-
tio fre-
quens.

Raucedo.

Tussis.

Spirandi
difficultas.

Calor, ru-
bor, & pun-
ctionis sen-
sus in toto
corpore.

Magna anxietas, & inquietitudo. Lachrymæ involuntariæ.

Oculorum pruritus, & splendor, & dolor dorsi.

Rubor faciei cum tumore.

Febris subitæ cum his omnibus.

Coniuncta.

Pustulæ Variæ similes, seu Variolæ, Morbilli.

faciat, distrahit arteriolas capillares, ex quibus magis distractis exsudare aliquid sanguineum potest, & ruborem ad cutim magis perspicuum producere: Punctionis autem sensus ab eodem calore, & materia magis compacta exitum, dum fermentescit, procurante, quousque demum erumpat in Pustulas, aut Morbillos. Ex his magna anxietas, & inquietitudo, ut ex sæpius expositis abunde liquet. Ob acrimoniam eandem erunt humores lachrymarum acriores, adeoque magis irritantes glandularum villos, qui magis compriment, exprimentque humorem cum sanguine fluentem in oculorum glandulas, & oborientur lachrymæ præter voluntatem ejus, qui lachrymatur; eadem productio facilius reddetur à pressione in vasis reliquis proximis, per quæ liberè fluere non potest sanguis partim ob fervorem, partim ob lentorem subsistens, & à tenuitate humoris facile separabilis, cujus sunt lachrymæ. Sed propter eandem naturam effervescentis, ac stimulantis sanguinis prurient oculi, imo dorsum dolere poterit in cavitatibus ossium detento sanguine vel crassiore, vel acriore, vel utroque: & micabunt, atque splendidiore erunt oculi per calorem exsiccantem, & tenuitate humorum ad ipsos perducta, & per ipsos vividè pellucete. Rubescet facies eodem de nomine, quo de reliquis partibus dictum est, adeoque cum sanguis ibi subsistat, nitatur extrorsum, & aliquid etiam extra vasa feratur, & in facie præcipue erupturæ sint pustulæ, videbitur facies aliquatenus intumescere. Fiat igitur hujusmodi fermentatio, & permutatio sanguinis subitæ, quasi per totum antecedens vitæ spatium natura molita fuerit sensim hanc maturationem per gradus nobis non percipiendos, ad quem postremum tandem deveniens tota simul impetu dissolvat sanguinem in duras, varias, liquidasque partes, igitur statim invadet febris Synocho similis cum his omnibus symptomatis statim ab initio vehementibus, ut morbus statim vigorem attigisse videatur. Per unum autem, aut alterum, aut plures recursus ita fermentata sit materies, & massa sanguinis, ut non solum ad cutem erumpere tentet, verum re ipsa erumpat; erit igitur materies erumpens, vel quæ magis debeat fermentescere ad hoc, ut extra cuticulam abire possit, vel quæ citra ulteriorem sensilem macerationem possit absumi, & per spirando resolvi: illa in moles majusculas colligetur, cum plurimum temporis expectari debeat, antequam liquecat, & per

sup-

suppurationem repurgetur. Hæc verò in minores pustulas, & quasi cutis scabrities ad cuticulam eminebit, cum sit tenuius quiddam, sua mediocri quantitate & vi divellit villos, ad quos statim collecta statim evaporare incipit, adeoque in moles, & tumores majusculos non attollitur, & eadem de causa intra breve spatium, quinque scilicet, aut paulò plurium dierum sine suppuratione discutientur. Erumpere autem illi facile poterunt, atque debebunt cum intensa rubedine, cum sint subtile quiddam & mobile, cujusmodi pars sanguinis tenuior, a cujus tota massa ad locum pustulæ subsistente & fermentescente erumpit id, quod subtilissimum est, ac tenuissimum. Eadem de causa majores etiam pustulæ cum rubore, & inflammatione provenient, unde hæ Variolæ, hoc est, majores pustulæ ulterius fermentescentes, & ad suppurationem venientes: illæ Morbilli erunt, atque dicentur. Sed & possunt esse cujuslibet alius coloris, quod cum reliquis etiam conjunctis, & ad hujusmodi pustulas pertinentibus abunde patet ex iis, quæ exposuimus de Febre maligna, & Propositione 21. Quod si solutio sanguinis sit

Ravaglio-
ne.

multo placidior, nec solvatur in maxime mobile, ac tenuissimum, sed in quiddam mobile quidem, sed ita, ut visceri, atque aquei, ac pituitosi plurimum habeat, fiet eruptio pustularum, quales vesiculæ albæ seroso humore plenæ, quæ brevi temporis spatio dirumpi poterunt, atque ficcari, tridui puta intervallo, neque ullius erunt periculi, & sine febre etiam poterunt provenire. Dirumpi autem vesiculæ poterunt nimis distractæ a copia, vel a fermentatione expandente, & trahente; ficcari autem, quod nihil humoris ad eam partem ulterius derivetur. Sint jam Variolæ rubræ; erit igitur earum materies ad naturam sanguinis magis accedens, adeoque minus periculosa: sint albæ; ergo materies ad pituitam, aut aquam vergens, hoc est, minimi impetus, & fermentando, seu corrumpendo sanguini propter inertiam, atque hebetudinem impar, quare non mali ominis: sint molles; igitur ex lentore minus contumaci, & febres periculosas non excitante, facile ad suppurationem redactili, unde & hæ minus timendæ: sint paucæ; ergo pauca lentoris quantitas, dummodo totus erumpere potuisse & erupisse supponatur, non autem pars aliqua illius, & fluxilior, atque tenuior suppressa reliqua duriore, & crassiore, quare & Variolæ paucæ bonum; sed etsi distinctæ fuerint, argumento erit paucitatis materię,

Variolis rubris, albis, mollibus, paucis, rotundis, fastigiatis, distinctis succedit salus.

Solam cutim, non autem interiora occupantibus, &

cum in hujus copia fiat, ut sibi ad latus erumpant, & cumulentur, & illud propterea probandum: sint rotundæ, & fastigiata: igitur materies erit facile ductilis, & à fermenti vi solubilis, qua fit, ut in figuram magis eminentem, & à superficie cutis extantem debeant humores subacti accommodari. Variolis igitur sic se habentibus facile succedet salus. Quod si eadem eruperint per solam cutim; igitur ichores, cum disrumpitur pellis, vel pus, cum fit ulcusculum, per exteriora corporis solum spargetur, neque hærebit ad partes principes, neque admiscebitur chylo, aut sanguini, unde res erit in tuto posita. At verò si intra œsophagum, ventriculum, & aliud quodcunque viscus eruperint, sive suppurentur, sive disrumpantur, ichor aut pus ulcuscula producere poterit, imo etiam majora ulcera cujuscunque generis in qualibet interna parte corporis, & permisceri chylo, & sanguini, unde febres aliæ suboriri poterunt, & mille morborum genera, quare Variolis interiora corporis occupantibus res erit in ancipiti. Sed eruptio in visceribus arguet materiem maxime contumacem, ne per calorem quidem internum resolubilem, aut liquabilem.

Levi febre vel cessante vel multum imminuta post eruptionem mitibus symptomatibus.

Quod si eruptioni antecedit levis febris, vel ab eruptione cesset, vel plurimum minuatur; igitur materies per pustulas amandanda parvæ erit quantitatis, & mitioris qualitatis, adeoque tum facile prædicenda salus, & hæc eo tutius, si symptomata leviora sint iisdem de nominibus, & si vox sit libera, & respiratio facilis; vox enim libera arguet, Variolarum nihil erupisse ad fauces, & intra collum, ac pectus, quod etiam arguet respiratio facilis, quæ insuper argumento erit, materiam facile per pulmones fluere, adeoque facile posse concoqui absque eo, quod sanguis fundatur ulterius, & dissolvatur magis in dura, & liquida, hoc est, non multum discedat a naturali

Voce libera, & facili respiratione.

Mors tarde erumpentibus.

Sint jam Variolæ tarde erumpentes; igitur materies durior, ac fermenti vim, & solutionem difficile concipiens, unde intra sanguinem diutius immorans, hærens arteriis, sanguinem magis solvens, & in vitæ discrimen adducens: sint multæ; eadem ob multitudinem materiæ, seu copiam contingere poterunt minus facile permixta tantæ copię amandatione, & expressione ad cutem: sint magnæ; igitur copię argumentum: sint duplices, & continuæ; ergo id ipsum: sint depressæ; igitur difficile fermentescunt, & minoris sunt momenti, quam quæ

Multis.

Magnis. Duplicibus, & continuis, depressis.

di-

divellere, ac distrahere villos possint ad magis eminentis pustulæ formationem, unde lentor tenacior, & minus facile è vasis expressilis, atque solubilis, unde eadem discrimina; sint duræ, eadem erit materiæ vis contumax, & solutionem difficile admittens: sint virides, lividæ, nigræ, minus ad perspicuitatem accedentes; eo igitur contumaciori, & duriori materie constabunt, quæ siquidem liquata fuerit, oportebit, ut sanguis totus maxime solutus sit, cum dura etiam fluxilia evaserint, atque adeo sanguis a naturali statu maxime recesserit; si verò non liquata, erit in sanguine lentor tenax periculi plenus. Quoniam verò membrana pustulam comprehendens est undecunque ad circumferentiam suæ basis tensa, ac distracta; igitur summum ipsius, seu vertex est maxime tenuis, & minime resistens evaporationi, cum reliquum ambitus membranæ sit crassius, atque compactius, unde minus perspirabile, & magis premens contentum lentorem, quàm ad verticem, unde vis tota expirationis, & eruptionis colligetur sub vertice pustulæ; si igitur, dum fermentescit, & perspirat ad pustulæ verticem, in quem universa bulla nititur, appareat ibidem macula nigra, licet totum reliquum sit melioris coloris, ergo nigrum illud erit quid ad bullæ verticem hærens; est autem vertex ille maximè tenuis, hoc est, perspirationem maxime permittens; igitur hærens illud ad partem perspirationi minime resistantem erit quid minime liquidum, adeoque contumax, & facile redigens sanguinem in statum à naturali nimis diversum, unde dubia salus. Non dispar est ratio, ac necessitas periculi, si Variolis etiam melioris coloris admixtæ sint maculæ purpuratæ, seu Peticulæ, quæ multo deterioris ominis existimandæ, si lividæ, aut nigræ fuerint, ut patet ex his, & Febre Maligna, & Propositione 21. Quod si statim ab eruptione evanescant, mors in proximo judicanda est; neque enim evaporare, & expurgari potuit illa materies absque suppuratione, unde reducetur rursus in vasa sanguinis, vel si evaporare potuit, atque expurgari, cum expurgatio non protrahatur, sed cesset, aliquid, imo plurimum cum sanguine permixtum supererit; imo adesse aliqua debet causa, quæ progressum illum expressionis ad cutem impediat, quæ cum nulla extrinseca supponi debeat, erit intrinseca inhærens sanguini, & ipsum in majorem lentorem cogens, qui exprimi ad cutem nequeat, atque ita magis corrumpat sanguinem, vel

Duris.

Viridibus,
lividis, nigris.

Melioris coloris, sed maculam nigram in medio habentibus, vel

Permissas maculas purpuratas, seu peticulas, easque lividas aut nigras.

Subito evanescentibus cum

Dejectionibus lividis, nigris, sanguineis, aut ex puro sanguine.

Hæmorrhagiæ per nares, gingivas, aliaque partes. Magna febris, nec minutæ post eruptionem.

Quid sit febris Variolarum.

obstruat vasa, vel utrumque præstet. Et harum affectionum erunt necessarius effectus urinæ, vel alvi feces nigræ, vel lividæ, ex sanguine nempe separatæ, qui sit totus fermentatus, & in partes minime fluxiles redactus, vel mixtæ cum sanguine erosæ ab hujusmodi materiæbus vasculis, vel disruptis per obstructions proximæ, & contumaces, vel ex puro sanguine ab acrimonia ejus, vel similiter pressione proximæ obstructionis. Eadem de causa periculosa erit Hæmorrhagia quælibet cujuscunque partis, præcipue post suppressionem pustularum iisdem plane de causis, quas modo enumeravimus in excrementis alvi, atque urinæ. Sit insuper febris magna; erit igitur copia materiæ per pustulas expurgandæ ingens, adeoque periculosa: eadem post eruptionem pustularum non minuatur adhuc; igitur intra sanguinem superest plurimum ejusdem materiæ, quæ nondum erupit, vel nisi superest, à vi illius, quod jam erupit, & prius in sanguine continebatur, ita mutatus, & solutus est sanguis, ut febrem conservare possit, hoc est, à naturali statu plurimum recessit, quod est ad mortem gradus facilis. Reliqua patent ex se ipsis. Quare patet propositum.

Est igitur similiter Febris Variolarum vitium in qualitate sanguinis, qua solvitur, & fit partim lentior, partim liquidior, unde producitur universa rerum series superius exposita, ex qua constituitur id, quod Febris Variolarum dicitur.

PROPOSITIO XXXI.

Quæ antecedunt Quotidianæ intermittenti periodicæ, vitare quidem possunt motum, quantitatem, aut qualitatem sanguinis; sed quæ ipsi conjunguntur, atque succedunt, non pendent necessariò, nisi a vitata qualitate ejus: Et quid sit hæc ipsa febris.

Quæcunque jam supersunt exponenda de Febris, minimum negotii facessunt; ea enim, quæ in superioribus exposuimus tam in generalibus Propositionibus præmissis ad Febres periodicas, quàm in his ipsis, quicquid ad Intermitteutes reliquas febres pertinent, ultro demonstrant. Et quidem cum antecedentia Febrem quotidianam intermittentem periodicam eadem sint cum antecedentibus Quotidianam continuam, manifestum est, per ipsa generari in corpore quicquid in Continua quotidiana producitur, & affectiones, quæ in Intermit-

mittente contingunt, pendere ab eadem causa, quæ in Continua, & cum illæ in Continua pendeant a lentore sanguinis, seu vitiata qualitate ejus, pariter in Intermittente à simili vitio producentur. Quæ igitur recensuimus antecedentia Continuæ quoti-
Antecedentia.
 dianæ convenientia cum hujus Intermittentis antecedentibus, non est operæ pretium hîc rursus exponere: debilis calor viscerum ad corpus humidum reducitur: frigida, & humida alimentorum materies, & copia ad lactentes, carentes dentibus, & crapulam: habitus corporis obesior ad habitum crassiores, & albicans quidem certo indicio est sanguinis aut minus rutilantis, aut quolibet alio colore minus saturo, adeoque humorum pellucidiorum, seu frigidiorum; arteriæ autem angustæ retundunt magis impetum, & solutionem proinde sanguinis, unde fit ille frigidior, & crassior, seu pituitosior: somnus longus præsertim à cibo facit, ut quicquid humidi in cibo est, inhæreat partibus, vel relinquatur in sanguine, cum nihil agatur motus, per quem plurimum ejus materiæ in perspirationem ageretur. Cætera
Conjuncta.
 verò tam manifesta sunt, ut explicationem non mereantur; per hanc igitur constitutionem sanguinis producetur ille quasi mucus, seu subviscidus minime siccus, hoc est, ita ut cohibere calorem possit, atque ita hæere ad capillares arteriolas, ut per continuum superaffluxum sanguinis, & nisum naturalem particularum in lentore contentarum ab iisdem abripi totus possit, & in venas derivari, ita ut recurrat idem intra datum aliquod spatium temporis, quod experientia patet esse horarum
Periodus
24. horarum.
 24., & cum nihil hæreat arteriis, relinquet inter utrumque recursum corpus integrum; & siquidem dum abripitur aliquid ejus, vel totus lentor, per sudorem aut urinam excerni possit,
In decessione:
sudor quomodo, & quando, & alia excretiones.
 sudabit æger, aut minget, similiterque alvum deponere poterit, spueret, & si quæ sunt alia hujusmodi excrementorum genera, quoties lentor ille abire potuerit in quid per glandulas iis excrementis proprias expurgabile. Quod si non primis diebus illa separabilitas fieri possit, non sudor, non urina &c. reddentur, sed postquam per repetitos circuitus fuerit lentor ille magis subactus, factusque fluxilior. Similiter urina erit albidior, crudior, tenuior, quousque partes terreæ, sive duræ non sint magis solutæ, ut fluere facilius possint. Invadet cum frigore levi propter materiem, quæ calorem minus cohibet, & difficulter crescet, cum illa materies frigida minus caloris contineat, & propter

pter mobilitatem minorem pressionem excipiat, ac retineat &c., quæ facillima ex se ipsis sunt. Omnia autem illa contingunt similiter, si lentor primi insultus absumatur totus, & sub diei finem novus lentor ejusdem generis perducatur ad arterias, *Succedentia.* ut ex superioribus patet. Quod si febris protrahatur diutius, ita ut humores, ac totum corpus plane vitientur, nec generari humores naturales, nec apponi partibus possint, producet *Cachexia*: si tanta abundet aquæ copia, ut per solam pressionem exsudare è vasis possit, generabitur *Hydrops* veræ aquæ, vel si per eandem pressionem ad aliquam partem tumore aliquo auctam venæ, vel lymphatica vasa premantur, ita ut ex iis exsudare possit lymphæ, vel per eandem pressionem lymphatica rumpan-
K&G. tur, fiet *Hydrops à lymphæ*, *Carus*, *Lethargus à decubitu*, seu cumulatione aqueorum humorum ad cerebrum, similesque morbi alii gravissimi huic morbo succedere poterunt, ut patet.

Quid sit febris quotidiana intermittens periodica.

Est igitur *Febris quotidiana intermittens periodica* vitium in qualitate sanguinis, qua per lentorem quendam calori cohibendo aptum, atque arteriis quidem hærentem, sed qui ab iisdem abripi totus possit, ita ut vel absumatur totus, ac tum ad diei finem similis lentor aliqua ex parte derivatur ad arterias, qui similiter absumatur totus, vel non absumatur, sed recurrat idem pluries, aut pars ejus singulis 24. horis cum cæteris, quæ ab ipso pendent.

PROPOSITIO XXXII.

Quæ antecedunt Tertianam intermittentem periodicam, vitare quidem possunt motum, quantitatem, aut qualitatem sanguinis; sed quæ ipsi conjunguntur, atque succedunt non pendent necessario, nisi à vitiata qualitate ejus: Et quid sit hæc ipsa febris.

Antecedentia.

Pari facilitate patet hæc *Propositio*, ac *antecedens*; sunt enim *antecedentia Tertianæ intermittentis* plane eadem cum *Continua*, unde ab iisdem causis idem effectus, & necessitas productionis, neque opus est, ut rursus eodem hoc loco explicentur, adeoque vitare quidem illa possunt motum, quantitatem, & qualitatem sanguinis, sed non pendent necessario, nisi a vitiata qualitate ejus, quæ vitiata qualitas nihil aliud est, quàm lentor ab iisdem antecedentibus productus. Hic autem animadvertimus interim in his *Intermittentibus*, cum lentor pro-

producitur, qui sit uniusmodi, totus nempe pituitosus, ut usitatis utamur vocibus, biliosus, aut melancholicus, fieri Intermittentes legitimas; si verò lentores illi quacunque de causa puri non sint, sed alter alteri permisceatur, tum fiunt Tertianæ, Quotidianæ, Quartanæ illegitimæ, spurix, nothæ, extensæ. Notandum illud etiam, quoties asserimus, antecedentia Intermittentium esse eadem cum antecedentibus Continuarum, adeoque etiam quæ ab iis pendent esse debere necessariò eadem, non esse id sumendum omni exacta significatione; sed eadem dicimus quoad rerum genera, non quoad gradus virium in utrisque, sic ætas senilis facit humores frigidos, atque siccos, adeoque mutat sanguinem in lentorem; eadem igitur ætas producere poterit id, quod requiritur ad Febrem quotidianam seu intermittentem, seu continuam; sed quia in hoc corpore siccat magis, in illo minus, fiet, ut in altero generetur lentor ficior, hoc est, magis hærens arteriis, & minus calorem cohibens, seu producatur Febris quotidiana continua: in altero lentor minus ficius, hoc est, minus hærens arteriis, & magis calorem cohibens, seu fiet ab eadem ætate senili, sed diverso virtutis gradu operante Quotidiana intermittens, atque continua, & idem dicendum de cæteris. Esto igitur, & per ejusmodi antecedentia Conjuncta. productus sit lentor in sanguine ficior, quàm in Quotidiana, sed ab arteriis trafilis, & calorem cohibens validius: erit frigus intensius, & siquidem ejusmodi lentori admixtum sit aliquid stimulan- Periodus trium dierum cum intenso frigore. s, sentietur cum frigore sensus alius, quasi punctionis, & abripietur lentor, & cessabit frigus. Et si quidem lentor non absumatur, non succedet sudor, non urina, & cum sit ficior, quam lentor Quotidianæ derivatus in venas, refluet segnius in arterias, & tempus ejus recursus patet experientia esse trium dierum: sed & absumi potest absque excretionibus in sensum occurrentibus, quod etiam de lentore Quotidianæ dicendum est, & de lentore Quartanæ, si nempe in perspirationis materiam commutetur. Si vero non perspiret, & solvatur, ita ut cum sanguine derivari possit ad glandulas absque eo, quod ulterius hæreat arteriis, reddetur per excrementa propria earum glandularum, quo facto, si novus similis lentor non reducatur in arterias, convaluisset dicetur æger; si verò alius similis reducatur, dicetur laborare Tertianâ intermittente periodica, cum lentor ille abripiatur totus ab arteriis, adeoque det locum integritati corporis. Et hæc

pter mobilitatem minorem pressionem excipiat, ac retineat &c., quæ facillima ex se ipsis sunt. Omnia autem illa contingent similiter, si lentor primi insultus absumatur totus, & sub diei finem novus lentor ejusdem generis perducatur ad arterias, *Succedentia.* ut ex superioribus patet. Quod si febris protrahatur diutius, ita ut humores, ac totum corpus plane vitientur, nec generari humores naturales, nec apponi partibus possint, producet *Cachexia*: si tanta abundet aquæ copia, ut per solam pressionem exsudare è vasis possit, generabitur *Hydrops* veræ aquæ, vel si per eandem pressionem ad aliquam partem tumore aliquo auctam venæ, vel lymphatica vasa premantur, ita ut ex iis exsudare possit lymphæ, vel per eandem pressionem lymphatica rumpan-
Kap. 6. tur, fiet *Hydrops à lymphæ*, *Carus*, *Lethargus à decubitu*, seu cumulatione aqueorum humorum ad cerebrum, similesque morbi alii gravissimi huic morbo succedere poterunt, ut patet.

Quid sit febris quotidiana intermittens periodica.

Est igitur *Febris quotidiana intermittens periodica* vitium in qualitate sanguinis, quæ per lentorem quendam calori cohibendo aptum, atque arteriis quidem hærentem, sed qui ab iisdem abripi totus possit, ita ut vel absumatur totus, ac tum ad diei finem similis lentor aliqua ex parte derivatur ad arterias, qui similiter absumatur totus, vel non absumatur, sed recurrat idem pluries, aut pars ejus singulis 24. horis cum cæteris, quæ ab ipso pendent.

PROPOSITIO XXXII.

Quæ antecedunt Tertianam intermittentem periodicam, vitare quidem possunt motum, quantitatem, aut qualitatem sanguinis; sed quæ ipsi conjunguntur, atque succedunt non pendent necessario, nisi à vitiata qualitate ejus: Et quid sit hæc ipsa febris.

Antecedentia.

Pari facilitate patet hæc *Propositio*, ac *antecedens*; sunt enim *antecedentia Tertianæ intermittentis* plane eadem cum *Continua*, unde ab iisdem causis idem effectus, & necessitas productionis, neque opus est, ut rursus eodem hoc loco explicantur, adeoque vitare quidem illa possunt motum, quantitatem, & qualitatem sanguinis, sed non pendent necessario, nisi a vitiata qualitate ejus, quæ vitiata qualitas nihil aliud est, quam lentor ab iisdem antecedentibus productus. Hic autem animadvertimus interim in his *Intermittentibus*, cum lentor pro-

producitur, qui sit uniusmodi, totus nempe pituitosus, ut usitatis utamur vocibus, biliosus, aut melancholicus, fieri Intermittentes legitimas; si verò lentores illi quacunque de causa puri non sint, sed alter alteri permisceatur, tum fiunt Tertianæ, Quotidianæ, Quartanæ illegitimæ, spurix, nothæ, extensæ. Notandum illud etiam, quoties asserimus, antecedentia Intermittentium esse eadem cum antecedentibus Continuarum, adeoque etiam quæ ab iis pendent esse debere necessariò eadem, non esse id sumendum omni exacta significatione; sed eadem dicimus quoad rerum genera, non quoad gradus virium in utrisque, sic ætas senilis facit humores frigidos, atque siccos, adeoque mutat sanguinem in lentorem; eadem igitur ætas producere poterit id, quod requiritur ad Febrem quotidianam seu intermittentem, seu continuam; sed quia in hoc corpore siccat magis, in illo minus, fiet, ut in altero generetur lentor ficior, hoc est, magis hærens arteriis, & minus calorem cohibens, seu producat Febrem quotidianam continuam: in altero lentor minus ficius, hoc est, minus hærens arteriis, & magis calorem cohibens, seu fiet ab eadem ætate senili, sed diverso virtutis gradu operante Quotidiana intermittens, atque continua, & idem dicendum de cæteris. Esto igitur, & per ejusmodi antecedentia *Conjuncta.* productus sit lentor in sanguine ficior, quàm in Quotidiana, sed ab arteriis trafilis, & calorem cohibens validius: erit frigus intensus, & si quidem ejusmodi lentori admixtum sit aliquid stimulan- *Periodus trium dierum cum intenso frigore.* s, sentietur cum frigore sensus alius, quasi punctionis, & abripietur lentor, & cessabit frigus. Et si quidem lentor non absumatur, non succedet sudor, non urina, & cum sit ficior, quam lentor Quotidianæ derivatus in venas, refluat segnius in arterias, & tempus ejus recursus patet experientia esse trium dierum: sed & absumi potest absque excretionibus in sensum occurrentibus, quod etiam de lentore Quotidianæ dicendum est, & de lentore Quartanæ, si nempe in perspirationis materiam commutetur. Si vero non perspiret, & solvatur, ita ut cum sanguine derivari possit ad glandulas absque eo, quod ulterius hæreat arteriis, reddetur per excrementa propria earum glandularum, quo facto, si novus similis lentor non reducatur in arterias, convaluisse dicetur æger; si verò alius similis reducatur, dicetur laborare Tertianam intermittente periodica, cum lentor ille abripiatur totus ab arteriis, adeoque det locum integritati corporis. Et hæc

Nebula alba, vel enæorema in principio solvit febrem quarto recurſu.

Urina rubra, nec ullum contentum febrem protrahit ad ſeptimum circuitum.

Subſidentia lævis & æqualis primo die febrem ſolvit.

Succedentia.

igitur ſimul cum reliquis, quæ in conjunctis continentur, abunde patent ex ſuperioribus. Sit jam urina initio febris cum nebula alba, vel enæoremate; igitur ſolvitur jam aliqua ex parte lentor ille in partes plus minus ſolutioni repugnantes, & cum enæorema quidem in partes ſubtiliſſimas, hoc eſt, maxime mobiles, & ſolutioni minime repugnantes, cum nubes alba in magis repugnantes, adeoque ſubigi, & ſolvi vel ſub initium ipſius febris incipit lentor, quare ſi natura ab opere non deſiſtat, & ſolutionem continuat, brevi totum lentorem ſolvit, quod experientia patet ad quartum circuitum contingere, etſi id neceſſarium non eſt, ut patet. Sit autem urina rubra; igitur in ipſa vel pro ratione humidi copia durorum naturali major, vel pro ratione duri copia liquidi naturali minor. Durum naturali copioſius oſtendit lentorem aut ſiccioſorem, aut copioſiorem, adeoque difficilius ſolubilem, & longius protrahet febrem; copia autem liquidi naturali minor vel arguit caloris vim nimis exurentem, atque humidum abſumentem, ſeu lentorem contumaciorem factum, hoc eſt, minus ſolubilem, & febrem ideo diuturniorem, vel eundem ex ſe tam cōhærentem, ut humidum per urinam expurgabile detineat, atque implicet. Sine nube, aut enæoremate oſtendit, nihil durum ſolvi, adeoque ſimilem materiæ pertinaciam ſolutioni repugnantem, & febris diuturnitatem. Hæc cum contingunt, docuit experientia, ſolvi febrem ad ſeptimum recurſum, ſed neque id neceſſarium, ut patet. Quia vero ſedimentum in urina eſt craſſiſſimum ejus, & lævitas atque æqualitas pendet ab ejuſdem materiæ natura æque ac perfecte ſoluta; quæ igitur urina primo morbi die ſubſidit in læve & æquale, indicabit, quod craſſiſſimum morbi cauſa eſt ſolvi, atque apte ſolvi, adeoque morbum ipſum brevi deſitutum. Itaque id etiam in Febre tertiana ſi contingat, brevi illa deſinet, & id fieri experientia patet ad tertium recurſum. Solvitur etiam per puſtulas ad nares & labra erumpentes, ſicut etiam per alvi fluxum per eas partes expurgato lentore in fluxum acto, & ad nares ac labra erumpet, vel quia ſit quid ſalivæ proximum, & per eas glandulas ſeparabile, vel eadem ratione, qua diximus puſtulas erumpere ad faciem, manus, ac pedes magis, maculas ad pectus, & dorſum. Intermitteſcentes non ſemper periculo vacare patet ex Propoſitionibus generalibus. Terciana autem notha ſuccedet, quoties lentor purus lentori alius generis admiſcebitur, vel ex parte mutabitur. Patet itaque Propoſitio.

Eſt

Est igitur Febris Tertianæ intermittens periodica vitium in qualitate sanguinis, qua per lentorem quendam firmiorem, quam lentor Quotidianam efficiens, calori cohibendo aptum, arteriisque hærentem, ita ut ab iis abripi totus possit, ac tertio quoque die recurrere, vel si absumatur totus, aut pars tertio quoque die reducatur ad easdem arterias novus ejusdem generis, producitur tota exposita rerum series.

Quid sit febris tertianæ intermittens periodica.

PROPOSITIO XXXIII.

Quæ antecedunt Quartanæ intermittenti periodicæ, vitare quidem possunt motum, quantitatem, aut qualitatem sanguinis; sed quæ ipsi conjunguntur, atque succedunt, necessariò non pendent, nisi a vitata qualitate ejus; & quid sit hæc ipsa febris.

Brevissime rem totam conficiemus; antecedentia enim partim sunt eadem cum Quartanæ continuæ antecedentibus, atque ex iis patent; quæ vero plura hic numerantur, ex se & præmissis manifestissima sunt. Producitur igitur ab iis lentor quidam frigidus, & siccus maximæ tarditatis comparatus ad duos alios, qui Quotidianam, ac Tertianam constituunt; sed qui tamen & ipse abripi ab arteriis totus possit, postquam ad easdem hæsit. Erit igitur crassus etiam quoad sui particulas, unde impactus musculis, vel eisdem stimulando faciet, ut contrahantur naturaliter, vel molestiam excitando faciet, ut eosdem per voluntatem contrahamus, unde cum primò ad eos perducitur, cum jam minor hæserit copia, alios sensus magis molestos non producet, oscitabimus, pandiculabimur, & quiddam fastidiosum per totum corpus inæqualiter fufum percipiemus, nempe lentoris partes hic illic nullo ordine, ac lege decumbentes, cui sensui paulatim succedet frigus, prout lente cumulatur materies illa etiam per arterias lente fluens, quousque, cum jam ad arteriolas capillares perducta fuerit tota, vehementissimus sit frigoris sensus; erit autem ille conjunctus cum sensu rei gravantis, & quasi contudentis ossa, ut patet ex Propositionibus generalibus. Inde verò movebitur sensim, atque abripietur lentor, per cujus naturalem frigiditatem non excitabitur calor vividus, atque exurens, sed remissus, qualis à corporibus frigidis, & compactioribus, cum non intensa pressione excitari, producique potest. Reliqua patent ex præmissis; recurret enim quarto quo-

Antecedentia.

Conjuncta.

Succedentia.

que die per lentum nimis motum. Succedat jam Dysenteria brevis, ejusque conditionis, quæ lentorem illum abripiat; erit igitur illa salutaris, quod fiet præcipue, si fuerit brevior. Si etenim longior fuerit, etiam si lentorem illum abripiisse supponatur, atque argumento esse fusi jam sanguinis, fieri poterit, ut nimia copia materiæ per Dysenteriam expurgatæ ficcetur nimis sanguis, & morbi plurimi, atque diversi suboriantur non sine vitæ discrimine. Eodem de nomine *Lienosis difficultas intestinorum superveniens*, bonum, si brevis fuerit, intellige, ut exposuimus, atque ut patet manifeste ex altero illo textu. *Qui lienosi intestinorum difficultate corripuntur, iis longam supervenientem Dysenteriam aqua inter cutem, tum levitas intestinorum excipit, & moriuntur*, ubi vides longam Dysenteriam malam, iique longæ supervenire Hydropem ab exsiccatione prohibente lymphæ fluxum per contractionem, & occlusionem vasorum, vel lævitatem intestinorum eodem exsiccationis nomine ficcis intestinorum tunicis, atque ita clausis lactearum osculis, unde mors necessariò succedit. Hydrops, aut Scorbutus: ille ob ficcitatem expositam: hic vitio humorum, præcipue cum adest vitium in visceribus humores elaborantibus. Fatalis senibus plerumque plus quam sexagenariis, cum eâ ætate sit summa naturaliter ficcitas atque frigiditas, quæ proinde aucta vi morbi calidi, & sicci ad extremum gradum pertinget, & ægri moriuntur. Quod si in Continuum mutetur, adhuc lethalis, erit enim effectus auctæ ficcitatis, in qua ob lentorem continue hærentem sanguis solvetur magis, atque à naturali statu removebitur. Superveniens ipsi Hæmorrhagiarum periculosa similiter; vel enim ab acrimonia sanguinis rumpentis per erosionem, vel crassitie ejusdem rumpentis per pressionem, subsistendo ad easdem arterias, quas rumpit, aut ad proximas. Erodens erit cum ficcitate conjunctus, & mille malorum causa, premeus verò, atque divellens erit crassissimus, & difficile ad naturalem statum redactilis. Si itaque per lentorem illum sanguis sit valde vitiatus, ita ut nec boni succi in ipso contineantur, nec apponi possint, succedet pravus corporis habitus, seu Cachexia. Patet itaque facile universa Propositio.

Qui sit quartana intermittens per medica.

Est igitur Quartana intermittens periodica vitium in qualitate sanguinis, qua per lentorem quandam calori cohibendo aptum hærentem ita arteriis, ut totus possit ab iis abripi, & quarto quoque die recurrere &c., ut in superioribus.

PRO-

PROPOSITIO XXXIV.

Febris Semitertiana, & Erraticæ.

EX iis, quæ ad finem Propositionis 19. demonstravimus, patet, qua ratione fieri possit, ut cum Febre continua periodica conjungatur aliqua Intermittentium, licet hæc producatur à lentore, qui hæreat arteriis ad tempus, atque ex iis abripiatur totus; Continuæ verò pendeant à lentore iisdem semper hærente. Itaque ex eadem Propositione patet, quid sit, & quomodo produci debeat Semitertiana, febris nempe composita ex Quotidiana continua, & Tertiana intermittente. In hac igitur erit recursus cum frigore tertio quoque die, & pluries deinde dari poterit similis affectio, prout nullo ordine recurret lentor calorem cohibens, & hunc pluries, & facile recursurum ex eo patet, quod illa permixtio duarum febrium à duobus lentoribus provenientium arguet sanguinem maxime vitiatum, & quasi turbidum, hic fluidum, illic viscidum quasi similem sanguinis constitutioni, quam in Maligna febre descripsimus. Hinc fiet, ut ejusmodi febris sit maxime lethalis, sanguine à naturali statu plurimum alieno, & suis illis undecunque dispersis lentoribus in quodlibet grave malum facile ac subito deducente. Afficiet os ventriculi ad ipsum derivatis pravis humoribus, producet affectiones capitis, ac proinde nervosarum partium cumulatus ad partes ejus, vel deficientibus spiritibus æquo magis, aut minus premendo: producet Syncopes vel per consensum è ventriculo, vel ex se, ut in Morbis nostris particularibus, & Febre Syncopali: diaphoreses per pressionem fermentationemque ab obstructione, vel calore: fitis, & commotio intrinseca à calore, ab irritatione per partes fusiores, à cumulatione spirituum majori cum impetu erumpentium ad partes obstructas.

Febres Erraticæ ex antecedentibus suis patent produci à diversis, & diverso tempore motis lentoribus nullo ordine, ac lege recurrentibus, sicut hoc ipsum confirmant conjuncta quælibet, si cum hæctenus expositis conferantur, & ex sua necessitate deducantur. Quia verò per ejusmodi lentores febrem, & ejus insultus producentes identidem fit, ut sanguis continue fere non naturali calore vexatus humiditatem omnem amittat,

fit, ut maxime siccetur, hoc est, disponatur ad Quartanæ lentorem, in quo demum quiescere poterit, si calor tantus non fuerit, ut frigiditatem superaverit, hinc fiet, ut Febribus erraticis succedere Quartana possit; sed & succedet Hæctica, si calor in prædominio sit.

Quid sint hæ
febres.

Patet itaque nec ab Hemitritæo, nec à Febribus erraticis constitui genus aliquod febrium, quod in superioribus non sit comprehensum, aut à causis pendeat diversis à lentoribus expositis, adeoque & has similibus definitionibus comprehendendas, atque explicandas. Ex Propositionibus autem 18. 19. 20. 21. non solum patet, quæcunque febrium antecedentibus, conjunctis, & consequentibus ex aliorum relatione, & methodo annumeravimus, verum invasionum ac permutationum ordines cum mille aliis, quæ Artem facienti quotidie, ac passim occurrunt.

PROPOSITIO XXXV.

Febris est vitium sanguinis aut in motu, aut in quantitate, aut in qualitate ejus, aut in horum aliquibus, aut in omnibus.

QUoniam aut nulla datur febris præter expositas, aut si quæ datur, aut dari potest, ad has redigenda est; unaquæque autem expositarum est vitium sanguinis aut in motu, aut in quantitate, aut in qualitate; igitur ipsa febris nihil est aliud, quàm hoc ipsum vitium sanguinis aut in motu, aut in quantitate, aut qualitate, vel si horum vitiorum plura, aut omnia primariò contingant in eorum aliquibus, aut in omnibus, quod erat ostendendum. Ex his autem innumera deduci possent corollaria, quæ ex se ipso quisque potest deducere &c.

DE MORBIS CAPITIS.
A P O P L E X I A.

A N T E C E D E N T I A.

A Poplexiam hæc antecedunt. Cerebri humiditas, in somnum facilitas, difficultas ad motum, præcipue à quadragésimo in sexagesimum annum, repletio, & compressio à vaporibus aliqua ex parte corporis venientibus, vertigines diuturnæ, stupores, tremores, præcipue capitis, incubus continue incidens per noctem, dolor capitis subitus, atque acutus, venæ jugulares turgidæ, oculis modo tenebræ, modo splendores obversantes, eorumque, & faciei rubor, vel faciei pallor cum oculis humidis, naribus, & palato, vel excrementorum ex iis partibus fluentium interceptio, colli tumor, extremorum refrigeratio sine ratione, palpitatio, stridor dentium in somno, urina velut æruginosa, atra, modica, subsidentia crassa quasi farina cum multa spuma tenaci.

C O N J U N C T A.

CUM Apoplexia jamjam corripiente hæc conjunguntur. Vox eorum similis, qui strangulantur, vel sonus quidam altior, & gravior, & protractus quasi mugitus: mox subitus gravi mole corporis collapsus, decubitus qualis dormientium, nullus motus præter respirationem, & cordis, adeoque etiam pulsus. Respiratio, & pulsus aliquando tam parvi, ut æger mortuo similis videatur etiam ad tres dies. Cæterum respiratio plus minus debilis, & semper cum stertore conjuncta, & stertor eo altior, quo respiratio magis coactè, seu majori nisu pectoris quanquam debiliter exercetur: hæc eadem respiratio modo ordinata est, modo nullum ordinem servat, intermittens, rarior, frequentior, major, minor. Pulsus similiter in debili respiratione non ita multum a naturali statu recedit, quo autem debilior, & difficilior respiratio, eo pulsus languidior, rarior, minor, tardior, inæqualis. Hujus conditionis

Apo-

Hip. 2. de
Morb. & 6.
Aphor. 51.

Apoplexiam nuncupant fortem, ubi autem minus debilis, faciliorque contingit respiratio, debilis nuncupatur. In utraque nullius sensus indicium sive externi, sive interni, neque excitantur, nisi vis adhibeatur major, aut minor pro diversa morbi fortitudine, quæ si summa fuerit, violentia quælibet frustra est. Spuma etiam circa os aliquando contingit, sed istud rarius, multoque rarius spuma per nares redditur. Similiter aliquando febris, & hæc vel sub initium morbi, vel eo jam protracto, eademque vel remissior, vel intensior, vel essentialis, vel symptomatica. Insuper Ephidrosis, seu tenuis, ac paucus sudor aliquando additur, aliquando etiam Phrenitis. Postremò Apoplectici in septem diebus pereunt, nisi febris apprehenderit, quæ tamen etiam est perniciofa, si in Apoplexiis, quæ repente exsolutorio modo contingunt, morbo jam longe protracto succedat, ut Hippocrates in Coacis.

S U C C E D E N T I A.

Qui ex Apoplexia restituantur, in Paralyfin plerumque abeunt. Quoniam ut sentiamus, oportet, liquidum nervorum fluere, ac refluerè undatim per nervos omnes, præcipue autem cerebrum, & spinalem medullam, & in altero eorum motuum nervi inflectuntur extrorsum, seu fiunt naturali amplitudine majores, in altero minores; quoties igitur aderit facultas aliqua circa cerebrum, quæ motum illum extrorsum prohibeat, prohibebitur etiam sensus. Hujusmodi autem facultas vel contingit solum nervorum superficièi absque eo, quod in ipsos nitatur, adeoque eosdem sistere permittit in naturali amplitudine, & solum prohibet, ne dilatentur ulterius, vel ipsos urget interius, & in amplitudinem naturali minorem cogit. Contingat primò solum, ita ut nervorum amplitudo naturalis perseveret, quoniam hujusmodi facultas non comprimit nervos, eorumque glandulas; igitur neque generationem liquidi prohibebit, neque fluxum quantitatis naturalis per eosdem ad usque musculos, sed ejusmodi quantitas detinet totum animal in motu tonico; igitur per ejusmodi facultatem contingentem solum nervos Animal in motum evadere poterit, & liquidem statim ac illa facultas operari incipit, aliqua

qua corporis pars ita posita inveniatur, ut stare, & conservari in æquilibrio rectæ positionis non possit, nisi refluxus aliquis liquidi per nervos opem ferat, subito collabatur corpus oportebit. Si verò facultas illa nervos constringat, tum hoc ipsum multo magis necessario continget. Quoniam enim facultas constringit nervos, & eorum glandulas, constringet igitur etiam canaliculos arteriarum, per quos intra glandulas derivatur materia spirituum, adeoque minor sanguinis copia ducetur in glandulas, & minor liquidi copia generabitur, & minor ejus quantitas per nervos intra musculos fluet, quæ si ne quidem motui tonico producendo sufficiat, muscoli destituentur vi detinendi ossa in apta positione ad articulationes, & se ipsos vindicandi à vi gravitatis propriæ deorsum nitentis, quare totum corpus subito collabatur. Quoniam verò vis ejusmodi facultatis comprimentis esse potest diversorum graduum; dabitur igitur aliqua, quæ musculis minimas resistentias naturaliter moventibus impediat refluxum iisdem movendis necessarium; alia autem, quæ necessarium illum influxum minuet quidem, non tamen ita, ut iisdem muscoli aliquantulum se contrahere, licet debiliter, & coacte non possint, unde etiam partes minime resistentes, quæ ab iis musculis movendæ supponuntur, ab iisdem musculis dimoveri poterunt, licet debiliter, & cum nisu, & lento motu; hujusmodi autem muscoli dicati motibus partium minime resistentium sunt fere omnes contrahente destituti, quorum præcipui sunt muscoli pectoris, & cor; posita igitur ejusmodi facultate comprimente cor, & pectus debiliter plus minus, & plus minus coacte movebuntur, prout facultas comprimens constringendo facit, ut in musculos cordis, & pectoris influat quantitas liquidi diversa à quantitate liquidi naturaliter influentis: per motus autem musculorum pectoris debiles, aut validos, liberos, aut coactos fit respiratio plus minus debilis, & valida, expedita, aut coacta; per compressionem igitur expositam hæc diversitates in respiratione contingent, & si quidem compressio omnem influxum spirituum prohibeat, tolletur plane respiratio, & nisi auferatur causa comprimens, tamdiu absque respiratione vivere poterit animal, quamdiu absque motu sanguinis durare potest, quod certò statuere non possumus quanti sit temporis. Supponantur autem muscoli pectoris debiliter contrahi; cavitas

Respiratio
& pulsus.

Stertor.

Sulfus.

Vox strangulatorum
similis.

igitur pectoris parum dilatabitur, & parum aëris in pulmones irruet, unde parum extendentur: interim verò sanguis in pulmones parum extensos à corde truditur; igitur in expiratione idem sanguis è canaliculis capillaribus pulmonum extrudi non poterit, & propterea intra eosdem subsistet, unde etiam animali non sentiente ii motus excitabuntur in pectore, quibus excitandis assuevit idem Animal, quoties extensio pulmonibus addenda est, & impetus contento aëri: assuevit autem stertori, motui scilicet excitabili etiam in somno, tempore nempe, quo non sentimus, & stertor per tremulum pinnarum motum in inspiratione maiorem aëris copiam, & maiorem cum impetu per nares in pulmonem impellit (ut in Propositione 16. Secundæ partis nostræ respirationis ostendimus) tum igitur animal stertet. Facile autem patet ex his, non dissimilia in corde debere contingere; si etenim compressio talis fuerit, ut omnem influxum liquidi per nervos impediat, non pulsabit, & tamdiu vivet Animal, quamdiu poterit. Si verò impediat solum ex parte, liquidum excidet in villos cordis in minori quantitate, unde debiliior contractio ejus, & extrusio sanguinis minori cum impetu, unde pulsus debilis, & quia idem liquidum excidet etiam per intervalla majora, fiet pulsus debilis, & simul rarus. Quia verò per debilitatem respirationis sanguis subsistit in pulmonibus, & partim etiam detinetur ad cerebrum à facultate constringente, & proinde prohibente refluxum ex arteriis in venas; igitur in sinistrum sinum cordis derivabitur quantitas sanguinis naturali minor, adeoque etiam minor trudetur in arterias, unde pulsus minor. Denique tam respiratio, quam pulsus, aut motus cordis erit æqualis, aut inæqualis, intermittens, aut quomodolibet varia, prout causa comprimens persistet semper in eadem parte cerebri ejusdem aut diversi roboris, quod cum determinari non possit propter innumeros modos, quibus illa modò minui, modò augeri, modò cessare, modò recurrere potest, satis erit id in genere proposuisse. Vox strangulatorum similis, quo tempore instat Apoplexiæ paroxysmus, à pluribus causis pendere potest, de quibus inferius, sed quia etiam produci potest ab aliqua hætenus expositarum, ipsam hic addimus. Quoniam vox acute subrauca à strangulatis emittitur, & fit per fistulam, & per fistulam ejusmodi vox fieri non potest, nisi aut ejus ampli-

plritudo constringatur, aut major sit impetus, quo aër illam subiens, aut egrediens eliditur; igitur nisi in Apoplexiæ paroxysmo supponatur aliquid fistulam pulmonariam infarciens, atque ita ejus amplitudinem minuens, vox acute subrauca haberi non poterit, nisi per incrementum impetus, quo ducitur, vel redditur vocalis aër. Facile autem quisque observare poterit acute subraucum quiddam nos sonare faucibus, quoties subitò, & majori cum insu expirare, aut inspirare nitimur, quod si validius adhuc præstare moliamur in inspiratione, succedet Stertor, nempe motus narium tremulus cum sonitu per easdem partes, & fauces, & proinde haustus aëris copiosioris; est igitur illud acute subraucum sonans è faucibus veluti parvus stertor, vel stertoris initium, eritque proinde ejusdem usus, ac necessitatis, quanquam minoris, quam stertor. Quoniam igitur jam jam instante Apoplexiæ incursum muscoli debilius contrahuntur, subsistet in pectore sanguis, unde copiosiori aëre opus erit, quem hauriemus excitando eos motus, quos excitare vigilantes assuevimus, quoties copiosorem aërem ducere non possumus per motum pectoris, qui motus sunt illi, quibus acute subraucum ad fauces sonamus, motus nempe stertoris, & vocis strangulatorum similis. Ab hac eadem necessitate trudendi sanguinem subsistentem in pulmonibus sub primum morbi initium pendet sonus gravior, & protractus quasi mugitus; protractio enim illa, & gravitas certum signum est, sonum ejusmodi esse veluti suspirium intensius, seu per majorem copiam respirati aëris factum; majorem autem copiam aëris inspirabit mox Apoplexia corripendus, ut sanguinem subsistentem in pulmonibus exprimat, non secus, ac suspirantes solemus, ut à nobis alibi ostenditur. Patet igitur ex his omnibus, provenire debere Apoplexiam à quacunque causa ita premente cerebrum, ut per constrictionem ab ipsa proveniente impediuntur undæ nervorum, quibus sentimus, & naturalis fluxus liquidi per nervos in musculos. Sive igitur comprimens illud sit liquidum sive durum, calidum aut frigidum, in vasis aut extra vasa, cujuscunque demum generis, & qualitatis, producet semper Apoplexiam, sicut etiam sive sit in ventriculis cerebri, sive in ipso ejus corpore, aut superficie, dummodo talis sit compressionis, quæ expositas naturales affectiones impediat. Itaque primò si vasa piam matrem intexcentia nimis in-

Mugitus,

Causa à
compressio-
ne.

farciantur, ita ut extendantur ad spatium naturali majus, unde totum cerebrum premant validius, exposita omnia contingent, sive infarciantur naturali sanguine, sive humoribus excrementitiis cujuscunque generis. Idem continget, si non universa pia mater, sed ipsius portio, quæ intexitur trunco omnium nervorum ad foramen magnum occipitis, similiter infarciatur, truncus enim ille nimis compressus prohibebit, ne fluxus, & refluxus ad cerebrum pertingant, sed eos subsistere coget ad locum compressionis, & derivari liquidi naturalem copiam à cerebro in musculos non sinet, cum ad eam partem, quæ compressa supponitur, nervi fere omnes colligantur. Idem continget, si vas aliquod majus arteriosum majori aneurismate extendatur intra cranium; comprimere enim poterit tumor molem universam cerebri, & eadem subsequenter. Similiter eadem contingent, si intra cranium vas sanguineum rumpatur, aut ita dilatetur, ut sanguis excidere possit aut circa cerebrum, aut circa ventriculos; succedet enim eadem compressio. Quin humor omnis, qui præter naturam colligi possit extra vasa, pituitosus, liquidus, vel coagulatus, vel cujuslibet alius generis, dummodo premens, eadem prodigia nullo negotio producet in corpore, sicut etiam quicquid intra cranium præter naturam in majusculam molem sive liquidam, sive solidam cumulatur, ut sunt lapides, ossa, cartilagines, tumores cedematosi, scirrhi, albumen coagulatum, pili, & si quæ sunt alia monstra, quæ nimis frequenter in qualibet parte corporis ad irreparabile hominum exitium generantur. Longum esset ex sua necessitate deducere affectiones singulas, quæ hominibus accidunt per Apoplexias à singulis expositis diversis causis comprimentibus provenientes. Nos unum, aut alterum genus exponeamus, quæ erunt adinstar omnium, & ex iis patebit necessitas earum rerum, quas plerumque Apoplexiam antecedere communiter asserunt, & nos superius recensuimus. Primò autem difficultas motus à qualibet causa comprimente proveniet, ut patet ex superioribus; sed eo major erit repugnantia, & fastidium, si vasa infarta sint humoribus frigidis, atque humidis plus minus tenacibus; cum enim vasa sanguinis infarta supponantur, ejusmodi humores maxime abundabunt, seu erit corpus cacochymum, unde generabuntur spiritus minus vivi, & minus mobiles, adeoque minorem vim exerent. Insuper etiam mem-
bra-

Difficultas
motus.

branzæ musculos constituentes materiā minus validā reficiuntur, cum aluntur, eruntque propterea laxiores, & facilius cedentes, hoc est, contractionibus validis concipiendis minus idoneæ, unde ægrius, & difficilius in motum venire poterit Animal. Stupor etiam, ac tremor à quocunque comprimente produci potest; quicquid enim prohibet vel solum undas per cerebrum, vel undas singulæ cum influxu liquidi per nervos in musculos, faciet stupidum cum motu musculorum, vel stupidum sine motu. Quia verò humores pituitosi generant spiritus minus vivide exilientes, & concipiendis undarum motibus minus aptos, & quando vasa infarta iis humoribus supponuntur, iidem humores in corpore abundant oportet; necessarium igitur erit, ut vasis refertis frigidis humoribus stupor succedat. Ulterius stupor eo facilius continget, quod nervi iisdem humoribus humidis aluntur, unde magis flaccidi, seu minus rigidi, ac tensi evadunt, ex quo rursus ad concipiendos undarum motus facilitas minor, seu stuporis necessitas. Tremor verò præcipue capitis à pondere facultatis comprimentis provenire poterit, cui sustinendo cum inassuetum sit Animal, musculos rectores capitis modò contrahit, quantum opus est ad recta sustinendum caput cum adjecto novo pondere facultatis comprimentis, mox verò, ac si esset in naturali statu, restitui se musculis permittet, unde caput cum adjecto pondere liberum à facultate musculorum retinente deorsum per gravitatem agitur, quod sentiens Animal statim rursus musculos rectores contrahit, quos deinde rursus restitui permittit, ut intelligat, caput ne rursus dilabatur, & hos motus alterne repetit, quousque interim corripit toto impetu Apoplexia. Motus autem alternus frequentis contractionis, & restitutionis in musculis facit illum motum in affixis partibus, quem Tremorem appellamus; patet igitur unde tremor præcipue capitis. Tremor autem reliquarum partium, etiam cordis incertus, & vagus, seu palpitatio, vel ejusdem partis major, minor, intermittens, inæqualis provenit à loco, quem mutat causa comprimens incremento, vel decremento, & hujusmodi aliis, quæ facile innotescunt. A quacunque etiam causa comprimente pendere potest Dolor capitis; neque enim compressio fieri potest absque aliqua partium, sive continui compressi divisione, ex qua divisione confurgit dolor: acutus tamen dolor à calida potius, quam frigida causa provenit.

Stupor, &
Tremor.

Palpitatio.

Dolor Capitis.

Tumor colli, & jugularium.

Color eandem partium, faciei, &c.

Tenebræ, vel splendores obversantes oculis.

Dentium stridor in somno.

niet propter impetum, quo calor movetur, ac ferit, dividitque villos; sed etiam à frigida, dummodo sit frigidum aliquod subito, & vivido impetu invadens. Tumor colli, & jugularium abundantiam similiter humorum manifeste demonstrat, & siquidem venæ colore sanguineo sese objiciant, indicatur abundantia sanguinis naturalis, qui in venis subsistit, neque in auriculam cordis exonerari, quantum copia postularet, potest, unde venæ intumescunt supra naturalem amplitudinem, & sanguis coloris est saturi, cum non sit admixtus aliis humoribus ipsius colorem diluentibus; & quia innumeræ venulæ per collum feruntur, neque intumescere possunt singulæ, quin extrorsum urgeant partes colli singulas, quibus accumbunt, universa colli moles extrorsum ab iis per ambitum urgeatur oportet, seu ut collum totum intumescat; si verò venæ sint quidem tumidæ, sed coloris dilutioris, admixtum erit sanguini plurimum humoris perspicui, cujusmodi pituita, & pituitam participantia, eritque infartus vasorum per humores frigidos, & huic venarum colori conjunctus erit tumor colli coloris diluto pallidi eadem de causa. Idem intelligendum est, ut facile patet, de colore faciei, oculorum, & aliarum omnium partium. Tenebræ, vel splendores obversantes oculis similiter à pressione qualibet; quicquid enim prohibet, ne intra nervos opticos fluat, ac refluat liquidum per undas, faciet, ut Animal licet sit diductis palpebris, & certo vigilet, nihil tamen videat, seu tenebras suis obversari oculis asserat. Si verò hujusmodi pressio aliquando talis sit, ut movere possit speciem alicujus rei splendentis, tunc splendores suis obversari oculis affirmabit: cum verò excitatio specierum splendida repræsentantium fieri facilius possit per corpora majoris impetus, verosimilius erit, cum splendores obversantur oculis, imminere Apoplexiam ex copia sanguinis, quanquam eadem species excitari etiam possunt per partes frigidas, dummodo toto, ac valido impetu incurrant in speciem rei lucentis. Dentium stridor in somno nihil differt à tremore, vel palpitatione; neque enim aliud est stridor dentium, quàm sonus ab allisu mutuo oppositorum dentium proveniens; allidi autem non possunt dentes oppositarum maxillarum, nisi musculi ipsas moventes subito, ac valide contrahantur. Apoplexiæ autem ex abundantia frigidorum humorum circa cerebrum

brum subsistentium mox invasuræ erit urina æruginosa, atra, modica, subsidentia farinacea cum multa spuma tenaci; color enim æruginosus, ater, & parva quantitas proveniunt à quantitate liquidi minori, quàm quæ naturaliter contineri in urina deberet; quare illa liquidi portio intra corpus subsistat alicubi oportet, & cum cætera Apoplexiam portendant, subsistet ad cerebrum. Sedimentum similiter farinaceum ab humorum crassitie, sicut spuma tenax, unde periculum majus fortioris Apoplexiæ propter frigidorum humorum crassitiem, vel non ita magnum, si indicent illæ urinæ, partes aquosiores liquidi detineri ad cerebrum, & expurgari crassiores, viscidioresque per urinam. Ab eadem causa invasuram Apoplexiam portendet extremorum refrigeratio sine ratione, perductis scilicet ad summum corpus, & per aliquod spatium ibidem subsistentibus partibus frigidis pituitæ nullo temporis ordine, prout movetur, vel in tanta quantitate colligitur, quæ frigus possit producere. Sicut etiam sive supprimantur excrementa narium, palati, oculorum &c., sive eadem partes plus æquo stillent, aut in majori copia expurgent, abundantia eorundem humorum indicabitur, qui si intra corpus detineantur, suppressis eorum expurgationibus fortior Apoplexia ingruet. Neque minoris indicii Apoplexiæ à frigidis erit Incubus continue incidens per noctem, dummodo ad productionem ejus nihil conferat assuetudo, quam comparaverit aliquis cogitandi terrificum aliquid, quo respiratio supprimatur, & pressio corporis, aut nifus musculorum etiam in somnis fiat, qualis in vigilantibus pondere aliquo pressis; nifus enim ille irritus indicat parvam copiam spirituum, adeoque frigiditatem, & crassitiem humorum. Sed de his clarius, cum Incubum exponemus. Hanc ipsam arguit cerebri naturalis humiditas, quæ generationem, & cumulationem humorum humidiorum promovet: hanc ipsam in somnum facilitas; in somno enim spiritus humidiores, & crassiores sunt, & minus apti concipiendis undis, sicut etiam laxiores, flaccidioresque nervi, & proinde iisdem motibus undis minus idonei, seu inepti sensibus: quæ omnia eo erunt certiora, si ætas sit senilis, anni tempus hyems, regio Septentrionalis, vel quælibet alia frigida, & humida, & reliqua hujusmodi, ut patet. Vertigines nullam determinatam compressionem indicant; quæcunque enim illa sit, dummodo mobilis,

Urina æruginosa, atra, modica, &c.

Refrigeratio extremorum.

Fluxus per nares, &c. suppressus, vel auctus.

Incubus continuus.

Cerebri humiditas, facilis somni.

In ætatibus, regionibus, anni temporibus &c.

Vertigines.

&c

Vapores.

Nullum indicium sensus.

Vis major, aut minor ad excitandos sensus. Maxima etiam aliquid quando irrita.

Plethora, vel Cacoehymia generalis ad Apoplexiam magis disponens.

& violenta, & per partes tam minimas, atque tam validi motus, ut species quilibet etiam non nisi per motus vividissimos excitabiles dimovere loco possit, Vertiginem excitabit, ut clarius etiam, cum de Vertigine. Denique etiam vapores cujuscunque generis à quacunque parte corporis elati Apoplexiam posse portendere, dummodo comprimant, ex hæcenus expositis manifeste patet, de quibus tamen non sumus ita solliciti, cum jactentur illi quidem satis fidenter, atque communiter, sed nulla ratione demonstrentur. Affectiones contrariæ iis, quas exposuimus, antecedere Apoplexiam ab infartu, vel abundantia humorum frigidorum etiam extra vasa antecedunt Apoplexiam à calidis; cum autem hæc sint summa Apoplexiarum genera, facile ex his patet necessitas, & dignotio aliarum causarum observando, quid antecedentium, quid conjunctorum adsit, aut absit, vel quid ab iis diversum. Patet igitur ex hæcenus expositis, à qualibet causa cerebrum ita comprimatur, ut fluxus, & refluxus per undas prohibeantur, nullum sensus indicium ab Apoplectico dari posse, cum omnis operatio sensum indicans ab ejusmodi motibus per undas pendeat, atque insuper ut sensus aliquis in Apoplectico per externum objectum moveatur, oportere, ut ejusdem externi objecti vis sit tanti impetus, qui undas possit producere, quarum momentum majus sit momento compressionis: tunc enim flecti extrorsum poterunt nervi, atque introrsum restitui, seu illos obire motus, qui sentiendo necessarii sunt. Cum igitur vis compressionis incerti sit gradus, & esse possit cujuscunque validitatis, dari poterunt Apoplexiæ, in quibus patiens majori, aut minori stimulorum vi ad sensum redigatur; aliæ autem, in quibus nempe erit vis compressionis insuperabilis, eludent omnem violentiam, qua annitamur Apoplecticum ad sensum revocare. Patet insuper ex circuitu sanguinis, atque ex huc usque declaratis in Apoplexia per compressionem ex plethora, vel cacoehymia in vasis, fieri non posse, quin vasa etiam universi corporis eodem humore infarta non sint, ex quo necessariò sequetur facilius in Apoplexiam, & quidem graviolem lapsus. Sive etenim sanguis, sive alius humor vasa infarciat, villi musculorum non secus, ac de cerebro dictum est, nimis comprimuntur, unde eorum sinuli, in quos derivari debent liquida motum producentia, angustiores fient, & aut nullam, & aut

naturali minorem quantitatem eorundem liquidorum motum producentium admittent, unde vis musculorum minor, aut nulla, & proinde motus difficilis, aut ablatuſ. Similiter cum nervis plurimis præcipue ad ipſorum caudices advolvatur rete ex vaſis ſanguifluis, à vaſis illis nimis infartis iſdem nervi magis comprimentur, & per nimiam compreſſionem prohiberi poterunt undæ intra ipſos, ſeu motus ad ſenſum neceſſarii. Si verò vaſa infarciantur humore non naturali, aliud majus malum humor ille non naturalis producet, nempe pravi alimenti appoſitionem cum nimia compreſſione conjunctam in muſculis, & nervis, atque inſuper oſſibus, ut manifeſtum eſt, fierique poterit, ut non ſolum pravum alimentum apponatur, ſed deponantur ad muſculos, nervoſque per corpus diſtributos materiæ pituitoſæ, terreæ, grumofæ, & hujusmodi mille, eæque ſi ad oſſium articulationes cumulentur, poterunt eorum motus impedire, & in hanc potius, quàm illam inflexionem cogere, unde collabendi neceſſitas, vel facilitas major, præcipue ſi conjuncta fuerit affectio illa oſſium cum impedimento quolibet muſculorum, quæ omnia ex ſe ipſis patent; ſanguis enim idem per omnes canales corporis brevi fluit, unde fit, ut eorum aliquis per ejus, vel contentorum humorum copiam nimis intumeſcere non poſſit, quin intumeſcant omnes. Tertio autem ex his intelligitur inter poſſibiles Apoplexiæ cauſas eſſe aliquid comprimens muſculos omnes corporis, nervoſque per ipſum diſtributos naturaliter ſe habente cerebro. Similiter enim in hoc caſu tolleretur ſenſus, & motus: quia tamen id contingere non poſſet, niſi per compreſſionem arteriarum omnium, quæ per corpus feruntur, iis exceptis ſolum, quæ feruntur ad caput, quod etſi poſſibile cenſendum eſt, factu tamen difficile, ac rariffimum exiſtimandum, ideo ſatis erit id indicaffe, neque de eo verba faciemus ulterius. Rurſus ex declaratis patet, poſſe Apoplexiam contingere non per quantitatem ſanguinis, aut humorum, hoc eſt, per compreſſionem, ſed per ſolam qualitatem; cum etenim expoſuerimus ſuperius varias Apoplexiæ affectiones per ſpiritus nimis craſſos, humidos, frigidos, & undis concipiendis ineptos, ſimiliterque per nervorum villos nimis flaccidos ab appoſitione alimenti aquoſioris: ſi igitur ſupponatur maſſa ſanguinis ita vitiata, ut nihil contineatur in vaſis, vel pars maxima contentorum nihil fit

Cauſa à compreſſione per totum corpus bene ſe habente cerebro.

Cauſa à pravis humoribus ſine quantitate aucta ſeu compreſſione.

Causa à de-
fectu san-
guinis.

præter liquidum pituitosum plus minus viscidum, frigidum, aut quid simile, paulatim partes omnes quæ solidæ, quæ liquidæ corporis reparatæ ejusmodi humoribus flaccescunt, spiritus hebetes generabuntur, & ratione superius non semel exposita sensus & motus tolletur cum reliquis affectionibus, quæ Apoplexiam constituunt. Postremò ex circuitu sanguinis, & expositis subito patet, Apoplexiam & quidem fortissimam, & subito interimentem producendam non traducto sanguine ad partes corporis, quod fieri poterit subito, si subito rumpatur aliquis venarum, aut arteriarum truncus ad cor; eorum enim aliquo disrupto ad nullas partes sanguis derivari poterit, adeoque nec reparari, neque exprimi spiritus; nec liquidum ex sanguine in musculos derivari, unde subita, & propter rupturam vasorum ad cor irreparabilis sensus & motus ablatio. Id ipsum continget, si stimulo aliquo sive per nervos, sive per arteriolas corales intravillos cordis deducto iidem villi contrahantur tam valide, ac tam diu in contractione persistant, ut motum sanguini non imprimant per totum illud tempus, ultra quod vivere non potest Animal sine trusione ejus: quod etiam fieri poterit per stimulum in cavitate ventriculorum. Vel si prohibeatur motus cordis per vim aliquam exterius circumprimentem, vel qualibet alia ratione impediens, ut feri abundantia, vel concretio in pericardio, pericardii divulsio à diaphragmate, tumor, lapis, vel quid simile intra pericardium, diaphragma, aut pulmones genitum, subita, atque universalis pulmonum obstructio, polypus, vel grumus sanguinis in ventriculis, aut truncis majoribus ad cor, obstructio truncorum arteriarum, quæ ad cerebrum abeunt, earundem compressio, vel ruptura; ex his enim omnibus nemo est, qui non videat, aut nihil sanguinis derivari ad cerebrum pro generatione spirituum, aut ad reliquas etiam partes pro motu musculorum, & proinde sive ejusmodi non naturales affectiones paulatim increverint vix sensibili augmento, tandem verò ad observabile, ac summum impedimentum devenerint, vel quod fieri etiam potest, subito contigerint, subito invasuram Apoplexiam. His autem adnotatis facilius explicantur, quæ supersunt Apoplexiæ affectiones, & ad quod ejus genus pertineant, clarius patet. Quoniam itaque Spuma est quid compositum ex aëre, & liquido aqueo viscidiori, spuma igitur reddi non poterit, nisi liquidum ejus-

Spuma.

mo-

modi adfit: in Apoplexia autem minima vis viget in partibus, ut expositum est, & ad secretionem humorum vis illa requiritur; igitur secernetur liquidum illud, vel ratione copiae solius, vel ob debilitatem succumbentis naturae, nempe villos ob lassitudinem cedentes. Quia verò aqueum liquidum in os deducitur, vel per ostia canalium salivalium, vel per asperam arteriam ex pulmonum glandulis minimis, vel per oesophagum ex ipsius glandulis, & ventriculo: respirat autem Apoplecticus; igitur undecunque spumae liquidum derivetur, admisceri poterit aëri, qui respiratur, adeoque formam spumae inducere. Quia verò Apoplecticus etiam stertit, quod fieri vix potest nisi hiant ore: saliva igitur, quae per salivales effluit ductus, satis libere per os apertum poterit effluere absque permixtione aëris, unde non spumescet, praecipue si in naturali quantitate effluat è canalibus suis; est enim illa quantitas satis exigua: quod si naturali quantitate fuerit major; argumento igitur erit, maximam pituitae quantitatem in corpore abundare. Hæc verò major quantitas facilius dilabetur ad fauces, & motus ejus ad eas partes promovebitur à vehementia, qua spiritus per stertorem ad fauces truditur, & cum ipso spiritu quicquid liquidum in cavitate oris, & narium continet, ibique propter clausum oesophagum, & opertam laryngis rimulam subsistet, adeoque misceri poterit cum aëre, qui per fauces ducitur, atque redditur, ac demum aucta jam mole deducetur ad rictum oris, & dilabetur quasi spuma. Sed multo facilius id ipsum continget, si humor pituitosus à pulmonibus, & eorum fistula, vel ventriculo, & oesophago ducat originem; in pulmonibus enim statim miscebitur per minima cum aëre, qui ducitur, atque redditur; si verò ex ventriculo per oesophagum, eidem aëri admiscebitur ad fauces, in quas oesophagus desinit. Itaque pituita à pulmonibus, vel ventriculo veniens magnam ejus abundantiam in corpore arguet, & multo majorem, si ab utrisque partibus, & majorem adhuc, si etiam à vasis salivalibus. Hinc igitur patet, spumam non in omni Apoplexia debere contingere, sed in illa solum, quae vel ab abundantia pituitae infarcientis provenit, vel à pituita sine infartu vasorum, & in utroque casu secerni per debilitatem, & lassitudinem villorum: atque insuper multo majorem copiam pituitae argui, si spuma reddatur etiam per nares; tanta etenim erit,

Cur non
semper, &
cujus sit A.
poplexia.

Hipp. 2.
Aph. 43.

Ephidrosi.

Phrenitis.

ut ipsi non sufficiat amplissimus exitus per os, sed erumpat etiam per nares, cavitates nempe magis angustas, eritque verosimile indicium, provenire illam à pulmonibus, aut œsophago, cum magis sit rectus exitus ex iis partibus per imminuentia narium foramina, quanquam & reddi potest per nares pituita, ad fauces jam prolapsa ex ore, ibique detenta, ac denique sola etiam pituita, quæ in nares derivatur, potest spumescere præcipue in stertore propter impetum aëris. Quia verò maxima pituitæ sensum, & motum tollentis copia facit, ut Animal brevi moriatur, hinc *quibus Apoplecticis, seu exsolutis spuma circa os fuerit, exitiale*; spuma enim talis excidentis copię affectio est. Quoniam verò in glandulis cutaneis seceratur sudor, & excernitur per vim villorum in ipsum sudorem nitentium; in Apoplexia igitur non dabitur ejusmodi nifus, nisi admodum lassus, atque infirmus. Si igitur ad glandulas sudoris successive pertingat sanguis, ex quo paulatim sudoris tantillum pro ratione virium secernatur, & sensim in majuscula quantitate cumuletur, vel ante Apoplexiæ insultum cumulus fuerit, & sola pressione suæ molis exilire è glandulis possit ad superficiem cutis, tenuiter, & parum sudare videbitur Apoplecticus, quod erit etiam extremæ lassitudinis indicium, & facilius continget in Apoplexia pituitosa propter ejus humoris sudori similis in corpore abundantiam. Affero jam ulterius, cum Apoplexia à quacunque compressione proveniente conjungi posse Phrenitidem, sed difficilime in compressione ab humoribus pituitosis. Primò etenim in plethora, quoniam Phrenitis est inflammatio cerebri, & membranarum ejus, vasa autem nimis infarta vel ipsa sunt inflammatio, vel in inflammationem statim abeunt, si aliquanto magis infarciantur, & in tumorem cogantur, qui tumor ipsissimam inflammationem constituit, quam cum tuberculo, seu tumore, seu Systrophicam appellant; Apoplexia igitur per compressionem à sanguine indies procedente, vel etiam per brevius spatium temporis poterunt vasa sanguinis ita intumescere, ut abeant in inflammationem cerebri, & membranarum ejus. Quia verò canalibus sanguinis ultra naturæ modum infartis motus ejus fit tardior, & sanguis ex tardiori motu ad putredinem, fervorem, fermentationem, obstructionem vasorum disponitur, atque ex his omnibus causis generari potest febris; igitur cum illa inflammatione febris etiam

iam conjungi poterit, qualem eadem inflammatio exigit, nempe acuta, & continua. Quoniam verò pars inflammata in tumorem attollitur; majus igitur spatium occupat, in majus autem spatium cogitur à sanguine; igitur in partem inflammata major copia sanguinis ducitur atque sistitur, quàm ante inflammationem; sed hæc copia major deducitur ab universa massa sanguinis, & intra partem inflammata sistitur; igitur reliqua vasa sanguinis post inflammationem aliqua ex parte detumescant oportet, prout magis intumescit assistente sanguine pars inflammata. Dabitur igitur in cavitate cranii pars inflammata, quæ per tumorem majus spatium exiget, adeoque proximum cerebrum magis comprimet, sed reliqua vasa circa cerebrum aliquantulum exinanita prement minus, unde minus impediunt liquidum nervorum, quin in undas veniat, adeoque aliquantulum fluctuare poterit: quia tamen ad partem inflammata viget pressio major, hinc non erit integra, neque ordinatim succedens fluctuatio, unde delirium. Adde his, intensum calorem ab inflammatione proveniente vim addere aptam quidem excitandis speciebus, sed confuse, & per nullam aptam compositionem, seu delirium excitandum. Huc etiam faciunt, nempe ad confusam excitationem specierum impulsus, & repercussiones semper variæ, quas subit sanguis in partem inflammata incidens, ex quibus proveniunt impulsiones similiter variæ in partes cerebri proximas, & excitatio specierum minime cohærentium, sed qualium fert casus ex vi, & appulsu diverso sanguinis. Hæc eadem inflammatio succedet facile, si facultas premens sit lapis, os, scirrhus, quid liquidum coagulatum, & quidlibet simile; fac enim pressionem maximam vigere ad aliquod vas sanguinis majusculum, cujus fluxum impediatur premendo canalem, ita ut latera opposita ad contactum veniant, & sanguis cogatur sistere ad pressionis locum; igitur ad eandem partem continue derivabitur novus sanguis, qui ibidem sistet, adeoque pars continere debet majorem quantitatem sanguinis, seu majus spatium occupare, seu intumescere, idemque continget, si facultas comprimens vigeat ad ramusculos capillares, sed per majusculum spatium extendatur, ut inflammatio ab illius pressione proveniens sensibilem effectum possit producere. In Cacochymia autem similem intra cranium provenire posse tumorem, ex expositis necessariò evincitur, tumorem inquam non inflammationis no-

mine designandum, sed frigidum, puta oedematofum, scirrhum, aut quid simile; dabitur enim similis vasorum tensio, & si in aliqua parte tendantur magis, & infarciantur, reliqua aliquatenus exhaurientur, & contingere poterunt valde similia iis, quæ à vera inflammatione producuntur. Sed insuper vera etiam produci poterit inflammatio, si ex tensione vasorum fiat humoris aquei exsudatio extra eadem, qui humor vel cerebro, vel vasis accrescat, ita ut unum sanguinem, qui superest, fluere prohibeat; tunc enim legitima inflammatio dabitur, ut patet. Postremò quæcunque sit Apoplexiæ causa, dummodo effervesce, putrescere, fermentescere, aut obstruere possit, in has ipsas affectiones veniat Apoplecticus oportet. Febris igitur excitabitur, & quidem sub Apoplexiæ initium, si causa in fervorem, obstructionem, &c. tunc temporis venire potuerit, vel post processum temporis longiorem, si longiori tempore opus habuerit ad fermentescendum, obstruendum &c. eritque remissior, si parva materiæ quantitas motum fermentationis conceperit: intensior, si magna: & essentialis, si fiat ratione solius fermentationis in spiritibus, aut humoribus: symptomata, si ratione alicujus liquidi in aliqua parte corporis fermentescentis. Accedat igitur febris sub initium Apoplexiæ, sed debilis; erit igitur debilis motus, debilis calor, & supponatur morbus à cacochymia; igitur erit abundantia humorum, qui solvi difficile possunt, adeoque à motu, & calore febris difficile subigi, & in motum agi poterunt; interim autem, & brevi temporis spatio dejiciuntur vires; æger igitur sufficere diuturno tempore non poterit, & morietur. Apoplexia autem ab eadem causa proveniente invadat febris acrior; erit igitur materiæ febrilis copia major, & ad motum solutionis concipiendum faciliior, & febris motus, & calor intensior, unde breviori tempore materies Apoplexiæ subigetur, & solutionem concipiet, quare levabitur interim æger, & evadet à morbo, ita ut verissime dixerit Hippocrates de his ipsis ægris loquens secundo de Morbis, *Si sanguis incalescat, & separetur à bile, sanantur: si amplius refrigeretur, moriuntur.* In eadem verò Apoplexiæ causa accidat febris morbo jam longe provecto; materia igitur ejus erit crassior, & maxime contumax, & vix motui concipiendo idonea, cum plurimum temporis ad ipsum concipiendum postulaverit, & superveniet ægro jam per morbi longitudinem viribus fracto, unde

Febres, &
eorum di-
versitas,

de & Apoplexiæ, & febris violentiæ sufficere non poterit: & quidem si febris sit debilis, vix quicquam levaminis ab ipsa sentiet æger propter materiæ contumaciam à parvo febris motu, & calore minime superabilem; si verò sit debilior, ægrum jam viribus plane fessum prorsus prosterneat, & morietur. Quod de febre asseritur in Apoplexia frigida, idem asserendum de Phrenitide cum ipsa conjuncta; inflammatio enim calore suo humores frigidos poterit discutere, vel fundere, unde superveniente Phrenitide in ejusmodi Apoplexia, quo tempore æger adhuc valet viribus, boni esse ominis poterit. Quia tamen possunt etiam dari humores frigidi, qui calore durentur, tum Phrenitis superveniens, sicut etiam febris malo erit; causam enim Apoplexiæ magis contumacem, & insuperabilem faciet. In Apoplexia autem à plethora, quocunque tempore invadat febris remissior, aut validior, periculosa semper erit; etsi enim motu, & calore suo plurimum sanguinis tenuioris potest absumere, quia tamen & reliquum ad calorem concipiendum disponit, hoc est, maxime rarescendum, adeoque majus spatium occupandum, & proxima quæque comprimendum, atque insuper maxime exsiccatur, & motus prohibet, unde ex se ipsa etiam sine Apoplexia periculosa est, hinc febris in Apoplexia plethorica semper erit cum majoris mali suspitione conjuncta, minus tamen timenda, si debilis, & in principio: magis, si validior, & morbo jam profecto. Hoc ipsum de Phrenitide dicendum est, ut patet; per tumorem enim illius reliqua vasa per minimam partem sanguinis levantur, sed & affectio ex se ipsa etiam sine Apoplexia periculosa suspitioni est, & rarefactio major, & exsiccatio, adeoque motus sublatio ab illa proveniens, ut de febre dictum, periculosa sunt. Patet igitur ex his, in quo Apoplexiæ genere, & quo tempore febris superveniens esse debeat salutaris, aut secus, sicut etiam Phrenitis, & qua ratione sit intelligendus Hippocrates ad verba sub initium exposita, quibus de febre in Apoplexia determinat. Quoniam verò in Apoplexia cacochema abundant humores in toto corpore: cum igitur illa solvitur, vel humores in unaquaque parte stagnantes discutiuntur, vel partes aliquæ adhuc supersunt, in quibus materies contineatur. Manifestum est in Apoplexia primo casu totum corpus à privatione sensus, & motus liberandum; in secundo verò solas illas partes, à quibus materies Apoplectica discussa est, reliquas autem permanfuras in privatione-

Apoplexia
in Paralyfin.

tione-sensus, & motus, nempe in eadem Apoplexia, sed particulari, vel privatione sensus tantum, vel motus tantum, prout materies, quæ in illa parte continetur, certa quadam ratione afficit nervos, aut musculos, ut explicabimus cum Paralyfin exponemus. Sola etiam compressio, quæ duravit per totum tempus Apoplexiæ, potuit ita obstruere, & conglutinare vasa, ut post Apoplexiam discludi non potuerint, unde Paralyfis. Potuit coagulari aliquid, vel durescere circa, vel intra vasa: potuit pars aliqua esse debilioris constitutionis à natura, unde minoris motus, seu vis ad exprimendos non naturales humores, adeoque humor ex Apoplexia superstes, dum circumfluit cum sanguine, ad hanc debiliorem partem hærebit: potuit esse debilior ex usu, quia nempe per usum hominum, legem, aut consuetudinem minus exerceatur, unde idem decubitus: vel debilior ex morbo, qui præcesserit, ejus partis; vel ex majori angustia naturali vasorum, unde fluxus difficilior per eandem partem, & si quæ sunt his similia. Ex quibus patet etiam, Apoplecticos ex plethora posse in Paralyfin solvi; sanguis etenim poterit similibus de causis in hac potius, quam illa parte detineri, vel per Apoplexiæ perseverantis tempus grumos producere, vel aliquid durius circa, vel intra vasa parere, vel exsiccare, atque ita canales occludere, & nervos ineptos concipiendis undis reddere. In utraque autem Apoplexia in Paralyfin soluta eadem Paralyfis vel confirmari, vel augeri debet ex affluxu continuo materiæ per leges motus sanguinis; continue etenim nova humoris quantitas affluet, quæ & ratione impedimenti, quod invenit, & ratione imbecillitatis in parte non refluet per venas, sed in eadem parte subsistet, & pressionem, atque inde pendentem Paralyfin conservabit, vel augebit; & conservabit quidem, si quantum affluit, tantum per poros cutis perspiret; augebit, si minus perspiret, quam affluat.

Quid sit, &
ande Apo-
plexia.

Ex omnibus igitur jam expositis Apoplexiæ affectionibus antecedentibus, conjunctis, & succedentibus patet, quid Apoplexia ipsa, nempe earum omnium complexus sit, eamque nihil aliud esse, quam subitam privationem sensus, & motus ab aliqua ex supradictis causis provenientes. Qua proinde de re non sumus ulterius solliciti. Illud solum animadvertendum est, Apoplexiam nihil habere communionis cum somno, nisi qua-

quatenus decumbit, stertit, nec sentit aeger, quae etiam contingunt in eo, qui dormit: at dormiens non sentit quidem, sed movetur, alitur, dum dormit, adeoque ad vivendum disponitur, Apoplecticus contra fit continue magis morti proximus, nec ali potest. Quemadmodum igitur in Paralyſi particulari pars deſtituta ſenſu & motu, dormire non dicitur, nec ſtatus ejus ſomnus, ita in Apoplexia, quae nihil aliud eſt, quam perfecta paralyſis univerſalis, dormire dicendi non videntur ipſa correpti, nec Apoplexia ipſa ſomnus, ſed privatio ſenſus, & motus a cauſis longe diverſis proveniens, quam a quibus provenit ſomnus. Sed & haec nobis minus curanda.

Illud notabis potius, quemadmodum morbi omnes, ita & Apoplexiam eſſe idiopathicam, vel ſympathicam. Idiopathica ipſa eſt, cum primario afficitur cerebrum; ſympathica, cum ſecundario per affectum alicujus alius partis, quae per ſuam illam affectionem cerebrum in Apoplexiam pertrahat. Id per vapores a partibus aſcendentes ſaepe contingere aſſerunt: nos hunc vaporum aſcenſum praetermittimus, & eorum loco corpus aliquod fluens cum ſanguine reponimus, vel rupturam vaſorum ad cor, vel impedimentum motus ejus, &c., de quibus ſuperius. Haec igitur de eſſentia, & cauſis Apoplexiae.

Idiopathica, & ſympathica.

C A R U S

ANTECEDENTIA.

CArum antecedunt quaecunque antecedere poſſunt Apoplexiam, ſed in Caro remiſſius operentur oportet. Sed inſuper ultra illa ſuperius expoſita praecedunt aliquando vehemens iſtus cranii, vel concuſſio cerebri quomodocunque facta, fractura oſſium, vel durae matris ad interiora, arteriarum carotidum contuſio, vel major aliqua compreſſio, & obſtructio, contuſio muſculorum temporalium, vulnus capitis in cavitatem penetrans, haemorrhagia ingens, & copioſa, praecipue autem ex Carotidibus, dolores vehementiſſimi, ac diuturni, carbonum, & praecipue foſſilium fumus, medicamentorum, aut ciborum uſus, qui vi narcotica, ſeu ſtupefaciente polleant, iter per loca frigida, in pluviis, in nivibus, habitatio in conclavi recens extructo, & humido.

L. BELLINI

CONJUNCTA.

INvadit subito non fecus, ac Apoplexia, & siquidem statim corripiat, concidit ille subito, & subito labi videtur in somnum profundiorē, ita scilicet statim oculos claudit, nec movetur, nec facile sentit, imo vero non nisi magno clamore excitatur, ac tum oculos quidem aperit, sed statim claudit rursus, neque interrogatus respondet: vellicatus acrius ut si pungatur, contrahit partem, atque ita sentire testatur, respirat libere, neque stertit: febris deest, vel si adest, in ejusdem accessionibus contingunt, quae recensuimus.

S U C C E D E N T I A.

ALiquando Apoplexia, quod tum praecipue contingit, cum in Caro etiam respiratio laeditur, & si Carus conjunctus fuerit cum dolore gravativo capitis, succedit ipsi convulsio ex Hippocrate in Coacis.

Ex iis, quae de Apoplexia commentati sumus, facile patet, nihil aliud esse Carum, quam infirmiorē Apoplexiam, & veluti primum ad ipsam gradum, unde statim intelligis, eandem esse diversitatem causarum, & eundem operandi modum in his utrisque morbis, eo solum discrimine, quod causae in Apoplexia operantur validius, in Caro remissius. Quicquid igitur de Apoplexia ostendimus, Caro etiam pro suo modulo aptari volumus, & vicissim, quae de Caro hic exponemus, neque Apoplexiae superius accommodavimus, ad pleniorē ipsius doctrinam traducenda esse judicavimus. Quae igitur de Caro hic praemisimus, ex sua necessitate deducamus. Quoniam ad productionem, & conservationem sensus & motus, necessarius est continuus fluxus spirituum naturalium per nervos, & hi deducuntur ex cerebro; si igitur vel cerebrum ipsum, vel ipsi nervi, vel utraque haec corpora ita afficiantur, ut spiritus fluere per nervos non possint, statim ac cessat eorum fluxus, cessabit subito motus, & sensus, & ex toto quidem, si nihil omnino spirituum influat, ex parte autem, & ad diversos gradus, si plus minus spirituum per nervos derivetur in instrumenta sensuum, & motuum. Rursus quoniam spi-

spiritus animales generantur ex sanguine in cortice cerebri, & ejus pars maxima ad eundem derivatur per arterias carotides; si igitur prohibeatur derivatio sanguinis ad cerebrum per carotides, prohibebitur spirituum generatio vel ex toto, si universi sanguinis influxus impediatur, vel plus minus, prout illa plus minus impiedietur, unde plus minus tolletur motus, & sensus. Quoniam itaque cerebri corpus est quid satis molle, & qualibet non ita valida compressione dissolubile, & cavum interius per ventriculos; igitur si valide succutiat caput, etiam absque fractura ossium, poterunt partes cerebri a succussione in impetum actae, vel omnino introrsum cedere in cavitatem ventriculorum propter inane spatium nihil repugnans, vel saltem in eandem niti valide, & propterea supra proprias sui ipsius partes valide premere, concepto nempe momento succussionis, adeoque vel cerebri villos divellere, atque ita saltem ex parte influxum spirituum tollere, vel supra eosdem villos valide nitendo cavitatem eorum vel coarctare, vel occludere prorsus, hoc est, vel prorsus, vel ex parte sensum & motum tollere, & quidem subito, quemadmodum subito fit illa coarctatio, vel occlusio. Necesse igitur est, quacunque occasione cerebrum fuerit vehementer concussum, mutos protinus fieri, quod agebat Hippocrates, imo vero etiam in reliquo corpore sine motu aut penitus, aut ex parte. Quia vero neque vehementer percuti, neque frangi, neque vulnerari praecipue ad usque cavitatem cranium potest, neque trudi dura mater ad interiora, neque contundi temporales muscoli absque valida totius capitis, hoc est, etiam cerebri concussione, & haec Carum excitat; igitur ab iis singulis etiam ratione solius concussionis subito laesio, & imminutio sensus & motus produci debet: sed in eorum pluribus non solum contingit concussio cerebri, verum insuper valida ejusdem pressio ab eo corpore, quod introrsum agitur, sive illud sit dura mater, sive cranium, sive gladius; igitur compressioni, vel divulsioni cerebri, quae a sola succussione pendet, adjicietur pressio ab iis intrusis corporibus proveniens, adeoque multo facilius vis sensum & motum excitans, nempe spiritus animales, minuetur. Cum insuper in contusione musculorum temporalium debeant & arteriae carotides ipsis allabentes, ut cranium subeant, contundi; igitur vel restringentur, vel occludentur, quare

A concussione cerebri.

Aph. 58. 7.
A vulnere, ictu, contusione, trusione durae matris introrsum.

Ab Affectibus carotidum.

non solum concutietur cerebrum, & vis sensus, & motus eo de nomine minuetur; verum insuper cum arteria carotis coarctata, vel occlusa minorem, vel nullam quantitatem sanguinis derivet ad cerebrum, nulli, vel multo pauciores spiritus producentur, & motus, ac sensus nullus, aut imminutus. Similiter id contingat oportet etiam sine concussione, si quacunque de causa obstruatur penitus, aut coarctetur truncus earum artieriarum, vel si ex ipso, aut ipsius ramis haemorrhagia copiosa fiat; in primo enim casu ratione impedimenti non derivabitur sanguis ad cerebrum, in secundo autem effluet, antequam ad cerebrum derivari possit, unde generatio spirituum tolletur. Ab affectibus igitur carotidum fiet Carus ex prohibita generatione spirituum, a reliquis vero per prohibitam distributionem ratione nimiae compressionis, aut divulsionis. Quid compressioni huic simile videntur producere igniti carbones, & praecipue fossiles, quin etiam ignis in aliquibus lignorum generibus excitatus praecipue delicatioribus, & calidioris, & vividi, tenuisque sanguinis; hi enim a vicinia brevi tempore protracta talis ignis, aut caloris inflammari capite se sentiunt, angustore, ac suffocari: rubent, ac micant oculi, rubet facies: mox linquuntur animo, imo etiam sunt, qui non multo post morti tradantur, qui non longo temporis spatio intra clausum cubile ignem fossilium carbonum habuere. Vel igitur solus ignis sanguinem in fervorem concitat, atque intra vasa omnia ad spatium majus urget, unde compressio quorumlibet contingentium, atque hinc pressio valida cerebri, & prohibitus influxus spirituum in nervos: vel vapor, & fumus densissimorum corporum ita infarcit aërem, quem respiramus, ut evadat aequo densior, adeoque prohibeat excursus sanguinis per pulmones, qui proinde ad eisdem pulmones, & cor, & truncos venae cavae subsistet, & intumescent ipsius rami, & eadem pressio subsequetur, quae erit multo major, si pendeat, & ab aëre in densiorem converso, & ab igne rarefaciente sanguinem, ut ex se patet. Insuper quoniam frigida cutem, & praecipue capitis minus operiti constringunt, humida eandem infarciunt; igitur ab utrisque occlusus penitus, aut constrictis poris prohibebitur perspiratio. Si igitur usus frigidorum, aut humidorum corporum ejus fuerit diuturnitatis, ut colligi insignis perspirationis copia intra cranium possit, & haec cerebrum pre-

A fumo fossilium praefertim carbonum.

A frigore, & humiditate.

pre-

premere, vel in extrinsecam ejus superficiem nitendo, vel infarciendo vasa, dabitur pressio expositis similis, & sensus ac motus diminutio; iter autem per nives, aut tempore pluvio, aut habitatio cubilis recens extructi, vel loci natura humidi, sunt quid longioris temporis; patet igitur, frigida, & humida qua ratione Carum producere possint. Postremo dentur venena, cibi, remedia vi narcotica, seu stupefaciente, praedicta, quae scilicet coagulare, fundere, vel quomodolibet mutare sanguinem ita possint, ut ex eo animales spiritus generari nequeant, vel minus acres, ac mobiles generentur, vel genitos eadem vis stupefaciens obtundat, illiget, demum a suo naturali impetu cohibeat, patet, ab usu narcoticorum in imminutum sensum, ac motum venturum Animal propter defectum spirituum ratione prohibita generationis, vel vitiatae naturae. Tandem vero quoniam in doloribus ingens fit spirituum absumptio tum propter sensum, cum propter auctum nimum musculorum omnium; eo igitur major erit absumptio, quod dolor erit acrior, ac diuturnior, adeoque in vehementibus, ac diuturnis spirituum tanta copia absumentur, ut residua ipsorum quantitas minor sit, quam quae requiritur ad excitandos sensus, & motus, unde iisdem cessabunt vel ex parte, vel penitus. Manifeste igitur patet, qualibet ex his causis operante necessario animal subito destituendum sensu, & motu. Quoniam vero oculorum constrictor musculus per influxum naturalem spirituum validius contrahitur, quam palpebras aperiens; si igitur non ita afficiatur cerebrum, ut omnis fluxus spirituum per nervos impediatur, musculus ille contrahi poterit, & oculi claudentur. Ulterius quoniam prout affectio cerebri major, ac major erit, nempe aut compressio, aut defectus spirituum, aut natura ipsorum mutata, eo etiam minor erit vis eorum, & quantitas intra nervos, ac musculos, neque refluxus ad sensus excitandos fieri poterunt facile, neque contractiones in musculis magnas resistentias superare debentibus; hinc ad partes magis resistentes difficilis motus, & necessarius ingens clamor, aut vividus stimulus ad hoc, ut excitetur; neque enim parva vi fieri potest refluxus in tam paucis spiritibus, & ad hoc ut resiliant, superare coactis resistentias pressionum, aut occlusionum, cujusmodi vis haberi poterit ab ingenti clamore, aut vivido stimulo, qualis punctio. Cum vero per ejusmodi externum vel clamoris,

A Narcoticis.

A doloribus diuturnis, & vehementibus.

Subita sensus & motus privatio. Oculorum occlusio.

Difficilis motus non nisi clamore valido vel stimulis acrioribus excitatio.

Pars puncta
contrahenda.

Oculi statim aperti,
statim occlusi.

Interrogatus non respondet.

Libera respiratio sine
stertore.

Laesa respiratio facilis in Apoplexiam lapsus.

Lapsus.

velacrioris stimuli incursum fiat demum refluxus, & agitatio spirituum contingere debet, ut iis refluentibus in partem stimulatam contrahatur illa, sed statim quiescat, sicut etiam eadem de causa oculos aperit in clamore valido per assuetudinem, sed eosdem statim occludit statim cessante refluxu propter minimam vim, & quantitatem spirituum. Insuper quoniam ad hoc, ut quis interrogatus serio respondeat, opus est, speciem interrogationis secum ipse pensitet, & meditetur rem interrogatam, ejusmodi autem pensitatio, & meditatio exposcit plures fluxus, ac refluxus copiosorum spirituum; ubi igitur desunt spiritus, vel ipsorum motus impediuntur, neque pensitare quis species, neque de iisdem meditari poterit, adeoque nec respondere. Sed ulterius, quoniam ad hoc, ut certum aliquid respondeamus, & certa specie opus est, & certo motu musculorum linguam moventium, & ad haec singula requiruntur copiosi spiritus cum liberis, ac plenis refluxibus; hoc igitur etiam de nomine respondere non poterit Caroticus interrogatus. Quoniam vero minima est resistentia pectoris, quam superare debent muscoli intercostales cum caeteris ad hoc, ut respiret animal; nisi igitur summa fuerit compressio cerebri, aut defectus spirituum, aut plane perversa ipsorum natura, moveri adhuc libere poterunt, & Caroticus libere respirabit, neque stertet ex superius expositis in Apoplexia; unde statim vides proxime invasuram Apoplexiam, si Carotici etiam respiratio laedatur; tunc enim vel plane exhaustum erit spiritibus cerebrum, vel omnino occlusi canales, vel nulli generabuntur, vel naturae prorsus ineptae ad producendos motus, atque insuper vides, tum Carum in Apoplexiam abiturum, cum harum affectionum aliquas, aut plures simul patietur cerebrum, nervi, aut spiritus. Quoniam vero truncus corporis centris articulationem femoris cum ischio innititur, haec autem cadunt extra longitudinem femoris ad partes internas ejusdem; femur autem libere articulatur ad genu; igitur ex Mechanicis, & positione articulationis cum ischio respectu longitudinis femoris femur ipsum supra genu pressum a superurgente pondere trunci flectetur ad partes anteriores, seu concidet Animal, nisi aliquid impediat flexionem ejus: in naturali autem statu impeditur a musculis Vastis; igitur ipsorum contractione prohibita stans homo necessario concidet: spiritibus autem in Vastos musculis.

sculos derivandis vel penitus, vel tanta ex parte sublatis, ut minus vivide contrahantur, flexio femoris extrorsum ad genu non impeditur, & in Caro maxima pars spirituum derivandorum in musculos vel aufertur, vel impeditur, vel fit inepta motibus; igitur stans homo correptus Caro subito, ac necessario concidet. Cum autem isthaec omnia, quae exposuimus, sint affectiones, quae etiam vel mox dormituris, vel jam dormientibus conveniant, nempe collapsus, oculorum oclusio, sensus & motus privatio, difficilis excitatio, &c., hinc factum est, ut haec affectio sit nuncupata, atque habita somnus, quanquam re ipsa neque est, neque haberi debet, ut somnus, cum in ipsa non solum non alatur, hoc est, reparatur Animal, quod est somni proprium, verum e converso in dissolutionem, atque interitum maxime tendat. Deest autem in Caro plerumque febris, quoniam causa ipsum generans extra vasa sanguinis plerumque sita est, unde non fervorem, non obstructionem in iis potest producere, neque dolorem excitat, a quo producantur vehementiores motus, ex quibus febres per motum auctum instrumentorum. Quando vero febris cum Caro conjungitur, ipsius affectiones invadunt in accessionibus febrium, eo quod materies febrilis tum primo per summa vasa sanguinis fluit, ac proinde, ut in initiis omnium febrium, est lenti motus, & subsistit in vasis, & vel aequo plus premit infarciendo vasa, & cerebrum ad contactum positum, vel impedit productionem spirituum per admissionem sui cum sanguine. Patet igitur ex his omnibus, Carum non esse somnum, sed interceptionem sensus & motus per aliquam expositarum causarum, quae aliquanto minus urgeat, quam in Apoplexia, in quam tamen sit facilis transitus, & veluti gradus statim ad ipsam ducens. Fac igitur, cum Caro conjunctam esse gravitatem capitis, ergo intra cranium cumalata erit tanta materies, cerebrum & membranas premens, ut sensum etiam rei gravantis, hoc est, sui ipsius prementis possit excitare, quasi si colligatur tota in aliqua parte capitis, vel in pluribus, hanc ipsam, vel plures illas tam valide premere poterit, ut nervus aliquis, aut aliqui omnino occludantur, vel magis adstringantur, quam necessarium sit ad hoc, ut per eorum amplitudinem excurrere possint spiritus, qui sint tanti momenti, quantum requiritur ad contractiones aequae validas contractionibus musculi contrari-

Cur Carus-
dicatur, &
appareat
somnia.

Deest fe-
bris.

Cum adest,
fiunt haec
in accessio-
nibus.

Quid sit
Carus.

In convul-
sionem abi-
re potest.

tranitensis; quare hic validius contrahetur, & in hac contractione persistet, quousque causa nervum contrahentis, premeus a nimia pressione non cessabit, eaque pressione perseverante poterit optime se habere totum Animal excepta illa, vel illis convulsis partibus, quae ex se ipsis sanitati restituentur statim, ac causa comprimens ab illa compressione cessabit, vel evaporans per poros, vel liquata, & intra vasa sanguinis rursus admissa. Patent igitur de Caro singula.

C O M A,

Seu Cataphora, seu Subeta Avic.

A N T E C E D E N T I A.

ANtecedunt Cataphoram quaecunque Carum, sed levioris momenti, usus stupefacientium, percussiones, contusiones, vulnera, & quae in ejus explicatione recensuimus, sicut etiam conjuncta, & succedentia per magis & minus differunt, unde erit explicationis facilis, atque brevis hujusmodi affectio, & plane constabit, Coma nihil aliud esse, quam Carum debilem, vel adhuc debiliorem Apoplexiam, & quasi remotiorem ad ipsam gradum.

C O N J U N C T A.

PRivatio sensus & motus, qualis in profundo somno, ita tamen, ut aeger facilius excitetur, quam in Caro, oculorum oclusio, dum sensus & motus deest; disclusio, cum excitatur: interrogatus respondet, mox rursus in profundi illius somni imaginem relabitur: plerumque dormit demissa inferiori maxilla, & hiante ore, & cum excitatur, palpebras difficulter attollit: febris deest.

S U C C E D E N T I A.

CArus, inde vero quae succedere Caro superius memoravimus. Quoniam Coma praecedunt, quaecunque praecedunt Carum, supponuntur autem minoris facultatis; minori igitur vi prohibebunt motum, & sensum, adeoque Comate deprehensus excitari, & moveri poterit facilitate tanto majori, quam
Caro

Caro detentus, quanto hujus causa est causa Comatis intensior. Fluent itaque per nervos, vel in ipsos derivari poterunt in Comate spiritus multo minoris copiae, quam quae naturaliter requiritur ad naturalem vigiliam ac sensum, per stimulos tamen exterius applicatos excitabuntur refluxus multo vividiores quam in Caro, in quo copia spirituum est multo minor, quam in Comate, cum illius causa multo magis impediat eorundem generationem, aut fluxum, quam impediat causa Comatis, unde qui fluxus ad movendos musculos necessarii sunt, & qui refluxus ad producendam excitationem, & quae undae ad formandas, & inter se comparandas species responsionum multo facilius contingent, quam in Caro, unde minori clamore quis excitabitur, quam in Caro, & propter sufficientem influxum in musculum levatorem palpebrarum oculi discludentur. Quia tamen idem influxus est quidem sufficiens, sed tantillo superat resistantiam earundem palpebrarum a mole ipsarum, & contractione constrictoris provenientem, hinc palpebrae in excitatione difficile discludentur; interim formati aptis ad respondendum undis interrogatus respondebit; sed quia ipsarum vis est satis remissa, & spirituum quantitas satis exigua, statim a motu, & fluctuatione quiescent, & aeger rursus sensu, ac motu destituetur, & somno detentus, imo alte sepultus videbitur. Quia vero non minimae molis, & ponderis est maxilla inferior; majori igitur copia spirituum opus est ad hoc; ut ad contactum maxillae superioris detineatur per contractionem temporalium, atque masseterum, in Comate autem minima copia spirituum naturaliter influit in eos musculos; igitur facile proprio pondere deorsum tendet maxilla inferior, eoque facilius, quod interim musculi Digastrici aliquam pro ratione paucorum spirituum in Comate in ipsos influentium contractionem subeunt, adeoque maxillam deorsum trahunt, unde Comatosus demissa inferiori maxilla dormire videbitur. Quia vero demissa inferiori maxilla deorsum tendat oportet quicquid cum ipsa conjunctum est, labrum autem inferius ipsi cohaeret; igitur hoc a labri superioris contactu deorsum recedat oportet, & licet adsit constrictor musculus, qui labrum inferius aliquantum ducere sursum potest, quia tamen spatium, per quod labrum inferius sursum duci potest a circulari musculo, minimum est, neque id sine assuetudine fieri valet; ubi igitur operari non potest

M m m

af-

assuetudinis vis, & spatium, per quod ducendum est labrum, est majus, & resistentia major, & vis movens debilior, labrum inferius ad contactum superioris perducere non poterit: in Comate autem quantitas spirituum in labiorum constrictorem influentium est minor, per demissionem maxillae labrum extenditur, & deorsum ducitur, unde duplici de nomine resistentia ejus, quatenus ad labrum superius perducendum est, crescit, ac denique species assuetudinem comitantes per inopiam spirituum, & impedimentum cerebri excitari non possunt; igitur labrum inferius sequetur motum maxillae inferioris demissae, hoc est, non persistet ad contactum superioris, seu, quod idem est, Comatosus dormire videbitur maxilla inferiore demissa, & hiante ore. Notabis similiter, ut in Caro, Coma non esse somnum, sed falso creditam imaginem somni; neque enim tum alimentum apponitur, imo contra in dissolutionem tenditur, sed esse solummodo privationem sensus & motus ab aliqua ex causis superius, & in Caro expositis provenientem minus valide operante, quam in Caro.

Quid sit
Coma,

LETHARGUS,

Seu Lethargia, vel Latine, Veternus.

ANTECEDENTIA.

Verum Lethargum antecedunt quaecunque pituitam, seu humores frigidos generant: nimia frigiditas, & humiditas in cibis, & potibus: temperies sanguinis, corporisque similis, aer crassus, turbidus, Austri, perspiratio a corpore, vel solo capite quomodocunque prohibita, vini validioris, & spirituosioris, seu vaporosi usus, aetas senilis, vel in senectutem inclinans, otium, nimia Venus, usus stupefacientium, seu narcoticorum, & hujusmodi. Spurium verò, quae humores aliquanto tenuiores, & calidiores. Sed Verus nobis maxime exponendus.

CONJUNCTA.

Perpetuus, & altus quasi somnus, qualis in Comate, & huiusmodi similis expergefactio cum oculorum disclusione, & vix res-
spon-

spondet interrogatus: tum subito in somni speciem illam relabitur, & si somnus sit altior, vix ex toto committit palpebras, sed album oculi aliqua ex parte detectum permanet: delirium, nec ulla recordatio eorum, quae acta sunt, dum dormiebat; dolor colli, & capitis gravans, oscitatio, & detentio maxillae inferioris in eadem diductione, in quam perducitur oscitando: dilapsus matulae, vel cujuslibet alius apprehensae rei e manibus: febris lenta, continua sub noctem quotidie recurrens, calore non acris, aut mordax. Pulsus tardus, rarus, undosus, inaequalis, dierotus, intermittens: respiratio rara, ac debilis: parva tussis. Alvi feces plerumque liquidae: urina vel qualis jumentorum turbida, vel tenuis, & aquosa. Prominentes, & tumentes oculi: tumens, & pallida facies; lingua mollis, & alba. Sudor multus praecipue ad extrema, & frigidus; manuum, & capitis tremor: supinus decubitus: dilapsus in pedes; quin & non paucis singultus.

S U C C E D E N T I A.

Lethargici in septem diebus moriuntur; si vero hos evaserint, sani fiunt, inquit Hippocrates secundo de Morbis. Succedunt etiam parotides, copiosa sputa, vel mucus narium, quae ad salutem ducunt, & parotides, praecipue die critico erumpentes. *Qui ex lethargo sanantur empyici fiunt*, ex Hipp. in Coacis, & tertio de Morbis. *Urinae clarae, & tenues supervenientes, vel multa & liquida per alvum egestio malum portendit*, ex Hipp. tertio de Morbis. Lethale etiam sphacelus cerebri Lethargo superveniens, ac tum dolor capitis vehemens, febris intensior, tremores universi corporis, alterius lateris, vel universi corporis paralyxis. Contra, phrenitis Lethargo superveniens salutaris, vel minus periculosa.

Ex causis humores frigidos colligentibus tam aperte patet, Veri Lethargi causam continentem esse eorundem humorum collectionem, ut nihil sit opus in hujus examine ulterius immorari, eoque magis, quod si quid esset explicatu dignum in recensitis Lethargi antecedentibus, facile ipsius necessitas, ac productionis ratio vel ex superius expositis, vel ex se patet. De Spurio autem hic minime solliciti sumus, tum quia percepta Veri essentia, facile ac subito Spurius innotescit, cum etiam quoniam humores mille modis, & gradibus virium in-

ter se miseri possunt, unde inexplicabilis diversitas accidentium in iis Lethargis, qui a diversa permixtione humorum proveniunt. Ad Conjuncta igitur Veri Lethargi statim descendimus. Quoniam Lethargicus alti somni specie detinetur, in qua non facilis sensus, expergiscitur tamen, sed non movetur; experrectus autem statim in somnum relabitur, & interrogatus vix respondet; igitur aut nervi sunt tam flaccidi, ut in undas venire non possint sensibus excitandis, & in excitatione detinendis, & formandis responsionum speciebus necessarias, aut spiritus tam pauci, aut tam aliis humoribus impliciti, ut neque agi in species possint, neque exerere vires suas intra musculos propter paucitatem, vel implicationem cum aliis partibus, aut simul cum hisce conditionibus non naturalibus spirituum conjuncta etiam est nervorum nimia concidentia. Ex Lethargi autem Antecedentibus patet Lethargicum dispositum esse, ac refertum humoribus frigidis, & humidis, nempe crassis, & lentis, quorum proprium est subtiles, mobilesque partes, cujusmodi spiritus, implicare, & cohibere, & tantum non inertes reddere, vel ipsorum generationem impedire infarciendo cerebri glandulas, vel aliis modis, de quibus mox, atque insuper membranarum partes humectare, atque ad summam mollitiem redigere, seu maxime flaccidas, & concidentes reddere; per humores igitur crassos, & lentos tolli poterit motus & sensus cum iis, quae huc usque de Lethargo exposuimus, adeoque & somnus, & experrectio, & relapsus in somnum, & difficilis responsio pendere poterunt simul a defectu spirituum, ab inertia eorundem, a mollitie membranarum simul, vel ab eorum aliquibus, cum haec omnia simul necessario provenire possint a sola copia frigidorum. Paucitas autem spirituum ex se sola facit, ut nervi tremant remissius, remissiorque tremor facit, ut species minus inhaereant, & minor inhaesio facilem obliterationem, & inde Oblivio; igitur ex sola paucitate spirituum oblivio, quae proinde facilior, si nervi etiam sint flaccidi; cedent enim, & vix restituentur propter mollitiem, unde vix trement, nec ulla inde fiet facilis flexio, sive memoria, & minimum cedent propter minimum paucorum spirituum impetum, unde adhuc minor tremor, seu nulla plane memoria. Quod si inertes fuerint spiritus, perinde se habebunt, ac si nulli essent; nullus enim

Ab humoribus frigidis & humidis, crassis & lentis lethargi somnus &c.

Oblivio.

enim fieret tremor, nulla memoria. Quoniam vero Lethargicus aliquantum sentit, & expergefit; haec autem contingere non possunt sine refluxu spirituum animalium, adeoque ipsorum etiam fluxu; igitur in Lethargicis oblivio, & quae supra exposuimus, nec ab omni spirituum defectu, nec ab absoluta ipsorum inertia proveniet, sed erit aut ipsorum copia minor, vel aequo flaccidior nervus quilibet, vel utrumque, adeoque neque tollitur ex toto fluxus spirituum, neque natura eorundem plane pervertitur, quare nec generatio prorsus impeditur; sed ex parte solum. Quoniam vero spirituum generatio prohibetur per humores crassos, & lentos; igitur vel hi cumulantur circa glandulas cerebri exterius, easque comprimunt ita, ut intra ipsas fluere non possit, quantum sanguinis opus est ad generationem spirituum in naturali quantitate, vel easdem glandulas subeunt, & suo lentore, & crassitie easdem ita obstruunt, ut neque in naturali quantitate sanguis praeterfluat, neque ex ea ipsa, quae praeterfluit, deducatur tantum spiritus, quantum deduceretur, si deesset obstructio, vel sua crassitie ita inficit, & alterat sanguinem, ut non nisi crassiores, & magis inertes spiritus deduci ex ipso possint, vel ratione ejusdem crassitiei ita alterat corpus ipsum intimum glandularum, ut in iis secerni spiritus non possint, vel plura ex his simul vel omnia producantur ab humoribus crassis, qui insuper ratione suae naturae frigidae & humidae, semper ac primario partes etiam solidas nervorum ad molliem naturali majorem redigent, quibuslibet igitur ex his rationibus operentur humores frigidi, expositae hactenus affectiones Lethargi habebuntur. Et sane cum adsit febris lenta, continua, sub noctem quotidie recurrens, calore non acris, aut mordax, nemini dubium est, febrem ejusmodi ab humoribus frigidis, & humidis proficisci, cum ab iis humoribus febres expositis affectionibus praeditae proveniant; cum vero febris excitaria datis humoribus non possit, nisi iisdem humores sanguini permixti, & cum ipso fluentes supponantur, neque cum sanguine fluere, nisi ferantur ad singulas quasque partes corporis; humores igitur frigidi in Lethargicis deducuntur ad partes singulas corporis, adeoque singulas flaccidas reddent, & propterea cum spirituum paucitate erit etiam conjuncta partium flacciditas. Quoniam itaque quo altior est Lethargi somnus, eo minor copia spirituum per nervos ad

A Com-
pressione.Ab obstru-
ctione.Ab ipsa
crassitie.

Febris.

Oculi vix
occlusi.

Delirium.

partes ducitur, & eo major est earundem mollities; eo igitur minor copia spirituum deducetur ad musculos, & quae deducitur, vix eosdem agere poterit in debilem contractionem propter eorundem flacciditatem; cedent enim facile etiam per minima, & quasi lacerabuntur, ut paginae humefactae, & vix contrahentur, adeoque partes omnes vix loco movebuntur, & canales, & hiatus quilibet per circulares musculos occludendi nihil, aut vix occludi poterunt; tegitur autem album oculi per adductionem palpebrarum, & hae per suum circularem musculum adducuntur; igitur Lethargus est altior, rima inter utramque palpebram fiet propter defectum spirituum, & mollitiem partium, atque inde album oculi apparebit. Quia vero etiam Lethargicis perspirationis particulae excitantur, & hae casu solum, prout hic illic occurrunt nervis, hanc vel illam speciem nulla inter ipsas connexionem movent, & hae specierum non cohaerentium motio delirium constituit; igitur in Lethargo primo excitari poterit delirium non secus, ac in non Lethargicis. Insuper quia partes flaccidae supponuntur; igitur suis particulis minus, quam in naturali statu cohaerere poterunt, unde ad hanc, vel illam sui circumferentiam in se ipsas casu concident, & speciem aliquam casu excitabunt, cui succedet alia cum illa minime cohaerens, prout rursus ad aliam circumferentiam nervi conciderint, unde rursus delirium. Tertio, quia spirituum parva quantitas in nervis continetur; igitur etiam si minus flaccidae supponantur ipsorum partes, tamen a parva quantitate parvo impetu extrorsum trudentur, unde tremor debilis, & minime diuturnus, adeoque non tam diu perseverans, ut comparationes specierum fieri possint; immo nec sufficiet eadem parva quantitas eidem comparationi, in quam propter plures, ac vividos motus plurimum spirituum absumitur, unde recta ratiocinatio succedere non poterit, sed ejus loco habebitur delirium. Quin etiam cum humor crassus vel premens, vel infarciens cerebrum, & nervos, fixus omnino non sit, fieri poterit, ut modo majorem, & vividior, modo minorem, & magis inertem copiam spirituum vel generari, vel per nervos fluere permittat, quorum propterea nixus in membranas nervorum non erit aequabilis, aut certi ordinis, ut in recta ratiocinatione contingat oportet, sed vagus & incertus, & species vagas, incertaque excitans, seu delirium pro-

producus. Postremo, quoniam Lethargus cum febre conjun-
 ctus est; igitur perejus diversos motus, status, & caloris gradus,
 diversae pressiones in cerebro, & variae cumulationes humoris ad
 ipsum, & diversi stimuli ratione caloris, & diversa tenuitas in spi-
 ritibus in diversis febris temporibus necessario contingent; per
 isthaec autem singula species diversae, & incertae excitantur: igitur
 patet, quot de causis excitari debeat in Lethargo delirium,
 ut alias, si quae sunt hujusmodi, praeteream ex doctrina nostra de
 Specierum Motibus facile deducendas. Sui jam compos fiat Le-
 thargicus per expergefactionem. Quoniam cerebrum crassis, &
 lentis humoribus, nempe frigidis, atque humidis mole sua in cere-
 brum, & membranas ejus nitentibus urgetur, sive iidem hu-
 mores concipiantur ut prementes, sive ut insatientes, sive
 intra vasa, sive etiam extra; igitur sentiente Lethargico per
 expergefactionem is doloris sensus ab ipso percipietur in capi-
 te, qui potest produci ab illo humore, nempe non stimulans,
 non pulsans, sed solummodo premens, sive sensus gravationis,
 & cum spinalis medullae portio, quae per collum ducitur, sit
 maxime proxima cerebro, & per ipsam excurrat truncus, &
 plures rami arteriae vertebralis ducentis sanguinem admixtum,
 ut ex febre patet, iidem humoribus ad caput, eadem portio
 praecipue urgebitur magis, quam reliquum medullae corpus ab
 iidem humoribus, tum propter truncum majorem, tum pro-
 pter proximam communitionem cum cerebro per foramen magnum
 occipitis, ex quo in superficiem ejus potest descendere
 tenax humor per superficiem cerebri dispersus, adeoque etiam
 colli dolor gravis percipietur. Esto, id fieri etiam possit per
 defluxum, & infartum musculorum colli, vel nervorum ab
 eadem materia, sed non video, cur in collo potius, quam in
 reliquis omnibus partibus ea de causa debeat contingere in omni
 Lethargico, cum e contra per gravationem supra spinalis me-
 dullae truncum intra collum descendentem id videatur in
 omni Lethargico tantum non necessarium. Quia vero ejusdem
 materiae crassae portio ad partes omnes cum sanguine deriva-
 tur, eaque fluit difficile, & subsistit; igitur sentiens homo vel-
 uti fastidium a subsistentia ejusdem in eos motus veniet, in
 quos facilius per assuetudinem, & paucam spirituum quanti-
 tatem poterit: hujusmodi autem est oscitationis motus; de-
 mittitur enim tum maxilla inferior, quae sua mole deorsum

oscitatio,
 postquam.

Os diduc-
tum per-
manet.

Rerum ap-
prehensa-
rum dila-
psus e ma-
nibus.

Dilapsus in
pedes.

mititur, unde motus facilior, cui insuper assuevimus per respirationis, loquelae, & comminuendi cibi motum, unde facile paucis spiritibus demittitur; in oscitationem igitur venire poterit. Quia vero ut maxilla rursus retrahatur post oscitationem, opus est magna quantitate spirituum superantium resistantiam gravitatis in maxilla, & musculis temporalibus, & masseteribus eandem adducentibus; parva autem adest copia eorundem; igitur adduci maxilla non poterit, seu os diductum permanebit. Neque enim id provenire potest ab oblivione; oblitio enim est ablatio specierum, seu undarum privatio; at vero motus musculorum fiunt naturaliter per fluxum spirituum, neque oblitio eosdem motus impedire potest, quoties spiritus fluunt in apta quantitate, & quoties apta quantitate fluunt in musculos maxillam adducentes, eandem si non ad contactum superioris, profecto maxime ipsi proximam detinent, non autem remotissimam, ut in oscitatione. Similiter igitur quoniam ad apprehendendum necessaria est musculorum manuum complicantium contractio valida, & ad conservationem ejusdem apprehensionis necessario requiritur conservatio ejusdem contractionis, seu copiosus influxus spirituum animalium; ubi igitur desint copiosi spiritus, deficiet etiam eorundem musculorum contractio, unde restituentur, & apprehensum quilibet non per oblivionem, sed penuria spirituum e manibus dilabatur. Quoniam vero quarumlibet partium maxime ponderans est Caput, & universa ipsius moles lubrico fulcimento primae vertebrae innititur non in centro gravitatis, sed ita ut centrum idem cadat ad partes anteriores corporis; nisi igitur praesto sit continua musculorum caput ad posteriora trahentium contractio, caput totum ad anteriora dilabatur: parva autem quantitas spirituum facit, ut iidem muscoli apte contrahi non possint, & in Lethargo haec minor quantitas in musculos derivatur; igitur in ejusmodi morbo caput ad anteriora dilabatur, & totum corpus secum ducendo faciet, ut centrum ejus extra pedes cadat, & Animal totum in pedes dilabatur. Hi autem omnes musculorum motus, & contractiones non solum erunt remissiores ob minorem quantitatem, vel majorem inertiam spirituum animalium, verum etiam quia cum sanguis sit permixtus cum iisdem humoribus crassis, idemque sanguis ad productionem contractionum necessario requi-

ratur, erit & ipse vel quantitate minor, vel ad motum ineptior, unde contractio remissior. Quia vero jamdiu per assuetudinem novimus ita niti in caput, ut non decidat, etiam nobis ipsis non advertentibus, & dormientibus; igitur etiam Lethargo detenti curabimus, ne caput decidat faciendo semper, ut spiritus immittantur in musculos firmatores capitis, quod tamen cum succedere propter penuriam spirituum non possit, alterne dilabatur, atque attolletur caput, seu tremet. Idem continget in reliquis partibus, quae pendent sine fulcimento, cujusmodi sunt manus cum toto brachio, cujus tamen motus ad humeri articulum cum scapula vix sensu distingui poterit, cum inibi minimus sit utpote ad centrum, maximus in summa manu: ejusmodi vero motus non dabitur in pede, cum totum crus a dilapsus periculo tutum sit fulcimento lecti. Rursus, quoniam decubitus in latus maxime difficilis factus est, cum debeat suspendi corpus supra parvam amplitudinem lateris apte collocatis manibus, pedibus, & capite, ita ut centrum gravitatis earum partium intra eandem lateris amplitudinem cadat, ex qua tamen positione propter eandem angustiam lateris levi quolibet motu corporis potest abripi, & extra ferri, ac tum animal devolvitur in pectus, aut tergus, atque ad ejusmodi aequilibrium instituendum, vel conservandum supra alterum latus apta plerorumque musculorum contractione opus est, nempe copia spirituum maxima, quae deest in Lethargicis; non igitur in latus decumbere poterunt; cum autem decumbimus, pars maxima ponderis in parte posteriore corporis viget ob ossa, & musculos, & suspensiones horum omnium ad partes posteriores; igitur non pronus, sed supinus erit Lethargicorum decubitus; eoque magis, quod pronis spiratio per os affixum lecto magis impeditur, sicut etiam fit minus commoda illa decumbendi ratio a complicatione, vel alia qualibet positione brachiorum ad pectus, vel alias partes, quae omnino necessaria est ad hoc, ut quisque supinus jaceat, adeoque haec singula primum decubitus magis impediunt. Ex his igitur omnibus patet, motus quoslibet, qui fiunt per musculos contrahentes destitutos, esse debere in Lethargicis rariores, ac debiliores naturalibus; hujus autem generis cum sint respiratio, & motus cordis, seu huic respondens pulsus, erit illa rara, ac debilis, pulsus autem rarus, & quod a minori impetu,

Manuum &
capitis tremor.

Supinus
decubitus.

Respiratio
rara, & debilis.

Pulsus ra-
rus, tar-
dus, dicro-
tus.

tu, seu remissiori contractione cordis pendere potest, etiam tardus. Quia vero simul cum sanguine fluunt per corpus, & derivantur ad partes humores crassi; igitur etiam in partibus obstructions producentur, unde sanguis libere praeterfluere non poterit, & cogetur quasi subsistere, & in truncis majusculis arteriarum instructus valino adhuc impetu per appulsum ad sanguinem subsistentem prope partem obstructam retrorsum refluet versus cor, ut undae maris, aut fluminum ab allisu scopulorum, riparum, aut ejusmodi, adeoque si adsit tangens digitus, bis eadem pulsatione pulsari sibi videbitur, altera scilicet, cum sanguis fluxit anterieus, altera, cum refluxit posterius, seu fiet pulsus dicrotus. Quia vero spiritus derivantur ad musculos per pressionem ad superficiem cerebri, & haec superficies urgetur ab humoribus crassis, qui neque ejusdem quantitatis semper sunt, nec ejusdem gradus pressionis, nec forte servant eandem semper sedem in cerebro, ut secum ex necessitate ferre videtur praecipue febris: igitur fieri poterit, ut nervi plus minus diversis temporibus comprimantur, & diversa spirituum quantitas influat, & aliquando omnino nihil, unde muscoli contrahente destituti nulla certe lege frequentius, validius contrahentur, aliquando etiam omnino quiescent, quiescente vero corde sit intermissio pulsus (ut reliquas mittam causas, quas huc traducere poteris ex generali doctrina intermissionis pulsuum), eodem nulla lege contracto fiunt pulsus inaequalitates omnes; patet igitur, cur in Lethargicis pulsus inaequales, & intermittentes, quod etiam contingere in respiratione poterit. Quin insuper quoniam pressio major majorem copiam spirituum exprimit, si igitur fiat aliquando, ut pro Lethargi modulo aequo major quantitas eorum in musculos laryngis, & pettoris tradatur, qualis necessaria ad motum tussis excitandum, haec ipsa sane producet: parva tamen, cum spirituum quantitas non sit absolute magna, sed respectu Lethargi solum, eademque ratione generandum esse singultum patet, si similis portio spirituum deferatur in musculum constrictorem ventriculi. Utraque tamen affectio produci etiam potest per de fluxum humoris fastidiosi ad fauces, pulmones, & ventriculum, ut ex nostra doctrina tussis, & singultus, & stimulorum in genere patet. Quia vero ab humoribus crassis, ac lentis haec omnia producuntur, si autem fluunt difficile, difficile secernuntur

Alvus liqui-
da.

atqu

atque ut excernantur, liquidiora fiant oportet; igitur per al-
 vum deijciatur, quod est liquidius, vel adhuc humore pec-
 cante non cocto, & ipsius duriori parte subsistente intra cor-
 pus, vel quod sensim concoquitur, & fit liquidum. Simili-
 ter humores crassi si excerni possint per urinam, ejus natura-
 lem compositionem turbabunt; si vero expurgari non possint,
 liquidius solummodo, atque tenuius, & crassitie destitutum
 per urinam excernetur, subsistentibus intra corpus partibus
 minus facile mobilibus, crassioribus, ac durioribus, unde in
 primo quidem casu erit urina qualis jumentorum, seu subju-
 galis, eritque melioris judicii: in secundo aquea, ac tenuis,
 & deterioris ominis, ut inferius. Quia vero subsistentibus ad
 cerebrum humoribus crassis, ac lentis, sanguis per arterias ad
 totum caput etiam externum perductus suo impetu per arte-
 rias fluere, & derivari in venas non potest, sed detinetur, &
 minoris fit impetus, interim tamen continue fit intrusio novi
 sanguinis; igitur arteriae etiam externae capitis, nempe faciei,
 & oculorum intumescunt, adeoque etiam per ipsas arterias
 contentas in oculis, & facie, oculi similiter, & facies intume-
 scere videbuntur, & oculi prominere, quas affectiones promo-
 vebit humor idem crassus ad partes faciei perductus, qui re-
 fluxum retardabit, imo ipse subsistet, & partes in molem at-
 tollet, insuperque respiratio parva faciet, ut totus sanguis e
 pulmonibus non extrudatur, nec totus intrudatur, & incerti
 pulsus cordis detinebunt sanguinem per truncum ascendentem
 refluxum ad cor, unde mora ejus major etiam in venis faciei,
 & tumor ejusdem, & oculorum cum eorundem prominentia.
 Non tamen inde fiet, ut facies, aut oculi debeant rubescere,
 imo pallescet facies, cum sanguis ille vix rubescat tot albis hu-
 moribus, aut subalbis admixtus, eoque colore subalbido, seu
 pallido facies inficietur. Lingua mollis, humoribus nempe
 humidis, frigidisque etiam supra modum irrigata, cum autem
 ii sint crassi, & visceri, constituent supra superficiem ejus te-
 nue quasi velum ex innumeris bullulis compositum ad instar
 spumae, quae alba est, ut nemo non novit. Postremo, quoni-
 am in Lethargo maxima frigidorum, crassorumque humo-
 rum abundat copia, quae cum sanguine per arterias ad par-
 tes singulas corporis deducitur, difficile autem refluere po-
 test propter crassitiem suam in venas; igitur iis in partibus

Urina sub-
 jugalis, aut
 aquea.

Tumor oculo-
 rum, &
 faciei, iique
 prominen-
 tes, haec
 p. da.

Lingua
 mollis, &
 alba.

Sudor mul-
 tus frigi-
 dus: prae-
 pue ad ex-
 trema.

praecipue subsistet, quae minimo sunt instructae motu & momento compressionis: hujusmodi autem sunt extrema corporis; igitur maximus materiae frigidae, & crassae decubitus ad extrema fiet, & si illa materies natura digeri possit facile per sudorem excernetur, ut aquearum materiarum proprium est, & erit ille sudor ad extremas partes frigidus, cum ejusmodi humoribus vix quicquam caloris admixtum sit: quod si id hac ratione contingat, non erit sudor ille ad extrema frigidus pessimi ominis; si vero contingat propter villos prorsus lassatos, & veluti effluere ultro permittentibus quicquid continent, erit id omnino conclamati morbi. Quoniam vero unusquisque morbus morte, vel sanitate solvitur, ac tum quidem moritur Animal ex morbo, cum morbi materies, & vis est tanta, tam contumax, atque valida, ut fibrarum vi superari non possit: sanitati autem restituitur, cum villorum vis violentiam morbi superat; si igitur villorum vis non succumbat intra illud certum temporis spatium, quo vis, ac materies morbi omnem suum impetum exerit, morbi impetus sensim languescet, unde vis villorum fiet multo superior, ac morbum ex toto profligabit, seu animal sanitati restituetur; si vero secus accadat, morietur. Cum vero vis uniuscujusque morbi non nisi per experientiam innotescere possit, sicut etiam tempus, quo maximum, ac totum suum impetum exerit; si igitur per experientiam noverimus uniuscujusque morbi vim, & tempus, quo summum molitur mali, atque per id tempus Animal non moriatur, animal ex morbo evasurum tuto pronuntiabimus. Quoniam igitur experientia doctus Hippocrates didicit, vim Lethargi summam intra septem dies exeri, tuto pronuntiavit Lethargicos intra septem dies mori, & qui hos superant, evadere. Quoniam vero Lethargi materies, quae in cerebro cumulat, ad hoc ut quis evadat, inde movenda, atque extra corpus trudenda est; undecunque igitur illa profluat, bonum: arteriae autem, quae per glandulas salivales, & nasi distribuuntur, salivae materiam etiam naturaliter ad eas glandulas ducunt: atque in iis illa secernitur, saliva vero est Lethargi humoribus crassis, ac lentis maxime proxima; igitur si Lethargi materies cum sanguine fluere incipiat, in glandulis salivalibus, & nasalibus secerni poterit. Erit igitur illa salivatio, & mucus salutaris, indicabitque, Lethargi materiem tandem in fluxum

Lethargici
in septem
diebus mori-
untur, inde vero eva-
dunt.

Sputa, mu-
cus narium,
salutaria.

agi,

agi, & circuire corpus cum sanguine. Non secus parotides ^{Parotides etiam praecipue die critico venientes.} erunt boni ominis, quocumque tempore superveniant, sed praecipue die critico; similiter enim indicabunt, moveri humores Lethargicos, & in glandulis eorum separationi aptis deponi, & cum parotides ab affluxu eorum humorum in tumorem attollantur; erit igitur affluxus ille copiosior, adeoque majorem quantitatem humorum a sanguine repurgabit, unde salutis spes major: quae omnia si contingant die critico, spes adhuc securior; nulla enim violentia, aut motus praeter naturam indicabitur, sed apto tempore elaborata fluxilitas, sive coctio. Quia vero fieri facile potest, ut parotidum ille tumor non per sputum absumatur, sed in pus abeat, & suppuretur, ^{Lethargici in Empyicos.} fiet igitur ille Lethargicus ad parotides Empyicus, neque enim Hippocrates nomine Empyicorum solum intelligit, quibus pus inter pulmonem, & pleuram colligitur, sed omnes, qui ad quaecumque partem corporis suppurantur, qua de re vide Riverium hoc ipso capite de Lethargo, & de Lethargo similiter Sennertum, & Foesium in voce Empyema, ubi intelliges hanc Empyicorum acceptionem Hippocrati familiarem etiam animadversam a Galeno. Itaque quibus Lethargicis superveniant parotides, & suppurentur, ii dicendi erunt Empyici ad parotides, si vero alia aliqua pars suppuretur, Empyici ad eam partem. Si igitur fieri aliquando possit, ut fieri aliquando posse, re ipsa crediderim, ut ex Lethargo pus in cavitate pectoris colligeretur, vel exsudando e vasis, quae ipsum e cerebro ex.gr. hauserint, vel suppurato abscessu aliquo ad internas pectoris partes, qui abscessus ab humore Lethargico genitus fuisset, Lethargicus ille factus esset Empyicus, sumto Empyico etiam in vulgari acceptione, sed patet id non in omnibus Lethargicis necessarium esse. Quia vero urina aquea, & tenuis, sicut etiam multa, & liquida per alvum egestio secum abripit quod est in corpore tenuissimum, ac liquidissimum, relinquit autem crassissimum, ac durissimum; ^{Excretiones per urinam, & alvum tenues, aquosae, multae exitiales.} ejusmodi igitur excretiones Lethargico supervenientes relinquent intra corpus materiem morbi multo crassiolem, ac duriores, adeoque motui, vel coctioni magis repugnantem, unde erunt exitiales. Sphacelus similiter cerebri Lethargo ^{Sphacelus cerebri mortalis, & ejus accidentia.} superveniens exitialis; est enim ex se ipso sine Lethargo lethalis affectus, cum corrupta sit, & continue magis, ac magis

claudit oculos dormientis instar, quod alii asserunt a pituita provenire, alii ab humore, vel vapore, vel occulta qualitate narcotica: delirare autem, surgere, sentire, vires exerere, non dormire, & hujusmodi calori, seu humori calido tribuenda, nempe bili statuunt. Hujus vulgaris opinionis respectu superius asseruimus, exposituros nos Lethargum spurium a permissione bilis, & pituitae proveniente, ut utrisque Lethargis inter se comparatis omnes mediae Lethargi differentiae facile innotescerent. Patet igitur ex his, quousque pertineat, & quid producat haec humorum supposita permixtio, & nihil aliud producendum concedi pituitae, quam clausarum oculorum, & positum dormienti similem: bili reliqua, quorum primum mirum quam sit jejenum, atque ridiculum, nec secundum satis apte declaratum est. Quid igitur aliquanto clarius deduci possit, videamus. Quoniam oculorum occlusio fit per contractionem musculi constringentis palpebras, cujus naturalis vis major est vi naturali musculi ipsas levantis, & in Comate Vigili invita est oculorum occlusio, imo non solum invita, verum insuper talis, ut laborans ne quidem volens possit oculos detinere disclusos; igitur vel tanta copia spirituum non suppeditatur voluntati, & assuetudini, vel non tanti impetus, & facultatis, ut superare possint naturalem contractionem musculi constringentis palpebras per contractionem musculi easdem levantis: spiritus autem minoris impetus ideo fiant eadem ipsorum mole supposita, & quod admiscerentur corporibus crassius, ac lentis, & hi humores somnum conciliant apparentem, nempe motum, & sensum abripiunt, vires retundunt, aut impediunt, aut laedunt; nihil autem horum, imo his contraria in Vigili Comate contingunt; oculorum igitur occlusio non a mutata qualitate spirituum, & fracto ipsorum impetu, sed a diminuta quantitate provenit. Nec quicquam habebit ejusmodi clausura cum humido, frigidove communionis, cum ejusmodi operatio sit merus musculi motus, qui pendere non poterit ab humore spiritus motores implicante, & comprehendente, cum per id temporis, quo fit ille motus, nullum adsit argumentum ejus humoris in corpore laborantis. Et sane siue praecedant febres non malignae, siue malignae, nemo est, qui non videat, quantum iis perseverantibus & spirituum, & naturalis liquidi absumatur, quod necessario ipsis admiscetur, ut non

Oculorum
occlusio.

Quid febris
praecedens
producat.

sint

sint aequo vividiores, & acriores, & hujusmodi liquidum partim absumitur per motum, & calorem febris, partim alicubi, vel in omnibus arteriis capillaribus stagnat, in quibus obstructions contumaces praecipue in malignis febribus contingunt, unde corpus exhauritur spiritibus, & liquido iis attemperandis necessario, ex quibus fit, ut pauciores quidem spiritus supersint, sed iidem sint acriores. Idem suadet praecedens aliquando insignis virium lapsus, sive a vehementia doloris, sive morbi, sive evacuationis proficiscatur; patet enim, subito harum affectionum singula plurimum liquidi, & spirituum absumere, unde quicquid spirituum superest in corpore, minoris erit quantitatis, & magis acre, & in ejusmodi corpore illa omnia suboriri debebunt, quae cum majori acrimonia, sed minori quantitate spirituum, & diminuta humiditatis copia conjunguntur. Quoniam igitur in somno humescunt partes, deest autem in Comate vigili materia humectans; igitur laborans dormire non poterit: pauci autem adsunt spiritus; igitur neque munia motuum obire valebit, adeoque decumbet, quo commodius potest pro mensura paucorum spirituum, quibus ad motus aliquot uti potest, nempe decumbet, quales dormientes, & si penuria spirituum fuerit adhuc major, & quasi extrema, neque in latus, neque contractis cruribus, aut plicatis, aut complicatis brachiis decumbere poterit, cum in iis singulis positionibus plurimis spiritibus opus sit ad contrahendos tot musculos, quot necessario contrahendi ad tales earum partium motus, sed decumbet eo posito, in quo minimum musculorum contrahendum est, nempe supinus, ut superior. Et si vero oculos occludet, & decumbet quasi dormiens, vel supinus, non dormiet tamen, ut diximus, privatus humido, neque solum non dormiet, sed ne quidem dormire poterit volens, atque in somnum nitens, deest enim humiditatis vis, quae ipsa est conciliatrix somni, sine qua nihil voluntas, aut nixus potest proficere. Quia vero aliquid spirituum adest, fluitque per nervos & illi quidem acerrimi, summeque mobiles, & nervi impense rigidi defectu humiditatis, erit Typhomaniacus ad vivide sentiendum optime instructus, unde tactus facile sentiet, & per refluxum ab illo tactu & voluntatem moventem vehementius, derivato copiosiore liquido in nervos musculi levantis palpebras, oculos aperiet, sed eodem liquido propter sui parvam

Quid debilitas a morbo, evacuatione, dolore.

Decubitus dormientis similis, vel supinus.

Non somnus, imo ad somnum impotentia.

Tactus sentit, & oculos aperit.

quantitatem brevi intra nervos quiescente rursus oculi clauduntur. Quia vero ratione diminuti humidi erunt spiritus multo vividiores, & sanguis etiam acrior; igitur spirituum moles etsi diminuta, praecipue si per species aliquanto copiosior in hos, aut illos musculos agatur, poterit cum acriori sanguine in eodem confluyente contractionem satis validam, sed per breve spatium temporis duraturam exerere, quare postquam vires illas exeruit, decumbere rursus cogetur aeger per assumptionem spirituum lassus. Quia vero liberiores spiritus quaquaversum nulla lege per nervos, & cerebrum nituntur, & moventur suo retinaculo, & quasi vinculo, nempe liquido destituti, & ipsorum nisus, motusque est validus; igitur nulla lege hanc, vel illam speciem excitabunt, & praecipue eas, quae cum vehementia motuum conjunctae sunt, nempe rerum dolores maximos vel inferentium, vel minitantium, irarum, injuriarum, & hujusmodi, unde ii musculorum motus producentur, in quos praecipue venire assuevimus, quoties malum imminens avertere volumus, vel indignationem libere furere permisimus, & similia: quare vel fugam tentabit aeger, vel offensionem sese parabit, manus infert, & quae sunt hujus generis, unde surget, profiliet electo, percutiet, mox concidet, postquam spiritus non sufficiunt contractionibus musculorum, imo etiam nec specierum tremoribus conservandis. Si igitur species illa casu, & sine ordine excitata terrefaciat, clamabit pavens, & oculos aperiens torvum intuebitur, sicut etiam quando minatur ipse, vel violentum quid meditatur, cum ejusmodi intuitus sit harum affectionum per assuetudinem proprius. Ex eodem confuso specierum motu a libertate, seu siccitate spirituum proveniente fiet, ut loquatur non cohaerentia, & deliraret; quin etiam totum corpus nullo ordine jactetur, & concutiat; spiritus enim liberi feruntur nullo ordine tam in species, quam in musculos, prout fors postulat, & ipsorum particulae huc illuc avolant, & hanc, aut illam speciem movent, & in hunc, aut illum nervum influunt, seu hunc, aut illum musculum contrahunt. Haec autem omnia cum Phrenitide conjungi posse, manifestum est; quin ipse hic morbus ratione caloris intensioris ab inflammatione intra cranium provenientis spiritus magis exsiccabit, & liberiores reddet, unde exposita singula majoris vis, quam ipse calor inflammationis etiam augebit, qui expirans furentibus spiritibus quasi se comitem

Exilitio electo, & illatio manuum, mox decubitus.

Terror, clamor, torvus intuitus.

Locutio absurdum, delirium, jactatio, & concussio corporis.

Phrenitis.

adjiciet, & tam species confusas, seu delirium, quam motus varios corporis majoris impetus pariet. Uterius, quoniam ne liquidum huc illuc diffuant, cum deglutienda sunt, necessarium est ex iis, quae de deglutitione ostendimus in secunda Propositione secundae partis Nostrae Respirationis, peculiare veluti studium, & contentio animi, ut linguae, buccarum, & faucium musculi certo modo moveantur, quod etiam necessarium est ad hoc, ut quis loquatur in formatione literarum in ore, & multo diligentius in formatione specierum in cerebro; nisi igitur musculi moveri possint, sive quod desint spiritus, sive quod non apte deriventur, sive quod musculi convulsi sint, nec liquidorum deglutitio facilis, nec loquela haberi poterit; in Typhomaniacis autem desunt spiritus, assuetudo formans species propter liberum, & confusum residuorum spirituum motum operari non potest, & convelli musculi per siccitatem, vel continuum spirituum influxum possunt, ut mox explicabimus; fieri igitur poterit, ut una, vel aliquibus, vel omnibus his de causis sit in hujusmodi morbo deglutitio liquidorum difficilis, & sermonis privatio. Insuper in respiratione si fauces aruerint, vel per convulsionem ab ariditate rimam laryngis musculi contraxerint, vel per defectum spirituum eam aequo plus patientiorem reliquerint, fiet, ut appulsu aëris subeuntis, vel exeuntis varia murmura excitari possint acutiora, graviora pro ariditate diversa, & hiatu laryngis. Postremo, cum ablato crassiori liquido tenuissimum solum supersit, non nisi hoc ipsum, illudque minimae quantitatis, & per guttas secerni, & exprimi poterit a glandulis cum humorem naturaliter secermentibus, unde eadem stillabunt solum, seu per guttas ex iis effluet tenuissimus humor, & ex his quidem, aut illis, prout humoris natura postulat. Quoniam vero sanguis calidior liquido frigido destitutus semper ejusdem naturae mobiles producit spiritus; diminuta igitur ejusdem sanguinis copia, minor aderit spirituum materies, unde minor ipsorum quantitas generabitur, & morbus evadet mitior: calidior autem sanguis, si alicubi detineatur, inflammationem parit, cujus species Phrenitis; si igitur adsit causa sistens sanguinem ad membranas cerebri, Typhomania in Phrenitidem abit, & cum sanguis ad inflammationem subsistens non circumeat corpus, per ejus quietem diminuetur materies spirituum, & morbus remittet,

Difficilis li-
quidorum
deglutitio
& sermo
impeditus.

Murmur ad
fauces.

Stillatio te-
nuis humo-
ris e nari-
bus.

Ex Typho-
mania phre-
nitidis saluta-
tis.

Lethargus.

non tamen tutus erit, cum Phrenitis ipsa lethalis sit. Difficilior erit transitus ab exposita Typhomania in Lethargum; minimam enim quantitatem humoris frigidi, crassi, & lenti in ipsam reperiri patet: si tamen humor calidior sit maxime tenuis, ita ut facile perspiret minimum humidi absumendo, poterit successu temporis humor idem absumi penitus, ita ut parva illa quantitas humoris crassi omni illo calore destituta omnem suam vim exerere libere possit, & cum per assumptionem ejus calidae, & mobilis materiae desint etiam spiritus, & sanguis iners evaserit, nullo tum negotio Lethargus subsequetur, ut ex superioribus patet. Facilius autem Coma hoc in Lethargum convertetur, quo minores fuerint affectiones ipsius a siccitate, & acrimonia provenientes; eo enim majorem copiam crassiorum, ac frigidiorum humorum in corpore contineri ostendent. Esto jam in Vigili Comate delirium vehementius; igitur vis, & motus spirituum nullo ordine quaquaversum ipsos ferens vividior erit, adeoque ipsorum libertas major, hoc est, siccitas eorundem, sanguinis, & partium omnium solidarum major; cum autem in singulis contractionibus musculorum ex membranis eorundem plurimum humidi evaporet; postquam igitur in casu nostro per defectum extremum humidi plurimum aruerunt, succedentibus novis contractionibus restitui demum ex toto non poterunt nimis arefactae, unde musculus ille in statu contractionis persistet per quantumcunque longum temporis spatium, & cum villus aridus, & villorum aridorum fasciculi, nempe muscoli flecti non possint, idem musculus, & pars ab ipso movenda erit rigida, seu inflexilis, seu convulsa nuncupabitur, quod patet posse contingere & in musculis contranitente destitutis, & in alterutro contranitentium, & in utrisque eorundem. Erit igitur haec convulsio sine influxu spirituum, neque erit vera musculorum contractio, sed permansio in statu contractionis propter rigiditatem acquisitam, dum contrahitur ratione siccitatis. Sed etiam fieri poterit, ut convulsio similis oriatur, quae sit vera, & perpetua contractio musculi, fiatque per continuum influxum spirituum, sed erit in casu nostro propter eorum parvam quantitatem minoris diuturnitatis. Quoniam enim spiritus supponuntur propter delirium vehementius prorsus liberi; igitur toto impetu per nervos fluent, & ex se ipsis excedent intra

Ex vehementi delirio convulsio.

musculorum sinulos, statim ac nihil impedit; cum igitur in contractione musculorum membranae omnes villorum extrorsum trudentur, & per hanc extrusionem oscilla obliqua nervorum occludantur, (ut insertio ureterum in vesica, vel ductus communis in intestinis), igitur ad hoc, ut spiritus effluant in sinus musculorum, superare non debebunt nisi resistantiam oscillorum non per totam circumferentiam, sed per dimidium ejus solummodo; per conceptum autem impetum contractionis villi non subito sese restituant etiam absoluto motu expansionis; statim tamen praelsto sunt nervorum oscillis spiritus magno cum impetu, & quaquaversum nitentes; igitur nitentur etiam extrorsum: villi autem in motu extrorsum per contractionem adhuc perseverant; igitur motui extrorsum spirituum vix, ac ne vix quidem repugnabunt, adeoque cedent extrorsum, seu removebuntur a contactu alterius partis oscilli, unde spiritus in sinus excident, antequam villi restituantur, sed statim ac excidunt, rarefcunt: fieri igitur poterit, ut musculus in perpetua, & vera contractione persistat, producatque convulsio per continuum influxum spirituum, qui cum in hoc morbo sint minoris quantitatis, brevi illa perdurabit. Qui videntur duo magis proprii convulsionem producendi modi in exposito morbo, cujus proinde convulsionis causam praecipue esse vides nimiam libertatem spirituum a diminuta quantitate naturalis liquidi proveniente: & ipsum morbum nihil aliud esse, quam perturbationem sensus & motus, ortam ex perturbato motu, & diminuta quantitate spirituum ob diminutionem liquidi, quo naturaliter comescuntur.

Quid sit Co-
ma vigil.

PHRENITIS.

ANTECEDENTIA.

Calidorum usus nimius, insolatio, meri potio, ira, & hujusmodi: vulnus, percussio, contusio capitis, mox febris, eaque ardens eodem fere tempore cum expositis, tum somnus interruptus, insomnia terrefactia, & in eodem somno vociferatio. Sunt qui e lecto exiliant, delirium interruptum potissimum ad accessiones, & exacerbationes febris: oculorum praecipue, & faciei rubor, aurium sibilus, sonitus, stre-

pitus, tinnitus, objectorum apparens geminatio, oculorum lachrymatio, & perturbati motus, jactatio, & motus varii corporis, excreationis nifus sine necessitate, urinae ex coctis crudae, albae, tenues: oblivio eorum, quae dicuntur, responsiones iracundae, & jamjam invadente Phrenitide torvus, ac fixus intuitus, & in accedentes irruptio.

Conjuncta cum Phrenitide mitiori, seu, ut appellant, in dispositione.

FEbris acuta continua, delirium perpetuum, vigiliae, dolor capitis, & cervicis, qui mox evanescere videtur: floccos, & festucas legere videntur alterna summorum digitorum explicatione, & complicatione: in iram facilitas, dentium stridor, oculorum rigor, tremores, & concussiones corporis: petunt matulam, inde abstinent ab urinae excretionem: exerunt linguam, neque inde retrahunt: Pulsus parvus, durus, celer, frequens, respiratio magna, rara, lingua arida, aspera, nigra, citrina, tremiscens, nullus tamen sitis sensus. Torvus aspectus, oculorum rubor cum squallore, nec ipsi vividi, & micantes, iidem lucem averfantes, sed & facies tota rubet. Acres lachrymae, paucae, densae, oculorum angulis adhaerentes, vel lachryma una, aut altera ex altero tantum oculo acris similiter, & densa: stilla sanguinis e naribus, eaque nigra, urinae suppressio, & cum excernitur, alba, & pellucida: alvus adstrictior, dejectiones albae, convulsio, extremorum rigor, capillorum evulsio, faciei laniatio per ungues, & quilibet alius in proprium corpus saeviendi modus.

Conjuncta cum Phrenitide in habitu, Hippocrati, & deinde Medicis Hectica dicta.

Sensuum omnium amissio, siue externi sint, siue interni, unde nulla molestia, nullus dolor, non delirium, non responsio, vix aut nulla locutio: faciei, & oculorum rubor, mox corporis languor, & impotentia motus, ita ut raro decubitus mutant aegri dormientibus similes: manus tremulae, & saepe motae quasi apprehendendum aliquid quaeritantes.

CON-

CONSEQUENTIA.

GAngraena, vel sphacelus cerebri, convulsio, lethargus, coma: vox clangosa, tremula, singultus: fecum, & urinae involuntaria, nec percepta dejectio: sudor universi corporis calidus, & copiosus, praecipue a capite: copiosior sanguinis fluxus e naribus, pus per os, & aures. Delirium cum risu (quod inter signa melioris exitus, & Phrenitidis in sanitatem abiturae ponunt.)

Quoniam calidorum usus nimius effectum non nisi a caliditate proveniente potest producere, nempe calefactionem: ab ejusmodi autem usu Phrenitis oritur; igitur erit illa calefactum aliquid. Hinc fit, ut febris ardens, atque acuta corripiat ex humoribus solutis, & in calorem abeuntibus excitata. Somnus autem exigit humidum, & frigidum; ubi igitur haec desint, adsit autem calidum, quod non solum frigido contrarium est, sed insuper exsiccat, somnus continuus, qualis naturalis dari non poterit: erit itaque plus minus interruptus, prout calidum illud exsiccat qualitate, quantitate, aut utroque erit validius. Quia vero vis calidi exsiccantis est acrior, & momenti majoris; igitur calidum illud expirans per corpus, cerebri, & nervos, & materiam suppeditans generationi spirituum, movere poterunt hi, vel illud species momenti majoris, quales sunt terrificae, utpote ad indignationem, vel violentiam cujuscunque generis comparatae, & siquidem species, quae excitatur, conjuncta sit cum metu somniantis, vociferabitur ille per assuetudinem propter metum. Si vero species, quae excitatur, ipsum somniantem ad minas, & indignationem moveat, erit vociferatio similiter effectus assuetudinis conjuncta cum motu indignationis, & minarum. Poterit etiam casu id contingere tum ratione somnii, tum ratione delirii etiam in vigilia. Iisdem de causis, vel ut fugiat, si timenda somniet, vel ut manus inferat, ulciscatur, &c., si iracunda: prosilire e lecto poterit dormiens, quod etiam iisdem de causis praestare poterit vigilans, si per delirium, quod est somnium vigilantium, timoris, vel irae species, excitentur. Quia insuper motus delirii est motus specierum incertus, vagus, & per varias brevissimi temporis species; excitabitur igitur illud a corpore ad

Febris acuta, continua, ardens,

Somnus interruptus.

Somnia terrificae.

Vociferatio.

Exilitio e lecto, cum dormit, aut vigilat.

Delirium interruptum praecipue ad

maxi-

accessiones,
vel exacerbationes fe-
brum.

Oculorum
& faciei ru-
bor.

Aurium fi-
bilus.

maxime mobili, & nullius certi motus (ut in somno naturali a perspiratione) qualis calor, quod tamen continuum non erit, nisi continue calor urgeat, & tunc majus, cum idem magis urgebit, quod in accessionibus, & exacerbationibus febrium continget, vel tum sanguine magis fermentescente, vel cum stagnet in partibus corporis, tum magis premente cerebrum propter obstructionem, vel eo pervenientibus solum particulis calidioribus utpote tenuioribus. Quoniam vero per calorem sanguis rarefcit, adeoque majus spatium exigit; igitur nitetur extrorsum intra vasa, eaque majoris reddet amplitudinis, unde subcutanea magis conspicua fient, seu faciem, & oculos colore sanguineo, seu rubicundo inficient. Sed quoniam non corpus univcrsum contrahit ruborem; calor igitur auctus non erit sufficiens causa producendi ruborem in facie etiam ab extrinseca superficie conspicuum, nec ullum indicium est ullius obicis ad cor, aut pulmones, quo sistatur sanguis e trunco ascendente venae cavae refluxus; adsit igitur in capite obex aliquis oportet, quo impediatur, vel retardetur motus sanguinis per arterias, & rubor ille ab infartu arteriarum pendeat: obex autem in arteriis facit, ut per continuum affluxum sanguinis earundem canaliculi minimi in molem attollantur, & veluti totidem parva aneurismata producant, vel sanguis extra easdem exsudet in spatia interarterialia, adeoque eadem infarciat, & in molem majusculam extendat; minima autem quaeque pars plurimis arteriis instruitur, quae simul sumtae tumorem insignem producent, si singulae etiam parum intumescant, & tumor ille fiet a sanguine, seu inflammationem constituet; ille igitur rubor faciei, & oculorum ab inflammatione, & quidem systrophica poterit provenire, nempe cum tumore conjuncta: quod si infartus fuerit minor, poterit pars affecta vix in tumorem attolli, sed solummodo vivide rubescere, eritque inflammatio sine rubore, quae dicitur Phlogosis. A quacunque autem ex his causis proveniat, aderit calor acer, & pressio intra cranium major, quae si tanta ob tumorem, vel locum tumoris sit, ut cerebrum plus minus comprimat, ea omnia producentur animali, quae ab insigni calore ad cerebrum, & ejus pressione producantur oportet. Per caloris impetum quaquaversum nitentem excitabuntur species, quae poterunt. Quia vero arteriae truncis majusculis distribuuntur per aurem internam sub mem-

membrana tympani, & earum pulsus augetur per obicem inflammationis, poterunt illae tum eo ipso pulsu, tum calore copiose evaporante in membranam incurrere, eamque movere excitando hanc, vel illam soni speciem, quae excitari potest ab incurrentis caloris impetu. Rursus, quoniam oculorum nervis allabuntur Carotidum majores trunci; iis igitur occurrat oportet sanguis toto impetu, & qui per obicem inflammationis fit naturali major, instructus, sed non utrimque aequalis, cum id non sit necessarium: quando igitur non erit utrimque aequalis ille impetus sanguinis naturali major, dimovebitur uterque opticus inaequaliter ab axe optico, seu objecta videbuntur gemina. Insuper, quoniam propter obicem inflammationis major copia sanguinis in arteriis colligitur, subsistit, ac premitur; igitur secretiones excrementorum, quae ab illo sanguine fieri possunt, copiosiores erunt, hoc est, e glandulis lachrymalibus major sui liquidi excernetur quantitas, quae quantitas naturali major cum lachrymas constituat, oculi lachrymabuntur. Quoniam vero calor nulla certa lege movetur, nulla etiam certa lege movebit spiritus, & nervos, per quos expirat; muscoli igitur omnes nulla certa lege, vi, ordine, ac tempore movebuntur, sed modo quiescent, modo contrahentur, & quidem modo rarius, modo frequentius, modo plures, modo pauciores, prout incertus caloris impetus trudit spiritus in hos, aut illos, unde non solum oculis accident perturbati motus, sed jactationes, & varii motus in corpore toto, e quorum numero est excreationis nifus sine necessitate, cum ejusmodi nifus sit musculorum motus, (ut ex doctrina nostra excreationis patet in secunda parte Respirationis exposita) quem tentat tum homo non adactus necessitate screandi, sed per influxum spirituum vi caloris praeter voluntatem intrusorum. Haec autem inconstantia, & varietas motuum eo magis fieri debet, si adsit cerebri mediocris pressio, quae spirituum motus retardet, quibus proinde non detur liber fluxus in musculos, nisi post certum tempus, quo cumuletur spirituum certa quantitas vim pressionis excedens. Quoniam vero sanguis ad tumores derivatus ab eorum obice sistitur; igitur praeterfluere non poterit, nisi quod est tenuissimum, ac liquidissimum, subsistentibus ad eundem tumorem partibus minus ad motum aptis, cujusmodi sunt partes terrae, & salis. Ab his autem Urinae ex coctis cru-

Objectorum
geminatio.

Oculorum
lachryma-
tio.

Jactatio, &
motus varii
corporis, &
oculorum,
& excrea-
tionis nifus
sine necessi-
tate.

dae, albae,
tenuēs.

Oblivio eo-
rum, quae
dicuntur.

Respon-
siones iracun-
dae.

Torvus, ac
fixus intui-
tus, & in
accedentes
irruptio.

Dolor capi-
tis mox eva-
rescens.

Vigiliae.

mationem subsistent refluentibus per corpus solum fluxilioribus, nempe aqueis, similibusque, a quibus fit urina crudior, & tenuis, unde urinae ex coctis in crudas, albas, ac tenues abibunt. Quia igitur per caloris vim fit perpetua quaedam, & varia spirituum agitatio; species igitur eorum, quae dicuntur, non trement solae, neque toto suo momento libero, sed cum aliis illis incerta, & semper varia agitatione spirituum permotae, unde iis animum advertere non poterimus: cum autem contentione animi maxima opus sit ad memoria retinendum, (quod maxime assequimur quiete omnium aliarum specierum excepta illa, quam memoriae mandare volumus) igitur aliis, ac semper variis eodem tempore trementibus memoriae mandari illa non poterit, & ejusdem obliti videbimur, unde eorum, quae dicuntur, oblivio. Similiter quoniam irae species majores sunt impetu excitandae, & hoc instructus est calor; & hae igitur excitabuntur, & aeger iis excitatis motus illos in responsionibus exeret, qui sunt cum ejusmodi speciebus conjuncti, nempe motus iracundos. Quod si jam invadat Phrenitis, erit tum maximus calor, unde motus omnes ad violentiam comparati, & propterea, ut in Comate Vigili dictum est, torvus ac fixus intuitus, & in accedentes irruptio, & haec non solum a calore provenient, sed a pressione inflammationis augebuntur, quae licet statim invadens major esse debeat, quam antecedenti tempore, unde tum primo totum cerebrum magis premet, vel mole sua, vel arterias magis infarciendo, quare spiritus copiosiores exprimet, qui speciebus iracundiae obtemperantes, ducentur in musculos torvo obtuitui, & illationi manuum servientes. Quoniam vero extendi membranae non possunt, quin fiat aliqua inter ipsarum partes divulsio, ex hac autem pendet dolor: in Phrenitide igitur aderit dolor capitis; dolor autem est sensus quidam, nec sensus sine influxu spirituum; nisi igitur influant spiritus, dolor percipi non poterit, licet divulsio perseveret, imo etiam augeatur: sed per continuam, ac semper majorem canalium distractionem nervuli intercurrentes tandem ita comprimuntur, ut nihil spiritus ulterius possit influere; igitur post dolorem primo excitatum licet non cesset, imo augeatur inflammatio, cessabit ejusdem doloris sensus. Quoniam vero viget tum insignis calor; igitur humidum quodlibet absumitur, unde somni impotentia, seu vigiliae, sed insignis hic calor semper viget; igitur semper varii, ac perturbati spirituum motus

seu

seu delirium perpetuum. Absumtis autem liquidis superest Delirium
 in arteriis & venis sanguis acrior cum certa obstructione in perpetuum.
 capite; hinc igitur febris acuta, ardens, continua, in qua & Febris acu-
 obstructio, & fermentatio sanguinis, & acuti motus muscu- ta, ardens &
 lorum, licet non omnium; neque semper, quae singula ex se continua.
 sola, ne dum omnia simul sumta ad febris productionem suf-
 ficiunt. Cum igitur, ut superius, per calorem & pressionem
 ab inflammatione spiritus nullo apto, & certo motu moventur, Concussio,
 tremunt, & concutientur corpora, prout spiritus in musculos & tremor
 influunt: strident dentibus, prout in maxillae inferioris mu- corporis,
 sculos alterne influunt spiritus contrahentes cum impetu; inde stridor den-
 enim fiet mutua dentium validior allisio, ex qua eorundem tium, ocu-
 stridor: oculi rigeant, nempe motu aliquo tonico detine- lorum si-
 buntur, cum aequalium momentorum spiritus in musculos eo-
 rum oppositos deducuntur. Simili de causa festucas detergere, Festuca-
 floccos vellere, & colligere videbuntur, cum ejusmodi nihil rum, &
 aliud sint, quam certi quidam motus certorum musculorum, floccorum
 qui contrahuntur, prout influunt spiritus. Quoniam vero in quacrita-
 Phrenitide perpetuum est delirium; igitur petitio matulae pot- tio.
 est etiam esse petitio delira, non autem per mejendi necessi- Petitio ma-
 tatem facta, quare hoc supposito phreniticum non mejere post tula non
 petitionem matulae non erit indicium oblivionis. Insuper, quo- mejuat.
 niam urinae emissio, cum illa instat, & urget, est opus tam
 proprium necessitatis propter stimulum, ut etiam nostri com-
 potes illam suppressere nequeamus; eandem igitur suppressere
 multo minus poterimus, cum delirio detenti arbitrio minime
 uti possumus; quare tum maxime urina sponte fluit: non fluit
 autem, ut supponitur; non igitur quia obliviscatur phreniti-
 cus, sed quia per obstructionem, & vim morbi, vel pressionem
 cerebri minor est vi musculorum expellentium, quam constri-
 ctoris colli vesicae deficientibus spiritibus, vel quia ob morbi
 calorem & siccitatem, convulsus est tam musculus constriCTOR,
 quam musculus vesicae advolutus, ita ut vesica occlusa deti-
 neatur, nec in ipsam influere ab ureteribus urina possit, vel
 denique, quia nihil urinae secernatur humido per morbi calorem
 absorto, duro autem ad inflammationem detento. Par est
 ratio, cur linguam exerant, neque retrahant, quod de ore di-
 ducto perseverante post oscitationem in Lethargicis exposuimus
 non absimili necessitate. A caloris autem vi jam superius
 ostendunt.

In iram facili-
cilis, tor-
vus aspe-
ctus, rubor
oculorum
cum squal-
lore, non
vividi, non
micantes,
lucem a-
versantes,
totius fa-
ciei rubor.

Avulsio ca-
pillorum,
faciei la-
niatio, ma-
nuum illa-
tio.

Lingua ari-
da, aspera,
nigra, ci-
trina, tre-
miscens.

Pulsus par-
vus, durus,
celer, &
frequens.

Respiratio
magna, &
rara.

ostensum pendere facilitatem in iram, & torvum aspectum, quin etiam ruborem faciei, & oculorum a mora, vel quiete sanguinis intra arterias caput petentes, unde illae extenduntur, trudentur magis extrorsum, & colorem sanguinis subcutaneum exhibent: non erunt tamen oculi vividi, micantesque, sed squalidi, cum desit alimentum aptum, apta humiditas, & apta spirituum quantitas movens, & quasi per pellucidum ipsorum corpus expirans, sed squalore, & quasi languore pressi, adeoque multo infirmiores, & sustinendo luminis incurfui sine fastidio, ac dolore impares. Insuper vel a delirio, vel adhuc sensu doloris non solum in capite, sed in toto corpore per tantam morbi vim excitari Phrenitici rapiuntur in quamlibet saevitiam, & offensionem proprii corporis, & capillos evellent, & faciem laniabunt unguibus, & sibi manus inferre quoque pacto machinabuntur, imo & inferent. Per calorem insuper morbi partes exsiccabuntur absorto humido, unde arescet lingua, & pili, qui per ipsam distribuuntur, dirigebunt, nec tactui cedent molliter, sed ipsum ferient, quasi parva totidem, & disjuncta spicula, unde aspera videbitur: nigra etiam, vel quia subsistat solus sanguis sub ejus superficie destitutus humido aqueo, a quo color ejus fit dilutioris rubedinis: vel citrina, si sit permixtus humori bilioso, nisi hic color a cibis sustentibus, vel halitu ventriculi pendeat: tremiscens vero ratione influxum incertorum per spiritus, ut de caeteris motibus dictum est. Uterius per vim morbi absumentis plurimum liquidi cum sanguine fluentis, & ratione obstructionis plurimum ejusdem detinentis ad inflammationem continebitur in arteriis copia sanguinis naturali multo minor, unde pulsus parvus: propter siccitatem partium omnium, adeoque etiam arteriarum durus: propter parvam quantitatem sanguinis, ejusque mobilitatem celer, propter stimulum in corde ab ejus affluxu nimis calido, mobilitatem spirituum, & pressionem ab inflammatione (nisi haec pressio sit aequo major) frequens. Quia vero ad movendam universam multitudinem musculorum pectoris multo majori quantitate spirituum opus est, quam ad movendum unicum musculus cordis, iidemque muscoli non vellicantur extrorsum, ut cor a sanguine ventriculorum, neque interius tam vellicantur, quam villi cordis, cum intra villos pectoris sanguis sit minoris impetus, quam intra villos cordis,

dis, in quos derivatur ab ipso statim trunco arteriae; igitur in musculos pectoris vix quicquam spirituum influit per motum derivationis ratione stimuli: per influxum autem naturalem influunt multo pauciores, quam in naturali statu; cum multo pauciores spiritus a tam immutato sanguine generentur; igitur rarius moveatur pectus, seu respiret Animal oportet; interim vero cumulabitur in nervis copia liquidi major, quae intra musculos tandem deducta respirationem magnam producet. Quoniam vero partibus arescentibus nervi concidunt, ita ut spiritus vix possint fluere; igitur ab objectis hebetibus produci non poterunt suae species, hujusmodi autem est sensus sitis, & in arida lingua comprimuntur nervi; tolletur igitur sensus sitis non secus, ac de dolore capitis dictum est. Ulterius absumto liquido, cum quicquid inest sanguini, sit acerrimum, & possit per glandulas lachrymales secerni, erit illud acre, sed non nisi minimae quantitatis, cum in iis glandulis aqueum quiddam secernatur, & aqueum supponatur absumtum; erunt igitur lachrymae ex utrisque vix altero oculo tantum, una, aut altera, vel plures, & paucae, prout plus minus liquidum adhuc superest in sanguine; acris autem illa materies erit maxime tenuis, seu mobilis, sive perspirans, atque evaporans, adeoque ad oculorum angulos relinquet suum vehiculum crassius, quod utpote satis siccum brevi densabitur, cito exarescet, & oculorum angulis adhaerebit. Erunt autem hae lachrymae pessimi omnis, tum quia minimum liquidum arguent, tum quia argumento esse poterunt, ipsas non per secretionem naturalem effluere, sed potius villis erosis, aut lassatis, adeoque corpore jam ad dissolutionem tendente. Quoniam insuper color sanguinis eo fit ad nigrum magis vergens, quo major copia liquidi pellucidi ipsi detrahitur, guttae igitur sanguinis nigrae dabitur jam absumto humido, & gutta singularis arguet acrimoniam ejus, paucitatem, & validam obstructionem prohibentem ipsius fluxum, vel debilitatem naturae, seu villorum disrupti patientium, unde & hoc pessimi omnis erit. Insuper absumto humido urina ex sanguine generari non poterit, unde suppressa videbitur vel per convulsiones musculorum, ut superius: quod si reddatur subsistentibus duris partibus ad obstructionem inflammationis, erit alba, & pellucida. Similiter absumto humido etiam alvi feces erunt siccæ, & villi intestinorum vel

Nullus sitis
sensus.

Lachrymae
altero tantum
oculo, vel ex utrisque
acres, paucae,
densae, eorum angulis
adhaerentes.

Haec lachrymae
maxime
luminae.

Stilla sanguinis
enaribus nigrae,
eaeque lethalis.

Urinae suppressio,
vel alba, &
pellucida.

Alvi adstrictior,
vel dejectiones
albæ.

siccio morbo convulsi, vel a siccitate rigidi, vel ab utroque moveri non poterunt, unde feces premere, quae etiam ex se ipsis propter siccitatem suam expressioni magis resistunt, non poterunt, nec ipsae ex se fluere, cum durae sint, unde alvus adstrictior. Cum vero deicientur, erunt coloris albi, cum quicquid terreum easdem inficit, vel intendit ad flavedinem, vel colorem quemlibet alium saturum, detineatur in capite, nisi forte etiam prohibetur chylo influxus in lacteas per siccitatem partium occlusas, unde color albus in fecibus. Convulsio quibus de necessitatibus fieri possit, facile patet ex superioribus: quia tamen in Phrenitide adest delirium perpetuum, & est morbus caloris, ac siccitatis maximae, convulsionem in Phrenitide contingere potissimum debere dixerim per siccitatem ea ratione, quam in Comate Virgili exposuimus. Denique extremorum rigor effectus est febris, obstruentis ramulos capillares, a quibus exprimitur omne calidum, praecipue autem cum reliquum sanguinis adhuc fluens tenuissimum sit, & facile evaporans: quae sunt cum Phrenitide in dispositione conjuncta. Quod si Phrenitis vel sit per plures dies confirmata, vel paulo ante quidem apprehenderit, sed fuerit vehementior, ita ut obstructio, & inflammatio totum cerebrum validissime presserit, ita ut omnis refluxus, & subitus spirituum motus impediatur, tum nullus sensus, sive internus, sive externus operari poterit, unde nulla molestia, nullus dolor, non delirium, non responsio, vix, aut nulla locutio, nempe sonus per linguae motum editus; superesse enim poterit per aliquod breve tempus debilis aliquis motus, quousque pressio non occluserit ex toto nervos, & spirituum generationem pariter tremendo impediverit. Hinc sensim illis occlusis, & impedita horum generatione languescet magis corpus, & motus reddetur impos, nec mutabunt aegri decubitus, & similes dormientibus videbuntur, & imperitis medicis sub ea falsa imagine imponent, tremantque partibus magis pendulis, & a fulcimento remotissimis, ut sunt manus, per alternum influxum spirituum, qui adhuc supersunt, & influunt, per quem influxum cum complicantur & explicentur digiti ab alterna contractione musculorum iis motibus inservientium, videbuntur manus quasi apprehendendum aliquid quaeritare. Aderit tamen & in hac Phrenitide vel maxime oculorum, & faciei rubor, cum inflammatio intensior fluxum, & derivationem sanguinis ad ca-

Convulsio.

Extremorum rigor.

Sensuum omnium amissio, non molestia, non dolor, non responsio, non locutio, languor, impotentia motus, similitudo cum dormientibus, manus tremulae.

Faciei, & oculorum rubor.

put

put magis impediatur, unde ruborem hunc provenire superius ostensum. Ex his autem omnibus facile innotescit, qua ratione per vulnus, ictum, aut contusionem capitis excitari possit Vera Phrenitis, nempe delirium continuum cum febre acuta continua, quae ab inflammatione pendeat; si etenim vulnere &c. succedat inflammatio intra cranium, quascunque de Phrenitide hactenus exposuimus succedere debere manifestum est: per simplicem autem pressionem absque inflammatione & febre, aliqua quidem ex iis, quae Phrenitidi competunt, produci poterunt, ut ex superioribus morbis facile patet, sed non omnia, ut per singulas Phrenitidis affectiones excurrenti statim innotescet. Sed neque illud est omitendum, spirituum penuriam in Phrenitide non provenire solum ab expositis causis, verum etiam ab ipso inflammationis loco, quo fieri potest, ut cerebrum plus, minus, prout explicatum est, prematur; ea enim pressione prohibetur, ne sanguis, ex quo generantur spiritus, in glandulas influat, atque insuper etiam si inflammatio non premat, cum tamen ejus obice impediatur fluxus sanguinis, & derivatio ad arteriolas quasque capillares, illae omnes, quae sanguinem non trajiciunt, facient, ut in glandulas cerebri derivetur quantitas sanguinis naturali minor, unde spirituum copia minor generabitur. Itaque perdurante inflammatione, si vi ejus erodatur quicquid continet, laceretur, mortificetur, ac demum veluti diffuat plane corruptum, & pertingat ejusmodi erosio, & corruptio ad usque, & intra cerebrum, succedet Phrenitidi Gangraena, vel Sphacelus cerebri, quod erit proximae mortis argumentum. Convulsio etiam succedere poterit, quae facillime orietur ex siccitate, & calore, ut superius expositum: haec autem quanquam maxime periculosa, cum arguat summam humorum, & solidarum partium siccitatem, & quasi rigidam tensionem per humectantia difficile superabilem, tamen quia nondum datur partium solidarum corruptio, aliquid spei relinquet. Ad convulsionem pertinet singultus, & vox tremula, quorum ille a materia acri, calida, & sicca, vel in cavitatem, & os ventriculi, vel identidem pro spirituum, & humorum paucitate per nervos in muscolum ejus derivata, sicut etiam ab iisdem, ut superius, vox tremula; tremor enim vocis a tremore musculorum linguae, faucium, & maxillae inferioris; asperitas autem illa vocis, quam clangorem dicimus, ab asperitate instrumentorum vocem efformantium, quae

Vulnus, percussio, contusio capitis.

Spirituum penuria ab ipsa inflammatione.

Gangraena, vel Sphacelus cerebri.

Lethale utrumque.

Convulsio lethalis etiam, sed cum spe salutis.

Singultus, vox tremula, & clangosa.

Urinae, &
alvifecum
nec voluntaria,
nec percepta de-
jectio, &
haec maxime
lethalis.

Sudor calidus,
praecipue a capi-
te, & toto
corpore, sanguis
copiosus e na-
ribus, pus
per os, &
aures: &
haec salutaria. Delirium
cum risu incerti
ominis.

quae asperitas a siccitate, & calore, unde haec plus minus arguunt periculi, prout caetera in eo statu morbi plus minus sunt gravia. Excrementa vero praeter voluntatem, & sensum excernuntur, vel jam ad extremam dissolutionem tendente animi, ita ut etiam humidum ab iis secernatur, & tantum fluxilitatis ipsis conciliet, ut ex se ipsis effluere ex intestinis, & vesica possint, vel iisdem sponte fermentescentibus, atque ita partim stimulo, partim vi fluxus per fermentum acquisiti sibi viam aperiant, vel extrema contractione musculorum per ultimum, & copiosorem spirituum influxum, qui ultimus ideo copiosior, quod circa cerebrum stagnat sanguis totum ipsum magis comprimens, & quicquid continetur spirituum exprimens: sine sensu autem, vel quia nervi jam aruerunt, vel quia propter extremam rigiditatem tremere non possunt, vel quia spirituum mobilitas, & tenuitas impressioni non paret. Hae igitur excretiones sunt supremae deplorationis. Quod si sudor calidus, & copiosus praecipue a capite proveniat, minuet ille inflammationem, & indicabit reliquum corporis minus obstructum esse propter calorem, cum quo effluit: sicut sanguis e naribus copiosus, aut pus per os, & aures; hoc enim inflammationem ad suppurationem venisse, & pus excerni, & fluere cum sanguine, ille vero exitum materiae morbificae ostendit, unde haec omnia salutaria. Delirium cum risu minus mali ominis esse, asserunt, quod non crediderim admittendum, tum quia in Paraphrenitide vel hic idem risus est maxime exitialis, tum etiam praecipue, quia cum delirantium motus sint omnino vagi, incerti ordinis, & nullius connexionis, potest excitari risus casu, sicuti caeteri motus delirii, & nihil indicabitur, & id quidem fiet facile, cum cum motum oris, quem risum dicimus, non exeramus, nisi per contractiones musculorum labia ad latera, & ab invicem distrahentium, quae sane contractiones per incertos delirii motus fieri poterunt absque eo, quod delirus ille speciem risus in nervis moveat, & propterea non vere rideat, sed ridere propter motus labiorum, quales in ridentibus, videatur, quemadmodum Spasmo Cynico affecti, quanquam labia movent sicut ridentes, etiam a vulgaribus Medicis non dicuntur ridere. Si vero tutus, ac certus esse possit Medicus, motus illos labiorum excitari per veram speciem risus (quod

in delirantibus vix fieri posse a quolibet licet peritissimo crediderim, nisi delirium sit circa eandem rem constans, & de ea ipsa re loquatur aeger, eamque ridiculam esse, & ea super se in risum moveri aeger testetur), cum res in risum moventes non sint tanti impetus in excitatione specierum, quanti truculentae, & irarum plenae; si in Phrenitide hae species praecesserint, inde vero succedat delirium cum risu, argui poterit humorum calor, & siccitas minor, & minor inflammationis pressio, unde spei aliquid affulgebit. Hinc igitur deduces, quid sit Phrenitis, eamque esse morbum a calore, & siccitate maxima proveniente, ex qua pendent febris acuta continua, delirium perpetuum, & quae huc usque exposuimus singula: cum autem haec ab inflammatione intra cranium facile oriri possint, hanc ipsam inflammationem intra cranium esse ut plurimum, & praecipuam causam caeterorum omnium, & cum vasa sanguinis non solum per membranas cerebri, sed & corpus ipsum ejus distribuuntur innumera, & membranae, & cerebrum inflammari poterunt, & Phrenitis provenire ab inflammatione cerebri, vel membranarum ejus, vel utrarumque. Non tamen inde fit, ut nullus detur modus producendi Phrenitidem, hoc est, omnia, quae Phrenitidi competunt praeter inflammationem, absque hac ipsa inflammatione. Fac enim qualibet alia de causa sanguinem calidum, ac siccum, qui tamen obstructionem non producat in capite, nihil erit, quod Phrenitidem non mentiatur. Denique, prout alii humores admiscuntur sanguini, fit Phrenitis saevior, aut mitior: si humores pituitosi, mitior: si biliosi, saevior: si atrabiles, adhuc saevior; sed haec patent. Phrenitidem in Lethargum, vel Coma facessere maxime ominosum, & deploratum; cum etenim ejusmodi affectiones ab humoribus frigidis, & humidis oriuntur, manifestum est, Phrenitidem excitantes humores calidos, & siccis ingravefciente ipsa Phrenitide non posse in frigidos, & humidos commutari, adeoque Lethargus ille, vel Coma superveniens Phrenitidi nec verus Lethargus est, nec verum Coma, sed privatio sensus, & motus, quae Phrenitide perdurante a nulla alia causa provenire potest, quam a prohibita prorsus spirituum vel generatione, vel motu, vel utrisque, & haec non nisi ab inflammatione immensum aucta, & cerebrum ex toto comprimente, vel a gangraena, aut sphacelo

Quid requiratur, ut sit melioris ominis.

Quid Phrenitis.

Cerebrum inflammabile.

Quo pacto sine inflammatione fieri possit.

Spuria.

Lethargus, & Coma maxime lethalis.

Phrenitis
per consen-
sum.

ejus. Phrenitis per consensum dicitur Paraphrenitis, de qua seorsim breviter propter ea, quibus a Vera Phrenitide, quam hactenus exposuimus, distinguitur.

P A R A P H R E N I T I S.

C O N J U N C T A.

CUm Paraphrenitide omnia conjuncta sunt, quae cum Phrenitide, praeter inflammationem intra cranium, intensiorem calorem capitis, ruborem oculorum, & faciei, respirationem magnam, & raram. Itaque in Paraphrenitide adest inflammatio diaphragmatis, calor capitis remissior, rubor oculorum, & faciei dilutior, vox acutior, delirium cum tussi, risu, dolore lateris, calore ad imum pectus, & hypochondria, haec ipsa palpitantia, & sursum, & introrsum revulsa, ut Hippocrates primo Epid. A Egro secundo. Ajunt insuper tantum non omnes, in Paraphrenitide respirationem non esse magnam, & raram, ut in Phrenitide, sed parvam, & frequentem, & id semper, cum tamen Hippocrates ibidem in Sileno Paraphrenitide laborante per totum morbi tempus respirationem fuisse magnam, & raram asserat. Melius itaque cum aliis modo parva est, & frequens, modo rara, & magna, modo inaequalis, & incerti ordinis. Sunt etiam, qui ab inflammationibus aliarum partium internarum oriri Paraphrenitidem asserant, sed nullius partis inflammatio praeter Septi transversi producit delirium perpetuum, & hanc solam appellavere Veteres Paraphrenitidem.

Quoniam in inflammationibus a cerebro distantibus calor cerebro non communicatur, nisi a sanguine per ejus arterias fluente, qui in cerebro subsistere ad locum inflammatum non potest, cum hic locus in cerebro nullus sit supposita alibi inflammatione; igitur in inflammationibus a cerebro distantibus multo minorem a calore vim patietur cerebrum, quam in Phrenitide: ab hoc autem praecipue pendet delirium perpetuum in Phrenitide, agitatatis nempe continue spiritibus incertis moribus ob copiam caloris in cerebro semper incertis motibus expirantis; ad hoc igitur, ut excitetur delirium per inflammationes a cerebro distantes, oportebit, ut cumuletur insignis copia caloris in capite, qui totus simul nitens intra cerebrum moveat

de-

demum se ad spiritus, nervosque, quibus occurrit, atque delirium excitet. Quia tamen interim evaporat, nec calor affluentis per unicam vicem sanguinis sufficit ad ciendos incertos spirituum motus, cessabit delirium, quousque tantum sanguinis per plures pulsationes influxerit, ut per ipsum conceperit cerebrum illum calorem, qui delirio excitando sufficit, quod proinde excitabitur rursus, rursus cessabit. Si vero etiam in inflammationibus a cerebro distantibus detur alia causa, quae caloris insignis in capite vices gerat, poterit etiam in ipsis delirium continuum dari. Quoniam igitur Septum transversum est musculus magnam, & continuam vim exérens, & valide, & copiose tendinosus; inflammari igitur non poterit, hoc est, alicubi in tumorem attolli aliqua ipsius pars, quin cum movetur, distrahatur ad partem tumefactam valide, & periculum divulsionis subeat, seu, quod idem est, vehementer doleat, praecipue si tumor sit ad tendines accerrimi sensus, adeoque refluet liquidum per nervos diaphragmatis vi maxima, cum dolor sit ingens. Neque refluet solum per nervos ejus, sed cum per eundem musculum transeant nervi ad ventriculum tendentes, etiam per ipsos fiat refluxus oportet. Quia insuper inflammatio est tumor maxime calidus, igitur excitabitur ad diaphragma sensus caloris intensi, & dolor praecipue ejus lateris, ad quod inflammatione affligitur Septum. Refluet igitur liquidum per nervos Septi, & ventriculi duplici vi in refluxum actum, calore nempe, & dolore, adeoque liquidum refluens statim ac pertingit ad confluxum nervorum, huc illuc nulla lege per vim a refluxu conceptam nitetur, ac fluet, & contentos spiritus nullo ordine dimovebit, seu delirium excitabit, & cum calor, & dolor ad Septum continua sint, continua erit etiam refluxus vis, seu continue producet, seu, quod idem est, continuum erit delirium. Eo autem erit major vis illa spirituum resuorum ad nervorum confluxum, quod tam nervi diaphragmatis, quam ventriculi quasi recto ductu ab iis partibus in cranium feruntur, & sunt insignes trunci, seu fasciculi ex plurimis nervis collecti; ex altero enim fit, ut impetus refluxus minus minuatur, per alterum vero, ut maxima sit quantitas spirituum refluentium, & major proinde quaquaversum diffusio, & motus varius ad confluxum. Cum autem haec in reliquis partibus non reperi-

Calor & dolor lateris.

Delirium continuum.

Rifus.

5. Epid. ac-
sto 94.Hypochon-
dria intror-
sum, & sug-
sum revulsa.

antur, nullum etenim est viscus, quod tam sentiat, ut Septum, quod tam crassis nervis instructum sit, quod tam valide moveatur, & continue excepto Corde, quod sentiat per nervos ad cerebrum tam recta tendentes, quin imo ne ullus quidem alius musculus, aut pars quaelibet artuum; his igitur inflammatis excitabitur, & ponetur delirium alterne, prout alterne colligitur calor agitated in capite, & evaporat; Septo vero inflammato per impetus continuos, validos, & incertos spirituum e nervis refluentium, & incidentium in spiritus contentos ad confluum nervorum fiet delirium continuum. Quia vero ab his ipsis nervis per quos fit refluxus, deducuntur aliqui ad musculos faciei, & labiorum; in hos igitur derivabitur copia liquidi naturali major, & cum, dum fit respiratio, os semper aliquantum diductum teneamus, vis musculi constringentis labia minor erit viribus trahentium ad latera, & deorsum, adeoque nervi horum musculorum paratiores erunt (ut desint alia) ad recipiendam majorem quantitatem spirituum refluentium, quam nervi constrictoris, unde illi contrahentur validius, & os diducetur magis labiis ad latera, & deorsum actis, seu risus imago excitabitur, qui sane non erit verus risus, sed contractio musculorum, & motus labiorum, qualis in risu factus non per veram speciem risus, sed per refluxum liquidi, cujusmodi motus contingere solet etiam in vulneribus Septi, quod vidit Hippocrates in Tychone, qui risit Septo vulnerato, & relicta intra vulnus hastilis parte, qui die tertia mortuus est, quemadmodum pariter Silenus ille supra laudatus occubuit undecima, qui risit tertia. Ex quibus intelliges, nec delirium cum risu in Vera Phrenitide esse certo posse melioris ominis, cum dubitandi occasionem praebeat, an inflammatio sit etiam in Septo, & haec sit maxime periculosa, cum affecti diaphragmate, licet ridentes, facile moriantur. Quoniam vero Septum propter tumorem non potest ex toto contrahi, & vim suam exerere; igitur in cavitatem abdominis nitetur minus, & in eandem movebitur per multo minus spatium, unde musculi abdominis introrsum contrahi libere poterunt, & contenta viscera sursum agi, unde videbuntur hypochondria, seu praecordia introrsum, & sursum revulsa. Quia vero Septo non se penitus contrahente motus pectoris fit minor, atque ex hoc respiratio etiam minor, & inflammatum Septum se minus

con-

contrahit; igitur in hac ejus affectione respiratio parva. Neque vero minus se contrahit Septum ob solum impedimentum tumoris, verum etiam per voluntatem animalis, qua prohibet, quantum potest, motum validum, ut majorem dolorem a divulsione ad tumorem evitet: quia tamen dolor adest, ergo refluxus per derivationem naturali major, seu influxus frequentior, seu contractio Septi frequentior, hoc est, respiratio etiam frequentior, unde his ita se habentibus erit respiratio parva, & frequens, & frequentia etiam sollicitari poterit ab assuetudine, ut arceatur fastidium resistentis intra pulmones sanguinis in respiratione parva. Si vero ultra haec laboraret aeger magna spirituum penuria, ita ut pectus moveri non possit, nisi ipsorum expectata copia, quae sensim cumuletur in nervis, tum respiratio continget rara, & ad extrudendum sanguinem e pulmonibus aucta copia per assuetudinem Animalis, fiet motus validior, seu respiratio etiam magna, quae etiam fieri poterit, si tanta identidem, vel alterne spirituum copia refluat a nervis septi, ut nec vis assuetudinis ipsorum derivationem in idem septum, & caeteros respirationis musculos impedire possit; tunc etenim etsi cum acriori sensu doloris respiratio magna succedet, quem tamen ne rursus sentiat aeger, poterit per assuetudinem suppressere similem secundam, cum jam tantum spirituum non fluat, ac refluat. Insuper haec eadem magnitudo cum raritate dari poterit, si septum valide contractum ita detineatur, ut se restituere nisi lentissimo motu possit, quod per impedimentum tumoris, vel loco motis, vel quasi divulsis villis fieri facile poterit; absoluta enim restitutione jam per nervos plurimum spirituum cumulatam erit, & magnam respirationem parient, sed lenta restitutio raritatem faciet. Ex his autem, & incertis fluxibus in nervos ratione delirii facile patet, respirationem in Paraphrenitide esse posse magnam, parvam, raram, frequentem, & quomodolibet inaequalem. Quia vero musculi abdominis, praecipue autem transversi contermini sunt, ac tantum non cohaerentes septo, & communi inflammatum, & succincti, & contrahatur oportet ad locum inflammatum, & caloris sensum concipiat; per haec igitur etiam iidem musculi, praecipue qua parte per hypochondria Septo proxima ducuntur, trahentur a contractione peritonaei, & pressionis sensum

Respiratio
parva, &
frequens,
vel

Magna, &
rara, vel

Quomodo-
libet inae-
qualis.

Praecordia
palpitantia.

Tussis.

Calor capitis remissior.

Oculorum, & faciei rubor dilutior.

Vox acutior.

sum cum calore conjunctum patientur, unde motus derivationis alternus, & contractio minima illi derivationi respondens (cum pressio illa, & calor non sit maximus) seu, quod idem est, praecordiorum palpitatio, quae sane affectio potest etiam aliis superextensis musculis abdominis convenire, sed transversis plane necessario competere videtur. Quoniam vero motus tussis est violenta quaedam musculorum pectus moventium contractio, quae propterea fit ab influxu liquidi per nervos naturali quantitate copiosioris, per calorem autem, & dolorem Septi resiliunt spiritus copiosi, & cum impetu per nervos ejus, & ab his iisdem nervis derivantur rami in nervos, & musculos moventes pectus; igitur per hunc solum refluxum (quod idem accideret etiam sine horum nervorum communione perducto refluxu ad usque cerebrum, & inde facta derivatione in nervos musculorum pectus moventium) tussis excitari potest. Quia vero Septum est pars pectoris, cui inhaeret molestum quiddam in loco inflammationis, abripiendis autem e pectore molestiis tussim excitare assuevimus; igitur si per delirium contingat, ut species illa assuetudinis excitetur, tussis in eum finem excitabitur etiam absque refluxu, quanquam ejusmodi finem nec Paraphreniticus tum intelligit, neque molestiae aversionem forte procurat. Quia vero in Paraphrenitide sanguis impense calet, non secus ac in Phrenitide, sed in hac detinetur in arteriis ad caput tendentibus, ita ut ipso infarciri, & maxime extendi cogantur propter obicem inflammationis intra cranium, in Paraphrenitide vero libere per ipsas fluit, & in venas refluit; igitur in Paraphrenitide minor quantitas sanguinis in dato tempore intra arterias capitis detinebitur, eruntque illae minus distractae, seu extrorsum trusae; quare primo quidem de nomine minorem calorem in capite excitabunt, quam in Phrenitide: secunda autem de causa ruborem in facie, & oculis dilutorem, qui tamen uterque erit vividior, quam qui a solo fluxu sanguinis proveniret; respiratio enim non libera in Paraphrenitide, & inaequalis subsistere cogit sanguinem ad cor, & pulmones, & truncum venae ascendentem, unde tumere possunt venae in capite, & calorem vividiorum producere, quod in Phrenitide non continget propter respirationem raram quidem, sed magnam, nempe totum sanguinem e pulmone protrudentem. Postremo, quoniam Septum est ad contactum pulmonum;

ipso

ipso igitur inflammato calor communicabitur pulmonibus contingentibus, & aëri contento, qui per expirationem reddendus est. Membranae igitur pulmonum minus flaccidae, seu aridiores fient, & magis tremulae tremore vivido per densas undas: aër vero contentus similiter fiet aridior tenuatis particulis aqueis, cum quibus permistus redditur, & ex quibus fit tardi motus, ac minori impetus, & tremoribus per densas undas ineptior, unde per has ipsas tremet facile. Si igitur per ipsum formetur vox, erit illa sonus vivide, & per undas densas tremulus tum ratione instrumenti rigidi, nempe tensi, tum aëri similiter tensi, ut ita dicam, quare, ut in doctrina de Sonis, erit vox acutior. Patet igitur, Paraphrenitidem esse collectionem omnium expositarum affectionum cum delirio continuo ab inflammatione diaphragmatis praecipue proveniente.

Quid sit Paraphrenitis.

M A N I A.

A N T E C E D E N T I A.

TEmperamentum corporis ad bilem, & melancholiam vergens, virilis sexus, aestas, & autumnus ad Maniae productionem faciunt: & qui venae in cubito conspicuum pulsus habet, is furibundus in acerbam iracundiam facile praeceps est, cui vero quiescit, lentus est, & quodammodo torpet, ut ait Hippocrates. Purgationum consuetarum suppressio, ut per haemorrhoides, menses, fistulas, ulcera, varices: diuturna moestitia, cura, sollicitudo, excandescencia, venena. Et haec remotius. Magis proxime Maniam praecunt dolor capitis assiduus, vigiliae contumaces, somni brevissimi, atque levissimi, insomnia turbulenta, curae, & sollicitudines molestae, terrores ex levi causa, praeceps, & frequens iracundia ex nulla, vel levi occasione, splendores obversantes oculis, aurium sonitus, proclivitas ad Venerem insueta, pollutio nocturna frequentior, risus praeter assuetudinem, & rationem, loquacitas insueta, & fere assidua, vel taciturnitas meditabunda. Maniam autem mox instantem praecit delirium, vel melancholia quacunque levi de causa, & simul ineptus, & obscenus risus, & qui prius mitis erat, levi de causa excandescit,

2 de Morbis Vulg. sect. 5.

scit, animo vehementer perturbatur cum oculorum obtuitu intento, fixo, torvo. Pulsus durus, urina prae rubra sine sedimento cum contentis sublime petentibus, seu levi nube. Phrenitis etiam, & furor eroticus praecedunt.

CONJUNCTA.

Delirium sine febre, furor, audacia, temeritas, loquacitas, jurgia, iracundia, saevities in se, & alios pugnis, manu, unguibus, & quibuscunque modis licet, propriarum vestium proscissio, carniū laniatio, illatio manuum in se, atque occurrentes quoslibet, quos subito, ac toto impetu invadunt: admirabile universi corporis robur, quo fit, ut nulla vi cohiberi aliquando possint, aliquando validioribus vinculis illigati eadem proscindant. Oculi pluribus sanguinei, aspectus torvus, & truculentus, vigiliae contumacissimae, vel per solidos quatuordecim menses, teste Fernelio. Violentissimi motus fere continui, abstinentia a cibo, potuque constans, & diuturna, & famis pertinax, ac diuturna tolerantia. Ab hyberno intensiori frigore etiam per longum tempus nulla passio, licet etiam nudi degant, ac tum temporis tacta ipsorum cutis calida deprehenditur. Haec autem singula plus minus gravia sunt: & dantur, qui non saeviant, nec irascantur vehementius, sed placidius se habeant, hilarescant, cantillent, imo rideant identidem etiam immodice: sunt qui se gerant plane ferino more, ut per caninam rabiem, seu hydrophobiam, lycanthropiam, cum homo se habet lupi instar &c.

ANTECEDENTIA.

Infanis si varices, vel haemorrhoides supervenerint, insaniei fit solutio, 6. Aph. 21. A Mania dysenteria, hydrops, vel mentis alienatio, bonum. 7. Aph. 5. Evacuationes per sudores, eaque copiosae, alvi fluxum, haemorrhagiam per nares, aut haemorrhoides: febris tertiana, vel quartana, & haec singula salutaria. Atrophia, & convulsio, quae lethalia. Si haec desint, mors non nisi post longissimum tempus succedit, eaque per virium resolutionem extremam. A morbo convalescentes eorum, quae ab ipsis in morbo gesta sunt, plerumque recordantur.

Quoniam Maniaci per plures menses, annos, ac totum aliquando

quando longissimum vitae spatium hac ipsa affectione detinentur absque eo, quod febre corripiantur; causa igitur Maniam producens vel non admiscetur sanguini, vel si admisceatur, idem sanguis est vel tam fixus, ut fundi in fermentationem non possit, vel tam fluxilis, ut obstructions producere non valeat, vel utrumque simul. Ex reliquis autem Maniae proprietatibus patet, liquidum nervorum affectum esse, certo nempe in ipso reperiri proximam Maniae causam; si igitur haec eadem causa sanguini non admiscetur, nec quicquam liquidi nervorum sanguini permisceri poterit. Quia vero in Mania propter deliria, & motus violentos fit continua, & satis copiosa pro statu morbi spirituum exspiratio, & hi per venas, & arterias expirent oportet; igitur per sanguinem transcant, seu ipsi admisceantur necesse est, hoc est, cum ipso sanguine jungatur Maniae causa. Insuper, quia lymphæ est quid aliqua saltem parte a nervis refluens, & haec permiscetur sanguini; igitur in Mania, etsi per longissimum tempus desit febris, causa admirabiles ipsius effectus pariens etiam in sanguine continetur: quare ea sit constitutio sanguinis in Mania oportet, ut corpus ejus sit ita fluxile, & fixum simul, ut ab illa permixta Maniae causa neque in fermentationem effundi possit, unde motus febrium, neque lentore obstruere capillaria vasa, unde febris similiter, seu, quod idem est, sit fluxile simul, & fixum. Quia vero non potest esse fluxile simul, & fixum, nisi componatur ex particulis minimis, duris, & veluti siccis, suisque partibus tam arcte cohaerentibus, ut divelli ulla violentia vix possint, sed tamen duae quaeque particulae vix, ac ne vix quidem inter se cohaereant (fiet enim tum, ut quicquid continetur in singulis particulis, sejungi non possit, hoc est, fermentescere nequibit sanguis, fluidus tamen erit, cum singulae illae particulae minimae sint, & inter se non cohaereant); in Mania igitur sanguis ita comparatus esse debet, ut particulae ipsius sint durae, siccae, vel fixae, neque duae quaelibet inter se cohaereant. Posito autem hujusmodi sanguine necessario fiet, ut partes subtilissimae, & maxime mobiles, quae non cohibentur nisi a partibus humidis, cedentibusque, suo freno destituantur, adeoque vagentur libere per corpus sanguinis, totumque suum motum, ac facultatem exerant, cujusmodi erit calor, & quicquid calori respondet vellicando,

Causa Maniae admiscetur sanguini.

Qui sanguis esse debeat Maniacorum.

Bilioſi, & melancholici in Maniam faciliores.

Viri, quam mulieres, æſtas, & autumnus. Quorumlibet excrementorum ſuppreſſio.

Paſſiones animi.

Venena.

Pulſus in cubito conſpicuus.

Qui ſpiritus animales in Maniacis.

impellendo, niſum quemlibet vehementem exerendo. Hinc igitur ſtatim patet temperamento mixto ex bilioſo, & melancholico in Maniam faciliores eſſe debere; bilis enim calorem ſuppeditat: fixus vero, ac ſiccus melancholiae humor ſanguinis duritiem, ac fixam naturam promovet: viri, quam mulieres; calidiores enim illi, & humorum magis conſiſtentium: æſtas eadem de cauſa, & ipſi ſupervenienti autumnus exſiccans cohibendo calorem. Sic conſuetarum purgationum ſuppreſſio ad Maniam diſponere poterit, dummodo earum materies ſiſtere, & fixare poſſit humores non per admixtionem humidi viſcidi calorem etiam cohibentis, ſed per exſiccationem, & indurationem magis liberato calore, unde fiet, ut aliquando a menſium, haemorrhoidum, fiſtularum, ulcerum, varicum (ſi in his ſtagnans ſanguis aptae naturae fuerit) ſuppreſſione Mania ſuccedat, aliquando ſecus, cum ſcilicet eorum excrementorum materies nec duritiem, nec ſiccitatem poterit ſanguini conciliare. Sic diuturna moeſtitia, cura, ſollicitudo, excandefcentia propter maximam copiam ſpirituum plurimum abſumunt humiditatis, unde ſanguis fit ſiccior, & Maniam promovet, quod ipſum praeflare poſſunt apta venena, ut morſus canis rabidi, excitando illam Maniae ſpeciem, quae Hydrophobia dicitur, morſus tarantulae, ejus cerebri felini, & ſi quae his ſimilia circumferuntur fortaſſe fabuloſa, partim vera. Pulſus etiam, ut aſebat Hippocrates, in cubito conſpicuus eſſe poterit inter indicia Maniae facile ſucceſſurae; indicabit enim ille ſanguinem calidiorem, & fervidum, imo etiam copioſiorem, ex quo poſtquam humidum maxima ex parte per motum evaporaverit, calor purus, ac liber, & ſanguis durus, ac fixus relinquetur, qualis in Maniacis. Sanguis igitur ex calore libero, & partibus duris, ſiccis, ac fixis compoſitus per motum ſuum naturalem a corde conceptum derivetur ad glandulas cerebri; inibi igitur educi debebunt ex ipſo animales ſpiritus, qui cum a fixis partibus ſolvi, & elici non poſſint, producentur ex ſolo, & puro calore, qui proinde ſi quid adhuc retundentis humidi permixtum habet, in glandulis iſdem deponet, & derivabitur intra nervos tantum non purus ignis, vel quicquid fingi poteſt igni ſimile ratione velocitatis, impetus, & violentiae, adeoque producentur, & fluent per nervos ſpiritus maxime liberi ſumma velocitate, atque

que impetu praediti, eumque semper libere exercentes, adeoque succedent in Animalia eae contractiones musculorum, quae tantae, & continuae violentiae spirituum conveniunt: & excitationes specierum similes, eruntque diversae, prout vel jam tum incipit sanguis tendere ad siccitatem suam, & libertatem caloris, vel prout hae eadem jam ad summum gradum pervenere, vel prout magis, ac minus exsiccatur sanguis, aut plus minus liberatur calor per admixtionem humorum siccitati magis, aut minus repugnantium, & calorem implicantium, ac detinentium magis, aut minus. Incipiat igitur sanguis ad siccitatem, & libertatem caloris tendere; igitur partes omnes siccae magis fient, & spiritus animales magis mobiles, liberi, & vividiores producentur, quare per nervos magis confuse movebuntur, & quolibet etiam levi excitato refluxu per occursum liquidi refluentis, & influentis, mille producentur in spiritibus maxime liberis, nec cohaerentibus resultus quaquaversum cum impetu, & excitabuntur species vivido motui spirituum resultantium respondentes, & nullo pariter ordine deducuntur in musculos, unde tremores quacunque levi de causa, nempe per quemlibet levem refluxum: praeceps, & frequens iracundia similiter quacunque levi de causa; levis enim causa levem refluxum excitat, iracundia autem praeceps, & frequens excitationem specierum vivido spirituum momento instructarum. Similiter curae, sollicitudines, molestiae, pro quarum diversitate vel succedet taciturnitas aegro adhuc sui compote, & per voluntatem cogitante de iis ipsis, quae morbus jam imminens per vim spirituum liberorum excitat, vel loquacitas, si res verba postulet, vel potius haec proveniet a facili, & frequenti musculorum linguae motu in influxu copioso, celeri, & vario spirituum, & subita, & varia ab iisdem excitatione specierum. Eodem modo excitabitur etiam risus similibus variis de causis, eoque facilius, quod labia respirantibus aliqua ex parte semper distant, unde musculis risum excitantibus per motum labiorum minor resistantia superanda, & per quemlibet influxum contractio major, & risus species. Quoniam vero sanguis ita constitutus non potest non esse naturali acrior, & membranae corporis sunt sicciore; igitur deductus praecipue ad caput, ubi membranarum densitas, atque copia easdem stimulat acriter, & dolorem excitabit. Quia vero ad somnum requiritur, ut hu-

Quales operationes, & cuius discriminis.

Tremores corporis. Praeceps, & frequens iracundia.

Curae, sollicitudines, molestiae, taciturnitas. Loquacitas.

Risus praeter rationem, astutudinem.

Dolor capitis.

Vigiliae contumaces.

Somni le-
ves, bre-
vesque.

Insomnia
turbulenta.

Splendores
oculis ob-
versantes.

Aurium so-
nitus.

In Vene-
rem pro-
pensio ma-
jor, & no-
cturna pol-
lutio fre-
quens.

Delirium
levi omni
de causa.
Melancho-
lia.

mores ad humidum comparati sint, & partes humescant, neutrum autem contingit in Mania; erunt igitur in dispositione Maniae vigiliae contumaces: cum tamen adhuc adsit aliquid humidi, somni contingent, sed breves, ac leves plus minus pro diversitate humidi, quo adhuc humescunt partes, & sanguis. Ii tamen somni inquieti fient per somnia turbulentis excitatis speciebus diversi generis terrificis a spiritibus liberioribus, hoc est, majori momento pollentibus, cum terrefacientium species ejusmodi momenta in spiritibus excitantibus exigant. Quia vero tum splendores oculis observari arbitramur, cum splendoris species excitatur; per spiritus autem incerro, & vario motu motos, casu fieri potest, ut hae ipsae splendoris species moveantur, tum igitur splendores oculis observari dicentur, qua etiam ipsa de causa poterunt excitari sonitus diversi generis in auribus. Sed hae ipsae species excitari poterunt etiam per motus sensuum externorum, cum enim supponatur sanguis jam tendens ad libertatem spiritus, & caloris, hujusmodi autem corpora a suis retinaculis libera quaquaversum exspirant, poterunt per extremum oculum quaquaversum divagari, sicut etiam per tympanum auris, ac tandem aliquando occurrere retinae, vel myringi, & sonum, vel splendorem excitare: sic pressis oculis scintillas cernimus, & concusso, aut agitato foramine auris externae sonum quandam ebaudimus. Ab hac eadem mobilitate sive caloris in sanguine, sive spirituum in nervis, sive utrorumque orietur stimulus in Venerem acrior, & pollutio nocturna frequentior, quam promovebit siccitas membrarum major; siccitas enim major validiorem motum peristalticum producit, nempe motum, quo liquida e suis canalibus exprimuntur. Semen autem ex se in motum agitur per acrimoniam sanguinis, & spirituum; eo igitur jam motu superatur resistantia villorum detinentium, qui cum sicci sint, motu peristaltico vividiori contrahuntur, & facilius, & copiosius exprimitur semen. Sit autem jamjam invasura Mania. Sanguis igitur jam ad extremum siccitatis, & calor ad summam libertatem redactus erit, unde spiritus extreme mobiles, vagantesque cum maximo impetu derivabuntur in nervos, quare nullus jam in ipsorum motibus ordo, nullus in excitatione specierum ab iis pendentium: quare delirium levi qualibet de causa, facto nempe quolibet levi refluxu. Simi-

li-

Ister Melancholia, si casus ferat, ut excitetur species rei tristic, Obscoenus, & ineptus risus.
 vel factu difficilis, quae meditationem exigat, sed simul spiritu alio incidente risus ineptus, & cum obscoenae rei specie conjunctus, quae saepe & ipsa non minimam vim exigit ad sui concussionem, cum nihil tam agitet, quam profusio seminis. Fiet insuper, quod erit certissimum imminentis Maniae E miti ferus, exandescens, intente, fixe, torve intuens.
 signum, ut e miti repente ferus, turbatus animo, excandescens, intente, fixe, torve intuens; erunt enim haec omnia animi, & spirituum ad violentiam compositorum, cum antea mitis illius animus, ac spiritus essent ad placiditatem instructi, unde tanta, ac tam subita mutatio arguet maximam mobilitatem, ac libertatem spirituum, & Maniae nuncium extremum, atque certissimum. Cum autem partes omnes in hac humorum constitutione fiant magis siccae, sicca autem pressiorem non admittant, & quae se premi non sinunt, Dura nuncupemus; arteria, cui digitos admovemus pulsum examinantes, occurret dura, seu non cedens, vel pulsus dicetur durus. Pulsus durus.
 Quoniam vero partes sanguinis sicciores factae sunt; igitur destitutae suis vehiculis humidis, quibus per canaliculos glandularum fluere, & excerni permittuntur; igitur partes crassiores Tartari, & salium crassiorum in renibus secerni non poterunt: ex his autem constituuntur sedimenta; urinae igitur excernentur sine sedimentis: poterunt tamen excerni partes subtiliores eorundem salium, ac terrae, & haec cum illis permixta colorem praerubrum urinae conciliare, & cum multo facilius possint fluere partes subtilissimae, quae proinde etiam levissimae quiescente urina sursum agentur pro ratione levitatis, & levem nubem constituent. Denique si praecefferit Melancholia, Phrenitis, Furor eroticus, vel quilibet alius morbus sanguinem ad siccitatem, & libertatem caloris, reliquorumque corporum maxime mobilium separationem ac libertatem disponens, facile succedet Mania, ut patet: Melancholiam autem, & Phrenitidem, &c. hanc dispositionem intra sanguinem producere posse, manifestum est ex enarratione singulorum ejusmodi morborum. Urinae sine sedimentis, praerubrae, & contentis sublimis petentibus, seu levi nube.
 Jam igitur in siccitatem illam, ac libertatem partium maximi imperus venerit sanguis totus. Quoniam totus sanguis ita mutatus est, & aliqua semper ipsius portio ad cerebri glandulas deducitur, ex qua producentur spiritus, & derivantur in nervos; a qualibet igitur parte sanguinis producentur spiritus e- Melancholia, phrenitis, furor eroticus, &c.
Delirium perpetuum in Mania essentiali.

Per intervalla in sympathica.

Furor, audacia, temeritas, loquacitas, jurgia, iracundia. Saevities in se ipsum pugnis, unguibus, morsibus, vestium proscissio, carniū laniatio, manuum illatio.

Impetus in occurrentes, illicque intentata mors. Robur corporis admirabile cum violentissimis motibus fere continuus.

jusdem rationis, nempe quaquaversum irrumpentes nullo certo ordine, ac motu, adeoque delirium excitabitur constans, atque continuum ob continuos ejusdem rationis spiritus. Si vero sanguis per intervalla vitietur per humores siccos, & partes maxime mobiles provenientes a menstruis, haemorrhoidibus &c. suppressis, tum per intervalla recurret, ac desinet, prout absumitur illa materies, ac rursus per intervalla e locis suis derivatur in vasa sanguinis, ac tum erit Mania per consensum, ut furor uterinus, &c. Delirium autem ejusmodi cum proveniat a motu spirituum omnino liberorum, & maximi impetus, conjunctum erit cum excitatione specierum momenti majoris, cujusmodi sunt violenta quaelibet, unde furor, audacia, temeritas, loquacitas, jurgia, iracundia. Quod si per delirium excitetur species irreparabilis mali, cujus comparatione mori sit melius, vel ferri non possit dolor corporis universi ab illo sicco, & vellicante sanguine proveniens, Maniacus in se ipsum manus inferet, saeviet pugnis, morsibus, unguibus, vestes proscindet, carnes laniabit; quamquam & haec omnia mero casu possunt contingere, quatenus incerti motus spirituum species illas determinatas excitant, nulla praecunte specie mali, quod concipiatur morte, vel sensu doloris majus. Quia insuper furoris, & irae species in motu esse supponitur, & illa conjungitur cum specie alicujus, cui irascimur, & in furorem agimur; statim igitur ac adstabit aliquis, movebit ille, vel producit de novo suam speciem in nervis Maniaci, qui cum jam tremere supponantur specie furoris, perinde erit, ac si adstaret ille idem, cujus species conjuncta est cum specie irae, & in quem furit, unde necessitate assuetudinis toto feretur impetu in adstantem, cujus species perinde operatur ac vera species ejus, cui irascitur, & mortem illi conscire procurabit. Quoniam vero spiritus animales sunt maxime liberi, & totum fere suum imperum exerunt; igitur in musculorum sinulos derivati, & admisti spiritibus sanguinis pariter liberis, incredibile est, quanto impetu se quaquaversum subito debeant effundere, & contractionem musculorum quanto validiorem reddere: cum autem vis a villis musculorum proveniens pendeat a vi, qua se liquida illa quaquaversum subito effundunt, haec autem non possit determinari, sed possit esse cujuscunque tantum non infinitae virtutis, cum si

quan-

quantitas villorum esset tanta, ut in ipsa contineri posset im-
 mensa, ut ita dixerim, spirituum rarefcentium copia, vel tan-
 ta esset cohaesio inter partes membranarum, ut resistere posset
 absque divulsione violentiae tantum non immensae paucorum
 aliquot spirituum, quorum singuli tantum non immenso im-
 petu moverentur, esset vis actualis musculi tantum non im-
 mensa; cum vero vires summae, cum quibus comparamus vi-
 res musculorum, sint infinitis multo minores, manifestum
 est, posita libertate spirituum quamlibet vim incredibilem a
 musculis exeri posse, cum absolutus imperus eorundem sit
 maximae, sed quoad gradum nobis ignotae facultatis. Itaque
 robur universi corporis in Maniacis erit plane prodigiosum,
 & difficile cohiberi poterunt, & vinculis adstricti eadem di-
 vellent, & qua rapit furor, eo proruent, cujusmodi violenti
 motus, vel saltem nifus erunt continui, cum continue adsint
 spiritus talia prodigiosa producentes. Hinc similiter, ut supe-
 rius, aspectus torvus, & truculentus: sanguinei oculi ob parti-
 culas sanguinis tenuiores, ac liberas per motum suum nitentes
 quaquaversum, & arteriolas minimas, & minime sepultas sub
 cute, cujusmodi sunt quae in oculis, extendentes extrorsum,
 & visui subjicientes: cum vero partes omnes sint summae sic-
 citatis, sicut etiam humores, vigiliae fieri poterunt, immo et-
 iam debebunt per totum illud spatium temporis, quo vivere
 potest Animal absque somno, quod equidem esse satis longum
 praecipue in Maniacis minime dubitaverim, tum etiam quia in vi-
 gilia aliquid alimenti apponitur partibus, cum etiam quia post-
 quam partes tam liquidae, quam solidae ad tantam siccitatem,
 ac fixationem devenerunt, minimum est quod perspiratur, unde
 minor alimenti, & somni necessitas. An vero verum sit, da-
 tos Maniacos, qui per solidos quatuordecim menses nunquam
 dormiverint, quod asserit Fernelius, ipse viderit: nos equi-
 dem non videmus, quo pacto fidere possit medicus, qui ter,
 aut quater ad summum per dies singulos vicibus invisit aegrum,
 an medio tempore aeger ille dormiverit: fidere autem referen-
 tibus, quam fallax est! Tempus igitur vigiliarum in Maniacis
 incertum esse videtur. Ab hac autem minori perspiratione
 fit, ut longum tempus a cibo, potuque abstinere possint, &
 quia nos assuevimus credere, transacto quodam brevi tempori-
 sis spatio absque eo, quod cibo, potuque unusquisque nostrum

Aspectus
torvus, &
trux, oculi
in aliquibus
sanguinei.

Vigiliae
contuma-
cissimae, sed
quantum
durare vivo
Maniaco
possint, in-
certum.

Abstinencia
a cibo, po-
tuque diu-
turna, & fa-
mes patien-
tiae similis,

sed haec potius credita, quam vera.

reficiatur, famem invadere, hinc factum ut asseramus Maniacum esse famis patientissimum, eo quod per plures dies minime reficitur, cum re vera id fieri possit, eo quod cibo non egeat minime perspirans. Sed & illud arguit famem re ipsa in Maniaco vix dari, quod licet raro refectus, longissimum tamen temporis spatium vivit non sine viribus, argumento certissimo opus illi non esse novae materiae suppeditatione, qua conservetur, & cum ad ejus suppeditationis prosecutionem spectet fames, hanc minus in Maniacis excitari. Quoniam vero calor in sanguine liber est, poterit

Hyberni frigoris patientes etiam nudi absque noxa, & eorum cutis tum calida.

idem per totum corpus libere divagari, & avolare undecunque, adeoque etiam per partem quamlibet cutis, unde haec tacta calida deprehendetur: est autem haec vis liberi caloris acrior; igitur resistere poterit impressioni hyberni frigoris abique noxa Maniaci: quin Maniacus hanc ipsam vim frigoris vix, ac ne vix quidem sentiet; cum etenim tot motibus, illique vividissimis intra nervos agitur, impediunt illi, ne iidem nervi tremant specie frigoris, quemadmodum nobis etiam non Maniacis fit, ut alte quippiam meditantes, hoc est specie quadam vivide tremantes clamantem aliquem non audiamus, praesentem apertis oculis non videamus, famem etiam non sentiamus, & hujusmodi. Quae singula, ut facile patet, pro varia

Hilaritas, cantillatio, risus immodicus.

aliorum humorum admistione erunt mitiora, & prout sanguis est siccior, & calor liberior, magis saeva. Et juxta haec dabitur & hilaritas, & cantillatio, & risus etiam immodicus, vel voces & virium robur, & crudelitas, & immanitas, qualis ferarum, ut luporum, ut canum, &c., quae etiam fieri poterunt ab alia specie delirii, quae per opinionem fit, ut si quis se lupum fingat, lupi more operabitur, & cum ante in statu rationis noverit illum esse morem lupi, ut oves abripiat, ululet, & hujusmodi, omnem naturam ejus imitari studebit in hoc sane sapienter, sed illud stulte, quod se lupum imaginatur: sed de

Varices supervenientes, & haemorrhoides morbum solvunt.

his etiam mox. Quoniam itaque in Mania sanguis fit oportet siccus, & fluxilis; ex ea autem siccitate fit, ut partes magis mobiles cohiberi non possint, unde Maniae affectiones graviores; si igitur sanguis minus fluxilis evadat, argumento erit, partes illas siccas, quarum singulae non cohaerebant invicem, jam ad cohaesionem aliquam venire, adeoque etiam partes liberas implicare, & cohibere. Varices autem sunt per sub-

sten-

stentiam sanguinis, seu fluxus facilitatem imminutam, seu in re nostra per agglutinationem partium antea disjunctarum: igitur varicibus supervenientibus morbus solvetur, ut Hippocrates. Similiter, quoniam sanguis ab haemorrhoidibus fluere non potest, nisi intra eadem vasa subsistat, neque subsistere, quin evadat crassior, eadem de causa morbi solutionem arguet haemorrhoidum fluxus. Ulterius, quoniam Dysenteria est co-^{Dysenteria &}piosa dejectio cum ulcere intestinorum, unde etiam ejectio sanguinis, ulcus autem non sine quiete sanguinis ad eam partem, & haec non sine illius crassitie, copiosa autem dejectio non sine fermentatione humorum, qui dejiuntur, nec fermentatio sine fusione, hoc est, sine destructione fixationis; Dysenteria igitur arguet massam sanguinis jam fermentescere, adeoque a fixatione recedere. Hoc ipsum eadem de causa arguet Hydrops.^{Hydrops, & mentis alienatio bonum, sicut etiam evacuationes quaelibet copiosae.} Mentis autem alienatio est veluti stupor mentis, qualem dicimus in stolidis, adeoque est specierum omnium quies, quod est in Mania unicum optabile, ac summum salutis argumentum; erunt enim spiritus jam domiti, & naturalibus humoribus implicati, cum non ferantur coeco impetu ad excitationem specierum, sed hae quiescant prorsus immotae, quare in Maniacis Dysenteria, Hydrops, & Mentis alienatio bonum, ut Hippocrates. Erunt similiter boni omnis evacuationes quaelibet, dummodo copiosae, per sudorem, urinam, alvum, haemorrhoides, haemorrhagiam narium, & hujusmodi; si enim copiosae fuerint, arguent criticam universi sanguinis fermentationem, quam non arguerent necessario, si essent parvae quantitatis, sed incertam crism non absolvendam natura nimis fessa, vel factam solum casu aliquo, qui ad certam rationem revocari non possit. Nec minus salutare erunt febris ter-^{Febris tertiana vel quartana.}tiana, vel quartana supervenientes; cum enim istae generentur, vel ab obstructione, vel a fermentatione, vel ab utrisque, ut eadem sint in Maniacis, oportebit, ut sanguis fermentescat, quod optimum est ad ejus morbi solutionem, vel ita crassecat, ut possit obstruere, quod similiter bonum. Contra^{Atrophia, & convulsio lethales.} vero, si succedat Atrophia, indicabit jam lassari villos quoslibet, seu violentia motuum, qui ab ipsis exeruntur, vel violentia occursum a partibus liberis, neque produci posse alimentum aptum, vel non apponi, quae singula argumentum erunt naturae a suo statu prorsus alienae, adeoque lethale erit:

sicut etiam si succedat convulsio, quae ex hactenus expositis produci in Mania magis necessario non posse videtur, quam a siccitate musculorum, & partium omnium: tali autem siccitate posita in partibus singulis, ut se restituere non possint, fit, ut neque ali possint, & quod brevi vitam conficit, fit, ut neque moveri pectus, neque cor valeat, unde brevi, ac tantum non subito mors praesto est. His autem non supervenientibus vivet Maniacus in ejusdem morbi statu per longum tempus, cum nihil aliud patiatur mali, quam validas, vividas, & tantum non continuas dimotiones in singulis minimis sui corporis fibrillis, quae proinde prout natura constitutae fuerint, magis minusve resistentes iis violentis motibus, brevius, longius temporis spatium vivere poterit Maniacus: sed quia continue vis cohaesionis inter partes villorum minuitur, hinc iidem continue lassabuntur, quousque demum ex toto solventur, & morietur Maniacus per virium exsolutionem. Quoniam vero ad rerum praeteritarum recordationem requiritur specierum tremor vividus, & nervorum rigiditas, utraque autem haec dantur in Maniacis; si igitur convalescant, eorum, quae ab ipsis in morbo gesta sunt, recordari poterunt, cum vivide tremuerint ipsorum species, & propter rigiditatem nervorum factae fuerint in eodem tremore quasi divulsiones partium ad undarum circumferentias, unde aucta, & diu permanentia vestigia. Ex his patet, Maniam esse delirium sine febre, cum audacia, furore, & reliquis omnibus, quae exposuimus, proveniens a fixatione, & libertate partium mobilium in sanguine, unde spirituum vis maxima, & vagus impetus. Et siquidem libertas illa partium in sanguine sit partium propriarum sanguinis, generabitur Mania idiopathica; si vero ab aliquo viscere, vel qualibet parte venientium erit sympathica cum utero, cum liene, cum ventriculo, &c., de quibus suo loco. Dividi autem solet Mania idiopathica in plures species, quarum singulae sunt quidem delirium sine febre cum audacia aliqua, vel furore, vel saltem violentia motuum; nullae tamen necessario proveniunt ab illa fixatione, & libertate partium in sanguine, quam exposuimus, imo certum est, aliquas earum dari, quae nihil habent cum ejusmodi alteratione sanguinis commune, sed sunt simplex delirium ab opinione veniens: sic Lycanthropia, quam primam Maniae speciem constituunt, nihil aliud est, quam

Diu vivit
Maniacus,
ac tandem
moritur per
virium ex-
solutionem.

A Mania
convalescentes,
quae ab
ipsis in
morbo gesta
sunt, recordari
possunt, &
aliquando
recordantur.
Quid Mania.

Lycanthropia.

quam

quam falsa imaginatio se ex homine factum lupum, ex qua stulta, & delira imaginatione fit, ut delirus ille Lycanthropos optime, & scientissime moveat spiritus, ad hoc ut imitetur lupi mores, qualem se evasisse autumat, unde in Lycanthropia nulla cum fixatione sanguinis affinitas, nullus perturbatus spirituum motus, cum ii aptissime moveantur supposita lupi specie, quae movetur non a peculiari aliqua natura spirituum non naturalium, sed ab opinione Lycanthropi, adeoque Lycanthropia fit, ut delirium quodlibet simplex, de quo in nostris Operationibus Animalis. *Hydrophobia secundo loco ponitur, ^{Hydrophobia.}* vel Cynanthropia, & Galeanthropia, cum homines factos se *Galeanthropia.* arbitrantur canes, vel feles, eorumque mores, & vires aemulantur, quae similiter ab opinione pendet, nec quicquam habet cum Mania communionis: ajunt autem insuper, opinionem abeundi in similia bruta excitari potio sanguine eorundem brutorum, vel comesto cerebro, quod etsi fortasse non est excludendum ex eorum numero, quae fieri possunt, rationes tamen, quae proponuntur, ridiculae, ac falsae sunt. Vera autem Hydrophobia est canina rabies communicata a morsu canis rabidi, quae in delirium agit, sed non semper, imo frequenter dantur rabidi, qui sibi mente constant, & morbi invasionem sentiunt, & rogant, jubentque, ut sibi vincula injiciantur, ne ipsi in amicos, & adstantes irruant, eosdemque movent, ne ori manum, aut quidlibet admoveant, ne morsibus lanientur, ex quo pater, quam nihil habeat morbus hic cum Mania affinitatis. Causa autem ejus est sane aliquid a cane communicatum sanguini certo modo ipsum sanguinem fermentans, ut mordere, ut concuti, ut vim maximam exerere, ut aliquando delirare, ut aquam averfari debeat rabidus, quorum omnium necessaria operandi ratio potest esse quidem similis rationi, qua operatur vis Maniam referens, sed necessarium non est, ut sit eadem, ita ut species Maniae constitui debeat morbus, qui est etiam aliquando sine delirio. Tertium locum occupant Tarantati, quartum Chorea S. Viti. Tarantati delirant etiam, sed non semper, & ad sonitum alicujus instrumenti musici, quanquam coeteroquin sint satis debiles, & omnino languidi videantur, & surgunt subito, & saltus, & choreas etiam laboriosissimas agunt. Morbus hic producit per morsum cujusdam Phalangii Tarentini in Apulia, & per

Tarantati,
& Chorea S.
Viti.

voces muficas maxime mitefcit. Huic fimilis eft Choreia S. Viti, ex eo fic nuncupata, quod S. Vitus hujusmodi morbo obfelfos ad fanitatem revocare creditur, & hoc morbo detenti dies, noctesque faltant, & continue faltare gefiunt; quod fane delirium effe nemo non videt. Quantum in hifce duobus morbis poffit effe fallaciarum, & aftuum in faltatoribus ipsis, non recenfebo fufius, cum certum fit, repertos homines, qui ejusmodi morbis fe affectos fimulabant, cum nihil re ipfa tale paterentur. Fieri infuper poteft, ut ejusmodi faltatio fit fimplex delirium a qualibet opinione productum, qua fiat, ut delirus ille faltare debeat. Sic fieri poteft, ut vigeat delira opinio delectationis in saltu, vel remedii ftulte crediti alicujus mali, vel quid fimile; hac enim profecto opinione fiet, ut delirus ille continue faltet, quemadmodum omnes infani, vel fani opinantes faciendum aliquid, illud ipfum, quod faciendum opinantur, faciunt, vel continue, fi continue faciendum judicant, vel per intervalla temporis, fi per vices. Caeterum cum Taranta, & Hydrophobia fint quidam morbi, qui certo proveniunt ab admixtione alicujus corporis a phalangio, vel cane rabido derivati in fanguinem, rem effe fimilem proprietatibus venenorum, manifeflum eft: quare de hujuscemodi morbis fuo loco, cum fcilicet de Venenorum viribus differemus.

MELANCHOLIA.

Melancholiam communiter definiunt delirium fine febre cum timore, & moeftitia: quia vero iidem Medici, qui hanc definitionem admittunt, dari Melancholicos, vel certa tempora in Melancholia afferunt, in quibus per ejusdem morbi vim excitatur rifus, laetitia, cantus, fecuritas, mirum eft, quantum fe torqueant, ut pofitam definitionem retineant, & cum ipfa has contrarias affectiones concilient. Melius aliquanto Aretaeus, qui Melancholiam definivit *angorem animi in una cogitatione defixi, atque inhaerentis absque febre, & furore, a phantafmate Melancholico ortum*; cum enim apud Medicos morbus hic in eo praecipue fitus fit, quod aeger falfa alicujus opinionis specie illuditur, quam tamen fuo malo veram credit, apte in definitione Aretaei id exponitur per verba *in una cogitatione defixi, atque inhaerentis*: at vero cum, inquit, angorem ani-

animi esse Melancholiam; id vero minime convenit cum omnibus Melancholicorum affectionibus; angor enim est quid triste, & graviter, seu quodam veluti dolore afficiens animum, cum tamen Melancholici non semel rideant, cantent, &c. Itaque rectius definiri posset Melancholia delirium sine febre, quo delirans imaginatur de re aliqua singulari, vel paucis aliquot tanquam verum id, quod est falsum, & tristis est, aut laetus, timens, aut securus, prout imaginatio illa conjuncta est cum speciebus tristitiae, laetitiae, timoris, securitatis. Quia vero invaluit tantum non apud omnes, Melancholiam esse delirium sine febre cum timore, & moestitia, quanquam haec sit species, non genus ejus, ut ex praemissis hisce paucis patet, nos usitato apud Medicos loquendi modo inservientes hanc ipsam ab iis definitam Melancholiam exponemus, ad ipsam deinde revocaturi omne fixarum de re aliqua, & falsarum opinionum genus cum quibuscunque affectionibus conjunctum, quae eatenus Melancholiae dicendae erunt, quatenus in fixa, & falsa opinione de re aliqua posita sunt, cum per id convenient cum hac Melancholia vulgariter definita, in qua datur fixa, & falsa opinio de re aliqua timorem, & moestitiam producente. Hanc igitur Melancholiam.

ANTECEDENTIA.

Antecedunt vigiliae, cogitationes assiduae, curae, diuturnus luctus, constans abjectio animi, subitus, ac vehemens, terror, & consternatio, seu per somnium, seu per spectrum, noctu, locis obscuris, silvis falso observari sensibus creditum, species casu excitata rei terribilis. Hinc magis proxime ipsam praecedunt somni breves, interrupti, somnia turbulenta, vertigines, aurium sonitus, moestitia, ac tristitia, praeter occasionem, tristitium cogitatio, metus inanis, seu sine causa: in una, eaque tristi cogitatione defixa mens, taciturnitas, morositas, fuga ab hominum frequentia, solitudinum amor, & persecutio; suspicio: tolerantia inediae in aliquibus tam pertinax, ut mori malint, quam vesci: crebra suspiria, respiratio tarda, & rara; pulsus tardus, parvus, rarus, ac tandem jam ingruente morbo, quae absurda cogitant, sermone, & gestu repraesentant, sed sine furore & febre. *Si metus, atque tristitia longo tempore per-* 6. Aph. 22.

7. Aph. 40.
6. Epid. 8.
54.

severent, Melancholiae est signum, ait Hippor. & idem. Si de repente lingua incontinens fiat, aut aliqua pars attonita stupeat, signum est melancholicum: & rursus idem. Atra bile vexati morbo quoque comitiali corripitur magna ex parte consueverunt: Et morbo comitiali laborantes atra bile divexari: at horum utrumque magis accidit, prout ad alterutram partem morbus inclinaverit, etenim si in corpus, morbo comitiali laborant; si vero in mentem, atra bile vexantur. Haftenus ille, Morbi calidi, ut Phrenitis, Mania. Et haec idiopathicam antecedunt. Sympathicam vero signa omnia humorum Melancholicorum, si sit a toto corpore, ab hypochondriis hypochondriaca, ab utero hysterica, &c.

CONJUNCTA.

TImor, moestitia, nulla febris, delirium fixum semper in eadem cogitatione rei timorem, & moestitiam producentis. Reliqua se habent ut in signis antecedentibus, cum quibus conjungitur quicquid per assuetudinem solitus fuit operari, timens, ac moerens, sui compos ille jam delirus, & quicquid specie delirii supposita apte judicat esse faciendum, ut vel timore securitatem aliquam, vel moestitiae levamen inveniat, vel in mortem, si desperatus est, veniat.

SUCCEDENTIA.

6. Epid. 54. **E***Pilepsia quandoque, ut Hipp., & ut idem rursus. Morborum Melancholicorum ad haec tempora (nempe Veris, & Autumni) periculosi decubitus, vel corporis siderationem, vel convulsionem, vel Maniam, vel coecitatem denunciant, & rursus idem Insanis si varices, vel haemorrhoides supervenerint, insaniae solutio (explicat enim hunc Aphorismum Galenus de Melancholia.) prodest etiam Elephantiasis, egestionem nigrae, scabies.*

Quoniam in unoquoque delirio, in quo certae semper unius, ejusdemque rei species obversatur opinio, ea sit nervorum cohaesio ad circumferentias undarum oportet, ut restitui illi non possint, ex quo fit, ut spiritus cujuscunque impetus, etsi nitantur nervos in alios tremores agere, tamen veluti per lubricum dilabentes ad usque circumferentias non restitutas eundem tremorem semper conservent: eo autem difficilius restituntur nervi, quo sunt densioris, & siccioris naturae, postquam toties dimoti sunt, ut restitui ulterius non possint, & per illam permanen-

nentem inflexionem multo validius impediunt, ne iidem nervi
 ad alias partes inflectantur, ac denique eo magis urget ejusmo-
 di impedimentum, quo nervus est siccior; est enim tensior,
 & quo magis spiritus sunt frigidi; sunt enim minoris impetus:
 ad frigidum autem, & siccum accedunt Melancholici ex to-
 tius temperamento, vel temperie cerebri sive propria, sive ad-
 ventitia ab hypochondriis, utero, &c.; igitur in Melancho-
 licis dabitur dispositio maxima ad delirium Melancholicum: Delirium
melancho-
licum non
conjunctum
necessario
cum causa
atrabilarii
tempera-
menti, sed
 quia vero ad hoc, ut sit delirium, necessaria est fixa illa ner-
 vorum inflexio, haec autem sese restituendi sublata pote-
 stas in nervis pendet a diuturno, & millies repetito eodem tre-
 more (unde fit opinio fixa, & immutabilis;) igitur delirium,
 in quo certa species semper versetur animo, non est necessario
 conjunctum cum temperamento totius, vel partium Melancho-
 lico, sed solummodo necessario requirit speciem cujuscunque rei Cum prae-
cedente fixa
alicujus, &
cujuslibet
rei opinio-
ne.
 laetae, moestae, generosae, ignavae &c., quae antea tamdiu
 premuerit, ut in nervis, cujuscunque conditionis, ac temperiei
 illi sint, omnino impediverit facultatem restituentem; hac e-
 nim posito spiritus quocunque nitantur, sive calidi, sive frigidi
 sint, semper quasi per lubricum dilabentur ad usque circum-
 ferentias in inflexione permanentes. Cum autem species illa
 inflexilis conjuncta sit per assuetudinem cum iis motibus, ha-
 bitudinibus totius corporis, & partium, & cum iis cogitationibus,
 quae rebus laetis, tristibus, timendis, generosis &c. conveniunt;
 igitur quousque species illa inflexilis per dilapsum novorum spi-
 rituum in tremorem agetur, eo usque illae habitudines, illi mo-
 tus, illae cogitationes habebuntur, & quicunque ita se habet,
 delirus dici merebitur. Quia vero & frigiditas, seu minor im-
 petus spirituum in Melancholicis, & siccitas nervorum hanc infle-
 xibilitatem majorem facit, hinc posita opinione fixa, facile pote-
 runt in delirium abire ejus temperamenti homines sive totius,
 sive partium, sed antea opus erit eadem illa opinione fixa. Hanc Temperies
atrabilaria
adjuvat so-
lum.
 autem producent spectra, somnia &c. quae inter antecedentia
 recensuimus, in nervos incurrentia hominum diversis opinionibus
 per leges, & assuetudines instructorum de inferis, de dolore,
 de morte, de pudicitia, & si quae sunt alia, ex quo fiet, ut sum-
 mum, vel plus minus timendum aliquid concipiat, nempe spe-
 ciem majoris, aut minoris impetus, seu diuturnioris, circa
 quam haerebit longo tempore, hoc est, per assuetudinem qui-
 esce-

Praecedentia quaelibet.

escere non permittet, ut rem bene introspiciat, atque perpendat, ut intelligat, quantum inde mali immineat, an illi se subducere possit, an ad desperationem veniendum, inter quae cum nulla plerumque affulgeat securitatis lux, & certi exitus, fiet suspiciosus averfator hominum, cum de iis dubitet, lucifugus, silvipeta, & hujusmodi. Quin imo haec singula contingent etiam, antequam delirium veniat, eo scilicet tempore, cum species non adhuc tamdiu tremuit, ut omnino tremere non possint aliquibus aliis tremoribus nervi, aecidentque illa per vices, prout illa species aut solitaria, aut plus minus conjuncta cum aliis tremit, eaque tremente erit aeger modo tacitus, ac secum de re, quae obversatur animo, reputans, modo secum loquens, quod eadem cogitatio est linguae motibus expressa, modo flens, modo ratione concepti doloris suspiriosus, vel similiter suspiriosus, quia cum propter tardum, & imminutum fluxum spirituum, eosque parvi impetus debeat esse in his affectionibus respiratio tarda, & rara, ut sanguinem intra pulmones subsistentem exprimat haerentem insuper facile, si sit Melancholicus, nempe crassus. Pulsus similiter tardus, parvus, rarus, cum praecedentibus omnibus, quae facile ex his patent. Vides interim, quam inane, ac plane puerile sit, quod Galenus tradidit, & Medici satis unanimiter admittunt, Melancholici delirii causam esse spiritum animale tenebricosum, qui obscuritate sua inficiat operationes animi; neque enim in delirio etiam, quo tristitia concipiuntur, dantur ullae tenebrae, obscuritas, aut infectio in speciebus triste illud repraesentantibus, & ea, quae cum ea specie conjuncta sunt, imo repraesentantur vivide, clare, perspicue, simulatur risus, cantus, laetitia, ut mortis fiat compos delirus aliquis, atque insuper cur spiritus ille tenebricosus non inficit omnes species, sed illam solum, de qua delirium excitatur. Cur illam solam excitat? Sed haec satis. Facile autem patet, deliria hujusmodi esse posse cujuscunque generis, prout species excitatur non debilis: excitari autem illa potest non solum per externa, ut superius, sed per interna etiam, ut in somniis, ac tum erit illius delirii causa, & origo omnino a casu repetenda, quae promovebitur & conservabitur a temperamento totius, aut partium melancholico, ut superius: itaque erit Melancholicus, sed non ab humore frigido, & sicco, qui se Regem, qui se Deum, qui se rerum omnium potentem, qui ele-

gantem,

gantem, qui formosum, qui vitreum, qui ex grano milii, aut panici, qui cuculum, qui lusciniam, qui lupum, aut felem existimet, & hujusmodi mille, prout vel externum aliquid vivide sensus movens, vel internum aliquid casu excitatum fixae opinioni occasionem dederit, qua deinde fit, ut delirus ille se esse imaginetur id, quod semper obversatur animo, quae deliriorum species eo solum sunt Melancholicis annumerandae, quod ab opinione falsa, & fixa pendent, non autem quod ab atrabile proveniant. Hinc patet, *cur metus, & tristitia longi temporis portendant Melancholiam*; longitudo enim illa temporis in eodem statu moeroris, & tristitiae fixam de eadem re speciem indicat, adeoque proximum delirio gradum. Similiter, cum humor Melancholicus sit crassus, si vel nimis premat alicubi cerebrum ita, ut spiritus ad partes derivari non possint, vel deriventur incertis vicibus, ac legibus, fient attonitae partes, vel incontinentes, nempe incertis motibus motae, quae etiam provenire poterunt a crassitie spirituum, & inordinata, vel eadem, & nullius ordinis crassitie sanguinis, cum utraque haec liquida, supposita cacochymia melancholica, esse debeant crassiora, sed necessarium non sit, ut sint aequae crassa in singulis suis partibus. Eadem ratio est de Epilepsia, vel antecedente, vel succedente Melancholiae, ut patet. Morbi vero calidi absumunt humiditatem, & calorem expirare faciunt, unde superest Melancholica natura sicca, & frigida cum siccitate nervorum &c. Deest febris, vel quia morbus est in sola tensione nervorum, quando non conjungitur cum cacochymia, vel humores sunt frigidi, & sicci, unde nec fermentescere, nec facile obstruere, nec irritare multum possunt, unde nulla febris causa. Melancholicorum autem decubitus vel siderationem, hoc est, Apoplexiam, vel convulsionem, vel maniam, vel coecitatem pariunt, quia cum decubitus supponatur, erit Melancholia cum materia, quae si cerebrum premat, vel impleat glandulas ita, ut spiritus generari, vel derivari non possint, vel impleat musculos, summos nervos, aut summas arterias, sensum & motum impediet, seu fiet Apoplexia: si impediat fluxus per assuetudinem, & solus superfit fluxus naturalis, fiet motus tonicus, vel convulsio, quae etiam fieri poterit, si humor permutetur, & abeat in siccum, & oriatur convulsio a siccitate, sicuti eadem de causa Mania: caecitas vero vel a siccitate humorum oculi, vel ab obstructione ner-

6. Aph. 23.

7. Aph. 40.

6. Epid. 8.
54.

Morbi calidi.

Nulla febris.

6. Aph. 56.

6. Aph. 21.

Quid sit Melancholia.

Lycanthropia, & Cynanthropia. Furor eroticus seu amatorius.

vi, vel ab obstructione arteriarum, vel a decubitu intra ipsum oculum. *Quod si in eodem delirio cum materia superveniant haemorrhoides, vel varices, materia delirii alio derivabitur, & tollitur causa conservans siccitatem, sicut etiam cum est per solam speciem fixam; detracto enim sanguine laxantur magis partes. Postremo, in eodem delirio per elephantiasin, scabiem, egestionem nigras vel materia subtrahetur, vel aufertur stimulus, & siccitas siccitatem, & inflexibilitatem nervorum conservans, unde facile salus: ex his igitur patet, Melancholiam esse delirium sine febre cum timore, & moestitia ortum a fixa, & constanti specie, sive imaginatione rei timendae, & dolendae, quam promovet temperamentum corporis totius, aut aliquarum quarundam partium melancholicum, & siquidem sit capitis, esse Melancholiam idiopathicam: si aliarum partium, sympathicam. Patet itaque reliqua omnia deliria sine febre, & quae furiosa non sint, ut maniaca, quanquam re ipsa non melancholica, hoc est, non provenientia ab atra bile, ad Melancholiam, ut superius diximus, posse referri, quatenus & ipsa sunt delirium sine febre a fixa, & constanti specie ejusdem semper, ac certae rei, atque proinde ad hanc deliriorum seriem etiam forte propius pertinere Lycanthropiam, cum illa sit per solam opinionem, Cynanthropiam etiam non ex morsu canis rabidi, sed similiter per imaginationem, & quaecunque sunt opiniones, quibus existimamus nos factos brutum aliquod, vel quid simile animatum, vel anima carens. Pertinet huc furor eroticus, seu amatorius ita dictus, non quia hoc morbo affecti furant, ut maniaci, sed quia amor furor est, pertinet huc, inquam, cum hic furor nihil sit aliud, quam opinio fixa, & imaginatio tenax de re amata, qua fit, ut aeger nunquam in eodem statu persistat, cum modo timeat, modo speret, continue dubitet de amore mutuo, unde modo laetus, prout spes adblanditur, modo tristis, cum timor urget, modo effusae laetitiae, cum imaginatur aliquid tanquam certum argumentum mutuae benevolentiae. Si autem desperet, tunc summa tristitia, lachrymae, suspiria, taciturnitas, respiratio tarda, magna, pulsus parvus, rarus, inter quae si dilecta veniat, subito pulsus frequentior, & major, aucta respiratio, primo taciturnitas, mox vox, & gaudium, & plena salus, si illa arrideat, si amatorie tueatur, si finem spondeat diuturnitati poenarum. Hae*

autem, & similes furoris erotici affectiones ex superioribus, & Operationibus Animalium facile patent, cum pendeant partim ex assuetudine, partim ex necessitate instrumentorum, & motuum. Secundo, huc pertinet Melancholia errabunda, ita nuncupata, quod errare soleat, & praecipue mense Februario invadere, in qua aeger ne per horam quidem potest in eodem loco quiescere, sed cogitur huc illuc continue vagari, nesciens quo vadat, timidior est omnibus Melancholicis hominum frequentiam fugiens, noctivagus per sepulcreta, per solitudines, nec scit unquam, quid fugiat, quid quaerat, quid velit. Corpus siccum, & aridum, oculi concavi, sine lachrymis, exsucci, lingua arida, color corporis citrinus, ulcera non raro in cruribus, quae non consolidantur. Haec autem vel ab opinione rei tristis antea conceptae, vel casu excitatae per abundantiam humoris terrei, & sicci, & per cogitationem firmatae. Ex eo autem quod vagentur, nec sciant quo vadant, dicta est Arabibus Kutubuth, quo nomine ipsis est Animal, quod per superficiem aquarum stagnantium huc illuc continue cursitat. Postremo, huc referenda est Melancholia attonita errabundae contraria, in qua aeger loco non movetur, imo nec situ, sedens nunquam assurgit, stans nunquam sedet, jacens nunquam se erigit, nec pedes agit, nisi ab adstantibus promoveatur, & loco pellatur: hominum frequentiam non fugit, interroganti non respondet, licet dictis animum advertere videatur, monita nihil curat, ac si surdus esset, objectis visui, & tactui non attendit, quasi cogitabundus, & cogitatione aliarum rerum distractus dormit, vigilat per intervalla, cibum ori admotum comedit, potum haurit. Rarissimum morbi genus, nec a Sennerto visum, sed a Medico Electoris Saxoniae Jacobo Jano amico suo semel in viro 30. annorum Ecclesiae cujusdam Pastore, & sibi communicatum. Ex relatione autem patet, totum hoc ab opinione fixa ortum duxisse. Ait namque: Hic temperamento melancholicus verno tempore Melancholia laborare coepit, tristiorque subinde factus nihil quidem absurdi protulit, attamen quasi tentationibus vexatus, sed propter peccata (quae in juventute commiserat non atrociora, sed leviora plane) se cum Deo in gratiam redire non posse sibi persuasum habebat, indignumque se reputabat, qui gereret munus Ecclesiasticum. Itaque desperabundi instar non tan-

Melancholia errabunda, Arabibus Kutubuth.

Attonica.

tum totum tempus vernum, sed & integram aestatem, qua aliquoties sibi ipsi, ut ex uxori violentas manus inferre tentavit, suaeque interdum, & quasi per paroxysmum *μὲν παροξυσμὸς* agere visus est, misere transegit. Tempore autumnali fervore illo in actionibus remittente tristior praeter modum factus est, semperque tacens crebra solum suspiria ingeminavit. Amicis praesentibus, & variis consolationibus aegri miseriam lenientibus, interdum a Melancholia & tristitia serio dehortantibus lubens quidem auscultare visus est, ad responsum tamen dandum licet variis propositis interrogationibus continue instigatus permoveri non potuit. Hanc tamen vocem aliquando edidit: Ah Deus? qua excepta aliquot septimanis non verbum ullum ex eo licet saepius interrogato, & ut loqueretur monito, extorqueri potuit. Interim nocturno tempore dormiebat bene, mane evigilans cogitabundi instar in lecto immobilis jacebat, e lecto opera uxoris elevatus ab eadem vestibus induebatur, indutus stabat instar statuae manu capiti, & temporibus sponte admodum, quod praeter modum tristes facere solent, suspirabat, impulsus, & manu deductus incedebat, ad scamnum, vel sellam adductus sedebat, instigatus mensae assidebat, cibum a conjun-ge in os insertum edebat, & cantharo ori applicato, quem manibus arripiebat & tenebat, bibebat. Hic affectus duravit toto autumno, media hyeme minui coepit, ita ut tandem restitutus munus Ecclesiasticum iterum obiret, cui adhuc praest, tristior tamen, quia natura Melancholicus longo tempore est deprehensus. Quam affectionem a fixa credulitate sui discriminis, & desperatione, & continua alta cogitatione de rebus suis post obitum accidisse palam est, ut leviter advertenti patet ex nostris Operationibus Animalium. De Melancholiis autem per consensum, & praecipue hypochondriaca in Morbis Abdominis.

PARALYSIS, SEU RESOLUTIO.

ANTECEDENTIA.

A Poplexia, ictus spinae, contusiones, vulnera, pressiones a tumoribus, luxationes vertebrarum, senectus, argenti vivi tractatio, natatio in aqua frigida, decubitus super lapide fri-

frigido, calidiorum usus, tempestas frigida, & humida, vestimenta, & tegumenta quaelibet frigida, & humida, crapula, & ebrietas (quae tamen etiam operationes capitis vitiat, aut tollit) narcotica, praecisio nervorum, scorbutus, elephantiasis, in qua aliquarum partium saepe sensus perit: victus ratio humida, & frigida, vel calida, & sicca, sicut diversae anni tempestates, aetates &c. diversam qualitatem Paralyseos excitant: nivis, vel glaciei contractatio, venus nimia, peripneumonia, colica. Jam invadentem Paralyfin praeit torpor, & tremor.

CONJUNCTA.

Operationum mentis, & sensuum internorum vel nulla laesio, vel levissima: modo sensus solum, modo solum motus, modo utriusque ablatio, vel in toto corpore infra caput excepto pectore, & corde, vel in altero tantum latere corporis (quae *ἡμιπληγία* dicitur, illa *ὁλοπληγία*, & cum sine sensu & motu est, perfecta: cum sine alterutro tantum, imperfecta) vel aliqua solum corporis parte, puta brachio, manu, crure, lingua, &c. ac tum dicitur Paralyfis particularis. In Paralyfi sine motu partis affectae a quibuscunque volentibus nulla fere adhibita vi dimoveri, & circumverti possunt ad suas articulationes nihil resistentibus aut musculis, aut ligamentis. Longius protracto morbo pars affecta atrophia contabescit. Resoluta pars in oppositam cedit: frigiditas partis resolutae. Altera calida, vel calidissima, pulsus aliquibus parvus, tardus, languidus, aliis rarus, creber aliis, aliquibus nullo ordine intermittens.

SUCCEDENTIA.

Paralyfis a concussione, vel succussione corporis lethalis: cum mictu sine sensu, & voluntate diuturnior, sed fere lethalis: cum partis affectae extenuatione, & atrophia lethalis citius, tardius, prout haec est, aut illa pars: cum frigore ejusdem periculosa, magisque timenda, si partis oppositae sit calor insignis: ex scirrho incurabilis. Gulae resolutio periculosa: ex Apoplexia difficile curabilis: minus periculosa, si solum motus, aut solum sensus ablati sit: incurabilis, quae a nervorum praecisione transversa. Tremor Paralyfi superveniens in parte resoluta bonum, sicut etiam, augmentum caloris, vel nunquam

calore fuisse destitutam: facilius curabilis in cruribus, ac pedibus, difficilis in senibus. Superveniente febre curatur non raro, & per ipsam solvitur, sicut etiam per Diarrhoeam: cum resoluti lateris oculus imminuitur, exigua est spes salutis. Hyeme difficile curatur, vere, & aestate facilius.

Causa Paraly-
sis non
afficit cere-
brum.

Paralysis si-
ne motu a
quibuscun-
que contra-
ctionem musculo-
rum prohi-
bentibus,
excepta sic-
citate ni-
mia villis
ad inflexi-
litem re-
digente.

Quoniam in Paralyfi operationes animi aut nihil, aut vix laeduntur; igitur causa producens hujusmodi morbum cerebrum aut nihil, aut vix afficit: tollitur autem sensus aut motus, aut uterque; igitur afficiuntur alterutrum, vel utriusque instrumenta, quae aut extra cranium sita sunt, aut intra, sed infra cerebellum, nempe spinalis medullae caudex. Quoniam insuper in Paralyfi cum privatione motus ossa partis affectae nulla vi a quocunque volente quaquaversum ad articulationes aguntur; igitur nec ligamenta ossium rigida, sicca, vel quacunque de causa inflexilia sunt, nec muscoli contracti, sicci, vel quacunque de causa inflexiles, quare in Paralyfi sine motu muscoli sunt absque contractione. Paralysis igitur sine motu produci poterit omnibus iis de causis, quibus tollitur musculorum contractio, excepta tam magna villorum siccitate, ut iidem facti supponi possint inflexiles; tunc enim propter inflexilitatem constituerent partem veluti rigidam, & ossa ejus dimoveri ad articulationes non possent absque vi maxima, tanta nempe, quae sufficeret flexioni villorum dirigentium. Itaque, quoniam ad contractionem musculorum requiritur influxus sanguinis, & liquidi per nervos, quae intra sinus villorum subito rarefiant cum impetu, vel se subito in bullas innumeras quaquaversum effundant, & tam arcta, ac tensa villorum textura, ut trudi extrorsum possit ab impetu rarefcentium liquidorum, non autem cedat ut mollia, & diffuentia, aut permittat exitum iisdem liquidis absque eo, quod ab ipsis urgeatur; igitur sive villi sint ita molles, & flaccidi, ut cum intra sinus eorum rarefiant liquida, distrahantur absque trusione extrorsum, sive tam rari, ut per eorum interstitia, liquida dum rarefiant, evaporent, absque eo, quod villi concipiant impetum ad exteriora, sive quod neutrum liquidorum, aut alterutrum influere possit in sinulos exterius, aut interius compressos, infarctos, obstructos, aut compressos ad emissaria, sive quod licet utraque influant, sint tamen a natura sua tam aliena, ut rarefieri, vel subito effundi cum impetu quaquaversum

quaverfum non poffint, five denique quod ad ufque emiffaria intra villos fluere non permittantur, tollitur femper motus, feu contractio mufculorum, & ejusmodi motus privatio erit femper conjuncta cum facili offium dimotione ad articulationem partis affectae. Quicquid igitur aliquot, aut plura ex his poteft producere, poterit, imo debebit effe Paralyfis fine motu. Primo igitur, fi mufculi nimis humefcant, ita ut ipforum villi quodammodo macerentur, quales telae ex villis lanae, aut lini, aut ferici diu detentae intra aquas, vel paginae bene madidae diftrahi poterunt absque eo, quod eorum longitudo fiat minor, imo vero facile fiet major partibus ab invicem quafi libere difcedentibus, & fe a naturali contactu removentibus, feu fiet motus motui contractionis contrarius, cum in contractione partes per longitudinem villi difpositae ita fe habeant, ut totus villus fiat brevior, hoc eft, partium motus, quae moveri deberent a mufculis ita affectis, etiamfi fpiritus in ipfos naturaliter influant cum omnibus reliquis ad contractionem neceffariis, non fuccedent prohibito per nimiam laxitatem mutuo accelfu terminorum per longitudinem, qui neceffarius eft ad contractionem. Eadem humiditas faciet, ut fpiritus, cum rarefcunt, facile ac tantum non subito expirare poffint absque eo, quod vix quicquam urgeant villorum folidas partes; cum enim illi molliores fupponantur, laxioris etiam erunt compaginis, & ipforum interftitia cedent quaquaverfum, & locum facient quibufcunque fubeuntibus, quae subito penetrabunt, & expirabunt nihil trüdendo villum extrorfum, inde duplici de nomine contractio ab humiditate prohibebitur. Hujusmodi autem humiditas vel provenit ab humorum omnium maffa, temperamento, per morbum, aut victus rationem, aut regionem, aut anni tempus humida, vel per abfumptionem partium durum, & vividum, & cohaerens in villis confervantium, ut fit in nimia Venere, qua partes omnes flaccefcunt, & colabuntur, & fi quae his fimilia ab humoribus, & toto corpore petenda; vel haec humiditas eft per occasionem aliquam externam, aut internam uni, alteri, aut pluribus mufculis congesta, & ad eos ftagnans, & fixa, unde iidem, aut unus, aut alter ille humefcens, & mollefcefcens contractioni concipiendae fit ineptus. Quod fi humiditas fit cum frigidityate conjuncta; tum contractio multo validius prohibenda erit; hu-

Abhumiditate, eaque

Externa, vel interna.

Frigiditas cum, vel fine humiditate.

mi-

1. de loc.
Aff. 6.

4. de loc.
Aff. 4.

Ab obstru-
tione per
pressionem
externam,
vel conglac-
tionem in-
tra &c.

Paraplegia,
Hemiplegia
& Paralytis
particularis:

miditas enim faciet, ne villi contractionem possint concipere, & ut spiritus facile expirent: frigiditas vero, si qui non expirarent, cohibebit, & faciet, ut minori cum impetu rarefiant, vel non excidant e canalibus suis gelando, & densando, & vel comprimendo, vel obstruendo: sic author est Galenus, & post eum alii plures, inventos, qui tali Paralyfi correpti sint propter circumfusum corpori frigidum aërem, ventum borealem, contractionem nivis, vel glaciei, moram in aqua frigida, sessionem supra lapidem frigidum, quorum illa, quae cum humiditate conjuncta sunt, villos solummodo afficiunt; quae vero cum frigore, liquida. Et Idem asserit rursus Paralyfi correptum quendam, qui hyeme, tempore frigido, & pluvio pallium madidum diutius obvolutum collo detinuerat, quod equidem factum est, non quia villi musculorum manus quicquam ab humido, & frigore pallii paterentur, sed quia spiritus ex colli vertebrae per nervos fluentes ad usque manum partim gelu constricti, partim cohibiti a nervo introrsum acti per intrusum humidum ad summam manum pervenire non poterant. Erit igitur ab humiditate sola, vel conjuncta cum frigore quaedam obstructionis species producens Paralyfim, sive statim ad emissaria canalium, sive per eorum longitudinem, quoties trudendo introrsum canales occludit cavitatem ex toto, aut parte, vel congelando humores prohibet ipsorum influxum: & ad primam revocari poterunt pressiones omnes extrinsecae nervis, ita ut spiritus impediunt, ne fluant, vel extrinsecae musculis, ita ut liquida excidere intra sinus, vel apte rarefescere prohibeant: hujusmodi sunt casus ex alto, ictus, luxationes, vulnera, contusiones, praecisiones nervorum, tumores proximi, lapides, humores coagulati, &c: ad congelationem vero poterit revocari humor frigidior, humidior, crassior, qui per arterias, aut nervos fluat praeter naturam, atque ita derivationem spirituum impediat, sive ille humor proximus sit emissariis ejusmodi vasorum, sive intra eadem contineatur prope nervorum originem. Et siquidem hujusmodi pressio, & causa prohibens fluxum sit prope principium spinalis medullae, vel per totam ipsam, aut nervos omnes, vel per universum arteriarum numerum, vel per omnes musculos infra caput, vel haec omnia, aut eorum aliqua simul contingant, fiet Paraplegia: si aliqua ex his causis, vel omnes, vel aliquot

vigeant ad aliquos solum nervos, musculos, aut arterias, fiet Paralysis particularis: si denique ad dimidii corporis nervos, musculos, aut arterias, Hemiplegia. Reliqua, quae supra numeravimus in censu causarum Paralysem producentium, ex his expositis nullo negotio patent. Quia vero nervi praecipui, & plurimi, qui ad costas, & cor feruntur, intra cranium ducunt originem, ubi minime viget Paralyseos causa, hinc respirationis, & cordis motus non aboliti, & minus mutati, quam reliqui motus in Paralytico: imo motus cordis non in unoquoque Paralytico idem, sed aliis languide, aliis parum, rarius, crebrius aliis contrahitur, aliis quiescit a contractionibus per aliquod spatium temporis, ut ex pulsu patet, qui differentias exhibet in diversis Paralyticis respondentes singulis hisce motibus cordis, ut superius annotatum est: quod sane arguit non sublatum, & impeditum penitus motum cordis, sed vitiatum, & laesum, prout vis premens, vel aliarum causarum quaelibet major est in capite, vel reliquis nervis a spinali medulla venientibus, vel prout ex vi Paralyseos sanguis per venas non refluit, vel in arterias coronarias non influit naturali quantitate, qualitate, & tempore; ita enim fieri poterit, ut etiamsi cor valide, & alterne juxta naturae ordinem contrahatur, pulsus tamen videri debet intermittens, vel parvus paucosanguine, vel nullo per contractionem illam excluso. Quia vero humida per calorem siccantur, canaliculi autem ex membrana, cum siccantur, per latitudinem contrahuntur, hoc est, angustiores fiunt; nervi igitur nimio calore siccati contrahentur per amplitudinem, & suam cavitatem occludent, unde spirituum influxus prohibebitur, orieturque Paralysis a calore, vel siccitate: ex hoc capite deducenda est Paralysis a crapula, ebrietate, vino, quanquam haec cum conjuncta sit cum mentis aberratione, vel somno, forte saepius provenit a pressione nimia cerebri producta a nimia extensione arteriarum, & haec a nimio fervore sanguinis per vinum, crapulam, & ebrietatem. Quid simile producet Elephantiasis, cum etenim ab humore terreo proveniat, siccabit illa, sed insuper quicumque laborat ejusmodi morbo, producet crassos spiritus, qui proinde per nervos ob siccitatem maxime constrictos difficilius fluere poterunt. Narcotica vel ad haec, vel ad humida pertinent; similiterque ad haec tempestas

Respiratio,
& motus
cordis mi-
nus muta-
ti, nec
aboliti.

Pulsus ra-
rus, creber,
intermit-
tens, &c.

A calore,
& siccitate.

vide
omnia
praecedentia.

Atrophia.

Resoluta
pars in op-
positam
trahitur.Frigiditas
resolutae
partis cum
caliditate
oppositae.

calida, & sicca, aetas juvenilis, temperamentum, victus ratio, nimius labor, & quaecunque ad calidum, & siccum accedunt. Huc etiam Scorbutus facit, qui operetur ut calidus, an ut frigidus, siccus, aut humidus, difficile dictu est, cum tot in ejusmodi morbo producantur, ut videantur indicare potius solutionem quandam, & motus incertissimos humorum omnium, quam alicujus determinati vim. Peripneumonia, vel Colica cum praecedunt Paralyfi, transfunduntur humores ejusmodi morborum in arterias, vel nervos, vel musculos, & aliquo ex modis expositis, vel per qualitates, vel per pressiones &c. Paralyfim excitant. Quia vero partes sive aequo molliores, sive aequo duriores, nempe aequo magis siccae, vel humidae apte non possunt, etiamsi ad ipsas apta alimenti materies derivetur; igitur positis solum musculis in alterutro, vel aliquo eorum statuum apte non alentur, unde continue extenuabuntur, vel saltem alimentum non apponent sufficiens, ac demum omnino nihil apponent, & in atrophiam venient, ac tabem. Insuper, quoniam unaquaeque pars valide compressa, per quamlibet expositarum rationum id fiat, prohibet derivationem alimenti ad locum ipsum compressum, nempe prohibet actum se ipsam alendi; igitur compressio faciet, ut in atrophiam veniat pars Paralytica, quae cum secum necessario tabem ducat, musculos, nervos, aut arterias compressas in atrophiam, & tabem perducet post aliquod temporis spatium, & si sub initium Paralyseos aliqua earum partium nimia humiditate, pressione &c. afficeretur, etiam sub initium Paralyseos atrophia contingeret; plerumque tamen fieri potest, ut sub initium adhuc aliquid alimenti facilius apponi possit, succedente autem tempore omnino nihil apponatur, ac tum perfecta atrophia, atque tabes. Quoniam vero partes musculis contranitentibus instruuntur, qui sunt in contractione perpetua, vel nisu perpetuo in eandem; igitur ipsorum alterutro non nitente alter appensam sibi partem ad se trahet, sed in Paralyfi cum alter solum musculorum contranitentium resolvitur, hic idem cessat a nisu; igitur incolumis alter contranitens os, cui inhaeret, trahet ad partem musculo resoluto oppositam. Quoniam vero non perducto sanguine ad partes illae frigescent; non perducetur igitur ad partem resolutam, cum illa friget, vel si perducitur, aderit quid coagulans, & calorem implicans, ita ut sensus ejus excitari non possit:

possit: utrumque malum, & via facilis ad atrophiam, ut patet, tum ratione frigiditatis, tum ratione sanguinis, qui vel non perducitur, vel coagulatur: caliditas oppositae partis vel naturalis a naturali habitudine sanguinis, vel minor, & potest esse fallacia ratione alterius partis mox attractae, & frigidae, vel major, & provenire poterit a derivatione sanguinis universi obstructis arteriis alterius partis, quae obstructio contingat oportet non solum aliis de causis superius expositis, sed vel per solam illam coagulationem, a qua pendere posse frigus resolutae partis ostendimus. Jam vero exponamus oportet, quae ratione fieri possit, ut cum his nervorum affectionibus conjungatur aliquando sensus in Paralyticis, aliquando vero tollatur sensus, & non motus, aliquando demum uterque cesset, factum sane omni admiratione, atque inquisitione dignissimum. Itaque primo, quoniam ad musculorum motus requiritur ipsum corpus musculi, influxus sanguinis naturaliter se habentis, & liquidum nervorum pariter naturaliter se habens, ad sensum vero excitandum opus est solo liquido nervorum cum nervis naturaliter se habentibus; si igitur vel musculi naturaliter se non habeant, vel non sanguis, bene autem se habeat liquidum nervorum cum nervis, dabitur sensus sine motu (hic omittimus non naturalem habitudinem articulationum, qua impediatur motus; id enim non est paralyticum, & a Medico ex aliis signis dignoscendum est). Secundo, impediatur derivatio liquidi per nervos in sinus musculorum per aliquid quomodocunque obstruens emissaria eorundem nervorum bene se habentibus ceteroquin musculis, sanguine, & nervis; igitur universa longitudo, & cavitas nervorum erit suo referta liquido, adeoque sensus excitari poterit, non tamen motus prohibito spirituum influxu intra musculos, adeoque dabitur Paralysis cum sensu sine motu. Contra vero, sit liquidum nervorum crassius, viscidius, humidum nempe cum hisce aliis conditionibus non naturalibus; partes igitur ipsius valide cohaerebunt, nec dimoveri ab invicem facile, atque in varios motus intra nervos agi poterunt: hi autem motus necessarii sunt ad producendas undas, cum in earum singulis debeant ejus liquidi partes seungi, & oblique trudi per latera; igitur ejusmodi liquidum sensum impedit: idem autem liquidum potest per canalem fluere, & hic fluxus ad motum sufficit, & intra illud viscidum

Modo sensus, modo motus, modo uterque sublatus.

contineri possunt spiritus impetum facientes; in hac igitur liquidi nervorum constitutione excitari poterit Paralysis cum motu absque sensu. Uterius, quoniam ad excitationem undarum requiritur certa nervorum tensio: iis igitur quomodocunque lassatis sive per humiditatem, sive qualibet ratione possibili prohibebitur ipsorum motus per undas, a quibus sensus provenit: potest autem interim per eos excurrere liquidum; igitur tum Paralysis cum motu sine sensu, ut in somno. Tertius modus erit ex his utrisque compositus, cum liquidum nervorum est viscidum, & ipsi nervi sunt flaccidi. Quarto, nervus ita compressus supponatur, ut universa fere ipsius cavitas sit occlusa membranis oppositis fere ad contactum perductis; supererit igitur exigua rima, vel foramen, per quod liquidum nervorum continue a partibus cerebri pressum poterit derivari infra locum compressum ad partes musculorum, seu eorum contractionem producere: sed quia undae circa locum compressionis perductae, nervis se introrsum restituentibus, incidunt in partem membranarum fere ad contactum perductarum, easque extrorsum trudent, fieri potest, ut per eam extrorsum trusionem reliquum earundem partes capitis respiciens magis ad contactum veniat, adeoque foramen, vel rimam magis occludat, & refluxum liquidi impediat: cum vero nervi restituuntur extrorsum, eadem illae pelles ad contactum fere perductae liquidum non ad partes capitis trudent, sed ad partes oppositas, ut patet: quare motus undarum non producit ultra locum compressionis versus partes capitis, sed fluit, refluitque per reliquum nervi ad usque musculos, seu, quod idem est, prohibetur sensus, datur tamen motus. Hujus generis Paralysis exemplo mirabili confirmatur apud Galenum. Sane, inquit, *Pausanias Syrus Sophista, cum Romam aliquando venisset, secundum duos minores sinistrae manus digitos, atque medii partem dimidiam sensum imprimis quidem difficilem habebat, postea male curantibus Medicis sensum omnino amisit. Quibus equidem cognitis omnia, quae praecefferant, investigavi, atque ipsum, cum per viam duceretur, vehiculo excidisse, atque dorsi initio laesum, mox partem laesam brevi quidem curatam, sed auctum in digitis sensus vitium audiui; igitur remedia, quae illi digitis adaptaverant, laesae parti adhiberi jussi, atque sic vir ille celeriter sanitati restitutus est.* Haecenus Galenus, ex quo patet

3. deloc.
aff. 10.

tet

tet quod exposuimus. Quinto, & illud bene perpendendum, in Paralyfi cum motu, & sine sensu, num sensus privatio sit solum in integumentis communibus, an etiam in musculis, & contentis; in primo etenim casu nihil esset rari, cum possint esse diversi nervi, & diversae originis, qui ad integumenta, & qui ad contenta feruntur; num vero privatio sensus sit solum extrinseca, an etiam profundior, facile intelligitur sciscitando aegrum, num calorem intime sentiat, compressionibus profundioribus; talitris vehementioribus &c. Ex his autem omnibus patet, cur Paralyfim praecedere possit, & soleat modo stupor, modo torpor, modo tremor; tremor enim in re praesenti provenit ab incipiente laesione naturalis fluxus liquidorum per arterias, & nervos, ita ut excidere non possit in sinus musculorum naturali frequentia, nec eodem tempore, aut apta quantitate in utrumque oppositorum, vel a laxatione villorum, unde cumulanda copia major ad hoc, ut in contractionem aptam venire possint &c.: torpor autem cum sit obtusio quaedam sensus, & motus difficultas, patet & haec arguere earundem alterationum initia, ac demum cum stupor sit fere perfecta suppressio, vel ablatio sensus, & motus, erit hic idem proximus ad Paralyfim gradus, imo tantum non ipsa Paralyfis. Denique, si vera sunt quae circumferuntur, altera cerebri vel spinalis medullae parte laborante latus oppositum Paralyfi affici, forte id contingit ex implicatione nervorum, dummodo haec ita se habeat, ut qui nervi a glandulis dextri lateris oriuntur, post mille implicationes exeant liberi per sinistrum latus, & e converso. At si nervi omnes confluunt, qui istud fieri poterit? An subest aliquid fallaciae, cum res versatur in parte musculis contranitentibus instructa, eo quod musculus incolumis contrahitur, & secum, ut superius expositum est, ducit partem cum opposito musculo paralytico, unde rem minus accurate perpendentibus videri possit morbus in musculo retrahente, non in opposito relaxato? An verius, cum Paralyfis hujusmodi excitatur per compressionem, ictum, vulnus, contusionem, sit succussio cerebri, vel spinalis medullae, quae utraeque partes cum in se ipsas cedere possint aliquantum, atque in cavitatem ventriculorum, vel sinuum turbiniformium, sit, ut impetum servare possint, atque moveri absque divulsione, & compressione nervorum quousque partes

Torpor, stupor, tremor.

Altera cerebri, vel spinalis medullae parte affecta oppositum latus laborat.

tes earum versus oppositum latus tendentium eidem lateri demum occurrant, quod cum sit durum, nervos ex ea parte provenientes, & ad originem, & qua ex ossibus erumpunt, premunt valide, & spirituum influxum prohibent? An facilius per eam ipsam vim succussionis nervi ab opposito latere erumpentes nimium impetum ad has ipsas partes concipiunt, atque ita nimis distrahuntur per longitudinem, adeoque constringuntur, & naturalem fluxum spiritibus negant? An denique haec Paralysis alterius lateris ex laesione oppositi perpetua non est, sed aliquando solo casu ita contingit? Profecto ex confluxu nervorum omnium nulla est necessitas, cur alterum potius, quam alterum latus corporis laedatur laeso cerebro, vel spinali medulla ad latus idem, vel oppositum, atque insuper in viro amplissimo alterum tantum latus resolutum fuit, cum tamen cerebrum utrinque esset sphacelo corruptum, & universa ipsius, & spinalis medullae moles sanguine obruta, quemadmodum igitur datur Paralysis alterius solum lateris utrinque affecto cerebro, cur non detur Paralysis utriuslibet lateris utrovis latere cerebri, vel spinalis medullae laborante? Par est ratio de convulsione, & motibus convulsivis. Sed haec satis. Ex his autem patet facile quicquid inter succedentia recensuimus, & primo, quoniam in concussione, & succussione corporis possunt partes nervorum, cerebri, spinalis medullae, arteriarum, villorum divelli, vel nimia compressione dissolvi, & velut in sphacelum redigi, divulsiones autem, & sphacelismi vel curari non possunt, vel callum obducunt, & hic canales occludit; Paralysis igitur a concussione, & succussione corporis erit irreparabilis, & lethalis. Lethalis etiam cum mictu sine sensu, & voluntate; argumento enim erit musculum resolutum esse quacunque de causa, & nervos absque spiritibus, & communione cum cerebro, unde atrophia, & sphacelus, qui sensum communicabitur toti corpori, & humoribus, unde mors: quia tamen affectio primo sita est in vesica, parte usus minus communicantis cum reliquis, cui insuper satis facit per effluxum urinae, diuturnus erit morbus, prout longius brevius temporis spatium in hoc, aut illo paralytico requiritur ad hoc, ut in atrophiam, & sphacelum ejus partis veniat, quod a vehementia Paralyseos, temperamento, victus ratione &c. petendum erit. Ratione igitur sphaceli atrophiae suc-

A concussu,
vel succussu
corporis le-
thalis.

Cum mictu
sine sensu,
& volunta-
te lethalis,
sed diutur-
nior.

succedentis Paralysis omnis cum atrophia lethalis plus minus, Cum atro-
 citius, serius pro diversitate partis affectae, similiterque cum phia, vel
 frigore periculosa; erit enim frigus perseverans, & contumax frigore le-
 proximus ad atrophiam gradus, unde sphacelus, & per ejus com- thalis, eo-
 municationem in humores, & partes solidas mors. Quod si que magis
 cum frigore partis affectae conjunctus sit calor intensior oppo- si pars op-
 sitae, tunc arguet, ut superius, copiosam, & quaq totius posita vali-
 sanguinis derivationem in latus oppositum, seu Paralyfim de caleat.
 illam esse conjunctam cum insuperabili obstructione arteriarum
 partis affectae, unde & ratione frigoris, & ratione defectus
 sanguinis pars eadem affecta facile, ac brevi in atrophiam ve-
 niet, & in sphacelum, ac mortem. Quod si a scirrho prove- Ex scirrho
 niat vasa vel musculos comprimente, erit illa incurabilis, incurabilis,
 curetur scirrhus, hujusmodi autem tumores, praecipue cum
 confirmati sunt, cum remedia sint incapaces, erit Paralysis
 a scirrho irreparabilis. Quae Paralysis in gula contingit, et In gula pe-
 iam brevi temporis spatio poterit ad mortem perducere; reso- riculosa.
 lutis enim ejus musculis deglutitio prohibebitur, seu non sup-
 peditabitur alimenti materies, unde tamdiu perdurare pote-
 rit aeger, quamdiu vivere sine alimento. Quae vero ex Ex apople-
 Apoplexia oritur, cum Paralysis tum nihil aliud sit, quam xia diffici-
 Apoplexia imperfecta, fieri poterit, ut aeger, prout vi- lis.
 res ejus validae sunt, aetas &c., causam Paralysis superet;
 quia tamen illud residuum Apoplexiae, quod illam Paralyfim
 parit, & contumacissimum, & vires aegri jam fractae, non
 nisi difficile, & raro continget, ut Paralytici ex Apoplexia
 evadant, imo e converso facilius tales Paralytici rursus in A-
 poplexiam recident coacervata rursus, nec per debilitatem vil-
 lorum superata materia peccante. Quae vero cum privatione
 solius motus, aut solius sensus conjuncta est, curatu facilior, Minus peri-
 quam cum privatione utriusque; minores enim numero partes culosa, si
 affectae, & forte pro locorum diversitate, in quibus morbi solus sen-
 causa detinetur minoris momenti, quam cum uterque sublatus sus, aut so-
 est. Quae a praecisione nervorum irreparabilis, cum non coa- lus motus
 lescant, vel non nisi per callum, quo nervi occluduntur, ad- sublatus.
 eoque in utroque casu sublata irreparabiliter derivatio spiri- Incurabilis
 tum ad partes. Quae vero cum calore conjuncta est, minus ex nervo-
 exitialis, non obstructas enim arterias indicat, & forte ali- rum praeci-
 quid intra musculos rarefcere, & evaporando calorem augere, sione.
 unde Tremor su-
 perveniens
 bonum, sic-

ut calor su-
perveniens
vel nun-
quam eo
caruisse.

In cruribus,
ac pedibus
curatu faci-
lior.

Difficilis in
senibus.
Per febrem,
vel diar-
rhoeam
solvitur.
Aestate,
quam hye-
me faci-
lior.

Imminutio
oculi in re-
soluto late-
re proxi-
mam mor-
tem indi-
cat.
Quid sit Pa-
ralysis.

unde nec nervi penitus occlusi, adeoque in qua Paralyfi cum frigore succedit calor, simili de necessitate bonum: bonum etiam succedens tremor; quemadmodum enim, ut exposuimus, praecedens tremor arguit obstructionis &c. initium, ita idem succedens arguit illius finem. Quoniam vero in cruribus, ac pedibus musculi insignes, & motibus assueti, nempe validi, validi nervorum trunci, insignes arteriae, nempe vis contractionis, & motus peristaltici vehementes; igitur auferendis, & expellendis noxiis corporibus partes illae aptiores reliquis corporis partibus: quod si Paralyfis sit a siccitate, erit etiam sublato facilior propter copiosum humidum, quod ad partes illas naturaliter, derivatur copiosius, quam ad reliquas, propter earundem insignem molem, & locum imum, quem occupant. Defectu autem ejus virtutis in senibus erit Paralyfis in iisdem vix curabilis. Quae autem Paralyfis per humores copiosos producitur humectantes &c., si iidem per febrem, aut diarrhoeam absumentur, & extra corpus mittantur, Paralyfis per eos morbos solvetur. Quia vero aestate motus spirituum vegetior, atque per eos etiam motus villorum, hyeme contra, atque hac tempestate frigidorum coacervatio, illa consumptio, facilius aestate, quam hyeme Paralyfis solvi poterit. Postremo, cum resoluti lateris oculus diminuitur, mors imminet; imminutio enim illa etiam oculi aut arterias, aut nervos, aut utraque vasa occludi indicat, unde atrophia instat, vel jam corripuit, & oculus absimitur, unde morbi vis per totum corpus diffunditur, & totum contabescit. Est igitur Paralyfis privatio sensus, aut motus, aut utriusque proveniens ab humiditate, siccitate, frigore, calore, compressione &c. afficientibus nervos infra cerebrum, vel levissime etiam cerebrum, ex qua oriuntur affectiones omnes expositae, dividi-que potest in idiopathicam, & sympathicam, ut patet.

CONVULSIO,

Seu ut Celfo, Distensio, *σπασμός* Graecis; *σπᾶν* enim contrahi est (*σπᾶσμα* autem est solutio unitatis in partibus nervosis, vel villis musculorum sine vulnere, ut per validiorem contractionem: *ἐγγυμα* autem est eadem divulgatio sine vulnere, sed in carne,) & motus convulsivi.

A N T E C E D E N T I A .

ANtecedentia prius desumemus ex variis locis Hippocratis, ut sententia ejus a Galeno, & aliis deinde Medicis partim perversa, partim repudiata clarius pateat. Itaque

Convulsio vel a repletionem fit, vel ab inanitione; ita vero 6. Aph. 39.
5. Aph. 3.

singultus. 7. Aph. 9. &c
5. Aph. 4.

A copioso sanguinis fluxu singultus, aut convulsio, mala.

A sanguinis profluvio desipientia, aut etiam convulsio, malum. 5. Aph. 1.

A purgatione immodica convulsio, aut singultus superveniens,

malum. 7. Aph. 25.
7. Aph. 10.

Convulsio ab belleboro lethalis.

A medicamenti purgantis potione, mortifera.

Ab ileo vomitus, vel singultus, vel convulsio, vel delirium, 7. Aph. 18.

malum. 5. Aph. 2.

Propter vigiliam convulsio, aut desipientia, malum. 2. Aph. 26.

Convulsio vulneri superveniens, lethalis. 5. Aph. 56.

Febrem convulsioni supervenire melius est, quam febre convul-

sionem. 4. Aph. 57.
& in Coacis
tex. 354. &c
5. Aph. 70.

Si muliebri profluvio convulsio, & animi defectus superveniat,

malo est.

Spasmo, aut tetano vexato febris si accesserit, morbum solvit.

Qui quartana corripuntur, non admodum convulsionibus ten-

tantur; si vero prius tentati fuerint, superveniente quartana li-

berantur. 4. Aph. 66.
& in Coacis
tex. 269.

In acutis febribus convulsiones, & circa viscera vehementes do-

lores, malum. 4. Aph. 68.

Convulsiones cum febre acuta perniciem denunciant.

In febribus spiritus offendens (hoc est, subsistens, ut Galenus

explicat, quasi impedimento illidens) malo est: convulsionem

enim significat.

Quibus sunt cum ulceribus tumores conspicui, ii non admodum 5. Aph. 65.

convelluntur, aut insaniunt; his vero repente evanescentibus, si

quidem postica parte factum sit, convulsiones, & tetani accidunt,

si vero a fronte, insaniae, aut lateris dolores acuti, aut empye-

ma, aut dysenteria, si rubicundi fuerint tumores.

In febre convulsio, manuumque, ac pedum dolores malignum In Coacis 30;

quiddam praenunciat.

1. de Mor-
bis.

Fiunt etiam convulsionum ex laboribus, ex casibus, ex plaga, & si quis onus majus tollat, & ex cursibus, & luctu, & omnibus id genus (loquitur ibi de convulsionibus venarum, quae convulsae varici fiunt similes, & earum convulsionem fieri per vim & contentionem ibidem asserit.)

In Coacis.

Ex vulnere convulsio, lethalis.

355.
Ibidem 356.

Convulsio febris succedens periculum denuntiat, minimum vero pueris.

Ibidem 358.

Convulsionem solvit febris acuta, quae prius non aderat, aut si prius adfuit, ingravescent: confert autem & urinae vitreae copiosus pertransitus, & alvi fluxio, & somnus: convulsionum autem de repente ortas febris solvit, & alvi fluxus.

1. de mor-
bis.

Quod si convulsio in vena facta sit, haec quidem per exordia dolorem excitat, & pulsat, progressu vero temporis sanguinem ad carnem transmittit, qui in carne putrescens in pus vertitur (an convulsio aneurisma est?)

Ibidem.

Nervus praecisus convulsionem facit, & ut minime coalescit, ita vehementer inflammatur.

7. Epid. 42.

Posidocreon quoque tertio die convulsione correptus est, calor non relinquebat, decimo octavo mortuus est.

In Coac.
268.

Vehementes faucium dolores, aurium tubercula, & convulsionum excitant, itemque cervicis, & colli dolores.

Lib. de Den-
titione.

Quibus cum dentes erumpunt, alvus crebrius demittit, minus convulsione tentantur, quam quibus sic raro alvus subducitur: quibus in dentitione febris acuta accedit, ii raro convulsionibus tentantur: qui cum dentitione bene habito corpore permanent, gravi somno premuntur, periculum est, ne eos convulsio prehendat.

2. de Vi-
satione.

Convulsionum autem ideo intus afferunt (concussionum corporis, de quibus antea dixerat, hoc est, convulsionum ideo a concussionibus producuntur) quod calefactum corpus cutem vehementer tenuat: carnem vero minus cogunt, quam cursus, qui in orbem obeuntur, eandemque humore vacuant.

In Praenot.
24.

Pueris convulsionum accidunt, si febris acuta fuerit, venter non dejiciat, si vigilant, perterreantur, plorent assidue, & color immutetur, & ex viridi pallidus, aut lividus, aut rubor contrahatur: haec autem pueris quidem recens natis ad septimum usque annum promptissime eveniunt; at grandiores pueri, & viri non adeo per febres convulsionibus prebendantur, nisi vehementissimum, & pessimum uodam signum ex his, quae in phrenitide fieri solent, adfuerit.

Con-

Convulsione, aut corporis distensione vexato, si febris superveniat, morbum solvit; si febre detentum convulsio prehenderit, febris eodem die, aut postero, aut tertio desinit.

Et haec sola ex aliis plurimis locis Hippocratis seligimus, ne res in immensum excreseat. Convulsionem autem antecedunt etiam punctio nervi: situs partis per longiusculum tempus incommodus, quo fit convulsio, quae dicitur Graecis *σπασμὸς φουσώδης*, seu spasmus flatuosus, nobis *granchio*. Pulsus similis chordae tensae agitatae, ac vibratae, cujusmodi pulsus dicitur Galeno chordosus, & jectigatio, ita fieri ipsi creditus, quia arteriae sunt juxta nervos.

CONJUNCTA.

Constans immobilitas ossium ad articulationes, ita ut dimoveri difficile possint etiam valida adstantium opera, nec similiter possint dimoveri a laborante per imperium voluntatis: nulla mentis, aut sensuum laesio. In motibus autem convulsivis alterna ossium dimotio, & immobilitas non raro cum laesione mentis, aut sensuum. In utrisque dolor, non tamen semper, febres aliquando, & alia singula, quae mox accidunt quandoque, non semper: modo calent: modo refrigerantur: facies pallefcit, rubet, turget: urina laudabilis, modo cruda, copia ingens supprimitur, vel retinetur. Tremor in unam situs differentiam, & semper eandem, motus convulsivi nullo ordine, hi sine voluntate, ille cum arbitrii concursu. *In convulsione nervi, & tendines rigidi ad tactum percipiuntur* (ait Senertus, sed quomodo tactu percipit nervos?)

SUCCEDENTIA.

Qui tetano corripuntur, intra quatuor dies intereunt: si vero hos superaverint, incolumes evadunt. Et idem Hipp. *In nervorum distensionibus, & iis, quae in posteriorem partem sunt dissolutae maxillae, mortem afferunt: quin etiam lethale est in posteriorum partium distensione sudare, & corpus dissolvi, & in eodem malo per nares revomere, aut ubi per initia vox defecta fuit, clamare, & nugari; postridie enim adsuturam mortem significat.* Quod ipsum confirmat Hipp. primo Praedictorum, textu 118. *Quae ex lumbis in cervicem, & caput redundant, & levis siderationis more resolutionis sensum inducunt, convulsionem, ac mentis*

Comment.
3. in 1. Pro-
rher. text.
26.
Text. 313.

emotionem minantur, videndumque est, num talia convulsione solvantur. Qui hujusmodi conflitantur, varie morbum trahunt, atque eadem diutius perseverant, (quo super Galenus & a se visum asserit, qui alterne paralyticus fieret, & convulsus, & Petrus Salius Diversus id ipsum vidit.) Hoc ipsum rursus asseritur in Coacis paulo diversis extremis verbis hunc in modum. Quae ex lumbis in cervicem, & caput redundantia levis siderationis more resolutionis sensum inducunt, convulsionem, ac mentis emotionem minantur, videndumque est, num talia convulsionibus solvantur, aut in hujusmodi habentibus alvi male habeant, atque eadem diutius perseverent.

Quod sit implicata difficultatibus convulsionis explicatio, nemo est, qui non noverit, dummodo Medicorum monumenta perquisiverit, quibus occasionem praebuit Aphorismus Hippocratis minus apte, atque perspicue ad ipsius Hippocratis mentem expositus, & doctrinae, quam eo super Galenus tradidit, minus exacta perceptio. Ille est trigessimus nonus sextae sectionis: *Convulsio vel a repletionem fit, vel ab inanitione, ita vero & singultus.* Exposuit id Galenus tanquam pronunciatum ab Hippocrate de inanitione, & repletionem immediata nervorum, quasi nempe non de remota etiam, & universali intellexerit Hippocrates, ex qua necessario pendeat particularis, & proxima nervorum, atque insuper quasi soli nervi exhausti, vel infarti convulsionem, nulla autem alia causa producat. Hanc vero talem inanitionem, & repletionem nervorum ut exponat Galenus, remotiorem causam proponit, exsiccationem nempe nervorum, & humefactionem; utroque enim modo breviores fieri asserit, ut chordae musicae humido aëre divelluntur, & breviores fiunt, vel eadem igni admotae extenuantur, hoc est, humido inaniuntur, & similiter fiunt breviores: hanc breviter, dum fit, sequuntur necessario appensi muscoli, ait Galenus, unde convulsio: quae sane vera sunt omnia, licet posteriores Medici vix excusari posse Galenum censeant, & se mille labyrinthis implicant propter incertiam. Nos itaque ex eodem Hippocrate ostendemus inanitionem illam, & repletionem non esse particularem, & proximam nervorum, sed vasorum sanguinis, seu universi corporis, unde inanitio, vel repletio nervorum necessario pendet, atque ex hac oriri omne genus causae convulsionem producentis, adeoque etiam exsiccationem,

Inanitio, &
repletio
Hippocratis
universalis
sanguinis,
aut corporis
ex iis parti-
culares ner-

nem,

nem, & humefactionem, & vera esse, quae de iis exposuit Galenus. Stimulum etiam notum fuisse Hippocrati, & annumeratum convulsionis causis, ac demum inanitionem, & repletionem non ad nervos solum, sed ad arterias, & musculos etiam pertinere, & haec necessario deduci ex doctrina Hippocratis posita inanitione & evacuatione universali. Manifestum igitur est ex locis expositis Hippocratis, quoties ipse convulsionem commemorat, aliquid exponere, quod vel inanitionem, vel repletionem totius corporis arguit: sic in Aphorismis superius memoratis. *A copioso sanguinis fluxu singultus, aut convulsio, mala.* En evacuationem sanguinis, seu inanitionem. *A sanguinis profluvio desipientia, aut convulsio, malum.* Rursus. *A purgatione immodica convulsio, aut singultus superveniens, malum.* Similiter. *Convulsio ab helleboro, lethalis.* Id ipsum. *A medicamento poto convulsio, mortifera.* Quae sane singula inanitionem corporis, aut vasorum sanguinis, seu universalem indicant. Idem etiam arguit, sed etiam magis nervos. *Propter vigiliam convulsio, aut desipientia, malum;* absumptio enim ingens spirituum, & siccitas nervorum singularis, sicut etiam partium omnium in nimia vigilia fit. *Ulterius. Si muliebri profluvio convulsio, & animi defectus superveniat, malo est.* Quin & Coacarum trigessimus inanitionem potest arguere; ait enim. *In febre convulsio, manuumque ac pedum dolores malignum quiddam praenunciant.* Dolores illi in summis partibus nervosis, & articulorum plenis acre quid, & liberum, absumto nempe humido, possunt arguere, quanquam & oppositum possit indicari, ut inferius. Sed multo clarius in Coacis. *Convulsio febris succedens periculum denunciat, minimum vero pueris.* Quoniam enim absumto humido superest calor, & quicquid mobile est, & acre liberum, & sui juris; in iis igitur corporibus minimum periculum afferet earum partium libertas, in quibus naturaliter plurimum humidi continetur, cujusmodi sunt pueri, eritque hujus loci convulsio producta a siccitate &c. humido absumto per febrim, quod tantum non evidenter arguit succedens textus. *Adultiores, & qui septimum annum exceßerunt convulsione in febre non prehendantur, alioqui periculum denunciat, quod explicari potest eo, quod calor sit fixior.* Sed uterque hic textus potest etiam ad repletionem pertinere, & in pueris quidem minoris erit periculi convulsio febris succedens, si

fiat illa ab humidi copia pueris naturali, adeoque non praeter naturam cumulata, quod secus accidet in adultioribus, & septimum annum excedentibus. Hoc manifestius. *Posidocreon quoque tertio die convulsione correptus est, calor non relinquebat, decimo octavo mortuus. Calor, inquit, non relinquebat, hinc siccitas, seu inanitio. Convulsiones cum febre acuta perniciem denunciant, & hoc nimii caloris, & siccitatis opus esse potest. Rursus perspicuum illud. Convulsiones autem ideo intus afferunt, quod calefactum corpus cutem vehementer tenuat, carnem vero minus cogunt, quam cursus, qui in orbem obeuntur, eandemque humore vacuant. Pariter ad inanitionem. In febribus spiritus offendens malo est, convulsionem enim significat. Quia tamen spiritus potest subsistere quasi impingens statim, ac musculi convelluntur, potest ejusmodi dictum referri etiam ad repletionem. Sed repletionem ipsam universalem arguunt clarius. Ab ileo vomitus, vel singultus, vel convulsio, vel delirium, malum; indicabit enim, materiam ilei vasa subire, & infarcire, vel si sit acrior, in motum agere spiritus, & convulsionem producere, qualem secundo loco in Comate Vigili exposuimus. Num tamen & hic textus ad inanitionem, si in ileo dolor adsit, aut inflammatio nimis exsiccans, atque absumens sanguinem, ac spiritus? *Febrim convulsioni supervenire melius est, quam febre convulsionem*; si enim illa fiat a repletionem, per motum febris curabitur solvendo: si vero febre convulsio succedat, res erit incerta, an a decubitu, an ex abundantia, an ab acrimonia, & vi proxime expositae naturae in praecedenti textu. Hujus aphorismi pars, & species sunt frequentes. *Spasmo, aut tetano vexato febris si acceperit, morbum solvit. Qui quartana corripuntur, non admodum convulsionibus tentantur: si vero prius tentati fuerint, superveniente quartana liberantur. In febre convulsio, manuumque, ac pedum dolores malignum quiddam praenunciant. Ait insuper Hippocrates. Si convulsio in vena facta sit, haec quidem per exordia dolorem excitat, & pulsat; progressu vero temporis sanguinem ad carnem transmittit, qui in carne putrescens in pus vertitur. Et inferius de venae convulsione loquens asseruit venas convulsas fieri varici similes, & concludit de ejusmodi convulsionibus: *Fiunt etiam convulsiones ex laboribus, ex casibus, ex plaga, & si quis onus majus tollat, & ex cursibus, ac luctu, & omnibus id genus. Quibus positis patet, primo,***

mo, hujusmodi convulsionem nihil aliud esse quam aneurismata: secundo, etiam in partibus moventibus fieri posse eodem modo, & iisdem de causis convulsionem, dummodo possint sinuli intravillos earum contenti in totidem velut aneurismata a materia repleta trudi. Sed & hoc evidens. *Convulsionem solvit febris acuta, quae prius non aderat, aut si prius adfuit, ingravescent: confert autem & urinae vitreae copiosus pertransitus, & alvi fluxus, & somnus: convulsionem autem derapente ortas febris solvit, & alvi fluxus.* Vides omnia comparata ad evacuationem, vel resolutionem, ut convulsi convalescant. *Vehementes faucium dolores, aurium tubercula, & convulsionem excitant, itemque cervicis, & faucium dolores.* In tuberculis materia, unde convulsio cum materia, seu repletionem, sed an non verius ad inanitionem per dolores absumentes & exsiccantes? *Quibus cum dentes erumpunt, alvus crebrius demittit, minus convulsione tentantur, quam quibus sic raro alvus subducitur: quibus in dentitione febris acuta accedit, ii raro convulsionibus tentantur: qui cum dentitione bene habito corpore permanent, gravi somno premuntur, periculum est, ne eos convulsio prehendat.* En pleni pueri, humiditatum, quas febris motu, & calore minuit, & subductio alvi: bona habitudo corporis, & somnus easdem augens. *Pueris convulsionem accidunt, si febris acuta fuerit, venter non deficiat, si vigilent, perterreantur, plorent assidue, & color immutetur, & ex viridi pallidus, aut lividus, aut rubor contrahatur: haec autem pueris quidem recens natis ad septimum usque annum promptissime eveniunt, at grandiores pueri, & viri non adeo per febres convulsionibus prehenduntur, nisi vehementissimum, & pessimum quoddam signum ex his, quae in phrenitide fieri solent, adfuerit.* Hunc textum conjunge cum superioribus duobus 356, & 357. Coacarum. Ad haec Hippocrates. *In nervorum distensionibus, & iis, quae in posteriorem partem sunt dissolutae maxillae, mortem afferunt, quin etiam lethale est in posteriorum partium distensione sudare, & corpus dissolvi, ac in eodem malo per nares removere, aut ubi per initia vox defecta fuit, clamare, & nugari, postridie enim adfuturam mortem significat.* Et ad hunc textum reduces eos alios, quos in succedentibus notabimus, nempe in primo Praedictorum textu 118., & in Coacis 313., ubi similiter plenitudo, aut inanitas. *Convulsione, aut corporis distensione vexato si febris superveniat, morbum solvit: similiterque si febre detentum convulsio prehende-*

rit,

Repletio,
& inanitio
ubique
de convul-
sione Hip-
pocrates,
sed non
nervorum.

Singultus
ab eadem
causa.

Stimulus
ut causa
convulsio-
nis, notus
forte
Hipp., sed
idem ad re-
pletionem
reducen-
dus.

*rit, febris eodem die, aut postero, aut tertio desinit, quod contingit ob materiae febrificae decubitus ad partes convulsas. Vides igitur, ubicunque convulsio per Hippocratem, ibi inanitionem, aut repletionem corporis, & vasorum sanguinis; sed ab his pendet inanitio & repletio nervorum, & musculorum; igitur illa posita nervi, & muscoli inaniantur, vel repleantur oportet, videsque nullibi ab Hippocrate sermonem habitum aut de inanitione, & repletionem solius generis nervosi, aut de inanitione, & repletionem tanquam causa proxima convulsione. Insuper ex locis ad singultum pertinentibus vides, ipsum loqui de singultu, qui fit per inanitionem, & repletionem, non qui per stimulum, & de illo proinde loquitur Aphorismo 39. Sect. 6. Notam tamen fuisse Hippocrati causam convulsione a stimulo petitam, deduci posset verosimiliter ex Aph. *Convulsio vulnere superveniens, lethalis*: quod idem repetitur in Coacis. *A vulnere convulsio, lethalis*. Stimulus enim vulneris majorem copiam liquidi per nervos deducit, quae potest esse tanta, ut musculus in continua contractione detineat. Quin adhuc clarius. *Nervus praecisus convulsionem facit, & ut minime coalescit, ita vehementer inflammatur*. Inflammatio acer est stimulus, unde in nervos prodeuntes a superiori parte nervi praecisi derivari potest maxima copia spirituum convulsionem producentium in partibus superioribus, in inferioribus vero convelli membrum poterit ad partes oppositas, ut inferius. Ex his igitur satis verosimiliter arguere possumus, stimulum etiam Hippocrati ut causam convulsione notum fuisse, nec esse, quod Galenus allaboret adjiciendam tertiam causam convulsione ab Hippocrate omissam, nempe stimulum, quo singultus etiam fit; de quo enim singultu ille locutus sit, patet superius, & stimulum ipsi fuisse notum, licet autem nec stimulum agnovisset Hippocrates, assero tamen, stimulum, quia stimulus est, non constituere tertiam causam proximam convulsione diversam a duabus aliis, sed stimulum esse causam remotam, qua producit repletio in parte, vel partibus, quae convelluntur, quod ex nostra doctrina stimulorum est evidens; stimulus enim facit, ut ad partem stimulatam derivetur copia liquidi naturali major, seu ut fiat repletio; quare stimulus in productione convulsione ad repletionem redigendus est, atque ex his omnibus abunde constat Hippocratis mens. Cum autem ab inanitione, & repletionem univer-*

fali inanitiones, & repletiones nervorum, & musculorum succedere necessario debeant, & diversis modis diversas affectiones in iis partibus producere, exponamus jam oportet, quid iis inanitionibus, & repletionibus insit ad convulsionem faciens, & primo ostendemus, verissimum esse, quod Galenus asserit, ac posse per calorem, & siccitatem quamlibet, per quamlibet humiditatem nervos breviores fieri, & cum id contingit, appensos musculos nervis cessuros, & convulsionem producendam. Sint enim ossa quaelibet ad articulationem in aequilibrio posita; musculi igitur contranitentes ex aequo in contractionem nitentur, adeoque quantulacunque vis alterutri ipsorum adjiciatur, ossa cedent ad ejus musculi partes, cui vis quantumvis minima additur. Intelligatur itaque nervus in alterutrum musculorum abiens quacunque de causa fieri siccior; fiet igitur etiam brevior, adeoque secum ducet appensum musculum minimae cuilibet facultati cedentem, cum sit in aequilibrio constitutus cum opposito: & siquidem per infartum humiditatis nervi contrahuntur, ut funiculi, id ipsum debere contingere, manifestum est; si vero laxantur, igitur laxato nervo alterutrius musculi contranitentis musculus, cujus nervus laxatur, minus nitetur in articulationem, adeoque musculus oppositus contrahetur, seu convellatur; cum autem nervus sit siccior, inanitur humido: cum humescit, impletur liquido; convulsio igitur a siccitate, & humiditate a Galeno exposita possibilis est. Affero jam insuper, hanc ipsam convulsionem in repletionem, aut inanitionem aliqua totius corporis necessariam esse. Primo etenim ita exhauriatur corpus liquido, ut intra vasa sanguinis pars siccior sola supersit: exsiccabuntur sane partes, & spiritus animales sicciores producentur, unde & ipsi siccitatem suorum canalium augebunt, qui proinde sicciores facti breviores etiam fient, & convulsio succedet, quod si cum siccitate sit conjunctus calor, validior erit siccitatis effectus, unde nervi contractio vehementior, & convulsio validior. Et talis convulsio forte illa est, quae nimiae

Convulsio
a siccitate,
vel humi-
ditate.

Ab evacuatione nimia
liquidi.

A frigore,

Siccitas
evidens in
corpore
multoties.

sculorum, & membranarum continetur, adeo rigidas easdem partes reddere potest, ut cuicunque etiam validae facultati flexionem molienti difficillime pareant. Notum id quibuscunque versatis in cadaverum tractatione, postquam a morte per longiusculum tempus dirigerunt; eorum enim partes deprehenduntur inflexiles, & quicquid humidi continetur inter fibras coagulatum occurrit in liquidum viscidius, cujusmodi coagulationem ne saliva quidem, & mucus narium effugere possunt, cum & utraque haec liquida a frigore mortis concresecant, & vel intra canales suos, vel extra ipsos ad emissaria ita coagulata reperiantur. Verum convulsionem a siccitate per evacuationes provenire posse arguit vel sitis ingens, & ariditas faucium, & partium omnium, quae a copiosioribus evacuationibus succedit, quae sane in nervis etiam habeatur oportet, unde contrahentur, & fiet convulsio per siccitatem. Sine evacuationibus autem, cui non notum in morbis plurimis, linguam, & fauces ita sicari, ut aeger ne loqui quidem possit, linguam introrsum retrahi, & videri quid torrefactum? Si igitur, quod in lingua non raro contingit, contingat in aliquo, vel omnibus nervis absumpta circa eos, vel non perducta humiditate, id ipsum debet accidere, nempe convulsio: & saepissime in cadaveribus hominum morbo aliquo confectorum occurrunt pulmones, quorum membranae internae, vel externae, vel utraeque adeo siccae sunt, ut cum divelluntur, aut secantur, sonent non secus, ac exsiccatae pelles: quemadmodum igitur pulmones aliquando tali siccitate laborant, laborare etiam eadem poterunt omnes, aut aliqui nervi, & convulsionem eo pacto producere. Et ridiculum prope est, quod urgent, tabe, marasmo, hectica laborantes tanta siccitate non affici, ut convelli possint, quanquam illa eorum siccitas sit summa; in ejusmodi enim morbis illa habitudo corporis extenuatio est, non siccitas, proveniens a dissolutione partium omnium, quam necessario sequitur diminutio molis, quod nemo sanae mentis non videt: & quod arguunt, nunquam reperiri tantam siccitatem in corpore, ut retrahere possit nervum cum appensis partibus, videant, quanti momenti sit in partibus aequilibratis, atque insuper quantae sit siccitatis lingua, & fauces in aliquibus morbis, & in aliis pulmones, ut exposuimus. Similiter convulsionem a frigore per nimiam evacuationem fieri posse, il-

lud

lud arguit, quod nimis evacuati languescunt, viribus deficiunt, pallent diluto pallore quasi cadavera, frigent, quae omnia indicant defectum caloris, & motus, & vim frigoris superantem. Contra contineatur in vasis sanguinis copia naturali major cujuscunque liquidi, quod intrudere se possit inter utramque particulam fibrillarum nervos componentium. Cum igitur liquidum hoc sit naturali quantitate majus, in majore etiam copia sive per externam, sive per internam superficiem, sive per utramque se insinuabit, adeoque nervum laxabit, vel contrahet, adeoque vel secum feret appensum musculum, vel contranitentem contrahi permittet, & convulsio per repletionem fiet juxta Galeni modum. Neque hinc orietur Paralysis, ut plurimi dubitant; permittetur enim interim influxus liquidi per nervos, & sanguinis, & villi erunt adhuc minus laxi, nedum sphacelo corrupti, unde deinde, ac postremo Paralysis, quae convulsioni succedet, ut Hippocrates, & Galenus, & Petrus Salius Diversus viderunt aliquando. Dolor similiter in his omnibus casibus poterit contingere, prout erit siccitas major, aut infartus humidi copiosior, & magis divellens, ut patet. Neque est quod dubites, musculum oppositum per imperium voluntatis debere impedire contractionem nervi statim ac animal animadvertit se in convulsionem venire; licet enim possit per assuetudinem in musculum contranitentem tanta copia liquidi derivari, ut sua vi superet quantumvis maximam vim contractionis in nervo: quia tamen illa contractio haberi non potest, quin nervus, qui contrahi supponitur, extendatur in longitudinem eodem tempore, quo contrahitur, seu sit brevior, inde necessario fieret, ut idem nervus a duabus oppositis partibus valide traheretur; nempe a vi muscoli deorsum, a vi nervum contrahente sursum, unde vehementer divelleretur, & acerrimus excitaretur doloris sensus, quem sane vitare, quantum poterit, studebit Animal, & convelli potius, quam divelli cum tanto dolore nervum permittet. Ex his igitur patet, quam apte de convulsione senserit Galenus ratione causae ab evacuatione, vel repletione pendens, si unicum excipias animadversione maxime dignum, nempe num per modos haec tenus expositos, licet haberi possit dimotio partium ab aequilibrio, & permanens earundem in aliquo situ post dimotionem, sit talis permanens cum tanta illa resistantia ad flexionem, quae

A copia naturalis liquidi.

Non Paralysis, sed haec succedere poterit convulsioni post aliquod tempus.

Dolor.

Nervi contractio non potest prohiberi a libero musculo contranitente.

tanquam essentialis supponitur in convulsione, cum ossa in hoc morbo tam immobiliter ad articulationes haerere debeant, ut difficillime, & vix valida adstantium opera dimoveri possint. Sed hoc alii viderint, quicquid enim ea de re sit, illud certe Galenus nimis jejune existimavit, convulsionem omnem non nisi a nervo proficisci posse, & per unicum hunc ipsum modum siccitatis, & humiditatis. His igitur jam expositis, quot aliis de causis, & in quibus aliis instrumentis operari possit convulsionis causa, exponamus. Frigus jam superius explanatum, ex quo vera convulsio, constans nempe contractio: in hoc tamen casu non est vera musculorum contractio, aut aliarum partium, sed vera partium immobilitas per congelationem hu-

A calore, vel
 Impetu.

A siccitate
 musculi.

Ab acrimo-
 nia non na-
 turali san-
 guinis, &
 spirituum.

A crassitie
 spirituum,
 & sanguinis.

midii. Sit autem non naturalis calor in corpore, vel absumto liquido per labores, curas, medicamenta &c., vel naturaliter cumulatus per victus rationem, aetatem, anni tempus, regionem &c.: non hic urgeo siccitatem, de qua superius agendum, sed illud animadverto, spiritus animales eo futuros vividiores, vel etiam simul copiosiores, unde impetus eorum major, & contractio musculorum perpetua per subitam irruptionem intra villos, antequam iidem prorsus restituantur, ut in Comate Vigili exposuimus, eritque convulsio ab impetu spirituum. Simili de causa poterit, ac debet produci convulsio a siccitate musculi ibidem exposita, si ejusdem musculi villi nimis exaruerint, & etiam si spiritus sint naturales, post aliquot flexiones, & restitutiones demum ab ultima contractione restitui non possint. Quaelibet ex his convulsionibus erit inanitio. Sit insuper sanguis ita vitiat, ut humores quoslibet producat acriores, licet naturalem copiam humidi contineat, spiritus tum similiter acriores producentur, tenuiores, mobiliore, impetus, & nisus majoris in emissaria nervorum intra villos, adeoque, ut mox expositum, in perpetua contractione eosdem detinebunt, unde alio de nomine convulsio. Contra, vigeant in sanguine humores lenti, crassi, frigidi, qualis pituita, & viscida quaelibet; spiritus igitur crassiores, minorisque impetus producentur, adeoque facilius subsistent intra nervos, eosdemque proinde magis extrorsum urgebunt, & in contractionem aliquam deducunt, & saltem principium convulsionis per contractionem nervi parient. At vero deducti in musculos, sicut etiam sanguis crassior rarefcent quidem, aut

se subito effundent quaquaversum cum impetu, sed propter crassitiem partium, ex quibus componuntur, aut continetur, non poterit universa earum moles expirare per poros villorum, imo portio crassior intra eosdem villos subsistet, unde ex toto restitui non poterunt, & musculus in aliquo gradu contractionis persistet. Fiat jam secunda contractio per confluum, & effusionem eorundem liquidorum; pars igitur subtilior expirabit, reliquum crassius intra villos subsistet, unde minus, quam in prima contractione, restituentur, & persistet musculus in majori contractionis gradu, & repetitis pluribus contractionibus cum restitutione magis, ac magis semper imminuta fiet demum, ut nihil spiritus, & sanguinis possit ulterius influere, quo in casu erit musculus in contractione perfecta, quae pendebit ab infartu humoris crassi intra musculos co-derivati per nervos, & arterias: & idem infartus fieri poterit non solum per successivas contractiones, ut expositum est, verum etiam si sint humores crassiores, & frigidiores absque spiritibus, vel si spiritus sint iisdem humoribus nimis implicati, & fixi, iique humores influant, & coacerventur intra villos absque ulla contractione antecedente, aut spirituum expansione. Hujus autem generis convulsio, si diutius protrahatur, facili poterit in Paralysem facessere dissoluto demum villo per coacervationem illius humoris, eoque facilius, quod tanta humorum crassorum colluvies erit etiam conjuncta cum infartu membranarum ab iisdem humoribus, unde facilitas in Paralysem major. Hae convulsiones erunt similiter repletiones, ut patet, atque in his salutares erunt supervenientes febres, dejectiones alvi, urinae &c., quae in textibus Hippocratis proponuntur, sicut etiam exitialia, quae inibi exposita sunt, & ultro ex his patent. Insuper sint spiritus, sit sanguis naturalis constitutionis, sed villi musculorum quacunque de causa callo, vulnere, pressione, mala conformatione, & hujusmodi sint duriores, ac densioris texture, illi igitur difficilius flecti poterunt, & difficilius expirare partes resolutae per rarefactionem, unde intra villos colligentur, ac demum producent convulsionem irreparabilem, nisi tollatur illa durities, & densitas, & haec erit similiter convulsio a repletionem sinuum a materia subsistente, & inanitione, aut repletionem membranarum a materia duritiem, & densitatem producente. Ulterius animadvertendum

Ab infartu humoris intra villos musculorum, & ab hac facile

Paralysis,

Febres salutares &c. in textibus supra expositis salutaria, vel exitialia.
A duritie, & densitate villorum.

A Paralyfi.

est, ne quod convulsionem aliquando existimamus, sit quidem tale quiddam, quatenus conjunctum est cum constanti, & valida immobilitate partis, non tamen vera convulsio, sed Paralysis oppositi musculi, quo non contranitente musculus alter in suam contractionem veniat, partesque in perpetua immobilitate detineat, vel quia tam frequenter contrahatur, ut vices ipsius sensu percipi non possint, vel quia re vera in perpetua contractione persistat. Frequentius autem contrahi, vel

**A derivatio-
ne liquidi
copiosioris
ex altero
musculo-
rum contra-
nitentium.**

in perpetua contractione persistere poterit etiam naturaliter se habentibus reliquis omnibus, si Paralysis musculi contranitentis pendeat ab obstructione nervi in ipsum abeuntis, ita ut universum ipsius liquidum in musculum oppositum derivetur, tunc enim aucta quantitas majoris erit nisus ad emissarium, & influet in musculum, antequam restituatur, unde ipsius perpetua contractio. Quoniam autem haec singula contingant

**In convul-
sione sensu-
um, & men-
tis nulla
laesio.**

oportet sine laesione sensuum internorum, & externorum; neque enim habent haec quicquam necessariae connexionis cum qualibet offensione cerebri, hinc in vera convulsione nulla

**A pressione
cerebri.**

sensuum, & mentis laesio. Cum vero vasis sanguinis magis infartis oporteat, ut arteriae cerebri magis infarciantur, & cerebrum proinde magis prematur, dari poterit convulsio praecipue ab infartu, quae promoveatur a pressione cerebri, quatenus per hanc truditur in musculos copia major crassorum spirituum infarcientium eorum sinus: in hoc autem genere convulsionum vix fieri poterit, ut non adsit quaedam minor vividitas in sensibus, motibus, & mente, & veluti quidam torpor, aut torporis rudimentum, ut ex Doctrina motuum, & sensuum patet. Pro diversitate autem convulsionum, &

**In haecor-
por qui-
dam.**

solutionum in humoribus, qui in eadem convulsione contingunt, & motu materiae ex nervis, & musculis in vasa sanguinis, vel ex his in eas partes, vel ejusdem quiete in utrisque, aut alterutris fient mutationes colorum, calores, refrigerationes, urinae laudabiles, crudae, suppressae, detentae, nullae, paucae &c. cum aliis superius propositis, quae explicatu facillima sunt. Nemo est, qui spasmus physodem in se ipso

**In reliquis
coleres va-
rii, calor,
frigus, uri-
na bona,
prava, co-
cta, cruda,
&c.**

**A situ in-
commodo
a quo**

non sit expertus: nos enim singuli, si diutius crura ex. gr. in situ aliquo minus apto, ac naturali immobilia detineantur, moveri minime possumus, cum mox necessitas, aut voluntas exigit, ut moveamur, ac tum facile ad motus potentiam redu-

cimur, si pes valide solo illidatur, quod dum fit, per cruris longitudinem excurrere quiddam sentimus frigidum, imo frigidissimum aliquando, atque per tenuissimum quasi filum dilabens quasi rependo, aliquando quid simile calidiusculum, aut calidius, aliquando modo frigidum, mox calidum, & e converso. Quoniam itaque canales sanguinis, & nervorum apte patent, cum in naturali positu detinentur; partibus igitur non naturaliter complicatis, superimpositis, detorte nimis inflexis, & hujusmodi, iidem canales aut penitus, aut ex parte occludentur, unde in musculos liquida non derivabuntur, sed subsistent ad locum occlusionis, ubi magis trudendo extrorsum canalis latera validiorem occlusionem reddent, & quo diutius persistet pars in eo naturali positu, eo major fiet occlusio, ac validior, & depositio copiosior. Partes itaque suis humoribus destitutae in torporem, aut stuporem venient, non autem in convulsionem, qui stupor tolletur derivando liquida ad partes, hoc est, discludendo canales. Cum igitur hi validius occlusi supponantur, discludi non poterunt, nisi vis aliqua major adhibeatur, iisque disclusis quae substiterant deorsum fluent, & prout plus minus substiterant, & plus minus refrigerata fuerant, & prout partes frigidiores, aut tepidiores primo excurrunt, excitabitur sensus frigoris, caloris, aut utriusque per vices quasi intime per crus repentis, unde adacto violentius in terram pede, conciliari tantum impetus poterit liquidis subsistentibus, ut ipsa possint concepto impetu superare resistantiam occlusionis, adeoque canales discludere, & per eos sese agere, & sensum caloris, aut frigoris, aut utriusque per vices parere: sic liquida in angustissimis canaliculis subsistentia sola eorundem canaliculorum succussione valida in fluxum agimus, & ad usque emissaria eorundem perducimus. Et sane spasmus physodem non esse convulsionem, vel ex hoc ipso patet, quod pedem movere, imo validius solo allidere possumus ad arbitrium, quod convulsioni repugnat. Quia vero arteriae impetu instructae sunt, adeoque difficilius premi ad usque occlusionem poterunt a distorsione partium, nervi autem ex molli substantia, & nullius impetus facile comprimuntur; in his igitur pressionem excipi vero similis videtur, unde iisdem disclusis tenuis ille quasi per filum excursus rei frigidae, vel calidae per longitudinem cruris respondens exilitati nervorum.

Non convulsio, sed torpor, & stupor, nec

Flatu pro-
veniens.

Torpor igitur, & stupor est spasmus physodes, non convulsio, & inane commentum est status, a quo flatulenta convulsio hic spasmus dicitur. Postremo, quoniam vulnus, contusio, praecisio nervi, inflammatio, & si quae sunt huiusmodi convulsionem producentia, cum dolore etiam necessario conjuncta sunt, dolor autem est stimulus quidam, & quidem vehemens, per stimulos vero fit refluxus vividus, & celer, adeoque copiosus liquidus per nervos, ex copia autem perpetua contractio;

ab iis igitur singulis proveniens convulsio fieri necessario debet ratione solius stimuli: inflammatio autem illud insuper habebit adjunctum, calorem nempe vividum, quae proinde si proxima sit nervo, vel ad contactum ejus, vel in ipso (ut in praecisione ex Hippocrate) calefaciet spiritus refluentes, eosque magis mobiles, ac citus influentes reddet, atque insuper absumet humidum, unde saltem nervum exsiccabit, & produceretur convulsio gravior a stimulo, calore spirituum, & siccitate nervorum simul proveniens. Hoc ipsum de punctione nervi dicendum esse pater. Quae sunt summa, & praecipua capita causarum convulsiones producentium, ex quibus locorum omnium Hippocratis facillima explicatio patet, atque insuper patet, convulsiones dari posse, quae a pluribus ex his causis simul pendeant, easque esse graviiores, periculosiores, & magis contumaces. Est itaque convulsio constans immobilitas partium salva mente, & sensibus a calore, frigore, &c. proveniens, quae siccet spiritus, nervos, aut musculos calefaciat, infarciat, stimulet &c. cum iis omnibus, quae superius exposuimus. Quae si contingat in musculis colli, caput, & crura, & brachia ad anteriora moventibus, & flectentibus, ita ut animal cogatur ad anteriora se ipsum intorquere capite ad pectus delato, & cruribus eorsum adductis, quales dormientes canes, aut feles, dicitur Emprosthotonos:

Eadem in
punctione
nervi.

Quid sit
convulsio.

Emprostho-
tonos.

Opi-
sthotono-
nos.
Tetanos, &
hicteriam a
validiore
compressio-
ne cerebri,
& spinalis
medullae,
vel spiri-
tuum vivi-
diori natu-
ra.

si vero in musculis retrorsum easdem partes moventibus, Opi-
sthotonos: si in utrisque, Tetanos, in quo neutram in partem
movere se potest animal, quasi rigidum esset, atque ex soli-
do, & unico osse: qui sane Tetanus etsi produci potest sin-
gulis de causis superius expositis, non tamen omittendum est,
oriri etiam posse a validiore compressione, & aequabili per to-
tum cerebrum, ac spinalem medullam diffusa, qua fiat, ut in
nervos omnes liquidum naturali quantitate majus, sed ipsi pro-
por-

portione respondens derivetur, unde majori nisu urgeat emissaria, & prius influat, quam villi restituantur, unde contractio perpetua. Hoc ipsum accidere poterit, si spiritus generentur natura vividiores, & juxta naturae leges per omnes nervos effundantur. Atque ita quidem nuncupantur convulsionibus magis universales, & ipsa corpus universum affligens Tetanus, sed & particulares aliquot suis nominibus distinguuntur. In musculis oculorum motoribus, Strabismus: mandibularum, & temporum, Trismus: labiorum ad alterutram solum partem Spasmus Cynicus, Convulsio canina, & Oris tortura: ad utramque partem, Rismus Sardonicus: musculorum penis, Satyriasis, vel Priapismus. Nec aliae sunt in usu appellationes, quibus aliorum musculorum particulares convulsionibus, seu perpetuae contractiones, & immobilitates in singulis partibus exprimitur.

Strabismus,
Trismus,
Spasmus
cynicus,
Convulsio
canina,
Oris tortura.
Rismus
Sardonicus,
Satyriasis,
vel Priapismus.

Quoniam vero motus convulsivus nihil aliud est, quam involuntaria musculorum contractio; imo vero quae ne per voluntatem quidem cohiberi possit, & est non raro sine mentis, & sensuum laesione; in his igitur affectionibus motu convulsivi cum vera convulsione convenient, & propterea, nisi obstet aliquid aliud ab iisdem causis, a quibus vera convulsio, provenient. Cum vero convulsio a convulsivis motibus in eo differat, quod illa perpetua, & nunquam cessans musculorum contractio est, hi vero contractionis alternae, patet, convulsivos motus ab iisdem convulsionis causis debere proficisci hoc solum discrimine, quod in convulsione causa sit constans, & nunquam ab effectu desistens, in convulsivis autem motibus ab effectu desistens alterne, seu vicens, & operans solum per vices: nec captu, aut explicatu difficile est, quomodo haec alternatio haberi possit, cum affluxus materiae, vel ejusdem expulsio alterna esse possit per majora aut minora temporis intervalla, prout illa est magis copiosa, aut minus crassa, tenuis, villi fortiores, debiliores &c. Non igitur motus convulsivi semper a stimulo, humoribus nempe acerbis vellicantibus, & hujusmodi, sed etiam ab humoribus frigidis, torpidis, crassis &c. per intervalla in instrumenta motuum decumbentibus, ac tum quidem salva esse poterit mentis, & sensuum vis, nisi humores ejusmodi quocunque de causa a cerebro proveniant. Quia tamen plerumque in his motibus illa laeditur, frequentior

Motus convulsivi.

Ab iisdem causis ac convulsio, sed per vices operantibus, unde non semper a stimulo.

A frigidis
& crassis.

A calidis &
tenuibus.

Utraque ex-
terna ner-
vis, vel in-
terna.

A stimulo
quando, &
quo modo
minus apte
id exposi-
tum com-
muniter.

Pulsus
chordosus,
seu jectiga-
tio.

causa motuum convulsivorum erit, quae sensus, & mentem laedere potest. Laeduntur autem haec facultates vel in stuporem, vel in actus vividiores redactae: stupor a valida pressione cerebri, crassitie spirituum, humefactione partium nempe ab humoribus frigidis, & crassis: actus vividiores a spiritibus mobilioribus, solutis, incerti motus, quaquaversum divagantibus, incerto, & majori cum impetu, nempe ab humoribus acribus, calidis, vellicantibus, stimulantibus. Utraque haec, tam frigida scilicet, quam calida vel sunt intra nervos, vel exterius eosdem tangunt, & perinde se res habebit, quomodo-cunque sit, nisi quod calida, & vellicantia ad nervos extrinsece perducta mentem turbant in refluxum agendo spiritus caeteroquin naturales, & Animal in motus convulsivos venit partim necessitate refluxus ex stimulo, partim voluntate, & nisi molestum illud stimulans expellendi. Cum vero eadem sunt intra nervos, ex se ipsis per copiam, vel impetum etiam absque refluxu, & voluntate animalis, imo etiam ipso repugnante, & nihil stimuli percipiente motus convulsivos producent. Ex quibus patet, nec bene communiter asseri motus convulsivos semper a stimulo pendere, primo cum dentur perfrigida, & hebetissima: secundo, cum motus convulsivi etiam violentissimi dari possint, ac debeant absque sensu vellicationis: ac demum, quoniam haec ipsa vellicatio habere potest originem ab iisdem spiritibus, non vero ab aliquo extrinsece stimulante, quod unicum communiter supponitur, cum tamen ab ipso non tanquam ab unica causa pendeant convulsivi motus, sed per extrinsecum illud stimulans sit singularis quidam, ac certus modus eosdem producendi. Ex his autem omnibus patet, cur inter praecedentia aut convulsionis, aut motuum convulsivorum sit pulsus chordosus, seu jectigatio, qui sane pulsus non est, ut Galenus asserit, tensio quaedam, ac vibratio propter viciniam nervi mox in convulsionem venturi, quasi ipsius tensio, & vibratio etiam arteriae ad contactum positae communicetur, sed ut patet ejusmodi pulsus observantibus, in uno digiti loco percipitur pulsus, in alio satis remoto jectigatio, quae manifeste dignoscitur, ut motus convulsivus debiliior, seu convulsionis initium: qui sane motus satis erit periculosus, nisi indicet convulsionem, aut motum convulsivum musculi solum circa carpum casu aliquo contingere; secus enim erit indicio,

mu-

musculos omnes convulsione corripiendos, vel motibus convulsivis tentandos. Reliqua ex Hippocrate proposita ex nostra hac convulsione expositione abunde patent, nisi quod quae desiderari possent ad singulum pertinentia, repetenda sunt ex Propositione decima secundae partis nostrae Respirationis, in qua singultus distincte explicatur, & ipsum esse motum convulsivum musculi succingentis ventriculum ostendimus.

Datur ulterius quaedam motuum convulsivorum species in universo corpore & in morbis, & in statu sanitatis: quae nihil aliud sunt, quam leviores, aut graviore musculorum omnium concussiones, vel eorundem rarior, frequentior, debilior, validior tremor. Hae in febribus praecipue intermittentibus ad earum potissimum paroxysmos contingunt, sicut etiam ad quodlibet frigus intensus, aliisque diversis, ut inferius, & nomine horroris, (qui idem etiam horripilatio dicitur Apulejo) vel rigoris veniunt, & horror minus vehemens tremor est, rigor autem concussio major. Quia vero etsi apud Medicos multa super his verba infarciuntur, nemo tamen est, qui rationem, ac necessarium earum concussionum modum explicet, & reest caeteroqui momenti maximi, & secum habet conjuncta mille sane prodigiosa, seorsim de his agemus aliquanto distinctius, ut res ex sua necessitate plane pateat, de frigore prius aliqua explicantes, quae ad eosdem motus pertinent.

HORROR, ET RIGOR.

Prodigiosa sane videri possunt, quae in horrore, & rigore contingunt; motus enim ejusmodi excitantur in musculis a sensu rei impense frigidae, sed e contra eadem concussiones cum sensu frigoris excitantur non raro per speciem rei nihil cum frigore communionis habentis. Sic in febribus cum frigore paroxysmi, & perfrigeratione corporis conjungitur concussio cum sensu frigoris intensi, ac molesti, in quibus tamen non raro concussio praecedit summum gradum frigoris, ad quem sensim provehitur. Sic affusa frigida praecipue nihil tale expectantibus sensum quandam frigoris per varias partes vagum cum majori, aut minori corporis totius, aut earundem partium concussione producit, sed hanc ipsam cum eodem sensu vagantis refrigerii, imo rigoris excitant immatura quaelibet,

dum manduntur, praecipue vero magis styptica, & austera, forba, mēspila, pruna sylvestria, acria etiam, & quae stuporem dentium producant. Ac tam affusio frigidae, quam horum sapor sensum illum, & concussionem movent in puncto temporis, & pariter in puncto temporis producitur similis sensus, similisque concussio saepissime, postquam urinam reddidimus, imo etiam cum illa exitum tentans vi supprimitur, neque effluere permittitur, in utroque enim casu, & in primo quidem ad foramen summi penis extra corpus patens post mictum percipitur quidam acer stimulus, post quem subito corpus totum concutitur cum subito rigoris sensu per ipsum: in secundo vero idem acer stimulus percipitur ad radicem penis, post quem statim affectiones eadem corripunt. Sed illud etiam magis admirabile audito sono aeris, vel orichalci, quem edunt, dum torno poliuntur, & sub scalpro acute strident. vel duorum quorumlibet metallicorum, quorum alterum in aciem desinens ad alterius superficiem valide, & celerrime agitatam sit, stupent dentes non minus, quam cum immatura illa manduntur, & succedit concussio similis cum perceptione rigoris. Haec autem ut in puncto temporis producantur, sic brevissimo temporis spatio persistunt, & ex se ipsis evanescent. Denique nemini ignotum, per frigus vehementius hyemis, nivis, aut glaciei tremere unumquemque nostrum, & valide, ac diu concuti, quousque urget frigoris vis. Et minus admirabilis videri posset concussio a frigore hyemis, & sensus acrioris frigoris, quo tempore concutimur, sicut eadem in febrium paroxysmis; sunt enim illa paulatim, ac per longum tempus protrahuntur, quasi sensim vincatur calor corporis, ac demum ex toto superetur: at paulum frigidae affusum cuti vigente motu sanguinis calore vivido vividum sensum frigoris producere cum concussione per corpus, atque illud in puncto temporis, quam difficile captu est? sed quanto difficilius a saporibus in puncto similiter temporis in ipso vegeto caloris statu eadem excitari, quam admirabile a sonis, quam incredibile ab exclusione, vel suppressione urinarum! neque enim admirationem movet solum subita excitatio, aut sensus frigoris a minime frigidis, imo toto coelo a frigore diversis, ut soni, ut sapes, ut urina sunt, sed quod praesente calore, neque praesente solum, sed incurrente in nervos, sed nitente in eosdem,

& nitente, quanto majori impetu potest, excitetur ille sensus, atque illa concussio, quo tempore nervi tremere debere viderentur tremore calidi urgentis, cum tamen res contraria plane ratione contingat, & sensus frigoris in medio calore percipiatur. Et sane nemo rem prodigio similem satis admirabitur. Itaque ut rei singularis causa, quantum per nos licet, necessaria deducatur, ad fluxus & refluxus liquidi intra nervos confugiendum est, ex quibus pendunt haec omnia, & ad quasdam certissimas affectiones a natura frigoris provenientes. Hinc igitur exordiamur oportet. Frigore constringi quae liquida, quae solida nostri corporis, satis cuique notum est, & nos superius convulsionem a frigore deduximus per coagulationem liquidorum, & rigorem villorum, & ulterius res confirmari ex eo potest, quod diutius glacie, aut nive tractata intumescit manus, & vivide calescit non sine sensu doloris extendentis: rubet primo, inde livescit, argumento certissimo, vi frigoris constrictas venas, atque inde prohiberi refluxum sanguinis, qui cum coagulari non possit propter continuum affluxum novi sanguinis ex arteriis, partes calidae implicari, & cohiberi intra gelu nequeunt, neque subito expirare per densitatem pellium, & summae crustae sanguinis prope cutem, unde calor cum dolore extendente, tumor, rubor, ac livor, postquam plurimum sanguinis confluit. Ex quo facto vides insuper, rei superius propositae difficultatem augeri, cum in hoc casu non solum in medio calore non excitetur frigoris sensus, sed e contra in medio, & intenso frigore a praesente, sed quasi immobili sanguine calor insignis percipiatur. Est igitur frigus quodlibet, atque illud intensius ad aliquem nervum si ve per hyemem si ve per viciniam nivis, aut glaciei, si ve per affusionem frigidae, si ve per vim febris corripientis; constringetur ille nervus, fietque durior, ac densior, tensus, & crassior. Erit igitur velut inflexilis, & undis concipiendis a quolibet impetu ineptus, unde si vis frigoris sit tanta, ut major sit tensio, ac durities ab eadem in nervo proveniens, quamvis a quantolibet circumposito, & quantumvis in nervum nitente calido, nullus caloris sensus, sed frigoris, & quidem subitus, & cujuscunque gradus producet. Admirabile dictu prima fronte, sed si ad deliria respicias, ad profundas meditationes, ad aberrationes mentis, in quibus etsi mille vividissima sensibus,

atque animo obverfantur, quia tamen nervi velut obduruerunt in unicam flexionem delirii, meditationis profundae &c. nervi inflecti a nullis aliis speciebus possunt, sed per lubricum singulae quaelibet dilabuntur ad usque flexionem permanentem, & nihil est, quod non idem videatur deliro cogitanti &c. Cum igitur hoc ipsum contingere debeat, in quocunque casu fiat, ut nervus vel unico, sed vividissimo tremore tremat, vel nullo tremore tremere possit; si igitur supponatur nervus vel unico frigoris, eoque vividissimo tremore tremere, si frigus velis positivum quid, vel nullo tremat, & nullo tremere possit, si sensum frigoris privationem tremoris velis, manifestum est, calorem sentiri non posse, etiamsi idem calor nervum ita afficiat, quoties ejusdem nervi constrictio a frigore proveniens nervum reddit inflexilem. Supponatur itaque intensum illud frigus ad summum aliquem digitum; ibi igitur fiet constrictio valida nervi, adeoque introrsum movebitur cum impetu, & contentum liquidum extrudet sursum, deorsum, seu in refluxum aget quaquaversum, unde excitabitur sensus frigoris in summo digito, atque ad eandem partem etiam liquidum nervorum evadet aliquanto crassius, constrictum similiter a frigore, sed propter motum refluxus coagulari plane non poterit: semiconcreta tamen pars frigus suum communicabit proximae, atque ita deinceps ex ordine, sicut etiam prima pars nervi frigidam reddet succedentem, eoque facilius, quod liquidum contentum in succedenti frigidum est, & semiconcrescit, & id ipsum fiet in omnibus ex ordine succedentibus partibus nervi per totam longitudinem ejus ad usque cerebrum, adeoque ad singulas nervi sectiones orietur tremor novi, ac succedentis frigoris per totam nervi longitudinem, seu singulas ejus ex ordine succedentes partes, quas cum per assuetudinem bene distinguere noverimus, nempe quae sint primae, quae mediae, quae summae, atque inter has comprehensae quaelibet, & successive ad earum singulas novus, & successivus frigoris tremor producat, pronunciabimus, atque ita sane se res habebit, frigus per totam partis, aut nervi longitudinem ascendere ad usque caput aquae frigidae allabentis, vel aerae frigidioris ascendentis instar, quae etiam huc illuc divagabitur, prout major ille nervus, huc illuc ad partes varias sese diffundit. Quia vero haec tremorum successio fit tantum non in puncto tem-

poris, in puncto pariter temporis sensus ille continget. Postquam autem nervus totus constrictus fuerit ad usque cerebrum, vis frigoris, sese exeret ulterius per cerebrum ipsum, ac spiritus in ipso contentos, unde cerebrum totum constringetur, & spiritus, seu potius lympa eorum vehiculum crassescet: & quia interim spiritus per nervum frigore affectum refluent in cerebrum toto impetu constrictionis nervi, & cerebrum ipsum pariter contractius est, nempe validius nititur in spiritus; tam igitur spiritus refluentes, quam effluxuri e cerebro a duabus velut oppositis facultatibus prementur valide, adeoque nulla lege huc illuc derivabuntur in nervos reliquos universi corporis, per quod proinde totum excitabunt intensi frigoris sensum, & nullo ordine musculos contrahent, & cum liquidum nervorum factum sit crassius; igitur ex ipso pauciores exprimentur spiritus, unde musculorum motus, aut nismus, debiliores quidem, sed in impeditis a motu frequentioris nismus, in non impeditis frequentioris contractionis propter vim validam, quae a cerebro exprimentur. Quia insuper etiam cerebrum tensum est, nec nisi tremore frigoris tremore valens; per eum igitur diffluxum spirituum perturbatum nulla species excitabitur apta moderandis motibus musculorum, aut sistendis; quare ii movebuntur, ut fert necessitas illius derivationis, cum arbitrium, aut assuetudo non valeat novum impetum conciliare, vel alio divertere nervorum liquidum ipsis nervis rigentibus. Affero igitur, jam in hoc casu refluxuros spiritus, seu derivandos in musculos natura facilius mobiles, & quibus movendis saepius assuevimus, & qui saepius, ac facilius in usum veniunt, quod evidens est; in hos enim musculos abeuntes nervi patentiores sint oportet, & trajiciendis spiritibus fere per quamcunque inclinationem dispositi, cum per mille differentes species eosdem moveamus, hoc est, per mille inclinationes liquidum deriveamus, unde majorem copiam liquidi in dato tempore per ipsos, quam per reliquos trajiciemus, ex quo fit amplitudo immissarii major, seu major derivationis facilitas. Ex his autem assero secundo, fieri, ut Animal moveri debeat motu concussivo, seu tremulo musculorum, & in easdem semper partes, ad quas facilius est motus vel per naturam, vel per assuetudinem, & quia omnes assuescimus facile, ac subito iis motibus, qui natura sunt faciliores, natura autem faciliores sunt antrosum, ac re-

tror-

trorsum, non ad latera; hinc alterne contrahendos illos praecipue musculos, qui artus movent sursum, ac deorsum, non qui ad latera, multo minus qui circumagunt. Et primo, quoniam universa moles femoris, & brachii nititur in suam articulationem, nempe introrsum, seu versus centrum gravitatis totius corporis: ex mechanicis igitur utraeque illae partes iis motibus minus resistent, per quos ab eodem centro, vel linea directionis ejus minus removentur, minus autem removentur ab illa linea, cum antrorsum, aut retrorsum ducuntur, quam cum extrorsum ad latera, ut patet; illae igitur partes in motum antrorsum, ac retrorsum facilius natura venient, quam in motus extrorsum, & ad latera. Itaque motus ille sursum, ac deorsum faciliior tam in manu, quam in brachio. Non multum dispar ratio est de capite, ac spina, quarum utraque quam difficile movetur per latera ossium articulationem prohibente, quam facile antrorsum, ac retrorsum. Maxilla inferior & pondere, & assuetudine, & usu continuo, ac necessitate diductionis oris in cibo assumendo, in locutione, in respiratione deorsum, ac sursum agitur potius, quam per latera, quibus etiam adde articulationis modum haec ipsa exigentem. Adde his, quod cum brachium, & femur possint quidem vi quacunque extrorsum per latus agi, non tamen eadem restitui introrsum, ne valide impingant in pectus, aut femur oppositum difficulter, & magna attentione moderandum illum impetum restitutionis, quod in perturbato refluxu spirituum, & nulla vigente specie regiminis in intenso frigore contingere non potest. Igitur, siquidem ostenderimus, per ejusmodi derivationem non motum tonicum debere succedere, sed motum alternum etiam musculorum contranitentium, rem ex toto confecerimus. Quoniam igitur est refluxus perturbatus sine ullius speciei regimine; igitur non in apta ad motum tonicum, seu aequalem contranitum quantitate in nervos musculorum contranitentium derivabitur, & derivatur alterne; igitur ille musculus contrahetur validius, in quem copia major liquidi derivatur, nec alter contranitens contrahetur, quousque ille restitutus sit, unde tremor: cum vero cerebri constrictio perseveret eadem, postquam eadem derivatio semel, aut iterum, aut pluries peracta fuerit, efformabitur veluti quaedam assuetudo, per quam semper eodem modo duceretur derivatio illa caeteroquin perturbata, & tremor

mor idem persistet. Non tamen inde credas, nihil derivari etiam in musculos per latera moventes, imo derivari potest quantumvis copiosum, quod tamen tremorem antrorsum ac retrorsum non permutabit, sed aliquantum obliquum reddet. Quoniam enim & ejusmodi musculorum nervi patent, & diffusus sit quaquaversum; etiam igitur in ipsos liquidum derivabitur, sed in minori quantitate, unde contrahentur musculi, ut poterunt, trahendo ossa per latera: trahuntur autem interim validius antrorsum, aut retrorsum; igitur idem os a duabus facultatibus non oppositis, sed ad rectum angulum per suas directiones concurrentibus trahitur eodem tempore, quare movebitur per lineam, quae sit inter utramque directionem media, & directioni validioris facultatis magis proxima, nempe ad anteriora, aut posteriora aliquantum oblique. Ita autem constituto cerebro & nervis, minor etiam quantitas spirituum ad cor derivabitur, unde pulsus ejus minor, vis sanguinis per arterias minor, adeoque lentus motus, sed & ad piam matrem per frigus cerebri quasi concrescit in tenuissimis filamentis arteriolarum; igitur minor derivatio materiae pro spiritibus, unde successive minor generatio, & pulsus cordis, & fluxus sanguinis magis lentus, adeoque non fiet intrusio novi sanguinis, qualis in manu tractata nive, vel inflammatione systrophica, erysipelatode, vel phlogosi, sed dabitur quies sanguinis fere sine novo affluxu, & frigus ejusdem cum colore fusco, ut in contusionum, vel percussionum vibicibus, in quibus sanguis stagnans sine novi sanguinis affluxu livescit, nec calet. Cum autem decumbimus, ipse lecti contactus motum per latera multo difficiliorem reddit; superanda enim est ejus contactus resistentia per totam illam quamvis exiguam amplitudinem, per quam ad contactum lecti duceretur, ac reduceretur pars in tremore, cum e contra sursum ac deorsum non solum non sit eadem superanda, sed adjumento sit, ut vim majorem exerat ad alterutram partem propter eandem resistentiam, quemadmodum pulvis in tormentis bellicis vim maximam per emissarium exerit ab obice resistentis fundi, ut patet. Ex his vides, cur per voluntatem sistere nequeamus hujusmodi concussiones, & facile patent, quae ad horrorem, ac rigorem febrium pertinent. Sed de his etiam suo loco speciatim. Si vero circa, vel intra musculos sita sit facultas aliqua quemlibet sensum excitare apta,

quae si non in tremorem agere nervos, saltem suo appulsu validius introrsum trumat nervum jam eo nitentem per constrictionem a frigore, tum sensus frigoris fiet acrior cum quodam sensu, quem explicare nescimus, nisi per quid irritans, dolens, pungens, stimulans, vel quid simile: nervo autem magis introrsum acto fit derivatio in eundem musculum copiosior, & crebrior; tum igitur dabitur crebrior tremor, & vehementior, & per frigus, & per quid irritans, quae ad febres etiam faciunt.

Esto jam sive sapor, sive sonus, sive urina, seu quidvis aliud, nervos non quidem constringens, densans, aut crassiores, & duriores faciens, sed in tremorem tam vividum ipsos agens, ut caloris impetum eludant, & quasi dixerim, ipsum excutiant, erit jam haec nervorum constitutio plane eadem, ac in delirantibus, & esset delirium plane, si per diuturnum tempus produceretur, & semper eadem conservaretur, & erit tremor ille compositus ex tremore soni acute stridentis, vel saporis styptici, vel caeterorum, & privatione tremoris a calore provenientis, seu conjunctus cum sensu frigoris, & fiet in puncto temporis, in puncto temporis evanescet, nisi tremor conservetur ab externa specie rursus impressa: erunt refluxus vividi, derivationes proinde perturbatae &c., quae superius. Non tamen pulsus parvus, nec debilis tremor, imo cum non constringatur cerebrum, nec coaguletur liquidum, vis erit insignis, & pulsus validus, & cum species sit recens, & in motu consistat, non autem in inflexilitate, & duritie nervi, ut in frigore, erit locus aliquis assuetudini ad excitandas species vividiores, ut saltem nitantur cohibere vim concussionis: erunt proinde vagae per corpus affectiones etiam caloris, & cessante externa specie, vel remittente ipsius impetu colligentur animi, & nitemur in motus validos clamando, fugiendo, saltando, in quae similiter venire poterimus per ipsam trementem speciem, cum in eos validiores motus venire assueverimus per species similium validiorum dolorem acerrimum inferentium, unde liquidum derivandum paratam, ac perviam inveniet viam, ut de facilitate superius dictum est. Quae sane comparata cum expositione concussionis per frigus rem totam profecto admiratione dignissimam satis perspicue demonstrant. Cur autem orichalcum sub torni

scalpro acute stridens stupefaciat dentes, eadem ratio est, ac cur acida, styptica, immatura eandem noxam dentibus inferant, quae non alia esse videtur, quam talis nervorum motio, ut fere divellantur, unde difficultas illa, & repugnantia ad excipiendam pressionem in dentibus quasi laxatis per laxationem membranae ipsos succingentis, vel quaecunque est alia necessitas ab hoc sane non multum remota. Atque de his quidem haecenus. Sed & convulsivis motibus annumeratur

T R E M O R.

HUjus nomine intelligunt Medici alternam eorundem musculorum contranitentium contractionem a debilitate provenientem, & luctari, ajunt, pondus partis cum facultate, quae ut debilis modo superat, modo superatur, res autem ita se habet. Quoniam muscoli alterne contrahuntur, & cum sustinendum est pondus per temporis spatium longius, quam unica naturalis contractio fert, oportet ut multae, sed frequentissimae contractiones repetantur, vel ut continue contrahatur musculus, per quantum temporis spatium requiritur, hoc est, ut continue per illud spatium temporis spiritus deriventur in musculos, igitur qui paucis spiritibus donantur non solum apta ad frequentissimas, & multas contractiones, vel una producta per longum tempus quantitate spirituum destituentur, verum fieri poterit, prout magis ac magis deficiunt spiritus, ut muscoli contrahantur rarius, quam in naturali statu, unde elevabitur, ac demitteretur alterne pondus rarius, frequentius, prout major, aut minor copia spirituum viget, seu in iisdem dabitur tremor crebrior, rarior. Hinc in senibus, in imbecilibus, in sui ipsius diffidentibus, qui nempe dubitant, num iis viribus polleant, quae sufficiant sustinendo oneri, contingit tremor; per ejusmodi enim suspensionem jam excitatur tremoris species, imo vero ipsa suspicio vigenz nihil aliud est, quam ipsa tremoris species jam excitata: hinc etiam validi in tremorem venimus, cum calicem vino nimis plenum tenere, & admoveere ori cogimur; statim enim dubitamus, num tanti simus ad traducendum calicem absque eo, quod vinum defluat, cum opus sit contractione maxime aequabili, atque continua, ejusmodi autem dubium nihil aliud est, quam species tremoris, quo actu vi-

gente fiat tremor oportet. Et si quae sunt huiusmodi ex dictis obvia, & non minus scitu, quam visu jucunda, quibus immorari non libet. Sed & morbis convulsivis annumeratur admirabile aliud morbi genus

EPILEPSIA.

Ἀπὸ τῆς Πιλαμεινίδος, eo quod subitoprehendit: ἱερὸν νόσημα, Morbus Sacer, sive quod vel crederetur divinitus immitti, sive quod caput, sacram partem invadat, sive quia magnus: Morbus etiam Puerilis, quod pueris est admodum familiaris: Hercules, & quod eo Hercules laboravit, & quod Herculeo quasi labore opus est, ad hoc ut superetur: Caducus, a casu subito: Comitialis, quod Comitiam habere fas non erat, cum quis hoc morbo corripiebatur: Lunaticus, quod vel in Novilunio, vel secundum lunae conversiones hic morbus invadit, qui Morbus Impuratus dictus Plauto; contagiosum enim ipsum antiquitas credidit, unde Plinius *despuimus Comitiales morbos*, hoc est contagia regerimus; nam expuere inter amuleta habitum est priscis, & ne familiam inficerent, rus ablegabant epilepticos, ut Apulejus. Celso dicitur Major Morbus. Hunc igitur morbum, seu Epilepsiam hic exponimus, & Epilepsiam Puerorum.

ANTECEDENTIA.

A Nimi, & corporis insueta conturbatio, capitis gravitas, cephalalgia, vertigo, vigiliae, aut plurimus somnus, a quo nullum levamen emergit, insomnia turbulenta, mentis torpor, vel anxietas, oblitio, moestitia, pavor, formido, segnitie, artuum gravitas, saltus, & tremores membrorum, sensuum hebetudines, obtutus defixus, scintillae oculis obversantes, & interdum nubeculae, aut mamaryges, hoc est, splendores coruscationibus similes; aurium tinnitus, foedi odoris perceptio, lingua inflexilis, aut ejus inordinata motio, oscitatio, sternutatio: cordis palpitatio, iracundia, pectoris restrictio, mutata respiratio: cibi fastidium, aut appetitus immodicus, nausea molesta, cardiogmos, seu oris ventriculi morsus: salivae per os effluvium, urinae tenues & crudae, pollutio nocturna frequentior, faciei pallor, praecordiorum inflatio.

CON-

CONJUNCTA.

Cum perfecta Epilepsia sensuum omnium internorum, & exten- ^{Cum perfecta.}
 ternorum interceptio, subitus collapsus totius corporis,
 aut partium aliquot varia concussio, oculorum prominentia,
 stridor dentium, respiratio suffocatoria, qualis laqueo suspen-
 sis: seminis, stercoris, urinae involuntaria profusio: ad finem
 insultus spuma per os, & nares: ad finem paroxysmi aegro sui
 compote, antea actarum rerum nulla memoria, aut cognitio. Cum ^{Cum im-}
 imperfecta autem capitis solum, vel brachii, vel tibiae, aut ^{perfecta.}
 femoris, vel dimidii corporis concussio interceptis sensibus
 omnibus, vel salva etiam mente, & quibusdam voluntariis mo-
 tibus, nempe aliquarum partium aliis praeter voluntatem con-
 cussis. Cum idiopathica mentis torpor, tarditas, memoriae ^{Cum idio-}
 imminutio, insomnia turbulenta, sensuum hebetudo, corpo- ^{pathica.}
 ris gravitas, & segnities, capitis dolor, optima reliquarum
 partium corporis habitudo, paroxysmi subitus sine ulla aegri
 praesensione insultus. Cum sympathica nulla cerebri affecti ^{Cum sym-}
 signa, instantis paroxysmi perceptio, ut cujusdam rei velut ^{pathica.}
 aliunde e corpore ascendentis ad instar aerae, vitium alicujus
 partis, vel symptoma aliquod gravius tempore invasionis: sic ^{A ventricu-}
 a ventriculo cibi fastidium, mediae difficilis tolerantia, nau- ^{lo.}
 sea, dolor, aut erosio, punctio, aut distensio ventriculi, cor-
 dis etiam aliquando palpitatio per consensum. A jecore, & ^{A jecore,}
 liene flatuum frequens & copiosa excretio, ventris inflatio, ^{& liene.}
 rugitus, borborigmi, ructus acidus, praecordiorum molesta
 coarctatio, eorundem dolor interdum ad usque dorsum, vitia
 in partibus abdominis. Ab utero hysterica passio cum convul- ^{Ab Utero.}
 sionibus epilepticis conjuncta, mensium, aut seminis reten-
 tio. Ab aliqua partium externarum aura quaedam frigida ab ^{Ab partibus}
 eadem illa parte veniens, & excurrens ad cerebrum, vellicans, ^{externis.}
 titillans, quae imminentis paroxysmi nuncia est, qui prohibe-
 tur, si illa pars vinculo constringatur. Facit hujus aerae fi- ^{3. de loc.}
 dem Galenus hunc in modum de Epileptico loquens puero ^{aff. cap. 7.}
 tredecenni. *Audiui igitur tum narrante puero dispositionem ipsam*
ex tibia initium capere, mox illinc recta ascendere per femur, &
superposita ipsi ilia, ac per latera ad cervicem, donec ad caput
perveniret, quod cum primum tangeret, ipsum haud quaquam sibi
constare. Interrogantibus autem Medicis, quale esset id, quod se-

A Lumbricis.

rebat ad caput, nihil habuit puer, quod responderet. Alius deinde adolescens compos mentis, quippe qui poterat & sentire quod fiebat, & alteri narrare, dicebat, veluti frigidam quandam auram esse id, quod ascendebat. Haecenus ille. A lumbricis anhelitus, foetor acidus, feces cineritiae, stridor dentium, membrorum tremor, terror, & clamor subitus in somno, narium pruritus, & frictio, salivae nocturno praesertim tempore ex ore effluxus, facies pallida, subito incallescens ac rubens, morsus, ac dolor stomachi, & intestinorum, unde frequens abdominis contrectatio, ejusdem insolita durities, rugitus, ac tormina ventris, membrorum atrophia, tussis sicca, singultus, vermium cum alvi excrementis egestio, quod est praecipuum, & maxime tutum. Est autem Epilepsia aliquando cum abscessu conjuncta, ossis carie, urinae suppressione, & similibus, quae ex se ipsis innotescunt.

Causae rariores.

S U C C E D E N T I A.

E*Pilepsia quibus ante pubertatem contingit, curationem recipit: quibus post vigesimum quintum annum, eos fere comitatur ad mortem usque, ait Hippocrates quinto Aphor. 7. Ubi notabis; a plurimis Medicis aliquatenus damnari Hippocratem, quod Epilepticos post 25. annum laborare incipientes non curari asseruerit, quasi Hippocrates dixerit nunquam curari; aliis vero damnari penitus, cum tamen ipse asserat apertissime, fere nunquam, aut plerumque non curari, ut ex Graecis verbis manifestum est. Apoplexia, vel Mors in ipso paroxysmo, divulsio partium cerebri per concussionem, ita ut processuum mamillarum particulae aliquando per nares sint reditae, inquit Riverius, (quomodo autem reddentur, si nullus patet exitus?) Melancholia, Paralysis, Quartana, quae superveniens, ac diu perseverans morbum solvit. Juvenes epilepsia laborantes mutatione praecipue aetatis, regionis, & victus liberantur, inquit Hipp. 2. Aph. 45.*

Quod est ad convulsionem Apoplexia, id ipsum est Epilepsia ad motus convulsivos, quin in hac affectione plurima reperiuntur, quae Apoplexiae etiam conveniunt, Caro, Comati, Lethargo, aliisque affectionibus capitis jam explanatis, ita ut nihil sit opus diutius immorari in explicatione sive praecedentium, sive conjunctorum, sive succedentium, cum eorum singula vel in aliis

mor-

morbis superioribus jam explicata sint, vel tam facile pateant, ut
 ulteriori explicatione non indigeant. Aura autem illa in Epi-
 leptico Galeni patet ex iis, quae ostendimus de rigore, & hor-
 rore, nisi quod ibi solum de frigore sermonem habuimus: hic
 fieri fortasse potuit, ut non solum frigus fuerit id, quod ad-
 scēdebat, sed quid aliud irritans, atque fermentans, & hoc
 ipsum etiam sine frigore conjuncto; sed hoc ipsum frigus suc-
 cederet ex necessitate ejus vel fermentationis, vel irritationis,
 ut ex eodem horrore, & rigore patet. Ex ejus autem vehe-
 mentia, ac subita agendi vi evadebat puer ille sui impos, ubi
 primum aura illa cerebrum attingebat, quae si in aliis fuerit
 mitior, atque segnior, mente alienare non poterit, ut in ri-
 goribus, & horroribus febrium &c.; sive autem a sola mate-
 ria irritante, ac solo frigore, sive ab aliquo fermento res pro-
 veniat, sive scilicet a causa solum vehementer concutiente, &
 in tremorem agente nervos, seu mutante contentum liquidum,
 prohiberi poterit, ac debet insultus epilepticus injecto vin-
 culo parti auram mittenti; per vinculi enim constrictionem
 impiedietur tam ascensus materiae corporeae, quam protensio
 tremoris, ut patet. Itaque oriri poterit, ac debet Epilep-
 sia non a sola materia acri, irritante &c., sed ab omnibus
 causis, a quibus excitari possunt motus convulsivi, quos
 ostendimus superius produci posse, ac debere pluribus modis,
 adeoque erit Epilepsia concussio totius, vel aliquarum partium
 corporis cum sensuum omnium, & voluntarii motus ablatione
 producta a quacunque causarum, a quibus convulsivi motus
 produci possunt: & idiopathica erit, cum causa illa primario
 viget in cerebro: sympathica, cum eo perducitur ab aliis par-
 tibus. Hinc deduces, Epilepsiam illam, quae pueris tam fa-
 miliaris est, eosque invadit fere subito ab exclusione, cum ad-
 huc humidissimi sunt, & fere mucilaginei toti, provenire
 posse, imo re ipsa forte provenire frequentius a nimia humi-
 ditatis copia, qua scatent, quam ab acris humoribus, qui
 vellicent, & irritent; certe enim in illa humorum crassitie,
 qua nostrum singuli scatemus primis vitae nostrae mensibus, vix
 quicquam acris, ac stimulantis contineri posse videtur, & si
 quid stimulans, atque acre generatur, an non plurimum re-
 tundi, ac temperari debet ab eadem crassiorum humorum co-
 pia, & proinde levem stimulum imprimere partibus illius cor-
 po-

Quid sit E-
pilepsia.

Epilepsia
puerorum.

Difficile e-
vadunt ad-
modum
parvi.

poris, quae sunt adhuc tam tenerae, ut vix sibi ipsis haereant, nedum sint rigidae, ac maxime tensae, cujusmodi esse debent, ut acrem sensum concipiant? Lac corruptum potest quidem acescere, atque ideo stimulans fieri, sed non temperabitur ab abundantia humidi in puero? Esto autem, nec temperari possit in pueris aliquibus, id sane fieri debebit in paucioribus, aut saltem non in plerisque, quemadmodum tamen pueros tantum non omnes Epilepsia vexari continue videmus. Ex Epilepsia autem difficile evadunt pueri, si sint admodum parvi, hoc est, recens nati, cum per violentas illas concussiones partes corporis adhuc teneri divelli possint, praecipue autem cerebri vix dum consistentis; quod proinde vel divelletur a suis partibus, vel dissolvetur quasi in sphacelum, & facile morietur puer. Vero similis igitur erit, Epilepsiam in pueris a copia pituitosarum materiarum, & pressione potius oriri, quam a stimulo, vel saltem illam esse frequentiores.

Avermibus. Illud autem animadvertendum est, num Epilepsia a Vermibus proveniat a sola irritatione in partibus ventriculi, & intestinorum, unde validi refluxus, &c., an a materia humoribus permixta; cum etenim vermes supponantur, igitur datur materies eorum generationi apta, & chyli materies cum ipsorum excrementis miscetur, & ejus aliquid ab iis in cibum assumitur, unde vitari aliquatenus poterit, atque ita vitata, si in vasa trajiciatur, dabit suspicioni locum, num Epilepsia ab ipsa potius, quam ab irritatione, an ab utraque simul proveniat.

DOLOR IN GENERE,

atque inde

DOLOR CAPITIS.

EX iis, quae de Operationibus Animalium scripsimus, patet, sensum quemlibet conjunctum esse cum tremore nervorum, nempe alterna contractione, & distractione eorundem: hi autem motus cum fieri non possint absque mutuo excursu ad contactum partium, ex quibus nervus componitur, neque hic excursus sine successiva contactuum mutatione, hoc est, sine
fo-

solutione quadam, manifestum est, sensum quemlibet esse cum
 solutione continui aliqua. Quia vero, ut ibidem, dolor est ^{Quid sit}
 tremor momenti majoris, hinc fit, ut quae solutio fit in do- ^{dolor,}
 lore, sit multo major, ac vehementior, quam quae in caete-
 ris tensionibus, & cum haec sit tristis, reliquae non item, haec
 etiam sola appellari poterit solutio continui, quatenus solutio
 continui in genere inferre necessario creditur molestum aliquid,
 cum re vera id necessario non inferat, nisi quando est certi gra-
 dus, ac dici poterit dolor, ut communiter dicitur, tensio mo-
 lesta, vel tristis a solutione continui proveniens. His igitur
 ulterius non immoramur, cum ab Animalium Operationibus
 alibi expositis pendeant, & gradum facimus ad divisiones, &
 species doloris, quae a Medicis communiter recensentur. Illae ^{Quotuplex}
 sunt tendens, seu tensivus: gravans, vel gravativus; pungens, ^{apud Medi-}
 aut punctorius, vel pungitivus, ad quem referuntur acer, mor- ^{cos, & quid}
 dax, pruriens, lancinans, & huiusmodi: pulsans, seu pulsa- ^{unusquis-}
 tivus: frangens, vel frangitivus, qui proprius est ossium, & etiam ^{que coram}
 ossium dolor appellatur. Patet autem ex ipsis nominibus, quid
 sit ejusmodi dolorum unusquisque; premens enim est, in quo
 sentit Animal se ipsum totum, vel ad aliquam partem premi,
 ac si pondus esset impositum; tendens, in quo se distrahi sen-
 tit cum rigiditate quadam, & duritie partis, aut totius, ut
 cum chordae musicae, aut arcus tenduntur: pungens, cum
 se affici sentit non secus, ac cum acu, acicula, stylo ferreo,
 vel similibus, cuspe feritur: pulsans, cum ad aliquam par-
 tem dolor percipitur cum pulsu non naturali: frangens de-
 nique, cum ossa ita urgeri sentiuntur, ut veluti in fractu-
 ram veniant. Facilia haec quidem dictu, nec etiam satis
 obscura, praesertim cum per exempla proponuntur, sed si
 modus, quo ejusmodi dolores excitantur, exponendus est,
 nec ita obvia, nec a Medicis explicata. Id igitur nostrae cu- ^{In eorum}
 rae erit, quod ut fiat planius, primo ostendamus oportet, in ^{singulis}
 unoquoque ex enarratis doloribus tensionem, seu causam dolo- ^{tensio, seu}
 ris tensivi debere contingere excepta una specie doloris grava- ^{causa dolo-}
 tivi, quae est per summam partium resolutionem. Quoniam ^{ris tensivi}
 enim ossa seorsim a membranis non sentiunt; omnis igitur fra- ^{datur}
 ctionis aut verus sensus, aut imaginatio fiet per affectionem ^{Quo pacto}
 membranarum, fractio autem est divulsio; igitur frangitivus ^{fiet Frangi-}
 dolor est sensus divulsionis in membranis interius, atque exte- ^{tivus.}

Cum ten-
sione perio-
dii.

Quo pacto
pulsativus.

Cum ten-
sione arte-
riarum.

Quo pacto
pungitivus.

Cum ten-
sione par-
tium pun-
darum.

Quo pacto
gravativus.

rius ossium cavitates, & superficies quaslibet succingentibus, divulsio autem non fit sine tensione, ut patet; in frangitivo igitur dolore datur tensio. Quoniam vero in nostris corporibus nullus canalis praeter arterias, imo nulla pars praeter ipsas naturaliter pulsatur; igitur in dolore pulsativo aliquid non naturale continget arteriis, cujus vi debeat pulsus earum, qui in naturali statu ab animali non sentitur, ab eodem animali senti-ri, & sentiri cum dolore. Fiet igitur primo major; neque etenim pulsus prius insensibilis fieri sensibilis, & sentiri quatenus pulsus potest, nisi ex parvo, vel minori major fiat; major autem pulsus motum arteriae per majus spatium, & motus per majus spatium majorem extensionem, & major extensio tensionem secum necessario ferunt; igitur pulsativus dolor etiam cum tensione. Quia vero major pulsus fieri non potest reliquis omnibus bene se habentibus, nisi ad partem, ad quam fit ille pulsus, ob-steret aliquid sanguinis fluxum impediens, cujus occursum fiat, ut sanguis ulterius procedere prohibitus nitatur quaquaversum, & validius urgeat arterias, atque ita majorem pulsum pariat, ut in fluminibus profluens ad transversos obices intumescit, neque illud impedimentum esse potest, nisi quid aut obstruens interius, adeoque membranas extrorsum urgens, & propterea ex-tendens, ac tendens, vel exterius comprimens, unde eadem extensio, & tensio; igitur etiam hac de necessitate tensio in pulsativo, & propterea in hoc dolore quoties per impedimen-tum fit, dabitur tensio duplici de nomine, & ratione pulsus, quatenus pulsus est, & ratione impedimenti. Quoniam insu-per punctio dicitur vulnusculum ab acuto quolibet minimo inflictum; minimum igitur illud ad hoc, ut pungat, cum vulnerare debeat, debet inter duas minimas particulas com-ponentes sese agere, easque totas simul a contactu remove-re absque eo, quod transverse supra eundem contactum excur-rant; incidet igitur pungens, antequam eas sejungat, in ea-rundem corpus, easque simul cum annexa reliqua longitudine per lineam sui motus ducet, unde fiet tensio vel aucta longi-tudine, si corpus illud supponatur rectum, aut curvum, sed pungens, incidat in concavum, vel imminuta, si sit curvum, & pungens, incidat in devexum, sed partibus per impulsu cocuntibus, hoc est, in minorem longitudinem abeuntibus: quare etiam punctorius dolor erit cum partium, quae pun-
gun-

guntur, tensione. Similiter, quoniam dolor gravativus est affectio, qualis cum a superimposito pondere premimur; igitur in ejusmodi dolore eodem modo afficientur partes, ac cum pondus in corpus nititur: per pondus autem membranae, nervi, muscoli ita comprimuntur, & ossa ad articulos urgentur, ut neque haec ad eisdem sisti absque majore musculorum nisu possint, neque compressi muscoli contrahi nisi per copiosiorum spirituum compressionem superantium influxum, neque hi per nervos compressos fluere, nisi violentius agantur, atque ex hoc majori nisu dignoscitur id, quod dicimus premi, & hae motiones a pressionibus provenientes non fiunt sine tensione: igitur nec dolor gravativus, qui fiet, quoties per vitium aliquod nervi, musculi, membranae, articuli similiter urgebuntur, erit sine tensione. Esto jam vel nimio humido concepto, vel qualibet alia de causa ita flaccida pars aliqua, vel totum corpus, ut suis vix ulterius cohaereat partibus, ut paginae benemadidae, vel partes etiam corporis aquis diu maceratae, uno verbo, ad putrefactionem, vel siccitatem nimiam, qualis eorum, quae ex se in pulverem abeunt, nec poterunt illae ad mutuuum contactum excurrere, cum ne cohaereant quidem: quare in iis fieri neque per contractionem, neque per distractionem tensio poterit: collabi autem supponuntur; igitur nervos, musculos &c. proxima prement, & majori nisu, & copia spirituum opus erit ad motus, ex quo cum dijudicetur pressio, dicetur tum animal dolore gravativo affligi. Cum igitur solum in summa dissolutione partium detur quaedam species, eaque unica doloris gravativi, qui sit unicus a tensione sejunctus, hoc est, a causa doloris tensivi, manifestum est, distinctius esse procedendum in enumeratione dolorum, cum tensivus, qui ab ipsis Medicis tanquam quidam separatus, & suam speciem constituens ponitur, si quid conjunctum necessario cum doloribus omnibus excepto unico gravativo in summa partium resolutione. Quoniam igitur ex dictis patet, in unoquoque dolore contineri pressionem, & aliquam aliam affectionem saltem animo a tensione distinguendam, & ipsi saltem ordine, si non tempore praecedentem, dolorum singulorum species denominandae a conjuncto illo cum tensione, quae communis est omnibus, & constituenda etiam alia species, quae sit, cum afficimur sola tensione partium, quod accidet, cum partes a naturali rigidi-

Cum tensione partium gravatarum.

Gravativi doloris species sine tensione in summa dissolutione partium.

Species verae doloris, & quo pacto tensivus.

tate recedent in majorem duritiem, vel per contractionem, vel per distractionem. Reliquorum autem dolorum affectio primaria saltem ordine praecedens tensionem est manifestissima: in pungitivo enim praecedit nifus in utramque particulam divellendam, & earum divulsio, unde hujus solius respectu suam sibi vindicat speciem, in gravativo pressio, in fractivo extensio vel divulsio, in pulsativo impulsus: in sola autem tensione nihil particulare; contractio enim, vel distractio, quae ordine praecedit tensionem, est commune illud, quod praecedit etiam in reliquis. Secundo, jam exponantur oportet causae, quibus dolores hujusmodi generantur. Et primo patet ex superioribus, pulsativum fieri debere, quoties aliquid prohibet, ne sanguis naturali tenore, ac fluxu fluat per arterias, sed aliquantum, vel ex toto ad partem aliquam cohibeatur; inibi enim interceptus cumulatur, & majus spatium exigit, atque pertingens ad impedimentum, & retrorsum refluxere coactus occurrit sanguini continue affluenti, unde velut inter duas oppositas facultates pressus utroque cum impetu quaquaversum diffilit, & arteriam ad majus spatium extendit, seu dolorem pulsativum procreat. Id autem contingere debere patet vel per nimis auctam molem sanguinis, vel per naturalem molem ejus, sed rarefactam, & veluti effervescentem, vel aucto impetu a corde, vel occlusionem per quodlibet impedimentum arteriae; per haec enim singula vitiabitur naturalis fluxus sanguinis, ac fiet, ut in dato tempore per datam arteriae amplitudinem fluere debeat quantitas sanguinis major, quam quae ab eadem trajici in eo dato temporis spatio possit, unde pars, vel sanguis universus eo deductus refluxere cogetur, & occurrens affluenti diffilire quaquaversum majori cum impetu, & pulsus majorem producere. Sic in vasis angustioris colli liquida subsistunt ad eas angustias deducta, eoque facilius subsistunt, si majori cum velocitate exhaurire vasa illa tentemus. Ex his autem patet, quid portendant ejusmodi pulsativi dolores, & quid causarum debeat praecessisse, quid conjunctum esse, quid succedere, quae singula diversa esse poterunt pro diversitate partium, in quibus dolor pulsativus contingit, & cujuscunque rationis sint, nullo negotio percipiuntur. Quia vero punctorius est affectio, qualis cum pungimur minimis, & acutis instrumentis, quicquid igitur humorum est tam tenue, ac tanti impetus, ut inter utramque villorum particulam se

Pulsativus
ab aucta
quantitate
sanguinis,
vel rarefacta,
vel aucto impetu,
vel occlusionem
arteriae,

Punctorius
ab humoribus
tenuibus, & ma-
joris impe-

sub-

subito possit trudere, easque fere totas simul absque eo, quod
supra se invicem ad mutuum contactum excurrant, sejungere,
atque divellere, dolorem pungentem non secus, ac illa instru-
menta, pariet; hujusmodi autem sunt quicunque humores te-
nues, calidi, biliosi, cujusmodi ichores &c.; igitur ab horum
allapsu ad partes sensiles fiet punctorius dolor. Ea siquidem
in unicum particulam incurrat, & nihil adjunctum habeat,
unde punctio illa ad certum aliquem pungendi modum rediga-
tur, dicetur simpliciter punctorius: si vero ita pungat, ut
quiddam acre sentiamus, dicetur acer: si tanta vi, ac diver-
sis in partibus proximis, quas insuper quasi laniet, dicetur
mordax, vel lancinans: si in diversas partes frequentissime,
easque similiter proximas, vel etiam distantes recurrat, ita
ut continuam quandam quasi sculpturam repetat, dicetur pru-
riens, & si quae his similia nomina excogitare velis mille. Ex
his autem patet, dolorem hunc punctorium facile conjungi
cum inflammationibus; hae etenim cum sint tumores maxime
calidi, expirant maxime calidum, adustum, ac purum, nempe
ab humiditate liberum ratione ejusdem tumoris maxime cali-
di humidum vel retinentis, vel absumentis, unde in membra-
nas incidens inter utramque ipsarum particulam sese adiget
tam ratione tenuitatis, quam ratione motus, easque divellet
&c., seu punctorium dolorem excitabit. Tertio, quoniam ten-
duntur villi per contractionem, & distractionem, tendi igitur
poterunt per quidlibet contentum in corpore contrahendis,
vel distrahendis villis accommodatum, contrahunt autem hu-
mida, & quaecunque liquida humidum aqueum participant tru-
dendo suas particulas inter utramque partem villorum, ut patet
in chordis musicis: distrahunt autem tendendo frigida per
densationem (suppositis villorum terminis immotis) sicca, &
calida abripiendo humidum; frigida igitur, humida, calida,
sicca tendere villos poterunt. Vides hic similiter, quae ante-
cedere &c. debeant, eaque pariter esse facillima. Similiter subito
patet etiam, dolorem tensivum facile, ac necessario conjun-
gi posse cum inflammationibus, & praecipue ad partes nervosas;
calor enim ille abripiet humidum, unde exsiccabit, & per longitu-
dinem distractis villis eosdem tendet; hinc dolor punctorius in
pleuritide &c. cum tensione, quae insuper erit communis omni-
bus atteriis, si calor inflammationis tam adusserit universum

tus, cujus-
modi calidi,
biliosi &c.

Facile con-
jungitur
cum in-
flammatio-
nibus, praeci-
pue ad
partes nervo-
sas.

Tensivus ab
humidis,
frigidis, ca-
lidis, siccis.

Et hic faci-
le cum in-
flammatio-
ne ad partes
nervosas.

Gravativus
ab humori-
bus crassis,
lentis, pi-
tuitosis, re-
solutione
partium, &
intruso hu-
mido.

Frangitivus
a quacun-
que causa
intente in
periostrum
quae esse
potest cu-
juscunque
conditio-
nis.

Dolor ma-
gis intensus
ad mem-
branas per
densiores
sui partes
haerentes
ossibus, &
ad eas, quae
natura ma-
gis tensae
sunt.

sanguinem, ut hic omne humidum arteriarum absumserit; hinc pulsus duri in inflammationibus internis, &c. Quoniam vero solam pressionem arguit gravativus; igitur decubitus cujuscunque humoris tenacioris, tardi motus, crassi, frigidi, pituitosi ad aliquam partem, ita ut illam premat modo superius exposito, gravativum dolorem producat. Quin & hunc producat summa resolutio partium flaccescentium, & concidentium supra se ipsas, musculos, aut nervos, ut ex superioribus. Sed etiam a tensione per intrusionem humidi poterit hic dolor procreari, si intrusio sit tanta, ut villus eo usque crassescat, quousque perducatur ad contactum alicujus musculi, vel nervi, vel utriusque, cum nisi in eundem; tunc etenim statim pressio, ut patet. Postremo, frangitivus cum nihil aliud sit, quam divulsio, vel distractio membranarum ossa succingentium, manifestum est, oriri ipsum debere a quacunque causa, vel ab extrinseca superficie periostrii intra ipsum sese adigat, vel nitatur inter externam superficiem ossis, & internam periostrii, vel urgeat intra minimas cavernulas per os dispersas, vel demum nitatur in ipsum os ad mediam, & intimam cavitatem, eamque causam esse posse cujuscunque generis, calidam nempe, frigidam, siccam, humidam, tenuem, crassam, magni, parvi momenti, &c.; cum etenim periostrium valide undecunque adhaereat ossi, manifestum est, quaecunque causa supponatur, distractionem ejus moliens non nisi per minima ipsam molire posse, cum nempe ad minimas qualesque partes periostrium haereat ossi, quod cum a quacunque causa fieri possit, patet quod proposuimus. Unde deduces insuper, acerrimum esse debere ejusmodi sensum, cum nulla detur libera longitudo membranae, quae cedat, ac proinde retundat impetum facultatis distrahentis, ex quo deduces insuper, ad eas membranas esse debere dolorem maximi sensus, quae per densiores sui partes affiguntur ossibus, ut pleura, ut pericranium, dura mater &c., unde in his dolores acerbissimi, & cum inflammatione pungitivi. Deduces tertio, dolorem pariter magis acerbum sentiendum in membranis natura magis tensis, cujusmodi sunt expositae, eadem de causa; tensio enim facit, ut membranae minus cedant, unde impetus facultatis dolorem excitantis vividior, & magis per minima nitens, & magis divellens, hinc dolor intensus punctorius in pleuritide &c. Postremo, ex his omnibus in-

intelligis, dolores omnes, vel eorum aliquot eandem partem eodem tempore posse vexare, prout omnes, vel aliquot eos producentes causae ad eandem partem simul colliguntur, & operantur, & in frangitivis ab hac, aut illa causa eos produci facile dignoscendum, prout cum sensu fractionis conjungitur tensivus, pulsativus &c. Sed & illud animadvertendum est, dolores in vulneribus, & hujusmodi divulsionibus cum insigni praecisione nervorum post factum vulnus non perdurare ejus intensiois, quae corripuit in ipso actu, quo vulnus excipitur; praeciso enim nervo tremor tantum non cessat: quia tamen nervus semper immittit spiritus ad usque locum praecisionis, iidem ad ipsum perducti nitantur in nervi superficiem abscissam oportet, & dolorem continuum excitent, sicut etiam humores a partibus proximis exsudantes, & hic affluxus eo erit copiosior, & quasi continuus, si pars vulnerata sit musculosa, vel musculo proxima ratione contractionis: hinc ulcera, vulnera &c. vix dolent, nisi cum aut ad ipsa affluit materies, aut in pus abeunt, aut munda non conservantur, aut linea, & alia ejusmodi, quibus absterguntur, & fricantur, iis admoventur, aut cum inflammantur ob affluxum sanguinis, & caloris, quorum vehementia dolor intensus, ac demum spasmus per refluxus continuos a vehementia doloris. Sed & illud ulterius notabis, verum esse posse, quod ajunt communiter, dolorem tensivum a flatu fieri; quicquid enim quaquaversum nititur in membranas circumpositas, eas tendat oportet distrahendo, unde dolor tensivus, cujusmodi vere sunt flatus, & cum hi plerumque proveniant a materiis fermentescentibus, facile dolor ille orietur, cum materiae intra aliquam partem fermentescunt, praecipue si illa pars sit maxime membranacea: hinc tensio intestinorum in affectione colica, quin etiam in cholera morbo &c., cum humores fermentescunt intra viscera abdominis, eaque quaquaversum nitendo inflant. Hinc patet, simili modo etiam in aliis partibus oriri posse dolorem tensivum a flatu: materia enim potest in parte qualibet fermentescere, & in flatum abire, atque ita quaquaversum niti. Demum notabis, quemlibet dolorem etiam excitari per imaginationem posse, excitata nempe ipsius specie, ut passim exempla occurrunt in Incubo, in insomniis, in deliriis, & ex harum affectionum doctrina manifestum est.

Dolores omnes, vel aliquot conjungi possunt.

Ab affluxu spirituum, & aliorum humorum ad partes praecisas, vulneratas &c. dolor, qui caeteroquin a vulnere &c. cessaret.

Tensivus a flatu, & fermentescentibus.

Fieri potest in parte qualibet,

Quilibet dolor per imaginationem excitari potest.

DOLOR CAPITIS.

Caput quocunque dolore dolere potest.

Quid sit dolor Capitis.

Praecedentia, Coniuncta, & Succedentia patent ex se ipsis, & superioribus.

Idiopathicus, & sympathicus.

QUoniam, ut patet ex praemissis, unaquaeque doloris species potest singulis partibus corporis accidere, manifestum est, qua ratione, ac necessitate caput etiam possit dolore pungitivo, tensitivo, gravativo, pulsativo, imo etiam cum compingatur ex ossibus, non secus ac ossa caetera, membranis undecunque per intima succinctis, poterit, ac debet, cum res tulerit, dolore ossium proprio, seu fractivo affici. Ex his itaque, ac praemissis manifestum etiam est, quid sit Dolor capitis, nempe solutionem continui in aliqua ex partibus intra ipsum contentis factam ab hac, vel illa causa, & ejusmodi solutio hunc, vel illum dolorem pariet, prout ea erit, ut hoc, vel illo modo solvere possit. Insuper cum dolor sit quid maxime obvium, & quid singulos dolores praecedere possit, ac debeat, quid conjungi, quid succedere, ex praemissis de dolore in genere facile pateat, ab eorundem enumeratione, atque expositione abstinemus, tantummodo ad finem recensentes majoris momenti quaedam ex Hippocrate ad succedentia, & praesagia in hac affectione pertinentia. Cum igitur unaquaeque affectio sit idiopathica, & sympathica, erit etiam hujusmodi quicunque dolor capitis, & idiopathicus quidem erit, cum causa vigeat in capite non aliunde ex aliqua parte corporis derivata, sympathicus autem, cum ab aliqua parte corporis provenit. Idiopathicus aliquando a saxis praeter naturam in capite genitis, vermibus, ossibus, tumoribus, carie cranii, ulcere cerebri, & hujusmodi generatur, quin a crassiori sanguine, vel tenuiori, quorum ille tendat, fluxum prohibeat &c., hic pulset, ac pungat, ut patet per ea, quae de dolore in genere exposita sunt. Sympathicus vero, cum pars aliqua trajicit in sanguinem humores non naturales, qui perducti ad cerebrum, seu cranium, partem nempe minimae pressionis praeterfluere ex vasis nequeant, unde subsistentes pariant dolorem illum, qui ab iis humoribus necessario pendere debet, vel mollitiem cerebri afficiant suo liberiori motu divellendo, pungendo. Vel cum in parte aliqua sit talis sensus, ut nervi concutiantur aequo plus, quam naturalis cerebri status fert, unde dolor: vel cum absque concus-

cussione solum trahuntur, & secum rapiunt appensum cerebrum, quod vix fieri posse crediderim, cum nervi antequam cerebrum subeant, mille appensionibus hic illic sistantur, ita ut cerebrum ab ipsorum tractione vix quicquam pati posse videatur. Major autem videbitur cum iis partibus consensus, ad quas vel majores nervi abeunt, & magis recta tendentes ad cerebrum, ut septum, & ventriculus, vel ex quibus derivantur humores maxime fermentantes, cujusmodi sunt qui ab utero, unde uteri cum capite consensus non tam ratione nervorum plurimum, quam ratione humorum ab eo provenientium, qui ad cerebrum partem minimae pressionis, & maxime delicatam perducti ad ejus membranulas vim suam magis exerent, quam ad membranas reliquarum partium, unde videbitur consensus major, & peculiaris, quanquam re ipsa id continget non ratione veri consensus cum utero, sed ratione peculiaris naturae cerebri, quae injurias minus, quam reliquae partes, ferre potest: dolor autem proveniet ratione partis dolentis, & humoris dolorem excitantis, qui humor ab utero derivatur. Qua de re illud est singulare, quod asserit Langius, mulieres uteri passionibus afflictae solo vertice capitis prope futuram coronalem^{49.} dolere, ubi glaciei frigus, & pondus se sentire asserunt (quod, inquit Langius, si observaveris, ad discernendum, quando caput per matricis consensum doleat, tibi plurimum proderit.) Quod sane an verum sit in omnibus, equidem dubito, & fides sit penes Autorem. Nec quicquam aliud peculiare occurrat in idiopathicis, & sympathicis doloribus Capitis accuratius examinandum. Dolor quilibet capitis externus est, aut internus; externi nomine intelligitur, qui est extra cranium: internus, qui intra. Quanta hic controversiarum series apud Medicos, ut locus doloris intra cranium inveniat, atque ut distinguatur externus ab interno! Ait enim Galenus, externum ab interno dignosci, quod internus ad usque radices oculorum pertingit, eo quod oculorum tunicae a Meningibus proveniunt, in quibus dolor internus produci-
 tur: externus vero in pericranio situs non ad usque radices oculorum excurrit, cum pericranium eo usque non pertingat. Alii vero dubitant, num internus occupet Meninges solas, an etiam medullam cerebri, sed hanc alii asserunt affici dolore non posse, cum non sentiat. Ex Anatomicis autem, & experien-

Lib. 1. Epist.

Externus, &
internus.

tia Chirurgorum patet, cerebri medullam, & corticem, seu totum corpus ejus, etiamsi concedatur non sentiens, quatenus nullis vasis intextum concipi potest, quemadmodum & ossa, si concipiantur destituta membranis omnibus, non sentiunt; tamen quia re ipsa cum intra cranium naturaliter se habet, vasis innumeris implicatur etiam per intima, quae sunt ex membranis, seu villis sentientibus, manifestum est, corpus cerebri totum posse, ac debere in dolorem cogi non secus, ac ossa possunt, ac debent, atque ita dolent, ut suum sibi dolorem proprium vindicaverint, & doloris speciem sejunctam ab aliis constituerint. Itaque dolor internus esse poterit & in meningibus, & in corpore cerebri, nec necessarium erit, ut pertingat ad radices oculorum, imo de facto non omnis dolor internus capitis ad radices oculorum pertingit, ut qui fit ad occiput, & partes circa ipsum, cujusmodi datos plurimos novimus in iis, qui per longum tempus dolore capitis vexati mortui sunt, in quorum craniis ad partes posteriores inventi sunt tumores scirrhusi, caries ossis, lapilli &c., quae monstra eo loci inventa certo arguunt dolorem illum, quem aegri in ea parte sentiebant, dum viverent, fuisse internum, licet oculorum radices non affligeret: sed & externus ad radices oculorum potest pertingere; etiamsi enim concedatur, pericranium ad eam usque partem non extendi, an non eo perducitur periostium, membrana nempe pericranio cohaerens, imo ipsius pars, quae proinde ipso dolente doleat oportet? Externum igitur ab interno facilius, & tutius distinguet Medicus a conjunctis cum dolore praecipue, si vitientur, aut non vitientur operationes cerebri, nempe motus, & sensus quilibet, sicut etiam perpendendo, num dolor ille possit esse sympathicus, quod ut intelligat, excurret per partes omnes, ut videat, num ipsarum aliqua vitio laboret, quod cerebro communicari possit; per consensum enim vix fieri potest externus solus dolor capitis, tum ratione exiguae quantitatis, & molis nervorum, cum etiam quia externum caput majoris est motus, quam internum: ac demum tactus, premendo scilicet cutem, agitando &c. indicabit, an dolor externus sit, an internus; tactu enim, si internus fuerit, nihil mutabitur dolor, si vero externus, augeri per pressionem, vel minui poterit. Quicunque dolores Capitis specialibus singulorum dolorum nominibus nuncu-

nantur, nempe pungitivi, tensivi &c. praeter gravativum, qui in capite specialem Graecam appellationem adhuc retinet, & dicitur *καθηΓαεία*. Distinguitur rursus dolor capitis in veterem, & recentem; totius capitis, aut dimidii: qui totum caput occupat, nullum sortitus est peculiare nomen, & est vetus, vel recens, & in genere quicumque vetus est, & confirmatus per diuturnum temporis spatium dicitur *κεφαλαία*, qui vehemens est, & levi qualibet de causa exacerbatur, nec aeger quicquam strepitus ferre potest, non loqui, non lucem videre. Recens autem multo mitior, & dicitur *κεφαλαλγία*, cujusmodi nomen, ut ex vi ipsius patet, dolorem capitis simpliciter, & nullum determinatum significat. Qui autem dolor dimidiam cranii partem occupat, *ημικρανία* nuncupatur, dolor quandoque eximie intensus, & aegrum maxime affligens & quassans; neque enim in ipso patiens solum ferre non potest aut minimum rumusculum, aut dubiam luculam, aut loqui tantillum, quin neque tangi absque dolore in qualibet parte corporis, concutitur aliquando, sudat frigidum, pulsus fit inaequalis, vomit aquam limpidam, viridem, inspidam, amarum, salum, & cum his affectionibus perdurat solidas 24. horas, & ulterius identidem, & frequentissime, & copiosissime vomendo, saepe cum conatibus irritis in vomitum, quibus in horis transactis, & vomitu suppresso dolor evanescit: aeger impense sitit, artubus vix constat omnino viribus fractus. Huiusmodi Hemisrania laborantem per plures annos vidimus quendam, qui tali affectione laborare inceperat septennis ex casu in caput ad solum ex altiori arbore, & paroxysmus recurrebat per vices incertas semel, bis, quater singulis mensibus, aliquando per solidos menses nunquam, aestate rarius, hyeme acriori saepius, & in mutationibus temporum praecipue, cum vergebant ad austrinas, pluvias, & uno verbo humiditas. Forte autem haec omnia primo a ventriculo, & intestinis proveeniebant minus apte coquentibus, & humores crudos partium transmittentibus in sanguinem, partim intra se retinentibus, unde humores cum sanguine crassiores difficile per vasa cerebri compressa praeter naturam ex casu ab arbore fluebant, unde dolor, hinc eorum copia subsistens infarciebat, & extendebat vasa, & premebat cerebrum, ex quo convulsiones musculorum contantitente carentium, cujusmodi ventriculus, unde vomitus,

tus, & nifus in eundem, & inaequalitas pulsus, & cum interim ventriculus ratione humorum contentorum pariter ab ipsis stimularetur ad vomitum, multo facilius ille succedebat. Interim per vim movendi, & fluxus, ac refluxus vividos, & frequentes, qui in dolore contingunt, maximus partium omnium nifus, & expressio cujuscunque humidi, & derivatio ejus in partes cavas, nempe ventriculum, & intestina, unde materies largior vomitibus suppeditatur, & corpus exsuccum redditur, ex quo oritur fitis absoluto paroxysmo, & debilitas totius corporis absumentis per ejusmodi motus violentos spiritibus. Quod si vomendi stimulus sit tam validus intra ventriculum, ut ex se sufficiat ad ipsum producendum, eadem contingent absque eo, quod cerebrum prematur, ut patet. Quia vero repetito frequentissime, & per 24. horas protracto vomitu materia in vasis capitis contenta, dolorem pariens sensim e vasis exprimitur, sensim minuetur copia illa materiae dolorem parientis, & conservantis in cranio per sui intrusionem intra vasa, unde demum fluet tota, & cessabit dolor. Rursus quia tremor ille doloris intensi est veluti delirium quoddam, facile species omnis in eundem tremorem incidet, eumque propterea vividiores faciet, seu dolor augebitur, & aeger non luculam, non rumusculum &c. ferre poterit, eo quod quaecunque species in speciem doloris incidens, ejusque tremore tremens dolorem intensiorem producit: quin assererat ille, se, cum dolore illo detineretur, ne cogitare quidem quicquam potuisse eadem de causa, ut patet. Quia vero constitutiones humidae tempestatum &c. magis prohibent perspirationem, & crassiores reddere possunt humores, hinc tunc temporis frequentior paroxysmus, sicut acriori hyeme propter frigus constringens cutim: secus autem aestate, cum calor tenuet, moveat, & expirare faciat humores: hinc etiam est, quod idem melius habebat, ac diutius a paroxysmo praeservabatur, si alvum subduceret, & facilis esset egestionis, seu alvi humidae, secus vero, cum alvus siccabatur. Quae de hac Hemicrania notare volumus, cum sit a nobis diligenter observata, & sit rarae constitutionis. Haec autem sunt quae de dolore capitis novisse oportet. Age jam selecta illa ex Hippocrate de dolore capitis explicemus. *Quibus per febres urinae turbatae quales juvenitorum, iis dolor Capitis vel adest, vel aderit. Quoniam enim*

Quaedam
de dolore
Capitis ex
Hipp.

4. Aph. 70.

enim urinae turbatae provenire possunt a solutione partium solidarum, quae cum sanguine feruntur per corpus, hoc est, partium difficilis motus, hae igitur perductae ad cerebrum, in quo minima viget vis pressiois, facile subsistent, & dolorem excitabunt. *Qui valentes doloribus capitis repente corripiuntur, & protinus muti fiunt, & stertunt, intra septem dies intereunt, nisi febris eos prehenderit.* 6. Aph. 51. Subitus enim ille insultus doloris cum vocis suppressione, & stertore indicat copiam ingentem materiae comprimentis cerebrum, quae nisi trajiciatur in vasa sanguinis, ita ipsum premet, ut spirituum influxus impediat, unde Mors; traducta autem in vasa sanguinis febrem excitat, & per eam absumitur, vel tenuatur, & per excrementa redditur, quare patet pronunciati ratio. Vide autem universum librum secundum Coacarum Dureti, cujus hic primus locus. *Capitis dolor praegrandis cum acuta febre, aliove quopiam difficili signo conjunctus, mortiferus: si autem omni alio malo signo procul dies 20. excesserit, sanguinis profluvium, aut suppuratum e naribus, aut partium imarum abscessus denunciat. maxime vero triginta quinque annis minoribus profluvia sanguinis, proVectioribus autem abscessus expectare oportet.* Ac certe profluvia omnino sperabilia sunt in frontis, & temporum dolore praegrandi. Quoniam enim dolor capitis supponitur praegrandis, & acuta febris; vel igitur dolor ille est a decubitu materiae crassioris, quae a febre licet acuta solvi, ac moveri, seu concoqui nequeat, vel provenit a calore totius sanguinis febrem acutam producentis, & utrumque lethale, ut patet, sicut etiam cum alio quolibet signo difficili; dolor enim ex se absumit spiritus, & in capite naturalem eorum productionem & distributionem aut impedit, aut vitiat, atque insuper datur aliud illud difficile. Quod si mala signa desint omnia, & per tantum temporis spatium productus sit dolor, ut materies eum producens fluere incipiat (quod fieri per experientiam didicit Hippocrates transactis viginti diebus) expurgabitur, qua poterit, & per partes quidem capiti proximas, & vasa sanguinis per eas distributa, cum haec magis urgeantur; si tamen nondum tantum duruerint, ut divelli a fluxu illius materiae per vasa sanguinis fluentis non possint: in junioribus autem cujusmodi sunt trigesimo quinto anno minores, vasa illa minus duruerunt; in his igitur profluvia sanguinis maxime contingent. Si vero materies sit tenacior, colligetur ad

r. ejusdem
libri.

partes excrementa ejusmodi naturaliter separantes, ut ad glandulas narium, vel suppurabitur, & in aliquam ex inferioribus partibus derivabitur, & casu hic illic in abscessum abibit. Si vero vehemens, seu praegrandis ille dolor sit ad frontem, vel tempora, facile succedere poterunt profluvia sanguinis propter proxima vasa capillaria, quae a proximi, & ingentis doloris vi plurimum per distractionem tensa nullo negotio demum divellentur, & sanguinem mittent. *Quibus cephalalgia, & echus varietas sine febre, & simul vertigo tenebrosa incidit, & tarditas vocis, & manuum stupor, hos vel apoplecticos, vel epilepticos, vel etiam lethargicos fore expecta.* Admirabilis pronunciati necessitas patet ex superioribus luculentissime: hae enim omnes affectiones indicant, copiam materiae ad cerebrum colligi, a qua ipsum prematur: deest autem febris, quae eam abripiat, aut absumat; igitur in ejusmodi dolore sine febre, & cum reliquis conjunctis facile apoplexia cum caeteris. Vide autem textus singulos admirabiles, & facile ex nostris meditationibus patentes.

VERTIGINI

Praemittendum.

UT Vertigo non naturalis, seu morbosa plane constet, & deducatur ex causis suis, atque necessitate, prius exponantur oportet Vertigines aliquot, in quas venit homo etiam in naturali statu, atque omnino bene se habens, dummodo quibusdam in conditionibus se constituat, quibus certo modo afficiatur in oculis, aut partibus illis internorum sensuum, quae ab oculorum speciebus moventur, vel in utrisque partibus, internis scilicet, atque oculis simul. Neque immorabimur in explicatione Vertiginis, quatenus ad expositionem nominis, vel definitionem ejus pertinet, cum nemo sit, qui non intelligat, aliquem etiam naturaliter se habentem tum dici in Vertiginem venire, cum circumagi asserit quaecunque obverfantur oculis, licet quiescant, atque consistant, vel nutare, vel crura laxa fieri, ex quo periculum imminet, ne vertiginosus ille in terram corruat, & concidit saepe, nisi aliquid fulcimenti, vel retinaculi proxime, ac statim occurrat. Effectum hunc plane

ne mirabilem, quorsum accidat etiam in naturali statu, exponemus ex sua necessitate rem deducentes, inde facile gradum facturi ad Vertiginem morbosam & plenam summi discriminis. Ut autem res minime facilis, qua fieri potest, perspicuitate demonstretur, prius supponendum est, motum rerum externarum non alia ratione ab oculo percipi, nisi per mutationem loci, in quem veniunt species intra oculum perductae; unaquaeque enim species determinatum spatium intra oculum occupat, ita ut ipsius termini sint plus minus dextri, aut sinistri, superi, aut inferi, & quousque eandem species termini servant distantiam a dextris, sinistris, superis, aut inferis oculi partibus, eo usque persistat oportet intra idem oculi spatium suscepta species, seu locum non mutet, & cum per ipsam repraesentetur etiam objecti locus, affirmabitur etiam objectum quiescens, quousque nulli terminorum in diversas ab assumtis partibus distantias veniunt: si vero magis dextri fiant, dicetur objectum moveri sinistrorsum (intra oculum enim omnia se habent converso modo, ac extra se habeant, propter angustias pupillae, intra quas radii visivi se secant indecussim,) si magis sinistri, dextrorsum: si vero termini inferiores ad supra vergant, dicetur objectum moveri deorsum, seu nutare, vel cadere, prout motus ille ad superiora major, aut minor fuerit: elevari autem, aut ascendere, si termini superiores speciei ad inferiora oculi ferantur. Quae omnia partim ex opticis, partim ex se ipsis manifesta sunt: & si quidem dum speciei termini moventur, tam ipsi, quam tota species earum sint conditionum, quae requiruntur ad sentiendum, motum fieri per lineam rectam, cujusmodi est diversitas distantiarum, asseretur objectum, cujus species movetur per oculum, moveri per lineam rectam: si vero adsint caetera, quae alias lineas determinant, objectum per ejusmodi lineas moveri dicetur, adeoque si eadem semper servetur distantia, nempe si spectetur ex. gr. cubile quadratum, & tota ipsius species ita moveatur, ut species ab angulis venientes eandem semper distantiam repraesentent, pariterque eandem species venientes a mediis quibuscunque parietum partibus, totum cubile dicetur moveri circulariter, & species ejus intra oculum describere innumerabiles arcus peripheriarum circularium videbuntur, & dici poterunt, prout innumera sunt puncta in cubilis superficie, a quo species
pro-

proveniunt in arcum motae. Quoniam igitur ex eo solum judicamus, objectum aliquod moveri, quod ipsius species distantiam mutat ab extremis oculorum terminis; quacunque igitur ratione ejusmodi distantia mutetur, objectum moveri judicabitur: mutari autem potest, vel quia objectum re ipsa moveatur, vel quia moveatur oculus immoto objecto; quocunque enim modo moveatur oculus per latera sursum, aut deorsum, semper necessario fiet, ut species non cadat in idem spatium oculi, sed citerius, ulterius, altius, humilior, vel denique quia & oculus moveatur, & objectum, ita ut eorum motus sint ad partes oppositas, vel ad easdem, sed non aequae celeres; igitur quoties ex his aliquid dabitur, videri debet objectum moveri vel per lineas rectas, vel per curvas, prout distantiarum dijudicatio permittet, quae omnia discrimina sint oportet, si praesens objectum fuerit. Si vero objectum sit absens, & abfuerit per tantum tempus, ut species omnino quieverit, excitetur autem species, seu successio undarum diversas, & ad successivum contactum positas nervorum series per totum motus tractum in oculo dimovens, habebitur imaginatio, puta somnum, speculatio, memoria, inventio &c. ejus motus, qui factus fuit tali tempore ab illo objecto, quod supponitur absens: si vero objectum jam jam ablatum fuerit, ita ut successiva illa per sibi succedentes nervos undatio non quieverit, adhuc permanebit visio illius motus, sive clausis, sive apertis oculis homo habere se velit, & perseverabit, quousque eadem undatio ex se ipsa quiescat. Afferro jam ulterius etiam, si nulla istorum contingant, nempe etiam si neque oculus, neque objectum moveatur, neque excitetur species motum repraesentans, fieri tamen posse, ut moveri objectum videatur, si solus nervus opticus loco naturali dimoveri supponatur; concipiuntur enim lineae aliquot aequidistantes, quarum congeries repraesentet fasciculum canaliculorum, ex quibus totus opticus componitur, desinent illae ad convexam retinae superficiem. Concipiatur insuper radius aliquis visorius cum earum aliqua concurrens, constituet igitur certum cum ipso angulum. Dimoveatur jam e suo loco naturali haec eadem assumpta ex aequidistantibus, & cum radio illo visorio concurrens linea; mutabitur igitur cum radio illo visorio angulus. Ducatur itaque radius alter visivus a puncto concursus, qui cum illa aequidi-

stan-

stante e suo loco non dimota constituat angulum aequalem angulo producto post ejus dimotionem, manifestum est, ductum hunc radium non cadere supra radium priorem, adeoque provenire ab alio objecti puncto, adeoque cum sit idem, sive objectum moveatur, & quiescat opticus, sive hic moveatur, & quiescat objectum, cum per secundum radium in non dimoto optico repraesentetur objecti motus per solam anguli mutationem, per primum radium repraesentabitur similiter objecti motus per motum optici, qui mutat angulum per sui dimotionem cum primo radio, quae ex eo solum contingunt, quia undae diversis inclinationibus superficiem nervorum extrorsum trudent, & ex ea inaequali, & diversa obliquitate inclinationum ad oculum in objectis eorum etiam motus determinamus. His autem positis primo affirmamus, dum circumagitur corpus circa se ipsum patentibus oculis, circumposita omnia videri debere circumagi, & ejusmodi circumactionem circumpositorum etiam absoluta circumactione corporis, & subito clausis oculis debere per tempus aliquod perdurare. Quoniam enim ad hoc, ut appareat objectum moveri, satis est, si oculus successively moveatur, & tum objectum videtur moveri circulariter, cum oculus ita movetur, ut eandem servet ab iisdem objecti terminis distantiam, & cum corpus agitur circa se ipsum, eandem distantiam ab iisdem circumpositorum terminis servat; circumposita igitur quaeque circumagi videbuntur. Cesset jam circumactio corporis, & oculi subito claudantur; non igitur subito fluere, ac reflueri cessabit species circumpositorum omnium intra nervos, & excitata est intra ipsos per eam nervorum se contingentium successionem, inclinationem undarum, & impetum, quae motum cum circulari distantia repraesentant; igitur etiam absoluta rotatione corporis, & clausis oculis circumfactorum corporum imago nobis obversabitur, quousque speciei undatio perdurabit, eaque quiescente species omnis evanescet. Hinc autem fiet, ut si diutius corpus circumegerimus, diutius etiam, postquam quievimus, imago circumgyrationis obversatura sit animo; saepius enim in diuturniori circumactione corporis eadem objectorum species recurrit in nervos, ex quo ad undas concipiendas, & diutius retinendas aptiores evadunt, ut patet ex Anatomicis nostris. Quia vero quae de circulari motu exposuimus, facile etiam aptantur qui-

Vertigo per
corporis rotationem
circa se
ipsum.

buscunque motibus per quaslibet alias lineas curvas, aut rectas facile hinc intelligis primo, in omnibus motibus moto oculo ad partem aliquam objectum moveri debere ad oppositam: si etenim oculus moveatur ex. gr. a dextra in sinistram, radii, qui versus sinistram vergebant, magis versus dextram occurrent retinae, seu objectum dextrorsum moveri videbitur, quod contingit continue, dum progredimur, & nemini notum non est. Si vero & oculus, & objectum re vera ad oppositas partes moveantur, tunc etiam multo magis, seu per multo majus spatium objectum ad oppositas partes moveri videbitur, & ratione scilicet motus realis, & ratione motus specierum, quod contingit, cum duae naviculae, duo currus, duo equites, peditesve ab oppositis partibus, & per mutuum occursum transcurrunt; mirum enim, quam celeri motu moveri videantur. Immoto autem objecto, & moto solum oculo illud est non omittendum fieri posse, ut aliud objectum videatur moveri ad oppositas partes, aliud ferri, seu moveri ad easdem, ad quas movetur oculus, quod fiet, si in directum oculi duo objecta constituentur inaequaliter ab eodem oculo distantia, v. g. ripa fluminis, quae supponatur moto oculo proxima, atque inde longe protensa planities, vel distans catena montium; tum enim propter ripae parvam distantiam fit, ut moto oculo novae semper, ac novae ripae partes in oculum succedant, at vero distantia montium insignis cum hanc diversitatem facere non possit, ut ex opticis, videtur oculum sequi comparata cum motu riparum. Ex his insuper vides, qua ratione fiat, ut cum everso corpore aliquid intuemur, tensis scilicet in altum cruribus, & obverso in terram capite, circumposita omnia everfa videantur. Quoniam enim illud summum appellamus in rebus, cujus species imam oculi appellamus, quae pedes respicit: summam, quae verticem capitis; igitur nobis stantibus summa rerum immittent species, quae in imum oculi abibunt, ima in summum, adeoque unaquaeque rerum tunc recta dicetur. Cum autem obverso in terram capite, quando scilicet corpus evertitur, quod immittitur a summo rerum incidat in summum retinae, quod ab imo in imum; summum igitur objectorum, a quo tunc summum retinae movetur, judicabimus eorundem imum, & imum eorundem, a quo imum retinae judicabimus eorundem sumum, seu, quod idem est,

totum objectum eversum apparebit. Patet ex his similiter, cur presso alterutro oculorum, ita ut idem oculus loco moveatur, objectum, quod re vera unicum est, duplex appareat, quorum alterum vel altius, vel humiliter veri objecti loco, prout varie movetur oculus; verum enim locum objecti ostendit immotus oculus, apparentem oculus motus, & proveniente a motu ejusdem oculi: hinc si motum oculum in suam sedem paulatim restituamus, apparens illud objectum sensim ad veri objecti locum accedere videtur, quousque plane restituto oculo objectum illud apparens evanescit cum vero quasi commissum: Similiter cur in eadem observatione clauso oculo non moto statim objectum verum evanescat, & quae his similia ludicra in ejusmodi motionibus fingi possunt. Huc etiam revocare poteris, & rem praesentem illustrare per ea omnia, quae de rotatione cita corporum, tremore chordae &c. demonstravimus a Corollario decimo nono usque ad vigesimum tertium Propositionis tertiae de Operationibus Animalium. Dico jam secundo, circumgyratione diutius protracta etiam absque eo, quod defatigari sentiat corpus, vel protracta brevius, sed cum sensibili fatigatione, corruendum esse. Quoniam circumrotato corpore circa se ipsum sit motus progressivus per circumferentiam circuli, cujus centrum pars pedis solo haerens; igitur, quemadmodum in omni progressu sit, oportebit, ut truncus corporis e femore in femur alterne jactetur, & a progrediente quidem jactetur in quiescens, & a quiescente sustineatur, quousque femur alterum progressum sit, & pedem solo fixerit. In omni igitur progressionem ita temperare jactantes musculos oportebit, ut per eorum vim truncus ex altero in alterum femur non jactetur tanto impetu, qui inflectat, & deorsum ferat totum corpus; tum etenim corruat oportebit, quod tum accidet, cum linea centri gravitatis corporis extra pedes cadet. Jactantes autem muscoli sunt elevatores tibiae, sive flexores ejus, sicut etiam femoris; utraque enim ossa, dum femur progreditur, elevantur; ne jactetur autem, prohibent muscoli ejusdem lateris deorsum moventis; igitur illi quidem tantumvis faciant oportet, ut ossa elevent ad progrediendum, dorsi autem muscoli tam contranitantur, ut nimiam jactationem impediant, quibus auxilio etiam esse poterunt contranitantes levatoribus tibiae, & femoris prohibendo, ne contrahantur va-

lidius. In his igitur motibus opus est maxima copia spirituum non solum contrahendis tot musculis, verum etiam resistendo valido jactationis motui, qui pariter resistentiae nisus non nisi per validam contractionem fit, seu copiam ingentem spirituum. Addatur jam insuper impetus alius, qui in trunco, totoque corpore continue nitatur; igitur in progressu hic idem impetus superandus erit, & majorem spirituum copiam exigit. Quoniam igitur rotato corpore circa se ipsum concipitur impetus in ipso toto per singulas tangentes extrorsum; in unaquaque igitur rotationis parte prohibendum est, ne corpus per tangentem moveatur abrupta gyratione; & quo diutius protrahitur rotatio, eo major impetus concipitur; igitur tamdiu protrahi poterit, ut demum momentum concepti impetus majus sit momento, quod a musculis contranitentibus exerceri potest, ne corpus abrupta gyratione per tangentem extrudatur: totum autem corpus solo haeret per pedes, & totius corporis vis major exercetur ad pedem anteriorem, qui vel est in centro gyrationis, vel fertur per circumferentiam circuli minoris; igitur versus anteriorem pedem corruet, cum ad eundem pedem sit resistentia major, & totum corpus concepto impetu abripi recta non possit per tangentem propter contactum ejusdem pedis cum solo, qui facit, ut ibi sit maxima resistentia decrescens successive versus caput. Postquam igitur ejusmodi impetus conceptus fuerit contractione musculorum major: etiam si defatigatum se non sentiet homo, toto tamen corpore corruet. Si vero breviori etiam tempore gyraverit, sed defatigatum se sentiat, adhuc corruat oportebit, licet breviori tempore in gyratione perstiterit; defatigatio enim erit certum argumentum penuriae spirituum, a quibus jactatio temperari deberet, & concepto impetui resisti, unde similiter corruendum, quare patet propositum. Ex his autem deduces, tam apparentiam motus in objectis, quam casum in Vertigine per rotationem corporis circa se ipsum non contingere per circumgyrationem spirituum; species enim motus circularis est illa successio motus in nervis cum eadem distantia, & lapsus fit ratione concepti impetus eo modo, quem exposuimus. Concipi autem a corpore nostro impetum patet in curribus, cum equo, vel navi vehimur; si etenim haec subito, & velociter moveantur, concidimus ad partes motui oppositas, si vero subito quiescant a motu, ruimus ad partes ejusdem motus.

Quo-

Quoniam vero unusquisque nostrum in se ipso experientia novit, quanti laboris sit stare, & multo magis recta incedere absque eo, quod corruamus, cum plurimi musculorum detinendi sint in officio ad hoc, ut corpus supra pedes in aequilibrio sit, cum stamus, vel jactetur hinc inde, quando progredimur, absque eo quod linea centri gravitatis extra pedes cadat, quod attentum animum postulat, cum res in minima virium differentia sita sit, pariterque noverimus, quam facile ejusmodi aequilibrium mutari possit per minimam quamlibet obliquitatem soli, dimotionem artuum, & similia, ac tum corruere nos tota mole corporis, & in dolorem, ac vitae discrimen adduci; ubicunque igitur constituemur stantes, aut progredientes, ita ut dubitare possimus de tuta statione, aut progressionem, ita ut in suspensionem collapsus veniamus, & nihil occurrat, cui inniti, & nos a lapsu vindicare valeamus, statim ejusdem lapsus metus excitabitur cum iis omnibus, quae cum specie metus conjuncta sunt. Cum igitur nemo nostrum sit, qui, cum adhuc ignarus esset incessus, millies non corruerit, & per aetatem mille motus exeruerit lapsibus similes, habebit unusquisque nostrum lapsus speciem conjunctam cum reliquis omnibus, quae cum ipso lapsu necessario junguntur, unde statim ac excitatur metus labendi, excitabitur species lapsus cum omnibus aliis speciebus, quae cum eadem illa specie junguntur; labi autem non possumus, seu toto corpore corruere, quin circumposita quaeque ex iis, quae superius ostensa sunt, circumverti, seu in Vertiginem agi, & quidem subito videantur (cum enim toto corpore ruimus, caput cum oculis per circuli circumferentiam agitur, cujus centrum pedes, & quidem celerissime propter collapsum corporis, qui sit toto gravitatis impetu) igitur cum excitatur species lapsus, excitabitur etiam unum, vel plura objectorum, quae circummagi visa sunt, cum aliquo tempore lapsi fuimus. Eodem autem tempore veniunt in oculos species objectorum, in quae obvertuntur iidem oculi; hae igitur species non incident in nervos nulla undatione dimotos, sed successive tremantes per speciem a metu lapsus excitatam, quare perinde erit, ac si inciderent in oculum, qui moveretur, unde & objecta, quae intuemur, moveri in circulum videbuntur. Et siquidem in insigni altitudine constituti fuerimus, unde alta profunditas aspiciatur, vel subjecta

Vertigo ex
altitudi-
bus, aut an-
gustis semi-
tis in locis
sublimibus.

immensa planities, videbitur hæc multo celerius circumagi, cum unicuique nervulorum successive trementium immensus fere spatii tractus respondeat, qui totus moveri videbitur, quo tempore nervulus ille in undas per speciem metus excitatus venit. Quod si species metus tam invaluerit, ut illam aliam excitare non valeamus, qua certo suademur nos quiescere, cum objecta videntur circumagi, nos etiam in gyrum rapi existimabimus, & cum similiter noverimus, laboris maximi esse, ac studii, atque attenti animi, circumagi & non labi, adhuc lapsus metus fiet major. Insuper augebitur hic idem metus, si oculi affigantur loco, cui innitimur; videbitur enim & ipse dimoveri, & veluti subterfugere, unde jam insuper dubitabimus niti in ipsum valide, cum propter apparentem motum ejus de ejusdem stabilitate in suspensionem venerimus, & musculos ab ejusmodi nisu temperare meditabimur. Denique si species metus toto suo tremore tremat, faciet brevi, ut nullam rerum externarum videamus ulterius, ut in vehementibus animi contentionibus contingit, de quibus suo loco in Operationibus Animalis, unde visu capiemur etiam patentibus oculis. Itaque constituti supponamur in altitudinibus, vel in angustissimis semitis in sublimi, ad quarum latera nihil retinaculorum, nihil fulcimenti occurrat, subito de detinendo corpore in perfectissimo aequilibrio cogitabimus, si quidem solum stemus, cum quantillum ab ipso recedamus, certo venire debeamus in lapsum fatalis discriminis, adeoque totis viribus, intentissimisque animis annitemur aptam pro perfecto aequilibrio copiam spirituum derivare in singulos musculos stationi dicatos: sed quia eodem tempore suboritur species metus, quae attentionem illam, atque aptam derivationem perturbat, hinc primo musculorum minima, & minus perturbata dimotio, unde levis quaedam titubatio corporis, & ex hac metus major, ac tum magis perturbata; ac major musculorum jactatio, ex qua metus maximus, & captio visus, & abjectio animi, ac motus spirituum nullius ordinis, & collapsus. Patet autem, multo facilius collapsum secuturum si progrediamur, & si in locum, cui innitimur, defigamus oculos sive stantes, sive progredientes: confuse enim dimoti muscoli reliqui facilius dejicient corpus in solum, quod subterfugere videtur, & in quod vix niti suis musculis ille timens audet. Quod si diuturna exercitatio-

ne, & aliorum exemplo assueverimus, cum constituti sumus in locis similibus, speciem metus impedire, & stare, atque incedere per ea non secus, ac in locis humilioribus, atque amplissimis stamus, atque incedimus, profundissima quaeque depicere, & angustissima quaeque tuto conscendere poterimus, ut continue faciunt fabri murarii, lignarii in extruendis contignationibus, exornatores altissimorum templorum, qui scalarum angustissimis tigillis se credunt, & strictis aedificiorum coronidibus stantes, ambulantes, discurrentes: nautae per summos, atque angustissimos navium lembos, scalas ex cannabe, caveas, antenas summas, & quod cogitare sine admiratione non possumus, unusquisque nostrum tuto fieri poterit funambululus nulla Vertiginis, aut lapsus suspicione, licet everso in terram capite, imis calcibus a fune pendeat, per ipsum ambulat, volet, circumrotetur.

Postremo, quoniam ebrii vino infarciuntur; vasa igitur sanguinis, praecipue autem arteriae, propter majorem impetum, quo per eas sanguis fluit, quam per venas, maxime extenduntur, & quidem duplici de nomine, & ratione scilicet quantitatis vini, & ratione caloris ejus, quo totum compositum ex humoribus per arterias fluentibus plurimum rarefcit: fertur autem hoc totum cum impetu extrorsum; igitur tum ratione molis extrorsum auctae, tum ratione impetus extrorsum trudentis partes ad contactum arteriarum positae loco dimoveri poterunt, ac debebunt, siquidem cedant. Primo itaque cum uveae circumferentia ramusculis grandioribus, iisque plurimis, & arteriosis alluatur, qui praecipue per ejus exteriorem superficiem conspicui sunt; hi igitur per ebrietatem intumescunt, & impetus majoris fiet contentus sanguis, unde uvea, per quam feruntur, moveri cogetur, qua poterit: retina autem mollis est, & in se ipsam cedens, & interior oculus compressilis; igitur introrsum agetur uvea: introrsum autem agi uvea non potest, quin partes retinae situm mutant, neque hae mutare situm, quin species tum ab objectis venientes & ipsae respectu retinae situm mutant, adeoque quin objecta tum moveri videantur; igitur per motum illum arteriarum objecta moveri videbuntur, & si quidem id in alterutrum oculorum contingat, apparebit objectum duplex, alterum immotum ab oculo non compresso, motum alterum a compresso, si in utrisque

Vertigo ab
ebrietate,
calore ni-
mio. sele
vehementi
&c.

duo utraque mota. Cum autem per ebrietatem non aequabiliter infarciri vasa omnia possint, neque aequabiliter per calorem rarefcere, neque continue nunc plus, nunc minus vini adveniente in arterias, neque oculorum compressio esse poterit aequabilis, neque persistent in eadem parte oculi: neque in utriusque semper, unde dimotiones variae, majores, minores, intermittentes, recurrentes, & omnia perturbati ordinis debebunt contingere, adeoque objecta videbuntur ebriis moveri quacunque motuum perturbatorum differentia, unde etiam motus nutatorii, seu per arcus, seu Vertigines. Quia vero perspirationes a vino implere possunt oculum, & species disperse in partes plures, hinc idem objectum etiam praescindendo a motu oculi videri poterit multiplex, atque insuper multiplicatio objectorum fieri poterit ab excitatione specierum similium objectis praesentibus, ut sidera cum luminibus, Nymphae cum mulieribus, & ejus generis mille, quae ebrii videre sibi videntur. Compressionem autem oculi introrsum, & ejusdem infartum per expirationes a vino in ebriis contingere, ex eo confirmabis ulterius, quod ebriis oculi mirum in modum intumescunt, ita ut e suis antris extrudi, atque exprimi videantur. Quia vero quaecunque apparent in objectis dimoto oculo, appareant etiam oportet, ut superius ostendimus, oculo, nec objectis dimotis, sed dimotis solum nervis opticis (quod autem de opticis dicitur, de reliquis etiam nervis intelligito); nervis autem opticis allabuntur arteriae Carotides, canales scilicet amplissimi; igitur iidem nervi praecipue, cum sint fasciculi satis longi, & intra cavitatem cranii maxime liberi, loco moveri debebunt per impetum sanguinis, & auctam arteriarum amplitudinem in ebriis, adeoque etiam ex solo opticorum motu quicquid accidit in ebriis, evenire posset; multo igitur magis loco motis nervis, & oculo, ex quibus utrarumque partium motibus dari poterit etiam apparens objectorum multiplicatio major propter diversitatem nervorum, in quos eadem species & etiam diversa ratione incidit, prout varie dimoveretur retina, & nervus. Ex superius autem expositis patet, unde pendeat in ebrii mutatio corporis, & incompositi motus, ac tandem collapsus, unde iis ulterius non immoramur. Illud notabis, quod asseritur de nervis opticis, idem plane intelligendum de nervis reliquis, cum

singuli ramusculis aliquot arteriarum adstent, a quibus levem aliquam dimotionem pati poterunt, quae motus illos apparentes promovebit, quanquam optici ex se ipsis satis superque sunt. Manifestum igitur est ex his, in Vertiginem agi debere hominem, quoties expositi canales arteriarum ita intumescunt, ut loco movere oculum, aut nervos possint. Detineatur igitur homo, & praecipue capite in sole vehementiori, igne, hypocausto, loco angusto, & hominibus refertissimo, & si quae sunt alia huiusmodi, a quibus caloris vis ingens; rarefcet igitur maxime sanguis, & velut effervesceat, unde amplitudo arteriarum augebitur cum impetu extrorsum, & loco movebitur oculus, ac nervi, adeoque Vertigines succedent cum reliquis omnibus, quae Vertiginem comitantur. Quae de Vertiginibus naturalibus satis; ex his enim facile, ac tuto patent, si quae explicatu digna sunt, & a nobis omissa, & sicut quae explicavimus sufficiunt, sic omnino necessaria fuerunt ad intelligentiam Vertiginum non naturalium. Sic statim patet ex praemonstratis, Vertigo ex fluxu aquarum, motu currus, lecticae, &c. cur quidam praecipue meticulosi, pueri, & mulieres in Vertiginem se agi asserant, imo re vera agantur ad solum conspectum rivi leniter fluentis, multoque magis ad profluentes aquas in fluminibus, quin etiam si vehantur curru, lectica, equo, navi; in fluxu enim movetur objectum successive, unde excitatur species Vertiginis: in aliis autem expositis motibus objecta moveri videntur propter motum currus, navis, &c., quibus vehimur, unde excitatio similis speciei. Quod si ejusdem speciei vertiginosae excitationi assueverimus, quod fiet, si saepius eandem excitaverimus, sive data opera, sive casu, tum multo facilius, nempe ad quamlibet speciem, quae nervos ex ordine ad successivum contactum positos in undas agat, Vertigine corripiemur. De his igitur haecenus.

V E R T I G O.

A N T E C E D E N T I A.

AUstrinae constitutiones, rotatio sui, vel corporum, quae inspi- 3. Aph. 17.
ciuntur, inspectio profundorum, percussio capitis, fractio cra- 4. Acut. 42.
nii, calefactio vehemens sub sole aestuante, exercitia immodica, &
intempestiva, ingluviens cibi flatulenti, ira, balneum, evacuatio
Eccc so-

solita suppressa, inedia praecipue in picrocholis, nempe biliosis, compressio cranii, unde compressio cerebri. Dolor capitis, gravitas, laesio alicujus sensus, ut visus hebetudo, vel caligo, aurium tinnitus, gravis auditus, olfactus, aut gustus imminutio, arteriarum capitis pulsatio cum aliarum partium incolumitate; & haec vel conjuncta sunt cum signis humorum frigidorum excedentium, nempe hebetudine sensuum exteriorum, & interiorum, gravitate cagitis, pigritia ad motum, somnolentia, spuitione multa, inappetentia sine siti, urina alba, & cruda: vel cum signis bilis, ut vigiliis, iracundia, actionum promptitudine, siti, amaritiae oris, celeritate pulsus, urina tenui, & flava: vel cum signis atrae bilis, ut timore, moestitia, cogitationibus turbulentis, vigiliis importunis, insomniis horrendis, ructibus acidis: vel cum signis sanguinis, ut venarum tensione, & tumore, faciei rubore, & calore, pulsatione temporum, gravitate, ac tensione capitis, somnis longioribus, insomniis rerum rubrarum, lassitudine, pandiculatione, urina rubra, & crassa, aliquando tenui, & perspicua: vel cum signis alicujus partis male se habentis, & cum inappetentia, nausea, ructibus acidis, vel nidorosis, dolore ventriculi, aut inflatione, quae indicant affectum ventriculum, & similiter progrediendum, cum indicantur affectae aliae partes, puta jecur, lien, aut uterus, & partes reliquae.

CONJUNCTA.

Conjuncta sunt semper cum Vertigine apparens objectorum circumactio, vel nutatio cum metu casus: oculorum vis subito hebetatur, tinnunt, sibilant, vel quiddam sentiunt aures, qualis sonus pluviae in durum aliquid e majori altitudine decidentis. Mox restituitur visus, & metus cessat, sicut & cessat apparens objectorum motus, atque ita restituitur aeger, quod si Vertigo diutius aliquanto protrahatur, nutatio objectorum fit major, metus intensior, interceptio visus, subitus collapsus, vomitus, vel ad vomitum ingens stimulus ante, vel post lapsum, sicut etiam ante, vel post vomitum sudor e toto corpore gelidus, atque tenuis, qualis Ephidrosis.

S U C C E D E N T I A.

Vertigini plerumque succedit apoplexia, vel epilepsia. Si vero 4. Acut. 41. invaserit febrientem, inquit Hippocrates, *crisim solet prae-*
nunciare, quae proinde vertigini succedit.

Quoniam tum moveri quae cernimus existimamus, cum iis Causae ab
excitatione
speciei, &
dimotione
retinae, vel
nervorum,
vel utro-
rumque. re vera immotis ita movetur retina, vel nervi, ut eorum ex ordine ad successivum contactum positi in tremorem agantur ab eadem specie ab immoto objecto proveniente, ac tum ob-
jectum illud circumagi videtur mutato quidem nervo, quem
successive species afficit, sed servata semper ab oculo eadem
distantia; igitur objecta ab iis omnibus in Vertiginem appa-
rentem agi poterunt, quae dimovere poterunt retinam, vel
nervos. Insuper cum species circumgyrationis sita sit in hac
ipsa successione tremorum in nervis ad contactum succedenti-
bus cum eadem distantia ab objecto, species haec facile exci-
tabitur vel per speciem parum dissimilis motus, vel per omni-
no similem, sive extrinsecus advenientem, sive excitatam in-
terius, quae excitabitur facilius in assuetis ex superioribus. Ita-
que in Vertiginem veniemus vel per speciem ejus quomodo-
libet excitatam absque dimotione nervorum, aut retinae, vel
per dimotionem harum earundem partium, adeoque necessario
ea omnia Vertiginem excitabunt, quae nervos, aut retinam
dimovere possint, vel speciem ipsam Vertiginis excitare, spe-
ciem autem vel formant, vel excitant, vel utrumque simul ex
superioribus praestant rotatio sui, vel objectorum, vel gyran-
tium, vel etiam per rectam, aut quamlibet aliam curvam se
agentium, sicut etiam profundorum inspectio; igitur per haec
agemur in Vertiginem, & eo quidem facilius, quo magis me-
ticolosi fuerimus, & quo saepius eandem Vertiginis speciem ex-
citaverimus, ut patet ex iis, quae superius exposuimus. Vasa
jam sanguinis intumescant sive per copiam sanguinis, sive per
copiam alicujus ex aliis humoribus, sive per calorem rarefa-
cientem, adeoque vasa extendentem, debebunt igitur illa, ut
similiter expositum, niti cum impetu in retinam, aut nervos,
adeoque eas partes loco movere, & cum interim oculos in
objectum, quod observatur, intendamus, videbitur illud cir-
cumagi, unde excitabitur species metus, & si circumactio
duret, hoc est, nifus arteriarum in nervos, aut retinam, con-

Rotatio sui,
vel objecto-
rum, inspe-
ctio profun-
dorum &c.

Calor, ira,
exercitatio,
balneum,
cibi flatu-
lenti, inedia
praesertim
in calidio-
ribus.

tinget lapsus, ut inferius. Cum autem rarefcere debeant hu-
mores, & velut aestuare atque effervere in calore solis, ira,
exercitio immodico, & intempestivo, balneo propter calorem
(in quo eo facilior fiet dimotio, quod balneum molliat, &
quasi exsolvit villos, unde per calorem facilius dimoventur)
cibis flatulentis, nempe fermentescentibus, inedia propter li-
bertatem partium subtiliorum praecipue in temperamentis ca-
lidioribus, ut biliosis (in quibus similiter dimotio eo facilius
continget, quod per inediam villi laxi evadere poterunt, seu
facilius cedentes;) igitur ex his omnibus Vertigo excitari debe-
bit per dimotionem retinae, vel nervorum, vel utrorumque
simul propter impetum sanguinis arterias trudentis extrorsum.

Percussio
capitis, fra-
ctio cranii,
pressio cere-
bri.

Quia vero validior percussio capitis totum cerebrum quatit,
atque ita loco movet, Vertigo a percussione similiter excitabi-
tur, & multo magis fracto cranio; aderit enim impulsus, a
quo cerebrum succutietur, & pressio ejusdem per fractionem,
unde non solum dimoveri cerebrum, & premi, sed etiam
trunci arteriarum ad opticos premi poterunt, adeoque mino-
ris amplitudinis fieri, unde sanguis ad restrictam amplitudinem
perveniens fiet majoris nifus extrorsum, & opticos dimoveri
loco magis poterit, & Vertigo succedet. Quia insuper inglu-
vies & plurimum humorum, & eisdem crassiores generat; ar-
teriae igitur per eos implebuntur magis, & intumescunt, &
sanguis praecipue ad vasa minora fiet per crassitiem tardioris
motus, unde impetus succedentis erit validior, & arteriae ma-
jori momento trudentur extrorsum, & nervi, aut retina loco
magis movebuntur. Idem continget ex suppressione eva-
cuationum consuetarum, dummodo earum materies cum sanguine
miscetur; cum enim in naturali amplitudine arteriarum sola
humorum naturalium massa contineri debeat; addita igitur
evacuationum materia eorundem moles fiet major, & arteriae
proinde ampliari debent, unde intumescunt &c. Postremo,
quoniam austrinae constitutiones perspirationem impediunt,
quae nempe est ex evacuationibus consuetis; igitur ejus ma-
teries admista rursus sanguini producat Vertiginem, ut mox ex-
posuimus. Quia vero humor vel fermentando, vel calefacien-
do rarefaciens, vel sola quantitate extendens arterias, aut ab
ipso capite provenit, & intra vasa sanguinis exprimitur, aut
ab aliquo ex suppositis in utroque ventre visceribus. Similiter,

Ingluvies.

Suppressio
evacuatio-
num con-
suetarum.

Austrinae
constitutio-
nes.

Idiopathi-
ca, & sym-
pathica.

ut

ut de caeteris morbis dictum est, idiopathica Vertigo erit, cum humor ille quomodolibet cum impetu tumefaciens a capite ducit originem: sympathica, cum ab aliqua alia parte, ut utero, ventriculo &c., quod indicabunt exposita superius signa, quibus ulterius non immorabimur, cum facillima sint, tam quae ad sympathicam, quam quae ad idiopathicam pertinent, & ad dignoscendas humorum differentias, a quibus proveniant, & omnia ab ejusmodi arteriarum intumescencia pendeant. Notabis autem ex iis, quae de balneo, & inedia dicta sunt, Vertiginem etiam dari posse, cujus causa sit nimia nervorum lassitudo, & velut exolutio; si enim haec concipiatur tanta, ut se veluti sustinere ulterius non possint, sed concidant flaccidi, & suis partibus vix cohaerentes mutant obliquitatem cum retina oportet, unde apparens successio motuum cum eadem distantia ab oculo, seu Vertigo. Sed in Vertigine ab hujusmodi causa proveniente adsint oportet, quae cum partium exsolutione conjuncta sunt, quod in vulgaribus Vertiginibus contigisse adhuc non novimus. Id igitur sit annotatum, ut etiam ad possibilia quaeque quantum licet respiciamus. Ingruat jam Vertiginis paroxysmus; subito igitur circumagi objecta videbuntur propter speciem subito excitatam, vel vasa sanguinis ex subito infartu subito dimoventia retinam, vel nervos, & circumactio, si per minus spatium facta videbitur, & a superioribus versus inferiora, nutatio dicetur, eoque proprius, si objecti summum deorsum ferri videatur non servando eandem ab oculo distantiam. Quia vero sive excitata species, sive dimotio, quae & ipsa speciem excitat, conjuncta est ex superioribus cum timore lapsus, igitur in Vertigine labi timebimus. Quod si excitetur Vertigo per materiae copiosioris influxus in arterias, fluet illa non per unicam arteriam solum, sed per omnes, unde etiam per arteriolas, quae ad aurem internam deferuntur, quae proinde membranas, & ossicula dimovebunt, & in tremorem aliquem agent, qui hunc, vel illum sonum repraesentabit pro diversitate impulsuum, & pressionum, unde aliquibus, aut aliquando tinniet, sibilabit aliis, vel pluviam decidentem imitabitur, imo etiam haec omnia in eodem contingere poterunt, ut patet. Quoniam vero excitata illa species facit, ne reliquae clare, & vivide tremere per nervos possint, hinc vis oculorum fieri videbitur ad discernendum he-

Vertigo a nervorum lassitudine, exsolutione,

Circumactio, nutatio, metus, casus.

Restitutio in vertigine brevis temporis.

Metus, tenebrae, lapsus
in vertigine
diuturniore.

Vomitus,
vel vomendi
stimulus.

betior, & siquidem vis arteriarum dimovens praeterfluente sanguine statim cesset, vel quaecunque fuerit causa speciem Vertiginis excitans, statim similiter cesset, Vertiginis impetus statim cessabit, statim scilicet, ac illius speciei tremor quieverit: quod brevissimo temporis spatio fieri potest, unde & objectorum quies obversabitur rursus oculis, & a lapsu tutos nos existimabimus. Materies autem vasa infarciens sit quantitatis majoris, vel causa speciem excitans diutius in excitatione persistat; igitur sanguis praeterfluere non poterit subito, ita ut subsidat arteria, unde haec in dimotione persistet diutius, adeoque dimotio objectorum videbitur longioris temporis; erit enim alterna propter alternum arteriae motum, & ultra citroque per longum tempus circumagi videbitur, cuiusmodi motus alternus, & per longiusculum tempus ultra, ac citro in Vertiginibus, quibus tamdiu vexati sumus, perspicue contingebat, unde metus lapsus intensior, & propter diuturnam, ac vividam ejusdem speciei undationem omnis aliarum specierum tremor prohibitus, unde sublatio, seu interceptio visus seu tenebrarum visio, permanente tamen specie circumgyrationis objectorum, quae oculis obversabantur ante occursum tenebrarum, ut in superioribus exposuimus. Subitus lapsus similiter in superioribus expositus est ex confusa, & inepta distributione spirituum in musculos sustinentes, & motui transverse concepto obnitentes. Tam autem lapsus, quam interceptio visus fiet facilius in diuturno Vertiginis paroxysmo, qui ab infartu arteriarum proveniat, propter pressionem, quae ab iisdem arteriis infartus producit intra nervos; neque enim per ejus infartae arteriae vim dimoveri potest nervus, quin etiam comprimatur, unde quo major, & diuturnior fuerit infartus, eo etiam diuturnior, & major erit nervorum pressio, adeoque major copia contenti liquidi exprimetur, & major in musculis fiet motuum perturbatio: si vero tanta fuerit pressio, ut penitus nervos occludat, nulli spiritus in musculos influent, unde lapsus: in oculos pariter nulli, unde nulla visio per oculum, seu obtenebratio fluctuante solum in nervis, qui pressionem non patiuntur, specie Vertiginis in iis objectis, quae ante illam pressionem videbamus. Ab hac pariter pressione pendet vomitus, vel vomendi stimulus in paroxysmo longioris temporis; ab illa enim valida pressione exprimitur copia liquidi

quidi per nervos major in ventriculi musculum, unde illius subita convulsio, atque inde pendens subita, & valida constrictio ventriculi, & ex ipso, si quae tum sint, contentorum ejectio per os, seu vomitus: si vero sit inanis, solus ad vomendum stimulus. Postremo, quoniam cum specie timoris ex iis, quae ^{Sudor.} de timore in Operationibus nostris Animalium exposuimus, conjuncta est necessitas sudatiunculam frigidam per totum corpus emittendi, hinc eadem sudatiuncula etiam in Vertigine diuturnioris paroxysmi dabitur, & haec sicut pariter vomitus ante, vel post lapsum poterit contingere, prout quisque per assuetudinem instructus est adversus timorem, nempe prout est aptus ipsius motibus compescendis, vel moderandis, & pro varia dispositione humorum. Ex quibus insuper deduces subito, qualis ^{Respiratio, & pulsus.} debeat esse respiratio, & pulsus in Vertiginosis; est enim eadem, ac in timidis, vel actu timentibus, parva scilicet utraque, atque debilis, & aliquando frequens, aliquando rara, dum adhuc constant oculi, neque collapsi sunt: collapsis autem, & tenebricosis constat pulsus, ac respiratio ordine suo, sed est aliquanto minor, pressis nimirum nervis, & minorem spirituum copiam fluere permittentibus. Ex quibus omnibus facile patent, si quae videntur explicatu digna inter ea, quae Vertiginem antecedunt, & sunt a nobis consulto praetermissa. Quoniam vero ^{Mutatio in apoplexiam, aut epilepsiam.} Apoplexia a pressione plerumque provenit; si igitur infarciens, quicquid illud sit, arterias, sit majoris, ac tantae molis, ut omnes cerebri arterias impleat, ac nervos omnes premat, excitato prius brevi Vertiginis paroxysmo in Apoplexiam abibit: si vero non omnes arterias ex aequo impleat, non omnes ex aequo nervos premet, unde in hos, & illos musculos non eandem, quam in naturali statu, liquidi quantitatem exprimet, neque accommodatam ad quietem, aut aptos motus partium, adeoque hic, aut ille musculus subito contrahetur, seu convellatur, nec stare poterit corpus; sentiet tamen, sed sensus vitiabuntur, & modo hic abolebitur, modo restituetur pro diversitate, & diuturnitate pressionum in diversis partibus cerebri, seu, quod idem est, Vertiginosus ille evadet in Epilepticum. Eadem confusa partium convulsio, & lapsus continget, si impetus arteriarum ad exteriora fiat non a sola copia humorum, sed a calore cum rarefactione, vel quibuscunque fermentis, vel ab horum aliquibus sine copia humorum, ac

tum

Crisis vertigini in fe-
bri succe-
dens.

tum quidem accidet facilius, & multo saevior Epilepsia; fermentescentia enim sunt partium vellicantium, unde ad musculos per nervos nullo motus ordine delatae modo in hos, modo in illos in majori, vel minori quantitate deducuntur, eosque stimulant, unde subito, & majori cum impetu, quam sine illo stimulo, etiam supposita humorum copia intra arterias musculi convelluntur. Denique, quoniam invasio Vertiginis provenit inter caetera ab hac subita extensione arteriarum, a fermento rarefcente, vel a quantitate humorum infarciuntium; si igitur Vertigo febris superveniat, materies febrifica venerit oportebit in motum subitum per arterias, easque extenderit vel particulis fermentescentibus, vel quantitate sola: alterutra autem ratione extensio arteriarum contingat, manifestum est, ejusmodi materiam febrificam cum sanguine fluere libere, & circumferri per corpus, & quidem maxime solutam, si fermenti vis operetur; igitur devenire poterit ad partes, in quibus in naturali statu secernitur materies febrificae similis, atque intra ipsas secerni, & extra corpus mitti, & hominem sanitati restituere, seu crisin producere, quae ex eo facilius continget, si soluta sit materies maxime; subito etenim secerni poterit, atque expurgari, quod difficilius continget, si sit crassior, seu minus soluta materies. Absit autem generaliter, intelligendum esse censeas dictum Hippocratis, ita ut in omni febre Vertiginem esse nunciam crisis asserere debeamus; si etenim materia sit crassior, quam quae per capillaria piaae matris fluere possit, obstruet, & subito interimet, vel in Apoplexiam pertrahet, vel crassiores spiritus animales generabit, unde segnities, & imbecillitas major, similiterque si soluta sit, & nimis, ac subito rareseat in Apoplexiam, aut Epilepsiam perducet tum premendo, tum generando spiritus nimis acres, unde vitae pericula mille, ut nemo non videt. Est igitur Vertigo apparens circumactio objectorum per excitationem speciei circumactionem illam repraesentantis, quae excitatur, velut excitantur species omnes per similem, vel eandem speciem, vel per dimotionem retinae, aut nervorum: & si quidem paroxysmus sit brevis, ita ut tenebris oculos non obducatur, dicetur Vertigo simpliciter, vel *διὰ* Graeca voce; si vero tenebras offundat, dicetur *σκιώδης*, vel *σκιώδης*, seu Vertigo tenebri-
ciosa.

Quid sit
Vertigo.

Vertigo
simplex, &
tenebri-
ciosa.

C A T O C H E,

Seu Catalepsis, seu Congelatio, vel etiam
Sideratio.

C O N J U N C T A.

Rigor partium, ita ut velut ex rigido ferro, aut inflexili ligno corpus compactum videatur, neque circumverti partes ad articulationes possunt, nisi magna vi, & corpus detinetur immobile in eo rigore, ac situ, in quo constituitur, dum morbi paroxysmo corripitur, hinc memorantur rigidi, jacentes, sedentes, erecto capite, detento inter digitos calamo, & hujusmodi mille. Obtumescunt subito, oculos intente detinent in objectum aliquod plane immotos, nihil sentiunt, nihil cogitant, nil recordantur, ut asserunt restituti: respirant facile, & pulsant arteriae. Sunt qui rigeant minus, & levi qualibet vi ipsorum artus ad articulationes dimoveant; dimoti, & flexi in illo flexionis situ persistunt, impulsu movent pedes, deglutiunt, audiunt, & recordantur, sed utrumque obtusius. Utrique subito restituantur. Admirabile prorsus morbi genus, in quo nihil succedit, quod annotatu dignum existimemus.

Nemo nostrum est, qui saepius in se ipso expertus non sit quandam, ac tantam animi avocationem a sensibus, ut pluribus modis iis tentatis nihil sentiat, atque ita haereat, dum ejusmodi avocatio durat, immobilis in eo situ, in quo se constituit ante avocationem, ut omnino rigidus videatur. Id autem praecipue contingit in quacunque contentione animi, praecipue dum speculamur, aut quomodolibet cogitamus, unde ejusmodi status appellatus est ecstasis naturalis, cujusmodi traditur fuisse ecstasis Socratis, qua stetit immobilis per 24. horarum spatium contemplatione defixus. Quoniam itaque earundem specierum tremor in eadem contemplatione millies repetitur, & repetitus speciei tremor facit, ut nervi tremere aliis speciebus sive externis, sive internis non possint; igitur per altam contemplationem nihil ab externis sensibus patiemur, seu nihil externorum sentiemus, & cum per ejus speculationis speciem eorundem musculorum motus excitentur,

quousque illa perdurat, qui sub ejusdem initium contracti sunt; igitur per altam solum speculationem poterit homo nihil sentire, non moveri, non loqui, sed respirare, pulsare arteriis. Et siquidem contentio animi fuerit remissior, per undationem ejus minor liquidi quantitas derivabitur in musculos, unde eorum contractio debilior, & nismus ossium in articulationes imbecillior, unde facilis flexio, in qua flexione persistent artus; novus enim motus per vim extrinsecam excitat speciem, a qua pendet, & semper conservatur tanta illa flexio, neque ejusmodi speciem impedit avocatus animus. Rursus, quoniam contentio animi remissior est; igitur tremere aliis tremoribus aliquantum nervi poterunt, unde etiam in illa avocatione aliquid sentiet aeger, & subobscurum recordari poterit pro ratione debilis, & subobscuri tremoris. Primus igitur necessarius modus veniendi in Catalepsim est magna contentio animi, qui forte magis communis est ipsam producendi modus, cum testibus Galeno, Fernelio, atque aliis ii, qui mox Catalepsi correpti fuerunt, animo incubuerint intensius in studia literarum. Hinc secundo facile fieri potest, ut Medicis, & aliis imponant subdoli homines, praecipue si ejusmodi avocationi assueverint, & factum illud prodigiis annumerari intelligant, & se veluti Divinos coli, ac timeri; prout enim feret res, & voluntas, contendere animo poterunt, & in veram Catalepsim incidere, vel nulla animi contentione se Catalepticos simulare excitato motu tonico in omnibus partibus, & immobilitatem prae se ferre, flexionibus plus minus repugnare, sensibus captos esse, & nihil recordari fingent. Quia vero non sentire, neque moveri corpus oportet, cum desunt spiritus: in diuturna autem, & magna animi contentione deficere spiritus possunt; igitur neque sentire poterimus, neque moveri, & si quidem corpus in statu meditationis in eo aequilibrio collocatum fuerit, ut etiam deficientibus spiritibus conservari in aequilibrio possit, situm non mutabimus, nec collabemur per Catalepsim: quod si non omnes spiritus, sed magna pars eorum absunta fuerit, tot tamen supersint, ut sustinere gravitatem partium sibi annexarum per contractionem musculorum possint, adeoque detinere corpus in eodem situ, & aequilibrio, non mutabitur loco, & positu corpus, sed artus ad articulationes dimovebuntur facilius. Cum autem spiritus ex sanguine generentur, eadem secutura

A contentione animi.

Ab assuetudine, voluntate.

A defectu spirituum, vel sanguinis.

patet, si deficiat sanguis. Uterius, quoniam in eadem contentione animi plurimum humidi absumitur simul cum spiritibus; igitur crescet ipsorum acrimonia, & vis propter solutionem ab humido, quod absumitur, licet interim copia minuatur. Itaque ratione quantitatis imminutae undae vix, aut nullae per nervos excitabuntur, at in musculis vis contractionis intendi poterit per vim spirituum auctam defectu humiditatis obtundentis, unde universalis convulsio musculorum major, aut minor, & faciliior, difficiliiorve partium flexio pro diversis gradibus acrimoniae. Et hoc de sanguine similiter dicendum esse patet. Quia vero spirituum absumptio aliis etiam de causis haberi potest, & iis absumtis excitari non possunt undae, per quas hic, aut ille musculus contrahitur, hoc est, per quas hic, aut ille fit motus, igitur absumtis maxima ex parte spiritibus, quicquid est reliquum fluet a glandulis cerebri in nervos per naturalem influxum, unde muscoli omnes contrahentibus instructi in aequilibrio quiescent, seu erit totum corpus immobile; respirabit tamen, & pulsabunt arteriae alterne se contrahentibus per naturalem spirituum influxum musculis contrahente destitutis. Insuper, quoniam ad sensum, & motum ea est necessaria cerebri, & nervorum durities, ut tremere possint, & spiritus cohibere; si igitur cerebrum, & nervi aequo flaccidiores fuerint, ita ut cohibere spiritus non possint, sed eos quaquaversum avolare permittant suis partibus vix cohaerentes, & sphacelo proximi, tunc neque sentire poterimus & ratione defectus spirituum, & ratione flaccidorum nervorum, neque moveri, cum spiritus evaporantes per nervos resolutos non tendant ad musculos, vel saltem ad ipsos non perveniant. Si igitur corpus sit prius in aequilibrio tali constitutum, ut in ipso persistere etiam absque musculorum contractione possit, in eodem persistet, neque sentiet. Denique, quoniam ut nervi tremant, oportet, ut mediocriter pleni sint spiritibus, non autem iis ita infarti, ut extrorsum cedere ulterius non possint: si igitur ita tumeant arteriae sanguine, ut maxima spirituum copia generetur, qua ita infarciatur nervorum cavitas, ut ipsi nervi ulterius dilatari non possint, extrorsum moveri per undas nequibunt, seu nulla excitabitur species neque exterius, neque interius, adeoque liquidum nervorum derivabitur in musculos per solum naturalem fluxum, & propter copiam suam, & co-

A spirituum
acrimonia,
& parva co-
pia, vel san-
guine simi-
liter se ha-
bente.

A cerebri,
vel nervo-
rum exsolu-
tione.

A nervo-
rum, & ar-
teriarum
infartu.

piam sanguinis validissime illos contrahet, & in eo aequilibrio detinebit corpus, in quo constitutum erat, antequam vasa deducerentur ad summum illum extremi infartus gradum, actum partes difficillime flectentur, ut patet: flexae autem in illo flexionis statu persistent; violentia enim pressionis ab extrinseco factae superaverit oportebit resistantiam tensionis in nervis; alioqui enim flecti pars non potuisset, & excitabitur species flexionem talis gradus producens. Et ab hac causa forte processit Catalepsis in nobili muliere febre syncho laborante, quae decimo nono die Catalepsi correpta dicitur a Riverio, & largo fluxu sanguinis e naribus liberata. Cum autem vasorum infartus fieri possit a quocunque humore, vides hic, Catalepsin a quocunque humore pendere posse, quae tamen eo erit debilioris resistantiae ad motus, quo humores frigidiores, aquosioresque fuerint; lassabunt enim nervos, spiritus aquosiores producent, adeoque minus ad contrahendum aptos; tunc igitur aliquis sensus esse poterit, & facilis artuum flexio. Ex quibus vides Catalepsin non esse liquidorum congelationem nempe spirituum, aut sanguinis, aut utrorumque; quoniam enim totum corpus ejusmodi vi corripitur; igitur aut omnis spiritus, aut omnis sanguis, aut utraque gelu coibunt, unde nullus musculus movebitur, moventur autem musculi respirationis, & cor. Insuper cum praecipue succedat Catoche magnis animi contentionibus, patet, in eo statu humores esse magis incensos, adeoque potius ulteriori calori, quam frigore, & gelu concipiendi aptos. Sed de his haecenus. Vides interim, fieri quidem posse, ut nervi non derivent liquidum ad musculos, neque tremant, unde privatio sensus, & motus, & permanens corporis in eodem situ, posse inquam haec contingere per pressionem cerebri, sed qui succedit inde morbus, Apoplexia verius est, quam Catalepsis, ut in Apoplexiae explicatione patet. Est igitur Catalepsis motus tonicus universi corporis artus plus minus valide ad articulationes sistens in eo posito, in quo sunt cum Catalepsis invadit, cum majori aut minori sensuum omnium diminutione pro diversitate causarum, quas exposuimus, & diverso in iis operandi modo. Notabis autem facile in veram Catalepsin posse quemlibet dilabi, si per jocum, aut serio in quemque finem immobilitati corporis in quocunque situ assueverit cum determinata aliqua specie; post assuetudinem enim recur-

Non a congelatione liquidorum.

Per pressionem cerebri est verius Apoplexia, quam Catoche.

Quid Catalepsis.

Catalepsis vera, & quae prohiberi non possit post can-

ret illa eadem species repugnantibus, & in veram Catalepsim pertrahet. Notabis insuper, Catalepsim ex animi contentione pendentem facile in delirium abire posse; si enim assueverimus iis animi contentionibus Catalepsim producentibus, certo intelligemus, specierum tremores esse vividos, & qui nervis non permittant aliis tremoribus tremere, & eo magis, ac validius omnes alios tremores ab iis prohibendos, quo saepius, ac diutius eadem illa in Catalepsim perducens species tremuerit; eo enim difficilius aliis in partibus flecti nervi poterunt, unde statim ac ab aliis speciebus urgebuntur, in eundem tremorem venient, & eadem res observari videbitur semper animo, licet quaecunque diversa objecta sensus tentent, eoque magis imminet dementiae periculum, quod per contentionem animi flectantur nervi, & minus cedentes evadunt, unde non nisi in lineis, per quas flectuntur in specie Catalepsim producente, flecti se facile permittent, unde species aliae nervos agere in suum tremorem non poterunt, quare patet propositum dementiae periculum in Catalepsi.

per assuetudinem comparatam. Catalepsis ex contentione animi in delirium facilius.

INCUBUS,

feu Ephialtes.

CONJUNCTA.

Imaginatio alicujus incumbentis plerumque monstri, vel Daemonis, qui premat, Venerem exerceat, suffocet: vocis interceptio, corporis immobilitas, somnus. Experrectis subito evanescent omnia.

SUCCEDENTIA.

Non raro Apoplexia, epilepsia, insania. Quoniam Incubus semper invadit in somno, ac tum excitatur imaginatio alicujus incumbentis, qui premat, Venerem exerceat, suffocet; excitatur igitur in somnis species cujusdam laedentis, etsi enim excitatur species exercentis Venerem, quia tamen illa cum pressione, & suffocatione conjuncta est, quae summum nobis affert discrimen, & exercetur vel a monstro, vel a malo Daemone, quae a nobis concipiuntur ut maxime laedentia, concipi Venus illa non potest absque eo,

Ffff 3

quod

quod excitetur species summi discriminis. Incubus igitur est cum excitatione speciei summum discrimen repraesentantis, adeoque timorem maximum incutientis, & hanc ipsam maximi timoris speciem excitantis: & haec species maximi timoris in Incubo excitatur subito, cum in Incubo subito occurrat animo comprimentis illius species; igitur necessario producet in corpore quicquid conjunctum est cum summi alicujus discriminis timore subito excitato, sed summi alicujus discriminis subito excitatus timor omnem corporis motum intercipit; igitur in Incubo fiet corpus immobile: toto autem corpore immoto nec movetur pectus, & hoc non moto suffocamur, nec loqui possumus; igitur in Incubo vocis suppressio, & suffocatio etiam si terrificum illud non concipiatur, ut suffocans. At vero multo gravior erit suffocatio, si terrificum illud etiam ut suffocans concipiatur; per suffocationis enim speciem cogentur magis muscoli, unde motus eorum quasi tonicus validior, quam si a solo timore cogerentur. Patet igitur ex his, experspecto homine, quicquid est in Incubo statim evanescere debere sopita per sensus externos specie comprimentis illius, a quo excitabatur species timoris subiti, & magni discriminis, adeoque Incubum nihil aliud esse, quam somnium, & partem ipsius potissimam sitam esse in specie rei noxiae, per quam excitatur species timoris, ex quo immobilitas, & reliquae Incubi affectiones pendent, ut exposuimus. Quemadmodum igitur somniorum omnium causa potissima est casus excitans hanc, aut illam speciem fortuito, prout particulae perspirationis nervis occurrentes, vel per eorum liquidum se agentes ipsum in has, aut illas undas, vel nervos in hunc, aut illud tremorem agunt, ita casus excitare aliquando poterit speciem alicujus incumbentis, gravantis, monstrofi &c., cum qua specie quia conjuncta est species timoris subitum aliquid, ac summi periculi objicientis excitata specie illius terrifici, haec eadem necessario excitabitur, & Incubo nos prehendi dicemus. Quia vero eae species facilius a perspirationis particulis excitantur, quae sunt facilius motus, & illae sunt facilius mobiles, a quarum motu vel per brevius spatium temporis destitimus, ut puta quas dimovimus cogitando &c. antecedenti die, vel antequam cubitum iremus, vel quibus indormivimus, vel quas pluries dimovimus aliquando, etiam si deinde per longiusculum

Causa incubi casus.

lum tempus eandem quiescere permiserimus (in utroque enim casu nervi ad circumferentias flexionum servant facilem ad motum dispositionem oportet, in primo quidem ob brevem quietem, in secundo vero ob diurnam, & millies repetitam flexionem;) igitur si eodem die, vel cum imus cubitum, Dæmonem, vel quid simile cogitabimus, vel aliquot ante diebus ejusdem meditatione diutius, atque attentius incubuerimus, facile in ejus somnium, seu in Incubum incidemus. Quod si meticulosi fuerimus, multo facilius eadem excitabitur species; semper enim dubitabimus, atque verebimur, ne terrifici illius species occurrat, & ex eo ipso quod verebimur, ne excitetur, excitabitur subito, cum vereri nequeamus, ne concipiamus determinatum aliquid, quin ipsius illius rei, quam nollemus concipere, species excitetur, unde semper obversabitur animo interdum species illius terrifici, & facile proinde excitabitur etiam in somnis. Quae Incubi generatio nihil habet cum humoribus, sed cum quadam quasi assuetudine concipiendi Dæmonem, vel quid simile conjunctum. Quia vero species rerum timorem incutientium possunt esse ex earum genere, quae excitantur, & sunt momenti minoris, hinc fieri poterit, ut quando Incubus casu excitatur, proveniat ab iis humoribus, a quibus perspirant particulae momenti minoris, hoc est humoribus crassis, lentis, frigidis, siccis: ac tum provenire potest tanquam a causa remota ab abundantia ejusmodi humorum, a quibus particulae minoris momenti perspirant, quae non nisi species minori momento tremantes excitare possunt. Rursus, quoniam timoris species per motum tonicum, seu perpetuam contractionem musculorum liquidorum fluxum intercipit, & haec crassescunt, torpescunt, & frigidiora fiunt quiete, vel motu magis lento; igitur Incubus per assuetudinem productus si saepius ac multoties recurrat, poterit sanguinem ad majorem crassitiem, lentorem, ac frigiditatem disponere, atque adeo idem ita dispositus particulas perspirabit minoris momenti, quae proinde species solum minoris momenti excitare poterunt, seu Incubi imaginationem, in somno facilius, hoc est, frequentius, singulis nempe noctibus semel, aut pluries objicere. Quia vero species illius terrifici concutit, seu in vividum tremorem agit nervos, adeoque partim excutit eosdem, partim motu prohibet, ne quod apponendum esset humidum, apponatur, hinc sponte

Cogitatio
similis, cum
vigilamus.
Meticulosi
facilior.

Quando ni-
hil pendeat
ab humori-
bus.
Ab humori-
bus crassis,
frigidis &c.

Incubus ab
imagina-
tione in In-
cubum ab
humoribus
quomodo
abire possit.

Cursu sponte
expergiscamur.

Incubus
quomodo
in Apople-
xiam.

Quomodo
in Epile-
psiam.

Quomodo
in insa-
niam.

expergiscimur, non secus, ac ab alto somno expergiscimur per vividum sonum, punctionem &c. ob similem concussionem nervorum eisdem excutientem, & concepto motu impredientem, ne humescant ulterius. Quia vero a crassis humoribus infarciuntur vasa, adeoque ipsorum amplitudo fit major; pia igitur mater ab iis infarta comprimere poterit totum cerebrum, ita ut Apoplexia invadat. Incubus autem repetitus vel crassos humores supponit, vel eosdem ad crassitiam disponit, ac tandem omnino crassos reddit; igitur ab Incubo Apoplexia. Adde, ab humoribus crassis posse obstrui glandulas cerebri, unde spirituum defectus, & Apoplexia alia de causa, vel generari eosdem crassos, seu, quod idem est, non spiritus, unde Apoplexia rursus ab Incubo. Quoniam insuper in crassis humoribus non omnes ex aequo canales piae matris infarciantur oportet, neque omnes partes cerebri ex aequo comprimuntur, sed diversae diversimode pro diverso infartu arteriarum contingentium: itaque pro diversa compressione major, vel minor spirituum copia exprimitur in musculos, unde hi, illive subito, & nullo ordine praeter naturam contrahuntur, seu convelluntur cum iis omnibus, quae cum Epilepsia conjuncta sunt, ut ex ipsius expositione patet. Eadem succedere poterit per nimiam compressionem aliquarum partium cerebri fluxum spirituum penitus impredientem: muscoli enim contrahentes musculos, quorum nervi oclusi sunt, contrahuntur subito, seu convelluntur, & propter mobilem compressionem occludentem restituentur, & contrahuntur identidem, prout illa recurret, & fient motus epileptici. Idem etiam succedant oportet, si humor crassus ad aliquam glandulam cerebri identidem devehatur, quae liquidum crassius derivet in nervum alterutrius solum musculorum contrahentium, & interim in nervum alterius musculi abeat spiritus crassitiei naturalis, vel minoris, quam in alterum; crassior enim ille spiritus minoris erit facultatis, unde alter musculus subito cum impetu contrahetur, seu convellatur. Tandem, quoniam dimota saepius, & in diuturna dimotione detenta aliqua specie fit, ut nervi tremere non possint nisi tremore illius ejusdem speciei undis spirituum quasi per lubricum dilabentibus ad inflexiones illas, quae nervos nimis tenfos per earum motus inflecti ad alias partes non sinunt, & haec ejusdem speciei permanens dementia est, insania, vel delirium; igitur si

in-

invaleſcat Incubus, & per noctes ſingulas ſemel, aut pluries corripiat, facile ipſius ſpecies diutius, & ſaepeius dimota omnem alium tremorem prohibebit, idque fiet facilius, ſi etiam interdum nocturna illa viſa quis ſecum tacitus, ſolus, atque formidans reputet, ut patet, ac tum delirus quis evadet circa eundem Incubum, & metum ejus. Quae de eſſentia, & cauſa Incubi.

CATARRHUS.

Catarrhus aliis eſt deſluxio humoris excrementitii a capite in palatum, os, & pulmones: aliis definitur latius, ac dicitur deſluxio humoris excrementitii a capite in ſubjectas partes. Rem breviffime perſtringemus, cum tota pateat ex circuitu ſanguinis, & Anatomicis. Supponitur igitur humor fluere a cerebro per glandulam pituitariam in palatum, os, ac pulmones, vel per os cribroſum in nares, quorum utrumque falſum eſt, ut patet ex Animalium ſectionibus, ex quibus conſtat, nihil humoris per foramina oſſis cribriformis omnino occluſa a nervis, & dura matre derivare poſſe in nares, atque ex infundibulo per glandulam pituitariam nihil in palatum trajici, ſed ex illa glandula traduci in venas jugulares quicquid in ipſam per infundibulum ducitur. Quoniam vero cum Catarrhi materiem a capite deſluere aſſerunt, a cerebro deſluere intelligunt per foramina oſſis cribriformis, & glandulam pituitariam, manifeſtum eſt, Catarrhum a cerebro non derivari per vias, quae communiter ſtatuuntur. Quia vero fieri poteſt, & ſaepe factum vidimus, & plurimi Medici ſe vidiffe teſtantur, ut plurimum humoris intra cerebrum, aut cranium colligatur, qui vel per ventriculos in infundibulum, & glandulam pituitariam, atque hinc in venas jugulares, ex venis in arterias, ac demum per has in glandulas humorem ſimilem naturaliter ſeparantes derivetur, atque intra ipſas ſecernatur, & effluat, qua patet naturalis exitus, vel brevius in venas capitis exſudet, unde per circuitum ſanguinis tandem perducatur in eaſdem glandulas, ſeparetur; & excernatur: glandulae autem ejuſmodi humorum ſeparationi naturaliter dicatae ſunt ſalivales omnes; igitur humor ille intra cranium collectus reddetur per fauces, nares, &c., non quia deſluat ſtatim a capite, ſed quia permiſtus eſt cum ſanguine

Quid Catarrhus.

Catarrhus non a cerebro per vias vulgatas, ſed

Per venas, & arterias vel exſudando, vel in eas deſluendo ex glandula pituitaria.

Gggg &c.

Nihil ejus in
pulmones.

&c. Quia vero ostendimus in quarto & quinto quaesito Propositionis quintae, secundae partis de Respiratione, nihil humoris, qui derivatur ad fauces, trajici posse intra fistulam pulmonariam, adeoque neque intra pulmonem; igitur nec illud admittendum erit, Catarrhum esse defluxionem humoris a capite in pulmonem: ibi autem ostensum, quid de Hippocrate id asserente in libro de Corde sentiendum sit, quibus addimus, ut viro maximi nominis Hippocrati non minoris famae, atque existimationis alium opponamus Aristotelem in tertio de Partibus Animalium cap. tertio, nihil cibi, aut potus in asperam arteriam e faucibus duci posse in naturali statu acriter, & fuse ostendere, & opinionem secus credentium irridendam, ac stultam appellare. Quia vero universa intima superficies asperae

Cur Catarrhus quandoque e pulmonibus.

arteriae glandulis referta est quiddam subviscidum, & pituitosum naturaliter secernentibus, & in cavitatem ejus derivantibus; si igitur copia humoris in vasa sanguinis e cerebro trajecti sit tanta, ut in glandulis omnibus deponatur, fiet defluxio ejus non a salivalibus solum, sed a pulmonaribus etiam: adde quoque, per evaporationem a pulmonibus posse humorem aqueum copiosorem reddi, sicut etiam per exsudationem.

Ab aliis singulis partibus, & sanguine primario affecto provenire potest, & cur tum etiam

Idem autem continget, si humor pituitosus non intra cerebrum aut cranium cumulatus fuerit, sed in alia qualibet parte corporis, jecore, liene, ventriculo, musculis, articulis, vel si primario affectus, & mutatus sit sanguis in pituitosum facta simili cum sanguine mixtione, circulatione, ac deductione ad glandulas, &c, ut patet. Quibus in casibus cerebrum praeter caeteris partibus pejus habere videbitur, & imperitis Medicis imponet, quasi in ipso contineatur totius morbi causa; cum enim humor pituitosus lentus sit, ac tardi motus, cerebrum autem motus minimi, cerebrum praeter caeteris partibus ab humore illo majorem impressionem excipiet, & vere laborabit magis, non quia producens humores illos, sed quia magis afflictum ab humore, quem nequit expellere. Quod si Catarrhus non fuerit crassus, lentus, & frigidus, sed tenuis, celer, solutus, & calidus, cujusmodi sunt humores, quos subtiles, ac tenues dicimus, suis partibus minime cohaerentes, & subito diffluentes, sapore acres, mordaces, saliti, amari, & hujusmodi, tum cerebrum multo magis afficietur praeter caeteris partibus, cum sit maxime molle, & ab hujusmodi humoribus facile vellicabile,

Cerebrum praecipue, aut caput affici videatur.

le, atque solubile. Major igitur affectio capitis in quacun-
 que Catarrhi fluxione dari potest, non quia idem a capite fluat,
 sed quia caput, sive cerebrum magis afficitur, quam aliae par-
 tes, quae utpote magis validae, compactae, ac durae minus
 obnoxiae sunt injuriis, & laedentia facilius expellunt, quam
 infirmum, & molle cerebrum. Quia vero intra cerebrum
 producantur spiritus animales, nempe fit quaedam solutio san-
 guinis, fieri fortasse poterit aliquando, ut in ea solutione ge-
 nerentur humores pituitosi, quod tamen si ratione solius cere-
 bri debet contingere, requireret non naturalem habitudinem
 cerebri, ac tum caput, seu cerebrum deterius habebit, quam
 partes reliquae duplici de nomine, & quia scilicet humore pi-
 tuitoso afficitur, & quia ita vitiatum est, ut illum ipsum hu-
 morem possit producere. Sed hoc ipsum poterit contingere
 per causam externam frigoris, aut caloris, & frigoris quidem
 si ejus vi ita constringatur cutis, ut perspiratio a capite eva-
 porare non possit, unde cohibita in aequum humorem abit,
 quemadmodum in humorem abit hyeme: caloris autem, ut
 per insolatum, balneum &c., si per ipsum ita rareseat, & in-
 caleseat massa humorum omnium intra cranium contentorum,
 ut velut effervescat, & plurimas humidi particulas in motum
 agat, & in perspirationem trumat, mox superveniat frigus cu-
 tim coarctans, & poros claudens; universa igitur illa quanti-
 tas liquidi jam soluti, quod mox evaporare debebat per per-
 spirationem, cohibebitur intra cranium, & intra ipsum collige-
 tur, & in humorem mutabitur. Id ipsum debere contingere patet
 a vi humiditatis nimiae, ut in regionibus humidis, anni temporibus,
 constitutionibus austrinis &c. Patet insuper, per haec omnia
 produci posse Catarrhum in toto corpore, si haec omnia, nempe
 calor, & caetera, quae superius, circa totum corpus vigeant
 non laeso cerebro, licet autem causae illae circa caput agere
 non potuisse supponantur, tamen etiam in eo casu caput affi-
 cietur superius exposita necessitate. Pro diversa autem con-
 ditione prohibita perspirationis produci poterunt affectiones
 aliae, quarum praecipua ad rem nostram erit diversa natura Ca-
 tarrhi, nempe subtilis, aut crassi, insipidi, vel aliquid sapien-
 tis: primum erit minus periculosum, secundum vero magis,
 aut minus timendum pro diverso tenuitatis, & acrimoniae
 gradu in sapore; tenuitas enim, & sapiditas arguunt erosio-

Quando ve-
 ro a cerebro
 per causam
 internam,
 &

Per exter-
 nam calo-
 ris, aut fri-
 goris, aut

Humidita-
 tis.

A prohibita
 perspiratio-
 ne crassus,
 lentus &c.

nem, & solutionem, ac fermentationem partium, ex qua facile tabes, phthifes, marasmi, mors: perspiratio autem diversae erit naturae in diversis ratione temperamenti, aetatis, anni temporis &c., sicut etiam prout eadem causa fuit validior, aut remissior, vel ratione temporis plus minus diuturni, quo causa perspirationem prohibens egit in corpus; in utroque enim casu perspiratio suppressa poterit plus minus fermentescere, & vel sola liquida, vel etiam fixa ac dura, ut salia dimovere, ac divellere, & partes corporis solidiores etiam corrumpere. Sed haec eadem Catarrhorum diversitas etiam orietur a causis intra corpus vigentibus, puta vitiatis coctionibus, obstructionibus, motibus alteratis, & in majorem, aut minorem velocitatem perductis, vasis aequo plus distractis, aut contractis, & hujusmodi, in quibus fiet, ut partes liquidorum aequo plus, aut aequo minus solvantur, aut qualibet constitutione diversa a naturali mutantur, ita ut partes fixae, ac mobiles plus vel minus aequo solvantur, vel in aliud compositum abeant mille aliis modis a naturali diversum: ex his autem humorum mutationibus oriri etiam poterunt Catarrhi, & variae, atque multiplices affectiones in partibus corporis, & siquidem humores illi conjuncti sint cum tenuitate, & sapore, de solutione corporis timendum erit. Ex his autem omnibus facile patent quae conjungi, quae praecedere, quae demum succedere possint, ac debeant Catarrhis a qualibet causa genitis, quae cum facillima sint, Catarrhus autem ex se ipso innotescat, eadem non prosequemur ulterius. Patet similiter, qui Catarrhus dici possit idiopathicus, qui sympathicus; erit enim idiopathicus, qui generatur intra cranium per causam internam, aut externam; sympathicus, qui in aliqua alia parte, vel aliquibus, vel toto corpore. Quae de Morbis Capitis memoriae gratia sufficiant; de Hydrocephalo enim, cum de Hydrope in genere; de cerebri autem abscessu, & sphacelo similiter, cum in genere de Tumoribus.

Hi idem a
pravis co-
ctionibus,
obstructionibus &c.

Idiopathi-
cus, & sym-
pathicus.

DE MORBIS PECTORIS,

Et primo Cordis.

INTERMISSIO PULSUS.

ETSI de intermissione pulsus more Medicorum egimus in doctrina generali pulsum, quia tamen & ibi exposita solum pauca sunt ex iis, a quibus ejusmodi intermissio potest provenire, & haec eadem ab affectione aliqua Cordis praeter naturam plerumque pendet, at demum quia indiget ulteriori explanatione, hic de eadem rursus agimus distinctius, eamque morbis Cordis annumeramus. Quoniam itaque ut percipiatur pulsus in arteriis corporis, oportet, ut cor constringatur, & restituatur alterne, & cum constringitur, trumat sanguinem in arterias: cum restituitur, eundem recipiat a venis; duae igitur erunt generales affectiones cordis, quibus fiet, ut pulsus cesset, si scilicet Cor alterne contrahi, aut restitui non possit, aut si sanguis in ipsum influere, vel effluere nequeat licet motu ejusdem Cordis non vitiato. Quicquid igitur facere potest, ut Cor alterne non contrahatur, aut restituatur, vel sanguis non influat, aut non effluat, omnino faciet, ut pulsus cesset, & siquidem causae ejusmodi operationes prohibentes non operentur continue, sed identidem per incerta, aut certa intervalla temporis, pulsus cessabit, & rursus excitabitur per certa, aut incerta intervalla temporum, seu, quod idem est, intermittet. Exponamus igitur oportet, quae illa sint, a quibus ejusmodi impedimentum haberi potest, & primo motum Cordis prohibitum respiciemus. Quoniam itaque Cor est musculus, seu movetur per confluxum sanguinis, & liquidi nervorum in villos suos, primo igitur si ponatur facultas aliqua ad cerebrum, qua fieret, ut spiritus influerent non alterne juxta naturae ordinem, sed multo rarius, tum fieret intermissio pulsus. Si igitur ad cerebrum pressio quaelibet tanta, ut non occludat quidem penitus nervos ad cor tendentes, sed eorum amplitudinem ex parte constringat, igitur per loci constricti angustias etiam nulli spiritus in dato tempore effluent ob minimam minimae eorum quantitatis vim per majores angustias nitentem, adeoque expectare cogentur, quousque plures alii ad easdem angustias coacervati

Intermissio-
nem pulsus
faciet omne
prohibens
influxum,
sanguinis in
cor, aut cor-
dis contra-
ctionem &
restitutio-
nem, dum-
modo pro-
hibens illud
continue
non opere-
tur.

Pressio ad
cerebrum
constringens,
vel
occludens
nervos Cor-
dis, &

sint, ac tum momento composito ex momentis omnium pervadentur angustiae eorum nisu dilatatae, adeoque in cor derivabuntur, quod sane tam solummodo pulsabit, cum antea per totum tempus, quo spiritus ad angustias nervi substituerunt, quieverit, seu pulsus intermiserit. Idem secuturum patet, si pressio tanta fuerit, ut nervi occludantur ex toto, nisi quod longiori tempore opus erit, ut vis occlusionis superetur per affluxum plurium, ac plurium spirituum, qui demum composito ex omnibus impetu vim pressionis superent, & per nervum cordis ad usque cor ipsum deriventur. Quicquid illud fuerit, siue tumor, siue lapis, siue os, siue callus, siue humor, siue quid coagulatum, seu quidvis aliud, dummodo exposita ratione premere possit, intermissionem pulsus excitabit. Facile autem dignosci poterit, quando intermissio pulsus a causa intra cranium vigente proveniat; tunc enim vel aliquis dolor capitis, ut pulsans, aut gravans &c., vel torpor, stupor, delirium, atque alia his similia in Morbis Capitis exposita cum ejusmodi intermissione conjuncta erunt. Similiter intra cerebrum vigeat causa intermissionis, si ita pauci generentur spiritus, ut vel fieri non possit effluxus in villos alterne ad naturae leges, sed rarius, vel ita fluant a glandulis raro, ut idem influxus in villos ad naturae leges similiter fieri non possit. Id autem vel ex eo proveniet, quia parum sanguinis ad cerebrum derivetur, & hoc rursus, vel quia in universo corpore parum ejus contineatur, vel quia alicubi stagnet, aut si apta quantitas sanguinis derivatur ad cerebrum, non trajiciatur in glandulas sufficiens generandis spiritibus quantitas ejus. Defectus spirituum a quacunque causa debilitatem totius corporis, torporem, stuporem in sensibus omnibus faciet sine aliis affectionibus, quod similiter continget, cum sanguis minimae quantitatis continetur in corpore: quando autem sanguis alicubi stagnat, aderunt conjuncta quaelibet cum decubitu sanguinis ad aliquam partem, inflammationes, febres, dolores &c. Si vero glandulae sanguinem licet in naturali quantitate traductum ad cerebrum non excipiant tamen in ea quantitate, quae requiritur ad generandos sufficientes spiritus, tunc affectum erit cerebrum ipsum, & praecipue obstructum, unde conjuncta erunt cum ejusmodi intermissione quaecunque ostendunt affectionem capitis ab obstructione provenientem cum quiete sanguinis

Quid conjunctum habeat.

Defectum spirituum intra nervos, &c.

Quid conjunctum habeat.

nis ad eandem partem. Intermissio autem pulsus per defectum spirituum ex penuria sanguinis ad cerebrum derivendi est illa intermissio, quae pluribus jamjam ex morbo aliquo morituris contingit. Manifestum autem est idem secuturum, si vel pressio, vel defectus spirituum in nervis Cordis non vigeat intra cranium, sed alicubi per longitudinem eorundem extra cranium, ut per collum, aut spatium pectoris, intra quod ducuntur, antequam Cordi inserantur: sive etenim tumorem aliquem, vel quicquid simile, aut adnatum nervis cordis, aut partibus proximis, sed tantae molis, ut ad nervorum usque contactum, & pressionem venerit; prementur igitur nervi, & prohibebitur influxus alternus spirituum in cor juxta naturae ordinem, & cor a contractione quiescet per totum illud spatium temporis, quod necessario requiritur ad hoc, ut ad locum pressionis tot spiritus cumulentur, qui collecto simul impetu pressionis resistantiam superare possint. Sed & id facile dignoscetur; deesse enim poterit febris, si premens illud non sit inflammatio aut tumor similis, sed tumor aliquis frigidior, durior, lapis, & hujusmodi percipietur in collo, aut pectore prope claviculas inferius, aut superius, dolor aliquis tendens, aut gravans cum respiratione difficili, ut patet. Eadem intermissio generabitur, si quid premens adsit ad basin cordis, ita ut per id nervi subeuntes occludantur, ut manifestum est ex expositis. Ad basin autem cordis facile generari poterit premens illud tum propter glandulas, quae basi cordis adsunt, ut nemini ignotum sit, quanta facilitate glandulae tumorem concipiant, & in molem attollantur, tum propter pinguedinem, quae ab basin Cordis, truncos vasorum, glandulas, & inter utramque auriculam cumulatur, unde si ejus mole fiat pressio occludens, intermittet pulsus, quousque copia spirituum cumulata vim pressionis non superaverit. Sed & tum conjuncta dabuntur, quae affectionem prope cor indicabunt, sed nulla certitudine distinguendam, a qua causa proveniat, externane, an interna cordi ab basin supra, vel infra &c.; dabitur enim dolor multo infra jugulos, sed qui cor valide premat quasi pondus, & a partibus proximis divellat, & cum excitatur pulsus, cor difficile moveri sentiet aeger, & conqueretur, affici sibi cor semper, ac si manu valide ab aliquo constringeretur; pressio enim illa re vera constringet, & auriculas praecipue, cum sint magis cedentes,

Pressio per longitudinem nervi extra cranium, &

Quid conjunctum habeat.

Pressio ad basin Cordis ab expositis, a glandulis, a pinguedine in molem naturalis majoris auctis, & quid conjunctum habeant.

& in se ipsas concidentēs. Si autem premens illud sit majus, ita ut vel motum sterni, vel pulmonum impediāt, succedet etiam difficilis respiratio, & si quidem plurimum premat truncum venae cavae venientem a capite, vel quodlibet vasorum pulmonarium, fiet inflammatio capitis, faciei, & oculorum rubor, ac tumor &c.: quae tamen signa nimis dubia sunt, cum sint pluribus etiam aliis causis communia. Si igitur impediatur spiritus, producet̃ur intermissio pulsus ob expositas necessitates. Quia vero ad motum Cordis requiritur etiam sanguis; etiam si igitur spiritus influerent in villos ejus, & naturali ordine, non influeret tamen sanguis aliqua de causa influxum non continue impediēte, pulsus intermitteret. Primo igitur eadem pressio ad basim Cordis non quidem nervos, sed truncum arteriae comprimens, ita ut non nisi post aliquot contractiones, & vires sanguinis cumulati superari, & discludi arteria posset, faceret, ut pulsus intermitteret non solum, quia arteriae omnes per id temporis nihil exciperent sanguinis, quod inferius examinabimus, sed quia per ejusmodi defectum sanguinis nihil successive derivari posset in villos cordis per tempus aliquod contractionum, unde cessaret cor a sua contractione per totum illud spatium temporis, quod requireretur ad excursus sanguinis in extrema quaeque arteriae coronariae, postquam pressio superata est. Sed & illud difficile cognitu; conjuncta etenim habebit singula, qua superius pressis ad basim nervis, unde altera ab altera distingui non poterit. Pressio eadem a quacunque causa in trunco, vel ramis majoribus arteriae coronariae per tumores, tubercula, pinguedinem, lapillos &c.: sistet enim illa sanguinem in villos cordis derivandum, unde quousque resistentia pressionis superata non fuerit ab intruso, & cumulato sanguine, postquam sanguis jam derivatus in arteriolas coronarias effluxit universus in venas, cessabit a motu cor, & intermittet pulsus: idem itaque continget, siue etiam pressio vigeat ad ramos majores. Sed etiam venis coronariis compressis prohiberi poterit motus Cordis; iis enim compressis prohibebitur refluxus sanguinis, continue autem ille affluit per arterias; igitur summi ramusculi utriusque canalıs in tumorem attollentur, villos ad contactum positos comprimunt, & prohibebunt influxum sanguinis in eosdem, unde contrahi non poterunt, & quiescent. Pressio autem haec

Pressio
trunci arte-
riarum ad
basim cor-
dis, &

Quid con-
junctum
habeat.

Pressio ad
arterias, vel
venas coro-
narias a ni-
mia pingue-
dine, a la-
pidibus &c.,
a nimia a-
qua pericar-
dii, pure
empyema-
ticorum, a-
qua hydro-
picorum pe-
ctoris, &

ad vasa, eorumve ramos haberi poterit facile per ea, quae Cordi adnascuntur circa vasa, ut pinguedine mole aucta, & non naturalibus cujuscunque generis. Vidimus nos lapidem adnatum ramis coronariis majoribus, qua dextrum a sinistro ventriculo dirimunt, & alia cujuscunque generis generari possunt. Sed & eadem pressio a circumpositis cordi provenire potest, ut nimia aqua pericardii, quae vel mole premat, vel fermentescat, & intumescendo premat similiter, vel tumore pericardii, vel aliqua causa ab exteriori superficie trudente identidem pericardium introrsum, ut pus in Empyematicis, & aqua in Hydrope pectoris, quae tamen singula difficillime, imo nullo modo distingui poterunt a causis aliarum intermissionum, cum habere debeant eadem cum iis conjuncta, nisi quod in hisce postremis aderunt conjuncta cum Empyemate, vel Hydrope pectoris. Est vero sanguis alicujus naturae, vel casu aliquo fermentescens intra arterias identidem nullo ordine, atque ita quidem fermentescat, ut veram, & majorem aliquam bullam intra arterias excitet, quae totam cavitatem alicujus arteriae, puta coronariae impleat, per totum igitur arteriae spatium, in quo bulla continetur, nihil continebitur sanguinis, sed erit veluti folliculus aëris, qui propelletur a succedente sanguine versus extremas arterias. Derivatus igitur ad emissaria earum intra sinus musculorum hiantia, extrudetur in eos sensim aër, qui in folliculo continetur, non vero sanguis; quare quousque folliculus non eruperit totus, succedens sanguis in sinus villorum cordis influere non poterit, adeoque per totum illud spatium temporis pulsus intermittet, qui rursus excitabitur statim, ac toto folliculo in sinus villorum expresso succedens sanguis intra eosdem derivari poterit. Erit id minus difficile cognitu, & minime ominosum; in ejusmodi enim intermissione nulla unquam dabitur affectio peculiaris intra pectus, sed solummodo aut per aliquam occasionem deprehenderetur aeger humorum facile fermentescentium, cujuscumodi acres, vividis, biliosis, &c. unde identidem per totum corpus, sed nulla lege, aut ordine punctiones sentire poterit, quod neque necessarium est. Hanc ipsam fermentationem etiam intra nervos in ipsorum liquido possibilem esse, nemo est, qui dubitare possit, rarum tamen illud propter subtilitatem, & exiguitatem molis in ejusmodi liquido intra nervos. Quae videntur summa capita, quibus fieri

Quid conjunctum habeat.

Fermentatio sanguinis, & bullarum productio in arteriis, &c.

Quid conjunctum habeat.

Eadem in nervis possibile.

Quicquid
impedit,
ne cor in-
trorsum,
aut extror-
sum mo-
veatur.

fieri potest, ut vel spiritus, vel sanguis, vel eorum neuter per aliquod spatium temporis in villos cordis influat, eoque trans-
acto derivetur in ipsos rursus, seu intermittat pulsus. Ulterius
jam exponamus oportet, quo pacto fieri possit, ut etiam si in-
fluant in villos Cordis liquidum nervorum, & sanguis, pulsus
tamen intermittere debeat. Quoniam motus Cordis compo-
nitur ex motu introrsum, nempe se ferendo in cavitates suas,
ac tum contrahitur, & ex motu extrorsum, nempe ab iisdem
recedendo, ac tum restituitur; quicquid igitur motus hosce
impedire poterit ad aliquod tempus, pulsus intermissionem pro-
creabit. Esto igitur sanguis jam derivatus per venam pulmo-
nariam in sinistrum sinum, sed adsit impedimentum aliquod
ad arterias, quod vi naturalis contractionis superari non pos-
sit; nitetur igitur Cor moveri introrsum, & sanguinem tru-
dere, sed propter impedimentum non superabile vi naturalis
contractionis sanguinem loco non movebit, neque movebit
loco villos suos, unde intumescere vix poterunt, & rarefactio
liquidorum intra ipsos vix succedet. Interim igitur excident
e suis canaliculis secundae guttae, unde & ipsae in expansionem
suam nitentur, atque ita deinceps tertiae, atque aliae ex ordi-
ne succedentes, quare tandem tanta liquidorum rarefactionum
copia cumulari poterit, ut nifus eorum sufficiat superando im-
pedimento, ac tum maximo cum impetu sese effundent, &
pulsus validus post magis minusve diuturnam pro ratione ma-
joris, aut minoris impedimenti quietem excitabitur. Adsit
igitur in arteria polypus aliquis, vel tumor, lapis &c.: cum
polypus, & ejusmodi sint quid cedens plus minus, prout ma-
gis aut minus infarciunt, arteriae cavitatem plus minus im-
pedient, unde major, aut minor nifus ad superandum requi-
retur, seu major aut minor collectio spirituum, seu brevior,
aut diuturnior intermissio fiet. Lapides vidimus in interna
arteriarum tunica, quae hic illic eandem exeserant, & veluti
phlogosi inflammaverant, & ad loca inflammata veluti cru-
sta affigebantur: dolor inde satis acer, & contractio arteria-
rum, seu constrictio, unde oclusio, & cum lapides sint non
cedentes, extensionis in arteriis per intrusionem sanguinis di-
fficultas major. Sed & lapidem plane admirabilem vidimus
genitum in altera valvularum, quae in sinistro ventriculo adstant
venae pulmonaris orificio, & impediunt, ne sanguis in eandem

Polypus in
arteria, tu-
mor, lapis,
&c. sed &

refluat e sinistro sinu, qui lapis maxime variam intermissionem pulsus producebat, dum viveret aeger, mirisque ipsum doloribus affligebat, eratque necessarium ex loco, quem occupabat lapis, ut impediret, & liberum cordis motum introrsum, cum contrahebatur, & liberum ejusdem motum extrorsum, cum restituebatur: verum de his alibi. Sed & externa quaelibet superius recensita in pressione cordis ad basim huc sunt similiter revocanda, ut patet. Sed & polypus, aut quicquid simile auriculas ita infarciens, ut eas in insignem molem extendat, & perducatur ad pressionem arteriae, ut similiter patet. In his autem omnibus aderit dolor, gravitas cordis, calor major ob longiorem moram sanguinis, nifus cordis ad motum, respiratio difficilis cum anhelitu, ut tentet animal subsistentem sanguinem ad pulmones extrudere, rubor faciei, & processu temporis etiam ejus livor, tumentes oculi &c. Esto insuper sanguis casu aliquo intra sinistram sinum ita fermentescens, ut bullam excitet velo viscido comprehensam, quae sit amplior amplitudine arteriae, ac majoris resistentiae ad crepandum per constrictionem externam, quam vis contractionis cordis (quod etsi difficile creditu est contingere tum ob maximam contractionis vim in corde, tum ob insignem, quae esse deberet amplitudo bullae, tum ob incredibilem tenacitatem veli, quo comprehendenda esset, tamen cum haec singula sint inter possibilia, etiam hic modus recensendus est;) Cor igitur in contractionem venire non poterit, quousque bulla illa vel ex se non crepat, vel non cumulatur tanta vis spirituum, qui ipsam diffringere, vel comprimere valeant, unde intermissio pulsus continget. Sed id ipsum etiam continget necessario, si ejusmodi fermentatio excitetur in dextro ventriculo. Esto enim illud; igitur in pulmones non trudetur sanguis, quousque bulla aut non rumpitur ex se, aut diffringitur, vel comprimitur vi spirituum: interim autem juxta naturae ordinem effluit sanguis e pulmonibus, & ad hoc, ut ad alternas quasque restitutiones auricularum praesto sit novus sanguis a pulmonibus, oportet ut per pulmones continue fluat, & continue fluit, si alterne immittatur per alternas contractiones cordis ad naturae leges; alterne igitur non immisso sanguine in pulmones, non erit fluxus ejus per pulmones continuus, unde dabitur aliqua sinistrae auriculae restitutio, in qua nulla portio sanguinis praesto

Externa quaelibet superius prementia basim cordis: sed & polypus, & quicquid simile in auriculis, & quid conjunctum habeat.

Fermentatio sanguinis intra ventriculos, &c.

sto erit, & nullus succedet pulsus. Patet igitur, ex fermentatione sanguinis in dextro ventriculo tolli quidem pulsum, non quatenus impediatur motus introrsum sinistro ventriculo, neque quatenus prohibeatur idem motus ventriculo dextro, sed quatenus per interceptionem hujus motus in hoc sinu prohibetur continuus fluxus sanguinis per pulmones, & derivatio ejus ad sinistram auriculam per tempus naturali ordini pulsus aptum.

Quid conjunctum habeat.

Et in hisce igitur intermissionibus a fermentatione sanguinis intra ventriculos provenientibus nihil mali sentire poterit laborans in qualibet parte corporis, sed solummodo intermissionis tempore percipiet quiddam Cor veluti tendens, ac trudens extrorsum, nempe flatum, qui superet nifum contractionis, vel, quod erit factu facilius, subito trudet extrorsum, antequam liquida in sinus exciderint, & prohibeat, ne excidant comprimendo, atque ita occludendo emissario non nisi per copiam spirituum successive confluentium, vel disruptionem bul-
lae discludenda. E converso facta supponatur contractio, supponaturque similiter aliquid successive circa cor cumulari, quod eidem se restituere tentanti locum non faciat: non restituatur equidem, & summi canaliculi, ex quibus derivanda sunt liquida, perseverabunt in eodem statu, quo se habent tempore contractionis: tum autem a vi contractionis, seu tensionis occluduntur; occlusi igitur persistent, nec contrahetur Cor, quousque non restituatur. Illud itaque quod cumulari supponitur, circa Cor, sit pinguedo, lapis &c., ut superius, sit tumor interior pericardii, sit aqua ejus copiosior, sit pus empyicorum, aqua hydropicorum, coalitus pericardii major cum septo transverso, quo fiat, ut trahatur deorsum pericardium magis, quam in naturali statu, unde ad contactum, & pressionem Cordis veniat: sit tumor ejusdem septi, pericardium ad usque Cor premens, tumor quidam amplior in visceribus abdominis proximis septo, vel in septi superficie, quae abdomen respicit, sintque hi tumores ejus virtutis, ut urgere septum possint, quousque nitatur in Cor tam valide, ut restitutionis motus liber impediatur. Cum haec omnia impedimenta cedentia sint, poterunt per confluxum successivum spirituum ad occlusa emissaria simul nitentium, ac demum vim occlusionis superantium tolli, ac tum Cor contrahetur, &

Omne prohibens motum restitutionis in corde, cujusmodi sunt recentissima superiora, atque infusores, & coalitus cum septo abdominis, pulmonum, & polypi insigniores, &c.

exprimet contentum sanguinem, quibus addes pulmonum tumores in Cor nitentes, addes polypos, vel similia majoris molis, quae ad pressionem cordis perveniant, qualis ille, quem vidimus in fene aquae ardentis mercatore. Cum his autem pulsibus a prohibita restitutione Cordis pendentibus conjuncta quidem erunt pleraque, quae cum superioribus, dolores, gravitates, anhelitus, inflammationes capitis &c.: sed semper erit necessario post intermissionem succedens pulsus parvus; cum etenim Cor non restituatur penitus, cavitas non erit tantae amplitudinis, ut excipere possit totum sanguinem, unde parvus pulsus: sed & erit frequentissimus, & vix quicquam temporis inter duas quasque pulsationes habens; neque enim auricula contrahi poterit ex toto, neque ex toto ventriculus, unde motiones violentae cum doloris sensu, & propter moram diuturniorem sanguinis circa Cor etiam sensu caloris, unde derivatio subita spirituum per refluxum a dolore, & subita, ac subito facta post primam contractionem secunda contractio. In quibus autem intermissio proveniet a tumoribus in abdomine septum transversum prementibus ad usque Cor, & ejusdem Cordis restitutionem impredientibus, dabuntur quae cum ejusmodi tumoribus conjuncta sunt, qui cum esse necessario debeant magnae molis, facile dignosci poterunt: & ad tumores redigendae sunt insignes inflationes ventriculi, vel intestini Coli, quoties eandem pressionem possunt producere. Superest jam ut exponamus, quibus modis fieri possit, ut sanguis non influat in sinistrum sinum cordis, aut si influxit, effluat, quae etsi facile patent ex superioribus, & Anatomicis, sunt tamen hic exponenda diligentius, ut res planissime intelligatur. Primo igitur non influet sanguis in sinistrum ventriculum, ita ut pulsum continuum producere non possit, si corpus universum penuria sanguinis laboret, ita ut neque continue in dextrum sinum possit influere. Quoniam enim, ut superius, ad continuum affluxum ad auriculam sinistram requiritur tanta copia sanguinis, ut pulmonem impleat, & ad hoc, ut pulmo continue plenus existat, opus est continuo affluxu sanguinis ad auriculam dextram, & ad affluxum hujusmodi requiritur copia sanguinis insignis, tanta nempe, quae per venas, atque arterias omnes fluxum non interrupti sanguinis producat, si igitur sanguis eo usque deficiat, ut fluxus hic haberi non possit, neque

Quid conjunctum habeat.

Defectus sanguinis, &

sanguis ad auriculam dextram continue deducetur, neque pulmo eodem implebitur; neque fluet continue ad auriculam sinistram, seu non fiet pulsus non interruptus, sed intermittens.

Quid conjunctum habeat.

Polypus in sinistra auricula, tumor &c. vel extrinsece quid simile premens, &

Erit autem ejusmodi pulsus in jamjam morituris ex longo morbo, vel breviori, sed qui sanguinem absumerit, vel in aliqua parte corporis cohibuerit, & ante mortem erit lassitudo summa tum penuria sanguinis, cum penuria spirituum, qui sane non nisi paucissimi generari poterunt sanguine, qui est ipso-
rum materies, deficiente. Supponatur jam polypus, tumor, adeps, vel aliquid ejusmodi cavitatem sinistrae auriculae occupans, vel eadem exterius pressa non absimilibus corporibus, & acta introrsum. Licet igitur supponatur sanguis aptae quantitatis per venam pulmonariam ad usque auriculam sinistram fluens, in ipsam tamen derivari non poterit, antequam superaverit resistantiam occludentem, vel implentem productam a polypo, & similibus vel interius occupantibus cavum auriculae, vel exterius prementibus: superari autem illa resistantia non poterit per unicum affluxum, sed expectare oportebit, quousque plurimum sanguinis coacervatum sit ad auriculam, cujus vi simul collecta superetur tandem resistantia impedimentorum interius vel exterius repugnantium influxui sanguinis; igitur fiet intermissio pulsus. Hic dabitur dolor cum calore premens ad basin Cordis propter majorem copiam sanguinis ad auriculam sistentis, & tumorem, vel quicquid simile auriculam urgens exteriora versus: aderit difficilis respiratio subsistente sanguine ad pulmones, & intra ipsos, & modo esse poterit magna, & rara, modo magna, & frequens, prout aut stimulus a dolore veniens, aut assuetudo, vel voluntas aegri tulerit. Et haec igitur intermissionis ratio non erit judicatu facilis, a qua causa proveniat, cum conjuncta habeat communia cum aliis. Imminet autem periculum, ne vena pulmonaris ab auricula divellatur, praecipue si impedimentum prohibens influxum sanguinis sive interius sive exterius fuerit superatu difficilior, ita ut plurimum sanguinis ad auriculam intra venam cumuletur; ejus enim infartu, pulmonum impetu, & tractu cordis valido, dum movetur, facile fieri poterit, ut divellatur, quemadmodum aliquando in iis, qui repente mortui sunt, factum vidimus, in iis nempe inventa vena pulmonaris ab auricula sinistra divulsa. Eadem intermissio necessario succedet, si non absimilia

Quid conjunctum habeat.

lia impedimenta reperiantur vel in trunco venae pulmonaris, vel in ejusdem ramis majoribus, vel per maximam partem pulmonis, ita ut tanta copia sanguinis prohibeatur ne fluat, continuus fluxus per truncum dari non possit, vel in ramis, aut trunco arteriae pulmonariae, vel in dextro sinu, vel dextra auricula, vel demum in utrisque truncis venae cavae, ascendente scilicet, ac descendente, vel ad confluxum eorundem; in quacunque enim harum partium illud impedimentum tale fuerit, ut exigat moram sanguinis, ad hoc, ut per ipsum sanguinem impedimenti resistentia superetur, fiet ex superius expositis, ut vel primario sanguis non influat in auriculam, & sinistrum sinum, si impedimentum sit a pulmonibus ad usque auriculam, vel secundario, si impedimentum sit a pulmonibus ad usque venae cavae ramos, quatenus ejusmodi impedimentum prohibet, ne sanguis continuo fluxu, & sui serie non interrupta fluat per pulmones. Siquidem vero impedimentum fuerit per totum truncum venae pulmonariae, non vero intra pulmones, eadem succedent, quae ab impedimento in auricula, nisi quod erit respiratio aliquando difficilior, & majoris nifus, cum major copia sanguinis intra pulmones resistat, quae extra flueret, si impedimentum esset remotius. Adhuc difficilior erit respiratio, si impedimentum sit intra pulmones, & pertineat ad ramos arteriae; tunc enim quantum fere sanguinis influet, tantum intra pulmones detinebitur, & facile superveniet inflammatio, seu peripneumonia. Si vero ad ventriculum dextrum, auriculam ejus, confluxum utriusque trunci venae cavae, vel ad eosdem, respiratio nihil patietur mali; sed aderit dolor gravans cum calore, & tensione ad Cor, ex quibus proximis stimulis vitiabitur motus pectoris pro eorundem stimulorum necessitate. Similiter igitur si impedimentum sit ad auriculam dextram, vel confluxum utriusque trunci Venae Cavae, periculum erit, ne eadem vena ab auricula divellatur. Operae pretium non est singulas impedimentorum species enumerare, cum facile pateant, qua ratione operari debeant singula, si sint polypi, si tumores, si ossa, si lapides, si adeps, si grumi &c.: sed est aliquid addendum de Empyemate, atque Hydrope pectoris, in quibus morbis pus, vel aliqua, sive aliud quodlibet liquidum cavitatem pectoris occupant, adeoque premant oportet quicquid intra pectus continetur. Affero igitur, etiam

Impedimenta similia in trunco venae pulmonariae ad usque pulmonem, & a pulmone ad usque Venae Cavae ramos, &

Quid conjunctum habeat.

Empyema, & hydrops, &

ab his ita posse premi vasa, & auticulas, quin imo, ut superius indicavimus, etiam cor ipsum, ut per eorum pressionem excitetur intermissio pulsus. Et sane dubitari non potest, intermissionem pulsus excitandam per illa liquida, si quidem tanta esset ipsorum vis, ut prohibere posset naturalem influxum sanguinis in sinus suos, & eodem sanguine ad locum pressionis cumulado eadem demum pressio superaretur. Hoc igitur fieri posse ostendamus oportet in Empyemate, & Hydrope. Et primo cum trunci vasorum, & auriculae contineantur intra duplicaturas mediastini, quae communionem non habent cum reliquo pectoris, nempe cavitatibus utrinque pulmonem continentibus; duplicaturae autem illae membranae sunt, inter ipsas igitur facile exsudabit pus, vel aqua cavitatum pectoris: imo fieri poterit in Hydrope, ut origo humoris in cavitatibus contenti utrinque ad mediastinum positis devenerit ab eodem mediastino, si inter duplicaturas ejus ruptus fuerit canalis aliquis lymphaticus ob pressionem, vel quamlibet aliam causam disrumpentem: quin etiam aliquod Empyema dari poterit, cujus pus ex spatio inter mediastini duplicaturas defluerit, si intra idem spatium aliquis tumor, abscessus &c. suppuratus fuerit. In singulis igitur hisce casibus qua trunci Vasorum, qua auriculae premi poterunt tanta pressione, quae superet momentum naturalis influxus sanguinis. Quia vero etiam si pus, aqua, & lympa penitus incompressilia supponerentur, perinde est, ac si comprimi possent, quoties continentur corporibus cedentibus; ejusmodi autem liquida continentur inter membranas distractiles, extensilesque; igitur cumulado sanguine ad loca pressionum tantum nifus postremo cumulabitur, ut superari possit momentum pressionis, & pulsus, qui intermiserat, excitabitur. Intelligatur secundo pus, aqua &c. intra cavitates pectoris; erit igitur ad contactum pericardii, & in ipsum nitetur non solum vi sua quaquaversum, sed vi, qua urgetur a pectore, septo, & pulmonibus, quorum percussione fieri non potest, ut quaquaversum non diffiliat magno cum impetu, & se, quaquam potest, intrudat. Itaque Hydrope, vel Empyemate diutius protracto poterit tantum liquidi exsudare in spatium inter cor, & pericardium, ut idem spatium penitus impleatur, imo infarciatur, atque impediatur Cor a sua restitutione, quousque cumulentur tanti spiritus, & tantus sanguis, ut cor

in vehementissimam contractionem agant ipso prius distracto per cumulatam sanguinem, cui succedet nifus in restitutionem ejusdem roboris superans, quantum potest, momentum a resistentia infarti pericardii proveniens. Sed & hoc ipsum intra brevius temporis spatium contingat oportebit ratione pulmonum; pus enim, vel aqua & per vim suam quaquaversum, & per impulsam costarum &c. multo facilius premet pulmones, & ad contactum perducet vasa pulmonaria extra ipsos posita solum extrinsecam eorum superficiem urgendo, unde intermissio pulsus modo in superioribus non semel exposito. Si vero intra pulmones exsudet, sed vel sit tenacior, quam quae reddi possit per asperam arteriam, vel reddatur solum aliqua ejus portio, reliqua premente vasa insigniora, prohibebitur, ne sanguis sit sibi ipsi continuus intra vasa pulmonis, & fiet pulsus intermittens. Postremo etiam his omnibus omissis poterit Hydrops, vel Empyema intermissionem pulsus producere. Fac enim puris &c. copiam esse tantam, ut quo tempore fit expirationis, seu amplitudo pectoris sit minor, tota ejusdem pectoris amplitudo impleatur ab illo liquido, sive sit pus, seu quidvis aliud, impleatur inquam, & infarciatur: nitetur illud in utrumque venae truncum, imo etiam basin Cordis, auriculas, pericardium, eoque major erit ejusmodi nifus propter impetum impressum quaquaversum a restitutione costarum, & septi, quare vasa, & partes illae poterunt occludi, & cohiberi a motibus, unde intermissio pulsus, quousque nifus ille perdurabit. Fiat jam inspiratio, quoniam pus &c. est aëre gravius, & quidem pluries; igitur momentum ejus quaquaversum majus est momento aëris, quare statim ac contrahuntur muscoli pectoris, hoc est, fit major ejus cavitas, prius liquidum illud diffluet quaquaversum etiam comprimendo pulmones, quam subeat ipsos aër, atque extendat, & impleat spatium pectoris autem per inspirationem. Itaque rami Venae Cavae, & reliquae partes a pressione liberabuntur, & pulsus excitabitur, qui non intermittet necessario in expiratione succedente; poterit enim pars liquidi exsudasse in pulmones, & per os abiisse extra corpus, vel exsudasse in vasa sanguinis, vel succedere expirationi minor, hoc est, non ita constringens pectus. His autem conjuncta erunt quaecunque Hydropem pectoris, aut Empyema comitantur: non erit tamen tutum affirmare, si in eo Empyema

Quid com-
junctum
habeat.

matico detur pulsus intermittens, ejusmodi intermissionem provenire a pure; poterit enim dari alia causa intermissionem pariens, & pus esse tam parvae copiae, ut nihil habeat cum ipsa negotii. Ab omnibus igitur expositis causis intermittet pulsus per prohibitum influxum sanguinis in sinistrum cordis sinum. Et si autem supponatur sanguis in hunc ipsum sinum influere posse, adsit vero aliquid intra, vel extra truncum arteriae impediens ad certum tempus effluxum ejus, ut polypus, tumor &c., intermittet pulsus: sed cum haec facillima sint, & abunde pateant ex superioribus, iis ulterius non immorabimur. Esto insuper dolor vehemens praecipue circa praecordia, & cor ipsum; fiet igitur per nervos cordis refluxus vividus, & copia spirituum in auriculas cordis naturali multo major, atque frequentior, quae proinde tanta esse poterit aliquando, ut easdem in perpetua contractione detineat. Cum itaque vis naturalis contractionis in auriculis per influxum naturalis copiae spirituum tanta sit, ut superet pressionem sanguinis affluentis per venam cavam, aut pulmonariam, ejusmodi igitur contractionis vis erit ipsa pressione sanguinis multo major, quoties augetur influxus spirituum, unde a pressione sanguinis discludi auricula non poterit. Imo vero idem sanguinis continuus affluxus faciet, ut validius, & diutius, quin etiam ad usque mortem auriculae oclusae persistant; quoniam enim membranae venarum sunt distractiles, & earum opposita latera ad contactum perducuntur per contractionem auriculae; auriculis igitur in contractione persistentibus sanguis continue superaffluens, nec opposita latera a contactu removeare valens, venam statim supra auriculam extendet in sinum, qui in auriculam ipsam nitetur, unde haec in occlusionem magis urgebitur, ex quo fiet, ut etiam si dolor cesset, auricula debeat in occlusionem persistere, non quidem propter spiritus, sed propter pressionem incumbentis sinus sanguine pleni, quo in statu perseverante Animali brevi succedere potest Mors, ut patet. Neque necessarium est, ut in ejusmodi refluxu valido aut cesset respiratio, aut plurimum a naturali statu recedat; cum enim motus pectoris non sit isochronus motui cordis, & resistentia costarum sit multo major, quam resistentia pressionis a sanguine ad auriculas, multo minor copia spirituum sufficiet detinendis auriculis in perpetua contractione, quam musculis respirationis, ex quo fiet,

Quicquid
prohibens
effluxum
sanguinis e
sinistro sinu
in arteriam
magnam.
Dolor ve-
hemens ad
cor.

fiet,

fiet, ut sanguis universus, qui jam in pulmonem influxerat, trudi extra ipsum possit, & sinistram auriculam, ut expositum, premere. Quod si etiam respiratio cohibeatur per ejusmodi refluxum, intercipientur illa musculis in perpetua contractione persistentibus, unde pulmo in dilatatione persistet, & sanguis jam intrusus effluet ad auriculam sinistram, eamque modo exposito premet. Itaque duplici de nomine pulsus in vehementi ad Cor dolore potest intermittere, & quia scilicet auriculae per vividum, & copiosum refluxum a restitutione impediuntur, & quia sanguis continue affluens easdem a superiori parte premit, & validius in contactum urget, quod etsi intermissione pulsus produceret, licet ad auriculam solum dextram contingeret, adhuc magis, & fortiori a causa producatum oportet, cum sanguis a pulmonibus refluens, qui caeteroquin ab eadem intermissione per aliquod breve spatium temporis praeservasset, eandem compressionem ad auriculam sinistram pariet. Ex his autem fit, ut alio insuper de nomine intermissio pulsus conservetur, & diutius protrahatur, ac demum in mortem abeat; sinistra enim auricula in occlusionem persistente, nihil sanguinis in arteriam truditur: interim autem qui per piam matrem, & musculos corporis fluebat, derivatur in venas, nihil igitur pressionis, nihil sanguinis ad cerebrum, & musculos ducitur, unde nulla ex cerebro spirituum expressio, nulla iis generandis materies, unde nihil spirituum ad cor, & nullus ejus nisus in motum: sanguis autem supra auriculas interim easdem premit, & prohibet, ne discludantur; nihil igitur superincumbentis sanguinis derivari in arterias poterit per paucos illos spiritus superstites adhuc in nervis, unde brevi Animal viribus fractum mori poterit. Haec autem eo facilius contingent, si dolor ille ejus sit conditionis, ut per ipsum fiat refluxus musculos universi corporis in motu tonico detinens; cum etenim in ejusmodi motu musculi vix contrahantur, minimus impetus ab ipso communicabitur sanguini per venas reflu, sed eo concepto impetu sanguis ad auriculas premit; igitur nisus sanguinis eo minori vi superari poterit ab auriculis, dum contrahuntur, seu minor copia liquidi requiretur ad perpetuam auricularum contractionem. Patet autem ex his, quemcunque motum liquidi per nervos tam vividum, & in perpetua contractione auriculas detinens, producere debere inter-

Gravis odor.

Ira, laetitia, timor vehemens & quaecunque species vividior.

Molestia ventriculi.

Uteri &c. quae

Sunt intermissiones per consensum.

Evacuatio nimia.

missionem pulsus. Si itaque sit odor aliquis, qui vel natura, vel per assuetudinem sit alicui tam gravis, ut species ipsius tremens liquidum nervorum in vividum refluxum agat, intermittere poterit, ac debet pulsus superfluit etiam, aut vix vitata respiratione, eoque facilius, si in actu sensus corpus totum motui impotens sentiatur; erit enim tum signum motus tonici: idemque prorsus continget, si quis ira corripiatur vehementius, laetitia gestiat effusus, timeat intensus, atque uno verbo per motum cujuscunque speciei vividioris, ita ut per ipsam fluxus derivationis fiat copiosus, & frequens: tum enim dari poterit musculorum, & praecipue minorem resistentiam superantium perpetua contractio. Hinc patet, eandem intermissionem facile producendam, si molestum aliquid ventriculū afficiat; tum etenim refluxum fiet, ut de dolore superius expositum, & ejusmodi refluxus primo ad cor deduci poterit per ramos nervi ventriculi communes, unde cor subito afficietur: similique de causa affecto utero, renibus, liene, septo &c. per refluxus solos. Quod si intra has partes fermentescat aliquid ita, ut ipsas in insignem molem extendat, & septum premere cogat, & pericardium, & Cor, ita ut restitutionem ejus impediat, fiet intermissio per pressionem, de qua superius. Si vero ex iisdem partibus aliquid trajiciatur in vasa, quod fermentescere possit, prout illa fermentatio continget aut in pia matre, ubi nimis premit, & spirituum fluxum, vel generationem impediat, aut in nervis cordis, aut in arteriis coronariis, aut in auriculis, aut in ventriculis cordis, fiet intermissio pulsus per fermentationem, ut superius expositum: similiterque si ab iisdem partibus trajiciatur in vasa aliquid, quod haerere possit Cordi, aut intra ventriculos, aut ad villos, & sit vividi stimuli, excitabit dolorem, aut insignem molestiam in Corde, unde refluxus, & perpetua contractio, qui sunt modi intermissionis per consensum. Nimia etiam evacuatio sive per haemorrhagiam quomodocunque factam, sive per medicamenti potionem, eandem intermissionem producet vasa sanguinis nimis exhauriendo, hoc est, subtrahendo materiam spirituum, & minuendo pressionem, unde influxus eorum neque ad cor, neque ad reliquos musculos; sed & alia datur intermitendi pulsus ratio, quae praecipue in missione sanguinis contingit, licet raro, etiam si sanguis mittatur in minori quantitate,

& haec fit subito, postquam aliquid sanguinis effluxit, ita ut deficere patiens videatur. Et id primo facile potest contingere in pavidis, & de rei exitu dubitantibus, & sibi ipsis plus aequo cavere studentibus; excitabitur enim tum species timoris vividior, & sanguis cessabit a motu non restitutus auriculis. Sed possibile est id ipsum contingere etiam sine ullius speciei excitatione. Fac enim delicatulum aliquem, & pauci sanguinis; statim igitur ac sanguis mittitur, quicquid ejus in vasis reliquis continetur, nitetur in partem minime resistentem, nempe in factum emissarium, & reliqua vasa omnia minus extensa remanebunt, & pauciores sanguinem continebunt, unde in cerebro pressio multo minor, & motus spirituum tardior, & generatio eorum parcius, & siquidem missio pro ratione illius temperamenti fuerit amplior, quanquam caeteroquin exigua, facile in mortem veniet non superstiti tanto sanguine, quo premi cerebri &c. possit. Contra siinge alium plenioris habitus, in quo vasa infarta sint; omnia igitur per infartum sanguinem nitentur quaquaversum vivide, & singulae particulae sanguinis erunt momenti maximi, quo se ferent toto impetu quaquaversum arterias tantum non exhauriendo, si daretur exitus: detur igitur exitus per foramen, ex quo sanguis mittitur; sanguis igitur universus se eo devolvat cum impetu, & arteriae plurimum exhauriri poterunt, pressio cerebri influxus, & generatio spirituum maxime minui cum caeteris, quae mox exposuimus, intermissionem pulsus producentibus: unde his affectionibus minus erunt obnoxii medii temperamenti homines, in quibus nec cavendum a minori quantitate sanguinis, quae licet minimum minuatur, vasa exhaurit, neque a majori, quae per nimium impetum ab iisdem vasis se ex se ipsa proripit. Haec autem omnia quid conjunctum habeant, ex ipsa expositione manifeste patet. Ex his autem singulis colligitur, a nimia etiam frequentia pulsus intermissionem ejus posse succedere. Quoniam enim ad hoc, ut utraque auricula apte impleatur, hoc est, impleatur naturali quantitate sanguinis, opus est certo spatio temporis, quo sanguis e summis venis fluere possit in auriculas, & eodem spatio temporis eadem auriculae in distractione perseverent; si igitur per intervalla eo spatio temporis minora contrahantur, hoc est, cum pulsus est tam frequens, ut spatium inter utramque pulsationem minus sit, quam quod requiritur

Missio sanguinis etiam parcius.

Nimia frequentia pulsus.

ad derivandam universam naturalem quantitatem sanguinis in auriculas, ejus solummodo portio deducetur in ventriculos, & arteriam magnam reliqua subsistente ad auriculas. Cum igitur per venam cavam continue interim affluat novus sanguis, & per pulmonariam similiter, ille scilicet, quo jam refertus erat pulmo, prementur auriculae valide, & ad occlusionem detinebuntur, seu restitui impediuntur, unde intermissio pulsus, quousque tantum spirituum cumulatam fuerit, ut facto simul impetu perrumpere possint in villos, eosque magis, ac tanta vi contrahere, ut ab illa contractione sese restituentes superent momentum pressionis a superurgente sanguine provenientes. Id vero etiam difficilius succedet; cum etenim ratione illius nimiae frequentiae parum sanguinis in arterias trudatur, pauci etiam spiritus generabuntur, & cerebrum minime premetur, unde auriculae facilius comprimuntur a superurgente sanguine, & cumculandi spiritus esse poterunt minoris copiae. Quia vero quicquid stimulat, prout magis vel minus vivide id praestat, magis aut minus copiosum influxum per derivationem in musculos parit, seu in re nostra plus minus frequentem contractionem cordis, seu pulsum; quoties igitur dabitur stimulus tam acer, ut per ipsum excitentur contractiones, quarum inter utramque minus excurrat temporis, quam quod requiritur ad derivandam in auriculas naturalem quantitatem sanguinis, brevi intermittet pulsus maxime periculosus propter cumulationem sanguinis ad auriculas, & defectum spirituum, ac pressionis in cerebro: quare haec intermissio haberi poterit a vulnere cordis, ulcere, inflammatione &c., & a singulis pressionibus, caeterisque non naturaliter cor afficientibus superius expositis, dummodo cum stimulo conjuncta sint hujus certae conditionis, quam hic explicavimus. Ex his autem omnibus patet pulsus intermissionem posse provenire, & quidem modis pluribus a plethora; cum plenitudine enim, & quasi infartu vasorum dabitur nimia pressio cerebri, unde intermissio pulsus a superius descripta pressione illius partis: stimulus ad cor a nimio calore nimii sanguinis, unde & per stimulum: ex nimia copia sanguinis difficilis motus per arterias, unde extrusio ex dextro sinu non universi sanguinis in ipsum deducti, sed partis ejus, unde paulatim prohibita contractio cordis, & ob eam causam intermissio: affluxus nimius ad auriculas prohibens, vel ne contra-

Stimulus ubi-
cunque ad
Cor.

Vulnus, aut
ulcus ejus,
& quicquid
ex superio-
ribus cum
stimulo con-
jun-
ctum.

Plethora.

han-

hantur, vel ne restituantur, unde ex iis intermissiones, & hae intermissiones facile contingent, atque recurrent in illo plethorico a cibo, cum per ipsum augeatur quantitas sanguinis; a motu corporis, vel animi, quibus sanguis incalescit vel rarefcit: a pressione vasorum insigniorum per infartum ventriculi a cibo, pondere externo, vestibis nimis adstrictis, conceptu, & gestatione uteri, prout foetus in spinam decumbit, aut in latus: ab anni temporibus humidis, praecipue quibus vasa infarciuntur: a cibis fermentescentibus, & si quae his sunt similia. Et ex his deduces rursus, etiam a cacochymia intermissionem producendam, primo si sit cum copia humorum plethorae respondente: secundo etiam si desit copia, sit illa cacochymia conjuncta cum humore acri, qui cor nimis vellicet, & producat intermissionem per stimulum, vel cum humorum visciditate, seu lentore; horum enim resistentia ad motum fieri poterit, ut etiam ad tenuissimos canaliculos piae matris diutius haereant, & cumulentur, unde tandem cerebrum nimis prematur, & intermissio succedat, vel haerere poterunt ad auriculas, & cavitates cordis, & intermissiones iis de nominibus provenient, quas ante exposuimus. In utroque autem casu, nempe tam in plethora, quam in cacochymia cum nimia quantitate conjuncta, etsi caetera jam enarrata intermissionem non producerent, oriri illa posset a solo infartu vasorum sanguineorum per villos cordis repentium, quoties ille infartus ita vasa extenderet extrorsum nitendo, & majorem sibi locum faciendo membranas villorum ita comprimeret, ut sinus eorundem villorum occluderentur, quo eodem tempore minimi etiam nervorum ramuli pariter ad usque occlusionem comprimi possent, unde cordis prohibita contractio, seu pulsus intermissio. Quod si infartus vasorum non esset tantus, sed solum ex parte occluderentur sinus, & nervi, pulsus minor, & rarior solum contingeret, ac tum virium succederet imbecillitas non ratione sanguinis, qui non deficeret, licet motus cordis esset rarus, & debilis, sed quia ex parte occlusis nervis, & constrictis villorum sinibus copia spirituum, & sanguinis minor in eosdem influere posset, unde minor expansionis impetus, seu minus virium robur, cum hoc ab illa plane pendeat.

Cacochymia.

L. BELLINI

S U C C E D E N T I A.

INtermissionibus pulsuum brevi, aut statim facile succedet virium imbecillitas, syncope, aut palpitatio cordis, & haec quidem, si intermissio conjuncta sit, vel pendeat ab aliqua causa, quae cor, & nervos ejus valide stimulet, unde spiritus in vividum refluxum agantur, & cor jactent crebrius, & vehementius: si vero intermissio sit aliquanto diuturnior, ita ut e cerebro omnis antea eo deductus sanguis in venas traducatur, antequam pulsus rursus excitetur, subito concidet animal quasi fractis viribus, & velut emortuum: cessabit enim pressio spirituum a pia matre, eorumque motus vividus: si vero sit per penuriam spirituum, aut sanguinis, aut utriusque, sive quia sanguis detineatur ad aliquam partem, sive quia absumtus sit, succedet virium imbecillitas. Sed de his singillatim mox.

S Y N C O P E,

Lipothymia, Lipopsychia, Apopsytia,
Eclysis, Asphyxia.

Σ *ὑποπῆ* vox apud Hippocratem, & antiquos Graecos in usu non fuit, & ejus vice utebantur nominibus *λειποθυμία*, *λειποψυχία*, *ἀσφυξία*, & *ἀποψυτία*, quorum Asphyxia gravissimum est malum, reliqua ejusdem fere gradus. Circa tempora autem Galeni inventa vox *συγκοπή*, quae significat morbum graviolem Lipothymia, & duobus reliquis, Asphyxia leviolem, & definitur praeceptis virium omnium lapsus, vel si velis, ex vi Graecae vocis, subita virium omnium simul rescissio, *κόπῃ* enim scindo est: Lipothymia autem est deliquium animi; *λείπω* enim relinquo, derelinquo, *θυμός* autem animus: similiter Lipopsychia deliquium animae; *ψυχή* enim anima est, & idem sonat *ἀποψυτία*, vel *ἀποψυξία*. *ἀσφυξία* autem est destitutio, vel privatio pulsus in toto corpore; *σφύζω* enim pulso, *σφυγμός*, vel *σφύξις*, pulsus. Demum *ἐκλυσις* est enervatio, vel exolutio virium; *ἐκλύω* enim exsolvo est. Est igitur Eclysis omnium horum morborum levissimus, gravior Lipothymia, Lypopsychia, vel Apopsytia, his gravior Syncope, gravissimus omnium Asphyxia, in quo aeger

sine pulsu in qualibet parte corporis sit. Differunt igitur hi morbi secundum magis & minus, nempe majorem aut minorem virium lapsum, & quidem subitum, qui cum pendeat a majori, vel minori pulsu, pulsui minimo succedit demum Asphyxia.

ANTECEDENTIA.

A Tuberculi introrsum eruptione ἐκλυσis, ἔμετ^Θ, nempe vomitus, καὶ λαιμψυχία fit. Hipp. 7. Aph. 8. (ubi Galenus suppurationem intra ventriculum intelligit, adeoque per consensum a stimulo ejus partis.) Improvisa anxietas, animi perturbatio, capitis gravitas, vertigo, alieni & varii coloris observatio oculis: coloris faciei, sicut etiam pulsus frequens, & subita mutatio: febres acutae, malignae, syntheticae, syncopales, gaudium immodicum, terror subitus, ac repentinus, odores graves, evacuatio quaelibet largior, vigiliae pertinaces, inedia longa, effraenata Venus, dolores atrocissimi: vulnus, aut ulcus cordis, febres colliquantes, balnea calida, hypocausta, plethora, cacochymia, venena. Et haec idiopathica: at vero sympathicam affectus ejus partis, a qua excitatur, ut a ventriculo morsus ejus, oris amaror, sitis, nausea, vomitus, vermes &c.: ab utero, affectiones hystericae, strangulatio, furor, conceptus novus &c.

CONJUNCTA.

Subitus, ac praeceps virium omnium lapsus: respiratio obscura, aut nulla sensilis: pulsus similiter minimus, aut etiam re ipsa nullus (quibus duobus praecipue, atque unice distinguitur ab Apoplexia, in qua respiratio major, & cum stertore, & pulsus ut plurimum major, & plenus: & ab uteri strangulatione, in qua respiratio tollitur, sed non pulsus, nisi quando etiam Syncopem sympathicam producit) nulli convulsivi motus (quo ab Epilepsia distinguitur) pulsus demum omnino cessat: facies summe pallida, aut livida: totum corpus, & ad extrema praecipue frigidum: sudor frigidus, ideo Syncoticus, praecipue in temporibus, collo, & thorace; color albidus praesertim in labiis: non vident, non audiunt, non loquuntur, subito collabuntur: facies Hippocratica, nares nempe acutae, oculi concavi, collapsa tempora, cutis arida circa

frontem. Cum desperata est, & confirmata, collum invertitur, ut in strangulatis, & color faciei fit viridis.

S U C C E D E N T I A.

Hipp. 2.
Aph. 41.

Qui saepe, & vehementer sine causa manifesta animo linquantur, ii repente moriuntur. Quoniam Asphyxia est horum morborum summus gradus, qui nihil differunt nisi per magis & minus; eadem igitur causa plus minus intensa exposita omnes affectiones producet in quocunque ex morbis propositis incipiendo ab Eclysi usque ad Asphyxiam. Quia vero sublato motu sanguinis ea omnia, quae hic enumerata sunt, necessario, ac subito producenda nemo non videt, eoque facilius, si ad morbos superius expositos respiciat; igitur quaecunque motum sanguinis impediunt, ita ut conjuncta illa omnia subito produci possint, quemlibet horum morborum producent: illa autem sunt quaecunque intermissionem pulsus, seu intermissionem motus Cordis possunt parere; tot igitur causae quemlibet ex his morbis pariens, quot pulsus intermissionem. Cum vero has satis distincte superius explicaverimus, & sublato, vel alterato motu cordis pateat subito necessitas affectionum omnium sive antecedentium, sive consequentium, nihil hic iis exponendis immorabimur, cum ex praecedenti pulsus intermittendi necessitate tota eorum res pendeat, ac pateat. Solum indicamus, sudorem frigidum per totum corpus vel pendere a sublato motu sanguinis, qui facit, ut frigeant omnia, unde exprimitur aqueus humor forte per debilitatem partium potius effluere libere permittentium, quam exprimentium, cum jam concidant, & flaccescant: vel quia perspirationis partes jam erupturae, cum calore destituantur, quo ab invicem sejunguntur, abripiuntur, nec sub aspectum cadere possunt in tenuissimam levissimamque nebulam per admisionem ejus reductae, coguntur magis accedentes, & pervenientes ad contactum mutuum, unde non possunt per aërem tolli ipso graviores, sed inhaerent summis pororum orificiis, & successive in moles majusculas collectae tandem ejus molis fiunt, quae sensus movere potest, & specie guttularum oculis obijciuntur. Profecto deest inibi calor, unde quemadmodum in vasis chymicis liquida guttarum specie ad pileos subsistunt solum, quia pilei

Sudor frigidus, & praecipue.

pilei resistentia permittit exitum calori, non reliquis partibus, quae per vas caeteroquin, cum calori admixtae sunt, non patent oculis, id ipsum necessario secuturum videtur, si quacunque de causa calor deficeret, & humorem jam evaporantem solitarium relinqueret. Quia vero pars colli superior tota glandulosa est ad fauces, ubi maxima copia glandularum insignium statim sub cute, pectus vero continue movetur, & ad tempora pariter, & statim sub cute parotides; igitur ex hisce partibus multo major, quam ex caeteris humidae evaporationis copia expirabit, ex collo & temporibus propter glandulas humidum secernentes, & continentes, in pectore propter continuum motum magis exprimentem, & absumentem partes, quibus si velis addere tenuitatem horum membrorum perspirationi exitum facilem permittentium, non absurdum crediderim. Itaque deficiente motu, siue calore sanguinis particulae perspirationis ad earum partium superficiem cumulabuntur in maiori quantitate, e quibus naturaliter expirant copiosius, nempe collo, temporibus, pectore. Quia vero sanguis, & carnes cum putrescere incipiunt, in colorem subviridem abeunt; cum igitur in Syncope virescit facies, indicium erit, partes aut sanguinem putrescere, adeoque sanguinem omnino quiescere, & irreparabilem esse morbi causam. Cum autem intorsio colli fiat per motum musculorum, & quidem alterutrius ex contranitentibus; igitur quando in Syncope haec intorsio colli contingit, siue illa sit in latus, siue antrorsum, siue retrorsum, alterius contranitentis resolutio, vel valida convulsio alterius moventis necessario continget, quod utrumque erit diversis de causis irreparabile, prout fit in Syncope a diversis causis proveniente: irreparabile autem, cum tam Paralysis, quam Convulsio proveniens a causa, quae vires omnes subito frangat, remedium vix admittere possit. Si vero antea concidat, ita ut nulla vi etiam in latus, & posterius ab adstantibus inflecti possit collum cum capite, quaquaversum autem agatur, nihil resistat, & collabatur caput, tum certius erit resolutionis indicium, & quidem in musculis omnibus capitis, & colli, unde facile etiam totius corporis, seu summa atque extrema quies, vel defectus liquidorum omnium vitae munia obeuntium. Esto jam aliquis, qui subito, fortiter, ac saepe linquatur animo; in hoc igitur quacunque de causa fluxus

Ad collum;
tempora, &
pectus.

Color viridis in con-
clamatis.

Intorsio
colli qualis
in strangu-
latis.

2. Aph. 4.

liquidorum vitae munia obeuntium interceptetur, & quidem fortiter, atque saepe: fiat id insuper absque causa manifesta, puta externa, morbi, motus animi, aut corporis &c. igitur causa ejus deliquii interna est, atque permanens, licet non semper operans: operatur autem saepe, ac vehementer; igitur per illam frequentiam, ac vehementiam vires imminuentur; unde tandem etiam si causa illa non fieret intensior, ad tantam virium diminutionem redigetur aeger, ut causae illius insultum ulterius sustinere non possit, adeoque ipso statim invadente statim seu repente morietur. Quia vero causae morbificae eo fiunt intensiores, quo vires aegri minuuntur; igitur eo facilius, ac citius fractus ille viribus repente morietur. Quae Syncope a corde provenit dicitur Cardiacae: quia vero *cardiacae* etiam dicitur os ventriculi, hinc illa etiam dicitur Syncope Cardiacae, quae provenit ab affecto ventriculo, vel orificio superiore ejus, quae tamen vitandae aequivocationis gratia dici etiam potest, & a pluribus dicitur Stomatica, vel Stomachica, quae fit per consensum uteri, Hysterica. Est itaque Syncope praeceps virium omnium lapsus cum nulla, vel debili respiratione, & pulsu sine convulsivis motibus, aliisque, quae superius exposuimus, orta a quacunque causa pulsus intermissionem producente, eamque eo usque protrahente, si opus est, ut vires omnes subito deficiant.

Syncope
Cardiacae, &
hystericae
per consensum.

Quid sit
Syncope.

VIRIUM IMBECILLITAS.

Virium Imbecillitatem peculiarem morbi speciem constituunt Medici, quam cordi quidem tribuunt; asserunt tamen in hoc morbi genere non vitales solum vires laedi, & immui, sed etiam animales semper affici. Quia vero etiam in qualibet impotentia motus, de quibus in Morbis Capitis detur virium imbecillitas, quoties scilicet illa a debilitate provenit, vident quidem illi, atque asserunt, hanc virium imbecillitatem cordi tributam esse impotentiam motus, sed hanc pendere ab affectione cordis, caloris insiti, & spirituum influentium tanquam a causa primaria, illam vero a cerebro primario affecto: quae sane hunc in modum explicata verissima esse possunt. Sed

illud minus apte factum videtur, virium imbecillitatem a corde primario affecto proveniente constitutur suam morbi speciem diversam ab aliqua ex iis, quae continentur ab Eclysi usque ad Asphyxiam; nihil enim illae sunt aliud, quam variae imbecillitates virium decrecentes per gradus, indicataeque a minori semper validitate pulsus, quousque hic prorsus aboleatur; & prout imbecillitas haec major est, aut minor, habet conjunctum pulsum parvum, languidum, tardum, rarum, intermittentem, obscurum, minutum, formicantem, vermiculantem. Aptius igitur ad eorum morborum aliquem redigeretur, cum insuper conjunctam habeat difficultatem motus, & aegritudinem in obeundis actionibus, quae semper cum eorum morborum singulis conjuncta est, & aeger ejusmodi imbecillitate laborans de hac una virium imbecillitate conqueritur. Itaque hujus morbi causae, & suarum affectionum necessitas ex causis intermissionis pulsus, & Syncopes abunde liquent. Et eadem hunc antecedunt, quae Syncopem. Sed illud admonendum, in imbecillitate virium, etiamsi cerebrum primario affectum non sit, non esse necessarium, ut semper primario sit affectum cor; quaelibet enim causa intermissionem pulsus producere potens, si sit tanto remissior, ut solum diminutionem pulsus, non autem intermissionem excitare valeat, imbecillitatem virium illa profecto pariet: patet autem ex superioribus, quot modis haec diminutio pulsus haberi possit, etiamsi nec primario cerebrum, nec primario cor afficiatur. Insuper omnino naturaliter se habeat cor, nempe neque primario, neque secundo ejus corpus, calor insitus, aut influens patitur, sed solum vitio aliarum partium parum sanguinis generetur; igitur pulsus parvus &c., debilitas, & virium imbecillitas, & motuum difficultas, & actionum aegritudo inde succedent. Adde his obstructions in summis canaliculis per extrema corporis repentibus sanguinem refruere non permittentes, & quae his similia plurima addi possent sanguinem sistentia, cujus solius quietis ratione nulla affectione cordis virium imbecillitas orietur. Sed haec ulterius non urgeamus, cum semper vulgares Medici tueri se possint asserendo, nomine imbecillitatis virium, quam morbis Cordis annumerant, intelligendam esse illam imbecillitatem, quae provenit a Corde primario affecto: inde tamen non evadunt, cur nempe haec virium imbecillitas non sit habendus aliquis mor-

Conjuncta.

Antecedentia.

Aliae partes praeter cerebrum, & cor primario affectae.

Generatio pauci sanguinis.

Obstructiones &c.

bus ex iis, qui ab Eclysi usque ad Asphyxiam continentur, vel saltem non sit primum genus eorum omnium, atque supra Eclysim ponendum, ita ut etiam Eclysis cum caeteris sit species ejus. Nos itaque haec pauca seorsim de imbecillitate virium notavimus memoriae gratia ad morem Medicorum, cum caeteroquin morbis superioribus annumerari debeat, & nihil habeat ab iis diversum praeter causas levius operantes: Medici autem necessitatem hujus morbi potius excogitasse videantur, ut suum peculiarem morbum in diminutione, & laesione actionibus etiam vitalibus tribuerent, quam quia re ipsa detur saltem eo modo genitus, quo ab ipsis fingitur, per laesionem scilicet caloris insiti, & spirituum influentium, ut patet ex Anatomicis, & circuitu sanguinis. De hac igitur satis.

PALPITATIO CORDIS

Sive Πάλμος Graecis.

Palpitationem cordis cum diversi diversimode definiant, prout unusquisque existimat, hanc vel illam esse causam efficientem ejus, alii distinguunt a tremore, alii nihil aliud esse quam tremorem asserunt: omnes tamen in eo conveniunt, ut Palpitatio cordis sit motus concussivus vehemens ejusdem, ita ut manu superimposita pectori, nempe sterno, ipsa se impelli valide, & pectus extrorsum trudi sentiat, imo vero etiam sonus ab appulsu cordis ad pectus adnota propius aure percipiatur, vel insuper, quod Forestus affirmat, auditum etiam sonum ejus in quodam juvene, qui in cordis palpitationem incidit ex vulnere, a transeuntibus per viam, si fenestrae aurem admovebant, vel etiam, quod Fernelius, costae vel luxentur, vel diffingantur ab ejusdem appellentis cordis impetu, qua super re illud certum, repertas in aliquibus ex vehementi ecstasi in palpitationem cordis incidere solitis duas in sinistro latere mendosas costas a cartilaginibus suis abruptas, cor amplum, & arteriam, quae ducit in pulmonem, duplo ampliorem naturali. Addunt insuper, cum hoc motu concussivo valido conjunctam esse quamlibet differentiam pulsus, ita ut esse possit & sit rarus, frequens, tardus, celer, magnus, parvus, validus, debilis, & cujuscunque inaequalitatis, intermittens, re-

cur-

currens &c. Cum igitur pulsus motibus cordis respondeant, possit autem esse pulsus etiam rarus, patet palpitationem in tremore consistere non posse, cum tremor cordis, nempe frequens constrictio ejus frequentem pulsus debeat producere. Fieri tamen potest, ut adsit pulsus rarus, & frequentissimus cordis motus, quando scilicet ea est vel quantitas, vel acrimonia spirituum, ut in villos cordis influant, antequam sanguis in auriculas influxerit, vel in has, antequam sanguis universus naturaliter influxurus eas impleverit, actum dari poterit, ac debet, ut patet, motus concussivus validus, & frequens cordis cum raritate, & debilitate pulsus. Quia vero motus concussivus validus cordis proveniat oportet vel a stimulo ad cor, vel a causa cumulante spiritus pariter ad cor, ita ut facto simul impetu concussionem illam producant, vel a pressione cerebri, vel ab acrimonia spirituum, vel ab aestu sanguinis, & his similibus: haec autem omnia abunde etiam ad hujus morbi intelligentiam exposita sunt in intermissione pulsus, ideo hic abstinemus ab ulteriori eorundem expositione, & solum indicamus, quam falso asserant Medici communiter, quo tempore in palpitatione cordis percipitur appulsus cordis ad sternum, vel sonus ejusdem, tum cor dilatari utris instar, cum re vera tum sit in sua contractione, & feriat pectus, eo quod supra suam basin assurgens cuspidem ad costas pertingit. An vero vis contractionis esse possit tanta, ut sonum excitare valeat, etsi affirmare tuto non ausim, ita negare certo non possum; quantillus enim est motus, quo in jamjam morituris rautum illud cum anhelitu ad fauces sonans producit? Forte appulsus cordis ad pulmones, dum palpitat, sonum illum producit, forte ad ipsum sternum; quid enim prohibet? Similiter fieri etiam posse crediderim, ut costae divellantur, luxentur, curventur. A continua equitatione femora, crura, fibulae, curva fiunt, tergus gibbosum etiam in adultis, si aequo diutius curvae positioni assuescant: quid ni costae, quae praecipue cartilaginibus affiguntur, sensim loco moveri possint, ac demum curvari, luxari, diffringi? Profecto contractio cordis etiam naturalis est satis valida: quid cum additur causa ipsam vividiores faciens praeter naturam? Adde his multo majorem facilitatem diffractionis pendentem a motu pectoris; fac enim cor incidere cum impetu ad costas, hoc est, easdem extrorsum trudere, cum contra-

rio motu in expiratione feruntur introrsum : quam facile propter contrarios impetus simul vigentes divellentur costae, ut disrumpantur cyathi per mutationem vocis in ipsos emissae, vel campanae per ictum lapidis, dum sonant, vel oenophori constantes ex vitro ad fundum crassiore, quod statim in subtile transeat, & intra ipsos agitato lapide : quae omnia contingunt ob motus, qui eodem tempore contrarii fiunt in partibus ad contactum positis, ex quibus ea corpora componuntur, quibus contrariis eodem tempore motibus oportet, ut partes ad contactum positae ab invicem, seu ab eodem contactu recedant, atque ita divellatur, seu fragantur corpus. Haec itaque de Palpitatione satis, cum conjuncta, antecedentia, & succedentia ex eadem pulsus intermissione abunde pateant, & ex se innotescat, quando Palpitatio est idiopathica, vel sympathica.

MORBI PULMONIS, ET PECTORIS.

Peripneumonia, seu Inflammatio Pulmonis.

A N T E C E D E N T I A.

FRigiditas, aut humiditas, unde constitutiones, & loca frigida, aut humida, hyems Aquilonia, pluviae, Austri, pulmonum motus vehemens, tussis valida, partis imbecillitas, vel laxitas, aetas ad humidum, ut in pueris, vel ad frigidum, ut in senibus vergens. Fluxiones (praecipue a capite per asperam arteriam inquirunt) pituitosae, vel cujuslibet alius humoris, motus corporis, & exercitium vehemens potissimum a longa quiete, vel largo pastu, usus aquarum stagnantium ex Hippocrate: angina, pleuritis, cacochymia, plethora, iracundia vehementior, & clamor similis, humores aut venena pulmonem erodentia, asthma, suppressio menstruorum, vel evacuationum similium.

Lib. de
Aëre, aquis,
& locis.

C O N J U N C T A.

ERysipelas simplex, vel oedematodes &c. pro admixtione humorum, vel vera inflammatio, vel phlogosis, eademque etiam non sincera, prout admiscetur aliis humoribus, varia, vel

vel tuberculum. Difficultas spirandi major, quam in Pleuritide cum sensu suffocationis, & necessitate erecti situs, seu Orthopnoeae, licet virium debilitas decubitus postularet. Nec loqui, nec deglutire aliquando, cum morbus ingravescit, possunt: erecta cervice, & confestim respirant, crebro anhelitu vexantur, intumescunt, nares expandunt non secus, ac equus post cursum, & linguam crebro exerunt, pectus eis sonum edere videtur, & gravitas inesse, quam pectus capere nequit. Haecenus Hippocrates tertio de Morb. Respiratio sublimis, cujus nomine intelligit Hippocrates tertio Epidem. Sect. secunda, Aegro septimo, in qua summus thorax etiam cum scapulis movetur, quando respirationem molitur aeger. Principio morbi respiratio magna, & frequens, mox frequens, & parva cum stertore: exspiratio aliquando conjuncta cum exsufflatione, eaque calida, angustia pectoris cum dolore gravativo aliquando ad usque spinam pertingente, aliquando dolor est simul punctorius. Febris acuta, & acutior, quam in Pleuritide; anxietas, jactatio, mutatio crebra decubitus, faciei rubor, oculorum, & venae temporum tument, lingua rubet, flavescit, vel lentore multo obducitur, demum nigrescit: aliquando deliria, aliquando sopor, sitis magna, frigidi potus cupidi, & frigidi aëris quaeritatio. Alterutrius, vel utriusque lateris dolor imus, summus, medius, & aliquando qua parte dolor, ibi livor etiam in externa superficie pectoris. Tussis molesta, aliquando plane sicca, vel cum sputo, modo & quidem primo sanioso, tenuiore, mox cruor, vel quilibet alius color, modo spuma. Pulsus magnus, languidus, & mollis, vel durus, intermittens, intercurrents, undosus, vermicularis. Aliquando nullus dolor, nisi cum tussis adest, vel tussire inceperunt. Sensus caloris ingens in toto corpore, febris cum rigore, & frequens corporis refrigeratio, cum alterum tantum latus afficitur, non sustinent decubitus in opposito; nam sentiunt veluti pondus suspensum, ac trahens.

S U C C E D E N T I A.

Siquidem igitur suspensae utrimque pulmonis partes Aortae dictae in Coacis tanta inflammatione tententur, ut ad latus adhaereant, illa text. 400. & 401. corporis parte resolutionem sentiunt, & ad costam livores foris fiunt, quos Veteres istos, aut sydere percussos vocabant. Quod si

tanta non est inflammatio, ut adhaereant, dolor quidem totum occupat, neque tamen resolutionem sentiunt, neque livores habent. Quibus autem una cum Corde pulmo totus inflammatur, ita ut in latus incumbat, ii toto corpore nervorum resolutionem sentiunt, & sine sensu jacet aeger frigidus, secundo aut tertio die interit. Quod si contingat, ut cor nihil tale quiddam aut etiam minus patiatur, diutius vivunt, nonnulli vero etiam servantur. Haecenus Hippocrates. Et idem rursus. At in pulmonis inflammationibus, si inter initia morbi sputum excernitur flavum non multo permixtum sanguine, salutare est, & confert admodum: septimo vero die ac tardius, non adeo securum. Idem in Coacis. In pulmonis inflammatione quibus circa initium urinae crassae sunt, deinde ante quartum diem tenues evadunt, mors impendit. Pleuritide, aut Peripneumonia detento alvi profluvium superveniens malum. Quibus ab angina liberatis ad pulmonem morbi fit conversio, ii intra dies septem moriuntur: si vero hos effugerint, purulenti evadunt. A peripneumonia phrenitis malum. Plurima pulcherrima vide in Prognosticis, seu Praenotionibus Hippocratis. Abscessus post aures, aut crura, iique salutare: Empyema, Phthisis. Intra septem, aut novem dies judicatur, vel longissime octodecim, vel viginti, quem dierum numerum si transgreditur aeger, non moritur, sed tussit, & pus expuit, & pectus dolet, & fit Empyicus. Si lethalis sit Peripneumonia, adest vigililia continua, aut somnus levis, a quo delirium: aeger morbi violentiam non sentit, frigent extrema, ungues livent, & curvantur, & quarta, aut septima moriuntur. Si vero ad salutem tendat, sanguis e naribus fluit, aut similis permutatio cum biliosis excretionibus, signis coctionis, & diebus criticis, & cum inflammatio in pus convertitur, si per urinam, aut alvum excernitur, liberantur aegri. Vomica intra pulmonem. Quoniam quaecunque sit inflammatio, vel erysipelas in Peripneumonia, datur quies sanguinis vel intra vasa, vel extra eadem, sive sanguis sincerus sit, sive mixtus cum aliis humoribus, quo sistente, & novo semper ac semper affluente sit tumor, quaecunque igitur quietem sanguini intra pulmonem conciliare poterunt, poterunt pariter Peripneumoniam producere: quaecunque autem vel increassando sanguinem ipsius motum tardiores faciunt, vel ipsum reddunt quacunque de causa minus aptum concipiendo, ac retinendo impetum, vel adeo mobilem reddunt,

In Praenot.
5.

6. Aph. 16.

5. Aph. 10.

7. Aph. 11.

dunt, aut ipsum rarefaciendo, aut vehementiorem impetum a corde concipiendo, vel motum ejus impediunt canales constringendo intra pulmones ipsos vel prohibendo, ne quantum opus dilatentur, quietem sanguini intra pulmones conciliant; ab his igitur singulis Peripneumonia oriri poterit. Quoniam itaque frigida villos constringunt; igitur si haec applicentur pulmonibus, canales constringentur: sed & per eadem sanguis concrescit; igitur his ad pulmonem perductis quies sanguini conciliabitur, & interim a corde novus continue suppeditatur; hic igitur ad locum sanguinis quiescentis perductus partem infarciat, & in tumorem attollet, seu fiet vera inflammatio. Cum autem per humida eadem constrictio canalium per infartum humidi possit contingere, Peripneumonia ab humidis orietur. Aër vero, qui per os in pectus ducitur, statim ad pulmones labitur, hoc est, ad contactum canalium sanguineorum, quare aër praecipue, qui respiratur, si humidior, aut frigidior fuerit, Peripneumoniam parere poterit occludendo canales sanguinis, cui addes, si aër per admissionem humidi fiat aequo densior, etiam hoc de nomine facilius producturum Peripneumoniam occlusis per nimiam pressionem canalibus. Constitutiones igitur anni, & loca frigida, aut humida Peripneumoniam producent, quin aetates nimis humidae, ut puerorum erunt in ipsam faciles; humiditas enim villorum faciet villos facile concidententes, seu occlusioni maxime dispositos canales: humiditas autem humorum tardum faciet eorundem motum. At in senibus frigiditas densitatem faciet, adcoque in villis pertinacior contractionem, seu majorem resistantiam disclusionis, & minorem vividitatem in humoribus, qua disclusio deberet peragi. Huc revoca stagnantium aquarum usum; crassae enim illae, & humores ad lentorem, villos ad laxitatem disponentes. Huc similiter pulmonis imbecillitatem, ac laxitatem; laxitas enim est facilitas in concidentiam membranarum, seu occlusionem canalium: imbecillitas eundem effectum parit ratione minimae virtutis, qua partes villorum ad mutuam contactum sistunt, & ab ipso facile dilabuntur, unde similiter occlusio per concidentiam. Pituitosae, quae dicuntur, a capite fluxiones etiam ad causas sunt referendae; laxabunt enim villos humectando, vel constringent infarciendo poros, unde occlusio canalium impetum san-

Constitu-
tiones anni,
vel loca,
aetatesque
frigidae, &
humidae.

Ufus aquarum
stagnantium.

Pulmonis
laxitas, &
debilitas,

Fluxiones
pituitosae.

Cacochymia & Plethora.

Suppressio evacuationum, ut menstruum &c.

Asthma, & quicquid motum pectoris aut aëris laedit.

Pleuritis.

Angina.

guinis minorem reddent crassitie, ac torpore suarum partium, & demum per adjectionem ejus humoris majorem copiam humorum in pulmonem ducent, unde per eundem pulmonem difficilius fluere poterit aucta, & lenta quantitas, & canalibus constrictis. Hac ultima de causa a cacochymia, vel plethora oriri Peripneumonia poterit; copia enim sanguinis sive sinceri, sive aliis humoribus permixti major erit, quam quae fluere possit per vasa pulmonis etiam naturali amplitudine patentia, unde subsistet, & inflammabitur pulmo. Hae eadem de causa oriri Peripneumonia debet suppressis menstruis, haemorrhoidibus, haemorrhagiis per nares, salivationibus, urina, semine, & si quae sunt alia purgamenta, ut sudor, & perspiratio, quibus vel natura, vel assuetudine quis purgari sit solitus; materies enim illa retenta in corpore perinde operabitur, ac si corpus illud esset cacochymum, plethoricum, vel cum fluxione qualibet. Quoniam vero per respirationem naturalem vasa sanguinis apte, & quantum opus est, ad naturalem trajectionem ejus discluduntur, Asthma vero respirationem alterat; in Asthmate igitur canales sanguinis apte discludi prohibebuntur, & sanguis subsistet, adeoque non Asthma solum, sed quicquid motum pectoris reddit difficilem, poterit Peripneumoniam producere. Cum igitur in Pleuritide motus pectoris sit difficilis, vasa sanguinis in pulmone non discludentur, adeoque fieri poterit a Pleuritide Peripneumonia absque eo, quod vel coalescat pulmo cum pleura, vel inflammatio pleurae pulmonem premat. Sed & hic erit alter producendi Peripneumoniam a Pleuritide modus, licet motus pectoris laesus ex se non sufficeret ejus productioni, cum scilicet tumor pleurae tantum creverit, ut pulmonis corpus comprimat valide, adeoque sanguinem ad partem compressam cogat subsistere, unde inflammatio. Sed potest etiam tumor pleurae praecipue, si ad partes medias pectoris extendatur, comprimere ductus Arteriae magnae, adeoque prohibere effluxum sanguinis e pulmonibus, unde etiam hoc de nomine a Pleuritide Peripneumonia. Similiter Angina in Peripneumoniam abire poterit, primo si ita constringat fauces, ut influxum, & effluxum aëris impediat; ita enim prohibebitur & disclusio vasorum ab ipso aëre, & motus costarum non in aequilibrio constitutarum per externum, atque internum aërem. Sed & ipsa facile impediet fluxum sanguinis per canales arteriosos

riosos ad collum, eumque proinde sistet, unde cogetur subistere maxima pars sanguinis per truncum arteriae ascendentem fluentis, ex quo fieri poterit, ut sanguis e pulmonibus effluere nequeat, & producat inflammatio intra eosdem. Quia vero motus quilibet vehemens, vel solius pectoris est in tussi, & clamore valido, vel humorum, ut in iracundia vehementiori, vel totius corporis, ut in exercitiis validioribus, aut distrahit, atque ita in divulsionem villos perducit, vel saltem ita extendit, ut pori patentiores fiant, & possit per ipsos sanguis effluere, vel humores in effervescentiam concitat, & copiosiores spiritus in cor derivat, unde sanguini imprimitur impetus major, vel non solum in cor, sed in musculos omnes, adeoque etiam pectoris frequentius, & copiosiores agit spiritus, unde respiratio crebra, & per ipsam disclusio canalium naturali minor; in primo igitur casu per affluxum sanguinis e vasis suis: in secundo per rarefactionem, & augmentum impressi a corde impetus: in tertio per haec ipsa conjuncta cum amplitudine canalium, quae erit naturali minor, Peripneumonia succedere poterit, quae omnia eo facilius evenient post largum pastum; copia enim humorum adjumento erit causis expositis, sicut etiam post longam, quae praecefferit, quietem; per hanc enim partes magis flaccidae, & divulsioni minus resistentes redduntur, imo etiam longa quies plenitudinis aliquid addere potest, unde vehementiae validi exercitii minus resistent. Sicut tussis, & vehemens quilibet divellit villos, atque ita Peripneumoniam producit, ita erodentia quaelibet; erodendo enim absument villos canalium, quousque ad cavitatem eorum pertingant, hinc sanguis effluit, stagnat, & per affluxum continue succedentis in tumorem attollitur pars. Varix autem nihil est aliud, quam ipsa Peripneumoniae veluti quaedam inchoatio, & si quidem ad locum varicis fiat canalis obstructio major, jam tumor major, & difficilior, ac demum inflammatio: tuberculum quodlibet vasa comprimens Peripneumoniae conjungi potest premendo, atque ita occludendo, ut dictum est de Pleuritide. Quoniam vero in respiratione ordine prior est haustus aëris, quam motus pectoris extrorsum, & hic fieri non potest, nisi extendatur pulmo, neque extendi pulmo, nisi cedat irruenti aëri, neque ipsi cedere potest, cum in tumorem induruit, inflammato igitur pulmo-

Tussis, clamor, ira, exercitium vehemens, & praecepit a

Largo pastu, vel longa quiete.

Erodentia.

Varix, vel tuberculum.

Respirandi difficultas major, quam in pleuritide.

ne moveri nulla instrumenta respirationis poterunt, cum tamen in Pleuritide solum pectus affectum sit, & nihil aliud superare debeant muscoli, quam resistentiam affectionis, at in Peripneumonia aër irruens debet pulmonem duratum extendere, & muscoli totum fere aërem circumfusum loco movere vix aequilibrati ab interno aëre non sequente motum pectoris propter durtiem non cedentis pulmonis. Itaque in Peripneumonia difficultas respirandi major, quam in Pleuritide. Quia vero suffocari dicimur, cum premi ita nos ad pectus, faucesque sentimus, ut nec ducere, nec reddere spirituum valeamus, Peripneumonici suffocari se dicent. Quia insuper in decubitu partes pectoris supra se premunt nitentes omnes in fulcimentum lecti, in quod totum pectus decumbentis nititur; igitur difficilior moventur costae, quam in situ recto, in quo nullus lecti contactus, & nulla proinde mutua partium pectoris pressio. Insuper in decubitu pulmo gravitabit supra truncos asperae arteriae, eosque comprimet, unde difficilior influxus, & effluxus aëris, & suffocationis sensus major: in recto autem positu pen-
debit pulmo expansus undecunque ad usque superficiem internam pectoris, & nihil nitens in asperam arteriam supra naturae modum, excepta ea pressione, quae provenire potest ab inflammatione, quae minor erit in recto, quam in supino positu, unde aspera arteria minus comprimetur, aut constringetur, adeoque succedet respiratio commodior, & aeger licet debilis, rectum situm minus caeteroquin imbecillitati virium accommodatum, eliget. Ea vero supponatur sedes incipientis Peripneumoniae, ut sit aësofphago, nempe posteriori pulmonum parti proxima, & diebus succedentibus ad ipsum aësofphagum demum pertingat, ipsumque comprimat tanta vi, ut sit momento deglutationis major; aeger igitur in morbum ingruascet, & non dura, non liquida deglutire poterit. Fac similiter, ut tam parum aëris ob magnitudinem inflammationis, vel locum ejus proximum truncis asperae arteriae influat, atque effluat e pulmonibus, ut formandis vocis articulis non sufficiat, tolletur etiam tum vox. Quia vero adest dolor, seu stimulus intra pectus; ad ejus igitur expulsionem tentabit aeger aërem confertum respirare, cui motui etiam naturaliter absque voluntate aegri erit adjumento idem stimulus facto refluxu, unde motus pectoris violentior, & haustus aëris con-

Sensus suffocationis.

Erectus situs.

Deglutitio, & vox aliquando prohibita.

Respiratio conferta, &

fer-

fertior. Eodem utroque de nomine totum pectus in motum ^{sublimis, &}
 agatur, quod cum factu difficile sentiat animal propter resi-
 stentem inflammationem, studebit totis viribus levare pectus,
 ab omni pondere, quod ipsius motum extrorsum minus facilem
 reddat, unde, quantum poterit, tentabit ab ipso remove scapulas
 cum appensis brachiis, hoc est, eas ipsas partes movebit
 fursum, & fiet respiratio sublimis: ac demum cum crebro an-
 helitu, tum a voluntate annitente per motus frequentes, ac
 validos molestiam pectoris abigere, cum a stimulo producen-
 te refluxus, a quibus frequentes, & validiores contractiones.
 Addita autem inflammatione intra pectus, intumescet pulmo, <sup>Intume-
scunt.</sup>
 & abdomen aegri premetur extrorsum, & restitui, seu contra-
 hi plane pectus introrsum non poterit, seu intumescet Peri-
 pneumonicus. Ab inflammationis autem calore caloris sensus
 producet, & per expirationem tentabit aeger efflare quantum
 caloris potest, undecunque licet, unde nares expandet velut
 equus post cursum, & in inspiratione tum ad extensionem pul-
 monis, tum ad copiosorem haustum aeris frigidioris, & inter-
 num aestum temperaturi nares expandet pariter. Linguae cre-
 bra exercitatio conjuncta est cum crebra ejusdem reductione in-
 trorsum; neque enim aliter fieri potest crebra emissio, nisi
 etiam crebro retrahatur, unde est motus musculorum opposi-
 torum a stimulo caloris proxime expirantis cum aëre a pulmo-
 ne. Sonus pectoris a siccitate aucta per calorem inflammatio-
 nis exsiccantis, & sensus gravitatis, quam pectus capere non
 possit, partim a pondere re vera aucto propter molem inflam-
 mationis, partim a nisu ejusdem inflammationis quaquaversum
 prementis, & cum assueverimus pectore sustinere gravitatem,
 seu pondus solum naturale pulmonum, videbitur pressio illa ab
 inflammatione proveniens veluti grave quoddam majus, quam
 quod contineri pectore possit. Cum autem in principio morbi
 parva sit inflammatio; igitur adhuc pulmo plurimum extendi
 poterit: adest autem stimulus a dolore, & calore; igitur fiet
 tum respiratio magna, & frequens: quia vero processu morbi
 crescit stimulus, & dolor, crescit autem simul inflammatio,
 seu tumor, & ab ipso durities pulmonis, hoc est, pulmo red-
 ditur minus aptus extensioni; igitur succedet frequens, & parva
 respiratio, & tum ob eandem repugnantiam ad extensionem,
 tum ob plenitudinem pulmonis ab inflammatione stertor. Ex-
 fusa

Crebri an-
helitus.

Intume-
scunt.

Narium ex-
pansio.

Linguae ex-
ercitatio.

Pectus so-
nans, &
gravis.

Principio
respiratio
magna, &
frequens,
mox

Frequens, &
parva cum
stertore.

Exsufflatio
calida.

Angustia
pectoris
cum dolore
gravativo
ad usque
spinam &
aliquando
etiam pun-
ctorio.

Febris acu-
tior, quam
in pleuriti-
de.

Anxietas,
jactatio,
crebra mu-
tatio decu-
bitus, & ca-
lor ingens
in toto cor-
pore.

Faciei rubor
vividus, ac-
micans.

Oculorum,
& tempo-
rum venae
tumidae.

Linguae ru-
do, flave-
do, nigredo.

sufflaturum etiam in expiratione aegrum, jam expositum est, & quidem exsufflatio illa erit calida propter aestum inflammationis aërem qui redditur, calefacientis. Pectus angustari videbitur, comprimetur enim ab inflammatione, eritque dolor gravativus ob membranas non inflammatas ad latera inflammationis, quae erunt proinde liberae, & minimae tensionis, & se premi permittent, & sensum gravationis producent, qui aliquando ad usque spinam pertinet, si eo usque inflammationis vis perducatur: quod si cum Peripneumonia conjuncta sit Pleuritis, vel pulmo cum pleura coaluerit, sentietur etiam dolor punctorius, ut ex iis patet, quae de dolore in genere scripsimus. Quoniam vero inflammatio in pulmonibus supponitur, per quos universus sanguinis brevi, & semper fluit; igitur quicquid est in sanguine minus mobile ad locum inflammationis subsistet, & per corpus ducetur quicquid est tenuissimum, & maxime mobile, calidum &c.; effervescent igitur illud, & spiritus aciores producet, & cor stimulabitur, seu febris duplici de nomine fiet, & quidem acuta, & acutior, quam in Pleuritide, cum haec sit inflammatio quidem, sed non in parte, per quam brevi, & totus sanguis debeat excurrere. Adde, solam viciniam pulmonum, & cordis posse cordis motum augere per stimulum caloris ab inflammatione, cum pleura a corde remotior calorem inflammationis suae minus, aut vix perducere ad usque cor valeat. A calore, imo aestu, quem sentiet aeger praecipue intra pectus, & calore sanguinis, atque acrimonia ejus & spirituum anxietas, jactatio, crebra mutatio decubitus partim electione aegri, ut tentet, num aliquo modo levare se sentiat, partim necessitate liquidorum, hos aut illos musculos irritantium. Quia vero obstructis per inflammationem pulmonibus prohibetur influxus sanguinis in eosdem, adeoque idem sistitur intra venae cavae ramos per faciem excurrentes, & aliquid ejus semper affluit per arterias; igitur venae faciei infarciuntur, & color sanguinis apparebit: est autem hic maxime tenuis, & a partibus crassioribus ab inflammatione detentis liber; erit igitur color ille ruber, maxime vividus, micans, & roseus: eadem de causa infarciendas, & tumefaciendas venas oculorum, & temporum patet. Simili de causa rubescere primo lingua poterit, mox autem obstructione aucta, & diminuta quantitate sanguinis dilui color ille vividus, qui admixtus particulis biliosis cum aëre,

aëre, vel a ventriculo venientibus inficere linguam flavedine poterit, sicut etiam quolibet velo viscido cujuslibet coloris lingua obduci poterit, prout a pulmonibus cum aëre redditur halitus cujuscunque generis, vel per sputum: demum nigrescet lingua, cum subsistente ad ipsam sanguine, & parte tenuissima evaporante superest solum terreum, obscurum ac siccum, & nigrum colorem repraesentans, quod etiam de bile inficiente linguam, & expirante partes tenuiores dicendum est. Fac itaque, vel nimia imbecillitate virium spiritus apte moveri non posse, vel nervos hic illic nullo ordine concidere, vel particulas sanguinis huc illuc nullo ordine ob subtilitatem ejus nervis impingere, vel detento ad cerebrum per obstructionem pulmonis sanguine premi ipsum nullo similiter ordine, ita ut qualibet ex his causis seorsim, vel aliquibus, vel omnibus simul conjunctis species excitentur non cohaerentes, delirium fiet: sopor vero debilitate, vel laxitate partium nimia, vel nimia pressione cerebri, & non erit re vera sopor, sed privatio sensus, & motus. Subsistentibus igitur ad inflammationem partibus, cujusmodi aquae, quae salivam constituunt, nihil ejus in suis glandulis separabitur, unde oris, faucium &c. ariditas, rescentque insuper omnes partes non solum hoc de nomine, verum insuper quia subtilitas, calor, & acrimonia reliqui sanguinis excurrentis per corpus partes omnes calefaciendo fixabit; sitis igitur ingens, & cupido potus frigidi propter calorem generalem in corpore, & frigidi aëris ob aestum pectoris. Prout autem inflammatio erit in alterutro solum latere, & vel toto quidem pulmone ejus, vel in parte ima, summa, media, vel latere utroque, dolor erit in alterutro, vel utroque latere, toto, imo, medio, summo; & siquidem conjuncta sit Peripneumonia cum Pleuritide etiam notha, quae afficiat musculos ad usque cutim, pars dolens erit conjuncta cum livore in cute partis dolentis. Cum autem assueverimus quae molesta haerent pulmonibus per tussim abripere; conabimur igitur tussiendo molestiam inflammationis amoliri, & violentia tussis abripiet secum aliquid aër, si materies jam cocta fuerit, vel quomodocunque se habeat, potuerit in folliculos, & asperam arteriam derivari, & ab aëre per tussim acto asportari, eritque tum proinde tussis cum sputo vel purulento, vel sanguineo, vel flavo, vel cujuslibet alius coloris, & materiei spumosum

Lentor linguam obducens.

Deliria, vel Sopor.

Sitis magna & aëris frigidi, & frigidi potus cupido.

Dolor ubi, &

Livor dolentis loci exterior. Tussis, & cujusmodi.

sputum, vel compactum, prout ejus materies vel tota simul, & collecta in massam compactiorem, neque ab occurrente aëre in folliculos distractilem erupit e sinibus pulmonum, vel paulatim, & extensilis, ita ut per minimas partes admisceri aëri potuerit, & spumae formam suscipere, vel sine sputo, seu tussis sicca. Erit autem molesta ejusmodi tussis, sive sicca, sive cum sputo; cum enim tussi fiat motus pectoris vehementior, & intra ipsum detur pars affecta, nempe pulmo, & quidem aliquatenus divulsa, vel saltem distracta, & durata, premetur eadem pars a tussis impetu, & concutietur validius, unde novus dolor, seu molesta tussis. Quoniam vero per acrimoniam spirituum, & sanguinis cor valide contrahitur; igitur ab ejus contractione magnus impetus imprimitur sanguini, seu fit pulsus magnus: quia vero propter obstructionem pulmonis parum sanguinis refluit ab ipso in sinistrum ventriculum: igitur parva ipsius quantitas licet magno cum impetu, in arterias truditur, quare erit pulsus magnus, sed debilis, sive languidus, & si quidem inflammatio non sit legitima, sed humores pituitosi abundant, a quibus partes humectentur, erunt membranae arteriarum flaccidae, seu molles, seu erit pulsus magnus, languidus, & mollis: si vero biliosi, magnus, languidus, & simul durus. Quia vero in ejusmodi morbo refluxus sanguinis a pulmonibus inaequalis quantitatis, & nullo ordine temporis diverso morbi statu fieri debet, & quantitas sanguinis continue minuitur, pulsus fient cujuscunque differentiae, intermittentes, intercurrentes, undosi, vermiculares. Sit jam ita genita inflammatio, ut nervos presserit, ita ut per ipsam nervi tremere non possint, tum sane nihil doloris sentietur ab inflammatione, quemadmodum ligato arctius quolibet membro dolor, imo nullus sensus percipitur infra vinculum. Tussiat jam aeger, nempe comprimat, & succutiat valide confinium obstructae partis nervi cum parte libera; confinium igitur illud jam divelletur magis, & dolor excitabitur, cum tussit. Insuper reddat per tussim aliquid a tumore inflammationis proveniens; tensio igitur illius partis, & pressio nervi minuetur, qui proinde discludi poterit, & jam ad cerebrum transmittere undas doloris, qui dolor, postquam tussire incepit aeger, non solum percipietur in actu tussis, verum etiam cum non tussit. Febris cum rigore unde proveniat, ex iis, quae de rigore

Pulsus qualis.

Nullus aliquid quando dolor, nisi a tussi.

gore diximus, patere facile potest, & ab iisdem causis pende-
 re potest frequens corporis refrigeratio, quae tamen in hac af-
 fectione, in qua tenuissimus, ac paucus sanguis per corpus
 ducitur, aliquando autem, cum nempe pulsus intermittit,
 omnino nihil sanguinis per corpus ducitur, potest etiam pro-
 venire vel ab hoc ipso defectu totali sanguinis, vel quia pau-
 cum illud, ac tenuissimum facile, brevique temporis spatio
 evaporet, & faciat frigidum corpus, quousque novus sanguis
 similiter calidissimus per corpus ducatur. Quoniam vero pul-
 mone alterutrius lateris affecto est idem pulmo naturali gravior
 propter adjectum pondus inflammationis: igitur si decumbat
 aeger in latus sanum, nitetur in idem latus sanum pulmo affe-
 ctus, & cum sit gravior, exercebit suum nisum, & gravatio-
 nem naturali majorem, & aeger veluti suspensi, vel imminen-
 tis, aut impendentis ponderis sensum sentiet, adeoque in latus
 sanum decumbere recusabit, sed in latus affectum decumbet.
 Ait quidem Hippocrates, a Peripneumonia, in qua pulmo ad-
 haeret costis, succedere resolutionem ejusdem lateris, sed an
 per totius corporis illud latus, non exponit. Pectoris solum
 crediderim; inflammatio etenim tum per ipsum ad usque cu-
 tum perducenda est; ad hanc enim ait livorem apparere, unde
 corrumpitur totum pectus ad eam partem. Quod si tamdiu
 vivere possit aeger, ut corruptela, & veluti gangraena com-
 municari possit ad usque nervos, qui ex abdomine in crus fe-
 runtur, etiam crus, & femur resolventur, facilius autem bra-
 chium ejusdem lateris compressis a tumore arteriis, quae ex
 pectore in ipsum feruntur. Quod si cor etiam inflammetur,
 tum sane resolutio totius corporis succedet, imo brevi mors;
 cessabit enim introductio sanguinis in cor propter validum in-
 flammationis stimulum, cor & arterias in perpetua contractio-
 ne detinentem: hinc jacebit aeger sine sensu, neque enim spi-
 ritus generabuntur, aut fluent: frigidus nihil affluente sangui-
 nis: & secundo, aut tertio die mori poterit, sed etiam prius.
 Quia vero sputum flavum non multo permixtum sanguini pa-
 rum etiam sanguinis extra sua vasa cumulatam esse significat,
 adeoque pulmonis membranas parum laesas, & color flavus proxi-
 me ad album accedit; ejusmodi igitur sputum Peripneumoni-
 corum vel indicat proximam materiae in pus conversionem abs-
 que sanguinis affluxu, vel materiae solum pituitosae mox sub-

Febris cum
rigore.
Frequens
refrigeratio
corporis.

Decubitus
in latus af-
fectum.

Paralysis
Peripneu-
moniae
succedens.

Sputum fla-
vum quan-
do saluta-
re, aut du-
bium.

ram excretionem: hinc si ejusmodi sputum contingat circa initium morbi, quo scilicet tempore non nisi paucae materiae collectio facta esse potest, nec membranae violentiorem distractionem, aut disruptionem passae, juvabit: si vero contingat septimo die, aut tardius, indicabit & majorem materiae copiam, & magis contumacem, seu concoctu difficilem, unde interim membranae pulmonis nimis distrahi, vel lacerari, vel exsiccari poterunt, & animal venire in periculum mortis, & mortem ipsam non solum iis de causis, verum etiam ratione febris &c., adeoque sputum ejusmodi circa septimam, aut tardius apparens minus erit tutum. Ulterius circa initium Peripneumoniae reddat quis urinam crassam, inde vero ante quartum diem tenuis evadat; igitur ad partem in pulmonibus inflammata crassa pars urinae detinebitur, unde inflammatio major, & solutu difficilior: fit autem illa coacervatio ante quartum diem, qui critici index esse solet; igitur & ratione inflammationis, & ratione sanguinis calidioris per corpus fluentis, & ratione febris acutioris ab ejusmodi mutatione urinae mors impendebit. Quia vero ut coquatur inflammatio, requiritur, ut fiat fluxilis, fluxilis autem facilius fit liquidis intra corpus contentis; iisdem igitur liquidis e corpore ductis inflammatio fiet coctu difficilior: per alvi autem profluvium liquida evacuantur; alvi igitur profluvium in Peripneumonia malum. Cur autem qui ab Angina liberantur, & in Peripneumoniam abeunt, in septem diebus moriantur, nihil habere videtur peculiare quoad causam, cum etiam Peripneumonici plures, quia antea Angina non laboraverant, in septem diebus moriantur: sicut etiam illud, si septenarium dierum evadant, Empyicos fieri, cum etiam Peripneumonici sine Angina praecedente in Empyema abeant. Sed & malum est a Peripneumonia superveniens Phrenitis; primo etenim Phrenitis ex se ipsa exitialis est morbus: deinde vero cum Phrenitis sit inflammatio, arguit coacervationem sanguinis intra cranium, adeoque prohibitum refluxum per venas in pulmones, seu obstructionem in ipsis maximam a contumaci, & maxima inflammatione proveniente. Solvent autem Peripneumoniam abscessus post aures, & ad crura; ii enim abscessus post aures erunt in parotidibus, in quibus secernitur humor lentus, qualis etiam saliva naturalis, adeoque crassus humor inflammationem faciens movebitur, & secernetur in partibus aptis,

Urinae tenues quando lethales.

Alvi profluvium malum.

Peripneumonicus ab Angina vel moritur septem diebus, vel his superatis in empyema abit.

A Peripneumonia phrenitis malum.

Abscessus post aures, & crura salutares.

aptis, unde inflammatio minuetur, & aeger convalescet. Similiter cum crura sint versus extrema corporis, in quibus violentia pressionum minor, abscessus, qui inibi producuntur, arguent materiam difficile mobilem cum sanguine conjunctam esse, adeoque esse poterit illa, quae inflammationem constituebat intra pulmonem, quae sensim fluxilis reddita, & per vim pectoris, & pulmonum ex ipsis expressa fluat per corpus cum sanguine, & subsistat ad partes minoris impetus. Suppuretur jam inflammatio; pus igitur excurret, qua patebit exitus facilior. Primo itaque, si pars pulmonis affecta sit statim sub tunica, pulmo pressus undecunque a pectore faciet, ut pus comprimatur, & exsudare cogatur in cavitatem pectoris absque eo, quod vix quicquam per asperam arteriam reddatur, cum ad locum affectum unus, aut alter folliculus forte pateat, per quem parva quantitas puris duci potest, & quae duci potest ad hoc, ut perducatur ad usque fauces, exigit impetum vividum sua gravitate majorem, & forte nullus aliquando patet folliculus compressis omnibus per pressionem inflammationis; exsudare igitur in cavitatem facile poterit absque eo, quod vix quicquam, imo nihil omnino puris aliquando expuatur. Secundo, ubicunque sit inflammationis locus, dummodo inflammatio ita compresserit ramos asperae arteriae, ut nihil puris ex iis possit hauriri, Empyema succedet; cogetur enim pus non patente aspera arteria sibi viam aperire ad usque superficiem pulmonis. Tertio, si pus sit tam tenax, vel ad imum pulmonem, ita ut vis pectoris cum quantacunque tussi non sufficiat ipsum asportando, facilius in cavitatem pectoris exsudare poterit. Postquam vero pus in cavitatem pectoris defluerit, extenditur supra universam superficiem extrinsecam pulmonis, & in singulas ejus particulas exsudare poterit, & in singulos folliculos in parva quantitate derivari, aporti ad fauces usque parvo impetu, & per sputum reddi. Simili de causa expurgari pus Empyicorum poterit per urinam, postquam exsudavit in cavitatem pectoris, ut patet. Quod si inflammationis ambitus magis duruerit, ita ut statim a suppuratione neque per sputum reddi, neque intra pectus exsudare pus possit, producet velut abscessus intra pulmonem, seu Vomica, sinus nempe amplus, & pure plenus, qui demum rumpetur, postquam durus ille ambitus putrefactus, aut con-

Empyema.

Vomica.

Phthisis.

Tussis.

Quae ad
mortem
ducant.Quae ad sa-
lutem.

coctus fuerit, ac tum pariter vel per sputum reddetur pus, vel prius in Empyema abibit. Si autem dum isthaec, & quaecunque eorum contingunt, fiat erosio pulmonis, ita ut ulcus suboriatur elaborationem sanguinis impediens, fiet Phthisis. Tussis etiam in his ob stimulum, & necessitatem extrahendi materiam inhaerentem tunicis pulmonum. Quoniam vero vigilia siccitatem, & calorem eximium arguit, cum autem in Peripneumoniam siccitas, & calor viget, indicatur quicquid crassius est, humidum nempe, & frigidius, seu lenti motus ad locum inflammationis subsistere, hoc est, ipsam solutu difficiliorem reddere; vigilia igitur continua lethalis. E contra somnus cum delirio, verius imago levis somni indicat debilitatem, & defectum sanguinis subsistentis pariter ad locum inflammatum, quare & illud lethale. Privatio sensus simili a causa, unde cum aeger morbi violentiam non sentit, lethale pariter; deficient enim spiritus refluxum excitantes, vel nervi nimis concidunt. Si extrema frigeant, id fiet vel defectu impetus eo non propellentis sanguinem, vel defectu sanguinis propter parvam copiam eo non pervenientis, vel tenuitate tenuissima ejusdem, qua evaporat antequam ad extrema perducatur. Quoniam vero unguum color vividus ab affluxu vividi sanguinis; igitur ipso evaporante, vel non perducto, flos sanguinis perspicui per ungues non poterit subsistere autem ad ipsos pars sanguinis crassior destituta qua impetu partium, qua pressione sanguinis continue naturaliter affluentis; igitur ungues subnigri, seu lividi videri debebunt. Sed & incurvabuntur; cum etenim haereant carni ad summos digitos, & defectu humorum exsiccentur, retrahetur pars extans versus cohaesionem cum carne, unde fient incurvi. Quarta igitur, aut septima morietur sic affectus aeger. Si autem copiosa haemorrhagia narium succedat, minuetur copia sanguinis, qui caeteroquin pulmonem infarcire magis debuisset, unde motus peristaltici validiores, & expressio materiae ad locum inflammatum subsistentis. Simile continget per aliam quamlibet evacuationem materiae, qua pulmo levare possit, cujusmodi sunt materiae biliosae, quibus fit inflammatio magis incensa, sicca nempe, & ejusmodi evacuationes, si fiant cum signis coctionis, & diebus criticis, & inflammationi suppuratae non succedet Empyema, sed ejus expurgatio per urinam aut alvum, aeger evadere facile poterit. Est igitur Peripneumonia inflammatio, erysipelas &c.

&c. sincera, vel notha cum febre acuta continua, aliisque expositis affectionibus ab aliqua ex iis causis producta, & essentialis quidem, cujus causa in ipso pulmone est, per consensum, cujus causa aliunde in pulmonem traducitur.

Quid sit Peripneumonia idiopathica, & sympathica.

P L E U R I T I S

Seu Dolor Lateris, seu Inflammatio Pleurae, ubi etiam inflammatio Diaphragmatis.

Cum inflammata est solum Pleura, dicitur Pleuritis legitima; cum vero muscoli intercostales, & reliqui aliquando ad usque cutim, ita ut haec ipsa exterius livescat (ac tum ejusmodi Pleuritici lēti, vel Syderati dicebantur) nuncupatur spuria. Alia rursus sicca, alia humida: illa, cum nihil per tussim redditur: haec cum aliquid. Rursus alia ad claviculas tendens, in qua dolor sublimior, alia ad praecordia, in qua humilior.

A N T E C E D E N T I A.

Eadem sunt, ac in Peripneumonia, eodemque modo deducetur ipsorum necessitas, nisi quod humida, & frigida in Pleuritide operantur per contactum externae cutis, in Peripneumonia per contactum interiorum tunicarum pulmonis.

C O N J U N C T A.

Dolor lateris acutus punctorius; febris acuta continua: respiratio difficilis, parva, frequens, pulsus durus, parvus, frequens: tussis molesta, sicca vel humida, aliquando cum sputo sanguinis, quae omnia in principio mitiora sunt, in augmento graviora evadunt, sputum fit copiosius. In statu vehementiora symptomata, inquietitudo, delirium, dolor capitis. Si ad salutem fiat gradus, sputum concoctum, liberum & copiosum. Similiter autem quemadmodum Peripneumonia potest esse a sincero sanguine, & vere inflammatio, & ab admixtis humoribus, ita etiam Pleuritis, easque differentias arguunt signa propria cujuscunque humoris. Sunt Pleuritides, quibus laborantes in latus affectum decumbere possunt: sunt quibus in oppositum, non in affectum: reliqua eadem esse possunt, quae in

in Peripneumonia recensuimus. Cum notha autem Pleuritide mitiora omnia conjuncta sunt, ita ut nec adsit febris aliquando.

S U C C E D E N T I A.

1. Aph. 12. **I**N Pleuritide si statim circa initia sputum appareat, morbum
 5. Aph. 8. breuiat, si vero postea appareat, producit. Qui Pleuritide
 5. Aph. 15. laborant, nisi intra dies quatuordecim superne repurgentur, iis in
 7. Aph. 11. empyema fiet morbi permutatio. Qui ex Pleuritide empyi fiunt, si
 a rptione intra dies quadraginta sursum purgentur, liberantur,
 alioqui transeunt in tabem. A Pleuritide Peripneumonia malum.
 Succedere autem poterunt eadem, quae Peripneumoniae, &
 vide pulcherrima in Coacis, & Prognosticis.

Quoniam pectus est instrumentum respirationis, atque ut moveatur, distrahi & contrahi debent muscoli & membrana succingens, seu pleura; debent igitur haec singula ad hos motus libere & absque dolore subeundos permanere in sua mollitie, & ductilitate, non autem dirigere, & durescere, quo in statu dolor, & a motu periculum diuulsionis imminet: inflammatis autem earum partium quibuslibet durescunt eadem: hinc igitur dolor, & quidem in membrana annexa ossibus punctorius, ut de dolore in genere diximus. Difficilis respiratio &c. propter molestiam intra pectus: tussis ex iis, quae de tussi scripsimus: ab inflammatione febris, ut in Peripneumonia, quando febris inflammationem non praecedit: pulsus per inflammationem durus &c.: sputum per exsudationem in cavitatem pectoris, superficiem pulmonis extimam, hinc in arteriam asperam. Possè autem etiam sanguinem e membranis exsudare, patet ex suctibus, quibus per labiorum agglutinationem cum carne livor in superficie cutis producitur, & sanguis etiam prolicitur. Reliqua patent; decubitus enim in oppositum, vel affectum latus majorem solum, aut minorem inflammationem arguere poterit, quarum illa pressionem a pulmone incumbente non patiatur, vel nimis impediatur motum pectoris premente eo toto corpore in ipsum laesum latus decumbente: haec vero patiatur, nisi id proveniat a coalitu pulmonis cum pleura, quod frequentissimum in hoc morbo est, ut observavimus. Succedentia autem partim sunt mere historica desumpta ab ipsa natura, exigente tantum temporis ad cognitionem, & ex observatione ita se rem habere deprehensum,

partim ex se ipsis, & quae de Peripneumonia scripsimus, patent. Est itaque Pleuritis inflammatio pleurae, vel musculorum pectoris cum febre acuta continua, dolore lateris punctorio, respiratione difficili, pulsu duro, tussi &c. ab aliqua ex his causis producta, eritque similiter idiopathica, vel sympathica, ut de Peripneumonia dictum est.

Quid sit
Pleuritis
idiopathica,
& sympathica.

Cum autem pleura ad diaphragmatis superficiem, quae pectus respicit, extendatur, & ipsum diaphragma musculorum pectoris unus sit, atque praecipuus, huc etiam referenda est Inflammatio Diaphragmatis, vel partis Pleurae ipsum succingentis. Sed totum hunc Morbum explicavimus sub Paraphrenitidis titulo, cum praecipuum ex conjunctis habeat Phrenitidem, & Paraphrenitis vulgo nuncupetur.

Inflam-
matio Dia-
phragma-
tis.

E M P Y E M A,

Seu Puris collectio in Cavitate Pectoris.

A N T E C E D E N T I A.

Peripneumonia, pleuritis, pulmonis vomica, derivatio sanguinis, vel cujuslibet alius humoris, chyli, lymphae &c. in pus mutabilis, facta in cavitate pectoris a quacunque causa per erosionem, dilatationem, fractionem &c. Sic Hippocrates. *Si in ventrem sanguis praeter naturam effusus fuerit, is suppuretur necesse est.* Et *Destillationes in ventrem superiorem ad suppurationem perveniunt intra dies viginti.* (ventris autem superioris nomine pectus intelligendum esse, Autor est Galenus in Comm.)

Si 6. Aph. 29.

7. Aph. 38.

C O N J U N C T A.

Pleuritide, vel Peripneumonia non expurgata febris intensior, ^{s. de Loc. Aff. 9.} riger, pondus, & sensus gravitatis in parte. Ita Hippocrates in Prognosticis, & Galeno teste fluctuatio, ait enim. *Ubi quis affatim a decubitu transmutatur, idque maxime, si ab uno in alterum latus se convertens defluere aliquid sentiat, puris multitudinem ibi contineri, haud dubia conjectura est.* Haecenus ille. Auditur etiam aliquando fluctuatio, cum scilicet pus est tam liquidum, & copiosum, ut fluctuare, & sonum excitare possit. Respiratio difficilior, sputum aliquando purulentum.

Nnnn

Empy.

Empyema autem jam factum, & confirmatum comitantur febris mitior, & lenta continue infestans, quae partim putrida, partim hectica videtur, interdium mitior, noctu vehementior: sudores multi, sed inutiles, & noctu praesertim supervenientes: tussis frequens, & molesta. Demum maxillae rubent, oculi fiunt concavi, curvi ungues, tumidi pedes, pustulae circa pectus, & ut plurimum in latere affecto cutis inflatio, & tumor oedematosus. Ait Hippocrates in Prognosticis. *Si Empyema in altera tantum parte existat, hos convertere, ac discere oportet, doleantne in altero latere, & an alterum altero calidius sit, atque cubantem supra sanum latus interrogare, an videatur sibi onus aliquod desuper suspendi: si enim ita est, in quodcumque latus pondus insit, in altero suppuratio est, quemadmodum si utrinque calor, & pondus sentiat, in tota thoracis cavitate pus continetur.* Et idem primo de Morb. *Applicetur linteam thoraci madefactum secundum utramque partem, dextram, & sinistram; citius enim exsiccabitur illud, quod supra partem pus continentem oppositum est.*

S U C C E D E N T I A.

Hippocrates in Prognosticis. *Suppuratorum ii potissimum supersunt, quos febris eadem die dimiserit post ruptionem, ac cibum citius appetunt, & siti liberati sunt, & venter exigua, & consistentia rejicit, & pus album, laeve, concolorque est, & vacans pituita, & absque labore, & valida tussi expurgatur. Itaque optime quidem sit, ac celerrime judicantur, sin minus, quibus ad haec proxime accedunt. Moriuntur vero ii, quos febris non deserit, aut cum videtur deferere, deinde recalescens innotescit, & sitiunt, nec cibum appetunt, alvus humida est, pus viride, lividumve spuunt, vel pituitosum spumosumque. Pereunt, si haec adsint omnia. At quibus alia veniant, alia non, horum quidam intereunt, quidam in multo tempore incolumes evadunt. Haec ille. Et idem. Qui ex pleuritide empyi fiunt, si a ruptione intra dies quadraginta sursum purgantur, liberantur, alioqui transeunt in tabem. Et. Si empyis cum uruntur, aut secantur, purum & album pus effluat, evadunt: si vero subcruentum, feculentumque, & foetidum, pereunt. Et idem in Coacis. Empyici melius habentes, & qui fere expurgati videntur, si sputum foetidum excernant, cum recidiva intereunt. Et similiter. Quibus specillum a pure velut ab igne coloratur,*

tur, ii fere moriuntur. Et pariter. Ex suppurationibus, quas pulmonum morbis excitarunt, fere senes moriuntur, ex caeteris vero juvenes. Et in Aphorismis. Quicumque empyi, vel hydropici 6. Aph. 27. uruntur, aut secantur, si pus, aut aqua universim effluerit, omnino moriuntur. Galenus autem 4. de Loc. Aff. 7. Quibus in magna puris copia intra thoracem, & pulmonem collecta thorax in respiratione attollitur, celerrime suffocantur.

Cum Empyema sit collectio puris in cavitate pectoris, & in ejus cavitatem per membranas exsudare possit, etiam ex Galeno, ut ostendimus in iis, quae ad morbos particulares plane exponendos praemittimus; suppuratis igitur Pleuritide, Peripneumonia &c. vel humore quolibet in pus mutabili per canales quoslibet in cavitatem pectoris derivato, ita ut demum in pus veniant, fiet inde Empyema. Cur autem in Peripneumonia etiam suppurata, & quomodo fieri possit, ut pus non per os reddatur, sed in cavitatem pectoris abeat, ex qua deinde rursus per os, ac sputum reddi possit, in peripneumonia expositum. Cum autem destillationes in ventrem superiorem intra dies viginti suppurentur, nulla peculiari a causa pendet, sed per solam observationem, atque experientiam didicit Hippocrates, naturam ejusmodi destillationum tamen esse, ut viginti dierum spatium exigant ad fermentescendum. Incipientis autem Empyematis pathognomonicum signum non crediderim esse febrim intensiorem non repurgatis Pleuritide, & Peripneumonia, imo vero arguere posset pus nondum factum, cum dum pus conficitur, dolores, & febres magis fiant, quam jam confecto juxta Hippocratis Aphorismum. Sed neque pondus, & sensus gravitatis in parte, cum haec omnino esse debeant conjuncta cum ipsis inflammationibus, & augeri, prout illae augentur: augentur autem mole, dum pus conficitur. Fieri tamen potest, ut pus sibi viam aperiens ad cavitatem pectoris, neque adhuc multum fluxile subeat vasa sanguinis, & per corpus derivetur, unde vel obstruendo propter crassitiem, vel agitando, & fermentando febrim intendat, interim ejus demum aliquid ad cavitatem pectoris e pulmonibus deveniat; in quam tamen cum deductum fuerit, difficillimum erit dijudicare pondus, & gravitatis sensum ab eadem derivata materia pendere, nisi fluctuatio audiatur, vel aeger sentiat locum ponderis, & gravitationis non esse permanentem, sed huc illuc dimoveri, & hoc

Antecedentium expositio.

Febris intensior Pleuritide, & Peripneumonia non repurgatis. Pondus & sensus gravitatis.

Fluctuatio, nec permansio ponderis in eodem loco.

Rigor.

Respiratio

difficilis.

Sputum

aliquando

purulen-

tum.

Febris mi-

rior, lenta,

continua,

putrida,

hectica.

Interdium

mitior, no-

ctu vehe-

mentior.

Sudores in-

utiles, &

præsertim

noctu.

Tussis mo-

lesta.

Maxilla-

rum rubor.

Oculi con-

cavi.

esse poterit argumentum collecti puris certissimum. Rigor ab allapsu, & contactu puris, & membranarum erit vellicatio nervorum, seu motus eorum, qualis, dum obstupescunt dentes ab audito sono, ut in Rigoris expositione. Quia vero intra cavitatem pectoris derivatur pus; prohibet igitur, ne pulmo dilatetur, quantum opus, & ne pectus constringatur similiter, quantum requiritur; dolor igitur, aut molestia, & difficultas major respirationis. Quod si pus possit per suam tenuitatem &c. intra pulmonem derivari, per sputum purulentum reddetur; nisi vero possit, pus non expuetur. Facto autem jam Empyemate, vel suppurata prorsus inflammatione admiscebatur sanguini solum pus concoctum, nempe satis fluxile, ac fixum, hoc est, minime obstruens, & minime fermentans: remittetur proinde febris, & cum pus continue exsudet in vasa sanguinis, erit continua, lenta, ex humoris placiditate vix intendens se, aut remittens, & ex hoc similis hectica: cum autem interdium pateant magis pori corporis, perspirare poterit aliquid ejus humoris, & fiet febris mitior: noctu iisdem obstructis fiet intensior. Insuper cum cavitates pectoris, & humores totius corporis infarti sint, valide autem nitatur pectus in humidum infarciens, valide exprimet tam ipsum, quam humores totius corporis, qui proinde in sudorem abire poterunt; non erit tamen ille sudor ullius levaminis propter puris abundantiam semper remanentem; quia vero noctu pori constringuntur; partes igitur ejusdem puris, quae interdium expirare possunt propter exiguitatem, & raritatem invisibiles; noctu ad angustias pororum subsistant oportebit, quousque cum aliis succedentibus conjunctae, & in molem majusculam collectae resistentiam pori superent conjunctim erumpentes in formam aquae, seu sudoris. Propter stimulum autem a pure intra pectus proveniente fiet tussis, ut ex iis, quae de Tussi scripsimus, & ex eo quidem molestior, quod pulmonem, & pleuram vellicat, & aliquando quolibet etiam nisi molestia minime minuitur. Invalescente morbo pulmo a pure magis comprimetur, sanguis influere non poterit, subsistet in ramis venarum cavae ad faciem, unde partes ejus rubescunt. Quia vero ingravescente hoc morbo fit gradus ad tabem, nempe corruptionem, & absumptionem partium; igitur vel quia per corruptionem flaccescant, vel quia per absumptionem extenuen-

tur,

tur, fiet minor ipsarum moles, & hoc decrementum iis in partibus erit magis observabile, quae duris, & immobilibus terminis circumscribuntur, cujusmodi sunt oculi dura atque immobili orbita ossea circumscripti, unde oculi fient concavi. Curvi ungues cur facienda, ex iis, quae de Peripneumonia, intelliges. Tumidi pedes, vel quia eo devolvitur pus, humor nempe, qui utpote minus mobilis facile ad eos subsistit propter minimam vim pressionis, vel quia corpore jam ad tabem vergente eae partes similiter citius corrumpuntur, in quibus minor vis pus expellendi, unde tabescunt, hinc fermentescunt, & in tumorem attolluntur. Cum autem pus membranas subeat; per Empyematis igitur protractionem poterit ad cutim usque penetrare, & quidem vel insignem molem collectum, vel huc illuc in minores massulas cumulatum, producet ad cutim pectoris hic illic pustulas: illud tumorem oedematofum propter contentum pus, nisi & hoc contingat propter corruptionem partis, ut in secundo casu tumefactionis pedum exposuimus. Quae autem recensuimus ex Hippocrate inter conjuncta ad dijudicandum, alterutrine, an utraque pars pectoris Empyemate laboret, certa esse possunt, si aliunde constare supponatur, propositum aegrum Empyemate laborare: si vero non constet, pondus, & suspensionis sensus, & calor, & exsiccatio lintei esse poterunt quid necessario conjunctum cum Peripneumonia, aut Pleuritide, ut patet ex superioribus, & eorum morborum expositione: & cum eorundem ratio, ac necessitas statim ex se ipsa pateat, nihil ejus explicationi immoramur. Quoniam vero febris admittance puris proveniens, vel ejus nimiam visciditatem, vel vim fermentandi, aut stimulandi arguit, si igitur in expositis pulmonum affectionibus, quorum suppuratione fit Empyema, eadem die, qua Empyema fit, seu tumor, in cavitatem pectoris rumpitur, febris cesset, argumentum erit, pus esse optimae qualitatis, non acre, non fermentans, non obstruens: ducitur autem in vasa sanguinis, & etiam per sputum excernitur; aeger igitur evadet ab Empyemate. Cum itaque pus non sit quid summe viscidum, non ita multum resistet abstractioni ab interioribus membranis pulmonis, quibus allabatur, eaque de causa sine labore, aut valida tussi per sputum reddetur. Eadem de causa pus erit album, laeve, concolor, nempe aequabiliter liquidum, & ex eadem materia

Curvi ungues.
Tumidi pedes.

Pustulae circa pectus & tumor oedematofus in affecto latere.

Febris die ruptionis & tumor definens fatalis.

Pus facile per sputum redditur.

Pus album, laeve, concolor, & sine pituita.

aeque liquata, unde concolor, album, cum hic sit puris perfecti color naturalis. Quia vero pituita est humor crudior, & qui ad Empyematis constitutionem in pluribus casibus concurrere potuit, hinc si pus cum pituita mixtum reddatur, adhuc aliquid superesse concoquendum arguet: nihil, si absque eadem. Itaque cum haec apparuerint omnia, evadet aeger plus minus facile, aut tuto, si eorum aliquot: ex quibus fiet, ut aeger in melius evadens successive magis ad naturalem statum accedat, unde sitire desinet, cibum appetet, alvi feces demittet, ac producet non multum absimiles naturalibus, nempe consistentes, & propter cibi parvitatem exiguas. Contra se habebunt omnia morituris, quae recenset Hippocrates, ut ex his patet. Spumofum autem sputum arguet & lentorem humoris, & eundem nondum concoctum esse, & parvam quantitatem ejus, quae difficile subeat pulmonem, & difficile ab ejus tunicis divellatur, unde magis per minimas partes permiscetur aëri, cujus eruptione resistens lentore suo spumam producit.

5. Aph. 15. Quadragenarius dierum numerus est tempus, quod naturaliter requiri observavit Hippocrates ad hoc, ut per superpurgationem per sputum possit Empyicus evadere, quo superato tabes fit corrumpente pure pulmonem, & impediende elaborationem sanguinis. Ratio, cur si ab Empyis per paracentesim effluat pus bonum, evadant: moriantur, si secus, patet ex superius dictis. Quod si Empyis melius habere, & fere expurgati videantur, sputum vero foetidum excernant, venient in recidivam, & morientur; apparens enim ille transitus in melius arguet, expurgatam quidem esse quantitatem puris, sed sputum foetidum ostendere poterit, genitum esse ulcus intra pectus, aut pulmones, ex quo & novum pus generabitur, unde in Empyema relapsus, & mors propter partis corruptionem. Similiter specillum a pure, ab igne coloraturum arguet pus non coctum, lividum, & forte cum ulcere partem corrumpente, unde mors. Senes vero praecipue, & juvenes ab Empyemate per pulmonum morbos producto moriuntur, cum in senibus propter partium siccitatem difficile coalescere possint villi rupti a ruptione tumoris, in juvenibus autem hunc ipsum coalitum impedit tenuitas, & vigor sanguinis: & ex iis adhuc difficilior evadent, qui temperamento sunt aliquanto humidiores; flaccescent enim partes magis, & facilius a sanguinis impetu, & mo-

Cibi appetentia, sitis cessatio, alvi feces naturalibus similes.

Sputum spumofum.

7. Aph. 44. in Coacis.

tu respirationis in divulsione detineri poterunt. *Cur vero pure* ^{6. Aph. 27.} *conferim effluente per paracentesim moriantur Empyi*, vide in ejus Aphorismi commento, quod seorsim morbis praemittimus. Textus autem Galeni ex se ipso patet, sicut etiam, quid sit ^{Quid sit} Empyema. ^{Empyema.}

T U S S I S.

Cum Tussis frequenter occurrat in superioribus, & conjuncta sit cum omnibus fere morbis pectoris, imo quandoque sine ullo apparente alio morbo invadat, suam peculiarem expositionem mereri videretur, quemadmodum inter Medicos aliqui de ipsa seorsim agunt. Sed nos de Tussi absolutissime Propositione decima quarta secundae partis nostrae Respirationis, ex quibus patet, quid illa sit, quomodo excitetur, & quae sint ejus causae, & quicquid pulmonem, aut ejus vasa, aut pectus, aut septum, aut laryngem, aut fauces ita stimulat, ut arbitremur ex assuetudine illud per fauces amandari, & abripi posse per asperam arteriam, inter causas Tussis habendum esse. Hinc *Tussis caput replet*, ut Hippocrates; propter motum enim ^{6. Epidem} pulmonis cogitur sanguis ad venas subsistere, unde repletur caput. ^{1. 3. 1. 18.} Et *Tusses a catarrhis in senibus periculosae sunt*, cum catharrus semper urgeat in iis, neque concoquatur qui jam productus est, & continue novus producat, adeoque fiat ad pectus per vasa sanguinis decubitus, unde inflammationes &c. Adde his, per solam violentiam Tussis posse in senibus facilius divelli villos pulmonum, cum propter siccitatem minus facile distrahi possint absque fractione: facta autem fractione propter eandem siccitatem coalescere non possunt, unde utrinque periculum a Tussi in senibus. Et *Hydropi si Tussis superveniat*, ^{6. Aph. 35.} *malum*; arguet enim humorem viam sibi facere ad pectus, vel si jam etiam pectus hydropo laborabat, humorem fermentescere, atque ita pulmonem magis irritari. Et *Qui gibbi ex* ^{6. Aph. 46.} *Asthmate, & Tussi ante pubertatem fiunt, ii statim moriuntur*. Ante pubertatem ossa cedere possunt ipsa adhuc minus rigida, & cartilagineae articulationum minus durae; ex Asthmate igitur, ac Tussi proveniens gibbositas arguit aliquid intra pectus molestum, & valide premens, atque ossa extrorsum movens; duratis igitur ossibus premens illud locum sibi facere extrorsum

ul-

In Coacis.

ulterius non poterit, quare premet introrsum vasa sanguinis & cor, unde subita mors. Et *Qui circa accessiones tussunt, & leviter desudant, maligne habent;* sudor enim levis in accessione febrium insignem copiam humorum cum sanguine permistorum indicabit, quorum pars tenuior tum temporis satis improprii excernetur, unde retinebitur durius, & ejusmodi expressionem etiam in pectore fieri indicabit Tussis stimulum arguens.

V O M I C A

Pulmonis.

Lib. 2. Obs.

cap. 10.

Conjuncta.

Sect. 1. cap.

11.

A Gunt de Pulmonis Vomica Medici admodum pauci, licet ejus meminerit Galenus primo de Loc. Aff. Concipit illam facile pulmo, viscus flaccidum, ac putredini summe obnoxium, de qua sic testatur Tulpus. *Latet hoc vitium inter initia adeo clanculum, ut vix ulla sui proferat indicia praeter tussiculam primum siccam, sed mox humidam. Qua aliquamdiu continuante trahitur difficulter spiritus, deficit anima, & emarcescit paulatim corpus, licet interim nec pus, nec sanguinem prae se ferant sputa, sed si rumpatur nec opinanti vomica, occiditur dictum factum homo, vel si manserit aliquamdiu exitio suo superstes, consumitur tamen lente a febricula, sive ob pus, sive ob sanguinem per thoracis interiora effusum.* Haec ille. Willis tamen in Morbis Pulmonis plures habuit a pulmonis Vomica superstites, atque sanos. Sputa post ruptionem pura, purulenta, concocta, sanguinea, foetida: febris sub initium nulla.

Admirabile est, in hoc morbi genere in tam facili ad mortem via per abscessum, vel collectionem puris intra pulmonis corpus nihil doloris, aut molestiae sentiri, cum tamen interim adsit difficultas spiritus, deficiat anima, & paulatim emarcescat corpus: adsit insuper levis tussicula, argumento satis manifesto, pulmones male affici, ac stimulari, neque cum his omnibus adsit febris. Haec autem ut aliquatenus exponantur, quoniam ea est compositio pulmonis, ut extendi ejus membranae plus minus possint, ac debeant in diversis respirationum magnitudinibus, prout exigit major, aut minor quantitas aëris intra pulmonem ducendi, neque per maximas respirationes dolor

lor percipitur lancinans, aut divellens, quanquam tum membranae maxime distrahuntur, igitur si adsit aliquid intra pulmones, quod partem ipsorum aliquam distrahat etiam in minoribus respirationibus, illa tamen distractio non sit major, quam quae haberi solet per maximas respirationes, ab ejusmodi distractione nihil doloris patiemur, cum talibus distractionibus assueverimus, & naturales reddiderimus per maximas respirationes. Rursus quoniam aër circumfusus corpori sibi ipsi quiescenti est aequilibris, per motum autem deorsum fit momenti majoris; excessus igitur momenti aëris intra pectus supra momentum aëris circumfusi pectori eo erit major, quo major quantitas aëris in pulmones fuit, seu quo major sit respiratio: sed hic ipse excessus sustinendus, & superandus est a membranis, & nervis, ne nos gravari intra pectus, & trahi sentiamus, seu ne dolorem gravativum, & tensivum patiamur: huic autem sustinendo excessui in magnis respirationibus assuevimus; si igitur etiam in parvis respirationibus adsit aliquid intra pulmones gravans, tanta tamen gravitate, quae non sit major momento, quo aër in magnis respirationibus haustus superat momentum aëris externi, sensus gravitatis nullus percipietur, cum ejusmodi sensui jam assueverimus, & naturalem effecerimus. Sic pondus vestium non sentimus, licet sint satis graves. Fac ulterius minimam materiae molem intra pulmonem deponi, ita ut sensum movere non possit ob sui parvitatem: mox minimam alteram, quae sensum quidem moveat, sed tam debiliter, ut vix curandam esse judicemus, atque hoc successive repeti, quousque demum fiat perspicuus, & vividus sensus; per totum igitur praecedentis temporis spatium nihil doloris sensisse nos affirmabimus, sed cumulata demum insigni mole materiae insignis effectus producet simul totus, & membranae divellentur subito. Primo itaque concipiatur colligi intra pulmonis folliculos, vel interstitia eorundem quidlibet in pus mutabile, sed minimae quantitatis, quae successive augeatur, sit tamen augmentum semper minus, quam quod vel pondere, vel distractione possit tam distrahere, vel premere pulmones, quantum premuntur, & distrahuntur ab excessu momenti, quo aër in magnis respirationibus haustus superat momentum aëris externi; per totum igitur illud spatium temporis nullus molestus sensus percipietur. Quia vero interim illa materies vellicat ner-

Nullus doloris sensus.

Tussicula
levis.

Respiratio
difficilis.

Tussis sicca,
dein humi-
da.

Nulla febris
sub initium.

Macies cor-
poris, &
veluti defe-
ctio ani-
mae.

vos; igitur in refluxum aget spiritus, qui proinde cumulatior-
res deducuntur ad musculos pectoris, & levem tussiculam ex-
citabunt. Insuper quoniam materies illa intra pulmonem col-
lecta suum sibi spatium exigit; premet igitur folliculos,
ramosque asperae arteriae, unde difficilius irruere poterit aër,
sive fiet respiratio difficilis, quae tamen continget, post-
quam tussis excitata est, nempe postquam tantum materiae
cumulatum, ut stimulare nervos, seu excitare refluxus possit,
& postquam eadem per aliquod tempus perstitit in pulmonib-
us, tantum nempe, ut interim pulmo premi magis potuerit
a materia copiosius aggesta. Cum igitur collecta materies tuf-
sim excitare debeat, & ut excitet, satis est, si membranas contin-
gat, non autem per asperam arteriam ducatur; primo igitur tussis
sicca esse poterit, vel quia materies adhuc sit pauca, & utpote pa-
rum stimulans non tantum trusionis excipiat a pectore, ut a su-
perficie, quam contingit, abripi possit, vel quia adhuc sit durior,
vel quia sit in imo pulmone, per cujus altitudinem totam duci
nequeat, vel quia contineatur intra aliquam cavitatem quasi fol-
liculum cum aspera arteria communionem non habentem, &
densis, durisque membranis comprehensum: si vero haec con-
tra se habeant, sicuti se habebunt processu temporis, tussis fiet
humida, & reddetur pus per sputum, vel aliquid tenue, ac
liquidum quasi rudimentum puris, vel quod est liquidissimum
in illa materia, quae in pus convertenda est. Interim nulla fe-
bris, cum nihil adhuc mali communicatum sit sanguini: ta-
men si materies intra pulmonem collecta sit extensa per insigne
pulmonum spatium, ita ut plurima vascula sanguinis compri-
mat, sanguis perfecte solvi non poterit, unde aeger sensim
anima deficere videbitur, & corpus totum macie consumi, &
emarcescere. Interim tamen si pus confectum adhuc non sit,
vel desint caetera superius exposita, quae requiruntur ad hoc,
ut pus per tussim excernatur, nihil puris reddetur, imo nec
sanguinis, cum nec vasa rupta supponantur, nec tam compres-
sa, ut exsudare possit. Quoniam vero insuper per ejusmodi
pressionem occluduntur aditus, quibus folliculi mutuo, & in
asperam arteriam hiant; duci igitur pus etiam confectum in
eandem asperam arteriam non poterit, nisi divellantur mem-
branae, seu rumpatur abscessus, ac tum dolor, & quidem ve-
hemens subito corripere debet, sicuti correptum narrat tali

mor-

morbo laborantem Tulpius sub ruptionem apostematis propter subitam divulsionem plurium villorum, unde divellentur etiam plurima vasa sanguinis, & pus cum cruore reddetur per os album, nigrum, viride, pallidum, confectum, non confectum, cujuscunque demum generis, foetidum praecipue, si longa mora corruptum fuerit intra Vomica, & derivari etiam poterit intra cavitatem pectoris, hinc ad pectus externum ad usque cutim, unde tumor in ipsa a ruptura Vomicae generari poterit, & etiam non enato tumore educi pus per paracentesim, vel cauteria igne actuali, vel potentiali facta poterit, quae singula a se praescripta cum felici exitu asserit ibidem Willis. Si igitur a ruptura Vomicae puris insignis quantitas expurgetur, mori subito poterit aeger eadem de causa, qua moriuntur Empyici, Hydropici &c., ex quibus humor confestim educitur, vel quia abruptis plurimis canalibus sanguinis plurimum sanguinis simul effunditur. Si vero supersint, succedet febris admisto pure cum sanguine, & quidem pure corrupto, foetidoque. Quae quidem ita se habere posse videntur, si nullum vitium in sanguine supponatur, antequam Vomica generetur, sed tota mali causa ex parte pulmonis se teneat. Videtur tamen fieri posse, ut sanguis prius sit vitiat, nempe permixtus humoribus crassis, viscidis, corruptis, ac tantum non pus dicendis, qui per pulmonem fluentes sensim agglutinentur vasis, quousque vel eorum aliquot infarciant, vel ex iis exsudent in folliculos, & interstitia, in quibus sensim cumulentur, & succedant singula modo superius exposita, ut patet. In hoc tamen casu febris etiam sub initium Vomicae, & quidem lenta adesse poterit, & hujusmodi Vomica dici poterit sympathica, cum ipsius causa primaria non a pulmone, sed a sanguine, & humoribus sit deducenda. Certe hac Vomica sympathica nos laborasse videmur, cum febre lenta correpti tussi non satis vehemente, & excreatione materiei purulentae, & cujuscunque coloris etiam cruenti per plures dies morti proximi viximus; vitium enim primarium non fuisse in pulmonibus vel ex eo constitit, quod antequam adesset febris, ejusmodi materies viridis, lividaque & maxime tenax per nares excernebatur emunctione maximi nisus: tum reddi coepta etiam a faucibus, & eo tempore febris invasit sine nulla fere tussi, mox tussis levior, mox eadem gravior cum manifesto sensu materiei, quae abripi

Vomica
sympathica.

Quid sit Vomica pulmonis,

a pulmonibus videbatur. Ex quo progressu facile patet, vitium fuisse in universo sanguine, & materiem morbosam excerni incepisse in glandulis, quae destinatae sunt separandis mucis naturalibus, e quarum numero sunt etiam illae plurimae, quae interiori tunicae pulmonaris fistulae inferuntur. Hoc ipsum suadent causae antecedentes; pluribus enim mensibus Pisces vixeramus semel studiorum gratia, & parce in die pasti: Florentiam reversi familiarium suasionem bis pasci coepimus, nihil de studiorum assiduitate, & gravitate remittentes, foris ruri nulla hilaritate, aut amoeniori studio laxantes animum, tempore aestivo, & quidem singularis aestus, cujuscunque generis cibis, & vino mero utentes. Ab illo transitu in largum, & boni succi pastum cum contentione animi, tempestate calida, nullo motu corporis &c. genitam insignem humorum crudorum, viscidorum &c. quantitatem arbitror, ex quibus omnia, quae exposuimus. Est igitur Vomica pulmonis abscessus intra eundem genitus vitio pulmonis vel humorum, eo corrivatis materieb. in pus abeuntibus cum affectionibus expositis.

HAEMOPTYSIS,

vel Haemoptoe, seu Sputum Sanguinis, ubi Anastomosis, Diaeresis, Diapidosis, Rixis, & Diabrosis.

Anastomosis.

Sputum sanguinis, ut patet, provenire potest a quibuscunque partibus, a quibus sanguis derivari potest in os, & sputi instar reddi. Itaque ducere potest originem a ventriculo, intestinis, si ex his in ventriculum refluat: a pulmone, a pectore, a faucibus, a partibus cavitatem oris comprehendentibus, ab auribus, a naribus, ab oculis, a gingivis, & si quae sunt aliae, quae in cavum oris per canales pateant. Hic autem de solo sputo sanguinis agimus, qui ducit originem a pulmonibus. Quoniam itaque sanguis naturaliter ita continetur in vasis suis, ut extra ipsos fluere non possit; cum igitur expuitur, erunt vel vasa, vel sanguis, vel utraque sic affecta, ut extra eadem sanguis possit effluere. Hujus affectionis modos quinque faciunt, primum appellant Anastomosim, seu coapertionem va-

so-

forum sanguineorum, vel apertionem osculorum eorundem canalium: secundum Diaeresim, seu divisionem eorundem canalium: tertium Diapidisim, seu rarefactionem pariter canalium, qua fit, ut transudet sanguis quasi transcolatus: quartum Rixim, sive rupturam: quintum Diabrosim, sive erosionem. Apertio autem osculorum non datur, cum oscula ejusmodi nulla sint; continuæ enim inter se sunt venæ, & arteriæ, & si non sunt continuæ, ipsarum sanè oscula semper patent. Si igitur aliquid rumpendum est, potius membrana, prope quam oscula hiare fingi possent, rumpi dicenda. Di-
visio facile a secantibus, incidentibus &c., unde a vulneribus, punctiōibus &c. Diapidisim provenire asserunt vel a tenuitate sanguinis, adeoque calore, vel a serositate, nempe frigore, & humiditate. Neutrum rarefactionem producit, sed calor e contra in majorem contractionem agens villos densat membranas: at quia tenuitas sanguinis cum calore conjuncta penetrat quoscunque poros, & contractio major majorem impetum conciliat, hinc sanguis, cum est ejus conditionis, transudat, vel transcolatur. Similiter frigus cum humiditate, si non humectet intime, nec villi sint tenuissimi, contrahit, ut patet in chordis musicis, adeoque & inde densatio major: quia tamen etiam humidum præcipue, si lentius moveatur, facile poros subit, hinc etiam in hoc casu exsudatio sanguinis: si vero intime humectet, ita ut villi dilabantur, & flaccescant, ut bene humectæ chartæ, tunc erit resolutio villorum, & nulla cohaesio inter particulas ipsos componentes, adeoque effluet ex se ipso contentus sanguis per poros a resolutione villorum maxime laxos. Potest autem Diapidisim a sola etiam pressione provenire, tumore nempe, lapide, osse &c. vasa sanguinis ita comprimente, ut ex iis sanguinem exprimat, cujus rei evidentissimum argumentum sunt fuctus, quorum vi etiam ad extimam usque superficiem corporis exprimitur sanguis per solam pressionem. Ruptura ab
impactu, ictu, lapsu, & ejusmodi vi qualibet subito divellente, ut patet. Erosio similiter a quibuslibet erodentibus non humoribus solum, sed affricu etiam, & quasi attritu cujuslibet corporis ad contactum positi ad eundem contactum moti, atque idè paulatim abrascentis, ac demum etiam a vermibus. Itaque quomodocunque pateant vasa sanguinis, dummodo id

Diaeresis.

Diapidisim.

Rixis, &
Diabrosim,
Anatomis-
fis rursus.

Diaeresis.

Diapidisim.

Rixis.

Diabrosim.

contingat aut in pulmonibus, aut in partibus, ex quibus sanguis per asperam arteriam reddi possit, ut sunt aspera ipsa arteria, & internum pectus, & ex illa disclusione vasorum tantum sanguinis effluat, ut reddi per sputum possit, fiet illud sputum sanguinis, de quo hic nobis instituitur sermo. Itaque antecedent (quod distincte ab aegro intelligendum, ut sputum sanguinis a pulmonibus distinguatur a sputo simili, a ventriculo, a faucibus &c. cum aliis mox adnotandis). Primo.

Antecedentia.

Aliqua affectio circa pectus ex iis, Diaeresim, Diapidsim, Rixim, vel Diabrosim efficiunt, & siquidem nulla contigerit particularis, & evidens, adesse poterit plethora, vel caco-chymia, vel mala humorum qualitas erodens, laxans &c. Evacuaciones suppressae, motus vehemens, calor intensior, insolatus, ira &c. Clamor validus, vocis contentio, violenta tussis, nifus tollendi, & loco movendi graviora pondera, saltus praecipue a balneo, suppressio spiritus in conatu deponendi alvum, frigus. Febres quaedam malignae, ut in quibus alvi feces, & urinae sanguineae redduntur: ulcera, inflammationes in pulmone, aut pectore, vel iisdem Varix.

CONJUNCTA.

Screatus.
Vomitus.

NON screatus, non vomitus, sed tussis, & quidem tussis major, ac vehementior, quae praecipue asseruntur ea esse, quibus distinguitur sanguis veniens a faucibus, & ventriculo ab eo, qui per asperam arteriam; qui enim per oesophagum ex ventriculo provenit, vomitur (intellige, dummodo sit majoris quantitatis): qui a faucibus, & quacunque parte ad eas hiantem excepta aspera arteria, screatur: & licet sanguis ad eas partes deductus tussim excitet (ut in Tussi nostra Propositione decima quarta secundae partis Respirationis), ea tamen est debilior, quam quae excitanda est a materia haerente membranis pulmonis profundioribus, unde ad hanc abripiendam tussis major, & vehementior fieri potest, sed quotidie fit, ut sanguis sit tam viscidus, ut licet a faucibus veniat, inibi tamen ita haereat, ut difficillime abripi possit, adeoque opus sit tussi vehementissima, ut inhaerens illud excutiat, atque abripiatur. Insuper fieri potest, ut affectione existente in ventriculo sanguis cum tussi, & quidem validissima non cum vomitu reddatur; fac enim ventriculum inflammatum, ita ut calor, &

Tussis mediocris, vel vehementior.

tu-

tumor pertingat ad septum, vel afficiat nervos cum septo communicantes, & idem tumor comprimat, vel rumpat vas aliquod sanguinis, ita ut sanguis cogatur in cavitatem ventriculi effluere, tussiet aeger, ac tussiendo sanguinem per sputum reddet. Insuper nec tussis major, ac vehementior erit semper necessaria etiam ad educendum sanguinem ab imis pulmonum partibus, major nempe, ac vehementior comparata cum tussi, quae requiritur ad abripiendum sanguinem a faucibus; si etenim copia sanguinis in imo pulmone sit minor, & sanguis mediocriter viscidus, mediocris tussis vis perducendo ipsi ad fauces usque sufficiet. Ex quibus patet, nec tutum esse asserere, cum adest tussis mitior, sanguinem, qui spuitur, provenire a trunco, vel ramis majoribus asperae arteriae: cum vehementior, ex imo pulmone. Quaecunque igitur tussi tussiat aeger, nullum ad sit pectoris, aut pulmonis affecti signum, nulla praecesserit causa effluxum e vasis pectoris exigens, sentiatur autem ante tussim affluxus sanguinis ad fauces, earumve vellicatio, si rubor, calor, dolor capitis ad sit, si sanguis, qui primo expuitur, spuma omni careat, inde vero succrescente affluxu spumescat aliquantum, argumento erunt haec omnia, sanguinem a capite &c. ad fauces derivari. Si vero neque ad sit tussis, venire poterit a summis faucibus, vel qualibet parte oris. Ulterius ostendet sanguinem a pulmone non provenire, si eodem tempore aliquid sanguinis effluat e naribus nullo cum impetu aëris, sed suo naturali fluxu, erit enim motus ille solus motus naturalis sanguinis, non autem conceptus per impetum tussis, & aëris per efflationem illam vehementem extrusi. Ait Hippocrates. *Quicumque spumantem sanguinem extussunt, iis ex pulmone educitur.* Dum igitur, tussit aliquis, si simul sanguinem spumantem extussiat, inquit Vir Admirabilis, ejusmodi sanguinem a pulmone educi, sive ab ipso pulmone ducat originem, sive e pectore in pulmonem exsudaverit, quod necessarium solummodo est, cum sanguis est liquidior, & ab imo pulmone ducitur, ita enim ratione longi spatii, per quod ducendus est ad fauces, & facilis solutionis permisceri poterit aëri, & spumescere: si vero sit quasi coagulatus, etiamsi ab imis partibus pulmonis veniat, dividi non poterit, neque spumescere. Unde patet vix etiam spumescere posse, licet sit liquidus, si a summo pulmone abripiatur; statim enim concipiet impetum sursum; & prius extussietur, quam admisceatur aëri, ut spumam efformet. Si autem

Conjuncta cum sputo sanguinis non a pulmone, vel pectore venientis.

Cum eodem ex pulmone.
5. Aph. 13.

tem

Cum teo-
dem expe-
ctore, &
haec incerta
omnia.

tem sit aliquanto viscidior, atque ab imis pulmonibus abripiendus; tunc enim vero ita spumescet, ut totus spuma videatur: sed & totus spuma videri poterit, si sit adhuc aliquanto viscidior, & summo pulmoni, vel trunco asperae arteriae haereat, ut patet. Ajunt, nec dolorem, aut vix dolorem percipi, cum expuitur e pulmone, quod satis certum signum esse potest, si nomine pulmonis non comprehendantur etiam partes cartilagineae asperae arteriae propter laxam ejus partis compositionem, ut exposuimus de Dolore in genere. Quibus igitur fidere possumus, sunt sanguis, quem extuſſiamus sine dolore, & cum spuma. Quod si ex pectore in pulmonem exfudet, ajunt, magis esse nigricantem, paucio-rem, & cum dolore, quorum nullum certum est. Primo etenim etsi internum pectus magis dolere debet, quam pulmo, ut in superioribus, non tamen necessarium est, ut a quolibet effluxu sanguinis ex vasis doleat; quid enim dolemus etiam in largissimis haemorrhagiis ex naribus, gingivis? &c. sed neque paucior; quomodo enim determinanda hac paucitas, comparatione nempe cujus? An non fieri potest, ut vas minimum intra pulmones divellatur, & minimum sanguinis sputo suppeditet? Sed neque magis nigricans necessario semper erit; etsi enim sanguis extra corpus, & in corporibus etiam cadaverum plerumque nigrescat magis, in viventibus tamen licet extra vasa sua non tam cito nigrescit: licet autem nigrescat, poterit etiam nigrescere intra cavitates pulmonis, in quas ex apertis vasis effluat, quoties ab iisdem cavitatibus non abripiatur per tussim, antequam nigrum colorem suscipiat. Adde his, dum transit per pulmonem, debere misceri cum aëre, & spumescere, & ejusmodi permixtio cum aëre vividiorum colorem pariet, & plus quidem minusque, prout sanguis est liquidior, aut durior. Addunt non pauci, neque debere spumescere sanguinem ex thorace venientem, quod nec consonat Avicennae contrarium do-centi, neque sane id asseruit Hippocrates exposito superius Aphorismo, cum ibidem asserat, sanguinem a pulmone provenire ipsum spumantem extuſſientibus: provenire autem e pulmonibus semper debet, sive in ipsos e pectore influat, sive ab ipsis primario fluat. Ex his itaque patet, incerta esse quaecunque particularia proponuntur tanquam conjuncta cum sputo sanguinis a pectore provenientis, adeoque si quid minus dubium haberi potest, petendum illud esse ab antecedentibus,

si per eorum aliquot innotescere possit, affectionem pectori communicatam esse. Quod si adsit dolor, qui acer, pungens, & pectori adscribi certo debeat, hoc erit indicium, sanguinem a pectore provenire; sed illud cognitu nimis difficile, cum semper dubitari possit, an affectio sputum efficiens non sit dolor, sed tumor ex. gr. qui pressione rumpat vasa pulmonis, quod fieri facile poterit propter continuum respirationis motum. Cum igitur sanguis a pulmonibus primario affectu procedit, dici potest Sputum sanguinis idiopathicum: sympathicum autem appellari alterum, quod asserunt fieri per transmissionem sanguinis a qualibet parte affecta, jecore, liene, utero &c. inflammatis, dolentibus, &c. ad pulmonem: quod etsi fieri non potest per veram transmissionem, qualem describunt, & judicant, tamen si ab earum partium morbis producat fermentatio, plethora, cacochymia, fervor quilibet, aut rarefactio humorum, quorum origo a partibus illis laborantibus repetenda sit, & humores illi tam nitantur quaquaversum, ut tenuia vasa pulmonum ejusmodi nifum sustinere nequeant, divellentur, & Sputum sanguinis orietur. Idiopathicum, & sympathicum. Pa- Quid sit sputum sanguinis. tet itaque Sputum sanguinis esse ejusdem excretionem per sputum cum tussi, & spuma ab aliqua causarum pendentem, ex quibus vasa sanguinis coguntur permittere effluxum ejus. Antecedentium causa frigoris. Antecedentia autem tam facile ex se ipsis patent, ut explanatione non indigeant, nisi quod frigus densando villos facit, ut minus facile distractioni pareant, unde accedente impetu sanguinis majus spatium exigentis, neque ii locum faciant tenfi, nec distrahi patientes facile divelluntur, ut dura & rigida faciunt.

C O N S E Q U E N T I A.

A Sanguinis sputo, puris sputum. A puris sputo tabes, & fluxus: cum vero sputum retentum fuerit, moriuntur. 7. Aph. 156 & 16. Quorum ratio est, quoniam effluente, & stagnante sanguine extra vasa in pus convertitur, unde puris sputum, quod pus sensim pulmonem corrumpens prohibet, ne sanguis elaboretur, vel cum sanguine miscetur, eumque corrumpit, vel totum corrumpit corpus, per quod fluit, unde Tabes, & concidentibus summeque lassatis per corruptionem partibus Fluxus. Quod si supprimatur sputum, totum pus intra pulmonem detinebitur, Pppp ex

4. Aph. 25.

Lib. II.
cap. 38.

ex quo fiet ejusdem visceris brevi corruptio, unde mors, quae etiam ex eo citius corripiet, quod pus collectum intra pulmonem infarciet, & comprimendo occludet vasa sanguinis, adeoque sanguinem sistet. *Sanguinem superne quidem efferri, qualiscunque sit, malum*; indicat enim rupturam, seu exitum sanguinis e vasis pulmonis, aut pectoris, quod quoties fit extra naturae leges, malum est, ut patet ex ejus causis. Possunt autem dari fluxus ex iis partibus critici, adeoque vel plane naturales, vel minus mali, qui cum dantur, non sunt ii, qui in Aphorismo proponuntur: sic narrant insignes Medici menstrua muliebra rejecta per sputum sanguinis, simileque sputum liberare ab eorundem suppressione, & similibus, & ait Plinius: *Profluvium ejus* (nempe sanguinis) *uni fit in naribus homini, aliis nare altera, aliis utraque, quibusdam per inferiora, multis per ora stato tempore, ut nuper Macrino Visco Viro Praetorio, & omnibus annis Volusio Saturnino Urbis Praefecto, qui nonagesimum etiam excessit annum.* Denique succedunt pallor, macies, pulsus parvus cum aliis differentiis, imbecillitas, febris lenta, & quicquid cum defectu, & corruptione sanguinis, & pulmonum ulcere conjunctum est, quae aut jam exposita sunt, aut utpote facillima ultro patent.

DIFFICILIS RESPIRATIO

Sub qua Dyspnoea, Asthma, Orthopnoea, Suffocatio, ad quam Apnoea.

QUoniam ad respirationem naturalem requiritur influxus liquidi per nervos in musculos pectoris cum naturali habitudine ejusdem pectoris, pulmonum, aëris, & sanguinis; his igitur singulis seorsim, vel eorum pluribus, aut omnibus conjunctim vitiatas respiratio laedetur, fietque difficilis. Causae autem, & modi vitiorum cum sint, & esse possint plurimi, ac diversi nimis, cum unumquodque eorum quatuor instrumentorum ad respirationem naturalem concurrentium multipliciter vitari possit, ut passim in demonstratis morbis exposuimus, & in demonstrandis exponemus. Hinc in praesenti non recensebimus singulas illas causas, & modos, tum quia

quia res cresceret in immensum, tum quia eadem ex morborum expositione patet, praecipue autem quoniam Difficilis illa Respiratio, de qua seorsim agitur a Medicis, est, quae per solius pulmonis vitium producitur, quod vitium sit vel in aspera arteria, nempe trunco ejus, bronchiis, ac folliculis, seu vel in ipso pulmonis corpore, vel in vasis sanguinis per ipsum excurrentibus. Haec igitur Difficilis Respiratio dividitur in tres species, quae differunt per magis & minus cum quibusdam affectionibus propriis, quibus sit, ut ab invicem distinguantur, & quarta, ac summa species additur, quae potius respirationis interceptio est, & privatio ejus, seu Apnoea, quam Respiratio Difficilis. Prima dicitur Dyspnoea, quae Difficilium Respirationum facillima est, & est respiratio frequens & parva, vel frequens & magna sine anhelitu, sine stertore, sine sibilo, cum parva molestia, sine febre. Asthma est Dyspnoea difficilior, nempe crebrius & minus, vel crebrius & majus cum anhelitu, molestia, stertore, sibilo, sine febre. Orthopnoea tertia dicitur, quae similiter sine febre, sed potest esse major aut minor, crebrior aut rarior, quam sit Asthma, dummodo aeger cogatur respirare recto situ corporis, non decumbens videlicet, sed saltem sedens. Etsi vero carentia febris communis est his omnibus Difficilibus Respirationibus, poterit tamen etiam febris cum harum singulis conjungi, prout singulae a diversis morbis procedent febrim secum ferentibus, vel ipsa Difficilis Respiratio necessario secum feret febris productionem, sic compresso ex. gr. pulmone, ita ut ab ea compressione producat Peripneumonia, Difficilis Respiratio, quae a compressione illa succederet, esset quid necessario secum ferens productionem febris, cum haec cum inflammatione pulmonis necessario jungatur. Potest tamen fieri, ut carentia febris, quae in singulis hisce Difficilibus Respirationibus ponitur a Medicis, bene constituta sit, dummodo per Difficiles Respirationes debeamus intelligere non quascunque Difficiles, & ab alio quolibet morbo vel pendentes, vel ipsum producentes, sed quae veluti ex se sunt, & febre carent, quod adnotamus, ne ludatur in nominibus. Quod si causa Difficilium Respirationum eo usque ingravescat, ut suffocet, sive strangulet, prohibeat nempe, ne ducatur, ac reddatur spiritus, tunc erit Suffocatio, vel Strangulatio, vel Apnoea. Conjuncta igitur

Dyspnoea,
& cum ipsa
conjuncta.

Asthma, &
cum ipso
conjuncta:
Ortho-
pnoea &
cum ipsa
conjuncta.

Inspiratio
difficilior
expiratione.

Febris.

notatu digniora sunt, quae recensuimus, quibus & illud addendum, quod est commune omnibus Difficilibus Respirationibus, multo difficilius inspirationem, quam expirationem fieri. Ut igitur hinc exordium sumamus. Quoniam in qualibet Respiratione Difficili adsit oportet aliqua resistentia non naturalis in instrumentis Respirationem obeuntibus, quae superanda est ad hoc, ut eadem instrumenta moveantur; facultas igitur Respirationis instrumenta movens, ad hoc ut eadem instrumenta simul cum superaddita non naturali resistentia moveat, tanto majorem resistentiam naturali superet oportebit, quantus est excessus non naturalis additae resistentiae supra hanc ipsam naturalem, & in inspiratione resistentia ejusmodi superatur, hoc est, tum musculi contrahuntur tanto nisu, quantum exigit resistentia superanda, in expiratione autem musculi jam contracti sunt, jam motum pectus, nempe resistentia illa non naturalis jam superata, & in expiratione nihil facultas movens operatur sponte sua se restituentibus villis; igitur in qualibet Difficili Respiratione erit inspiratio expiratione difficilior, & quidem plus minus difficilis, prout morbi causa magis, aut minus resistit motui pectoris, & reliquorum ad Respirationem concurrentium. Quoniam vero febris fieri non potest nisi vitio sanguinis, aut motus ejus determinato; in omni igitur Difficili Respiratione, in qua nec vitietur sanguis, nec motus ejus vitio febrem excitare apto, febris non aderit: Difficiles autem Respirationes, quas exponunt seorsim Medici, & nos cum illis, sunt ex earum genere, quae his vitiis carent; has enim illi praecipue solum elegisse videntur seorsim tractandas; deerit igitur in his Difficultatibus Respirationis febris. Ex iis autem, quae de Respiratione scripsimus, patent omnia, quae conjuncta sunt cum Dyspnoea, si attendatur id, quod a molestia pendet, nempe influxus spirituum in musculos per derivationem, qui facit motus frequentiores, & magnos etiam, vel per solam derivationem, vel arbitrio animalis ad levandam, & abripiendam molestiam. Quoniam vero Asthma est difficilius Dyspnoea; igitur causa ejus erit quicquid magis prohibet extensionem pulmonis, seu magis comprimit quaslibet partes ejus, nempe etiam ramos, & truncum asperae arteriae, vel easdem partes etiam intra cavitatem infarcit. Cum igitur hujusmodi causa possit esse hisce canalibus extrinseca, vel intra eorundem cavitatem

tem

tem contineri, & possit esse liquida, vel dura, manifestum est, falso asseri a Medicis tantum non omnibus causam Asthmatis esse liquidum aliquod, catarrhum puta a cerebro derivatum in canales asperae arteriae, atque ab ejus infartu provenire stertorem, & sibilum: sibilus enim, & stertor ex iis, quae de his scripsimus, semper orietur, quoties datur arteriae asperae angustia major, & necessitas copiosioris aëris ad magis explicandum pulmonem, & haec angustia, & necessitas semper aderit, quoties aderit asperae arteriae minor cavitas, & pulmonis pressio, sive ab infartu extrinseco arteriae, sive a repletione ejusdem isthaec proveniat, & cujusunque naturae sit infarciens illud, aut premens, durum nempe, aut liquidum. In Orthopnoea autem nihil peculiare continetur praeter necessitatem, quam experitur aeger, detinendi truncum in recto positu, cujus rei causam etiam in superioribus exposuimus. ^{Causae, sive Antecedentia.} Causas, & Antecedentia omittimus, cum ex se ipsis in mentem venire possint mille, & vel in aspera arteria, ut fungi, aut boli quilibet duriores deglutiti, & in asperam arteriam trajecti, vel intra ejus cavitatem geniti lapides, tumores, & ejusmodi mille, vel extra ipsam, ut haerens quidlibet deglutitum ad summum oesophagum, & asperam arteriam stringens, unde suffocatio, seu strangulatio, aut simile quiddam ad laryngem per collum intra pectus, antequam arteria in pulmonem abeat, vel intra pulmonem ipsum: rursus ab aëre, qui sit aequo rarior, vel aequo densior, frigidior etiam, aut humidior, qui condenset, vel gravet: calidior, qui exsiccet; haec enim omnia facient, ut pulmo minus apte extendatur. Rursus in sanguine quid crassum, viscidum, calidum, effervescens, nimius impetus, & similia vel nimis prementia, vel nimis calefacientia, vel laxantia &c. Denique in ipso pulmonis corpore, seu folliculis lapides, grumi humorum, thrombi, grandines &c. Hinc non semper, neque necessario: tussis cum Difficili Respiratione conjungitur, sed tum solum, quando causa est ejus stimuli, ut tussim excitare possit. Hinc etiam patet, cur Difficilibus Respirationibus obnoxii sint infantes grandiusculi, provecti ultra adolescentiam, & senes ex Hippocrate: pueri enim ob humorum infarciendum copiam; provecti ultra adolescentiam propter abundantiam sanguinis calidioris, ideoque vel infarciens, vel prementis, vel exsiccantis. Senes vero ex humoribus frigidis,

3. Aph. 24.
30. 31.

ac viscidis similiter infarciuntibus, cui infartui minus cedunt villi per aetatem senilem nimis rigidi, ac duri.

S U C C E D E N T I A.

Peripneumonia, vel Pleuritis, quarum alterutra si succedat, mortem proximam denunciat; erit enim adeo contumax, & fixa causa producens difficultatem spiritus, ut non solum per vires adhuc validiores aegri superari non poterit, verum magis compresserit usque ad occlusionem vasorum, vel expressionem sanguinis extra eadem, unde inflammatio. *Qui gibbi ex Asthmate, aut Tussi ante pubertatem fiunt, moriuntur.* Hunc Aphorismum superius in tussi exposuimus. *Strangulati, aut dissoluti nondum mortui non se recolligunt, quibus spuma circa os fuerit.* Hunc Aphorismum exposuimus in Apoplexia in explicatione spumae. Sicut autem morbi reliqui, ita Difficultas spiritus esse potest essentialis, & per consensum: idiopathica, cum causa in ipso pulmone viget primario: sympathica, cum aliunde in ipsum derivatur. Itaque idiopathica esse poterit perpetuo, si perpetuo detineatur in pulmone causa ipsam producens: & per consensum pariter perpetua; si causa continue derivetur. Quia vero fieri potest facilius, ut causa ejusmodi per intervalla temporum ad pulmonem derivetur, hinc per intervalla recurret Asthma sympathicum, & siquidem recursus derivationis sit periodicus, etiam paroxysmus Asthmatis periodicus erit. Sed & Asthma essentialis potest per intervalla temporis, & periodice recurrere, quoties causa in pulmone generabitur, quae sensim absumatur, & per certa, aut incerta intervalla temporum rursus producat, rursus absumatur, atque ita deinceps vel incerto ordine, vel eodem intervallo temporis seu periodo. Si igitur haec causa vel detineat humores ex. gr. aqueos in pulmone, ita ut iidem fluere non possint, vel iidem humores sint, qui abeant in aliquod impediens, paroxysmo Asthmatis supprimuntur excretiones, quae ab iis aqueis humoribus pendent, puta sudor, urina, saliva &c., & liberabitur aeger a Difficultate spiritus, statim ac eorundem humorum fiat larga profusio; tum enim vel illud detinens jam ab impedimento cessaverit, vel ii humores antea mutati in suam naturam reverterint. Patet igitur, quid sit Difficilis Respiratio, ejusque species cum affectionibus suis.

6. Aph. 46.

2. Aph. 43.

Idiopathica, & sympathica.

A N G I N A,

Cujus species paulo ante Galenum, ipso etiam affirmante, nimis curiose in quatuor species distinxerunt ad nominum potius pompam, quam rei momentum, videlicet Cynanche, Paracynanche, Synanche, Parasyanche.

ESt inflammatio circa fauces, & si quidem (inquirebant) sit in musculis interioribus laryngis, appellatur Cynanche: in exterioribus, Paracynanche; in interioribus pharyngis, Synanche: in exterioribus, Parasyanche. Inanis sane distinctio, neque inanis solum, imo etiam vix factu possibilis, ut quilibet statim intelligit, dummodo noverit, quam nullius magnitudinis sint musculi laryngis proprii, quam proximi inter se interni, & externi, cum nempe inter eos nihil praeter scutiformem medium sit, quae ab alterutrorum inflammatione pressa alteros premat oportet, cum sit mobilis, & ad inflammationem disponat. Qui autem sunt indices horum locorum, & ejusmodi particularum tam exiguarum, cum seorsim inflammantur? Qui sunt musculi externi, & interni pharyngis? Sed de his satis. Cum autem has distinctiones adinvenerint, ut distinguerent Anginas diversae violentiae, nempe diversi gradus, nos in genere Anginam exponemus cum affectionibus suis, quae saeviores, mitiores esse poterunt non secus, ac esse possint diversi gradus in quolibet alio morbo, & illa nomina omitemus, quemadmodum a Medicis etiam communiter omittuntur, ac rejiciuntur. Solam autem Anginae divisionem in veram, seu legitimam, & spuriam retinebimus, & in exquisitam, quam jam Cynanchen, & mitiorem, quam Paracynanchen appellant.

A N T E C E D E N T I A.

QUicquid premere potest partes faucium, vel obstruere, ita ut sistatur ad eas sanguis, & in tumorem, qui sit vera, vel mixta inflammatio, easdem attollat, vel sistere salivam in suis

suis glandulis, ita ut attollantur pariter in tumorem, frigus externum collo applicatum, inspiratio aëris frigidioris, humidioris &c. Pleuritis, Peripneumonia, Asthmatis omnis species, obstructio venarum prope jugulos, conversio vertebrarum cervicis ad interna, convulsio musculorum circa fauces, siccitas, vel quidlibet aliud collum pervertens, vel fauces exsiccans, ut nimius aestus, clamor, cantus coactus. Humor copia ad fauces, dolor ad easdem, plethora, cacochymia, febris, vel alii morbi, qui praecefferint: partis naturalis imbecillitas, tumor, vel tuberculum juxta vertebrae cervicis ad partes faucium: cibi, & potus frigidiores, ictus, vulnera, contusiones earum partium, spinae, vel ossicula iis infixae, ulcerantia per os assumpta, & quae sunt hujus generis tantum non infinita.

CONJUNCTA.

Cum spuria, absentia febris. Spuria autem, quae a luxatione vertebrarum colli, & quae ab humore frigido. Haec igitur cum illa conjuncta sunt, nempe luxatio introrsum (& cum luxatione colli positus, & motus ejus vitatus,) & copia humorum frigidorum, qui tum magna copia confluent ad os. Reliqua communia sunt etiam Anginae legitimae. Cum hac igitur haec conjunguntur. Febris major, aut minor, & continua: difficultas respirationis major, aut minor, sine ulla aut cum aliqua pectoris, aut pulmonum laesione cum periculo, & sensu suffocationis, si Angina sit exquisitior. Deglutitio plus minus difficilis, ita ut ingerenda quaelibet aliquando per nares reddant: aliquando major difficultas respirationis, quam deglutitionis: aliquando major deglutitionis, quam respirationis: aliquando Orthopnoea etiam cum sublimi respiratione, & ore hianti. Dolor ad partes faucium altior, humilior, cutaneus, profundior, antérieur ad alterutrum latus, ad utrumque. Tumor aliquando exterius conspicuus, & ruber, aliquando nullius coloris, durior, mollior, aliquando non conspicuus exterius cum sensu doloris interioris, & suffocationis: lingua livida, nigra, inflexa, retorta. Aliquando durorum difficilior, quam liquidorum deglutitio. Aliquando febris cum rigore, dolor capitis, maxillarum intumescencia, difficilis salivae deglutitio, fauces plenae saliva viscosa, sed non excreat, non decumbit, difficulter loquitur. Aliquando tumor linguae ad posteri-

riora, & tonsillas, aliquando tumescit gurgulio, aliquando sub lingua, & prope pectus: oculi prominent, ut strangulatis, intente intuentur, nec converti possunt: anxietas, ardor in facie, faucibus, collo: intuentibus nihil mali habere videntur. Sensu, & intellectu hebetes, aliquando nullus sensus, sopor, venae colli tumidae. Vox clangosa, rauca, strangulabunda, stertor. Quae igitur Angina cum horum gravissimis conjuncta est, legitima & exquisita dicitur, vel Cynanche: quae cum levioribus, Paracynanche.

S U C C E D E N T I A.

Peripneumonia. *Si febre detento suffocatio derepente superveniat nullo in faucibus apparente tumore, lethale. Angina correpto si tumor appareat in collo, bonum; foras enim morbus vertitur.* Quibus ex angina liberatis ad pulmonem mali sit conversio, ii intra dies septem moriuntur; si vero hos evaserint, purulenti evadunt. Strangulati nondum mortui non se recolligunt, quibus spuma circa os fuerit. Ab Angina detento tumor, & rubor in pectore superveniens, bonum; foras enim morbus vergit. Narium pinnae motae, respiratio exigua, & longa, extrema frigida, & livida, pulsus parvus, sudor frigidus sub axillis sunt mortis instantis affectiones.

Et si cum Angina tot conjuncta sunt, mille possunt antecedere, nec pauca succedunt: rem tamen totam brevissime, atque facillime expediemus. Quoniam enim Angina est inflammatio, nempe tumor ad fauces; produci igitur illa poterit ab iis omnibus, a quibus inflammatio, sed haec vel per subsistentem sanguinem intra arteriolas, easque proinde distrahentem, vel propter ejus exsudationem ex iisdem; igitur Angina a quibuscunque vel sistentibus, vel exsudare facientibus sanguinem e vasis suis. Id ipsum de saliva intelligendum esse patet, tum quia ipsa subsistens in canalibus suis eisdem extendit extrorsum, tum quia etiam exsudans ex iisdem infarcit vasa, in quae defluit, adeoque producit tumorem sui generis. Sistencia autem humores, vel in exsudationem perducencia possunt esse exprimentia quaelibet, ut patet, ad quae revocanda sunt frigida densando villos, & coagulando, adeoque sistendo humores: humida vel infarciendo, vel laxando villos,

Antecedentium ratio.

Qqqq

ut

ut in paginis, vel contrahendo, ut in chordis, & funiculis: humorum copia ad fauces premendo solum, vel vasa nimis infarciendo, ita ut motus fiat tardior, vel exsudatio, & simili ratione operabuntur plethora, & cacoehymia: huc referenda est colli luxatio introrsum; premit enim glandulas, aut vasa sanguinis, aut utraque, unde tumor in collo ad locum pressum: huc convulsio musculorum per collum, & fauces positorum; similiter enim prement per continuam, & validam contractionem, huc tumor, vel tuberculum colli ad partes faucium; premet enim similiter. Similiter ad haec pertinet insita imbecillitas partium, quae sua debilitate concidunt, & proinde minus vivide allabentia liquida in fluxum agant, adeoque subsistant, & tumorem pariant: ictus, & contusiones, & vulnere vel solum premendo, vel humores e suis canalibus in interstitia derivando, in quibus stagnet. Siccitas dirigere coget villos, unde affluentibus humoribus non cedent, humoresque subsistere cogentur, eoque magis, quod siccitas liquidiorum etiam ipsorum partem aut absument, aut sistet, unde etiam ex se ipsis fient minus ad motum faciles, similique de causa calida praecipue cum siccitate conjuncta, imo facilius propter calorem magis exsiccantem producent Anginam: sic clamor, & cantus coactus huc faciunt, cum propter motum calecant clamantes, & absument humidum. Dolor cum absque majuscula aliqua divisione non fiat, poterit aliquando etiam pendere a laceratione aliquot canaliculorum, ex qua effusio humorum, unde tumor; sed etiam absque illa effusione fieri tumor poterit per solum stimulum, & fluxum derivationis: ad dolorem, & vulnere pertinent spinæ, & ossicula infixæ faucibus, & quaecunque ulcerant. Febres, quae praecefferint, deponere possunt materiam in quacunque parte corporis, quae vel sit propter imbecillitatem inepta expulsionem ejus materiae, vel natura apte separationi ejusdem quidem materiae, sed propter copiam ejus non valeat ipsam totam secernere intra idem temporis spatium, quo ex sanguine eandem recipit. Asthma, Pleuritis, & Peripneumonia conjuncta semper sunt cum quiete sanguinis, vel saltem velocitate minori, quam naturalis esse debeat ad truncos, & ramos principes venae cavae; in singulis enim illis affectionibus prohibetur excursus sanguinis per pulmones, unde sub-

subſiſtat ad auriculam dextram &c. opus eſt, adeoque in tumorem attollat colli partes. Similiter itaque idem continget tumor, ſi quacunq; de cauſa venae ad collum, & fauces obſtruantur, ut patet. Non minus expedite, plane, ac breviter conjuncta omnia ex ſua neceſſitate deducemus. Et primo quidem in ſpuria per luxationem, aut inverſionem colli luxatio ad partes faucium premet, unde tumor: ſic inverſio cum fieri non poſſit abſque eo, quod membranae canaliculorum, & quarumlibet aliarum partium in parte, quae invertitur, contentarum diſtrahantur, neque diſtrahi, quin comprimant, prement pariter. Deerit autem febris, cum non ſit vitium in humoribus; cum autem per ſolum tumorem ſucceſſu temporis etiam ſanguis vitiari poſſit, fiet aliquando, ut etiam in Angina ſpuria, quae ſit a luxatione, vel inverſione, adſit febris. Similiter ſi fiat ab humoribus frigidis, aderit preſſio, & quidem erit vel per cacoſymiam univerſalem, ac tum erit facilior in febrim lapſus, vel per vitium aliquod peculiare in glandulis, totum fere ſanguinem in humorem ſalivalem convertentibus, ac tum febris difficilior; neque enim corripere poterit, niſi poſtquam vitium ejuſmodi univerſo ſanguini communicatum fuerit, atque inſuper oportebit, ut ſit ejus naturae, quae requiritur ad fermentationem, obſtructionem, &c. cum per haec febris fiat. Quoniam igitur Angina exquiſita eſt tumor ad fauces, guttur, & collum, per has autem partes ducuntur canales cibi, & potus, & aëris, niſi igitur utrique naturaliter pateant, & moveri poſſint, nec deglutitio, nec reſpiratio ſuccedere poterit juxta naturae ordinem: non patebunt autem, ſi comprimantur, & Angina comprimit: prout igitur Anginae tumor utrumque canalem ex aequo comprimet, vel moveri prohibebit, vel plus minus alterutrum, ex aequo vitiabitur deglutitio, & reſpiratio, vel ipſarum alterutra plus minus. Maniſteſtum autem eſt, quo exterior, & minor, & mollior eſt tumor, eo minus comprimendos canales expoſitos: quo laryngi proximior, vel in ipſa larynge fuerit, eo magis reſpirationem, & deglutitionem laedendam; prohibebitur enim laryngis motus, qui etiam ad deglutitionem ex iis, quae de hac operatione ſcripſimus, neceſſarius eſt, & tumor magis ocludere poterit ſummum oſophagum, ad quem cum hient palati foramina in nares ducen-

tia, materiae quaelibet deglutiendae ad palatum perductae, ibique pressae per impetum a linguae motu conceptum, & duriorum tumoris obicem in patentia foramina exprimentur, & reddentur per nares. Quod si inflammatio sit minor, neque ex toto prohibeat motus canalium, neque premendo eos prorsus occludat, ea facilius deglutientur, quae minori impetu, & cavitae oesophagi indigent, ut deglutiantur: haec autem sunt quae sponte sua diffluunt, & ex se ipsis cuilibet angustiae se accommodant, nempe liquida: liquida igitur aliquando facilius deglutientur, quam dura, seu solida. Quo autem humilior erit inflammatio, nempe quo magis versus jugulos, & ad partes externas colli, eo minus patietur oesophagus, cum interiora colli respiciat, & ad eas partes cedere possit. Si vero angustia asperae arteriae sit maxima, ita ut per ipsam non nisi difficillime quantitas aëris naturali respirationi sufficiens duci possit, omnia tentabimus, ut aptam illam quantitatem ducere valeamus, adeoque musculos omnes pectoris movebimus, & pectus ipsum pressione scapularum, & brachiorum levare conabimur, unde respirationem sublimem exercebimus, & Orthopnoice spirabimus, tum ut illam etiam resistentiam vitemus, quae provenit a pressione pectoris supra lectum, cum etiam ut pulmo minus super asperam arteriam premat, seu fiat fluxus aëris per eandem facilius. Cum itaque angustia fistulae pulmonaris per pressionem fuerit maxima, fiet respiratio cum sono stertoris, sibili, vel cujuslibet alius, ut ex iis, quae de respiratione, & sono scripsimus: vox immutabitur pro ratione mutationis in quantitate, & impetu aëris, qui respiratur, & canalis, per quem ducitur, unde si adsit siccitas, vel humiditas inaequalitatem superficiei, tensionem, vel concidentiam nimiam in eadem faciens, fiet vox rauca, clangosa &c. Ulterius tum ratione harum mutationum, cum etiam ratione motuum, qui per pressionem, calorem, vel humorum copiam possunt ad os hyoides, & linguae basim, & musculos ejus prohiberi, fiet, ut lingua minus apte moveri possit, unde vox, & loquela difficilis, ac tandem ingravescente morbo plane sublata: quibus adde, per eandem pressionem obstrui posse nervos, & arterias, per quas ducuntur liquida contrahentia. Ore etiam hiante succedet aliquando respiratio, vel ab assuetudine in necessitate ducendi ingentem

copiam aëris, vel quia per calorem, & dolorem ad fauces convulsus sit musculus digastricus, vel inflammatio ad ipsum usque pertingat, cujus contractione cum maxilla inferior deorsum trahatur, eo convulso os in disclusione constituetur, & permanebit. Ob inflammationem dolor, ut pater, & doloris locus, ubi inflammatio, quae si profundior fuerit, fieri poterit, ut tumor non pertingat ad usque cutim, unde dolor etiam acerrimus sine externo tumore: si magis cutaneus fuerit, apparebit rubor, si inflammatio sit exquisita, albus, aut nullius coloris; si cum pituita &c. sit inflammatio, oedematodes &c. & ad alterutram, vel utramque partem durior, mollior, &c. pro diversitate materiae, & quantitate, & diversitate loci. Licet autem ad cutem non appareat, suffocationes sensum & ipsam suffocationem poterit producere, quoties erit ad contactum fistulae pulmonaris in ejus corpore, vel cavitate, ita ut eandem valide premat, & excursum aëris prohibeat. Haec igitur omnia contingent, siue tumor sit ad tonsillas, & posteriora linguae, siue in gurgulione, siue sub lingua, & prope pectus. Linguae autem motibus ad fauces, oesophagi, & laryngis vitiatus, & respiratione plurimum laesa, neque excreare poterit aeger, cum ea omnia ad excreationem concurrant, ut in excreatione nostra exposuimus, eoque facilius continget excreationis impotentia, si pituita viscida, nempe maxime resistens motui, ad fauces haereat, & adsit copia talis humoris: vel propter calorem, & siccitatem absumentem partes liquidiores, vel propter abundantiam ejus in sanguine, vel vitio glandularum separantium. In hunc modum affectis dari poterit rectus positus, seu non decubitus ob difficultatem respirationis. Quoniam vero per collum arteriae carotides, & venae jugulares ad caput tendunt; si igitur utraque per inflammationem comprimantur, nec sanguis in cerebrium fluere, neque refluens duci poterit in pulmones, sed subsistet in facie, & faucibus, hinc igitur intumescent oculi, & fiet eorum motus quasi tonicus, & apparens intentus, seu fixus intuitus: anxietas aderit, nempe quidam anhelitus laboriosus propter angustiam fistulae pulmonaris, calor in facie, collo, faucibus ob moram sanguinis ad eas partes, & viciniam, vel praesentiam inflammationis: tumbent venae colli, cum ex iis non derivetur sanguis in truncum. Sanguine au-

tem non derivato per Carotides ad cerebrum, cessabit pressio, & generatio spirituum, vel obstructis venis, & non arteriis subsistet ad cerebrum, & nimis premet, adeoque sensuum & mentis hebetudo, nullus sensus, aut sopor: quae si fiant, etiam tolletur motus, & aeger converti non poterit, sicut etiam in aliquibus partibus, puta brachiis, ac pectore tolli poterit motus, & sensus per solam pressionem nervorum, qui per collum ad eas partes ducuntur. Lingua livida, nigra, inflexa, retorta: prima quidem duo a sanguine sistente propter obstructionem ad fauces, magisque sicco per vim caloris proximi ab inflammatione, qui quo copiosior, & siccior, eo nigrioris, seu magis lividi coloris, quo autem minoris quantitatis, & humidior, eo minus vividus linguae color. Inflexa autem, aut retorta vel per convulsionem musculorum alterutrius, vel fibrarum sursum, aut deorsum inflectentium, ut de digastrico dictum est, vel per eorundem exsiccationem ab Inflammatione, vel in contranitentibus ipsorum alterutro resoluta per obstructionem nervorum, aut arteriarum. Si igitur arteriae carotides compressae supponantur, subsistet sanguis ad pulmones, unde inflammabuntur, & succedet Peripneumonia, sicut etiam eadem succedere poterit compressis nervis, ex collo abeuntibus in musculos pectus moventes; neque enim ii muscoli moveri poterunt, neque moveri pectus, & trajici per pulmones sanguis iis immotis: quin sola difficultas spiritus Peripneumoniam poterit producere, cum per ipsam prohiberi possit apta pulmonis dilatatio, unde sanguis intra ipsum subsistet. *Febre quis detineatur, & subito suffocari se sentiat nullo tumore apparente in collo, faucibusque; materia igitur febrifica cumulatur intime intra collum, ita ut vias spiritus occludat, vel quid simile pariat exsiccando &c. Illud igitur lethale. Si in angina tumor prius ad cutim, seu externas partes non apparuerit, mox vero appareat, fiet id per tumoris augmentum extrorsum, unde minus introrsum premet, & boni erit ominis: non tamen ita res se habebit necessario semper; fieri enim potest, ut sicut crescit ad exteriora, ita & crescat ad interiora, & urgeat canales: si tamen fiat exterior, medicamentis facilius tractari poterit. Decimum Aphorismum Sectionis quintae superius exposuimus: quadragesimum vero tertium Secundae in Apoplexia; quibus addimus, fieri etiam spumam posse in sum-*

Succeden-
tium.

14. Aph. 34.

6. Aph. 37.
& 7. Aph.
49.

ma

ma angustia fistulae pulmonaris cum paucitate pituitae; illa enim angustia, & hujus paucitas facient, ut per minimas partes misceri possit aër & pituita, & spuma fiet: mors autem continget per interceptionem spiritus. Si vero nares moveantur, erit ex iis, quae de Stertore scripsimus, argumentum summae penuriae aëris, sicut respiratio exigua & longa. Extrema frigida & livida, defectu sanguinis, qui advenire deberet, & quiete ejus, qui jam affluxit refrigeratusque est. Pulsus parvus a viribus fractis, & paucio sanguine. Sudor frigidus a defectu motus & copiae sanguinis, & praecipue si sub axillis fit, ubi locus natura calidior. Haec igitur omnia proximae mortis sunt argumenta.

F I N I S.



INDEX CAPITUM.

DE URINIS.

P ars prima continens quaedam de Urinis in genere, & quae ad Urinas naturales pertinent.	Pag. 1
Pars altera continens quae ad Urinas non naturales pertinent.	18
Pars tertia continens quid illae habeant, quod ad Rem Medicam faciat.	23
Pars quarta continens Commentaria in praecipua loca Hippocratis de iisdem.	31
Idem juxta ordinem Dureti de Urinis.	34
Rursus ex Coacis juxta Dureti ordinem.	51
Ex Aphorismis.	55
Ex Libris Prognosticorum, sive Praenotionum.	58
Ex primo Prorrheticorum, seu Praedictorum.	60

DE PULSIBUS.

Pars unica continens quicquid ad ipsos spectat in Arte Medica.	62
--	----

DE MISSIONE SANGUINIS. 84

De Stimulis.	163
De Medicamentis.	191

DE FEBRIBUS.

Antecedentia, Conjuncta, & Succedentia singulis febribus.	245
Febribus continuis simplicibus.	251
Febribus continuis periodicis.	257
Febribus intermittentibus periodicis.	266
Febribus erraticis.	270
Conjuncta cum febribus in genere, seu, ut appellant, Symptomata febrium communia.	271
Quid sit Febris.	272

INDEX CAPITUM.

DE MORBIS CAPITIS.

<i>Apoplexia.</i>	431
<i>Carus.</i>	449
<i>Coma, seu Cataphora, seu Subeta Avic.</i>	456
<i>Lethargus, seu Lethargia, vel Latine, Vternus.</i>	458
<i>Lethargus Spurius, seu Coma vigil, seu Typhomania Galeni.</i>	471
<i>Phrenitis.</i>	477
<i>Paraphrenitis.</i>	490
<i>Mania.</i>	495
<i>Melancholia.</i>	508
<i>Paralysis, seu Resolutio.</i>	516
<i>Convulsio, seu, ut Celsus, Distensio, σπασμὸς Graecis.</i>	528
<i>Horror, & Rigor.</i>	547
<i>Tremor.</i>	555
<i>Epilepsia, Morbus Sacer &c.</i>	556
<i>Dolor in genere.</i>	560
<i>Dolor Capitis.</i>	568
<i>Vertigini praemittendum.</i>	574
<i>Vertigo.</i>	585
<i>Catoche, seu Catalepsis, seu Congelatio, vel etiam Sideratio.</i>	593
<i>Incubus, seu Ephialtes.</i>	597
<i>Catarrhus.</i>	601

DE MORBIS PECTORIS.

& Pulmonum, & primo Cordis.

<i>Intermissio pulsus.</i>	605
<i>Syncope, Lipothymia, Lipopsychia, Apopsytia, Echysis, Asphyxia</i>	624
<i>Virium imbecillitas.</i>	628
<i>Palpitatio Cordis, sive παλμὸς Graecis.</i>	630
<i>Peripneumonia, seu Inflammatio Pulmonis.</i>	632
<i>Pleuritis, seu dolor lateris, seu inflammatio Pleurae, ubi etiam</i>	
<i>Inflammatio Diaphragmatis.</i>	647
<i>Empyema, seu puris collectio in cavitate Pectoris.</i>	649
	Rrrr
	Tussis

INDEX CAPITUM.

<i>Tussis.</i>	655
<i>Vomica Pulmonis.</i>	656
<i>Haemoptysis, vel Haemoptoë, seu Sputum Sanguinis, ubi Anastomosis, Diaeresis, Diapidifis, Rixis, & Diabrosis.</i>	660
<i>Difficilis Respiratio, sub qua Dyspnoea, Asthma, Orthopnoea, Suffocatio, ad quam Apnoea.</i>	666
<i>Angina, ejusque species.</i>	671

FINIS.



INDEX RERUM ET VERBORUM.

A.

- A**bscessus ad Articulos qualis Urina tollat pag. 56. 57. ad loca infra septum transversum futurum qualis urina denotet? 42. 43. 58.
- Abcessus post Aures & Crura succedens Peripneumoniae cur salutaris? 644
- Abstinencia a cibo potuque diuturna unde? 369. 503
- Aëris calor vitiat motum sanguinis 285. frigidi cupido in Peripneumoniciis unde. 641
- Alvus adstrictior unde 485. ejus dejectiones albae unde? *ibid.* biliosae in Tertianae continua 387. involuntariae, nec perceptae in Phreniticis cur lethales? 488. parvas cur urina copiosa indicet? 57. nigrae Melancholicis supervenientes cur prosint? 514
- Alvi fluxus a lentore cum frigore 367 solvit Convulsiones juxta Hippocr. 535. cur in Peripneumonicis malum indicium. 644
- Alvus liquida in Lethargicis unde, & cur sit exitialis. 466. 469. ejus indicium qualis urina? 45
- Alterantia, eorumque utilitas. 161
- Angina 671. dividitur in veram & spuriam, it. in exquisitam seu Cyanachem, & mitiorem seu Paracynachem. 671. exquisita & spuria quae? 672. 675. causas habet varias. 673. unde dolor iste ad partes faucium varius in Anginosis. 677
- Anhelitus crebri in Peripneumon. 639
- Animi passiones cur ad Maniam disponant? 498. vitiant qualitatem sanguinis. 297
- Anxietas in febribus malignis, Peripneumonia, & Tertianae continua unde? 387. 398. 640
- Apnoea quid sit. 667
- Apophlegmatismi quotuplices. 134
- Apoplexia. 431. quid sit? 448. est idiopathica & sympathica 449. est Paralysis universalis. *ibid.* fit a compressione cerebri. 435. a pravis solum humoribus sine pressione vel quantitate aucta. 441. omnium fortissima & subito interimens fit a defectu sanguinis. 442. nihil habet communionis cum somno. 448. ejus mori invasurae qualis urina. 439. ejus sublationem futuram qualis 53. cur succedat Vertigini? 591. cur Apoplectici restituti plerumque fiant Paralytici? 432. 447. quomodo Apoplectici excitentur clave mascula? 179
- Apopsytia quid sit, & unde dicatur? 624
- Aquarum vis, & circa eandem instituta experimenta. 143. fluxilitas unde? 149. frigidarum affusio cur in haemorrhagiis bona? 152
- Ardor in facie, faucibus, & collo Anginosorum unde? 677
- Arteria capillaris transversim secta sanguinem totius effundit 63. earum membranae lympham exsulant. 67. 68
- Arteriae omnes moveri debent extrorsum & introrsum, alterne & aequaliter per totum vitae spatium. 68. extrorsum moventur eodem puncto temporis, quo constringitur cor. 69. brevissimo tempore persistunt in motu extrorsum. 67. pulsant propter impetum sanguinis. 73. non pulsare possunt, nisi Cor moveatur. *ibid.*
- Arteriotomia praevallet Venaesectioni, 124. 125. 128. 155. ubi instituenda. 129. 131. ejus effectus. 126. 128. maiorem vasorum quandoque periculosa. 131

Afciticorum Urina qualis perniciofa.

54
Aspectus torvus & trux Maniacorum unde? 503

Asphyxia quid fit & unde ita dicatur? 624. 626

Affodes pertinet ad Tertianam continuam. 390

Asthma quid fit & unde. 667. ejus causa non semper est aliquod liquidum 669

Atrophia Maniacis superveniens cur lethalis? 505. in Paralyticis unde? 522

Audacia in Maniacis unde? 502

Autumnus & aestas cur facilius Maniam producant, quam reliqua Anni tempora. 498

Aura frigida in Epilepticis a parte quadam externa ad Cerebrum excurrens, ibique vellicans &c. quid fit & unde? 557. prohibetur injecto vinculo parti auram mittenti. *ibid.*

B.

BAlnea. 141. &c. Aquae communis. 141. 149. Olei. 150. Thermarum. 149. eorum usus. 143. causa sunt vitii motus sanguinis. 285

Bechica quid sint, & quomodo operentur. 231

Bilis immutatio a lentore cum frigore 366. cum calore. 374

Biliofi cur in Maniam sint aliis procliviores. 498

Bubonum effectus. 290

C.

CAchéxia saepe succedit Quotidianae continuae. 380

Cacochymia generalis quomodo ad Apoplexiam disponat? 440

Calculus Vesicae qualis denotet Urinam? 57

Calida quaevis cur vitient qualitatem sanguinis. 298

Calor a sanguine crasso. 323. in Ira copiosus, sed blandus. 289. in Tristitia acrior & non copiosus. *ibid.* naturalis variat variante motu sanguinis. 287. superveniens Paralyfi cum frigore cur sit bonum indicium? 528. qualis sit a Bubonibus. 290. Plenitudine. 291. ex adstrictione Cutis. 290. animi contentione. 289. Lassitudine. 290. vigiliis. *ibid.* in febribus malig. 401. Quartana continua. 393. urens in Tertianae contin. 385. capitis cur remissior sit in Paraphrenide, quam Phrenitide? 494

Cantillatio Maniacorum unde. 504

Capitis dolor, V. Cephalalgia, gravamina a lentore cum frigore. 362. cum calore. 370

Carbunculus quinam pestilens? 263

Cardialgia a lentore cum frigore. 367

Carebaria quid fit? 571

Carunculae in Urina quid & unde? 22

Carus quid sit. 449. 455. nil aliud est, quam infirmior Apoplexia, & veluti primus ad ipsam gradus. 450. ejus Causae variae. 451. &c. proprie somnus dici non debet. 455. facile in convulsionem abit. *ibid.* cur hoc affectu laborantes, si interrogentur, non respondeant. 454. cur libere respirent sine stertore. *ibid.* cur laesa Respiratione facile in Apoplexiam incidunt? *ibid.*

Catalepsis. 593. &c. quid fit? 596. vocatur ecstasis naturalis. 593. quae per pressionem Cerebri fit, verius est Apoplexia quam Catalepsis. 596. ejus Causae variae. 594. &c. quae ex contentione animi fit, cur facile in Delirium abeat? *ibid.* non fit a congelatione liquidorum i. e. spirituum, aut sanguinis &c. 596. ejus urina alba cur pessima? 42

Ca-

E T V E R B O R U M.

Cataphora, V. Coma.

Cataplasmata quomodo operentur ?

221

Catarrhus quid sit ? 601. idiopathicus est & sympathicus. 604. non a Cerebro per glandulam pituitariam & foramina ossis cribriformis depluit : sed per venas & arterias vel exsudat , vel in eas ex glandula pituitaria defluit. 601. nil ejus in Pulmones depluit, 602. interdum tamen e pulmonibus originem ducit. *ibid.* oritur etiam ab aliis partibus, & sanguine primario affecto , tumque Cerebrum aut Caput praecipue affici videtur. *ibid.* quando a Cerebro per causam internam caloris aut frigoris , aut humiditatis , 603. quomodo a prohibita perspiratione oriatur. *ibid.*

Catarrhosis qualis urina periculosa ? 37

Catoche V. Catalepsis.

Causus 248. quid sit. 312. 388. ejus causae antecedentes & conjunctae. 244. succedentia. *ibid.* antecedentia vitiant sanguinem 308. conjuncta & succedentia a sanguine vitiato pendent. 343. ejus. Urina alba cur pessima ? 42. pertinent ad tertianas periodicas. 248. 257. 388

Cephalaea quid sit ? 571

Cephalalgia quid sit ? 571. in Apoplecticis unde ? 437. assidua in Maniacis unde. 499. in Phreniticis mox evanescens unde ? 482. ejus urina cur alba. 43. ejusdem praesentis vel futurae qualis sit urina ? 55. 572

Cerata eorumque modus operandi. 221

Cerebrum inflammari potest. 489

Cervicis dolores quid excitent. 530.

535

Chorea S. Viti quid & unde. 507

Clamor in Comate Vigili unde ? 474

Colli dolores quid excitent. 530. 535.

graves in Lethargicis unde. 463. in-

torfio in Syncoticis unde & quid indicet ; 627

Colliquamentum cur denotet urina telam araneae habens. 44

Colorum urinae doctrina generalis. 10

Coma. 456. nil aliud est , quam Causus debilis. *ibid.* causae ejus fere eadem ; quae Cari, nisi quod sint leviores. *ibid.* non est somnus, sed tantum privatio sensus & motus. 458. cur Comate affecti facilius excitari queant, quam qui Caro. 456

Coma vigil. 471. unde. 472. quid sit. 477. Unde hoc affectu laborantes mox e lecto exiliant, sibi que ipsis manus violentas inferant, mox iterum decumbant &c. 474. cur intuitum torvum habeant ? *ibid.* humorem tenuem e naribus stillent. 475. in Phrenitidem & Lethargum abeat ? *ibid.*

Contagium in quo consistat ? 407

Contusio capitis quomodo Phrenitidem excitet ? 487

Convulsio 528. &c. quid sit ? 544. ejus doctrina difficultis 532. fit juxta Hippocratem, vel a repletionem, vel ab inanitione. *ibid.* a copioso sanguinis fluxu mala. 533. Purgationi immodicae superveniens mala. *ibid.* ab Helleboro lethalis. *ibid.* a medicamento potu mortifera. *ibid.* muliebri profluvio superveniens mala. *ibid.* in febre malignum quid pronunciat. *ibid.* febris succedens cur periculum denunciet ? *ibid.* ab Ileo cur mala. 534. in Vena facta quid praestet ? *ibid.* fit etiam ex laboribus, casibus, plaga, &c. *ibid.* a nervo praeciso. 536. a punctura nervi. 544. non a solo nervo affecto. 540 a siccitate vel humiditate musculi. 527. 540. ab evacuatione nimia liquidi. 537. a frigore. *ibid.* a calore. 540. a copia nimia liqui-

Rrrr 3

di

INDEX RERUM.

di. 539. a crassitie & acrimonia non naturali sanguinis & spirituum. 540. ab impetu spirituum. *ibid.* ab infartu humoris intra villos musculorum. 541. a duritie & densitate villorum. *ibid.* a derivatione liquidi copiosioris ex altero musculorum contranitentium. 542. a Paralyfi. *ibid.* a pressione Cerebri. *ibid.* a Vulnere, Contusione, Inflammatione &c. 544. in Phrenitide unde; 486. lethalis, sed cum spe salutis. 487. Maniacis superueniens cur lethalis? 505. ejus Urina cur pelliculosa? 43. ejus sublationem futuram qualis Urina denotet? 53. eam futuram quid indicet? 61. quae Urina praenunciet. 46. cur in ea nulla sensuum & mentis fiat laesio?

542

Corporis totius depravatio a lentore cum frigore 362. cum calore. 370

Cordis constrictio est causa impulsus sanguinis in arterias. 64

Cor primas partes in Pulsu obtinet, sanguis secundas. 69. poterit moveri absque sanguine, sed non contra. 70

Corona in urina unde? 23. ex ea nil praedici potest. *ibid.*

Crisis februm 243

Critici dies februm. *ibid.*

Crisin citam qualis denotet Urina? 47

Cruditates motum it. qualitatem sanguinis vitiant. 285. 299

Cucurbitulae siccae & scarificatae. 135

Curae in Maniacis unde? 505. quem generent sanguinem. 391

Cura morbi certae cujusdam partis qualis? 129. per omnia vasa distributi. *ibid.*

Cynanche quid sit? 671

Cynanthropia quid sit? 507. ad cujus Delirii genus referenda? 514

D.

DEcubitus crebrius mutatus, it. in latus affectum in Peripneumoniacis unde? 640. 643. Melancholicorum cur siderationem. h. e. Apoplexiam, it. Convulsionem, Maniam & Coecitatem pariat? 513. supinus in Lethargicis unde? 465. vel dormienti similis in Comate vigili unde? 473.

Deglutitio liquidorum difficilis in Comate vigili unde 475. difficilior aliquando durorum, quam liquidorum unde in Angina. 676. aliquando prohibita in Peripneumoniacis unde. 638

Deliquium animi a missione sanguinis. 621. a rarefactione insigni sanguinis 108. ex solo metu. 105. &c. ex defectu spirituum. 104. ex obstructione arteriarum piam matrem constituentium. 106

Delirium quanam urina, it. pulsus praenunciet. 60. 80. a lentore cum frigore. 361. cum calore. 370. in Comate vigili unde? 474. in Lethargicis quot de causis fiat. 462. vehementius unde Convulsionem portendat. 476. in febris malignis. 402. Tertiana continua. 386. in febris Variolarum unde? 417. Maniacorum levi de causa unde. 500. cur sit perpetuum in Mania essentiali & per intervalla in sympathica. 501. Melancholicum non conjunctum necessario cum causa atrabilarii temperamenti: sed cum praecedente fixa alicujus rei opinione. 511. causa hujus Melancholici delirii inepte statuitur esse spiritus animalis tenebrosus &c. *ibid.* continuum in Paraphrenitide unde? 491. cum risu unde? 492. in Peripneumoniacis unde?

641. Phreniticorum interruptum praecipue ad accessiones vel exacerbationes febrium unde. 479. perpetuum unde. 483. cum risu est incerti omnis. 488.
- Dentitio cum alvo laxiore conjuncta, & febre acuta superveniente raro Convulsiones excitat. 535
- Dentium stridor in Apoplexia it. Phrenitide unde? 438. 483
- Dentibus carentes quomodo sanguinem vitiosum generent. 376
- Derivatio humorum quid sit & quomodo fiat. 174. &c. 198
- Desipientia a sanguinis profluvio cur juxta Hippocratem mala. 533. ab Ileo cur mala. 534. a Vigiliis cur mala. *ibid.*
- Diaphragmatis Inflammatio. 649
- Diarrhoea quomodo solvat Paralyfin? 528
- Diastrale Cordis & Arteriarum quid sit. 82. 83
- Digitorum dimotiones & intorsiones. 179. summitates unde rigosae fiant in iis, qui balneis immorantur. 142
- Dimotio sanguinis quomodo contingat. 109. facilis. 112. &c.
- Divulsio quid sit. 168
- Diuretica, eorumque tam externe applicatorum, quam interne assumptorum modus operandi. 223
- Dolor in genere quid sit. 561. quatuorplex apud Medicos. *ibid.* in eorum singulis tensio seu causa doloris tensivi datur. *ibid.* frangitivus quo pacto fiat. *ibid.* cum tensione periostrii. 562 gravativus quomodo & unde. 563. 566. cum tensione partium gravatarum. 563. species hujus quaedam datur sine tensione in summa partium dissolutione. *ibid.* pulsativus quomodo & unde. 562. cum tensione arteriarum. *ibid.* pungitivus quomodo & unde *ibid.* cum tensione partium punctarum.
562. facile conjungitur cum inflammationibus imprimis partium nervosarum. 565. in Pleuritide unde. 648. tensivus unde *ibid.* a flatu & fermentescentibus, it. in qualibet parte fieri potest. 567. magis intensus ad membranas, & ad eas, quae natura magis tensae sunt. 566
- Dolor in Peripneumoniacis qualis & ubi. 641
- Dolor quilibet per imaginationem excitari potest. 567. causa existit vitii sanguinis in motu. 283. in Convulsionibus unde. 539.
- Dolor Capitis quid sit. 568. idiopathicus & sympatheticus. *ibid.* externus & internus, & quomodo dignoscendi. 563. 569
- Dropaces quid sint, & quomodo adhibendi. 182
- Dysenteria Maniacis superveniens boni ominis. 505
- Dyspnoea quid sit &, unde. 667

E.

- E**briaetas vitiat motum sanguinis. 285
- Ebriorum mutatio corporis, motus incompressi, ac tandem collapsus unde. 584
- Eclipsis quid sit, & unde dicatur. 624
- Elephantiasis oritur ab humore terreo. 521. superveniens Melancholicis cur prodest. 514
- Elodes pertinet ad Tertianam continuam. 390
- Emplastrum quomodo operentur. 221
- Empyema quid sit. 544
- Empyema. 649. Causae ejus. 651. ejus incipientis signum pathognomonicum quodnam sit. *ibid.* confirmati signa quatenus. 650. cur cibi appetentia, sitis cessatio, alvi feces naturalia.

INDEX RERUM

- turalibus similes redditae Empyicū
evasurum indicent. 654. cur senes &
juvenes Empyici ut plurimum mori-
antur. *ibid.* cur humidioris tempe-
ramenti Empyici difficile evadant.
ibid. quomodo succedat Peripneumo-
niae. 645
- Endemius morbus quis sit. 262
- Ephemera legitima. 248. quid sit. 293.
296. 297. 303. *ibid.* ejus causae unde
pendeant. 251. 286. 294. 296. seq. plu-
rium dierum. 253. quid sit. 286. 296.
297. causae ejus. 253
- Ephialtes, vid. Incubus.
- Ephidrosis in Apoplecticis unde. 444
- Epiala pertinet ad Quotidianam conti-
nuam. 381
- Epidemius morbus quid sit. 262
- Epilepsia unde ita dicatur. 556. quid sit.
559. contagiosa antiquis credita. 556.
quaenam symptomata conjungantur
cum Epilepsia perfecta. 557. cum im-
perfecta. *ibid.* cum idiopathica & sym-
pathica, ut a Ventriculo, Jecore,
Liene, Utero, partibus externis.
ibid. a lumbricis. 558. Causae Epi-
lepsiae rariores. *ibid.* non oritur a so-
la materia acri irritante, sed ab o-
mnibus causis, a quibus excitari pos-
sunt motus convulsivi. 559. cur ple-
rumque succedat Vertigini. 591. cur
nunc antecedit, nunc sequatur Me-
lancholiam. 513. ejus instantis urina
qualis. 50
- Erysipelas extremorum vitiat motum
sanguinis. 284. qualitatem sanguinis.
299
- Erysipelatodes. 411
- Evacuationes quaelibet copiosae per su-
dorem, urinam &c. in Maniacis cur
salutares. 505. vitiant sanguinem 283.
298.
- Exanthemata quid. 261
- Excretionis impotentia in Angino-
sis unde. 677. nifus sine necessitate
in Phreneticis unde. 481
- Excretiones pituitosae in Quotidiana
continua. 379
- Expectorantia quomodo agant. 231
- Exsufflatio calida in Peripneumonicis
unde. 640
- F.
- F**Aciei color viridis in Syncopiticis
cur signum lethale. 627. constitu-
tio qualis in febribus malignis. 404.
in Quotidiana continua. 379.
- Rubor in Phreneticis unde 480. 484.
cur sit dilutior in Paraphrenitide, quam
Phrenitide 494. vividus in Peripneu-
monicis unde. 640. ante febres Vario-
larum unde 418. Tumor & Pallor in
Lethargicis unde. 467
- Fames non naturalis a lentore in san-
guine. 366. vitiat motum sanguinis.
284. 294. it. qualitatem & quantita-
tem ejus. 294. 298. re ipsa in Mania-
cis vix datur. 503.
- Faucium Dolores vehementes, Con-
vulsiones & aurium tubercula exci-
tant. 535.
- Febris. 245. seq. quid sit. 282. 430. ejus
Causae. 245. seq. ejus divisio vulga-
ris. 246. melior. *ibid.* ejus symptoma-
ta. 270. in motu, aut in quantitate,
aut in qualitate sanguinis. 281. 668.
acmaistica. 253. 254. a cruditate, it.
a lacte puerorum corrupto 413. al-
ba. 264. ardens, vid. Causus asflo-
des. 258. a sanguine extra vasa cor-
rupto. 413. a Vermibus. 264. 413.
seq.
- Febris colliquans pertinet ad tertianam
continuam. 388.
- Continua quid. 246. 247. periodica
ibid. natura hujus quaenam. 257. es-
sentialis s. primaria. 249. sympto-
matica s. secundaria. 263. simplex.
247. vaga s. erratica. 250. spuria. *ibid.*
elo-

- elodes. 258. epacmaſtica. 253. 254.
epiala. 258. erratica. 247. 429. in-
ſtativa. 248. 253. intermittens. 247.
erratica. 250. periodica. 247. ſpuria
249. lenta. 264. 412.
maligna. 249. 263. quid ſit. 406. un-
de. 395. ab initio benigna. 397. ejus
urina qualis. 400.
paracmaſtica. 253. 254
peſtilens. 549. 261. quid ſit. 411. ejus
cauſae. 262. conjuncta. 262. 410. debet
eſſe contagioſa. 407. quos corripit,
plerumque necat. *ibid.* ſummus gradus
eſt malignae. *ibid.* ſuccedit malignae.
405
Petechialis. 261. popularis quid. 409.
Quartana & Quotidiana, vide *ſub*
lit. Q. Syncopalis humorofa & mi-
nuta 259. 382. Tertia, *ſub. lit.*
T. Variolarum & morbillorum.
265. quid ſit. 418. ejus cauſae. 265.
416
Febris vera. 249. quomodo ſolvat Pa-
ralyſin. 528. recidivam qualis uri-
na denotet. 49. ſolutionem qualis
urina praefitet. 43. longae qualis uri-
na. 49. eſſentialis qualis urina bona.
50. in Apopleſticis unde. 446. a
Plethora cur ſemper ſit periculofa.
447. in Empyemate confirmato, cur
ſit mitior, lenta, continua, putri-
da, heſtica, it. cur interdum miti-
or, noctu vehementior. 652. lenta,
continua, ſub noctem quotidie re-
currens, calore non acris, aut mor-
dax in Lethargicis unde. 461. unde
acutior in Peripneumoniacis, quam
Pleuriticis. 640. cum rigore in Pe-
ripneumonia unde. 643. acuta, con-
tinua, ardens, Phrenitidem antee-
dens, unde. 479. 483. acuta, quae
prius non aderat, Convulſiones ſol-
vit. 535. ejus carentia in Angina
ſpuria unde. 675. in Caro unde. 455.
Melancholicis unde. 512. quamvis
communis omnibus difficilibus re-
ſpirationibus, conjungi tamen cum
his poteſt. 667. ſupervenientiſ ſpaſmo
aut tetano morbum ſolvit. 534
Febres praecipue malignae, Coma vi-
gil praecedentes, quid producant. 472
Febrem Convulſioni ſupervenire me-
lius eſt, quam febrile Convulſionem
534
Febris ſuccedens Convulſio cur pericu-
lum denunciet, minime vero Pueris.
530. 533
Febricitantem ſi Vertigo invaſerit, cur
Crisin praenunciare ſoleat. 592
Febrilis materia quid ſit. 238. Venae
ſectioe evacuatur. *ibid.*
Feſtucarum & floccorum quaeritatio
Phreniticorum unde. 483
Flagellorum uſus veterum. 181
Fonticuli, eorumque adhibendi modus.
184
Fotus quid ſint & quomodo operentur.
150
Frictiones Cutis ſicca & humidae. 132.
earum uſus & effectus varius. 133.
Frigus a ſanguine craſſo. 318. 330. 343.
in ſpina unde, vid. ſpina dorsi. cum
punctioe. 321. cum tremore. *ibid.*
cauſa haemoptiſis eſſe poteſt. 665.
extremorum in Apoplexia unde. 439.
in Anginoſis unde, & cur mortis ſit
indicium. 679
Frigoris hyberni tolerantia abſque noxa
in Maniacis, & cutis eorum calida
unde. 504
Furor eroticus ſ. amatorius quid ſit.
514
G.
- G** Aleanthropia quid ſit. 507
Gangraena Cerebri Phrenitidi ſu-
pervenientiſ cur lethalis. 487
Gibboſitas ex Aſthmate vel Tuſſi quid
arguat. 655
Ssss Glan-

INDEX RERUM

Glandularum generatio & immutatio
198
Gravitas corporis a sanguine crasso.
318. in febribus malignis unde. 402.
cum virium lapsu. 318

H.

HAEmoptysis unde. 660. quid sit.
665. idiopathica & sympathica.
ibid. quomodo distinguatur sanguis
Haemoptoicorum veniens a faucibus
& Ventriculo, ab eo, qui per asperam
arteriam e pulmonibus venit. 662. un-
de sputum puris a sputo sanguinis.
665. suppressa unde mortem inferat.
ibid. superne facta cur mala. 666. po-
test esse critica adeoque salutaris.
ibid.

Haemorrhagiae a lentore cum frigore
362. cum calore. 373

Narium in febribus malignis unde.
405. copiosa cur Phreniticis sit salu-
taris. 488 suppressa vel aucta cur A-
poplexiam inducat. 439

Haemorrhoides Maniacis, it. Melan-
cholicis supervenientes cur morbum
solvant. 504. 514. suppressae siccant
sanguinem. 492

Hecticae antecedentia vitiant sangui-
nem, 312. conjuncta pendent a vitia-
ta qualitate sanguinis. *ibid.* 316. cau-
sae. 255

Hectica febris. 248. 255. quid sit. 316.
differt a reliquis febribus. 255. cum
& sine Tab. *ibid.* tres habet gradus.
ibid. sequitur post Quotidianam con-
tinuam. 380

Hemicrania quid sit. 571

Hemiplegia quid sit. 521

Hilaritas Maniacorum unde. 504

Hippocrati notique & curae fuerunt
Pulsus, ejusque de istis pronunciata.

79

Hirudines quid sint. 129. quid praestent.

152. 155

Horror. 547. seq. in febre ephemera
legitima unde. 288. in febre maligna
unde. 402. eum in crisi qualis indicet
urina. 45. 46

Humorum derivatio & secretio quibus
contingat. 192. cohaesio quae. 199.
stagnantium effectus. 167

Humores vitiosi quinam. 191. 197. 199
Humores vitiosi quomodo extra corpus
deriventur. 214. extra corpus an prae-
extiterint, an non. 215

Hydatides ab humoribus acribus. 170

Hydropicorum urina cum dyspnoea cur
lixivia. 45

Hydrops Maniacis superveniens cur bo-
ni ominis. 505. post Quotidianam
continuum. 380

Hydrophobia quid sit. 507

Hypochondria introrsum & sursum re-
vulsa in Paraphrenitide unde. 492

Hypostasis, vid. Sedimentum.

I.

IActatio & motus corporis varii un-
de. 481. in Comate vigili unde. 474.
febribus malignis unde. 398. in Pe-
ripneumonicis unde. 640

Jedigatio, vid. pulsus chordosus.

Ignis quomodo vitiet motum sanguinis.
285. quomodo vesiculas in Cute ex-
citet. 168

Iliacis Urina suppressa cur mortem ci-
tam portendat. 49

Immobilitas corporis in incubo unde.
597

Impetus per omnes arterias imprimitur
sanguini in puncto temporis. 65

Inappetentia in Quotidiana continua un-
de. 379. in febribus malignis unde.
402

Incubus. 597. quid sit. 598. ejus causae
variae. 599. ab imaginatione in Incu-
bum ab humoribus ortum quomo-
do abire queat. *ibid.* cur sponte e-

vi-

E T V E R B O R U M.

- evigilent Incubo affecti. *ibid.* continuus cur Apoplexiae indicium. 439. quomodo abire possit in Apoplexiam. 600. in Epilepsiam. *ibid.* Insaniam. *ibid.*
- Infectio quomodo fiat. 407. per aërem. 408. cur non semper bruta aequae ac homines tangant. *ibid.*
- Inflammationis causa lentor cum frigore. 365. ejus mala & quomodo evitanda. 118. Cura est Venaesectio. 119.
- Inflammati Pulmonum V. Peripneum. 123. hujus cognitio. it. Cura per Venaesectionem. 124. partis inter popitem & summum pedem. 120
- Inquietitudo in febribus malignis unde? 398
- Incessus in Aquam calidam, ejusque usus in Haemorrhoidum Tumoribus contumacibus. 151
- Insomnia terrificata Phrenitidem antecedentia unde? 479. eorum causa. 508. in Tertianae continua unde? 385
- Inunctiones Mercuriales quomodo operentur? 221
- Inuisiones quid sint, & quomodo operentur? 183
- Imitritaeos V. Semitertiana.
- Ira vitiat motum sanguinis. 283
cita a quali pulsu indicetur? 80. frequens & praeceps in Maniacis unde? 449. 502.
- Jurgia in maniacis unde? 502
- K.
- K**Utubuth V. Melancholia errabunda.
- L.
- L**Achrymae in Phreniticis unde? 481
cur fiant ex altero tantum oculolo, vel ex utrisque, sintque acres, paucae, densae, eorumque angulis adhaerentes. 585. cur hae mali sit ominis? *ibid.*
- Lactantes quomodo vitiosum sanguinem generent? 376
- Lapsus in terram unde fiat in Vertiginosis? 579. 590
- Lassitudo per labores quid efficiat? 290
- Lentor in sanguine quid efficiat? vid. sanguis crassus.
- Lentor ad statum naturalem accedens 334. cum calore. 340. cum frigore. 341. ab imminutione motus & quantitatis sanguinis. 345. ab intermissione laborum. 347. a suppressa perspiratione partium sanguinis vividarum: *ibid.* a prohibita solutione humorum viscidiorum. *ibid.*
- Lentor cum frigore absque ullo corpore influente. 347. ab influxu corporum. 348. cum frigore & calore alternatim. 346. per pulmones tractus non immutatur. 350. viscidior factus. 334
- Lentoris cumulatior ordinata. 352. a causis procatacteticis. *ibid.* a Chylo. 356. a fermento frigorifico. *ibid.* ab influxu liquidi. 354
- Lentoris recursus quomodo fiat. 348. quantitas & qualitas quomodo mutantur. 332
- Lethargus. 485. quid sit? 470. duplex est, verus & spurius. *ibid.* ejus causae sunt variae, imprimis tamen humorum frigidorum, crassorum &c. collectio. *ibid.* & 458. fit etiam a compressione, obstructione &c. 461. unde quaevis ab iis apprehensa statim manibus elabantur? 464. unde in pedes dilabantur? *ibid.* cur Lethargici in 7. diebus moriantur, si vero hos evaserint, sani fiant? 468. cur sanati plerumque fiant Empyici? 469

INDEX RERUM

Lethargus Spurius V. Coma vigil.
Lienis tumor quomodo vitiet sanguinem? 392

Lienosum futurum qualis denotet urinam? 49

Ligaturae fortes. 153. earum usus & modus operandi *ibid.* subitae nocent, 154. quid circa easdem observandum. *ibid.*

Limodis V. Pestis.

Lingua arida & aspera a lentore cum frigore. 363. cum calore 373. arida, aspera, nigra, citrina; tremiscens in Phreniticis unde? 484. alba & mollis in Lethargicis unde? 467. livida, nigra, inflexa, retorta in Angina unde? 678. flava, nigra, rubra in Peripneumonicis unde? 640. obmutescens a lentore cum calore. 373

Linguae exertatio in Peripneumonicis unde? 639. exertatio neque inde retractio in Phreniticis unde? 486. ficitas in Tertiana continuâ unde? 386. visciditas a lentore cum frigore. 363. cum calore *ibid.*

Linimenta, eorumque modus operandi. 221

Lipopsychia quid sit & unde dicatur. 624

Lipothymia, V. Deliquium Animi, vel Syncope.

Livor exterior loci dolentis in Peripneumonicis unde. 641

Loquacitas insueta & fere assidua in Maniacis unde. 499. 502

Loquela difficilis in Anginosi unde. 676. impedita in Comate vigili unde? 475

Lumborum Dolor a Lentore cum calore. 373

Lycanthropia quid sit? 506. ad ejus delirii genus referendum. 514

M.

MAcies corporis in Vomica pulmonum unde. 658. a febre colliquant. 389. fit insensibili evacuatione. *ibid.*

Maculae a lentore cum calore. 368. in febribus malignis. 403

Mania. 495. quid sit. 506. idiopathica est & sympathica. *ibid.* ejus causa admista est sanguini. 497. ejus instantis indicia quatenam? 501. successurae cur Pulsus in Cubito conspicuus. 498. cur Maniaci in se ipsos saeviant pugnis, mortibus, ungibus, vestes proscindant, carnes laniant, occurrentes invadant &c. 502. cur se gerant plane ferino more, ut per Rabiem caninam, Hydrophobiam &c. 496. unde tamdiu vivant, ac tandem per virium exsolutionem moriantur? 506. cur in venerem sint proclives. 500. unde reconvalescentes recorderent eorum, quae ab ipsis in morbo sunt gesta. 506. eorum Urina qualis. 501

Marasmus naturalis quid. 255. non naturalis. *ibid.*

Medici officium circa Venae sectionem quodnam. 118

Medicamentorum varia operandi ratio. 203. vis tractrix quomodo operetur. 209. non penitus rejicienda. 211. spiritus ad usque humores penetrant. 202

Medicamenta externa quomodo agant 212. absolute sicca vix reperiuntur. 201

Melancholia. 508. vera ejus definitio. *ibid.* 514. ejus signa quae sint. 510. fit a morbis calidis. 513. attonita quid sit. 515. est rarissimum morbi genus. *ibid.* errabunda Arabibus Kutubuth. *ibid.* Quatenam melancholiam idio-

E T V E R B O R U M.

idiopathicam & quaenam sympathi-
cam antecedant. 510
Melancholici cujus sint temperamenti.
511. dispositi sunt ad delirium mel-
ancholicum. *ibid* in Maniam cur
faciliores. 498
Melancholicus humor est crassus. 512
Memborum contractio in febris ma-
lignis unde. 402
Mentis stupor unde. 360. 372
Metus longi temporis quomodo por-
tendat Melancholiam. 513
Mictus cruentus cum sola tantum las-
situdine quid indicet. 33. in princi-
pio cur indicet morbum longum. 43.
si sine dolore ac febre, optimum, alt
frequens, vel cum dolore aut febre
periculum indicat. 33
Morbus comitialis, caducus, sacer,
herculeus, V. Epilepsia.
Morbum brevem qualis denotet Urina?
58. longum, sed periculosum qualis
urina. 47. 58. longum sed salutarem
qualis urina. 47. crudum qualis de-
notet urina. *ibid*.
Morbi, in quibus vasis summis aliquid
haeret. 129. per omnia vasa distribu-
ti. *ibid*. certae cujusdam partis. *ibid*.
populares quotuplices. 262
Mors a lentore sanguinis. 339. a Vario-
lis quando accidat. 420
Motus convulsivi quid & unde. 545.
non semper a stimulo. *ibid*.
Cordis non est isochronos motui pe-
toris. 618. in Paralyticis minus mu-
tatus, nec abolitus. 521
Corporis vitiat motum & qualitatem
sanguinis. 284. 298
Motus difficultatem in Apoplecticis a
qualibet causa comprimente fieri pro-
batur. 436
Motus musculorum unde. 523. frequens
unde? 78
Mucus narium copiosus in Lethargicis
cur salutaris? 468

Mugitus in Apoplecticis unde. 435
Murmur ad fauces unde in Comate vi-
gili? 475

N.

Narium pinnae motae in Angino-
sis cur mortem indicent? 679.
expansio in Peripneumoniciis unde?
639
Nausea a lentore cum frigore. 366. in
febris malignis. 402. in Tertiania
continua. 387
Nervi contractio non potest prohibe-
ri a libero musculo contrahente.
539
Nubeculae in urina quid sint? 5. 12. in
sanorum urinis rarissimae. 13. unde
interdum non appareant? 21. indicant
motum & solutionem tenuiorum par-
tium. 35. in urina mox apparentes quid
indicent. 25. sub initium aliis conten-
tis non succedentibus quid indicent.
26. albae descendentes cur bonae. 37.
50. nigrae, rubrae, ac lividae cur ma-
lae. *ibid*. nigrae in febris erraticis cur
Quartanam indicent. 44. nigrae cur in
tertianis horriferis indicent horrorem
vagum & incertum. 45. 46. subrubrae
quarto die cur in febre bonae. 36.

O.

Obesi quomodo sanguinem vitiosum
generent. 377
Oblivio in Lethargicis it. Phreniticis un-
de. 460. 480
Obstructio ubi & quomodo detur. 194.
200.
Oculorum apertio, it. invita oclusio in
Comate vigili unde. 473. mox apertio,
mox clausura in Caro unde. 454. con-
cavitas in Empyemate Thoracis unde.
652. motus vehemens quid indicet.
80. prominentia cum intuitu fixo in

Ssss 3

An-

INDEX RERUM

Anginâ unde. 677. Pruritus ante febre
 bre variolarum unde. 418. Rigor
 in Phreniticis. 483
 Rubor in febribus malignis. 403. in
 Phreniticis unde. 484. 468. cur sit
 dilutior in Paraphrenitide, quam Phre-
 nitide. 494
 Tumor in Lethargicis unde. 467. Ve-
 nae tumidae in Peripneumon. 640
 Oculi vix oclusi unde in Lethargicis.
 461. sanguinei in Maniacis unde.
 503
 In Oculorum affectibus cur Urinae sta-
 tus sit considerandus. 62
 Odores quid sint. 208. acriores quo-
 modo agant. 180
 Oleum & Aqua ex se solis non conjun-
 guntur: sed additis salibus, imprimis
 acrioribus. 18. 19
 Opisthotonos quid sit? 544
 Oris amaritudo a lentore cum frig. 366
 in Tertianâ continuâ. 386
 Orthopnoea quid sit? 667. cur aliquan-
 do fiat cum sublimi respiratione &
 ore hiant in Anginâ. 676
 Oscitatio cum oris diductione reman-
 ente in Lethargicis unde. 463
 Ossa seorsim a membranis non sentiunt.
 561
 Ostocopos quid & unde. 374
 Otio dediti quomodo vitiosum sangui-
 nem generent? 377

P.

PAlpitatio Cordis quid sit & unde.
 630. non consistit in Tremore.
 631. ejus sonus unde. *ibid.* in Apo-
 plexia it. Paraphrenitide unde. 437.
 493
 Pancreaticus succus vitiatur a lentore
 cum frigore. 366. cum calore. 374
 Paracynanche, & Parasyynanche quid
 sit? 671
 Paralysis. 516. quid sit? 528. idiopa-

pathica & sympathica. *ibid.*
 Paralysis particularis. 368. a lentore
 cum frigore & calore. *ibid.* 373. e-
 jus Causa non afficit Cerebrum. 518.
 sine motu sit a quibuscunque contra-
 ctionem musculorum prohibentibus.
ibid. oriri potest ab humiditate. 519.
 eaque vel externa vel interna. *ibid.*
 a frigiditate cum vel sine humiditate.
ibid. ab obstructione per pressionem
 externam, vel congelationem intra
 &c. 520. a calore & siccitate &c.
 521. a Crapula, Scorbuto, Colica,
 Peripneumonia. 522. in quolibet mu-
 sculo a lentore cum frigore. 361.
 unde pars paralytica frigida, pars
 vero opposita calida. 522. unde mo-
 do sensus, modo motus, modo uter-
 que in ea sublatus. 523. minus peri-
 culosa, si solus sensus aut solus mo-
 tus sublatus. 527. unde alterâ Ce-
 rebri vel spinalis medullae parte af-
 fectâ oppositum latus Paralyfi affi-
 ciatur. 525. a concussu corporis cur
 lethalis. 526. cum atrophîâ vel fri-
 gore cur lethalis, eoque magis, si
 pars opposita valde caleat. 527. cum
 mixtu sine sensu & voluntate cur sit
 lethalis. 526. ex Apoplexiâ diffi-
 lis. 427. ex Scirrho incurabilis. *ibid.*
 in Gulâ periculosa. *ibid.* ex nervo-
 rum praecissione incurabilis. *ibid.* in
 cruribus ac pedibus cur curatu fa-
 ciliior. 528. in senibus vix curabilis.
ibid. aestate, quam hyeme cur faci-
 lior. *ibid.* succedere potest convul-
 sioni. 539. Peripneumoniae succe-
 dens quid indicet. 643. quomodo
 imminut oculi in latere paralyti-
 co mortem indicet. 528
 Paraphrenitis. 489. quid sit. 495. di-
 citur Phrenitis per consensum. 490.
 unde calor & dolor lateris affecti.
 491
 Paraplegia quid sit. 520

Parotides praecipue die critico venientes cur in Lethargicis salutare. 469. superveniunt Quotidianae continuae.

379

Parotidum tumoribus qualis Urina mala. 48

Pectoris affectus a lentore cum frigore. 365. cum calore. 374.

Pectoris angustia cum dolore gravativo ad usque spinam & aliquando etiam punctorio. 640

Pectus sonans & gravans in Peripneumonici unde. 639

Pediluvia. 151. eorum usus communis cum balneis. *ibid.* particularis unde dependeat. *ibid.* in suppressionibus sanguinis requiruntur. *ibid.*

Peripneumonia. 332. quid sit? 647. idiopathica & sympathica. *ibid.* fit a constitutione anni, vel locis, aetatibus frigidis, aut humidis. 635. ab usu aquarum stagnantium. *ibid.* ab Asthmate, & quicquid motum pectoris aut aeris laedit, a Cacochymia & Plethora, ita a Fluxionibus pituitosis, ita a Pulmonis laxitate ac debilitate, a Pleuritide, a suppressione evacuationum, ut menstruorum &c. 636. ab Angina, Tussi, clamore, ira & exercitio vehementi, praecipue a largo pastu, vel longa quiete. *ibid.* cur in Peripneumonicis nullus aliquando dolor, nisi a Tussi 642. ejus symptomata quatenus ad mortem, quatenus ad salutem ducant. 646. Anginae quomodo succedat. 678. Respirationi difficili succedens cur lethalis. 670

Peripneumonicus ab Angina cur vel moriatur 7. diebus, vel his superatis in Empyema abeat. 644

Peripneumonicorum Urina qualis mala & exitialis & quando? 40. 42.

Perisytole quid sit? 83

Perspiratio quid sit? 146. 207. pro-

hibita motum sanguinis vitiat. 207

285. ejus quantitas. 159

Pestis. 261. differt a febre. *ibid.*

Petechiae quid? *ibid.*

Phlegmonodes quid? 411

Phrenitis. 477. quid sit? 444. 489. etiam sine Cerebri inflammatione fieri potest. 489. unde Phrenitici exiliant e lecto, cum dormiunt aut vigiliant? 479. unde ipsis objecta appareant gemina. 481. unde pilos sibi evellunt, faciem laniant, manusque violentas sibi inferant. 484. unde eorum torvus ac fixus intuitus & in accedentes irruptio. 282. unde matulae petitio sine mictione tamen. 483. unde Apoplexiam inducere queat. 444. quando Apoplexia periculosa & non periculosa? 447. unde in Comate vigili. 474. in Coma vel Lethargum faciens cur mali omnis? 489. Lethargo superveniens cur sit salutaris, vel minus periculosa. 470. Peripneumoniae succedens cur mala. 644. ex Typhomania cur sit quandoque salutaris? 475. ejus principium a lentore cum frigore & calore. 361. 378. cur eam indicent Urinae decolores cum nigris aeneore-matis, vigiliis & perturbata mente? 44. 60

Phreniticorum urinae ex coctis crudae, albae, tenues unde. 481. albae cur exitiosae. 40. involuntariae nec perceptae emissae cur lethales. 488

Phricodis. V. Semitertiana Febris.

Phthisis quomodo Peripneumoniae succedat? 646

Picationes quid sint? 181

Pili in Urina unde? 22. non sunt veri pili, sed pilis aliquid simile. *ibid.* eorum evulsio utilis & quando adhibenda. 179.

Pinguedo Urinae vera cur exitiosa? 35

Plenitudo vitiat qualitatem & quantitatem.

INDEX RERUM

- titatem sanguinis. 299. *ibid.*
 Plethora generalis quomodo ad Apoplexiam disponat? 440
 Pleuritis. 647. quid sit. 649. idiopathica & sympathica. *ibid.* legitima & spuria, sicca & humida. 647. succedens difficilli respirationi cur lethalis? 670
 Pleuriticorum urina qualis sit mala & mortifera. 40. 42. subrubra cum hypostasi laevi cur securam indicet crisin. 46. indicia quaenam bona. 53.
 55
 Pollutio nocturna frequens in Maniacis unde. 500
 Priapismus quid sit? 545
 Principium vitiatum qualitatum sanguinis. 270
 Pueris quando Convuls. accidunt. 535.
 Pulmonum in cadaveribus variegatio unde. 365
 Pulsus. 62. quid sit. 69. ejus definitio Galenica contrariatur principiis Anatomicis. 82. 83. ejus differentiae Galenicae ne quidem ab ipsis Galenicis in hominibus deprehendi possunt. 84. ejus definitio melior est duplex, ratione partim arteriae, partim digitorum. 69. ejus differentia in statu naturali triplex, ratione arteriarum, cordis & sanguinis. 70. differentiae simplices & compositae quae? 73. collectivae quo sint revocandae 74. singulares quae? *ibid.* differentiae in Quartana continua. 393. Quotid. contin. 378. Tertian. contin. 385. aequalis & inaequalis quinam. 73. inaequaliter aequalis. *ibid.* inaequalis inaequaliter. *ibid.* arteriae pulsui Cordis est synchronicus. 70 celer & tardus unde. 72. cur semper mali ominis. 77. caprizans quis. 75. 76.
 Pulsus chordosus quid & unde 546. debilis & parvus unde. 70. 71. cur malus. 77. debilis a parvo non differt nisi pro ratione diversorum, quae in iis distinguuntur. 71. 72. deficiens quid & unde. 73. 74. dictotus quis. 75. durus unde & quid indicet. 77. in Maniacis unde. 501. Formicans quid & unde. 75. frequens & unde, quid indicet. 73. 77. 101. impar citatus quinam. 75. magnus unde & quid indicet. 71. 72. 99. 100. cur semper bonus, si reliqua consentiant. 76. a valido non differt nisi pro ratione diversorum, quae in iis distinguuntur. 71. 72. miurus quid. 74. mollis quid & unde. 77. naturalis quinam sit. 71. 272. cur quilibet esse possit. 71. cujuscumque hominis diversus est a pulsu alterius. 70. non naturalis cognoscitur ex naturali. 62. a non naturali ad naturalem accedens est salutaris. 79. parvus quinam sit & unde. 71. 99. 100. cur in Angina mortis indicium. 679. Pulsus plenus quinam. 72. boni ominis. 76. semper cum magno & valido conjunctus. *ibid.* a vacuo quomodo differat. *ibid.*
 rarus quid & unde. 77. 101. recurrens unde. 78. serratus unde. 75. suppressus per Venae sectionem excitatur. 97. 98. tardus unde & quid indicet. 72. 77. Tremulus. unde. 75. vacuus quis. 72. mali ominis. 76. 77. quomodo a pleno differat. 71
 vehemens s. validus quis. *ibid.* cur semper bonus. 76. vermicularis quis & unde. 74. 75. undosus quis & unde. 74. cur non contingat in aliis Vasis, quam arteriis. 68
 Pulsuum necessitas. 64. indicium fallax & incertum. 70
 Pulsus, antequam exploret Medicus, quid agere debeat. 82
 Pulsus Apoplecticorum qualis & unde. 434. Lethargicorum qualis & unde. 466. in Palpitatione Cordis qualis esse

esse possit. 630. Paralyticorum qualis & unde. 521. Peripneumonicorum qualis. 642. Pleuriticorum qualis. 648. in Praecordiis quid indicet. 79. 80. in Vertiginosis qualis. 591. in Virium imbecillitate qualis. 629. quomodo possit esse rarus, & nihilominus motus Cordis frequentissimus. 630. in febribus malignis. 399. in Ira vehemens. 289. in Tristitia tardus. *ibid.* qualis a Bubonibus. 290. a plenitudine. 291. ex adstrictione cutis. 290. ex lassitudine. *ibid.* vigiliis. *ibid.* Vitium a motu sanguinis vitiatum. 274. a quantitate sanguinis aucta. *ibid.* ab eadem imminuta. 276. a qualitate sanguinis vitiatum. *ibid.* ab aucta cohaesione qualitatum sanguinis. 277. ab eadem imminuta. 278. a sanguine crasso. 322.

323

Pulsus intermissio unde. 605. unde dignosci possit quod a causa intra Cranium vigente proveniat. 606. sit vel a pressione Cerebri & nervorum, vel a defectu spirituum. *ibid.* vel a defectu sanguinis. 613. vel a pressione baseos Cordis. 611. vel a fermentatione sanguinis & bullarum productione in arteriis. 609. intra nervos. *ibid.* intra ventriculos. 611. vel a motu Cordis impedito. 610. vel a Polypo in arteria, it. auricula Cordis. 611. vel a prohibentibus motum restitutionis in Corde. 612. vel ab impedimentis in trunco venae pulmonariae ad usque pulmones, & a Pulmone ad usque Venae cavae ramos. 615. vel ab empyemate & hydropse pectoris. *ibid.* a dolore vehementi ad Cor. 618. ab Odore gravi. 620. ab Ira, laetitia, timore &c. *ibid.* a molestia Ventriculi, Uteri &c. *ibid.* ab evacuatione nimia. *ibid.* a missione sanguinis etiam par-

cior. 621. a nimia frequentia Pulsus. *ibid.* a stimulo ubicunque ad Cor, it. a Cordis vulnere & Ulcere. 622. a Plethora. *ibid.* Cacochymia. 623. Quae nam succedant intermissione Pulsuum. 624.

Purgantia per alvum. 231. eorum modus operandi. 216. seq. iis vim stimulandi posse auferri salva interim purgandi facultate assertur a Chymicis quibusdam. 217.

Purgatio loco Venaesectionis esse potest. 220. Venaesectione tamen periculiosior. 219.

Purgationum quarumlibet consuetarum suppressio unde ad Maniam disponat. 498.

Q.

Quartana continua. 249. 259. quid sit? 395. raro contingit. 394. ejus antecedentia vitiant sanguinem 391. accessio qualis. 392. hujus qualis sit urina. 393. causae. 259. decessio. 393. recursus. *ibid.* intermittens. 269. quid sit? 428. ejus antecedentia eadem sunt cum continua. 427. sit post Quartanam continuam. 394. post Tertianam continuam. 388.

Quartanam qualis denotet urina. 46. 56

Quartana correpti admodum convulsionibus tentantur, si vero prius tentati fuerint, superveniente Quartana liberantur. 529. 534

Quiete refrigeratur sanguis 154

Quotidiana continua. 248. 258. quid sit? 383. ejus accessio qualis. 377. hujus qualis sit urina. 378. decessio. *ibid.* protractio. 379. solutio. *ibid.* Intermittens. 249. 267. quid sit? 424 ejus antecedentia eadem cum quotidiana continua. 422. ejus decessio. 423. periodus. *ibid.*

T t t t

R.

INDEX RERUM

R.

Recidivam morbi qualis denotet urina. 43
 Refrigeratio corporis frequens in Peripneumoniacis unde. 643
 Renum exulcerationem qualis denotet urina. 57
 Repellentia medicamenta quae sint. 233
 Respiratio debilis in Apoplexia unde. 433. idiopathica est vel sympathica. 670. in tres dividitur species. 667. ejus causae mille esse possunt 669. cur in hac inspiratio difficilior expiratione. 668. cur Pueri, proventi ultra adolescentiam, ita senes huic plerumque obnoxii sint. 669. cur haec aliquando difficilior deglutitione, & contra in Angina. 675
 Respirandi difficultas in Empyemate unde. 652. cur major aliquando in Peripneumoniacis, quam Pleuriticis. 637. in Pleuritide unde. 648. in Vomica pulmonum unde. 658
 Respiratio frequens unde. 286. Lethargicorum qualis & unde. 465. Paralyticorum qualis. 521. Paraphreniticorum qualis & unde. 493. Phreniticorum qualis & unde. 484. prohibet vitiat sanguinem. 299. quomodo se habeat in quantitate sanguinis vitiat. 295. naturalis unde. 666. in Vertiginosis qualis. 591. est privatus quasi Pulsus. 83
 Responsiones iracundae in Phreniticis unde. 482
 Revulsio sanguinis non prorsus inanis. 117. 122
 Rhabbarum quomodo bilem educat. 231
 Rigor. 547. ejus causa in fluxu & refluxu liquidi intra nervos quaerenda. 549. cum in genere qualis indicet urina. 44. in Empyematicis

unde. 652. extremorum in Phrenitide unde. 486

Rigorem circa Crisim qualis denotet urina. 46

Risus praeter rationem & assuetudinem in Maniacis unde. 499. immodicus unde 504. ineptus & obscenus in iisdem unde. 501. fardonius quid sit. 545

Rixis quid & unde. 661

Robur corporis Maniacorum admirabile cum violentissimis motibus fere continuis unde. 502

Rubificantia medicamenta quid sint. 182

Rubor Maxillarum in Empyemate Thoracis unde. 652. a stimulo in parte stimolata. 166

S.

Sanguinis calor unde. 109

Sanguinem ad summas quasque arteriolas pertingere per impetum a Corde probatur experimento & ratione. 63

Sanguis qua ratione ex arteriis in Venas propellatur. 66. 67. non habet impetum nisi a Corde impressum. 69. ejus impetus cur in extremis arteriis minor. 64. 65. fermentari potest. 109. arteriosus cur calidior, copiosior, & in motu. 127. &c. velocior venoso. 126. missus per arteriae sectionem cur magis refrigeret venoso. 127. crassior factus quid efficiat. 317. majori intra vasa constipatione coactus cur minus caloris solvat. 110. ab Hirudinibus extractus cur vividus ac micantis sit coloris 153. qualis per Venae sectionem incalescere queat. 110. ejus velocitas pressione balneis facta augetur. 141. cur in meticulosis ac animo delinquentibus missus.

fus non effluat. 104. in febribus malignis qualis esse debeat. 396. Maniacorum qualis esse debeat. 497.
 Sanguinis missio. 84. quid sit. 109. ejus doctrina unde dependeat. 84. ejus effectus. 108. 117. 130. utilitas. 161. auget velocitatem sanguinis. 108. 117. calefacit & siccatur. 108. 127. refrigerat. & humectat. *ibid.* 110. 112. ejus loco quatenam esse possint. 157. mittendi quantitas 86. velocitas proportionata. 85. aucta. *ibid.* 88. 112. ante, in, & post missionem. 91. &c. major a stimulis. 165. motus acceleratus & retardatus. 102. resistentia. 90. 95. suppressio. 91. vitium ratione motus. Qualitatis aut Quantitatis. 273. 274. usq. 285.
 Sanguinis quantitas. 85. 94. 103. 124. diminuta quid praestet. 159. reciproca. 87.
 Sapo quid sit? 19.
 Satyriasis quid sit? 545.
 Scabies superveniens melancholicis cur bona. 514.
 Scarificationes, earumque usus. 135. profundaefaciendae. 141. 156. ejus incommoda quomodo removenda. 137.
 Sedimenta quid sint & indicent. 5. 12. in sanorum urinis frequentius conspiciuntur, & plerumque sunt subpallida, laevia & aequalia. 14. 25. 34. quatenam sint bona, quatenam mala. 58. eorum colores varii 22. produci etiam possunt per admistionem corporum eo modo coloratorum. 23. alba revera esse Sal, seu a Sale pendere probatur 14. 28. alba, laevia, & constantia cur in febre sint bona. 34. arenosa, foliacea, fursuracea, squamosa & membranosa unde. 22. naturalia unde figuram pyramidalem quasi retusam praesentent. 5. 14. eorum superficies

inaequalis & aspera quid indicet. 21.
 eodem tempore statim sub initio morborum apparentia quid indicent. 27.
 eorum laevitas indicium est bonae coctionis. 35. sputiformia aut limosa cur Rigorem indicent. 44. urinae conglomeratae sublividae quid portendant. 38. in urina plane carentia unde. 21.
 Semitertiana Febris. 270.
 Senes quare vitiosum generent sanguinem. 376.
 Sensus unde. 523. quilibet conjunctus est cum tremore nervorum, nempe alterna eorum contractione & distractione. 569. externi vitari a lentore cum frigore. 360. eorum defectus cum mentis hebetudine in Anginosi unde. 678. abolitio in Apoplecticis unde. 440.
 Separatio cujuslibet liquidi a sanguine quomodo fieri debeat. 98. prohibita, aucta, & vitata, 99. humorum in glandulis quomodo fiat, & quid ad eam requiratur? 192. 197. & seq.
 Setacea quid sint, & quomodo adhibenda, & operentur. 185.
 Sideratio, vid. Catalepsis.
 Sinapismus quid sit & quomodo operetur. 182.
 Singultus a lentore cum frigore. 369. a repletionem vel inanitionem juxta Hippocr. 529. 532. 535. a copioso sanguinis fluxu juxta Hippocr. malus. 536. ab Ileo cur malus. 534. in Lethargicis & Phreniticis unde. 466. 487. Purgationi immodicae superveniens cur malus. 543.
 Sitis a lentore cum calore. 373. frigore. 363. in febribus malignis. 401. magna in Peripneumoniciis unde. 641. in Phreniticis nullus sensus unde. 485. in Quartana continua qualis. 393. in Tertianis continua ardens.

INDEX RERUM

- dens. 386. vitiat motum, qualitatem & quantitatem sanguinis. 284. 293. 298
- Situs erectus in Peripneumoniacis unde. 638
- Sol qua ratione vitiet motum sanguinis. 285
- Sollicitudo vitium efficit in sanguine. 283
- Somnolentia in febre Variolarum. 417. Quotidiana continua. 379
- Somnus cum tremore a lentore cum frigore. 360. cum Calore. 371. in Convulsionibus prodest. 535. deficiens in Comate vigili unde. 473. in Tertiana continua qualis. 385. interruptus Phrenitidem antecedens unde. 479. levis brevifque in Maniacis unde. 500. profundus in Lethargicis unde. 460. nimius quomodo vitiet sanguinem in motu & qualitate. 285. 299
- Sonitus Aurium in Maniacis unde. 500
- Sopor in Anginosis unde. 678. in Peripneumoniacis unde. 641
- Spasmus, vid. Convulsio.
- Spasmus cynicus quid sit. 545
- Physodes non est convulsio: sed torpor ac stupor. 543
- Sphacelus Cerebri Lethargo it. Phrenitidi superveniens cur lethalis. 469. 487
- Spinae dorsi frigus a lentore cum frigore. 364. cum calore. 373
- Spiritus animales generantur ex sanguine in Cortice Cerebri. 451. quales sint in Maniacis. 498. vitalis & animalis secundum Galenum ubi & unde generentur. 82
- Spirituum penuria in Phreniticis ab inflammatione. 487. dissipatio a stimulis. 177. vis summa in corpore animali. 194. 202
- Splendores oculis Apoplecticorum & Maniacorum observantes unde? 438. 500
- Sporadicus morbus quis sit? 262
- Spasma Apoplecticorum unde. 442. cur non semper appareat & ejusnam sit Apoplexiae. 443. cur lethalis. 444
- Sputum copiosum in Lethargo cur salutare. 468. flavum in Peripneumoniacis quando salutare aut dubium. 643. foetidum, purulentum ac spuriosum in Empyemate Thoracis ejectum unde & quid indicet. 652. &c.
- Sternutatoria, eorumque modus operandi. 232
- Stertor in Apoplexia unde. 434. in Asthmate unde. 669
- Stilla sanguinis e Naribus nigra in Phreniticis cur sit lethalis. 484
- Stimulus quid sit. 163. 177. quomodo & quot modis agat *ibid.* 275. ejus effectus. 163. species. 179. ut Causa convulsionis notus fuit Hippocrati. 536
- Stimuli loco sanguinis missionis. 178. non improbandi, *ibid.* caute adhibendi, si laboret nervosum genus. *ibid.*
- Strabismus quid sit. 544
- Stranguriam futuram qualis denotet urina. 48
- Stranguriae, Ileo, supervenienti, cur urina copiosa sit salutaris. 54. 57.
- Stupor unde. 546. Apoplecticorum unde. 437. Dentium ab Orichalco sub torni scilicet pro acute stridente unde. 554.
- Paralyseos proximus unde. 525
- Subsidentia urinae totalis unde. 22
- Sudorem futurum vel jam factum qualis indicet urina. 45
- Sudor calidus praecipue a capite & toto pectore cur Phreniticis salutaris 488. frigidus in Angina unde. 679. in extremis unde & quid indicet. 369.

E T V E R B O R U M.

369. &c. in Syncope per totum corpus, praecipue tamen ad Collum, Tempora & Pectus unde. 626. in Vertiginosis unde. 591. inordinatus in febribus malignis. 398. 403. levis in accessione febrium quid indicet. 656. nocturnus inutilis in Empyicis. 652
 Suderiferorum tam exterius applicatorum, quam interius assumptorum operandi modus. 222
 Suffocatio quid sit? 667. ejus metus in Angina unde. *ibid.* in Incubo. 599. sensus in Peripneumoniacis. 638
 Sulphur inesse urinae naturali conceditur. 8
 Suspiria a lentore cum frigore. 365
 Suspensiones urinae quid sint, & quid indicent. 5. 12. 25. si non appareant in urina unde. 22. diebus decretoriis apparentes inter contenta urinae sunt optimae. 27. sub initia morborum, non succedente sedimento, quid indicent. 26
 Symptomaticae febres quid sint. 411
 Synanche quid sit? 671
 Syncope quid sit, & unde dicatur. 624 a lentore cum frigore. 365. cardiaca & hysterica quid sit. 628
 Synochus putrida quid? 248. 307. ejus causae. 254. simplex quid sit? 248. 308. ejus causae. 253
 Systole Cordis & arteriarum quid sit? 83

T.

TAbes a sputo Oris quomodo oritur. 665
 Taciturnitas meditata in Maniacis unde. 499
 Tactus integer cur sit in Comate vigili. 473
 Taranta quid sit & unde. 507
 Temperamentum calidum vitiat motum sanguinis. 284

Tenebrae oculis Apoplecticorum observantes unde. 438. in Vertiginosis unde. 590
 Terror in Comate vigili unde. 474. in somno ante febrem Variolarum. 417
 Tertianae continua. 248. 257. quid sit? 391. ejus accessio qualis. 384. decessio. 385
 Intermittens. 249. 266. quid sit? 427. ejus Causae. 266. 425. differentiae. 266. periodus. 425
 Tertianam qualis denotet urina? 45. 46
 Tertianae superveniens Maniacis cur salutaris. 505
 Tetanus quid sit & unde. 644
 Timor vitii motum sanguinis. 282. qualitatem sanguinis. 297
 Tinnitus ac Sibilus Aurium in Phreniticis unde. 480. in Vertiginosis unde. 589
 Titillationes unde. 180
 Torpor in Convulsionibus a pressione cerebri dependet. 542. Paralyin praecedens unde? 525. pedum, a situ incommodo. 542
 Tremor quid sit. 555. in Apoplecticis unde. 437. capitis in Lethargicis unde. 465. Cordis a lentore cum frigore. 365. corporis totius in Mania. 499. manuum in Lethargicis unde. 465. Phreniticis unde. 483. 486. Paralyin praecedens unde? 525
 Paralyi superveniens cur bonum sit indicium. 527. imbecillibus plerumque & senibus cur accidat? 555. in senioribus cum febre apparens quid indicet. 48
 Tremores in qualibet parte corporis ab eadem causa dependent. 368
 Trismus quid sit. 545
 Tristitia longi temporis quomodo portendat Melancholiam. 513. vitiat motum & qualitatem sanguinis. 297
 Tumor Venarum & colli varius in Angina unde. 677. in Apople-
 Tttt 3

INDEX RERUM.

- A**fficis unde. 438. pedum it. affecti lateris in Empyemate Thoracis unde. 653. praecordiorum solvitur ab urina missa. 58
- T**ussis 655. conjuncta est fere cum omnibus morbis pectoris. *ib.* non semper cum respiratione difficili conjungi debet. 669. cur caput repleat. 655. a Catarrhis orta & in senibus est periculosa. *ibid.* circa accessionem februm mala. 656. in Empyemate thoracis. 652. unde nunc mitior, nunc vehementior in haemoptysi. 662. Hydropi superveniens cur mala. 655. in Paraphrenitide unde. 494. in Peripneumoniceis qualis & unde. 641. quomodo succedat Peripneumoniae. 646. in Pleuritide unde. 648
- T**ussicula levis in Vomica pulmonum unde, & cur primo sicca, deinde humida fiat. 658
- T**yphomania Galeni V. Coma vigil.
- V.
- V**arices quid sint. 195
- V**ariolae quid. 261. earum color & eruptio. 418. si solam cutim, non vero interiora occupent, quid inde. 420
- V**ena in quonam morbo secanda. 116. 118
- V**enae sectio quatenus tuta, quatenus minus tuta. 116. 120. prae aliis omnium tutissima. 237. admitti potest in affectionibus pectoris, ac pulmonum in Pleuritide. 117. quando in febribus conveniat. 237. 240. ejus utilitas in febribus. 238. tutissimum in febribus tempus quodnam. 237. 241. ejus in genere. 120. 128. in Inflammationibus. 118. Conf. ulterius Sanguinis Missio.
- V**entriculi succus vitatur a lentore cum frigore. 366. cum calore. 374.
- V**ermes a febribus malignis. 405
- V**esicatoria quid. 186
- V**esicae morbum indicat urina paulatim reddita. 31
- V**esicam duram & dolentem qualis Urina emissa tollat. 59
- V**esicae exulceratae & scabiosae urina qualis. 57
- V**ictus ratio in quo consistat. 158
- V**igiliae a lentore cum frigore. 362. cum calore. 371. in Tertiana continua. 385
- causae sunt vitii sanguinis in motu & qualitate. 283. 297. earum effectus in corpore humano. 290
- V**iri cur sint procliviores in Maniam, quam mulieres. 498
- U**ngues curvi in Empyemate Thoracis unde. 653
- U**nguenta quomodo agant. 221
- V**omitibus vel vomendi stimulus in paroxysmo Vertiginis diuturnioris, unde. 590. a lentore cum frigore. 366. in in Tertiana continua. 387
- V**omitiorum modus operandi. 227
- V**ox rauca, & clangosa in Angina. 676
- U**rethrae morbum indicat urina paulatim reddita. 33
- U**rinae quidditas. 1. inspectio, quantum ad artem medicam conferat. *ibid.* inspectionis tempus tutissimum post somnum. 24. In inspectione urinae respiciendum ad differentias urinarum naturalium 4. 25. Praesagium fallax & incertum. 2
- U**rina naturalis quae sit, & unde dignoscatur. 4. quatenus ejus quantitas naturalis. *ibid.* quae quantitas non oculis sed rejudicanda. 14. quae qualitas, nempe color, odor, sonus. *ibid.* naturalis qualitatis paulatim saepius emissa unde & quid indicet. 32. 33. quae ejus substantia. *ibid.* quae contenta naturalia. 5. sine contentis unde & quid indicet? 25
- ejus contenta quid indicent? 29. distra-

tracta vel interrupta quid indicent? 27. singula quorum morborum propria? *ibid.* non ex naturae ordine sibi succedentia quid indigent? 26. quae diversitas ratione aetatis, sexus &c. 5. 6. Puerorum quatenam sit. 41. quid in ejus evaporatione fiat. 7. ejus partes componentes sunt Sal, Terra, & aqua commun. 8. fluxus facilis aut difficilis unde. 9. salsedo major aut minor unde. *ibid.*

Color varius unde. 10. naturalis quis? 4. 19. non a bile. 16. non est aliquid reale. 11. citreus seu flavus unde. 6. mutatio unde. 23. semper aequalis, paulo crassior potu, tota simul excerni debet. 31. 32. potui respondere debet. 31. an sit pars potus non mutati in substantiam animalis. 15. est excrementum coctionis cuiuscunque, etiam secundariae. 16. non est compositum quoddam perfectum, seu per unionem indissolubilem particularum cohaerens. 12. neque etiam per solam commisionem: sed cohaesionem licet laxiorem particulae conjunguntur. *ibid.*

Urina non naturalis quatenam sit. 18. multiplex est. *ibid.* tenuis & crassa. *ibid.* mediocris. *ibid.* oleaginosa & unde. *ibid.* 17. pure & ex toto oleosae utique dantur. 18. quid denotent. 40. ante rigorem reddita cur mala? *ibid.* pauca & copiosa unde? 19. flava & turbida. 20. saturatior. 10. 16. opaca & perspicua. 10. Aquea. 16. cur pueris pestifera? 41. 58. eaque vel pellucida. 37. aquea & tenuis in Lethargicis cur sit exitialis? 469. ex turbata aquescentes cum materia quadam viscida cur in febre bona. 37. per totum vetustum morbum sibi constans cur periculosa? *ibid.* vel alba seu lactea. 20. pallida, spicaea, straminea. *ibid.*

Rubra. *ibid.* cum simili sedimento & laevi cur & quando bona in febre. 37. in passionibus animi. 289. Praerubra, cum virore mala. 39. ferruginea. 20

Nigra. *ibid.* in morbis magnis mala. 61. cum nigro sedimento cur pestifera. 41. in viris & foeminis deterima. 58. e nigra in tenuem biliosam transiens cur periculosa. 38

Viridis. 20. 40. nec superficie tenuis cur mala in acutis? 40

Flammea. 20. purpurea, vinea, rosea, livida, plumbea, cineritia. 20. nihil aut naturale olens. 21. acutius aut gravius sonans. *ibid.* ejus stridor quid indicet? 31

Urina sine nubeculis & suspensionibus, it. sine sedimento unde. 21. cruda & cocta quatenam? 25. diu cruda, si caetera bene se habeant, quid indicet. 43. ex improviso, immerito & paulisper cocta cur mala? 39. tenuis, biliosa, sine sedimento, inconstans & diutius ita se habens, accedente motu tardiori circa Crisin quid indicet. 36. tenuis & crassa, grandinosa & genituralis ac continenter effusa cur prava. 41. biliosa absque rubedine admitta quid indicet? 37. crassa cum sedimento albo quid indicet? 34. membranacea unde & quid indicet? 46. turbata quid sit? 29. vitrea copiosa in Convulsionibus prodest. 535. clam emissae cur prava & quid indicet? 41. 54. subito corrupta, vel jam corrupta excreta quovis morbi tempore incertae indicationis. 29. largior & diluta vel largiorem potum vel hominem non ali indicat? 32. cum dolore pungente indicat humores acres urinae admistos. *ibid.* spumans in perfrictionibus universalibus cur mala? 53. cum cita hypostasi cur bona?

INDEX RERUM ET VERBORUM.

50. immemorum pestiferae. 51
qualis in vitio quantitatis sanguinis.
295. a lentore cum frigore. 366. cum
calore. 375. ejus signa in Tertiana
continuâ. 426
Urina suppressa quid indicet. 48. 49.
a frigore cur pessima? 51. a rigore

praecipue in somno cur prava? 52.
alba vel pellucida in Phreniticis un-
de? 485. eam laboriosam futuram
quid indicet? 61
Vulnus vel percussio capitis quomodo
Phrenitidem excitare queat? 487

F I N I S.

E M E N D A N D A.

p. 37. l. 32. hypostasi. p. 72. l. 6. inanibus. p. 124. l. 16. desit. p. 241. l. 5. misso & 8.
augmentis. p. 288. l. 36. caloris. p. 350. l. 15. colorem. p. 367. l. penult. p. 376. l. 29.
frigidius. p. 414. l. 36. communius. p. 472. l. 11. clausuram. p. 498. l. 22. esus. p. 527.
l. 7. quasi. p. 551. l. 19. tremere valens. p. 557. l. 21. inediae. p. 612. l. 15. emissaria.
p. 649. l. 12. in marg. 4. p. 651. l. 21. talem.



CATALOGUS LIBRORUM,

Aliquot MEDICORUM,

Qui in Officina

K E R C K H E M I A N A,

Reperiuntur & Venduntur.

- A**meloveen Aphorismi Hippocratis, 24.
Almarius de Longitudine, Lond. 8.
Alpinus de Praefagienda Vita & Morte, 4.
— de Medicina Aegyptiorum, 4.
— de Medicina Methodica, 4.
Baglivii opera, Antverpiae 4. 1713
— opera, 2 voll. 8. 1719
Barchusen Elementa Chemiae. 4.
— Collecta Medicinae practicae, 8.
Bayle Institutiones Physicae. 3 voll.
Bellini de Urinis & Pulsibus. Editio quinta. 4. 1730
— Exercitationes Anatomicae. 4. 1726
— Opuscula aliquot ad Pitcarnium. 4. 1724
Bianchi Historia hepatica. 4. 2 voll.
Bennet Theatrum Tabidorum, 8.
Berengarius de Fractura Cranii, 8.
Blancardi Lexicon Medicum, 8.
Boerhaave Institutiones Medicae, 8.
— Aphorismi, 8.
— Materia Medica, 8.
— Atrocis nec descripti prius Morbi Historia, 8.
— Atrocis Rarissimique Morbi Historia Altera, 8.
Boneti Polialthes, 3 voll. Folio.
— Sepulchretum Anatomicum, 3 voll. Folio.
Bohn Circulus Anatomicus, 4.
Borellus de Motu Animal, 4.
Chesneau Observationes Medicae, 4.
Le Chirurgien d'Hospital, par Belloste, 12.
— *Idem in Duitfch, 8. Leiden 1725.*
Clerici Historia Naturalis, 4.
Deventer (Henr. a) Operationes Chirurgicae, 4.
Drelincurtii Opuscula Medica, Hagae Comitum 4. 1727
Descriptions des Os par Monsr. Petit, 12.
l'Emery. Cours de Chymie, 8.
Eugalenus de Scorbuto, 8.
Eustachii Tabulae Anatomicae, Folio.
Fabricii ad Aquapendente Opera Anatomica, Folio.
Garengoet Nouveau Traite des instrumens de Chirurgie, a la Haye 12.
— *Idem in Duitfch, 8.*
Graaf Opera Omnia Anatomica, 8.
Harris de Morbis infantum, 8.
Heisteri Compendium Anatomicum,

Hippocrates Foefii, Folio.

Hiftoire de la Medecine par le Clerc, a la Haye 1720

Hobocennii Anatomia Secundinarum, 8. 2 voll.

Hofmanni Differtationes Phyfico-Medicæ, 4 voll. 8.

Hollerius in Aphorifmos Hippocratis, 8.

Kerckringii Opera Omnia, 4.

Keill Introductionem ad veram Phyficam & veram Aftronomiam, 4. Lugd.

Bat. 1725

Langii Opera Omnia, 3 voll. Folio. Lipfiæ 1704

Leeuwenhoek Opera Omnia, 4 voll. 4.

Lommii Observationes Medicinales, Amft. 1726

— de Curandis Febribus, 8. Rott. 1720

Louwer Tractatus de Corde, 8.

Mangeti Bibliotheca Pharmaceutico Medica, 2. voll. Folio.

— Chemica, 2 voll. Folio.

Markgravii Materia Medica, 4

— Prodromus, 4.

Meriaan Hiftoria Infeftorum Surinamenfium, Fol.

Morgagni Epiftolæ Anatomicae duæ, 4. L. Bat. 1728

— Epiftola in Celfum, 4.

— Adverfaria Anatomica, 4. ibid.

Pharmacopea Alcmariana, 8.

— Amftelodamenfis, 12.

— Argentoratenfis, Folio 1725

— Leidenfis, 8.

— Londinenfis, 8. 1720

— Ultrajectina, 12.

Pitcarnii Opera Omnia, 2 voll. 4.

Petiti Observationes Medicæ, 8.

Pifonis Observationes & Concilia, 4.

Ramazzeni Opera Omnia, 4.

Redius de infeftis, 2 voll.

Riverius Reformatus, 2 voll. 8.

Rohaulti Tractatus Phyficus, 8.

S. Sanctorii Medicina Statica, 12.

S'Gravefande Phyfica, 2 voll. 4.

— Institutiones Newtonianæ, 8.

Sennertius Opera, 6 voll. Folio.

Severini de Recondita Abceffuum Natura, 4. 1725

— Trimembris Chirurgia, 4. 1725

Seydenham Opera Omnia. Editio Noviffima Indice locupletiore donata, 8. 1726

Stalpertii vander Wiel Observationes Rariores Medicæ, Anatomicae, Chirurgicae, 8. 2 voll. 1727

Thefaurus Secretorum Curioforum, 4.

Tulpii Observationes Medicæ, 8.

Vaillant Botanicon Parienfie, Folio L. Bat. 1727

Vefalii Opera Anatomica, Folio ibid. 1725

Veflingii Anatomia, 4.

Volkamerus Floræ Noribergenfis, 4.

Wepfer de Apoplexia, 8.

Zachiae Quaefiones Medicæ &c. 3 voll. Folio.

Et multi infuper alii Libri in Omni Facultate.







